

DS
735
.A2
T4
v.11

函史上編卷之十四

明肝郡鄧元錫纂

成哀平帝帝紀

孝成帝諱驚。元皇后王氏子也。自元帝太子時生。爲世嫡。宣皇帝愛之。字太孫。常置諸左右。及爲皇太子。好經書。寬博謹慎。初居桂宮。有急召。太子出龍樓門。不敢絕馳道西。至直城門。得絕。廼度。還入作室門。帝遲之。問故。以狀對。帝大說。其後幸酒樂燕樂。而定陶恭王有材藝。母傳昭儀又絕幸。元帝晚被疾。留好音樂。置輦鼓殿下。自臨軒檻上。隤銅丸。撾鼓聲中。嚴鼓之節。左右及後宮。

習知音者莫能爲定陶王亦能之帝數稱其材中庶子
史丹以駙馬都尉侍幃幄見親乃言曰凡所謂材者敏
而好學溫故知新皇太子是也若乃罷人於絲竹鼓鼙
之間則陳惠李微高於匡衡可相國也帝嘿然笑其後
中山哀王薨太子入弔哀王帝少弟與太子游學相長
大帝望見太子感念王悲不能自勝而太子前殊不衰
帝意大恨退發恚曰安有人不慈仁而可奉宗廟爲民
父母者乎丹時護太子家卽免冠頓首謝曰臣誠見陛
下哀痛中山王至感損太子當進見臣竊戒囑毋滯泣
感傷陛下心罪乃在臣臣當死帝意乃解已寢疾傳昭

儀及定陶王常在左右。而皇后太子希得見。疾稍侵。意忽忽不平。數問尚書。景帝時立膠東王故事。是時太子元舅陽平侯鳳爲衛尉侍中。與皇后太子皆憂懼。計莫知所出。冊以親密臣得視疾。候上間獨寢。直入卧內。頓首青蒲上。涕泣言。皇太子以適長立。積十餘年。名號繫於百姓。天下歸心。臣子見定陶王愛幸。今者道路流言。爲國生意。以爲太子有動搖之議。審若此。公卿以下必死爭。不奉詔。臣願先賜死。以示羣臣。天子素仁。不忍見冊涕泣。言切至。意大感。喟然太息曰。吾日困劣。而太子兩王幼少。意中戀戀。亦何能不念乎。然無有此議。且皇

后謹慎先帝又愛太子吾何可違旨駙馬都尉安所受
斯語卅卽頓首曰愚臣妄聞罪當死上因慰納卅曰病
寢加恐不能自還幸善輔導太子卅噓唏而起太子繇
是遂定及卽位尊皇太后曰太皇太后皇后曰皇太后
以元舅陽平侯王鳳爲大司馬大將軍領尚書事葬渭
陵有司言乘輿車牛馬禽獸以葬皆非禮不宜用奏可
赦建始元年春丞相御史條奏中書令顯并黨與罪狀

顯免官歸故郡憂慙道死

司隸校尉王尊劾奏丞相衡御史大夫譚知顯顯權擅勢

作威福爲海內患害不以時白奏行罰而阿諛曲從附
下罔上懷邪迷國無大臣輔政之義在赦令前赦後舉
奏顯不自陳不忠而反揚著先帝任用傾覆之徒妄言
百官畏之甚於主上卑君尊臣非所宜稱於是衡慙懼

免冠謝天子以新即位重傷大臣優詔慰黃之有星字干營室罷上林詔獄賜諸侯王丞相將軍

列侯至吏二千石黃金宗室諸官吏千石以下至二百石及宗室子有屬籍者三老孝弟力田鰥寡孤獨錢帛各有封舅王崇為安成侯賜譚商立根逢時爵關內侯

夏四月黃霧四塞

六月有青蠅無萬數集未央官殿中朝者坐八月有兩月相承晨見東方

九月有流星光燭地長四五丈蛇形貫紫宮

秋作長安南北郊罷甘泉汾陰

祠是日大風拔甘泉時中大木十圍以上詔郡國災什

四以上毋收田租二年春正月罷雍五畤始郊祀長安

南皆從匡衡議事具禮儀志

以渭城延陵亭部為初陵

三月北宮始井水溢出

祠后土于北郊立皇后許氏

帝自為太子時以好色聞及即位皇太后詔采良家

女備後宮杜欽說王鳳曰禮天子一娶九女所以廣嗣重祖也舉其窈窕不問華色所以助德理內也娣姪雖

缺不復補所以養壽塞爭也故后妃有貞淑之行則胤嗣有賢聖之君制度有威儀之節則人君有壽考之福廢而不繇則女德不厭女德不厭則壽命不究於高年男子五十好色未衰婦人四十容貌改前以改前之容侍未衰之年而不以禮爲制則其原不可救而後徠異態後徠異態則正后自疑而妾庶有奪適之心是以晉獻納讒申生蒙辜今聖主富於春秋未有適后方鄉術入學未親后妃之時將軍宜因始初之隆建九女之制詳擇行義之家求淑女之賢母必有聲色技能爲萬世大灋夫少戒之在色小弁之作可爲寒心唯將軍常以爲憂鳳白之太后太后以爲故事無秋罷太子博望苑有鳳不能自立循故事而已夏大旱秋罷太子博望苑

減乘輿廐馬三年

春赦天下徒賜孝弟力田爵二級逋租賦所振貸勿收

秋關內

大水流殺人民詔戒苛暴深刻吏遣諫大夫林等循行

天下

時關內雨四十餘日京師民相驚言水至奔走相蹂躪犬將軍鳳以爲太后與帝及後宮可御船令

吏民上城避水左將軍王商獨曰自古無道之國小猶不冒城郭今何因當有大水一日暴至此必讒言不宜

令上城重驚百姓帝乃止有頃稍定問之果說言帝於是美壯商固守數稱其議而鳳大慙恨冬十二

月朔日觸夜地震未央宮詔舉賢良方正能直言極諫

之士

待詔谷永對曰臣聞明王卽位正五事建大中以承天心則庶徵序於下日月理於上如人君淫溺

後宮盤樂遊田五事失於躬大中之道不立則咎徵降而六極至災異之發各象過失以類告人乃十二月朔

戊申日食嫫女之分地震蕭牆之內二者同日俱發以丁寧陛下厥咎不遠宜厚求諸身意豈陛下志在閨門

未卹政事不慎舉錯屢失中與內寵太盛女不遵道嫉妬專上妨繼嗣與經曰皇極皇建其有極傳曰皇之不

極是謂不建時則有日月亂行陛下踐至尊之祚爲天下主奉帝王之職以統羣生方內之治亂在陛下所執

誠留意於正身勉強於力行損燕私之閒以勞天下放去淫溺之樂罷歸倡優之笑絕却不享之義慎節游田

之虞起居有常循理而動躬親政事致行無倦安服若性經曰繼自今嗣王其毋淫于酒毋逸于游田惟正之

供未有身治正而臣下和者也夫妻之際王事綱紀安危之機聖王所致慎也昔舜飭正二女以崇至德楚莊

忍絕卅姬以成伯功。幽王惑於褒姒。周德降。二畧桓脅於齊女。社稷以傾。誠脩後宮之政。明尊卑之序。貴者不得嫉妬。專寵以絕驕嫚之端。抑褒詆之亂。賤者咸得秩進。各得厥職。以廣繼嗣之統。息自華之怨。後宮親屬。饒之以財。勿與政事。以遠皇父之顙。損妻黨之權。未有閨門治而天下亂者也。治遠自近。始習善在左右。昔龍荒納言。而帝命惟允。四輔既備。成王靡有過事。誠敕正左右。齊栗之臣。戴金貂之飾。執常伯之職者。皆使學先王之道。知君臣之義。濟濟謹乎。無傲戲驕恣之過。則左右肅艾。羣僚仰瀟。化流四友。經曰。亦惟先正克左右。未有左右正而百官枉者也。治天下者。尊賢考功。則治。簡賢遠功。則亂。誠審思治人之術。歡樂得賢之福。論材選士。必試於職。明度量以程能。考功實以定德。無用比周之虛譽。毋聽浸潤之譖。則抱功修職之吏。無蔽傷之憂。比周邪僞之徒。不得即工。小人日銷。俊乂日隆。經曰。三載考績。三考黜陟幽明。又曰。九德咸事。俊乂在官。未有功賞得於前。衆賢布於官。而不治者也。堯遭洪水之災。天下分絕。爲十二州。制遠之道微。而無乖畔之難者。德厚恩深。無怨於下也。秦居平土。一夫大呼。而海內崩析者。刑罰深。吏行殘賊也。夫遠天害德。爲上取怨於下。

莫甚乎殘賊酷吏誠放退殘賊酷暴之吏廢錮勿用益
選溫良上德之士以親萬姓平刑釋冤以理民命務省
繇役毋奪民時薄收賦稅毋殫民財使天下黎元咸安
家樂業不苦踰時之役不患苛暴之政不疾酷烈之吏
雖有唐堯之大災民無離上之心經曰懷保小民惠于
鰥寡未有德厚吏良而民畔者也臣聞災異皇天所以
譴告人君過失猶嚴父之明誠畏懼敬改則禍銷福降
忽然簡易則咎罰不除經曰享用五福威用六極傳曰
六沴作見若不共禦六罰既侵六極具下今三年之間
災異蠶起小大畢具所行不享上帝不豫炳然甚著不
求之身無所改正疏舉廣謀又不用其言是循不享之
迹無謝過之實也天責愈深此五者王事之綱紀南面
之急務惟陛下
留神越雋山崩丞相匡衡免坐多取封邑四百頃免為庶人四年春正月
隕石于亳四
于肥
罷中書宦官初置尚書員五人以王商為

丞相夏四月雨雪秋桃李
實河決東郡金隄河平元年九
年河隄使者較

長四丈大九圍盛小石兩船夾載下之三十六日
而隄成賜爵關內侯改元河平賜天下吏民爵
夏四

月晦日饗。既詔百官脩職。惇任仁人。退遠殘賊。陳過失。

無有所諱。秋。徙太上皇寢廟園。

給事中平當言。太上皇漢始祖。廢其寢廟園。非

是。帝亦以無繼嗣復之。

減死刑。省律令。二年。

春正月。沛郡鐵官冶鐵飛。

夏。封舅。

譚商立根。逢時皆列侯。三年。

春。犍為地震。山崩。雍江。水逆流。秋八月。晦日饗。

年春。

匈奴單于來朝。赦天下徒。賜孝弟力田爵二級。諸逋租賦。所振貸勿收。三月朔日饗。

遣光祿。

大夫博士嘉等十一人行。灝河郡毀傷困乏。不能自有。

者。財振貸。其為水涸。壓死不能葬者。令郡國給槨。櫬。基。

埋已葬者。與錢人二千。避水它郡國在所。冗食之。

如淳曰。散。

著人間給食之。

謹遇無令失職。舉惇厚有行能。直言之士。

長陵臨涇。

岸崩。雍涇水。

夏。收丞相樂昌侯商印綬。商憂卒。以張禹為丞。

相。山陽火生陽朔元年。九年春二月晦日饌二年秋關東大水詔

民流入函谷天井壺口五阮關者勿苛留遣諫大夫博

士分行視詔丞相御史與中二千石二千石雜舉明古

今溫故知新通達國體可充博士位者三年。春隕石東郡八夏

潁川鐵官徒作亂捕逐伏辜秋八月大將軍鳳薨以王

音為大司馬車騎將軍王譚位特進領城門兵。鳳疾病帝臨問

執手涕泣曰將軍病如不可言平阿侯譚次將軍矣鳳頓首泣曰譚等雖至親行皆奢潛不如御史大夫音謹

敕臣敢以死保之初譚倨不肯事鳳而音敬鳳卑恭四如子故鳳薦之鳳薨帝以音代鳳繇是譚音不相平

年春詔二千石勉勸農桑出入阡陌致勞來劭農。夏四月雨

雪鴻嘉元年。十三春帝始為微行。從期門郎或私奴或乘小車或皆騎出入

市里郊野。遠至旁縣。鬪雞走馬。常自稱富平侯。家人富平侯者。侍中張放也。時特幸。故稱。三月。丞相

禹罷。以老病罷朝。朔望賞賜甚厚。夏。以薛宣爲丞相。遣諫大夫理等。

舉三輔三河弘農。寃獄公卿大夫部刺史。敕守相稱朕

意。省刑。以新豐戲鄉爲昌陵。冬。黃龍見真定。二年春。詔舉敦厚

有行義能直言者。博士行飲酒禮。有雉蜚集於庭。歷皆升堂而雊。後集諸府。又集承明殿。事

具災具災。夏。徙郡國豪桀。貲五百萬以上五千戶于昌陵。三

年。夏。大旱。秋。孝景廟闕災。冬。皇后許氏廢。廣漢盜起。四年春。遣使

者循行郡國。被災害什四以上。民貲不滿三萬者。勿出

租賦逋貸未入。皆勿收。流民欲入關。輒籍內。所之郡國

謹遇。全活之。秋。渤海清河河溢。被災者振貸之。冬。廣漢

盜平。

拜河東都尉趙護爲廣漢太守，發郡中及蜀郡合三萬人擊之，或相捕斬除罪，旬月平。遷護爲執金

吾。

永始元年

十七年春，太官凌室火。

夏，封趙婕妤父臨爲成陽侯。

五月，封太后弟子莽爲新都侯，立皇后趙氏。秋七月，詔

曰：朕執德不固，謀不盡下，過聽將作大匠萬年言，昌陵

三年可成，作治五年。中陵司馬殿門內尚未加功，天下

虛耗，百姓罷勞，客土疏惡，終不可成。朕惟其難，怛然傷

心，夫遇而不改，是謂過矣。其罷昌陵，反故陵，勿徙吏民。

令天下毋有動搖之心。

光祿大夫向以還歸初陵，而制度素奢，上疏諫曰：臣聞易曰：安

不忘危，存不忘亡，是以身安而國家可保也。故賢聖之君，博觀終始，窮極事情，而是非分明，王者必通三統，明天命所授者，博非獨一姓也。孔子論詩，至於殷士膚敏，裸將于京，喟然歎曰：大哉天命，善不可不傳于子孫，是

以富貴無常，不如是，則王公何以戒慎？民萌何以勸勉？蓋傷微子之事周，而痛殷之亡也。雖有堯舜之聖，不能化丹朱之子；雖有禹湯之德，不能訓末孫之桀紂。自古及今，未有不亡之國也。昔高皇帝既滅秦，將都雒陽，感寤劉敬之言，自以德不及周，而賢於秦，遂徙都關中，依周之德，因秦之阻，世之長短，以德爲効。故常戰栗，不敢譁。孔子所謂富貴無常，蓋謂此也。孝文皇帝居霸陵，北臨廁，意悽愴悲懷，顧謂群臣曰：嗟夫，以比山石爲槨，用紵絮斲陳漆其間，豈可動哉？張釋之進曰：使其中有何可欲，雖錮南山，猶有隙，使其中無可欲，雖無石槨，又何感焉？夫死者無終極，而國家有廢興，故釋之之言爲無窮計也。孝文寤焉，遂薄葬，不起山墳，棺槨之作，自黃帝始。黃帝葬於橋山，堯葬濟陰丘隴，皆小葬，具甚微。舜葬蒼梧，二妃不從，禹葬會稽，不改其列。殷湯無葬處，文武周公葬於畢，秦穆公葬橐泉宮，槨里子葬於武庫，皆無丘隴之處。此聖帝明王，賢君智士，遠覽獨慮，無窮之計也。其賢臣孝子，亦承命順意而薄葬之。此誠奉安若父，忠孝之至也。夫周公、武王弟也，葬兄甚微。孔子葬母於防，曰：古墓而不墳，丘，東西南北之人也，不可不識也。爲四尺墳，遇雨而崩。弟子修之，孔子流涕曰：吾聞之，古不

脩墓蓋非之也。延陵季子適齊而反，其子死，葬之贏博之間，穿不及泉，厥以時服，封墳掩坎，其高可隱，而號曰：骨肉歸復於土，命也。魂氣則無不之也。夫贏博去吳千有餘里，季子不歸葬，孔子往觀，曰：延陵季子於禮也合矣。故仲尼孝子，而延陵慈父，舜禹忠臣，周公弟弟，其葬骨肉皆微薄矣，非苟爲儉，誠便於體也。宋桓司馬爲石槨，仲尼曰：不如速朽。吳王闔閭遠禮厚葬，十有餘年，越人發之，及秦惠文武昭莊襄五王，皆大作丘壙，多其瘞藏，咸盡發掘，暴露，甚足悲也。秦始皇帝葬于驪山之阿，下鑿三泉，上崇山墳，其高五十餘丈，周回五里有餘，石槨爲游館，人膏爲燈燭，水銀爲江海，黃金爲鳧鴈珍寶之藏，機械之變，棺槨之麗，宮館之盛，不可勝原。又多殺宮人，生薶工匠，計以萬數，天下苦其役而反之。驪山之作未成，而周章百萬之師至其下矣。項籍燔其宮室營宇，往者咸見發掘，其後牧兒亡羊，羊入其鑿，牧者持火照求羊，失火燒其藏槨，自古及今，葬未有盛如始皇者也。數年之間，外被項籍之災，內罹牧豎之禍，豈不哀哉！是故德彌厚者葬彌薄，知愈深者葬愈微，無德寡知其葬愈厚，丘隴彌高，宮廟甚麗，發掘必速，繇是觀之，明暗之效，葬之吉凶，昭然可見矣。周德旣衰而奢侈，宣王賢

而中興儉官室小、寢廟詩人美之、斯于之詩是也、上章道宮室之如制、下章言子孫之衆多也、及魯莊公刻歸宗廟、多築臺囿、後嗣再絕、春秋刺焉、周宣如彼而昌、魯秦如此而絕、則是奢儉之得失也、陛下即位、躬親節儉、始營初陵、其制絕小、天下莫不稱賢、及徙昌陵、增卑爲高、積土爲山、發民墳墓、積以萬數、營起邑居、期日迫卒、功費大萬百餘、死者恨於下、生者愁於上、怨氣感動陰陽、因之以饑饉、物故流離、以十數萬、臣甚懼焉、以死者爲有知、發人之墓、其害多矣、若其無知、又安用大謀之、賢知則不說、以示衆庶則苦之、若苟以說愚夫淫侈之人、又何爲哉、陛下慈仁篤美、甚厚、聰明疏達、蓋世、宜弘漢家之德、崇劉氏之美、光昭五帝三王、而顧與暴秦亂君競爲奢侈、此方丘隴、說愚夫之目、騭一時之觀、違賢知之心、亡萬世之安、臣竊爲陛下羞之、唯上覽明聖黃帝堯舜禹湯文武周公仲尼之制、下觀賢知穆公延陵、槁里張釋之之意、孝文皇帝去墳薄葬、以儉安神、可以爲則、秦昭始皇增山厚藏、以侈生害、足以爲戒、初陵之撫、宜從公卿大臣之議、以息衆庶、書奏、帝甚感其言而

不能

八月太皇太后王氏崩

宣帝王皇后也

二年春大司馬車

騎將軍音卒。二月。癸未夜，星晦日。鴈黑龍見東萊。詔公

卿申敕百寮。深思天誠。有可省減。便安百姓者。條奏。所

振貸貧民勿收。谷永諫見冬十一月。策免丞相宣。以翟

方進為丞相。邛成太后崩。喪事倉卒。吏賦歛趨辦。上以

執金吾已群臣多舉方進。可相者。上亦罷其能。擢為相。

方進明經術。然為吏刻深。任勢立威。峻文深詆。所中傷

甚。三年。春正月。晦日。鴈遣太中大夫嘉等循行天下。存

義者各冬。復甘泉。泰時。汾陰。后土。雍五時。陳倉。陳寶祠。

見禮儀志尉氏盜。山陽鐵官徒作亂。捕斬之。四年春。幸甘泉。

郊泰畤。幸河東祠后土。自是歲一行。賜吏民如故事。夏

霸陵園門闕皆災。出杜陵諸未嘗御者歸家。元延元年。二十一年。春正月朔。日。鴈。夏。無雲。有雷聲。

光耀四面下至地冬大司馬大將軍商卒以王根為大

司馬驃騎將軍

商薨紅陽侯立當次輔政先是立使客於南郡占懇草田數百頃入縣官而貴

取其直一萬以上

二年無事

三年

春蜀郡岷山崩雍江三日江水竭

四年

綏和元年

二十五年

春立定陶王欣為皇太子

賜諸侯王列侯金天下當

為父後者魯三老孝弟力田帛各有差

封孔吉為殷紹嘉侯及周承休侯

進爵為公夏建三公官

御史大夫武言未俗事煩宰相材不及古而獨兼三公之事所

以不治宜建三公官從之以王根為大司馬二年春燬罷驃騎將軍官武為大司空與丞相為三公

惑守心賜丞相方進冊讓自殺秘之遣九卿冊贈印綬

賜乘輿秘器親臨弔數至禮賜絕他相厭大異焉

具災異志

三月帝崩

壽四十六

皇太后詔有司復長安南北郊四月葬

成帝善脩容。臨朝淵嘿。尊嚴若神。有穆穆天子之
修。博覽古今。容受直辭。公卿稱職。奏議可述。遭世承平。
上下和睦。然湛于酒色。建始初。石顯既廢死。匡丞相善
柔自將。日講於稽古禮文之事。而大權一歸大將軍。帝
謙謙。大將軍顯甚。左右嘗薦宗室子歆入侍。帝說之。欲
以爲中常侍。召取衣冠。臨當拜。左右皆曰。未曉大將軍。
帝曰。此小事。何須關大將軍。左右叩頭爭。以語鳳。鳳踈
忌宗室。竟不可。乃止。而王氏子弟譚平阿侯。商成都侯。
立紅陽侯。根曲陽侯。逢時高平侯。五人同日封。世謂之
五侯。分據執要滿朝廷。丞相商者。宣帝母悼后同產子。

也敦厚有威重。元帝時。嗣父侯以大臣薦行可厲群臣。
義足厚風俗。擢侍中。爲天子敬重。以得相。琅邪太守楊
彤與王鳳連昏。郡有災害。商按問。鳳爲請不得。奏免彤。
奏寢不下。而鳳顧怨商。陰使人告商淫亂事。天子以爲
暗昧之過。不足傷大臣。鳳固爭。下其事。司隸張匡素佞
巧。承鳳指。上書極詆商。有司請召詰詔獄。帝知匡多詆
誣。勿聽治。鳳固爭。收丞相印綬。商發病。歐血薨。時帝無
繼嗣。體常不平。定陶共王來朝。太后與帝承先帝意。遇
共王甚厚。不復以往事爲纖介。畱京師。帝謂共王曰。我
未有子。人命不諱。一朝有他。且不復相見。爾長畱侍我。

矣。後疾有瘳。其王留邸。鳳心不便之。會日食。因言日食陰盛之象。定陶王當奉藩在國。今留侍京師。詭正非常。故天見異災。宜遣之國。帝不得已許之。王辭去。與涕泣而決。京兆尹王章素剛直。敢言。雖爲鳳所舉。心非鳳專權。不親附鳳。奏封事論日食之咎。歸遇鳳。帝召見延問。章對曰。天道聰明。佑善而災惡。以瑞異爲符效。陛下以未有繼嗣。引近定陶王。所以承宗廟。重社稷。上順天心。下慰百姓。此正義善事。當有瑞應。奈何致異。異災之發。陰侵陽。臣顓君之咎也。今政事大小。皆自大將軍。天子曾不壹舉手。大將軍不內省責。猥歸日食之咎於定陶。

王自遣之國。苟欲使天子孤立於上。顓擅朝事。以便其私。非忠臣也。且鳳誣罔不忠。非一事也。前丞相商。內行篤。有威重。位歷將相。國家柱石臣也。守正不隨。爲鳳所罷。身以憂死。衆庶愍之。又鳳知其小婦弟張美人。已嘗適人。於禮不宜配御至尊。託以爲宜子。內之後宮。苟以私其妻弟。且羗胡尚殺首子。以盪腸正世。况於天子而近已出之女乎。此三者皆大事。陛下所自見。足以知其餘。及他所不見者。宜退鳳使就第。選忠賢代之。自鳳白罷商。及遣定陶王。帝頗不能。

司章言。感寤納之。謂

章曰。徵京兆尹直言。吾不聞社稷計。且唯賢知賢。君試

爲朕求可以自輔者。於是章薦琅琊太守馮野王。忠信
質直。有智謀。帝自爲太子時。數聞野王名。大然之。於是
信幸章。每召見。輒辟左右與密語。鳳從子音侍中。側聽
聞之。以謂鳳。鳳憂懼。稱病出就第。上疏乞骸骨。辭旨甚
哀。太后聞之。爲涕泣不食。帝少親倚鳳。弗忍。乃優詔報
鳳。彊起之。鳳謝不起。於是帝使尚書劾章。知野王前以
王舅出補吏。而私薦之。阿諸侯。又知張美人體御至尊。
而妄稱引羗殺子。盪腸非所宜言。欲以快鳳心。於是廷
尉文致章大逆。死獄中。妻子徙合浦。章泰山
鉅平人時光祿大
夫劉更生復用。更名向。以大異數作。爲鳳兄弟用事之。

應而帝方精詩書觀古文。乃集合上古以來。歷春秋六國至秦漢。符瑞災異之記。推迹行事。連傳禍福。著其占驗。條爲十一篇。號曰洪範五行傳。論奏之。天子心知向忠精。爲鳳兄弟起此論也。然終不能奪王氏權。久之。向發憤謂關內侯湯曰。災異如此。而外家日甚。漸必危劉氏。吾身爲宗室遺老。歷事三世。上以我先帝舊臣。每進見。常加優禮。吾而不言。孰當言者。遂上封事。極諫曰。臣聞人君莫不欲安。然而常危。莫不欲存。然而常亡。失御臣之術也。夫大臣操權柄。持國政。未有不爲害者也。昔晉有六卿。齊有田崔。衛有孫甯。魯有季孟。常掌國事。世

執朝柄。終後田氏取齊。六卿分晉。崔杼弑其君光。孫林父甯殖出其君衎。弑其君剽。季氏舞八佾於庭。三家者以雍徹。竝專國政。卒逐昭公。周大夫尹氏筦朝事。濁亂王室。子朝子猛更立。連年乃定。故經曰。王室亂。又曰。尹氏殺王子克。甚之也。春秋舉成敗。錄禍福。如此類。甚衆。皆陰盛而陽微。下失臣道之所致也。故書曰。臣之有作威作福。害于而家。凶于而國。孔子曰。祿去公室。政逮大夫。危亡之兆。秦昭王舅穰侯及涇陽華陽君。專國擅勢。上假太后之威。三人者。權重於昭王。家富奉國。國甚危殆。賴寤范雎之言。而秦復存。二世委任趙高。專權自恣。

壅蔽大臣。終有閭樂望夷之禍。秦遂以亡。近事不遠。卽漢所代也。漢興。諸呂無道。擅相尊王。呂產。呂祿。席太后之寵。據將相之位。兼南北軍之衆。擁梁趙王之尊。驕盈無厭。欲危劉氏。賴忠正大臣絳侯。朱虛侯等竭誠盡節。以誅滅之。然後劉氏復安。今王氏一姓。乘朱輪華轂者二十三人。青紫貂蟬。充盈幄內。魚鱗左右。大將軍秉事用權。五侯驕奢僭盛。並作威福。擊斷自恣。行汙而寄治。身私而託公。依東宮之尊。假甥舅之親。以爲威重。尚書九卿州牧郡守。皆出其門。筦執樞機。朋黨比周。稱譽者登進。忤恨者誅傷。游談者助之說。執政者爲之言。排擯

宗室孤弱公族。其有智能者。尤非毀遠絕。不令得給事。朝省。恐其與之分權。數稱燕王。蓋主以疑上心。避諱呂。霍而弗肯稱。內有管蔡之萌。傳周公之論。兄弟據重。宗室盤互。歷上古至秦漢。外戚僭貴。未有如王氏者也。雖周皇甫。秦穰侯。漢武安。呂霍。上官之屬。皆不及也。物盛必有非常之變。先見爲其人徵象。孝昭帝時。冠石立於泰山。仆桺起於上林。而孝宣帝卽位。今王氏先祖墳墓在濟南者。其梓柱生枝葉。扶疏上出屋根。垂地中。雖立石起柳。無以過此之明也。事勢不兩大。王氏與劉氏亦且不並立。如下有泰山之安。則上有累卵之危。陛下

爲人子孫。守持宗廟。而令國祚移於外親。降爲皂隸。縱不爲身。奈宗廟何。婦人內夫家。外父母家。此亦非皇太后之福也。孝宣皇帝不與舊平昌樂昌侯權。所以全安之也。夫明者起福於無形。銷患於未然。宜發明詔。吐德音。援近宗室。親納直言。黜遠外戚。毋授以政。皆罷令就第。以則效先帝之所行。厚安外戚。全其宗族。誠東宮之意外家之福也。王氏永存。保其爵祿。劉氏長安。不失社稷。所以褒睦內外之姓。無疆之計也。如不行此。田氏復見於今。六卿必起於漢。爲後嗣憂。昭昭甚明。不可不深圖。不可不蚤慮。易曰。君不密則失臣。臣不密則失身。幾

事不密則害成。惟陛下深留聖思。審固幾密。居萬安之
實用。保宗廟。久承皇太后天下幸甚。書奏。天子召向歆
息。悲傷其意。曰。君且休矣。吾將思之。會吏民以日食地
震。應詔上封事。皆以爲王氏所致。帝未有以明也。安昌
侯張禹授帝經。見隆信。帝乃辟左右問之。禹自見年老。
子孫弱。欲自託於王氏。乃謂帝曰。春秋二百四十二年
間。日蝕三十餘。地震五十六。或爲諸侯相殺。或夷狄侵
中國。災變之意深遠難見。故聖人罕言命。不語怪神。性
與天道。自子貢之屬不得聞。何況淺見鄙儒之所言。陛
下宜脩政事以善應之。與臣下同其福善。此經意也。新

學小生。亂道誤人。宜以經術斷之。而大中大夫永知鳳
方柄用。亦欲陰自託。乃䟽專攻上身及後宮。且言今四
夷賓服。三垂晏然。靡有兵革之警。諸侯大者乃食數縣。
漢吏制其權。不得有爲。下吳楚燕梁之執。百官盤立。親
䟽相錯。骨肉大臣有申伯之忠。洞洞屬屬。小心畏忌。無
重合安陽博陸之亂。不可歸咎無辜。重失天心。不可之
大者也。禹帝師。永名儒。皆挾持浮說。爲王氏帝繇。此信
王氏益專。久之。五侯爭以奢侈相尚。成都侯商嘗病。從
帝借明光宮避暑。後又穿城引水。注第中大陂以行船。
帝見而銜之。後微行過曲陽侯。見園中土山漸臺。象白

虎毀。於是發怒。以讓車騎將軍。旨使尚書責問司隸京兆。知商等奢僭不軌。阿縱不舉奏。商根懼。欲自黥劓。以謝帝。賜音策書曰。外家何甘樂禍敗。而欲自黥劓。相戮辱於太后前。傷慈母之心。以危亂國家。今將一施之。君其召諸侯待令府舍。是日詔尚書奏文帝時誅將軍薄昭故事。音藉豪請罪。商立根皆負斧質謝。良久乃已。然帝特恐之。實無意誅也。元延中。星孛東井。蜀郡岷山崩。壅江。光祿大夫向大惡之。以爲亡徵。懼不能已。復上奏言。臣聞伯禹戒帝舜。毋若丹朱敖。周公戒成王。毋若殷王紂。詩曰。殷監不遠。在夏后之世。亦言湯以桀爲戒也。

聖帝明王。常以敗亂自戒。不諱廢興。故臣敢極陳其愚。
謹按春秋二百四十二年。日蝕三十六。襄公尤數。率三
歲五月有奇。而壹食。漢興訖。竟寧。孝景帝尤數。率三歲
一月而一食。臣向前數言日當食。今連三年比食。自建
始以來。二十歲間而八食。率二歲六月而一食。古今罕
有。異有。小大希稠。占有舒疾。緩急。聖人所以斷疑也。易
曰。觀乎天文。以察時變。昔孔子對魯哀公。並言夏桀殷
紂。暴虐天下。故歷失。則攝提失方。孟陬無紀。此皆易姓
之變也。秦始皇之末。至二世時。日月薄食。山陵淪亡。辰
星出於四孟。太白經天而行。無雲而雷。枉始夜光。熒惑

襲月。孽火燒宮。野禽戲廷。都門內崩。長人見臨洮石墮。
東郡。星孛大角。大角以亡。觀孔子之言。考暴秦之異。天
命信可畏也。及項籍之敗。亦孛大角。漢之入秦。五星聚
于東井。得天下之象也。孝惠時。有雨血。日食於衝。滅光
星見之異。孝昭時。有泰山卧石自立。上林僵柳復起。大
星如月西行。衆星隨之。此孝宣興起之表。天狗夾漢而
西。久陰不雨者二十餘日。昌邑不終之異也。皆著於漢
紀。觀秦漢之易世。覽惠昭之無後。察昌邑之不終。視孝
宣之紹起。天之去就。豈不昭昭然哉。高宗成王。亦有離
雉拔木之變。能思其故。故高宗有百年之福。成王有復

風之報。神明之應。應若景嚮。世所同聞也。臣幸得託末
屬。誠見陛下寬明之德。冀銷大異。而興高宗成王之聲。
以崇劉氏。故猥^懇猥數干死亡之誅。今日食尤屢。星孛
東井。攝提。炎及紫宮。有識長老。莫不震動。此變之大者
也。易曰。書不盡言。言不盡意。是以設卦指爻而復說義。
書曰。佂來以圖。天文難以相曉。臣雖圖上。猶須口說。然
後可知。願賜清燕之間。指圖陳狀。帝輒入之。然終不能
用也。初元帝傷母恭哀后居位淺而遭大故。爲太子選
婚。必於許氏。而許皇后得立。以專寵後宮。希得進。中外
皆憂帝無繼嗣。故劉向杜欽谷永等。論災異皆著之後。

宮。其後寵衰。怨望爲祝詛。廢處昭臺宮。趙婕妤者。陽阿公主家歌舞兒。趙飛燕也。特幸。爲婕妤。帝欲立爲皇后。皇太后嫌其所出微。意難之。太后姊子淳于長往來通語。歲餘。乃得許。諫大夫劉輔言。臣聞天之所興。必先賜以符瑞。天之所違。必先降以變災。此自然之驗也。昔武王周公。承順天地。以饗魚鳥之瑞。然猶君臣祗懼。動色相戒。况於季世。不蒙繼嗣之福。屢受威怒之異者乎。雖夙夜自責。改過易行。畏天命。念祖業。妙選有德之世。考卜窈窕之女。以承宗廟。順神祇。心塞天下。望子孫之祥。猶恐晚暮。今乃觸情縱欲。傾於卑賤之女。欲以母天下。

不畏于天。不媿于人。惑莫大焉。里語曰。腐木不可以爲
柱。卑人不可以爲主。夫人之所不予。必有禍而無福。市
道皆共知之。朝廷莫肯一言。臣竊傷之。不敢不盡死書
奏。詔收繫掖庭秘獄。於是將軍辛慶忌廉褒。光祿勳師
丹。大中大夫谷永。具上書曰。臣聞明主垂寬容之聽。不
罪狂狷之言。然後百僚竭忠。不懼後患。竊見劉輔前以
縣令求見。擢爲諫大夫。旬月之間。下秘獄。臣等愚以爲
輔幸得託公族之親。在爭臣之列。新從下土來。未知朝
廷之體。冒觸忌諱。不足深過。如有大惡。宜暴治理官。與
衆共之。今天心未豫。災異屢降。水旱迭臻。正當降寬廣

問。褒直盡下之時也。而行慘急之誅於諫爭之臣。公卿以下。苟見陛下進用輔弼。而折傷之暴。人有懼心。精銳銷悞。莫敢盡節。非所以昭有虞之聽。廣德美之風也。臣等竊深傷之。乃徙輔繫其工獄。減死一等。論爲鬼薪。后旣立。寵少衰。而女弟絕。幸爲昭儀。居昭陽宮。宮皆以黃金白玉明珠翠羽飾之。自有後宮來未有也。后居別館。淫縱。冀得子。然卒無子。而後宮就館者廢不育。會災異數起。帝使尚書問京州刺史永所欲言。永對曰。臣聞王天下有國家者。患在上。有危亡之事。而危亡之言不得上聞也。三代所以隕卷者。皆繇婦人與羣惡。沈湎於酒。

秦所以亡者。養生泰奢。奉終泰厚也。二者陛下兼而有之。臣請畧陳其效。建始河平之際。許班之貴。熏灼四方。女寵至極。不可上矣。今之後起。什倍於前。廢先帝法度。驕其親屬。假之威權。從橫亂政。刺舉之吏。莫敢奉憲。又以掖庭獄。大爲亂阱。撈箠瘠於炮烙。絕滅人命。主爲趙李報德復怨。是以日食再旣。以昭其辜。王者先必自絕。然後天絕之。陛下棄萬乘之至貴。樂家人之賤事。厭高美之尊號。好匹夫之卑字。崇聚僇輕無義小人。以爲私客。數離深宮之固。挺身相隨。烏集吏民之家。亂服共坐。沈湎嬖嬖。典門戶奉宿衛之臣。執干戈而守空宮。公卿

百僚不知陛下所在。積數年矣。王者以民爲基。民以財爲本。財竭則下畔。下畔則上亡。陛下輕奪民財。不愛民力。去高敞初陵。改作昌陵。靡敝天下。五年不成而後反。故百姓怨恨。飢饉仍臻。上下俱匱。無以相救。漢興九世。繼體之主。皆承天順道。遵先祖法度。陛下獨違道縱欲。輕身妄行。爲人後嗣。守人功業。如此豈不負哉。痛切至於此。帝性寬好文。雖其盛怒。然終不罪也。帝嘗與張放等宴禁中。引滿舉白。談笑大噱。侍中班伯以久疾新起。入見帝。帝幄所坐屏風。畫紂醉踞妲己。作長夜飲狀。帝指而問曰。紂爲無道。壹至是乎。伯對曰。書稱殷王受。用

婦人之言而止。亦何至踞肆於朝若是乎。所謂衆惡歸之。不如是之甚者也。帝曰。即如是。此何以圖。對曰。沈湎于酒。微子所以告去也。式號式噉。大雅所以流亡也。詩書淫亂之戒。其原皆在於酒。帝喟然嘆曰。久不見班生。今復聞謹言。然不能自克。竟湛於欲而崩。帝素彊無疾。楚王梁王朝。旦當辭去。又欲拜孔光爲丞相。刻侯印書贊。已昏夜平善。鄉晨欲起。不能言而崩。民間謹傳歸罪趙昭儀。皇太后詔太司馬莽雜治。問皇帝起居發病狀。昭儀自殺。

孝哀皇帝

諡

定陶恭王子也。母丁姬。爲元帝庶孫。年三

成帝少弟中山孝王亦來朝。獨從傳。帝怪之。以問定陶王。對曰。令諸侯王朝。得從其國二千石。傳相中尉皆國二千石。故從之。令誦詩。通習能說。他日問中山王獨從傳者。何不能對。令詢尚書。又廢。及賜食。後飽起。襪係解。帝以爲不能。而賢定陶王。數稱其材。時土祖母傳太后。隨王來朝。私賂遺帝所。幸趙昭儀。及帝舅曲陽侯根。昭儀及根見帝亡子。亦欲豫自結爲長久計。皆更稱定陶王賢。勸帝以爲嗣。帝爲加元服而遣之。時年十七矣。明年。帝召丞相御史將軍議立後。皆嚮帝意。以爲莫如定

陶王御史大夫光獨以爲中山王先帝子。帝親弟。尚書
盤庚殷之及王也。中山王宜。帝以禮。兄弟不得相入廟。
絀光議。使執金吾任宏守大鴻臚持節徵定陶王。立爲
皇太子。謝曰。臣幸得繼父守藩。爲諸侯王。材質不足。假
充太子之宮。陛下聖德寬仁。敬承祖宗。奉順神祇。宜蒙
福祐。子孫千億之報。臣願留國邸。旦夕奉問起居。俟有
聖嗣歸國。守藩書奏。報聞。後月餘。立楚孝王孫景爲定
陶王。奉恭王祀。以獎厲太子。專爲後之誼。成帝崩。卽位。
謁高廟。尊皇太后曰太皇太后。皇后曰皇太后。赦。賜宗室王

子有屬者。馬各一駟。車各一。民爵百戶。
牛酒。三老各一。力田各一。寡孤鰥寡。
太皇太后詔尊定陶

恭王爲恭皇。五月立皇后傅氏。詔尊定陶太后曰恭皇

太后。丁姬曰恭皇后。

各置左右詹事。食邑如長信宮。中宮追尊傅父爲崇祖侯。丁父爲褒

德侯。封舅丁明爲陽安侯。舅子滿爲平周侯。追

諡滿父忠爲平周懷侯。皇后父晏爲孔鄉侯。

罷樂府

官。

成帝好鄭聲。黃門名倡多以富顯貴戚。至與人主爭女樂。帝自爲王時疾之。故有是命。語見樂律考。詔

限民名田。

具土田志

詔齊三服官。諸官織綺繡難成。害女紅

之物。皆止無作輸。除任子令。及誹謗詆欺法。掖庭宮人

年三十以下出嫁之。官奴婢五十以上。免爲庶人。禁郡

國無得獻名獸。益吏三百石以下俸。察吏殘賊酷虐者。

以時退。有司無得舉赦前往事。博士弟子父母死。子寧

三年。河南潁川郡水出。流殺人民。壞廬舍。遣光祿大夫

循行。賜死者棺錢人三千。令水所傷縣邑。及他郡國災
害什四以上。民貲不滿十萬。皆無出今年租。建平元年
春。正月。隕石于北地十六。詔舉孝弟淳厚。能直言通政事。延于側

陋。可親民者各一人。時帝初立。躬行儉約。省減諸用。政
繇已出。朝廷翕然望至治焉。先是太皇太后自居長樂
宮。而帝祖母定陶傅太后在國邸。詔問當何居。丞相光
素聞傅太后剛暴多權謀。于襁褓中。鞠帝長養之。帝之
立。又多其力。心恐傅太后得與政。不欲令與帝旦夕自
近。即議以爲定陶太后宜改築宮。便大司空何武不解
也。以爲可居北宮。從之。傅太后果從北宮複道。旦夕詣

帝所求貴其親屬。使帝不得繇直道行。高昌侯董宏希
指言奉莊襄王母本夏氏。而爲華陽夫人所子。及卽位
後。俱稱太后。宜立定陶太后爲帝太后。下有司大司馬
莽劾奏宏知皇太后至尊之號。天下一統而稱引亡秦。
註誤聖朝。非所宜言。免宏爲庶人。傳太后大怒。要帝必
稱尊。而丁傳並封。方帝在藩時。聞王氏驕盛。心不能善。
以初立優之。其後司隸較尉解光奏曲陽侯根。宗重身
尊。三世據權。先帝棄天下。不悲哀思慕。取故掖庭女樂
置酒歌舞。根兄子成都侯况亦忘厚恩。聘故掖庭貴人
爲妻。皆無人臣禮。大不敬不道。根遣就國。免况歸故郡。

於是王氏權奪。而丁傳日起。大司馬師丹自以師傅見尊任。上書諫曰。古者諒闇不言。聽於冢宰。三年無改於父之道。前大行尸柩在堂。而官爵臣等以及親屬赫然貴寵。封舅爲陽安侯。皇后尊號未正。豫封父爲孔鄉侯。出侍中王邑。射聲較尉王邛等。詔書卒暴無漸。臣縱不能明陳大義。復不能牢讓爵位。相隨受封。增益陛下之過。罪萬死。間者郡國多地動。水出流。殺人民。日月不明。五星失行。此皆舉錯失中。號令不定。法度失理。陰陽溷濁之應也。臣伏惟人情無子。雖年六七十。猶博娶而廣求孝。成皇帝深見天命。燭知至德。以壯年克已。立陛下。

爲嗣。臣聞天威不遠。顏咫尺。願深思先帝所以建立陛下之意。克已躬行。以觀羣下之從化。天下者。陛下之家也。肺腑何患不富貴。不宜倉卒陛下。以臣託師傅。無功德而備鼎足。封大國。位三公。職在左右。義不得不盡死。太皇太后見丁傳權日起。陰令大司馬莽就第。以避帝外家。莽乞骸。帝遣尚書令詔起之。乃復起視事。會置酒未央宮。內官令張傳太后幄。迫太皇太后御坐旁。莽按行責令曰。定陶太后藩妾。何得與至尊並徹去。更設坐。傳太后大怒不肯。以遂不會朝。而罷莽就第。已司隸光奏言。臣聞許美人及故中官史曹宮。皆御幸。孝成皇帝。

甞產子。子隱不見。臣遣吏問。皆得趙昭儀廢殺狀。其他
飲藥傷墮者無數。臣謹按永光三年。男子忠等發長陵
傳夫人冢事。更大赦。孝元皇帝下詔曰。朕所不當得赦
也。窮治盡伏辜。天下以爲宜。昭儀傾亂聖朝。親滅繼嗣。
雖事在四月丙辰赦前。而同產親屬。皆在尊貴之位。迫
近帷幄。羣下寒心。請窮竟正法。議郎耿育上䟽言。臣聞
世必有非常之變。然後有非常之謀。孝成皇帝知陛下
有賢聖仁孝之德。故廢後宮。就館之漸。欲致位陛下。以
安宗廟。豈當世庸庸斗筭之臣所能及哉。且褒廣將順
君父之美。匡救銷滅既往之過。古今通義也。事不當時。

固爭防禍於未然。各隨指阿從以求容媚。晏駕之後。乃萬探追不及之事。許揚幽昧之過。空使謗議上及山陵。下流後世。甚非先帝託後之意。此臣所深痛也。帝亦以爲太子頗得趙太后力。遂不竟其事。而新城侯趙欽等免徙家屬遼西。右將軍喜傳太后從弟也。好學有志行。以數諫太后。謝就第。大司空武尚書令休皆上言喜行義脩潔。忠誠憂國。內輔之臣也。今一旦遣歸。衆庶失望。皆曰。傳氏賢子。以議論不合。定陶太后故退。莫不爲國恨之。忠臣社稷之衛。魯以季友治亂。楚以子玉輕重。魏以無忌折衝。百萬之衆。不如一賢。喜立於朝。陛下之光。

輝傳氏之廢興也。帝亦自重之。復進用焉。無何。冷褒段
猶等言定陶其皇太后。其皇后皆不宜復引定陶藩國
之名。以冠大號。又宜爲其皇立廟京師。丞相光大司馬
喜司空丹持以爲不可。冊疏言聖王制禮。取法於天地
明人倫之序。定陶其皇太后。其皇后以定陶其爲號者。
母從子。妻從夫之義也。定陶其皇號諡前定。義不得復
改。以子無爵父之義。尊父母也。爲人後者爲之子。故爲
所後服斬衰三年。而降其父母菴。尊本祖而重正統也。
孝成皇帝聖恩深遠。爲共王立後。奉承祭祀。令其皇長
爲國太祖。萬世不毀。恩義已備。陛下繼體先帝。持重大

宗承宗廟天地社稷之祀義不得復奉定陶其皇祭入
其廟今欲立廟於京師而使臣下祭之。是無主也。又親
盡當毀空去一國。太祖不墮之祀而就無主當毀不正
之禮非所以尊其皇也。忤帝意而丁傳子弟使人上書
告丹封事未上行道人徧持其書下廷尉劾大不敬策
免丹收高樂侯印綬以感動大司馬喜喜終不順遣就
國於是詔共皇去定陶之號立廟京師尊定陶太后爲
帝太太后其皇太后爲帝太后已又尊帝太太后曰皇
太太后偃然與太皇太后並稱矣丞相御史言師丹王
莽抑貶尊號虧損孝德雖更赦不宜有爵土免丹庶人

罷莽就國。諫大夫楊宣承間爲上言。孝成皇帝稱陛下以承天序。豈非欲以陛下自代奉承東朝哉。太皇太后春秋高。數更憂傷。至敕令親屬引領以避下傳。陛下登高遠望。獨不內慙於延陵乎。帝感其言。復王商子邑爲成都侯。先是傳太后脩故怨。陷中山馮太后以獄死。司隸竇_孫奏請覆治。帝傷失太后意。下寶獄而太后封從父商爲汝昌侯。太后同母弟子鄭業爲陽信侯。尚書僕射鄭崇諫曰。成帝封五侯。天赤黃。晝昏。日中有黑氣。今封商。夷亂制度。逆天人心。非傳氏之福也。臣聞之師曰。逆陽者厥極弱。逆陰者厥極凶。短折。故周公著戒曰。辟

王生則逸。唯耽樂之從。罔有克壽。故衰世之君。夭折蚤世。此皆犯陰陽之咎也。臣願以身命當國咎。因持詔書案起。傳太后大怒曰。何有爲天子。乃反爲一臣專制者耶。竟詔封商。已帝嬖董賢。崇復疏禁切之。帝發怒。尚書令趙昌逢帝意。奏崇與宗族通。疑有姦。帝責崇曰。君門如市。柰何欲禁切主上。崇對曰。臣門如市。臣心如水平。帝怒。下詔獄考覆。司隸竇日崇獄覆治。瀕死。無一辭。道路稱冤。疑昌與崇內有纖芥。浸潤相陷。請治昌以解衆心。詔曰。司隸竇附下罔上。國之賊也。免爲庶人。崇死獄中。當是時。侍中董賢以便辟得幸。常與帝共卧起。妻通籍。

殿中。女弟爲昭儀。父恭爲少府。寵益甚。出丁傅右。而皇后已疏矣。后父孔鄉侯晏。至謝賓客。不敢通。白后母得通醫巫。求方生子。以避賢。帝欲侯賢。未有路。會瓠山石轉立。無鹽危山土。自起覆如馳道狀。東平王雲及后謁之。石所祠之。息夫躬孫寵欲陷之以爲功。上變事告焉。帝方被病。多諂惡。逮謁驗治。雲自殺。謁棄市。因東平獄。帝言白發。自賢與躬寵。賜爵關內侯。頃之。欲實封。心憚丞相嘉。使使持詔書視之。嘉與御史大夫賈延言。賢等三人始賜爵。衆庶洶洶。咸曰賢貴。餘并蒙恩。陛下仁恩不已。宜暴賢等本奏。詔言延問公卿大夫博士議郎。暴

評其義。必有言當封者。在陛下所從。天下雖不說。咎有所分。帝遲回久之。忽發恚。下詔切責公卿曰。東平王雲圖殺天子。公卿股肱。莫能悉心銷厭未萌。侍中賢等發覺伏誅。其封賢高安侯。寵方陽侯。躬宜陵侯。已詔發武庫兵給送賢。及乳母舍用。執金吾母將隆䟽諫曰。武庫兵器。天下公用。繕治造作。皆度大司農錢。司農錢自乘輿不以給其養。其養勞賜一出於少府。蓋不以本藏給末用。不以民力其浮費。所以別公私。示正路也。古者方伯專征。乃賜鈇鉞。漢家邊吏距寇。給武庫兵。春秋之誼。家不藏甲。所以抑臣威。損私力也。今便僻弄臣。私恩微。

妾。而以天下公用給之。挈國威。其其家備。以廣驕僭。非所以示四方也。會傳太后賤賈執金吾官婢。隆請平直。左遷沛都尉。於是丞相嘉以日食奏封事曰。臣聞咎繇戒舜曰。毋教佚。欲有邦。兢兢業業。一日二日萬幾。箕子戒武王曰。臣無有作福作威。無有玉食。臣之有作威作福。玉食。害于而家。凶于而國。人用側頗辟。民用僭慝。武王躬履此道。隆至成康。自是以後。縱心恣欲。法度陵遲。至於臣弑君。子弑父。父子至親。失禮患生。何況異姓之臣子。孔子曰。道千乘之國。敬事而信。節用而愛人。使民以時。孝文皇帝備行此道。海内蒙恩。爲漢太宗。孝宣

皇帝賞罰信明。施與有節。記人之功。忽於小過。以致治平。孝元皇帝奉承大業。溫恭少欲。掖庭見親。有加賜屬其人。勿衆謝。令知惡偏重失人心也。故少府水衡見錢多至數十萬萬。雖遭初元永光凶年饑饉。加有西羌之變。外奉師旅。內振貧民。終無傾危之憂。方陛下在國時。好詩書。上節儉。徵所過道上。稱誦德美。此天下所以回心也。既卽位。易帷帳。去錦繡。乘輿席緣。綈繒而已。其皇寢廟。比比當作。憂閔元元。惟用度不足。以義割恩。輒且止息。今始作治。而駙馬都尉董賢亦起官寺。上林中。又治大第。使者護作。賞賜吏卒。甚於治宗廟。爲賢治器。器

成奏御乃行。或物好特賜其工。自貢獻宗廟三宮。猶不
至此。賢家有賓婚。諸官並共。使者護視。發取市物。百賈
震動。道路謹譁。羣臣惶惑。詔書罷苑。而二千餘頃以賜
賢。均田之制。從此墮壞。奢僭放縱。變亂陰陽。災異衆多。
百姓訛言。持籌相驚。被髮徒跣而走。乘馬者馳。妖惑其
意。不能自止。或以爲籌策失之戒也。陛下素仁智慎事。
今而有此大譏。孔子曰。危而不持。顛而不扶。則將焉用
彼相矣。臣嘉幸得備位。竊內悲傷。身死有益於國。不敢
自惜。惟陛下慎已之所獨鄉。察人之所共疑。往者寵臣
鄧通。韓嫣。驕貴失度。逸豫無厭。卒陷罪辜。亂國亡軀。不

終其祿。所謂愛之適以害之也。宜深覽前世節賢寵以全安其命。帝寢不說而愈愛賢不自勝。先是宜陵侯躬既封。怙寵設詭辨惑上意。而與丁傳比爲帝言災異。屢見。法當有兵亂。可遣大將軍行邊。敕武備。斬一郡守以明威。冀厭應變異。帝信之。以問丞相嘉。嘉對曰。臣聞動民以行不以言。應天以實不以文。下民微細猶不可詐。況上天神明而當可欺哉。天之見異所以敕戒人君。欲令覺悟反正。推誠行善。民心說而天意得矣。辯士苟見一端。或妄以意傳會星歷。虛造匈奴烏孫西羌之難。謀動干戈。設爲權變。非應天之道也。守相有罪。車馳詣闕。

交臂就死。恐懼如此。而談者云然。辯口快耳。其實未可從。夫議政者。苦諂諛。傾險。辯慧深刻也。諂諛則主德毀。傾險則下怨恨。辯慧則破正道。深刻則傷恩惠。昔秦繆公不從百里奚。蹇叔之言。以敗其師。悔過自責。疾誅誤之臣。思黃髮之言。名垂於後世。惟陛下觀覽古戒。反覆參考。無以先入之言爲主。元壽元年。帝卽位之五年也。春正月朔。以傅晏爲大司馬。丁明爲大司馬。驃騎將軍。當拜。日食晝晦。詔求直言。晏明罷就第。具災祥考中。會傳太后薨。帝託遺詔。下丞相御史。益封董賢二千戶。嘉封還詔書。切諫曰。臣聞爵祿土地。天之有也。書云。天命

有德五服五章哉。王者代天爵人。尤宜重慎。裂地而封。不得其宜。則衆庶不服。感動陰陽。其害疾自深。今聖體久不平。臣嘉所內懼也。高安侯贊。佞幸之臣。陛下傾爵位以貴之。殫貨財以富之。損至尊以寵之。主威已黜。府臧已竭。惟恐不足。昔孝文皇帝欲造露臺。重百金之費。克已不作。以財皆民力所爲也。賢已再封。晏商再增田業。緣私橫求。恩已過厚。爲害痛矣。里諺曰。千人所指。無病而死。臣嘗爲之寒心。今山崩地動。日食三朝。宜思正萬事。順天人之心。以求福祐。柰何輕身肆意。獨不念高祖之勤苦。垂立制度。欲傳之無窮哉。孝經曰。天子有爭。

臣七人。雖無道不失其天下。臣謹封上詔書。不敢露見。愚慙數犯忌諱。惟陛下省察。初廷尉梁相與丞相長史御史中丞及五二千石雜治東平王雲獄。時冬月未盡二旬。而相心疑雲獄寃。有飭辭。奏欲傳之長安。下公卿覆治。尚書令鞠譚宗伯鳳以爲可許。天子以相譚鳳見上體不平。外內顧望。操持兩心。幸雲踰冬。無討賊疾惡主讐之意。免爲庶人。後數月大赦。嘉奏封事。薦相習治獄。計謀深沈。譚頗知雅文。鳳經明行修。聖主有計功除過。臣竊爲朝廷惜此三人。畱中未下。至是得還。賢益封事。則大怒。下前章召嘉詰尚書詰問。君以道德位三公。

以總方畧。一統萬顙。分明善惡爲職。知相等在位外附諸侯。操持兩心。背人臣之義。時輒以自劾。今又稱譽相等。云爲朝廷惜之。大臣舉錯恣心。迷國罔上。近繇君始謂遠者何。對狀。嘉免冠謝。下將軍中朝議。光祿大夫孔光等劾嘉不道。請下廷尉。有詔假謁者節。召丞相詣廷尉。故事大臣得重譴。輒自裁。於是掾吏涕泣。共和藥進。嘉不肯服。使者危坐府門上。主簿更前進藥曰。將相不對理。陳寃相踵爲故事。君侯宜引決。嘉引藥盃擊地。謂官屬曰。丞相幸得備位三公。奉職負國。當伏刑都市。以示萬衆。丞相豈兒女子耶。何謂咀藥死也。遂裝出見使

者。再拜受詔。乘吏小車。去蓋不冠。隨使者詣廷尉。廷尉收嘉丞相新甫侯印綬。縛載至都船。詔獄。嘉對獄曰。案事者思得實。竊見相等前治東平王獄。不以雲爲不當死。欲關公卿示重慎。置驛馬傳囚。勢不得踰冬月。誠不見其外內顧望。阿附爲雲驗。復幸蒙大赦。相等皆良善吏。竊爲國惜賢。不私此三人。獄吏曰。苟如此。則君以何爲罪。猶當有以負國。不空入獄矣。吏少侵辱嘉。嘉喟然仰天嘆曰。幸得充備丞相。不能進賢。退不肖。以是負國。死有餘責。吏詰賢不肖。主名。嘉曰。賢故丞相孔光。故大司空何武。不能進惡。高安侯董賢父子。佞邪亂國。不能

此罪當死死無所恨繫獄二十餘日不食嘔血死

嘉字公仲

平陵人嘗疏任賢語具任官志元始四年錄忠臣追諡曰忠封子嗣新甫侯

於是增賢封以

爲大司馬衛將軍

策曰定爾于公以爲漢輔匡正庶事允執其中時年二十二

丞相

光每賢過戒衣冠出門待望見賢車則却入賢至中門

却入閣既下車乃出拜謁送迎甚謹不敢以賓客鈞敵

之禮帝聞大說立拜光兩兄子爲諫大夫常侍繇是賢

權與人主侔矣

侍中蕭咸故御史大夫望之子也賢父恭慕之欲爲子求咸女爲婦使咸子壻

侍中閎私請之咸惶恐不敢當私謂閎曰董公大司馬冊乃堯禪舜之文非三公故事長老見者莫不寒心此豈家人子能堪邪閎亦悟還報恭深達咸自謙薄之意恭歎曰我家何用負天下而爲人所畏如是明年

夏帝崩

年二十六

太皇太后即日輦之未央宮收璽綬召大

司馬賢問喪事調度賢憂悸不能對太后曰新都侯莽
前奉先帝大行習故事吾令莽佐君賢頓首幸甚太后
乃遣使馳召莽與大器詔尚書諸發兵符節百官奏事
中黃門期門軍皆屬尚書劾賢不親醫藥禁止不得入
宮殿賢詣闕免冠徒跣謝即收冊印綬罷就第賢自度
不免即日與妻皆自殺莽致尸獄中驗視瘞獄中家屬
徙合浦詔公卿舉可大司馬者丞相光以下皆屬莽獨
前將軍何武左將軍公孫祿以爲惠昭之世以外戚持
權社稷危今比世無嗣當選立近親主幼不宜令外戚
持權不舉莽而互相舉太皇太后絀之以莽爲大司馬

遣車騎將軍舜迎中山王箕子奉成帝後是爲孝平帝。
年九歲矣。太后臨朝稱制而政自莽出。於是莽自言孝
成趙皇后前損害皇子。孝哀傳皇后驕僭皆廢徙其園。
自殺而下詔言定陶太后背恩忘本專恣不軌。追貶爲
定陶共王母。丁太后爲丁姬。丁傳獲封爵者咸勒歸故
郡。已莽又自言前哀帝立背恩義自貴其外家幾危社
稷。今帝以冲年奉大宗宜明一統之義。戒前事爲後代
法。於是遣使者奉璽綬即拜帝母衛姬爲中山孝王后。
賜帝舅衛寶。寶弟玄爵關內侯。畱中山不得輒至京師。
元始元年春莽號安漢公。二年太師光大司徒宮。馬等

稱莽功德比周公。宜告祠宗廟。大司農寶面質之曰。昔周公上聖。召公大賢。尚有不相說之言。著於經。兩不相損。今風雨未時。百姓不足。而國每一事。群臣同聲得無非其美者。光等皆失色。侍中奉車都尉甄邯乃承制罷議。三年。安漢公女爲皇后。莽殺其子宇。滅中山孝王后家。梁王立。敬武公主。紅陽平阿侯。皆勒自殺。殺大臣將相。素不悅已者數百人。四年。莽采伊尹周公稱號。號宰衡。位諸侯王上。賜九錫。五年。莽臘日上椒酒。毒酒中。帝崩時。元帝世絕。而宣帝曾孫有見王五人。見侯四十八人。莽以兄弟不得相爲後。抑不立。選玄孫中最幼者廣。

戚侯子嬰託卜相最吉。立爲皇太子。號曰孺子。嗣孝平皇帝。而居攝踐阼。如周公。後三年篡漢。後十六年而誅起漢高祖皇帝五年己亥。有天下。至孺子嬰三年戊辰。十二帝二百一十年。并王莽篡位。合二百二十六年。

論曰。元帝善柔。孝成沉湎。成王氏專擅之形。耗乎塞矣。然類寬大行惠。不虐于非辜。則猶遵文景之遺焉。故漢

蹶而終興。孝哀賄祿去王室。欲強主威。以則武宣。然不

勝燕嬖之溺。忤戮忠賢。失天下心。迹其所爲。適以爲王

氏驅耳。易曰。上以厚下安宅。書曰。無教逸欲有邦。詎不

信夫。詎不信夫。王莽者。孝元皇后弟曼之子也。成帝時王氏五侯同日封。而曼蚤死不得封。五

侯各乘時爲汰侈。獨孤貧折節爲恭儉。事師傅受學如儒生。事母及寡嫂。養孤兄子行甚。敕備。又外交英俊。

內事諸父曲有禮意陽朔中世父大將軍鳳病且死以託太后及帝拜爲黃門郎久之叔父成都侯商願分已國邑以封莽得封新都侯宿衛謹敕又敢爲激發之行處之不慚虛譽隆洽傾其諸父矣曲陽侯根乞骸骨薦莽自代遂爲大司馬哀帝崩誅放丁傅董賢黨屬欲擅國以大司徒孔光名儒相三主太后所敬天下信之然實在中易制於是盛尊事光諸帝時大臣居位及素所不悅者皆傳致其罪爲請奏令光上之莽曰太后立可其奏於是以王莽王邑爲股心甄豐甄邠主擊斷平晏顧機事劉歆典文章孫建爲爪牙附順者拔擢忤恨者誅滅無不如志當是時大臣承意顯奏尊寵莽而莽稽首滄流讓甚固上以惑太后下以信衆庶之心元始元年益州令塞外蠻夷獻白雉賜號安漢公莽上書讓光舜豐邛於是光爲太師舜太保皆益封豐爲少傅廣陽侯邛承陽侯又明年光舜等請疇莽爵邑復讓不受而建言諸侯王後及高祖以來功臣大者封侯賜爵邑諸在位各第序推恩上尊宗廟增加禮樂下至黎庶矜寡無不施惠已又風公卿言州牧二千石及茂材吏初除奏事者太后不宜親以命莽莽人人延問致恩意厚贈送其不合指者顯奏免之諸所以誑耀媚事太后者

萬端、後奏言皇帝即位三年、長秋宮未建、請考論五經
定娶禮、正十二女之義、以廣繼嗣、下有司選、自上衆女
名、而王氏女多在選中、莽恐其與己女並也、自太后詔
王氏女、朕外家勿采、博采二王後、及周公孔子列侯在
長安者、適子女以充、於是諸生郎吏、守闕上書者日千
數、願得公女爲天下母、莽遣長吏以下、分部曉止、而上
書者愈甚、竟立公女爲皇后、已莽托大宗一統之義、勒
帝母中山孝王后及衛戚屬不得至京師、莽子宇恐帝
長大後見怨、私遣人與衛氏通、教令帝母上書求入、宇
與師吳章及婦兄呂寬議、以爲莽悞不可諫、而好鬼神、
可爲變怪以懼之、使寬夜持血灑莽第門、事覺、莽執宇
并其婦殺之、竟吳寬獄、誅滅衛后家無噍類、而連引郡
國豪傑及漢忠直臣不附已者、誅鋤之、百數十家、於是
汜鄉侯何武、大司農孫寶、司隸鮑宣皆及禍、帝稍長、以
衛氏故怨莽、莽內懼、臘日上椒酒而帝疾作、莽作策請
命於泰畤、戴璧秉圭、願以身代、藏策金滕、置前殿、勅群
公勿敢言、帝崩、孺子嗣、莽稱攝皇帝、服天子黻冕、負斧
辰、南面朝羣臣、莽母功顯君死、羣臣言攝皇帝、與尊者
爲體、不得服私親、宜總麻、弁而加環紼、一弔再會、如王
弔諸侯儀、而司威陳崇奏、莽兄子光好滌事、莽切責光、

光母子自殺、初葬以事母養兄嫂、撫兄孤爲名、及是復以示公義焉、於是宗室大臣奏符命、言攝皇帝宜卽真、遂卽位、定有天下之號曰新、以十二月朔爲歲首、稱建國元年、奉皇太后璽、散請順天命去漢號、策命孺子爲安定公、以孝平皇后爲安定太后、讀策畢、莽親執孺子手、流涕歎歔曰、昔周公攝位、終復子明辟、子獨迫皇天威命、不得如意、於是中傅將孺子下殿、北面稱臣、百寮陪位、莫不感動、莽爲安定公第、置門衛、使者監頌、敕阿乳母不得與語、常在四壁中、至長大、不能名六畜焉、莽旣攘大位、承累世承平之業、益自神聖、狹小漢家制度、擬周官、更庶事、按金匱、封輔臣、更名天下田曰王田、奴婢曰私屬、不得買賣、口不盈八、而田過一井者、分餘田與九族鄰里、鄉黨敢有非井田聖制者、無法、投四裔、以禦魍魎、制大錢、敢有挾漢五銖錢、言大錢當罷者、比非井田制、於是農商失業、食貨俱廢、坐買賣田宅奴婢錢錢、自列侯而下至庶民、陷刑者不可勝計、莽旣以符命駭天下、篡大位、旣得志、欲絕其原、以神前事、會甄豐子尋、劉歆子棻、門人丁隆等、復詐爲符命、冀說莽、莽乃大震怒、收捕牽引公卿黨親、列侯以下數百人、乃流棻幽州、放尋三危、殛隆羽山、皆驛車載其尸、傳致云、莽時漢

府庫之富、欲立威、匈奴改、匈奴號曰降奴服于、遣將將軍三十萬往擊之、自宣帝來、北邊數世不見煙火之警、人民熾盛、牛馬滿野、及是與匈奴構難、邊民死亡繫虜、數年間、蕭然空虛、野有暴骨矣、莽以爲定天下、惟在更制度、制度定、則天下自平、故銳思於天文地理、制禮作樂、講求合六經之說、議論連歲不得決、不暇省獄訟、冤結及民之急務、而所變更無常、旋已復自更、置萬國、一郡至五易名、而復還其故、縣宰缺、至數年不除、守兼一切爲貪殘、中郎將繡衣執漚公士、使郡國班布教令者、冠蓋相望、召會紛然、又設六筦之令、命縣官節酒賣鹽鐵器鑄錢、諸采取名山大澤衆物者稅之、又令市官收賤買貴、賒貸以予民、收息月百之三、設科條防禁犯者罪至死、莽自見前顓權得漢政、備大臣擅國、務監衆事、而前後相承、贖耗不潔、御燈火至明、猶不能勝、尚書因緣爲姦、有司受成苛免、而朝臣敢言、大臣過失搏擊者、輒技擢見信任、又以制度未定、上自公卿、下至小吏、皆不得爵祿、久乃賦吏祿、又令準歲之高下、有災害輒以什率減免課計、不可理、吏終不得祿、各因官職爲姦、受賕賂以自給、莽聞大患、考建國來、吏爲姦利、增產致富者、收其家財產五之四、以助邊、開吏告其將、奴婢告其

王幾以禁姦而奸愈益甚天下民以灋禁煩苛筦財已
悉力作不足給貢稅卽閉門自守又坐隣伍犯鑄錢入
爲官奴婢乃並起爲盜賊會匈奴大寇邊莽大篡天下
丁男及死罪囚人奴爲銳卒名曰豬突豨勇稅吏民皆
三十取一令公卿以下至郡縣黃綬皆保養車馬敕用
軍有趨譴犯灋者斬論斬母須時繇是春夏斬人都市
百姓震懼道路以目莽爲人侈口蹙顴露眼赤睛大聲
而嘶長七八五寸好厚履而高冠反麕高視瞰臨左右
時方枝待詔黃門者曰所謂鵠目虎吻豺狼聲者也灋
能食人亦當爲人所食莽聞之誅滅待詔孫宗坐自盡
容貌被天子衣冠誅奔妻以莽數殺其子孫泣失明莽
令其太子臨居中養視莽妻侍者原碧莽幸之臨亦通
焉恐事泄因謀弑莽事覺自殺初四方民以饑寒窮愁
起爲盜稍羣聚獨思歲熟得歸衆雖萬數但稱巨人從
事三老祭酒不敢畧城邑轉掠求食而止長吏皆兵亂
鬪死賊非敢殺之也而莽下書責七公曰盜發不輒得
至或羣黨以千百數是逆亂之大者何饑寒之謂耶七
公其嚴敕卿大夫連帥庶尹謹牧養善民急捕滅盜賊
有不同心疾惡而曰饑寒所爲者輒捕繫請其罪於是
天下並起而世祖起春陵宣言莽弑平帝事莽乃會公

卿於王路堂開已爲平帝請命今滕之策泣以視羣臣
羣臣皆誦功德呼萬歲會國師劉歆王涉皆骨肉舊臣
內潰謀殺莽而軍師外破憂懣不能食及事迫竄以時
日小數爲厭勝隗囂移書數莽罪莽率羣臣至南郊陳
符命本末仰天呼號諸生小民會旦夕哭呼嗟告天以
求救其省中黃金萬斤一櫃者尚六十櫃他錢帛珠玉
財物甚衆莽愈吝愛不資士故士無鬪心而漢兵發掘
莽祖父妻子冢燒其棺槨及九廟明堂火照城中無何
城陷於是莽服緋初服帶璽轂持虞帝匕首天文郎按
拭於前日時加某莽旋席依斗柄而坐曰天生德於予
漢兵其如予何又明日就車之漸臺欲阻池水猶抱持
符命威丰從官公卿而下尚數千人日晡衆兵登臺斬
莽首支節肌骨爭鬻之相殺傷數千人傳
莽首詣宛百姓共捉擊之或切食其舌

西漢后妃內紀

太史公傳外戚喟其歎之也曰孔子有言人能弘道無
如命何甚哉妃匹之愛君不能得之臣父不能得之子

况卑下乎。既驩合矣。或不能成子姓。成子姓矣。而不能
娶其終。豈非命哉。孔子罕言命。蓋難言之也。非通幽明
之變。惡能識乎性命哉。漢興。因秦之稱。號帝母稱皇太
后。祖母稱太皇太后。適稱皇后。妾皆稱夫人。又有美人。
良人。八子。七子。長使。少使之號。至武帝。制健接好。子姪
五經。娥。娵。容。華。充依。各有爵位。而元帝加昭儀之號。凡
十四等云。昭儀位視丞相。爵比諸侯王。婕妤視上卿。比
二千石。比太上造。美人視二千石。比少上造。八子視千
石。比中更。充依視千石。比左更。七子視八百石。比右庶
長。良人視八百石。比左庶長。長使視六百石。比五大夫。
少使視四百石。比公乘。五官視三百石。順常視二百石。
無涓。共和。娛靈。保林。良使。俊者。皆視百
石。上家人子。中家人子。視有秩。斗食云。

高皇后呂氏者。單父人。呂公女也。呂公故善沛令。秦時避仇。從沛令客沛。沛中豪傑。聞令有重客。皆往賀。蕭何爲主吏。主進。令進不滿千錢。坐之堂下。高祖爲亭長。素易諸吏。給爲謁。曰。賀賤萬。實不持一錢。謁入。呂公望見高祖狀貌。大驚。重敬之。起迎之。門引入坐。高祖因狎侮諸吏。遂坐上坐。無所詘。酒闌。呂公目固留高祖。竟酒。自請曰。臣少好相人。相人多矣。無如季相。貴不可言。願季自愛。臣有息女。願爲箕帚妾。遂以女婚季。則呂后也。高祖爲漢王。立爲妃。子爲王太子。戰項羽彭城。妃及太公爲楚軍所止。以爲質。常在楚軍中。事解。乃得歸。高帝卽

位爲皇后。而定陶戚姬大愛幸。常從。皇后常畱守櫟。希見上。益䟽。帝愛戚姬子趙王如意。幾以代太子。賴大臣及畱侯策而定。高祖崩。孝惠立。太后夷戚氏。殺三趙王。高祖後宮。唯獨無寵踈遠者得全。蓋劉氏幾殆。諸呂帝紀中。魯元公主。呂后女也。爲宣平侯張敖妻。敖女爲孝惠皇后。太后以重親故。欲其生子。萬方終無子。詐取後宮人子名爲子。孝惠崩。立爲帝。懼天下不服。於是貴外家。王諸呂。而取呂祿女爲少帝后。欲連固根本。牢甚。然無益也。高后崩。合葬長陵。祿產等作亂。卒夷滅。惟獨孝惠皇后居北宮。始呂公常奇貴女。旣以配高祖。起微細。

履至尊。呂以顯榮。然亦以滅亡。豈非天哉。卽甚智絕技。蚤知命中。亦將如命何哉。

文皇帝母薄太后。吳人也。初爲魏王豹姬。許負謁王豹。命相姬。云。當生天子。豹心獨內喜。因畔漢中立。漢擊虜豹。以其地爲郡。而薄姬輸織室中。久之。高祖如織室。見姬美。有詔內後宮。歲餘不得幸。始姬少時。與管趙兩美人相愛。約曰。先貴無相忘。已而兩美人先得幸。宴私相語。笑薄姬初時約。王聞之。問故。兩美人以實告。王悽然憐薄姬。欲幸之。會日之夕。夢蒼龍據胃。因以聞。帝喜。遂成之。一幸而有身。子生。則文皇帝也。後遂希得見。呂后

時高祖諸幸姬多幽死。而姬以希見故。得從子之代。爲代王太后。已文皇帝自代起即位。尊爲皇太后。封弟昭軹侯。追尊薄父靈文侯。文皇帝孝。事太后甚謹。太后疾。日夜侍不交睫。不解衣帶寢。上湯藥必親。絳侯以變告下吏急。太后聞大怒。文帝朝。以冒絮提帝曰。絳侯綰皇。帝璽將北軍。不以此時反。今居一小縣。顧反耶。何憤憤也。帝免冠跪謝曰。吏事方驗而出之。絳侯得赦。復爵邑。景二年崩。令母葬長陵。特起陵近霸陵。曰。東望吾子。西望吾夫。

孝文竇皇后。清河觀津人。呂太后時。以良家子入宮。諸

王之國。呂太后出宮人賜諸王各五人。竇姬與在行中。以家清河欲如趙近家。請其王遣宦者吏曰。必置我籍趙伍中。宦者忘之。誤置籍代伍中。姬涕泣怨宦者。不欲行。彊之乃行。至代。代王獨幸竇姬。及卽位。王后蚤死。王后所生四男。更病死。而竇姬男最長。立爲皇太子。竇姬爲皇后。女嫫爲長公主。少子爲梁孝王。皇后親早卒。葬觀津。弟廣國生四五歲。家貧。爲人所畧賣。家不知其處。傳十餘家。至宜陽。爲其主入山作炭。寒卧岸下。岸崩。卧者百餘人盡壓死。少君獨得脫不死。卜之云。數日當爲侯。從其主之長安。聞竇皇后新立。家觀津。廣國去時雖

小識其縣名及姓。又嘗有姊。嘗與姊採桑墮。用爲信。上狀自陳。竇皇后言之帝。召見問之。具言故。果是。又問他以何爲驗。對曰。姊去我西時。與我決傳舍中。而沐沐我。請食飯我。然後去。於是皇后持之泣。泣涕交橫下。侍御左右皆伏地泣。助皇后悲哀。乃厚賜田宅金錢。與兄建並封公。昆弟家長安。絳侯灌將軍等曰。吾屬不死。命且縣此兩人。兩人所出微。不可不爲擇師傳賓客。又復効呂氏大事也。於是選賢士長者有節行者與居。竇長君少君繇此爲退讓君子。不敢以尊貴驕人。竇皇后好黃帝老子言。文帝竇慈儉。后有力焉。故景帝諸王諸竇畢。

誦讀老子書。尊其術。景帝立。尊爲皇太后。武帝時。爲太
皇太后。后頗不說儒。絀儒學。以爲司空。城旦書云。崩。令
葬霸陵。景帝時。封廣國。章武侯。長君早死。封子彭祖。南
皮侯。太后從昆弟子嬰。以破吳楚功。封魏其侯。嬰事景
帝。爲詹
事。梁孝王來朝。帝以親昆弟故。燕飲驩甚。酒酣。從容言
千秋萬歲後。當傳之梁王。太后喜。嬰奉卮酒進。正言曰。
天下者。高祖之天下。上何得擅傳。梁王非漢約也。太后
繇此憎嬰。嬰病免。太后除嬰門籍。母朝請。吳楚反。祭宗
室諸賓賢。無如嬰。乃召見。嬰辭謝不足任。太后慙。帝曰。
天下方有急。王孫寧可讓耶。拜太將軍。賜金千斤。嬰乃
言哀。益樂布諸名將。賢士在家者。進之。所賜金陳廡下。
軍吏過。令財取爲用。無入家者。於是行。守滎陽。監齊趙
兵。七國破滅。封魏其侯。當是時。武安侯田蚡方爲郎。未
貴。往來侍酒。跪起如子姓。卽列侯無敢與亢禮者。已爲
太子太傅。栗太子廢。魏其數爭不能得。乃謝病。屏居藍
田南山下。梁人高遂說嬰曰。能富貴將軍者上也。能親

將軍者太后也。今將軍謝病，擁趙女屏間處而不朝，祇加對自明，揚主之過，有如兩宮螫將軍，則妻子無類矣。嬰迺起朝，請如故。桃侯免相，竇太后數言魏其，景帝曰：「太后豈以臣有愛，不相魏其哉？」魏其沾沾自喜，多易難，以爲相，遂不用。景帝崩，孝武帝卽位，議置相，相武安侯籍福說之曰：「魏其久貴，天下士所歸，請讓魏其，魏其相將軍必爲太尉，太尉相等耳，而有讓賢名，必讓魏其。」於是魏其爲丞相，武安爲太尉，已皆罷，皆列侯家居。而武安以王太后故，益親幸，已起爲相，魏其失竇太后，益疏，無勢，諸客稍稍自引，而怠傲，惟灌將軍夫益親，夫、穎陰人也。吳楚反時，父孟爲校尉死難，夫奮願取吳王若將軍首，報父讐，於是披甲持戟，馳吳軍，殺傷數千人，而還，中大劖十餘，得不死，繇此名聞天下，爲人剛直，使酒，好凌折，諸有勢者，士在已左，愈益敬，與胸禮，坐法免官，倚魏其爲名，高魏其亦欲倚灌夫，引繩拊根，生平慕之後，棄之者，於是兩人相引重，其游如父子然，驩甚，無厭，恨相知晚也。丞相蚡使籍福請魏其城南田，魏其大望曰：「老僕雖棄，將軍雖貴，寧可以勢奪乎？」不許。灌夫聞，怒，罵籍福，籍福惡兩人，却乃謾自好，言謝丞相，已丞相聞之，乃大怒，會丞相娶燕王女爲夫人，有太后詔，列侯亦

室皆往賀燕飲而灌夫醉罵坐因發怒効不敬繫居室而按其冢暴橫潁川狀遂捕諸灌氏支屬皆得棄市罪魏其侯大愧使賓客請丞相終莫能得將銳身爲救夫諫曰灌將軍得罪丞相與太后寧可救耶魏其曰侯自我得之自我捐之無所恨且終不令灌仲孺獨死嬰獨生乃匿其家竊出上書立召入具言灌夫醉飽事不誅帝然之賜食曰請東朝廷辯之魏其之東朝盛推灌夫之善獨以醉飽得過丞相丞相以他事誣罪之而丞相亦盛毀灌夫所爲逆不道魏其度不可柰何因言丞相短武安愈激曰天下幸安樂無事蚡得爲肺腑所好獨音樂狗馬田宅所愛倡優巧匠之屬不如魏其灌夫日夜招聚天下豪傑壯士與腹誹而心謗不仰視天而俯畫地睥睨兩官間幸天下有變而欲有大功臣乃不知魏其等所爲於是帝問朝臣兩人孰是御史大夫韓安國兩是之主爵都尉黯是魏其內史鄭當時是魏其後不敢堅餘皆莫敢對帝怒內史曰若平生數數言武安魏其長短今廷對乃局趣效轍下駒吾并斬若屬矣卽罷起入上食王太后王太后大恚不食曰今我在人皆轢籍吾弟令我百歲後皆魚肉之矣且帝寧能爲石人耶此特帝在即錄錄設百歲後是屬寧有可信者

耶。帝謝曰。俱宗室外家。故延辨之。不然。一獄吏所決耳。武安已罷。出止車。召韓御史大夫載怒曰。與長孺共一老秃翁。何爲首鼠兩端。韓良久曰。君何不自愛。夫魏其毀君。君免冠解印綬。謝曰。臣以肺腑倖大位。固非其任。魏其言皆是。如此上必多君有讓。不廢君。魏其必內慚。杜門辭舌自殺。今人毀君。君毀之。譬如賈豎女子爭言。何其無大體也。武安謝曰。爭時急。不知出此。於是帝使御史簿責魏其。劾繫都司空。孝景時。魏其嘗受遺詔曰。事不便。以便宜論。魏其引以救夫。於是按尚書大行無遺詔。詔獨藏魏其家。家丞封爲矯先帝詔罪。棄市。於是與灌夫俱伏法。其春。武安病身痛。若有擊之者。使巫視之。見魏其灌夫共守。欲殺之。呼謝伏罪。以竟死。

孝景薄皇后。薄太后家女也。帝爲太子時。薄太后取以爲太子妃。帝立爲皇后。無子。無寵。而帝所幸姬曰栗姬。曰王夫人。王夫人槐里人也。母臧兒。故燕王臧荼孫。嫁爲王仲妻。生男信。與兩女。而仲死。臧兒更嫁田氏。生盼。

勝而王氏女嫁爲金王孫婦生女矣。臧兒卜筮之當貴。欲奪之金氏。予貴人金氏不肯。則內之太子宫。太子幸愛之。生三女一男。男方娠。夢日入其懷。未生而文帝崩。太子卽位。王夫人生男時。栗姬子榮長。得立爲太子矣。長公主嫖有女。請栗姬。願欲爲太子妃。栗姬妬。諸美人皆因長主見。怒不許。長主怒。欲予王夫人男。王夫人喜。許之。長主於是日讒栗姬短。而譽王夫人男賢。帝亦以曩所夢日符。自賢之。會薄后以祝詛廢。帝有疾。屬諸姬子。栗姬曰。百歲後善視之。栗姬色怒。語不遜。帝心嫌之。未發也。而長主趣大行。請立栗姬爲皇后。帝發怒。誅大

行廢太子榮。栗姬以憂死。卒立王夫人爲皇后。男爲皇

太子。后兄信封蓋侯。帝崩。太子立。是爲武帝。尊皇后爲

皇太后。后母臧兒爲平原君。封蚡武安侯。勝周陽侯。皇

太后崩。合葬陽陵。

蓋侯信好酒。侯勝貪。蚡巧於文辭。得相。爲人貌侵。以爲漢諸侯王多長。蚡

以肺腑爲相。非以禮痛屈之。不肅。益倨高。召客飲。坐其

兄蓋侯北鄉。自坐東鄉。以爲漢相尊。不可以兄故。必捷

入奏事。移日。所言皆聽。權移主上。帝頗不平之。曰。除

吏盡未。吾亦欲除吏。嘗請考工地益宅。帝曰。君何不遂

取武庫。蚡乃稍自屈。淮南王安來朝。蚡迎王霸土。私於

王曰。上未有太子。大王賢。親高祖孫。卽宮車晏駕。非大

王立當誰哉。淮南王大喜。厚遺蚡金帛財物。無何。蚡死

帝自魏其死。心不直武安。及淮南反。帝聞。灞上語曰。使

武安在者。族矣。方王太后徽時。所爲金王孫生女。在民

間。諱之。帝立。韓嫣自帝。帝自駕往迎之。家在長陵小市。

使左右求之。家人驚恐。女逃匿。扶出拜。帝下車立曰。大

姊何藏之深也。載至長樂宮。與俱謁太后。太后垂涕。女

悲泣。帝奉酒前爲壽。賜戲千萬。奴婢三百人。
田百頃。甲第一區。因賜湯沐邑。號修成君。

孝武陳皇后。長主嫖女也。曾祖父爲堂邑侯。嬰父午。嗣
侯。帝生數歲時。長生抱女嬌入宮。問兒欲得婦否。曰。欲
之。問予嬌得否。笑曰。得阿嬌。當以金屋貯之。以得婚。帝
之爲太子也。主有力焉。以故后貴驕。立數歲無子。帝姊
平陽公主。求諸良家子十餘人。飾置家。以待幸。帝被霸
上還。過平陽主。見所侍美人弗說也。旣飲。謳者進。見衛
子夫。說之。起更衣。幸焉。還坐驪甚。賜平陽主金千斤。主
進子夫入宮。上車。拊其背曰。行矣。彊飯。卽貴。毋相忘。歲
餘不得幸。詔擇宮人不中者罷歸。衛子夫得兒。止請出。

帝憐之。復幸。遂有身。乃大寵。爲夫人。陳皇后恚。幾死。以怨望。廢處長門宮。而衛夫人生三女一男。男爲戾太子。夫人爲皇后。后生微也。母曰衛媼。與主家吏鄭季通。生兄衛長君。弟青。皆冒衛姓。青少時歸其父。父使牧羊。民母子皆奴畜之。不以爲兄弟。數壯。爲侯家騎。從人甘泉居室。一蚼徒相之曰。貴人也。屬當侯。青笑曰。人奴之生。得毋笞罵足矣。安所得侯乎。方后始幸時。長主移怒青。捕欲死之。青友騎郎公孫敖。與壯士往篡之。得不死。帝聞。召侍中。母及昆弟。數日間。賞賜累千金。后爲夫人。青爲太中大夫。以車騎將軍出擊胡。有功。封關內侯。夫人

爲皇后青以大將軍出擊胡。數有功。遂開朔方郡。封長平侯。列較從者九將軍。皆得侯。青姊少兒亦於平陽侯家。與給事史霍中孺通。生去病。以皇后姊子得侍中。以驃騎將軍從大將軍。數擊胡。功多。封冠軍侯。冠軍侯曰益。親幸。又數將絕塞擊匈奴。功乃在大將軍右。數益封。大將軍不復益封。乃益置大司馬位。青去病並爲大司馬。於是平陽侯壽以惡疾就國矣。平陽王問左右。長安中列侯最尊寵者誰。皆言大將軍。王笑曰。此吾家騎從奴耳。何渠侯乎。而他列侯貴幸。無如大將軍。竟因皇后白帝。請歸大將軍。竟歸大將軍。去病少不知所自出。旣

壯大乃自知父爲霍中孺也。未及間。會以驃騎將軍擊
匈奴。道出河東。河東守郊迎。負弩矢先驅。至平陽傳舍。
則遣吏迎中孺。中孺駭莫測也。趨入拜謁。驃騎迎跪曰。
去病不早自知爲大人遺體也。以失親。中孺扶服叩頭。
曰。老臣得託命將軍。天也。去病爲買田宅奴婢而去。還
復過。將中孺家所生子光。與俱西。任爲郎侍中。則博陸
侯也。青爲人仁善。退讓。別將蘇建下軍歸。或謂大將軍
可斬以明威。青曰。青幸得以肺腑待罪行間。不患
無威。職雖當斬將。然以臣之尊寵。而不敢擅誅於竟外。
於以見爲人臣之節。不亦可乎。遂囚建。詰行在。詔贖爲
庶人。或議大將軍至尊重。而天下賢士大夫無稱焉。願
將軍觀古名將所招選擇賢者。勉之哉。大將軍謝曰。自
魏其武安之厚賓客。天子常切齒。彼親附士大夫。招賢
結不肖者。人主之柄也。人臣奉法遵職而已。何與招士

去病爲人少言不泄有氣敢任天子嘗欲教之孫吳兵法對曰顧方畧何如耳不至學古兵法天子爲治第令視之對曰匈奴未滅何以家爲帝益愛重之然青起微細爲將愛士卒詔封三子侯固謝讓曰賴陛下神靈軍大捷皆諸較力戰功伉等三人在祿祿未有勞也天子曰我非忘諸較功也今固且圖之而將較俱以次封去病少貴不省士其從軍天子爲遣太官齎數十乘旣還重車餘梁肉而士有饑者其異操如此當是時衛氏支屬子爲侯者五人大將軍青首封驃騎將軍去病封三年而薨天子痛悼發屬國玄甲軍陳自長安至茂陵爲冢像祁連山并武與廣地定謚曰景桓侯其後大將軍子宜春侯伉伉第二人不疑登皆坐法失侯後二年嗣冠軍侯嬗卒無子國除後四年大將軍薨子伉嗣以更尚主故無何廢凡二十四歲而五侯盡奪而皇

后立三十八年。遭巫蠱事。自殺。中黃門輿置公車。令空舍盛以小棺。瘞城南。衛太子太子妃史良娣。史皇孫皇孫妃王夫人。皆遇害。衛氏悉滅。惟博陸侯光。以侍中親幸。受遺輔政。昭帝崩。昌邑王賀廢。竟擁立曾皇孫爲武帝。後是爲孝宣帝。本終承統有天下者。衛皇后曾孫也。宣帝立。改葬衛后。追諡曰思后。追尊母王夫人曰悼后。祖母史良娣曰戾后。皆改葬。起園邑。自博陸侯以遺詔封。秉政前後二十年。病篤。上書願分國邑三千戶。封兄孫山奉兄驃騎將軍去病祀。薨。賜梓宮便房。黃腸題湊。東園溫明。皆如乘輿制度。諡宣成侯。既葬。封山樂平侯。

光兄孫雲冠陽侯。禹嗣博陸侯。無何竝以謀逆誅。霍氏
又悉滅。霍以衛起。衛以思后起。然皆滅亡禍福倚伏。壹
何可得知哉。豈非天哉。始宣帝以皇曾孫繫獄。積五歲。
乃赦出獄。無所歸。使者丙吉載以付良娣兄史恭。恭母
貞君見外孫孤甚哀之。自養視。及爲帝。而貞君及恭已
死。以舊恩封恭子高樂陵侯。曾將陵侯玄平臺侯。高子
丹以功德封武陽侯。後求得王夫人母。封博平君。舅無
故平昌侯。武樂昌侯。而武子商至丞相。宣帝卽位。數遣
使者求外家。久
遠多似而非是。地節三年。有王姬乘黃牛車。自詣言家。
本涿郡蠡吾平鄉人。年十四。嫁爲同鄉王更得妻。更得
死。嫁爲廣望王乃始妻。產子無故武女翁須翁須年八
九歲時寄廣望節侯子劉仲卿家。仲卿謂乃始曰。予我

翁須我自養長之乃始許諾具縑布單衣送致之仲卿
教翁須歌舞往來歸取冬夏衣居四五歲翁須來言耶
鄆賈求歌舞者仲卿欲以我與之媼卽與翁須逃之平
鄉仲卿載乃始求得之媼曰兒居君家非受一錢也奈
何欲予它人仲卿詐曰無是將翁須去後數日翁須乘
車過門呼曰我果見行媼與乃始相對泣曰我爲汝自
言翁須曰毋置之命也何家不可居父母隨逐至中山
盧奴決絕去而太子舍人侯明從長安來求歌舞者從
耶鄆賈請翁須因入太子宮翁須得幸生黃孫則悼后
也帝令中大夫丞相御史雜問奏王媼悼后母明白召
見賜爵

孝昭帝母趙婕妤河間人武帝行巡過河間望氣者言
此中有奇女帝使使召女兩手皆拳帝披之立伸以得
幸號拳夫人居鉤弋宮爲婕妤任身旣十四月子乃生
帝喜曰聞昔堯十四月而生今鉤弋子亦然命所生門

曰堯母門會衛太子敗。燕廣陵王多失德。齊昌邑王蚤薨。鉤弋子生六歲而壯。大多知。帝愛之。欲立焉。婕妤從幸甘泉。有小過。見譴。脫簪珥叩頭謝。帝曰。引去。送掖庭獄。婕妤行且泣。且還顧。帝曰。趣行。而不得活。卒賜死。頃之。帝問左右外人言。婕妤死者何。左右對曰。人言且立其子。柰何去其母乎。帝曰。然。此非兒曹愚人所知也。往國家所以亂。繇主穉母壯也。女主獨居驕蹇。恣淫亂。莫禁。若獨不聞呂太后事乎。故忍而去之。明年竟立鉤弋子爲嗣而崩。昭帝立。追尊婕妤爲皇太后。墓爲雲陵。追封外祖趙父爲順成侯。后昆弟以親疏受賞。無在位者。

孝昭上官皇后。隴西上邽人。祖桀以斬反者功。封安陽侯。父安娶大將軍光女。結婚相親。皇后立。封桑樂侯。已以謀逆族。后少不與謀。亦光外孫。得不廢。光欲皇后有子。帝體時不安。左右及醫皆阿意言宜禁內。後宮莫敢進。病益進。皇后立十歲。年甫十四五。五年無子。而帝崩。徵昌邑王賀爲帝。尊后爲皇太后。昌邑王昏亂。大將軍光白太后。陳王不可承宗廟狀。太后駕幸未央宮。盛服坐武帳。陳衛。引昌邑王伏聽詔。光上所與丞相群臣連名奏。尚書令讀奏至。王與昭帝宮人蒙等亂。太后曰。止。爲人臣子。當悖亂如是耶。王離席伏。尚書令復讀。讀竟。請

告祠高廟廢王徙房陵太后曰可聽得歸昌邑宣帝立
爲太皇太后崩合塋平陵始太后母敬夫人前死置園
邑守冢如法後父祖劉誅家盡滅所瘞處獨后使其私
人自爲守甫童年而孀直國大故乃能與大將軍廢昏
立明成宗廟之安豈非天哉非天孰能明且勇斷大事
中倫會如此哉

孝宣許皇后昌邑人父廣漢爲昌邑王郎誤取它郎輦
被馬吏劾從行而盜當死詔募下蠶室後爲宦者丞上
官桀反廣漢行部索縛治索不得它吏往得之坐論爲
鬼薪後爲暴室嗇夫時皇曾孫養掖庭與廣漢同寺居

廣漢有女曰平君。卜相當大貴。掖庭令張賀聞之。置酒
爲會。皇孫請遂女。會皇孫居一歲而生子。子生數月而
宣帝卽位。公卿請立皇后。皆心儀大將軍女。未有言。帝
詔求微時劍。大臣知指。白立許女爲皇后。明年。皇后當
娠。病。大將軍夫人顯欲貴其小女。賂女醫淳于衍。飲皇
后藥毒之。后飲藥。少頃曰。我頭岑岑重。藥中得無有毒
乎。對曰。無有。加煩懣。遂崩。謚恭哀皇后。而大將軍女立
爲后。初。恭哀起微賤。登至尊之日淺。從官車服甚節儉。
五日一朝長樂宮。以婦道奉案上食。親共養。惟謹。及霍
后立。輦駕侍從甚盛。顯房燕。而太后親霍后姊子。顧竦

體敬禮之立三歲。光薨後一歲許后男立爲太子。封后父廣漢平恩侯。顯怒恚不食。曰：此民間時子安得立即后有子反爲王邪？教皇后令復毒太子。皇后數召太子賜食。阿保輒先嘗。不得行。後弒許后事頗泄。顯遂與諸壻昆弟謀反。發覺皆誅滅。后廢處昭臺宮。後十二歲徙雲林館。自殺。自博陸侯從驃騎入侍中。後三十五年以忠謹受遺輔政。明年封秉政。前後二十年疾病。從帝請封光孫山樂平侯。奉驃騎後薨。子禹嗣侯。明年光孫雲封冠陽侯。霍氏四侯後四年滅矣。自博陸侯封至是凡十有八年。

成帝時爲光置守冢百家。元始二年封光從父昆弟曾孫陽博陸侯食千戶。

霍后

趙主母張婕妤。淮陽憲王母張婕妤。楚孝王母衛
婕妤。皆愛幸。帝憐太子蚤失母。幾爲霍氏所害。於是選
後宮素謹慎。無子無寵者。王婕妤立爲后。令母養太子。
封后父奉光。邛成侯。帝崩。元帝立。爲皇太后。封太后兄
舜安平侯。成帝立。爲太皇太后。復爵太皇太后弟駿關
內侯。崩。合葬杜陵。後元皇后亦王姓。故世號宣皇后。爲
邛成太后。元始中。元皇后下詔曰。奉
宣皇后。朕之姑。深念奉質共修之義。恩結于心。邛成共
侯。國廢祀絕。朕甚閔焉。其封共侯曾孫堅固爲邛成侯。
孝元王皇后。濟南東平人。祖賀。事武帝。爲繡衣御史。捕
魏郡盜。他部御史暴勝之等。以畏懦逗遛。奏殺吏二千
石。誅千石以下。及盜所通行。飲食坐誅者。大部至萬餘

人惟賀多縱舍。以奉使不稱。免歸。自喜曰。吾聞活千人。子孫當封。吾所活萬餘人。後世其有昌乎。賀生禁。禁生四女八男。女政君。即元后也。婉順得婦道。當許嫁。未行。而許者死。入掖庭爲家人。年十八矣。時元帝爲太子。所幸姬死。以悲患發病。諸嬖妾無進者。宣帝欲順適其意。令皇后擇後宮家人子。可娛侍太子者五人。太子朝見。^{去聲}之令長御問所欲。太子殊無意五人者。不得已於后。彊應曰。中一人可。時政君近太子。又獨衣絳緣。諸長御以爲是白皇后。送太子宫。一幸而有身。生元子於甲館。宣帝大喜愛之。摩其頂。字之曰太孫。宣帝崩。元帝

立太孫爲皇太子。母爲皇后。后父禁封陽平侯。而皇后

自有子。希復進傳昭儀。河內溫人甚寵。子定陶共王。多材藝。

甚愛之。欲代太子位。賴侍中史丹擁右而定。語具帝紀。

中。當是時。皇太子自危。獨親倚王氏。帝崩。成帝立。尊皇

后爲皇太后。舅陽平侯鳳爲大將軍。大司馬領尚書封

太后同母弟崇安成侯。明年。太后庶弟譚商立。根逢時

同日封。世謂之五侯。而太僕音以御史大夫列三公。時五

侯爭爲奢侈珍寶賂遺四面至姬妾各數十人。僅奴以

卜自數人治第起土山漸臺洞門高廊閣道連屬彌望

百姓歌之曰五侯初起曲陽最怒張決高都連竟外杜

玉山漸臺西白虎奢僭如此然皆通敏人事好士養賢

傾財施予鳳輔政十一年薨。薦音代封安陽侯。音屢諫

以相高

正有忠節。薨。成都侯商。曲陽侯根。相繼爲大司馬輔政。而王氏執國命。支屬侯者十人。前世未有也。大者具帝紀中。

孝成許皇后者。平恩侯嘉女也。始元帝悼母恭哀。后居位日淺。而遭霍氏之禍。選嘉女配帝。帝卽位。爲皇后。后父嘉自元帝時。爲大司馬車騎將軍輔政九年矣。帝欲尊任王氏。策嘉以特進侯就朝位。歲餘薨。后聰慧善書。史自爲妃至卽位。常專寵。後宮希得進。皇太后及帝諸舅。以帝未有嗣。內憂之。會數有災異。匡衡劉向谷永等。皆著其咎於後宮。有詔減椒房掖庭用度。后䟽曰。妾幼

愚不明義理。幸備後宮。數逆法。踰制。當伏放流之誅。大
長秋受詔。椒房儀法。服御輿駕。諸官署造作。遺賜外家。
皆如竟寧以前故事。伏自念入椒房。來賜遺外家。未嘗
踰故事。每取上決可覆也。今時世異制。長短相補。不出
漢制而已。纖微之間。何必可同。若竟寧於黃龍前。豈盡
相放哉。家吏不曉。壹受詔。所以約制妾者。恐失人理。誠
太迫急。唯陛下裁察。帝於是采向、永之言。以報曰。皇帝
問皇后所言事。聞之。夫日者。衆陽之宗。天光之貴。王者
之象。人君之位也。夫以陰而侵陽。虧其正體。是非下陵
上。妻乘夫。賤踰貴之變。與春秋二百四十二年變異爲

衆莫若日蝕大自漢興日蝕亦爲呂霍之屬見以今揆
之豈有此效與諸侯拘迫漢制收相執持之又安獲齊
趙七國之難將相大臣裒懷誠秉忠唯義是從又惡有
上官博陸宣成之謀若乃徒步豪桀非有陳勝項梁之
群也匈奴夷狄非有冒頓郅支之倫也方外內鄉百蠻
賔服殊俗慕義八州懷德雖使懷挾邪意猶不足憂况
其無乎求於夷狄無有求於臣下無有微後宮當何以
塞之建始元年正月白氣出於營室營室者天子之後
宮正月於尚書爲皇極白者西方之氣至春當廢今王
極之月興廢氣於後宮示后妾無能懷妊保全者著繼

嗣之微賤人將起也。至其九月。流星如爪。出文昌貫紫宮尾。委曲如龍。臨於鉤陳。此又章顯前尤著在內也。其後則有北宮井溢。南流逆理。數郡水出。流殺人民。訛言傳相。震驚女童入殿。咸莫覺知。斯昭陰盛。盈溢違經。絕紀之應也。乃昔之月。鼠巢于樹。野鵲變色。五月庚子。鳥焚其巢。太山之域。三月癸未。大風自西。搖祖宗寢廟。揚裂帷席。折板樹木。災及宗廟。足爲寒心。四月己亥。日獨東井。轉旋且索。與旣無異。成形之禍。月以迫切。不救之患。日寢婁深。豈可忽哉。因飭椒房掖庭吏。拘於法。亦安足過。蓋矯枉者過直。古今同之。且財幣之省。特半之禍。

其於皇后所以扶功德美爲華寵也。咎根不除。災變相襲。祖宗且不血食。何戴侯也。傳不云乎。以約失之者鮮。審皇后欲從其奢。與朕亦當法孝武皇帝也。則甘泉建章可復興矣。世俗歲殊。時變日化。遭事制宜。因時而移。舊之非者。何可放焉。詩云。雖無老成人。尚有典刑。曾是莫聽。大命以傾。孝文皇帝。朕之師也。皇太后。皇后成法也。皇后其刻心秉德。毋違先後之制。力誼勉行。稱順婦道。減省羣事。謙約爲右。其孝東宮。毋闕朔望。垂則列妾。使有法焉。久之。皇后寵益衰。而後宮多新愛。后姊平安剛侯夫人謁等。爲媚道。祝詛後宮有身者。王美人及鳳

等事覺。皇太后大怒。下吏問謁等。誅后廢處昭臺宮。當是時。陽阿主家歌舞女曰趙飛燕。召入宮。大幸矣。帝欲立爲后。皇太后嫌其所出微難之。太后姊子淳于長爲侍中。數往來懇請。太后報允。立封趙婕妤。父臨爲成陽侯。婕妤好爲皇后。而以長前白罷昌陵功。封定陵侯。后旣立。寵少衰。而女弟召入。絕幸爲昭儀。姊弟專寵十餘年。皆無子。中宮史曹宮御幸有身產子。下暴室獄。后予藥令自殺。宮且死曰。果也。欲姊弟擅天下。我兒男也。領上有壯髮。顙孝元皇帝。柰何。令長信得聞之。謂太后飲藥死。掖庭中御幸生子者輒死。而世竟絕矣。廢后姊嬪。

與定陵侯長通。因爲之小妻。長紿之曰。我能白東朝。復廢后爲左皇后。廢后因嬖賂遺長數通書。記相報謝。長書諄謾。新都侯莽白發之。長棄市。使廷尉持節賜廢后藥自殺。當是時。元帝傳昭儀。隨定陶共王之國。稱定陶太后矣。共王卒。子欣嗣。王太后從王入朝。厚賂遺趙皇后。昭儀及帝舅大司馬根求爲嗣。三人見帝無子。欲自結爲父長。更稱譽定陶王。帝亦自賢之。得立爲太子。明年帝無疾崩。趙昭儀自殺。見帝紀。哀帝立。尊皇太后爲太皇太后。而傳太后稱帝太后。尊定陶共王爲共皇帝。母丁姬稱恭皇后。傳太后欲重親立。從弟曼女爲皇后。

於是王氏柳退而丁傳暴起。事具帝紀中。

傳氏侯者六人。丁氏侯者

二其後傳太后更號帝太后。丁后號帝太后。成帝趙

皇后爲皇太后。與太皇太后並四太后矣。時傳太后驕

甚。與太皇太后語。嫗呼之。故與中山馮太后卻起大獄。

陷令自殺。天下憤怨。崩合葬渭陵。丁太后崩。葬恭皇園

陵。已哀帝崩。無子。太皇太后臨朝。以弟子新都侯莽爲

大司馬。立中山王子爲帝。年九歲。是爲平帝。而大權盡

歸莽矣。於是莽白太后。詔有司前孝成皇后趙氏。與昭

儀姊弟。專寵錮寢。執賊亂之謀。殘滅繼嗣。以危宗廟。諱

天犯祖。廢爲庶人。徙其園自殺。復詔言定陶共王太后。

背恩忘本。專恣不軌。與至尊同稱。沒乃至配食先帝左。
坐逆無道。貶號定陶共王母。丁太后號丁姬。廢傳皇后。
爲庶人。徙其園自殺。后父孔鄉侯晏徙合浦。諸傳氏封
爵者。皆免歸故郡。已葬。復言共王母及丁姬前不臣妾。
所葬冢高與山陵齊。懷皇太太后帝后太璽綬以葬。不
應禮。禮有改葬之文。請發塚取印綬。徙葬共王家次。太
后以爲已事。止勿發。葬固爭。詔因故棺爲致。惇作冢。以
太牢祠。謁者護發。發傳太后冢。冢崩。壓殺數百人。開丁
姬槨。火出炎四五丈云。葬既秉政。顓威權。以平阿侯仁
素剛直。紅陽侯立其諸父也。憚之。令大臣奏以罪。遣就

國。尋守追令自殺。而莽曲意承太后。日誑耀之。言輔政致太平。太后惑信之。奏曰無不從。稱安漢公。立女爲皇后。及莽弑平帝。立孺子嬰。公卿請莽居攝踐阼。太后意不可。然力不能禁。宗室劉崇。東郡太守翟義。舉兵欲誅莽。太后聞之曰。人心不相遠。我雖婦人。亦知莽必以是自危。其後莽遂以符命。即眞。使安陽侯舜諭指。請漢傳國璽。太后乃大驚罵曰。爾屬父子宗族。蒙漢恩富貴累世。無以報受人孤寄。乃乘便利。奮篡奪其國。人如此。猪狗不食其餘。且若自以金匱符命爲新皇帝。變更正朔服制。亦宜自更作璽。何用此亡國不祥璽爲乎。而求之。

我漢家老寡婦。旦暮且死。欲與此璽俱葬。終不可得。因
涕泣悲哀。左右皆垂涕。葬亦悲不能自止。良久乃叩首
謂太后曰。臣等已無可言。葬必欲得璽。太后寧能終不
與耶。太后爲所脅。內度之信。乃出傳國璽投之地。曰。我
老且死。知而兄弟族滅矣。初葬諂太后。議尊孝元帝爲
高宗。立廟。太后詔。及更號太后爲新室文母。不欲令得
體元帝。乃墮壞孝元廟。更爲文母太后起廟。獨置孝元
廟。故毀爲文母饌食堂。旣成名長壽宮。請太后往觀。太
后至。見廟廢墮。驚泣曰。宗廟有神。與何治而壞之。使鬼
神無知。何用廟。如令有知。我人之妃妾。豈宜辱帝堂。陳

饋食哉。私謂左右曰。嫚神多矣。其能久乎。飲酒不樂而罷。莽知太后怨恨。所以媚太后者無不至。然愈不說。莽改漢家黑貂著黃貂。又改漢正朔伏臘。太后令官屬皆黑貂。漢正朔伏臘日。獨與其左右如漢常儀。崩。令葬渭陵。莽女孝平皇后。婉嫕有節操。年未二十。帝崩。劉氏廢。常稱疾不朝。會葬。欲更嫁之。更號爲黃皇室主。欲絕之於漢。令孫建世子盛飾將醫入問疾。后大怒。稱病發。不肯起。及漢兵入長安。燔燒未央宮。后曰。何面目復見漢家。自投火中而死。初。紅陽侯立。放就國。與南陽諸劉結恩。漢兵入長安。誅止莽親屬。而王氏存。世祖徇河北。

子冊守中山。降爲將軍。戰死。封子泓武桓侯。

中山馮太后。右將軍奉世女也。事孝元帝。爲婕妤。與傅昭儀並寵。嘗從幸虎圈。鬪獸。熊逸出圈。攀殿檻欲上。傅昭儀驚走。婕妤直前當熊立。左右格殺熊。帝問人情。驚懼。若何。故前當熊。對曰。妾聞猛獸得人而止。妾恐熊突至御坐。故以身當之。帝嗟嘆。倍敬重焉。而傅太后太慙。深心嫉之。元帝崩。子中山孝王就封。爲太后。隨之國。王薨。孫箕子立。有青病。謁者張繇將醫治。因誣太后禱祠。祝詛。帝及傅太后遣御史案驗。無所得。更遣中謁者史立往治之。立受傅太后旨。治馮太后女弟弟婦死者數。

十人責問馮太后無服辭立曰方熊上殿時何其勇今何怯也太后退謂左右曰此前世事中秘語更何用知之欲陷我效也乃飲藥自殺立誣奏上司隸孫寶疑之請覆治傳太后大怒曰帝置司隸乃主司察我耶馮氏反事明白罪固當乃欲翻異撻揚我惡耶我當坐帝不得已下寶獄尋免官

奉世上黨潞人韓上黨守馮亭後也漢興馮唐顯名奉世學春秋涉

大義矯制擊莎車有功事具戎狄志子野王補標陽夏陽令以治行高入爲左馮翊遷大鴻臚御史大夫缺在位多舉野王而尚書選第中二千石野王行能第一時石顯專國上問顯顯意沮之曰信九卿誠無出野王上者然親昭儀尤臣恐後世必以爲陛下度越衆賢私後官親爲三公也帝曰善吾不見是廢不用下詔曰剛彊堅固確然下欲大鴻臚野王是也成帝時爲王鳳嫉忌免官歸杜陵弟立以父任爲郎屢遷五原太守徙西河

上居職廉公。治行畧與野王相似。吏民嘉野王立。相代爲太守。歌之曰。大馮君。小馮君。兄弟繼踵相因循。聰明賢知惠吏民。政如魯衛德化鈞。周公康叔猶二君。後遷東海太原。歷五郡。所居有迹。年老卒官。宜陽侯參爲人。矜嚴有威儀。以嚴見憚。丞相方進說之。曰。五侯重宜少。絀下之以自完。參終不改其操。及是祓收。嘆曰。不敢自惜。傷無以見先人地下耳。遂自殺。

班婕妤。平陵人。左曹越騎況女也。初孝成許皇后與婕妤皆有寵。帝遊後庭。欲與婕妤同輦。載辭曰。觀古圖畫。聖賢之君。皆有名臣在側。三代末主。乃有嬖妾。今欲同輦。得無近之乎。上善其言而止。太后聞之。喜曰。古有樊姬。今班婕妤矣。婕妤誦詩及窈窕德象女師之篇。每進見上疏。依則古禮。後趙婕妤姊妹弟寵傾後宮。諧婕妤祝。

訊考問之。倏好對曰。妾聞死生有命。富貴在天。修正尚
未蒙福。爲和欲以何望。使鬼神有知。不受不臣之愬。如
其無知。愬之何益。故不爲也。帝善其對。赦之。倏好忍久
見危。乃求其養長信宮。帝許焉。倏好退處東宮。作賦以
自傷。其辭曰。承祖考之遺德兮。何性命之淑靈。登薄軀
於宮闕兮。充下陳於後庭。蒙聖皇之渥惠兮。當日
月之盛明。揚光烈之翕赫兮。奉隆寵於增成。既過幸於
非位兮。竊庶幾乎嘉時。每寤寐而索息兮。申佩離以自
思。陳女圖以鏡監兮。顧女史而問詩。悲晨嬪之作戒兮。
哀褻閭之爲郵。美皇英之女虞兮。榮任嬖之母周。雖愚
陋其靡及兮。敢舍心而忘茲。歷丰歲而悼懼兮。閔蕃華
之不滋。痛陽祿與拓館兮。仍禪祿而離災。豈妾人之殃
咎兮。將天命之不可求。白日忽已移光兮。遂晝莫而無
暉。猶被覆載之厚德兮。不廢指於罪璫。奉共養于東宮
兮。託長信之未流。其酒掃於帷幃兮。永終死以爲期。願
歸骨於山足兮。依松柏之餘休。重曰。潛玄宮兮幽以清。

應門閉兮禁闔扃。華殿塵兮玉階落。中庭萋兮綠草生。
廣室陰兮帷幄暗。房櫳虛兮風泠泠。感帷裳兮發紅羅。
紛絳絲兮紕素聲。神眇眇兮密靚處。君不御兮誰爲榮。
俯視兮冊墀。思君兮履綦。仰視兮雲屋。雙涕兮橫流。顧
左右兮和顏。酌羽觴兮銷憂。惟人生兮一世。忽一過兮
若浮。已獨享兮高明。處生民兮極休。勉虞精兮極樂。與
福祿兮無期。綠衣兮成帝崩。婕妤充奉園陵。薨。塋園中。
白華。自古兮有之。

論曰。自漢興迄於孝平。后妃保位全家者。惟文景武太
后。及孝宣王皇后四人而已。呂霍上官。幾至危國。王莽
之興。繇元后。歷四世爲天下母。在位六十餘載。卒成新
都。蓋漢世之內教缺如。而終始廢興之際。何暴疾甚也。
亦糾繹叵測矣。其次之。俾在執者。得曉然於力與命之
辨云。

西漢諸侯王列傳

漢初定天下。海內未輯。而高祖念嗣子弱。昆弟少。欲分王同姓。填天下。既得楚。分其地爲二國。以從父兄賈有功。封荊王。同父少弟交賢。封楚王。後封次兄仲爲代王。居無何。淮南王布反。東擊荊。賈與戰不勝。走死。國除。匈奴攻代。仲不能堅守。走自歸。廢。而仲子湍。以從擊黥布。功。封吳王。蓋是時。楚王薛郡東海彭城三十六縣。吳王三郡五十三城。而庶子肥王齊七十餘城。民能齊言者。皆屬齊。所謂封三庶孽。分天下半者也。高祖從祖昆弟曰澤。以擊陳豨功。封營陵侯。而太后女弟呂嬃女爲營

陵侯妻太后王諸呂營陵侯澤有所善齊田生游乏資資之二百金生持去之長安說呂后所幸大謁者張卿曰諸呂王大臣未大服也營陵侯澤於諸劉最長又於太后親今爲大將軍誠裂十餘縣王之大臣盡厭諸呂王益固矣太后喜澤得封琅邪王惠帝時高皇帝諸姬子肥封齊王恒代王如意趙王恢梁王友淮陽王建燕王巳太后殺趙王如意淮陽王友徙王趙友故以諸呂女爲后弗愛愛他姬諸呂女妬怒去讒之太后曰王居恒言呂氏安得王太后百歲後必擊之太后怒召趙王王朝置趙邸不見令衛士圍守之弗與食其群臣或潛

饋之食。輒捕論趙王。餓乃歌曰。諸呂用事兮。劉氏危迫。
脅王侯兮。疆予我妃。我妃既妬兮。誣我以惡。讒女亂國
兮。上曾不寤。我無忠臣兮。何故棄國。自決中野兮。蒼天
舉直。于嗟不可悔兮。寧蚤自裁。爲王而餓死兮。誰者憐
之。呂氏絕理兮。託天報仇。王既死。以民禮葬。長安民冢
次。而徙梁王恢爲趙王。呂王產爲梁王。梁王不之國。爲
帝太傅。居中用事。立皇子太爲呂王。更名梁曰呂。呂曰
濟川。王恢旣徙趙。太后以呂產女爲王后。王后從官皆
諸呂。擅國權。且微伺趙王。趙王不得自恣。心怏怏不樂。
王所有愛姬嬖。王后使人酖殺之。王乃爲詩四章。令樂

人歌之王悲啼不自勝。旋自殺。太后聞之。以爲恢用婦人棄宗廟。廢勿嗣。宣平侯張敖卒。子偃封魯王。敖賜諡爲魯元王。燕靈王建亦妻諸呂女。無子。薨。有美人子太后殺之。國除。而悼惠王入朝。驟見鵠。則大恐。憂不得脫。長安內史士曰。太后獨有帝。與魯元公主爾。今王有齊七十餘城。而公主廼僅食數城。故內忤王。誠以一郡上太后。爲公主湯沐邑。太后必喜。無患矣。於是獻城陽郡。乃得歸。太后欲徙代王復王趙。王謝願爲國守邊。以得全。悼惠王薨。子襄立。次子章以妻呂祿女。封朱虛侯。與弟東牟侯興居入宿衛。章年二十有氣力。忿劉氏不得

職常憤惋。嘗入侍燕飲。高后令章爲酒吏。章自請曰。臣將種也。請得以軍法行酒。高后以兒子畜之。曰可。酒酣。章進歌舞。已而曰。請爲太后言耕田。高后笑曰。顧而父知田耳。若生而爲王子。安知田。章曰。臣知之。太后曰。試爲我言田意。章曰。深耕耨種。立苗欲疏。非其種者。鋤而去之。太后默然。頃之。諸呂有一人醉。亡酒。章追拔劍斬之。還報曰。有亡酒一人。臣謹行軍法斬之。左右大驚。太后業已許其軍法。亡以罪也。因罷酒。自是諸呂憚章。雖大臣皆依朱虛侯爲彊。高后崩。趙王呂祿爲上將軍。呂王產爲相國。聚兵以威大臣。欲爲亂。章白發其謀。使人

陰出告其兄齊王襄。令發兵西。齊王與其舅駟鈞。即中
令祝午。中尉魏勃。謀發兵。相召平不可。自殺。王使祝午
紿琅邪王曰。呂氏爲亂。齊王欲發兵西誅之。自以兒子
年少。不習兵。願舉國而聽大王。大王自高帝時將也。習
戰事。請大王幸之。臨菑見齊王計事。將齊兵。平關中之
亂。琅邪王以爲然。乃馳見齊王。以見留而使祝午盡發
琅邪國士卒。并將之。澤襪欺。不得反國。乃說齊王曰。悼
惠王。高皇帝長子。推本言之。大王高皇帝適長孫也。當
立。今諸大臣狐疑。未有所定。而澤於劉氏最爲長。年大
臣固待澤決計。今留臣無爲也。不如使我西入關計事。

齊王以爲然。乃公具車送琅邪王西。及丞相平、太尉勃、
諸大臣既誅諸呂。琅邪王等首定迎代王爲天子。天子
詔以高后所割齊、楚城邑奉諸呂者。皆復歸齊、楚國。而
徙琅邪王澤爲燕王。封趙幽王子遂爲趙王。朱虛東牟
以誅諸呂功。具益封。是歲齊王薨。二年。有司請立皇子
爲王。帝悼趙幽王幽死。復立其次子辟疆爲河間王。以
齊劇郡立朱虛侯章城陽王。東牟侯興居濟北王。乃立
皇子武爲代王。參太原王。楫梁王。方誅諸呂時。朱虛侯
章爲尤功。大臣許盡以趙地王章。而東牟侯與太僕滕
公入清宮。文帝立。聞朱虛東牟之初。頗欲立齊王。絀其

封興居意小望。及是封歲餘。匈奴大入邊。漢多發兵。丞相灌嬰將擊之。文帝親幸太原。興居以爲天子自擊胡。中國虛。遂發兵反。帝還長安。使棘蒲侯柴將軍擊破之。虜興居自殺。國除。淮南厲王長者。高帝少子也。高帝從東垣過趙。趙王獻美人。幸有身。趙王不敢內之宮。築外宮舍焉。及貫高等反。盡捕治王母兄弟妃。美人亦在繫。謂吏曰。日得幸上。有子。吏以聞。帝方怒趙弗理也。弟趙兼因辟陽侯言呂后。呂后妬。不肯白。美人旣免身。恚。即自殺。吏奉其子詣高帝。帝悔。令呂后母之。而葬美人真定。真定。美人母家縣也。已其子得封爲淮南王。王早失

母附呂后。幸無患。然心常怨辟陽侯。孝文卽位。自以爲最親。驕不奉法。帝寬之。三年入朝。往請辟陽侯。辟陽侯出。卽自襲金椎。殺之。馳詣闕下。肉袒謝曰。臣母不當坐趙事。辟陽侯力能得之。呂后不爭。罪一。趙王如意子母無罪。呂后殺之。辟陽侯不爭。罪二。呂后王諸呂。欲危劉氏。辟陽侯不爭。罪三。臣謹爲天下誅賊。報母讐。請伏罪。文帝傷其志。爲親。原不治。王益恣。不用漢法。出入警蹕。稱制。自作法令。立斷。數上書不遜。文帝重自切責之。帝舊薄昭。將軍尊重。令昭予王書。諫數之。終不改。與棘蒲侯太一奇謀。反事覺。詔徵至長安。丞相御史宗正。

廷尉頌奏長

不當棄市。請論如法制。曰。朕不忍致法於

王。赦長罪。廢

勿王。羣臣請處蜀郡嚴道。卽都遣其妻子

女從居。縣爲

築蓋家室。皆廩食。日三食。給薪菜鹽鼓炊

食。罷席制曰。

計食長給肉日五斤。酒二斗。令故美人才

人得幸者十人從居。他可於是載長以緇車。縣以次傳

長。恚道不食。

至雍死。帝哭甚悲。以列侯禮葬于雍。置守

冢。封其子四人爲侯。

已復封安淮南王。渤海山王。賜廬

江王。已齊文王薨無子。

帝又憐悼惠王適嗣乏絕。分齊

爲六國。盡立悼惠王子列侯在者六人。

將閭爲齊王。志

濟北王賢。菑川王雄。

渠膠東王卬。膠西王辟光。濟南王

蓋天子推恩同姓子至於此。景三年。吳王濞首難。結楚
膠西。趙淄川。膠東。濟南。合兵反。變劇大。賴條侯而定。語
具帝紀中。濞走死。戊自殺。文所封齊王子賢。雄。渠。卬。辟
光皆受誅。初。吳楚反。諸侯皆應。齊王將閭後狐疑。城守。
濟北王志以卽中令刼守之。不得發。淮南王安亦爲相
所守。以得完。廬江不應吳而邊越。數使使通越。及吳楚
破平。齊濟北初結約事。頗聞齊王將閭自殺。濟北王欲
自裁。齊人公孫僂止之。走梁謁孝王。說之使屠閭。於是
天子曰。齊王爲膠川。濟南。菑川所圍困。以迫刼。有謀非
罪也。濟北國弱小。適墜言。亦非罪。於是賜將閭諡曰孝。

王立子壽爲齊王。志勿廢。徙菑川。當是時。唯衡山王勃
堅守無二心。天子召入朝。勞苦之。曰。南方地卑濕。徙王
濟北。以示褒。而廬江王賜以通越。故徙衡山。初。議紹吳
楚。封竇太后以吳王首亂。不可。獨楚元王賢立王子禮
爲楚王。奉元王嗣。梁孝王武與景帝同出竇太后。七國
時。吳楚先擊梁。梁爲天子距吳楚。吳楚以梁爲限。不得
西。當是時。最親有功。又大國居天下膏腴地。竇太后以
王少子。絕愛之。以故驕。幾得過。事具封建志中。武帝時。
復成淮南衡山之誅。淮南王安好書。好神仙黃白之術。
不喜弋獵狗馬。亦欲陰行德。拊循百姓。流名譽。武帝以

安屬爲諸父。尊重之。其群臣賓客多。江淮間輕薄。以厲
王。遷死。事激安。會安以雍闕求奮擊匈奴者。削地。安自
傷曰。吾行仁義。見削地。吾甚耻之。爲反謀。王有孽。子不
害最長。王不愛。后太子皆不以爲子。兄數不害。子建材
高有氣。望太子遷。壹不省其父。上變告廷尉。以建辭連
遷。遣廷尉監與淮南中尉逮太子至。淮南王聞與太子
謀。召相二千石。欲殺之。而發兵相至。內史以出爲解。中
尉曰。臣受詔。令毋得見王。王念獨殺相。而內史中尉不
來。無益也。卽罷相出遷。乃念群臣可用者。皆前繫。今無
足與舉事者。願會逮。於是伍被自詣吏。首實言淮南王。

數以舉兵謀問被。被常諫以吳楚七國爲效。王引陳勝吳廣事爲問。被復言形勢不同。必敗亡。及建告見治王恐國陰事泄。必欲發。復問被。被爲謀。陽爲失火。宮中相二千石救火。因殺之。又謀令人衣求盜衣。持羽檄從南方來呼。言曰。南越兵入。欲因以發難。下公卿治。安自殺。太子諸所與謀皆收族。而國除。蓋是時帝剛明果殺戮。而辟陽侯孫善丞相公孫弘怨淮南厲王殺其大父。陰求淮南事。搆之弘。弘刻深窮探其獄。而獄成。帝以伍被所上變多雅辭。推引漢美。又自首欲免之。廷尉湯以爲被首謀。知且泄。乃告不可赦。乃竟誅。衡山王賜安弟也。

從廬江徙封。與淮南王禮節相責望。聞淮南爲畔逆。具
畏淮南王并其國。亦結賓客應之。朝六年。過淮南。淮南
王乃與徐前隙。結約反。淮南誅。有司言衡山王賜當從
坐。武帝曰。諸侯各以其國爲本。不當坐。而王后乘舁死。
后徐來惡太子爽。爽女弟無采嫁。棄歸。與客姦。太子數
讓之。后卽善遇。無采與共毀太子。王以故數繫管太子。
使人上書請廢爽。立少子孝爲太子。而有司捕與淮南
王謀反者。得陳喜於孝家。孝知喜數與王計反。聞律先
自告除罪。卽自告反。廷尉治驗。王自殺。孝以自告除罪。
而坐與王御婢姦。后徐來坐。蠱前后及太子爽坐不孝。

皆棄市。諸與王謀反者皆坐誅。元狩八年夏。廟立子閔。爲齊王。旦燕王。胥廣陵王。同日封。賜策各以其國俗申戒。戒保國又民。旦爲人辯略。通經書雜說。好星歷技數。亦好倡優射獵之事。招致游士。及衛太子敗。齊懷王又薨。旦自以次當立。上書求入宿衛。帝怒。下其使獄。後坐藏匿亡命。削食邑。帝惡之。立少子爲太子。帝崩。太子立。是爲孝昭帝。賜諸侯王璽書。旦得書。不肯哭。曰。璽書封小。疑有變。遣幸臣壽西之長安。問立者誰子。年幾歲。歸以報。旦艷然曰。上棄羣臣無語言。可怪也。前高后時。僞立子弘爲皇帝。諸侯交手事之。八年。呂后崩。大臣誅諸

呂。迎立文帝。天下乃知非孝惠子也。我親武帝長子。不得立。立者疑非劉氏。即與宗室齊孝王孫澤謀。爲流言。言少帝非武帝子。而遣澤歸臨淄。發兵。旦招郡國流人。作兵器。講士馬。須期日。即中韓義等數諫旦。旦殺之。青州刺史雋不疑。收捕澤以聞。詔遣大鴻臚丞治。連燕王。詔勿治。而澤等皆伏誅。久之。郢邑蓋長公主。左將軍旦。上官桀。桀子安。害大將軍光權。欲爲變。旦與通賂遺。相平曰。大王前與劉澤謀。未成而敗者。以澤素夸。好侵陵也。平聞左將軍爲人輕。車騎將軍少而驕。臣恐其不成。即旣成。恐且反。大王也不無可憂。旦曰。前日一男子詣

闕。自謂故太子。長安民趣鄉之。謹不可止。我帝親長子。天下所信。當何憂。不聽。而蓋主報言。獨患大將軍與右

將軍王莽。

莽天水人

今右將軍物故。丞相病。誅大將軍。事必

成。徵不久矣。旦令群臣皆裝。無何。國井水泉竭。宮竈壞。烏鵲鬪死殿上。戶自閉不可開。天火燒城門。大風壞宮城樓。流星下墮。王驚病。而蓋主桀安等皆伏誅。旦知不免。憂憊。置酒萬載宮。會賓客群臣。妃妾坐飲。王歌曰。歸空城兮。狗不吠。鷄不鳴。橫術何廣。廣兮。固知國中之無人。華容夫人起舞曰。髮紛紛兮。寘渠。骨籍籍兮。亡居。母求死子兮。妻求死夫。裴回兩渠間兮。君子獨安居。坐者

皆泣。赦令下。王讀之。泣曰。嗟乎。獨赦吏民。我不赦矣。欲
自殺。后姬夫人共啼泣止王。及得賜王璽書讀。卽以綬
自殺。后夫人從死者二十餘人。國除。廣陵厲王胥。旦
弟也。好倡樂逸游。力扛鼎。空手搏熊羆。動作無法。以不
得爲漢嗣。見昭帝少無子。有覬欲心。而楚地好巫鬼。胥
迎女巫使下神。女巫言。孝武帝下我言。必胥爲天子。胥
多賜女巫錢。使禱巫山。祝詛帝。會帝崩。昌邑王徵踐位。
復使祝詛之。又會王廢胥。愈益信。宣帝卽位。胥曰。太子
孫。何以反得立。復祝詛如前。事覺。有司按驗。胥恐。藥殺
巫。及宮人二十餘人。以絕口。已情得。天子遣廷尉太鴻

臆卽訊胥置酒顯陽殿。召太子霸及子女夜飲。使所幸
八子鼓瑟歌舞。王自歌曰。欲久生兮無終長。不樂兮安
窮。奉天期兮不得須臾。千里馬兮駐待路。蒿里召兮郭
門閉。死不得取代。庸身自逝。歌已泣。左右皆泣。奏酒至。
鷄鳴以綬自絞死。嗚呼。於永監痛深矣。昌邑王賀立。尋
廢。定陶中山俱入後。爲國大故。而淮陽東平梁事。天子
處之。具有誼有恩。具帝紀封建志中。漢承秦滅學。而楚
元王父少好學。事浮丘伯受詩。與魯穆生白生申公俱。
及就封。召以爲中大夫。而遣子郢客與申公俱卒業浮
丘伯所。其所次詩傳曰元王詩。而經始萌芽。武帝時河

間獻王德脩學好古。實事求是。從民得善書。必爲好寫。與之。畱其真。加金帛。賜招之。繇是四方道術之人。不遠千里。有舊書多奉奏。故得書多。與漢朝等。是時淮南王安亦好書。所招致率多浮辯。獻王所得。皆古文先秦舊書。周官尚書禮記孟子老子之屬。皆經傳說記七十子之徒所論。其學通六藝。立毛氏詩。左氏春秋。博士修禮樂。被服儒術。造次必於儒者。山東諸儒從之遊。時會朝獻雅樂。對三雍官及詔策所問三十餘事。皆推道術而言。得事之中。文約而指明。爲諸儒宗。當是時。宗室子辟疆亦好詩書。能屬文。隨二千石論議。冠宗室。清靜少欲。

不肯仕任官。大將軍光擇宗室可用者。表辟疆子德。待詔丞相府。或言父見在先帝所寵。拜辟疆光祿大夫。守長樂衛尉。時年八十矣。德少修黃老術。常持老子知足之戒。爲宗正妻死。大將軍光欲以女妻之。謝不取。蓋長公主孫譚遮德求自直。德數責主起居無狀。間之侍御史。以長生深啗德。而光望不受女。因劾德毀謗。免。光聞而恨之。歲餘。復宗正地節中。以親親行謹厚。封陽城侯。德寬厚好施。行京兆尹事。多平反。家產過百萬。則以振昆弟賓客。曰。富民之怨也。有子曰更生。年十二。以父任爲郎。旣冠。以行脩擢諫大夫。以通達能屬文。進侍中。坐

事失官。會立穀梁春秋。帝奇更生材。徵受業。講五經石渠學。遂深。元帝卽位。太傅望之少傳堪薦更生忠明經有行。擢宗正給事中。爲貴戚許史中人恭顯所譖。愬因災異。本春秋言和乖祥異之故。上之後望之猛以讒死。著疾讒。擿要救危。及世頌八篇。依興古事。悼已及同類也。成帝卽位。得復用。更名向。字子政爲光祿大夫。時大將軍鳳以元舅秉國。而王氏列侯皆汰溢。數有大異。向領

較中五經秘書。乃集上世以來訖秦漢災祥之記。號洪範五行傳。著天人之應上之時。營昌陵不成。復還歸延陵。制度泰奢。向䟽諫。又帝無繼嗣。政繇王氏。又上封事。

諫元延中。星孛東井。岷山崩。壅江。何以爲亡徵。復上疏。切諫。諸皆先漢所以亡。具帝紀中。時俗彌奢淫。趙衛之屬。起微賤。踰禮制。何以爲王教。繇內及外。自近者始。採詩書所載賢妃貞婦。興國顯家。可法則。及孽妾亂亡。可炯戒者。爲列女傳八篇。及采傳記百家所載論說行事。關君道臣術。去其複重淺薄。不中義理者。科條其目。令以類相從。著新序。說苑五十篇。奏之。帝雖不能用。然內嘉其言。常咨嗟嘆焉。向爲人簡易。無威儀。廉靖樂道。不交世俗。專精思於經術。晝誦書傳。夜觀星宿。或不寐達旦。著七畧。剖判藝文。總百家之統緒。著三統歷譜考。步

日月星辰之行。自以見信於帝。常顯訟宗室。譏刺王氏。言痛切。發於至誠。帝數欲用爲九卿。輒爲王氏及丞相御史所持。故終不遷。居列大夫官。前後三十餘年。年七十二卒。卒後十三歲而王氏代漢。史固以爲聖人不作。其間必有名世者。向爲庶幾焉。

漢同姓諸侯王。荆王賈立六年。爲黥布所殺。

○燕敬王澤。初封琅邪。徙封燕。薨。子康王嘉嗣。薨。子定國嗣。坐禽獸行。亂倫逾道。自殺。國除。

○吳王濞。反。誅。

楚元王交。贊。薨。太子辟。非先卒。文帝以宗正上邳侯郢客嗣。是爲夷王。薨。子戊嗣。反。自殺。景帝立。宗正平陸侯禮爲楚王。奉元王後。是爲文王。傳安王道。襄王注。節王純。至王延壽。宣帝時。坐附廣陵王胥。爲逆。自殺。國除。

高皇帝子六王。齊悼惠王肥。趙隱王如意。趙幽王友。趙其王恢。燕靈王建。淮南厲王長。齊悼惠王最長。國最大。而王子封者凡九王。哀王襄。

嗣齊王以誅諸呂功封章城陽王興居濟北王無何哀
王薨文帝則嗣文王薨無子文帝傷悼惠王之嫡嗣封
王子見爲侯者六人皆爲王而濟北王興居最先反先
自殺吳楚反時齊孝王將閭畏連坐卽自殺膠東王雄
渠膠西王卬濟南王辟光菑川王賢皆從反見殺天子
立孝王太子壽嗣齊王徙濟北王志爲菑川王而悼惠
王子所封國獨齊城陽菑川存齊懿王壽薨子厲王次
昌嗣其母曰紀太后太后取其弟紀氏女爲王后王不
愛紀太后欲其家重寵令其長女翁主入王宮正後宮
無令得近王欲令愛紀氏女王因與其姊翁主姦齊有
宦者徐甲入事皇太后皇太后有女曰修成君修成君
非劉氏子太后前嫁金氏所生女也憐之修成君有女
娥太后欲嫁之諸侯宦者甲請得使齊必令王尚書請
娥皇太后大喜使甲之齊時王父偃知甲使齊以取后
事因謂甲卽事成幸言偃女願得充王宮甲至齊紀太
后怒曰王有后後宮備具甲齊貧人又爲齊宦者入事
漢乃欲亂吾家且王父偃何爲者乃欲女充後宮怒不
聽甲大窮還報皇太后曰王已願尚娥然事有所害恐
如燕王燕王定國者與其姊昆弟姦坐死故以感太后
太后曰母復言嫁女齊事而翁主事寢淫聞於上矣主

父偃方幸用事，因言齊臨菑十萬戶市租千金，人衆殷富，鉅於長安，非天子親弟愛子不得王。今齊王於親屬益疏，乃從容言呂太后時齊欲反，吳楚時孝王有成謀，又聞今齊王與其姊亂，於是武帝拜偃爲齊相，正其事。偃至齊，急治王，王年少懼，爲吏所執誅，乃飲藥自殺。國除，偃始爲布衣時游燕趙，燕趙王不禮焉，及貴用事，首發燕事，趙王恐其爲國患，欲上書言其陰事爲居中不敢發，及出爲齊相，即使人上書告偃多受諸侯金，持未下，及齊王以自殺聞，帝大怒，以爲偃劫其王，令自殺，徵下吏，偃服受諸侯金，實不劫王，令自殺，帝欲勿誅，公孫弘曰：齊王以憂死，無後，非誅偃，無以塞諸侯之望，偃坐誅。

○城陽景王章以朱虛侯封，薨，傳其王喜，頃王延敬王義，惠王武，荒王順，戴王恢，孝王景，哀王雲，凡八世，無子絕。成帝立雲兄偃爲城陽王，王葬時絕。

○菑川懿王志，旣從濟北徙封，而齊國絕，武帝爲悼惠王冢園在齊，割臨菑東，環悼惠王冢園邑，盡以予菑川，令奉祭祀，懿王薨，傳靖王建，頃王遺，思王終古，而終古坐禽獸行，削四縣，傳考王尚，孝王橫，懷王交，至王承，王葬時絕。

○三趙王及燕王建既幽死，呂后除其國。孝文立幽王友子遂爲趙王，從吳楚北，購匈奴反，自殺，國除。

○淮南厲王長謀逆死，文帝卽淮南地三分之，立安淮王勃以貞信從王濟北，薨。子式王胡嗣，薨。子寬嗣，坐諱人倫姦，又祝詛，自到死，國除。

○文帝子三王，梁孝王武，代孝王參，梁孝王揖，孝王初封代，徙淮陽，已徙梁，薨。景帝以竇太后悼痛甚，立孝王子五人皆爲王，買嗣梁王，明濟川王，彭離濟東王，定山陽王，不識濟陰王，梁共王買，薨。子平王襄嗣，后任事，毋李太后不順，誅，坐削邑。明坐射殺其中尉彭離，坐昏暮與奴下命，少年數行剽，皆廢爲庶人，定不識，皆下子國皆絕於身，而梁平王薨，傳頃王無傷，敬王定國，夷王遂荒，王嘉至王立，多罪，數見譴讓，削國邑。平帝時坐與帝外家衛氏通，自殺，國除。

○代孝王參初封太原王，徙代，并得太原，而都晉陽如故，薨。子共王登嗣，薨。子義嗣，徙王清河，曰清河剛王，薨。子頃王湯嗣，薨。子牟嗣，地節中坐淫亂廢，國除。

○梁懷王揖墮馬薨，無子，國除。

○景帝子十三王，河間獻王德最賢，薨，傳子其王不害。

剛王堪頃王授孝王慶至王元坐取廣陵厲王及中山懷王姬以爲姬削二縣坐殺少史留貴母廢處房陵坐笞擊妻若令自髡國除成帝立元弟良紹獻王後曰惠王良修獻王之于母太后薨服器如禮得益封王葬時絕

○臨江哀王閔薨無子絕

○臨江閔王榮以皇太子廢爲王坐侵廟壩地爲宮徵詣中尉府對簿責訊王自殺葬藍田燕數萬銜土置冢上百姓憐之亡子國除

○魯恭王餘初立爲淮陽王徙王魯薨子安王光嗣好音樂輿馬晚節吝唯恐不足於財薨傳孝王慶忌頃王勁文王駿以亡子國除

○江都易王非初立爲汝南王吳楚反非年十五有氣力上書自請擊吳景帝賜非將軍印擊吳吳已破更封江都沿故吳國元光中匈奴大入邊非上書願擊匈奴不許薨子建嗣易王於魯恭王同母母太后共養於魯建爲淫亂使謁者吉請問共太后太后泣謂吉歸以吾言謂而王王前事漫漫今當自謹獨不聞燕齊事乎言吾爲而王泣也吉歸致共太后語建大怒責斥之坐殺不辜三十五人專淫虐謀反逆自殺國除

○膠西王王端坐賊鑿數犯法削國土大半端心慍遂
爲無訾省府庫壤漏盡腐財物鉅萬終不得收徙數變
名爲布衣之它國相二千石奉漢法以治輒求其罪告
之亡罪者藥殺之相二千石從王治則漢繩以法故膠
西小國所殺傷二千石甚衆薨無子國除
○趙敬肅王彭祖初封廣川王徙王趙爲人卑諂足共
而心刻深好法律持詭辯中人相二千石至衣帛布單
衣自行迎舍而多設疑事動之得其失言中忌諱則
迫切之不聽上書告之檀椎會入多於國租稅以是家
多金錢舉以賜姬諸子亦盡之矣久之太子丹與同產
姊姦江充告捕下詔獄罪至死彭祖上書願從國中勇
敢擊匈奴贖丹罪會赦丹得出彭祖取江都易王寵姬
王建所姦淖姬者嬖之生男曰淖子薨淖姬兄時爲漢
宦者帝召問淖子何如對曰爲人多欲帝曰多欲不宜
君國子民問武始侯昌曰無咎無譽帝曰可矣立昌嗣
爲頃王薨子懷王尊無子絕宣帝立尊弟高爲哀王薨
子共王充嗣薨子隱嗣王莽時絕初武帝以親親故立
敬肅王小子偃爲平王曰頃王薨子繆王元嗣坐暴
虐不道國除
○中山靖王勝樂酒好內有子百二十餘人傳哀王昌

康王昆侈頃王輔憲王福懷王循以無子絕成帝立憲王弟孫利鄉侯子雲客是爲廣德夷王無子絕哀帝立雲客弟廣漢爲廣平王復無子平帝立廣川惠王曾孫倫爲廣德王奉靖王後王莽時絕

○長沙定王發唐姬子也景帝召程姬程姬有所避不願進而飾侍者唐兒使夜進帝以爲程姬也而幸之已覺非程姬生子名曰發以母微無寵王早濕貧國薨傳戴王庸頃王鮒鮒刺王建德建德嗣坐獵縱火燔民九十六家殺二人削八縣薨子場王旦嗣無子絕元帝立旦弟宗爲孝王薨子魯人嗣王莽時絕

○廣川惠王越薨子繆王齊嗣齊坐誣罔大不敬當廢會薨詔以惠王孫去爲廣川王去卽繆王齊子也坐聽后昭信讒燔燒烹煮生剖剝其內人距師諫殺其父子廢徙上庸道自殺昭信棄市國除立去兄文爲戴王文正直數諫去以故立薨子海陽嗣坐淫亂殺一家三人廢國除平帝立襄隄侯子瑜爲廣德王奉惠王後王莽時絕

○膠東康王寄聞淮南王爲反具亦移作兵車鐵矢戰守備備之淮南敗事覺寄自傷發病死不敢置後帝憐之立長子賢爲膠東王封少子慶爲六安王王故衡山

地賢薨諡哀王傳戴王通平頃王音其王授至王殷王
莽時絕

○六安共王慶傳夷王祿穆王定頃王光至王育王莽
時絕

○清河哀王乘薨無子國除

○常山憲王舜帝少子驕淫數犯禁薨子勃嗣坐罪廢
徙房陵天子爲最親詔有司曰常山憲王早夭后妾不
和適孽誣爭陷于不誼以滅國朕甚閔焉封憲王子平
三萬戶爲眞定王子商三萬戶爲泗水王眞定頃王平
薨傳烈王偃孝王繇安王雍其王晉至王陽王莽時絕
○泗水思王商薨子哀王安世嗣薨無子武帝立安世
弟賀爲戴王薨有遺腹子煖相內史不以聞太后上書
言之昭帝抵相內史罪立煖爲勤王薨子戾王駿嗣薨
子靖嗣王莽時絕

○武帝子四王齊懷王閔燕刺王旦廣陵厲王胥昌邑
哀王髡齊無後絕燕廣陵誅死昌邑廢宣帝詔封燕太
子建爲廣陽王胥少子弘爲高密王已封賀海昏侯元
帝復立胥太子霸紹廣陵王廣陽頃王建薨傳穆王舜
思王璜至王嘉王莽時以獻符命封扶美侯高密哀王
弘傳頃王章懷王寬至王慎王莽時絕

○廣陵孝王霸傳共王意哀王護無子成帝立孝王子
守嗣曰靖王傳子宏王莽時絕

○海昏侯賀薨豫章太守廖奏言舜封象於有鼻死不
爲置後以爲暴亂之人不宜爲國太祖海昏侯賀死上
當爲後者子充國充國死復上弟奉親奉親復死是天
絕之也陛下聖仁於賀甚厚雖舜於象無以加宜以禮
絕賀奉天意願下有司議議皆以爲不宜爲立嗣國除
元帝復封賀子代宗爲海昏侯傳子至孫

○宣帝子四王淮陽憲王欽楚孝王囂東平思王宇中
山哀王竟淮陽王欽好經書法律有俊材宣帝時幾以
愛易嫡元帝立就國而王外祖母舅張博見親博貪賴
數諂語熒惑王言游燕趙欲行郡國求幽隱之士聞齊
有馴先生者善爲司馬兵法博得謁見承間進問五帝
三王究竟要道卓爾非世俗所知今邊境不安天下騷
動微此人其莫能安又聞北海之瀕有賢人焉累世不
可逮願以此赴助漢急無財幣通顯之趙王使謁者持
牛酒黃金三十斤勞博博不受復使人願聘博女聘金
二百斤博未許謂大王還意反義結以朱顏願殺身報
德王得書喜報博書與相唯諾爲償責二百萬時博留
京易以明易陰陽得幸帝數見言事數爲博道之博欲

誰耀淮陽王、具記房語以爲信、且詐言已見中書令石君求朝、許以金五百斤、賢聖制事、慮功而不計費、昔禹治洪水、百姓罷勞、成功既立、萬世賴之、今聞陛下春秋未滿四十、髮齒墮落、太子幼弱、陰陽不調、百姓疾疫、饑饉死者且半、洪水之害不過此、大王緒欲救世、將比禹功、何可以忽、博已與大儒知道者爲大王作便宜奏、陳安危、指災異、大王朝見、先口陳其意、而後奏之、上必大說、事成功立、外家亦將富貴、何復望大王之金錢、王喜、報博書曰、乃者詔下、止諸侯朝、寡人惛然、不知所出、子高素有顏冉之資、臧武之智、子貢之辨、卞莊子之勇、既開端緒、願卒成之、求朝義事也、奈何行金錢乎、博執曰、已許石君、須以成事、乃予金五百斤、事覺、博兄弟二人及京房皆棄市、妻子徙邊、詩云、貪人敗類、其博之謂與、成帝卽位、以淮陽王屬爲叔父、敬寵之、異它國、王上書、自陳舅時事、頗爲石顯等所侵、因爲博家屬徙者求還、丞相御史復劾、欽前與博相遺私書指意、非諸侯王所宜、蒙恩勿治、不悔過而復稱引、自直、失藩臣體、不敬、上加恩許還徙者、薨、子文王玄嗣、薨、子續嗣、王莽時絕、
○楚孝王躡、初立爲定陶王、已徙楚、河平中祓疾、天子聞之、下詔曰、蓋聞天地之性、人爲貴、人之行莫大於孝、

楚王酈素行孝順之國以來二十餘年、嬖介之過未嘗聞、朕甚嘉之、今離于惡疾、夫子所痛、曰蔑之命矣夫、斯人也而有斯疾也、朕甚閔焉、夫行純茂而不顯異、則有國者將何勗哉、書不云乎、用德章厥善、其以廣戚縣戶四千三百、封其子勳為廣戚侯、囂薨、子懷王文嗣、無子、成帝復立文弟平陸侯衍為思王、薨、子紆嗣、王莽時、絕廣戚、煬侯勳、薨、子顯嗣、平帝崩、無子、王莽立顯子嬰為孺子、奉平帝後、莽篡位、以嬰為安定公、莽誅平陵方望等、頗知天、又謂更始必敗、嬰本統當立、共起兵、立為天子、為更始所擊、敗死、

○東平思王宇通姦犯法、帝以至親、貫弗罪、事太后不順、太后上書求守杜陵園、璽書敕諭、薨、子煬王雲嗣、坐及后、謁祠祭、詛視、徙房陵、自殺、謁棄市、國除、元始元年、王莽欲反、哀帝政、立雲太子、開明為東平王、又立思王孫成都為中山王、薨、無子、立開明兄嚴鄉侯信子匡為東平王、王莽居攝、東郡太守翟義舉兵誅莽、立信為天子、兵敗、為莽所滅、

○中山哀王竟、初立為清河王、徙中山、少未之國、薨、無子、絕、

○孝元帝子二王、定陶共王康、初立為齊陽王、徙山陽、


已徙定陶。少多材藝。幾代太子。成帝卽位。綠先帝指厚遇異它王。薨。子欣嗣。成帝無子。徵入爲皇太子。是爲孝哀帝。立楚思王子景爲定陶王。奉共王後。
○中山孝王興薨。子衍嗣。哀帝崩。無子。徵入卽位。是爲平帝。立東平思王孫桃鄉侯成都。
爲中山王。奉孝王後。王莽時絕。總之高祖子六王。四

幽死無後。一反誅。惟悼惠王以孽子起。難難以獨全。悼惠王子九王七反誅。唯城陽景王章以功。菑川王志以徙弱小全。文三王。梁懷早夭。代梁孝王。並早世。而梁孝王五子皆王。皆不終。武四王。齊以無後絕。燕廣陵以逆誅。昌邑哀王子賀興入嗣統而廢。蓋其難如此。乃孝景十三子。唯河間獻王賢。餘無稱焉。而東漢世祖出長沙定王。本所生微甚。蜀漢昭烈帝出中山靖王。亦景帝裔。

孫孝元之後。徧有天下。而世乃竟絕。非以文景世務樹德農政。不躬饗獨美。其福於延世爲優耶。可以觀天道矣。

史固曰。魯哀公有言。寡人生於深宮之中。長於婦人之手。未嘗知憂。未嘗知懼。信斯言也。欲不危亡。不可得已。故古人以宴安爲鴆毒。亡德而富貴。謂之不幸。漢興至于孝平。諸侯王以百數。率多用驕淫失道。敗何則。沈溺放恣之中。居執使然也。雖中庸之材。猶繫于習俗。而況魯哀之倫乎。夫唯大雅卓爾不羣。河間獻王之謂矣。

函史上編卷之十四終



DS 735 .42 T4 V.12
國史上編卷之

明盱郡鄧元錫著

光武皇帝帝紀

世祖光武皇帝諱秀字文叔高帝九世孫也系出長沙
定王粲後五世爲南頓令欽世祖父也

發生春陵戴候買買生鬱林太

守外外生鉅鹿都尉回回生南頓君王莽篡漢兄齊武王伯升慷慨有大

節好節俠養士常憤憤懷社稷之慮而世祖知湛勇深

好經書避地新野勤稼穡自晦恂如也

伯升常嗤笑以爲高祖兄仲

莽既竊位益倖驚毒痛于神人天下怨叛莽元年巳巳

徐鄉侯劉快起兵不克死辛未匈奴寇邊內郡邑苦徵

發并州平州兵起乙亥五原代郡起丁丑臨淮琅琊荆
州綠林兵並起已赤眉起東海秦豐起南郡下江新市
荊州平林兵大起而宛人李通說世祖以圖讖劉氏當
復興令倡義舉兵世祖歸語伯升伯升乃大喜號召春
陵豪傑與計曰莽暴虐甚矣百姓歸命無所而枯旱連
年兵革並起此天亡之時也復高祖之業定萬世之計
此其時矣乃發春陵子弟舉義而分遣親客於諸縣行
收兵春陵子弟憚懼伯皆恐懼亡匿曰伯升殺我見世
祖褒衣大冠于于來乃大驚曰謹厚者亦復爲之乎乃
稍出自歸於是得子弟七千人署賓客勒部焉已得新

市平林軍已又得下江軍軍大振。

潁川王常起南郡號下江兵兵最盛於是

伯升與世祖造其壁與約結合從常大喜許從衆持不可常曉譬之曰王莽苛酷失百姓之心民謳吟思漢非一日故吾屬得暴起夫民所怨者天所去也民所思者天所與也故舉大事者當順民心以合天若負強恃勢觸情恣欲雖得天下必復失之秦項是也其終鮮矣今南陽諸劉來者皆深計大慮有王公之才殆天之所以祐吾屬也諸將素信敬常謝願從於是引兵與漢軍合先是赤眉賊雖衆數十萬

無文書號令無部律獨爲椎剽及漢兵起皆稱將軍攻城邑輒移書引天命人紀用稱說衆遂十餘萬欲立劉氏從人望南陽下江諸豪傑皆衆附伯升而新市平林將樂放縱憚伯升嚴求軍中得舂陵戴侯曾孫玄其定策立之然後召伯升示其議伯升曰諸君幸欲尊立宗

室甚厚。今赤眉起青徐衆數十萬。今立帝。彼必復有所立。勢將疑而爭。莽未滅而宗室先爭。是疑天下而自損也。不可。且春陵至宛近耳。所得地何幾。遽自尊爲莽所指名。是速禍也。不如姑稱王。以號令。王勢亦足以斬將脫赤眉所立者。賢則相率從之。若無所立。破莽降赤眉。後舉尊號未晚也。平林將不可。於是設壇塲。滴水上沙中。奉玄卽帝位。所謂更始皇帝者也。更始素悞。朝群臣愧。餐汗流。舉手不能言。以朱鮪爲大司馬。伯升爲大司徒。世祖偏將軍。而豪傑大失望。當是時。莽漢全盛。聞天下叛。已恚求群盜甚急。聞南陽兵起。且號益大。悸急欲撲滅之。於是遣

僞司空王邑。司徒王尋。馳傳大發山東兵。徵諸明兵法者六十三家。備軍吏。驅諸猛獸虎豹犀象之屬。以助威。檄州郡各自將選兵。會昆陽。衆四十萬。號百萬。旌旗輜重。千里不絕。自先漢出師之盛。未有也。世祖時將數千人。徇地陽關。而伯升方攻宛。未下。諸將見尋邑兵盛。皆惶怖走昆陽。欲散歸。保妻子。世祖曉之曰。今兵穀內乏。而外敵強大。惟一心并力。庶可抗大難。脫一散。卽形勢分。今宛未拔。豈望能及救乎。如此則昆陽必破。昆陽破。卽諸部立盡矣。今不同心膽。舉功名。顧欲守妻子財物。妻子財物安可得守耶。諸將皇惑不能定。會候騎還。

言大兵至城北。已衡數百里而軍。則恐急。更請劉將軍。已知無所往。乃皆合定城守之計。時城中惟八九千人。世祖念兵少。欲外召諸城兵以奇勝。乃使將軍王常等居守。而夜與李軼等十三騎從城南門間行出。收兵鄜定陵。嚴尤說邑曰。昆陽城小而堅。今假號者在宛。大兵亟進。宛從中擊。必破之道也。宛敗。昆陽自服。邑曰。吾昔以虎牙將軍圍翟義。坐不生得。見讓。今將百萬之衆。遇城而不能下。是益罪也。當先屠此。乃蹀血而進耳。遂合圍數十重。刻營百數。雲車十數丈。下瞰城中。鉦鼓之聲。聞數百里。城中負戶而汲。乞降不許。尋邑自以功在晷刻。殊泰。不以他奇變爲虞。嚴尤曰。兵法圍城爲之闕。宜闕圍。使得逸。以怖宛。邑又不聽。鄜定陵諸將貪惜財貨。欲分兵營守。世祖曰。今破敵功成。俘簿當萬倍無筭。脫敗。首領無餘。何財物之有。乃悉餐諸營。

兵與俱救昆陽。世祖自將步騎千餘爲前鋒。尋邑遣兵逆擊。世祖馳犇之。力戰多斬馘。諸將喜曰。劉將軍平生見小敵怯。今見大敵勇。甚可怪也。與僂力遂前去。大軍四五里而陳。時伯升拔宛三日矣。世祖未之知也。乃謬爲書報城中。言宛已拔。今悉大軍還救。而陽墮其書。而遂前薄之。進衝其中堅。尋邑勅大軍無動。獨率所部迎與漢軍合。諸將殊死戰。尋邑卻。而大軍不敢擅相救。漢乘銳崩之。城中亦鼓譟出。已天忽大雷電。以風。屋瓦皆飛。雨如注。覆壓尋邑軍。尋邑軍潰。潁川水驟溢。虎豹皆股戰。遂擊斬尋。奔殪百餘里。盡獲其軍實輜重。舉之連。

日不盡。於是海內響應。爭殺其牧守。稱將軍以應漢。旬月間徧於天下。於是卒誅莽。是役也。微世祖洞然於呼吸成敗之斷。奮發其所爲。諸將倡破勅敵。建萬世之業。

天下事幾殆。

新市平林諸將以伯升威名益盛。陰勸更始除之。世祖私語伯升。今耳目稍異。宜爲

備。伯升笑不應。本謀舉事者李軾。後更誦事新貴。世祖復戒伯升。軾不可復信。伯升終昵之。遂見殺。已伯

升以讒釁及於難。世祖以功高爲衆所側目。又伯升同

產。時別將軍父城。聞乃大驚。即自馳詣宛。謁更始謝司

徒官屬迎弔。不與交私語。深引過而已。又口未嘗及昆

陽之功。又不敢爲伯升服喪。飲食言笑如平時。於是上

下大安。莽既受誅。更始徙都洛。世祖以司隸較尉前清

官置僚屬。文移司察如舊章。

時三輔吏士東迎更始。見諸將過。皆冠幘而服。婦人

衣諸子繡襦。莫不笑有詔而走者。及見司隸僚屬。皆歡喜不自勝。老吏或垂泣曰。不圖今日復見漢官威儀。識者皆屬心焉。無何。河北多盜。世祖以破虜大將軍行司馬事。

持節北渡河。得專征。於是憂不在左腹。專方面威重行。

而帝業成矣。既渡河。所過盡除莽苛政。復先漢寬政。復

漢官名。延見二千石長吏三老官屬。問民所疾苦。考察

黜陟。平遣囚徒。如舊章。

吏民喜。爭持牛酒迎勞。皆讓不受。

先是南陽鄧

禹。年十三。受詩長安中。時世祖學京師。禹附親及聞帝

行。徇河北。杖策從。追權及於鄴。世祖見。懽甚。謂之曰。我

得專封拜。生遠來。寧欲仕乎。禹曰。不願也。曰。何願。禹曰。

願明公威德加於海內。禹得效其尺寸。棄功名竹帛已爾。世祖喜。因留宿。中夜。禹屏人。進深計曰。往古聖人之興。天時人事兩科而已。以天時觀之。更始既立。而災異方興。以人事絜之。帝王大業。非凡夫足任。今三輔群盜蠭集。山以東。赤眉青犢之屬。動以數萬計。而更始不躬自聽斷。諸將皆庸人。崛起利金帛。怙威力。苟朝夕自媮快。非嘗有忠信明智。深計遠慮。欲尊主庇民者也。四方崩析。形勢已兆。明公卽欲建藩輔之功。當安所成乎。今莫如延攬英雄。務悅民心。立高祖之業。救萬民之命。以公而慮天下。不足定也。世祖大喜。令宿止於中。與謨議。

始世祖傷伯升之歿。外示恬晏。每獨居。輒不御酒肉。枕席有涕泣處。主簿馮異覩知之。獨叩頭寬譬。進計曰。天下苦王氏思漢久矣。今更始諸將從橫暴戾。百姓失望。公專命方面。施德行惠。是天人之命也。宜分遣官屬。循行郡縣。理冤結。布惠澤。益附親於民。於是世祖立遣異乘傳。撫邛鄲諸下縣。如異言。異。潁川父城人。通左氏春秋。世祖起徇父城。異以莽郡掾行中車。被執。世祖釋其縛。欲用之。異曰。老母在。異不足用也。願歸據父城。以效功。世祖許之。於是更始將攻父城者。前後十數輩。皆堅守不下。世祖以司隸校尉經父城。卽以其衆開門迎。世祖大喜。署主簿。會邛鄲卜者王郎。詐稱成帝子子輿。僭號檄州郡。毋西從長安。州郡以子輿帝子正統。爭響應。世祖方徇薊。得郎檄。

人困。官屬交勸且南歸避之。上谷守耿况遣子弇奉奏詣長安。謁世祖。盧奴。世祖說之。署長史。奮曰。今盜兵從南方來。何可南。漁陽太守彭寵。公邑人。上谷太守。弇父也。子與烏合。發兩郡兵。控弦且萬騎。豈憂邯鄲哉。時官屬腹心皆不肯。曰。狐死尚首丘。奈何北行入囊中。世祖念南還無歸。適自禍。是弇畫。指弇曰。此我北道主人也。議未決而薊亂。

弇字伯昭。茂陵人。父况以明經爲郎。學老于於安丘生。爲朔調連率。蓋莽時守

也。弇少從父習父業。好兵。時年二十一。

故廣陽王子接。起兵薊。應郎。世祖

趣駕斬關出。獨官屬從。顧與弇相失。時城邑皆反。更始起爲郎。乃晨夜南馳。不敢入城邑。舍食道旁。天寒烈至。

無蔓亭。馮異上豆粥。至南宮。遇大風雨。引車入道旁空舍中避之。異抱薪。鄧禹爇火。世祖對竈燎衣。異復進麥飯。羸肩遵滹沱河而西。候吏還。白河流澌。無船不可濟。世祖使王霸往視之。時傳王郎兵從後襲。且至。霸恐衆驚散。欲且前阻水。還。郎詭曰。冰堅可渡。官屬皆喜。世祖笑曰。候吏果妄語也。遂前至河。河水忽旋合。令王霸護渡。未畢數騎而冰解。進至下博城西。惑不知所如往。有白衣老父指曰。努力信都。信都爲長安城守。於是馳赴之時。燕趙郡邑皆已畢降王郎矣。獨信都太守任光不肯從。以孤城恐不能自全。聞世祖至。大喜。和戎太守邳

彤亦來會議者。皆言可。因信都兵。自送還長安。邳彤曰。吏民歌吟思漢久矣。故更始舉尊號。而天下響應。三輔清宮除道以迎之。此天意也。今卜者王郎。假名因勢。驅烏合之衆。無根本之固。明公奮二郡之兵以討之。何患不克。今釋此而歸。豈徒空失河北。必且驚動三輔。墮損威重。非計也。且明公遂西。則邯鄲勢益盛。二郡之民。誰肯捐父母。背城主。而千里送公者。即信都之兵。亦難會。其亾逃可必也。世祖曰。善。即發傍縣兵。得四千人。以任光。邳彤。李中等分將之。而昌城人劉植。宋子人耿純。各率所部從。兵稍振。乃多作檄文曰。大司馬劉公將百萬。

衆從東方來擊反虜。夜多張炬列火。彌澤中。郡縣聞大
司馬乃在。還復響應。遂東北拔廣阿。當是時。長史弇則
已自薊還上谷。請父兵。約漁陽守。與合兵西。所過擊斬
郎所部署爲郡縣將吏者來矣。抵廣阿。聞城中有重軍。
問何軍。曰。大司馬劉公也。弇大喜。徑前抵城下。城中初
傳二郡兵爲邯鄲來。衆方恐。世祖登西城樓自問之。弇
等拜城下。即召入。具言發兵狀。世祖大喜。勞慰之。立擢
上谷將寇恂。吳漢等爲將軍。還領其衆。加况大將軍。與
義侯與前攻鉅鹿不下。從耿純計。及士氣銳。先蹶其根
本。進攻邯鄲。克之。遂斬郎。燕趙悉平。是役也。世祖獨從。

官屬車騎。自危急傾仄中。數月間。還定大敵。遂平河北。本信都和戎。及弇父子之力也。脫南者。殆世祖既定耶。鄴。收郎文書。得吏民與郎交關誹謗者數千章。寘不省。會諸將燒之曰。令反側子自安。當是時。更始在長安。政亂。而梁王永。檀睢陽。公孫述。帝巴蜀。李憲。據淮南。秦豐。稱楚黎王。王黎丘。盧芳。稱西平王。王安定。張步。起琅琊。芳。憲有東海。延岑。反漢中。田戎。陷夷陵。而河北群盜銅馬。大彤。高湖。重連。鐵脰。大搶之屬。所在爲寇掠。更始聞。燕趙牛。乃遣使立大司馬爲蕭王。令罷兵。與諸將有功者俱西。實奪之權。而遣將由曾爲幽州牧。韋順。蔡克爲。

上谷漁陽守。制上谷漁陽兵。世祖在邯鄲宮。深念晝卧溫明殿。將軍弇排闥造牀下。請問曰。今吏士死傷者衆。請歸上谷。更料兵。益之以來。世祖曰。今王郎已破。河北畧平。我行且西歸。用益兵何爲。弇曰。王郎雖破。天下兵革方始耳。銅馬赤眉之屬數十輩。輩數千百萬人。以臣主度之。聖公不能辯也。非兵何從定。今使者從西方來言罷兵。殆不可聽也。世祖蹶然起坐曰。卿失言。我斬卿。弇頓首曰。大王幸哀厚弇如父子。故敢披赤心。不然何敢言。世祖曰。我戲卿。卿何言。弇曰。百姓患苦王莽。思劉氏。聞漢兵起。莫不歡喜。如去虎口慈慈母也。今更始失

政爲淫亂。諸將擅命。山東貴戚。橫溢都內。元元扣膺。更思莽朝。此天之所以開明公也。明公首事南陽。破尋邑。百萬之衆。今定河北。據天府之地。帝王之形制成矣。天下至重。公可自取。母令他姓得之。王乃辭以河北未平。不就徵。自是始與更始貳。先河北爲根本。而西規關中矣。更始亦使朱鮪李軼等屯洛陽。名備它盜。實防遏北軍。方世祖之拔廣阿也。舍廣阿城樓。披輿地圖。指示鄧禹曰。天下郡國如是。今十始乃得其一。子前言。天下不足定。何也。禹對曰。海內殺亂。人思明君。古之興者在德。厚薄。不以小大也。世祖說。蓋是時。禹在左右。爲謀臣。每

諸將自遠至。禹察其忠力可任使。輒傾身與交。權世祖任使諸將。常密切訪禹。禹舉用各往往當其才。因用成功。世祖欲發幽并卒。定河北。夜召禹。問誰可使者。禹曰。間數與吳漢語。其人勇鷙有謀。可使也。於是拜漢大將軍。北發幽州兵。更始所置牧苗曾。勅州縣毋應調。漢將二十騎立馳至。無終曾不虞有他。出迎謁。卽擣兵収斬曾。發其兵。而將軍奔亦還上谷。漁陽。斬守順克。以兵來。世祖將以擊銅馬。高湖。重連諸盜。連破之。徇河內。降焉。世祖聞更始將鮪軼盛兵屯洛陽。而并州未安。以河內完富。欲據以自固。難其守。以問禹。禹對曰。寇恂文武備。

足有牧民御衆之才。非此子莫可使矣。於是拜恂河內大守。行大將軍事。命之曰。昔高祖任蕭何於關中。以無西顧憂。今河內帶河爲固。戶口殷實。北通上黨。南御洛陽。此今日之關中也。今舉以委公。遣偏將軍異統魏郡河內軍。軍河上。拒軼。而恂拊循河內。常轉漕以給軍。恂字子翼。上谷昌平人。爲郡功曹。當是時。赤眉率大衆攻長說守。況詳擇去就。以得從。

安。世祖度赤眉必且破長安。欲西還觀變。而方有事山東。念未有所寄。以禹沈深有大度。於是輟帷幄臣。拜前將軍。中分麾下兵二萬人。遣持節西入關。親送之。野王。

已引而北。而禹行定河東。

禹自箕關入河東。河東尉前閉關。攻拔之。進圍安邑。更始

將王匡劉均等合軍十餘萬共擊禹。禹困。會日暮。諸將皆勸禹夜去。禹不聽。明日匡等以六甲窮日不出兵。禹得深營塹。理瘡痍。振困憊。以勒衆。明日匡等悉出陳。禹堅壁不出。賊前薄營。乃傳發鼓而並進。大破之。匡棄軍走。遂定河東。承制拜李文爲河東太守。更置縣令。長以填撫。遂渡汾陰入夏陽。時禹年方二十有四。方世祖之降銅馬也。諸將意羣盜獨勢窮僞降。中不可保。信而降者亦慄慄不自安。世祖勅合歸營。部勒兵而親御。輕騎出案行。藉勞之。降者更相語曰。蕭王推心置人腹中。安得不投死乎。於是封其渠帥爲列侯。配諸將分將之。衆遂大定。明年春。元來大捨群盜悉破。平將軍馮異定上黨。下河南城。臯與河內守恂破朱鮪軍於溫。又破之平陰。皆移檄上狀。

異軍河上。遺李軼書。諭以禍福。軼初與世祖首結約造漢。及更始立。

反共陷伯升欲降不自安得異書報命不復與異爭鋒故異得以其間拔天井關走上黨二城下河南成臯以東十三縣斬更始將武勃表軼書以聞世祖報曰季文多詐人不能得其要領宜宣露其書使虜自疑朱鮪聞大怒遂刺軼而軍離多欲降者矣鮪遣別將蘇茂將數萬人以攻溫而自將數萬人綴異令不得相救恂曰溫河內之藩蔽無溫是無河內也即引兵馳赴而異遣將將軍適至與夾擊大破之追至洛而還異謙讓不伐能撫士卒有恩行與諸將相逢輒引車避進止皆有表識軍令整齊每止舍諸將並坐論功異常獨屏立大樹下軍中號曰大樹將軍世祖常部分諸將所屬諸將請上軍中皆言願屬大樹將軍世祖愈益賢之

尊號世祖固讓群臣力請乃設壇塲於鄴南千秋亭夏

六月己未即皇帝位以是年爲建武元年

初將軍馬武入賀進口今

天下無主即有聖人承敝而起雖仲尼爲相孫子爲將猶之無益何也無定主故也大王宜還薊即尊位爲天下主今天下知所往乃議征伐今此誰賊而馳驚擊之乎帝謝讓不聽還薊諸將上奏言漢遭王莽之篡宗廟

鑒絕、兆人塗炭、大王首舉義兵、爲天下除殘、而更始因資據尊、亂乃政、大王初征昆陽、莽師自潰、後拔邯鄲、北州底平、參分天下、而有其二、言武力則莫與抗、論文德則無所辭、願爲社稷計、世祖復讓不聽、至南平棘、耿純進曰、天下士大夫所爲、捐親戚、棄墳墓、從大王於矢石間者、固望攀龍鱗、附鳳翼、以成其所志耳、今功業垂定、天人交應、而大王留時逆衆、不正號名、臣恐士大夫望絕計窮、有去歸之思、無爲久自苦也、人衆一散、難可復合、惟大王三思、世祖意乃大動、行至鄴、召將軍異、問四方動靜、異贊決曰、更始必敗、宗廟社稷之憂、在於大王、宜從衆議、會長安生、疆華奉赤伏符以來、群臣復奏曰、符瑞之應、昭然著聞、宜答天神、以充群望、世祖乃許、遣使即拜大將軍、禹爲大司徒、以王梁爲大司空、

吳漢爲大司馬、諸將佐進爵秩有差、

東漢以三公爲相、尚書總機務、始此、

秋七月、行幸懷、將軍吳漢等攻洛陽、八月、祠高祖、太宗、世宗於懷宮、進幸河陽、詔曰、前密令卓茂束身自脩、執

節淳固。誠能爲人所不能爲。大名冠天下者。當受天下

重賞。故武王誅紂。封比干之墓。表商容之間。今以茂爲

太傅。封褒德侯。九月。朱鮪降。帝定都洛陽。鮪堅守不下。帝以廷尉岑

彭。嘗爲鮪較尉。令往說之。鮪曰。大司徒被害時。鮪實與聞。又嘗諫更始無遣王比伐。自知罪深重。不敢降。彭還

以告帝口。舉大事者。不忌小怨。指河水以誓。鮪遂降。拜平狄將軍。扶溝侯。赤眉以宗室盆子

稱帝。入長安。更始亡。奔高陵。詔封更始爲淮陽王。吏民

有敢賊害王者。族王。降赤眉。赤眉殺淮陽王。長安亂。更始亡之。新

豐。式侯恭以赤眉立共弟。自繫詔獄。聞變。乃出從更始。於渭濱。更始遣恭請降於赤眉。既降。赤眉負約。將殺王。恭爲請。不得。欲自刎。赤眉乃釋之。封爲長沙王。恭常擁護之。三輔苦赤眉暴虐。皆憐更始。謀篡出。復立之。遂遇害。恭夜往。叔藏其屍。詔鄧禹葬之。霸陵。二年春。正月甲子朔日饌。定封功臣爲列

侯大侯食四縣。詔曰：人情得足，苦於放縱，快湏吏之欲。忘慎罰之義，唯諸將業遠功大，欲傳之無窮，詩不云乎。

如臨深淵，如履薄冰。其顯效未酬，名籍未立者，大鴻臚

趣上。

博士丁恭議曰：古帝王封公侯，取法於雷，不過百里，故屯利建侯，強幹弱枝，以爲治也。今侯四縣，過

制，卒裁定，不許。立高廟于洛陽。四時合祀高祖、太宗、世宗。建社

稷于宗廟之右。立郊兆于城南。大司徒禹進師長安，謂

高廟奉神主于行在。園陵置吏士奉守。

先是三韓覆敗，赤眉殘虐，百姓

無所歸命。大將軍禹軍河東，乘勝獨剋，師行有紀，郡縣皆望風携負以迎軍。降者曰千數，衆號百萬。禹所止，輒停車駐節，勞來之。父老童稚垂髮戴白，蒲車下，人人感悅。豪傑皆勸禹進軍。長安帝勅之曰：司徒堯也，亡賊桀也。西京民庶皇皇無所仰，宜以時進討。禹持不進，曰：今吾衆雖多，能戰者寡。前無可所之積，後無轉饋之資。

赤眉新破長安財穀充實其銳未可當也夫盜賊群居無終日之計遲之則變生今上郡北地安定三郡土廣人稀饒穀多畜吾且休兵北道就糧養士以觀變大司於是引軍比止枸赤眉焚長安西掠禹乃軍長安

空梁罷以宋弘爲大司空詔曰頃獄多寃人用刑深刻

朕甚愍之孔子云刑罰不中民無所措手足其與中二

千石諸博士議郎議省刑法民有嫁妻賣子欲歸父母

者恣聽敢拘執論如律夏封叔父良爲廣陽王兄子章

太原王興魯王淮陽王子三人皆列侯封周後姬常爲

周承休公立貴人郭氏爲皇后子彊爲皇太子赦增謂者即

從官秩各一等秋九月赤眉發諸陵復入長安大司徒禹保雲

陽遣偏將軍異帥師復長安勅禹毋致師詔宗室列侯

子遭莽廢失佐者。先靈無依。其並復故國若侯身已沒。

所屬上子孫見名。尚書封拜焉。是歲野穀旅生。

彭寵反。漁陽延。

岑據漢中。鄧奉反南陽。

三年春立四親廟於洛陽。

祀考南頓府君而上。

大司

徒禹戰赤眉澠池敗績。免為右將軍。夏征西將軍異戰。

赤眉崤底大破之。帝幸宜陽。赤眉盜畢降得傳國璽。帝

還洛告祠于高廟受璽。西都平。

司徒禹寬仁善招懷而短於統御。長籌畫謀議。

而嗇於應變。不以先聲。方震時討赤眉。而赤眉縱搆掠北地安定。無所往。復還向長安。禹不能禽制。而所信將馬援叛。據枸橐。禹軍坐食歸附者益散。乃亡保雲陽。帝遣偏將軍馮異代將。勅禹曰。赤眉無穀。當自歸。吾以飽待饑。以逸待勞。折箠答之。自定也。慎毋與窮寇爭鋒。異引兵西。所至布恩信。納降附。赤眉將多降。時三輔大饑。城郭焚燬。遺民依營壘。各清野自固。赤眉虜掠無所得。引而東。衆尚二十餘萬。帝度其且破壞。遣將軍侯進屯新

安耿弇屯宜陽防遏賊令毋東禹慙受命而功不遂邀異同擊賊異曰今赤眉衆尚多可稍以恩信傾誘難用力破也上今使諸將屯澠池要其東而異擊其西此萬全計盍徐之禹不從竟以饑卒徼戰敗績從二十四騎奔宜陽上大司徒侯卬綬詔歸侯卬綬異收散卒堅壁集諸營堡軍數萬人與賊期會戰使壯士變服與赤眉同伏道側且日赤眉使萬人政異異故見弱賊悉衆攻之乃縱戰日昃賊氣衰伏兵卒起與賊亂不復能識別赤眉大驚潰追擊大破之帝賜璽書勞曰赤眉破平吏士勞苦始雖垂翅回谿終能奮翼澠池可謂失之東隅收之桑榆方論功賞以答大勲帝度赤眉敗必且奔宜陽乃親幸宜陽勒六師待之赤眉果擁衆向宜陽殊不意大軍在則大慄遣劉恭乞降曰盆子將百萬衆降陛下陛下何以待之帝曰待以不死耳於是盆子及偽丞相徐宣以下面縛肉袒降帝還洛賜天下長子爲父後者爵人一級時關中殘破群盜阻險者未盡下百姓饑至黃金一斤易豆五升人相食委輸不至焉異悉力勞來軍士貲果實爲糧會右扶風將繻穀至軍乃大安於是破延岑誅豪傑不從令者褒降附錄功以伏湛爲大勞遣果帥詰洛陽散其衆歸業遂定關中

司徒涿郡守張豐反。帝自將征鄧奉。降斬之。

先是吳漢徇南陽、多

侵暴。將軍鄧奉謁告歸新野。破漢掠其鄉里。遂反擊漢軍。與諸賊合從。至是帝與戰。破之。奉肉袒因朱祐降。帝憐奉舊功。且釁起吳漢。欲全之。岑彭耿弇諫曰。奉背恩及逾。暴師經年。陛下既至。不知悔禍。而親在行陳。兵敗乃降。不誅。無以懲惡。乃斬之。五月還宮。是月晦。日蝕。秋。詔曰。吏不滿六百

石。下至墨綬。長相有罪。先請男子八十以上。十歲以下。

及婦人從坐者。非不道詔所名捕。不得繫。當驗問者。即

就驗。女徒顧山者。放歸。彭岑擊秦豐於鄧。破之。圍黎丘。

遣將徇江東。楊州平。睢陽人斬梁王永降。

梁王永者。故梁王立子也。

舊有國。更始時。據國起兵。有濟陰山陽沛楚淮南汝南諸郡。已僭號。專據東方。詔遣將軍蓋延擊之。圍睢陽。永敗走湖陵。延遂定沛楚臨淮。吳漢率七將軍圍永將蘇茂於廣樂。周建救之。漢迎戰。不利。墮馬傷。還營。諸將謂

漢曰大敵在前而公傷卧衆心懼矣漢勃然暴創起推牛饗士慰勉之士氣自倍旦日奮擊大破之茂徙還湖

陵延圍睢陽急未將慶吾斬未降永將復立未子紆稱梁王冬十月帝

如春陵祠園廟十一月還宮置酒舊宅會故人父老李

憲稱帝四年春二月壬子行幸懷壬申至自懷遣右將

軍禹率二將軍擊延岑破之岑奔蜀公孫述以夏幸鄴

遣將軍漢擊五較於箕山破之進幸元氏盧奴遣征虜

將軍遵率四將軍討張豐擊斬之豐好方術有道士言豐當為天子以五綵

囊裹石繫豐肘云石中有玉璽豐信之遂反既當斬猶曰肘石有玉璽傍人為推破之豐乃知被詐仰天曰當

成無遣將軍弇擊彭寵六月還宮弇以父况與寵同功

不敢進求朝詔報曰將軍舉宗為國功效尤著秋幸譙何嫌何疑而求徵况聞之更遣弇弟國入侍

遣將軍馬武王霸圍劉紆垂惠。辛壽春遣將軍馬成擊

李憲圍舒以侯霸為尚書令。

王莽末天下亂臨淮尹侯霸獨能保全其郡帝徵霸

會壽春拜尚書令時朝廷無故典又少舊臣霸明習故事收錄遺文條奏前世善政良瀆旋行之

冬十

月還宮十二月辛黎丘遣將軍朱祐圍秦豐岑彭擊田

戎五年正月還宮捕虜將軍武

馬

偏將軍霸

王

拔垂惠

紆奔佼疆

劉紆將蘇茂將五較兵救周建於垂惠武軍敗走霸營大呼求救霸堅壁不放軍吏皆爭

霸曰茂兵精衆多吾吏士心恐而捕虜與吾相恃兩軍不一此敗道也今閉營不相救捕虜無所恃其戰自倍賊乘勝輕進其衆疲勞乘其憊可克也茂建果悉出攻武戰良久霸部曲壯士數十人斷髮請戰霸乃開營後出精騎襲其背茂建前後受敵敗走霸武各歸營已茂建復聚兵挑戰霸堅不出饗士作倡樂茂再射營中中霸前酒樽霸安坐不動軍吏曰茂前已破今易擊無避也霸曰不然茂兵遠來糧不足故挑戰以徼一時之勝

今閉營休客所謂不戰而屈人兵者也。茂建不得戰，引還營。是夜建兄子誦反，閉城拒之。建走，茂犇下邳。與董憲合，劉帝幸魏封殷後孔安為殷紹嘉公。彭寵為其紆犇，狡疆。蒼頭所殺漁陽平。帝之討王郎也，寵發漁陽突騎轉糧。其意及即位，王果吳漢為三公，寵愈觸望。幽州牧朱浮少有俊才，欲厲風迹，收士心，多所辟召，敕諸郡縣廩贍之。寵以為天下未定，師旅方起，不宜費耗軍實，卻其令浮矜急，以峻文詆寵。帝徵寵，寵妻勸毋受徵，遂發兵反。攻浮，浮以書質責之曰：伯通典郡有佐命之功，臨民親職，愛惜倉庫，而浮秉征伐之任，欲權時救急，二者皆為國耳。豈有他哉？即疑浮相譖，何不詣闕自陳，而為戚族之計也？朝廷於伯通恩厚矣，委以大郡，任以威武，專柱石之寄。匹夫媵母尚能致命一餐，豈有身帶三綬，職典大邦，而不顧恩義，生心外叛者乎？伯通與吏民語，何以為？頗行步拜起，何以為容？坐卧念之，何以為心？引鏡窺景，何以施眉目乎？葉休碩之嘉名，造梟鴟之逆謀，謂傳菜之慶祚，招破敗之重災，高論堯舜之道，不忍桀紂之性，生為世笑，死為愚鬼，不亦哀乎？伯通與耿俠遊，俱起。

佐命同被國恩、俠遊謙讓、屢有降抱之言、而伯通自伐、以爲功高天下、往遼東有豕生子白頭、異而獻之、行至河東、見豕背白頭、懷慙而還、若以子之功高、論於朝廷、則遼東豕也、今乃愚妄、自比六國、六國之時、其勢各盛、踞土千里、勝兵百萬、故能據國相持、多歷年所、今以區區漁陽、而結怨天子、此猶河濱之民、捧土而塞孟津也、多見其不知量矣、方今天下適定、海內願安、士無賢不肖、皆樂立功名於世、而伯通獨中風狂、自捐盛時、內聽嬌婦之計、外信讒邪之說、長爲群后惡漢、功臣鑒戒、豈不哀哉、定海內者、無私讐、勿以前事自疑、願少留意、顧老母少弟、無爲親厚者所痛、爲見讐者所快、帝遣鄧隆、助朱浮討竈、隆收績、浮不能救、會張豐反、與竈合、浮上書求救、詔報曰、度此虜無从全理、中必有內相屠者、今軍資未充、姑須後、交薊糧盡、人相食、浮跳身亡、自歸竈、竈稱燕王、至是、竈蒼頭子密等三人、因竈卧寐、縛之、馳詣闕降、封子密爲不義侯、權德輿曰、伯通之叛命、子密之戕君、同歸于亂、罪不相蔽、宜各致於瀟、乃爵於五等、又以不義爲名、且舉以不義、莫可侯也、於春秋書齊豹盜三叛人名之、

遣使徵上谷太守况、還京師、封牟平侯、

初彭寵於兄同功其反也遣使約結况况
斬其使寵既誅帝以况从勞於外故徵遣將軍龐萌

蓋延擊董憲萌反帝親征岑彭拔夷陵田戎奔蜀夏

四月

旱詔以河西守融爲涼州牧賜璽書曰制詔行河西五

郡大將軍事屬國都尉勞鎮守邊五郡兵馬精彊倉庫

有蓄民庶殷富外則挫折羗胡內則百姓蒙福威德流

聞虛心相望道路隔塞邑邑何已長史所奉書獻馬悉

至深知厚意今益州有公孫子陽天水有隗將軍方蜀

漢相攻權在將軍舉足左右便有輕重以此言之欲相

厚豈有量哉諸事具長史所見將軍所知王者迭興千

載一會欲遂法桓文輔微國當勉卒功業欲三分鼎足

運衛合從亦宜以時定天下未并吾與爾絕域非相吞
之國今之議者必有任鄠效尉佗制七都之計王者有
分土無分民自適已事而已今以黃金二百斤賜將軍
便宜輒言融字周公扶風平陵人系出孝文皇后弟章
武侯廣國融早孤任俠事母兄養弱弟內修
行義更始以爲鉅鹿太守融見更始新立東方尚擾念
不欲出關而高祖父嘗爲張掖太守從祖父爲護羌較
尉從弟守武威累世河西知其土俗謂兄弟曰天下安
危未可知知河西殷富帶河爲固張掖屬國精兵萬騎一
旦緩急杜河津足以自守此遺種處也於是讓鉅鹿願
守河西邊得爲張掖屬國都尉融將家屬而西撫結雄
傑懷輯羌虜甚得其歡心河西翕然歸之及更始敗融
與五郡守計曰今天下擾亂未知所歸河西斗絕羌胡
中不同心力則不能自守權力鈞復無以相率當推一
人爲將全五郡以觀變於是五郡守咸推融行河西五
郡大將軍事河西俗故質樸而融等政寬和上下相親
修兵馬習戰射明烽燧之警羌胡犯塞與諸郡相救如

左右手破走之。其後匈奴稀復侵寇。而保塞羗咸震服。觀附民以富殖。他郡流人避凶機者。歸之不絕。及聞帝踐阼。欲東向。以隔遠。未能自通。從隗囂受正朔。囂外順人望。內懷異心。使辯士說融曰。更始事業已成。尋復亡滅。此一姓不再興之效。今豪傑並逐。雖雄未決。當各據土宇。與隴蜀合從。高可爲六國。下可爲尉佗。融不聽。遣長史劉鈞奏書。獻馬。帝喜甚。饗賚有加。禮使還。賜璽書褒慰。河西皆驚。以爲天子明見萬里之外。融復使上書曰。臣融竊伏自惟。幸得託先后末屬。蒙恩爲外戚。累世二千石。至臣之身。復備列位。守持一隅。以委質則易爲辭。以納忠則易爲力。故遣劉鈞。口陳肝膽。自以底裏上露。以無纖芥。而璽書盛稱蜀漢二王。三分鼎足之權。任臣尉佗之謀。竊自傷痛。臣融雖無識。猶知利害之際。順逆之分矣。豈有并真舊之主。事奸僞之人。廢忠貞之節。爲傾覆之事。業已成之基。求無冀之利。此三者。雖狂夫猶知去就。臣獨何心。謹遣同產弟友。詣闕口陳。帝慰籍之甚備。詔右扶風修理融父祖墳祠。以太牢。已復賜書曰。朕每念外屬。孝景

皇帝出自竇氏。定王景帝之子。朕之所祖。昔魏其一言。

繼統以正。長君少君。尊奉師傅。修成淑德。延及子孫。此
皇太后神靈上天祐漢也。從天水來者。寫將軍所讓隗
囂書。痛入骨髓。叛臣見之。當股慄慚愧。忠臣則酸鼻流
涕。義士則曠若發蒙。非忠孝慤誠。孰能如此。大兵當西
將軍其抗厲威武。以應期會。旱蝗詔曰。久旱傷麥。秋
種未下。朕甚憂之。將殘吏未勝。獄多寃結。元元愁恨。感
動天地乎。其令中都官三輔郡國。出繫囚罪非犯殊死。
一切勿案。見徒免爲庶人。務進柔良。退貪酷。各正厥事
焉。六月。將軍祐朱擊秦豐。黎丘降。斬之。梁人斬紆降冬。
十月。幸魯。將軍弇拔祝阿。克巨里。定濟南。臨菑。張步來。

戰大破之。帝幸臨菑勞軍。進幸劇步。斬蘇茂降。齊地乎

初彭寵張豐反。漁陽涿郡而張步擅齊。奔從帝幸陵。因自請願北收上谷兵。未發者定二郡。還收富平獲索。東平齊上壯其意。許之。既斬豐平寵。進討步步聞奔自至。使其將費邑將軍軍壘下。又分兵屯祝阿。別於太由鍾城列營數十以待奔。奔渡河先擊祝阿。拔之。故缺圍一角。令其衆得犇鍾城。鍾城聞祝阿已潰。大恐。遂空壁亡去。步別將守巨里。奔進兵巨里。令軍中趣修致具。期三日。必拔。陰緩生口。令亡歸。歷下以告邑。邑至期果自將來救。奔喜。謂諸將曰。吾所爲修攻具者。欲誘致邑也。今來適其所求。野兵不擊。何以城爲。即自引精兵赴岡阪。乘高逆戰。遂斬邑。收首級以示城中。城遂潰。復縱兵擊平四十餘營。諸未下者遂定。濟南時步步據劇步弟藍將兵二萬守西安。別將守臨淄。相去各四十里。奔進臨淄。當二城之間。而軍奔視西安城小。而堅。藍兵又精。臨淄雖大。實易攻。乃敕諸將。後五日會攻西安。藍聞之。晨夜警守。後五日夜半。奔敕諸將皆薺良。會明攻臨淄。護軍荀梁等爭之。以爲攻臨淄。西安必救。攻西安。臨淄不能救。不如先西安。奔曰。不然。西安聞吾欲攻之。日夜爲

備方自憂不暇、何暇救人、臨淄出不意而攻、必驚擾攻、一日必拔、拔臨淄、卽西安、狐張藍與步隔絕、必亡去、此謂擊一而得二也、若先西安、攻不率下、頓兵堅城、歿傷必多、縱拔之、藍還奔臨淄、奔兵合勢、谷深入敵地、後無轉輸、旬日之間、不戰自困矣、遂攻臨淄、半日拔之、據其城、藍聞之、大懼、果將其衆亡歸劇、奔乃令軍中毋妄掠、休軍、湏張步至、乃取之、以激怒步、步聞大笑曰、以尤來大槍十餘萬衆、吾皆卽其營破之、今大耿兵少於彼、又皆疲勞、何懼乎、乃與奔藍弘壽三人及故劇盜帥悉衆鄉臨淄、奔軍淄水上、恐步不敢進、歸小城、示弱以盛其氣、而陳兵於內、步直前薄營、與他將合戰、久、奔登王宮臺望、度步氣既衰、乃自引精兵衝擊之、飛矢中奔股、奔以佩劔括去、復戰、左右無知者、於是步人敗、明旦、奔復勒兵出、時帝在魯、聞奔爲步所攻、自將軍救之、未至、或說之曰、劇虜盛、可且閉營休士、湏上來、奔力擊之、奔曰、乘輿且到、臣子當擊牛醢酒待百官、反欲以賊虜遺君父耶、遂出戰、自旦及暮、大破之、奔知步困、將退、豫置左右伏以待人、定時、步果引去、伏兵起縱擊、追至鉅昧水上、僵尸相屬、後數日、車駕至臨淄、勞軍、群臣大會、帝勞奔曰、昔韓信破歷下以開基、今將軍攻祝阿以發迹、此

皆齊之西界功足相方而韓信襲擊已降將軍獨拔剋敵其功乃難於信也田橫烹鄒生及田橫降高帝詔衛尉不聽爲讐張步前殺伏隆若步歸命當詔大司徒釋其怨又事尤相類將軍前在南陽建此大策常以爲洛洛難合乃今知有志者事竟成也弁復追張步步犇平壽蘇茂將萬餘人救之讓步曰以南陽兵精延岑善戰而耿弇走之大王奈何就攻其營既呼茂不能待耶步曰負負無可言者帝遣使告步茂能相斬降者封列侯步遂斬茂

諸軍降

初起太學帝還宮視學賜博士弟子名有差

大司徒伏湛免以侯霸爲大司徒是歲交趾牧入貢是

歲野穀少田畝益廣焉六年春

正月馬成拔舒李憲亡走其軍士帛意斬憲以

降

改舂陵鄉爲章陵縣世世復徭役比豐沛詔往歲水

旱蝗蟲爲災穀騰躍人困之命郡口有穀者稟高年鰥

寡孤獨貧不能自存者如律二千石勉加撫循毋令失

職大司馬漢拔胸斬董憲誅龐萌江淮山東平。初龐萌與蓋延

並受命擊憲詔書獨下延而不及萌萌疑延譖已乃遂反襲擊破延軍與董憲劉紆約連和憲紆救之圍桃城帝在蒙留輜重於蒙將六軍晨夜馳赴之至亢父或言百官疲甚可少休帝不聽勅復前壁任城去桃城六十里而舍旦日諸將請前不聽勅閉營休士以挫之召諸將吳漢等於東郡萌驚曰數百晨夜趨戰而堅坐一城此欲致人於城下不可往也獨當拔桃城爲固耳乃悉兵攻桃城不下諸將咸會帝乃進擊大破之憲萌走胸帝還留吳漢圍胸歲餘乃下帝以天下畧定召諸將還京師宴賞有差分軍士藉糧河內示不

復用

時馮異守長安出入三歲有上章言異專制關中百姓歸心號咸陽王者帝以章示異異惶懼上書

曰臣本諸生遭受命之運備行伍伏自思惟以詔勅戰攻動輒如意任私心斷決未有不悔乃知性與天道不可得而聞也當兵革始起擾攘之時豪傑並逐臣以遭遇託身傾危溷淆之中尚不敢過差况天下平定統於一尊而臣爵位所蒙巍巍不測乎見所示臣章戰栗怖

懼伏念明主知臣敢因緣自陳帝報曰將軍於國家義
爲君臣恩猶父子何嫌何疑而有懼意異自以久在外
威太重屢上書願歸闕不聽至是並諸將召入朝帝謂
公卿曰是我起兵時主簿也爲吾拔荆棘定關中因語
異曰倉卒蕪婁亭豆粥滹沱河麥飯厚意久不報異頓
首謝曰臣聞管仲對齊桓曰願君無忘射鉤臣無忘檻
車齊國賴之臣今亦願國家無忘河北之難小臣不敢
忘巾車之恩後數引讌見定議圖蜀留十餘日乃遣而
令異妻子與夏四月帝如長安謁高廟遂有事于十一
俱還長安

陵

自是至長安輒行之

遣虎牙大將軍蓋延並七將軍從隴道伐

蜀隗囂反拒隴坂拒師師敗績五月帝還宮詔曰大張

官置吏所以爲人也今百姓遭難戶口耗少而縣官吏

職所置尚繁其令司隸州牧各實所部省減吏員縣國

不足置長吏可并合者上大司徒大司空二府於是并

省四十餘縣。吏職減損十置一焉。秋九月晦日。蠲詔公卿舉賢良方正各一人。百僚並上封事。無有隱諱。有司務修職。遵法度。王莽時。吏人沒爲奴婢。不應法者。皆免爲庶人。十二月。大司空弘免。詔曰。頃者師旅未解。用度不足。故行十一之稅。今軍士屯田。糧儲差有積。其令郡國收田租三十稅一。如舊制。隗囂兵下隴。大將軍異將軍遵擊卻之。囂成紀人。王莽末。以世亂爲衆所推。有隴西四郡。領身下士。范遂馬援之倫。皆往歸之。當是時。公孫述稱帝於蜀。囂使援往覘之。援與述同里。開素厚善。以爲既至。當握手歡。如平生。述盛陳陞衛延援入。交拜禮畢。使出就館。更爲援製都布單衣。交讓冠。會百官於廟。立舊交之位。述鸞旄警蹕就車。整析入。禮饗甚盛。欲授援以封侯。大將軍位。賓客皆樂留。援曉之曰。天下雌雄未定。公孫不吐哺。走迎國士。與圖成敗。

反修飾邊幅如偶人形此何足久稽天子乎因辭歸
謂囂曰子陽并底蛙耳而妄自尊大不專意東方
乃使援奉書詣雒陽援至召入帝在東殿南廡下祖
憤坐迎笑謂援曰卿邀遊二帝間今見卿仲人大慙援
頓首辭謝因曰當今之世非獨君擇臣臣亦擇君耳臣
與公孫述同縣少相善臣前至蜀述陛戟而後進臣臣
今遠來陛下何知其非刺客姦人而簡易若是帝笑曰
卿非刺客顧說客耳援曰天下反覆盜名字者不可勝
數今見陛下恢廓大度同符高祖乃知帝王自有真也
從南幸黎丘至東海還拜待詔遣歸而報囂以殊禮字
命之畧用敵國儀援既歸囂與同卧起問東方事援曰
前到朝廷帝引見數十每接燕語自夕至旦才明勇畧
非人敵也且開心見誠無所隱伏闊達多大節畧與高
帝同經學博覽政事文辭前世無比囂曰卿謂何如高
帝援曰不如也高帝無可無不可今帝好吏事動遵節
度又不喜飲酒囂意忌不懌曰如卿言反復勝耶然雅
信援遣子恂入侍而援將家屬妻子從恂歸洛陽時公
孫述從陳倉規入關囂遣將助陽夏侯擊破之述遣使
以扶陽王印綬即授囂囂斬其使當是時囂於漢最親
已而囂自以威望盛欲自王而囂將王元說囂曰昔更

始西都四方響應天下喁喁謂之太平而一旦敗壞此一姓不再興之效也今南有子陽北有盧芳江湖海岱間王公以十數而欲牽儒生之說棄千乘之基以臣於人豈謂智哉今天水完富士馬精強元請以一丸泥爲大王東封函谷關畜士馬據隘自守待四方之變圖王不成其敝猶足以霸神龍失勢與蚯蚓同囂心然其言及天子平齊梁益厭苦兵以公孫述據全蜀自帝然遠徼囂專制內貳終奉正朔以從謂諸將曰且置兩子於度外耳手書與述曰君非吾亂臣賊子倉卒時人皆欲爲君所爲天下神器不可力爭宜留三思述不答益遣兵寇南郡帝乃詔囂從天水伐蜀以潰其腹心而囂上書言三輔單弱劉文伯在邊未宜謀蜀帝知其終不爲用乃遣七將軍道隴坻伐蜀先遣使喻旨囂疑懼以爲且襲已即勒兵使王元據隴坻拒之諸將戰不勝而却詔陽夏侯異軍拘邑好時侯弇軍漆潁陽侯遵軍汧按據之囂使其將行巡下隴規拘邑異馳兵先據之諸將者曰虜新乘勝難可與爭鋒宜止軍便地以觀變異曰不然虜怙小利欲深入得拘邑即三輔動搖此召之憂也夫攻不足者守有餘宜先據拘得以逸待勞乃潛師往既至閉城偃旗鼓巡不知異已先至馳攻之異乘

不意卒鳴鼓建旗出。巡軍驚亂。追擊數十里。大破之。會祭遵亦破王元於汧。於是比地諸豪長悉降。異上書言狀。諸將欲因以爲功。帝下璽書曰。虜兵猥下。三輔驚恐。拘邑危亡。近在旦久。比地營堡。按兵觀望。今偏城獲全。虜兵挫折。令郡邑復知君臣之義。征西功若丘山。猶自以爲不足。孟之反奔而殿。何以異哉。遣大中大夫。卽賜征西吏士。死傷者。醫藥棺斂。大司馬以下。親弔。是歲始。或問疾。以崇謙讓。於是義渠安定上郡皆降。

遣列侯就國。七年春。詔中都官三輔郡國。出繫囚。免見徒爲庶人。耐罪亡命吏。以文除之。又詔曰。世以厚塋爲德。薄終爲鄙。富者僭奢。貧者殫財。法令不能禁。禮義不能止。倉卒乃知其咎。其布告天下。令知忠臣孝子。慈兄悌弟。薄葬送終之義。又詔。國有衆軍。並多精勇。宜罷郡國輕車騎士材官樓船士。及軍假吏。令復還民伍。三月。

晦日燭。帝避殿寢。兵不聽事五日。詔曰。吾德薄致災。謫見日月。戰慄恐懼。夫何言哉。今方思愆。庶消厥咎。其令有司各修職。遵法度。惠慈元元。百僚上封事。不得言聖。毋有所諱。公卿司隸州牧舉賢良方正一人。遣詣公車。朕將覽試焉。夏。以李通爲大司空。詔吏人遭饑亂。及爲青徐賊所畧爲奴婢下妻。欲去留者恣聽。敢拘制以賣人法從事。八年春。中郎將來歙伐隗囂。取略陽。囂攻圍略陽。帝親征。涼州牧融率五郡兵會師。囂衆潰。奔西城。先是囂上書言。吏人聞大軍猝至。驚擾自救。臣囂不能禁。而言意驚悖。有司請誅其侍子。帝不忍。以來歙故與囂善。遣復使。賜囂書曰。昔柴將軍與韓信書云。陛下寬仁。諸侯雖有亡叛而復歸。輒復位號。不誅也。以囂文吏。

知義禮故復賜書深言則似不遜畧言則事不決今東
手遣恂弟歸闕庭者則爵祿獲全有浩大之福吾年垂
四十在軍中十歲厭浮語虛辭不欲即勿報囂知帝審
知其詐遂遣使稱臣於公孫述述封囂為寧朔王遣將
為之援歙發憤質責囂欲直前刺之囂起入欲勒兵殺
歙歙徐杖節就車去囂使將將兵圍守之歙為人有信
義西州士大夫信重之爭為言得免歸帝以其諳西州
地形遣與征虜將軍祭遵俱遵道病分精兵隨歙伐山
開道從番須回中襲略陽克之上聞之喜曰略陽囂所
依為阻者也今得之譬心腹壞制支體易矣時諸將請
乘勝進師帝曰囂亡其要城必且盡精銳來攻曠日久
而不拔兵頓敝乃可克也敕諸將毋動而囂果盡銳攻
之累月不能下馬援數以書責囂且遣囂將楊廣書曰
今四海已定兆民同情以為庶幾得免兵革而季孟閉
拒背畔前遺書戀戀致惻隱之計乃聞季孟歸罪援而
納王游翁諂邪之說謂函谷以西泥九可封以今而觀
竟何如耶今國家待春卿意深宜使牛孺卿與諸耆老
大人共說季孟若計畫不從真可引領而去矣前披輿
地圖見天下郡國百有大所柰何欲以區區二郡當諸
夏百有四乎春卿事季孟外有君臣之義內托朋友之

親言君臣耶。固當諫爭。諮朋友耶。亦有忠告。豈有知其無成。而但萎腴。昨舌。又手從族乎。及今成計。尚善。過是欲少味矣。至是帝自將征囂。諸將多以王師至重。不宜遠入險阻。帝未決。召援問之。援陳囂將帥有土崩之勢。於帝前聚米爲山谷。指畫形勢。開示軍所從道徑。分析昭然。帝曰。虜在吾目中矣。遂數道並進。援以太中大夫監諸將軍。車駕至略陽。囂解圍走。囂將十三人。縣十六衆十萬皆降。帝置酒高會。勞來。欸班坐。與諸將絕席。時涼州牧竇融。率五郡守從步騎數萬。入軍會高平。先遣從事問朝會儀。時軍旅中。禮儀踈闊。諸將與三公。至交馳道中。或背使者交私語。帝心不善也。聞融請大舍之。宣示百僚。乃具儀引見。饗以殊禮。詔以四縣封融安豐侯。弟友及潁川盜起。秋九月。帝還都。六日。自將討平五郡守畢侯。潁川盜起。秋九月。帝還都。六日。自將討平之。冬十月。行幸懷。十一月。至自懷。留執金吾恂鎮潁川。

初帝之征囂也。光祿勳郭憲扣車諫曰。東方甫定。車駕未可遠征。引佩刀斷車靽。尼上行。帝不爲止。已留隴。而潁川盜起。寇沒郡縣。河東卒亦叛。帝聞太息曰。悔不用郭子橫之言。帝念盜賊難力勝。獨在簡牧守。執金吾寇。

恂前為河內守，東光侯耿純嘗為東郡守，威信並著。帝召恂謂曰：「潁川迫近京師，當以時定。念獨卿能平之，從九卿復出以憂國可也。」對曰：「潁川性剽輕，聞陛下有事隴蜀，故狂狡乘間相誑誤反耳。聞乘輿南，必惶怖歸。」臣願執銳為前驅，又遣使拜純太中大夫，使與大兵會潁川，盜聞恂從駕還，東郡盜聞純入界，皆降散。大兵不戰而定。詔復以純為東郡太守，而恂竟不拜。郡百姓遮道曰：「願從陛下復借寇君一竿，乃留恂長社鎮撫之。」冬，大九年春正月，征虜將軍遼卒於師。詔陽夏侯異將其

軍。遼，潁陽人，少恭儉，好經學。母自負土起墳，帝徇河。北時，署軍市令，舍中兒犯瀆格殺之，帝以為刺奸將軍。謂諸將曰：「當備祭遼，吾舍中兒犯法尚殺之，必不私諸卿也。」累功封潁陽侯，廉約小心，克已奉公，賞賜盡與士卒，家無私財。身衣草襦布被，夫人裳不加緣。臨終，遺令薄葬。器還洛，帝素服望哭，哀慟。還，登城門觀過輜車。詔大長秋謁者河南尹護喪事，大司農給費。博士范升訟遼功曰：「陛下以至德受命，光明漢道，褒序輔佐，潁陽侯遼，費陛下仁恩，遠臨河南喪事，用度仰給縣官，送死有以加生，厚亡有以過存，矯俗厲化，悼如日月，臣竊見

遼修行積善竭忠於國北平漁陽西拒隴蜀先登坻上
深略陽制郤士心不令越邊所至吏民不知有兵清
名聞於海內廉白著於當世臨死遺誠牛車送喪任重
道遠成而後已遵爲將軍取士皆用儒術對酒設樂必
雅歌投壺又建爲孔子立後奏置五經大夫雖在軍旅
不忘俎豆可謂好禮悅樂守成善道者矣禮生有爵必
有謚臣愚以爲宜因遵蒙論次其功詳案謚法以禮成
之顯國家篤古之制爲後嗣法帝下其章謚成侯及葬
上親臨墓地存見其家室後會朝每
嘆曰安得憂國奉公如祭征虜者

隗囂死囂將立其

子純公孫述遣將陷夷陵入荆門詔將軍欽將軍援護

諸將屯長安

帝念公孫述必死之寇直以時定自隴還
時囂未下者兩城賜岑彭等書曰兩城若

下便可將兵南擊蜀虜人苦不知足既得隴復望蜀每
一發兵頭須爲白中郎將欽上書曰公孫述以隴西天
水爲藩蔽故得延命假息今二郡平宜益選兵儲穀爲
平蜀規昔趙將多賈人高帝懸以重賞今西州新破兵
率疲饑招以財穀則衆至臣知國家所給非一用
度不足然有不得已也詔轉糧詣隴右如欽言

十年

夏征西大將軍異卒于軍。

公孫述遣將救隗純。帝令異行天水太守事。攻斬之。諸將

攻冀不能拔。欲且還休兵。異持不動。常為衆軍鋒。夏攻落門未拔。薨于軍。子彰嗣侯。明年。帝思異功。復封彰弟

訢折鄉侯。後秋。葬馬節侯。帝行幸長安。至于汧冬。隗純世絕。輒紹封。

降隴右平還宮。

置將高峻據高平。帝在長安。欲自將征之。寇恂諫曰。長安居中。應四方。甚便足

制。今士馬疲矣。前阻險。非萬乘所宜親也。不從。進軍汧峻猶不下。遣恂奉璽書降之。恂且至。峻遣軍師皇甫文

出謁。辭禮倨。不屈。恂怒。叱誅之。諸將諫曰。高峻精兵萬人。多驍弩。遮隴道。西不下。連年矣。今欲降之。而戮其使。

無亦愈拒固乎。恂不應。斬之。遣其副歸。告曰。軍師無禮戮之矣。欲降。急降。不欲。固守。峻惶恐。即日降。諸將曰。敢

問殺其使。而城降。何也。恂曰。皇甫文。峻之腹心。所取計者也。今來辭意不屈。必無降心。全之則文得其計。殺之

則峻亡其膽。是以降耳。諸將皆曰。非所及也。遂傳峻還洛陽。冬。歆等破落門。純降。王元奔蜀。徙諸隗京師。以東

後純從客亡人胡。十一年春。詔曰。天地之性。人爲貴。其至武威。捕斬之。

殺奴婢者。不得減罪。敢炙灼奴婢者。論如律。免所炙灼

者為庶人。

章陵、祠園陵。還如。

遣大司馬漢將兵。會征南將軍

彭伐蜀。彭以舟師入江關。及述將田戎任滿戰荊門。大

破之。平巴郡。夏。護軍中郎將來欽。率將軍成等。及述將

王元戰環安。破之。克下辨。述賊殺欽。

欽被刺。未殊。馳使召蓋延。延至。伏地。

悲哀。不能起。欽怒曰。虎牙何敢然。今使者中刺客。無以

報國。故呼卿屬以軍。乃及效兒女子悲泣乎。刃雖在身。

獨不能勒兵斬公耶。延收淚起。受誠詔。乃自作書曰。臣

夜人定後。為何人所賊傷。中臣要害。臣不敢自惜。誠恨

奉職不稱。以為朝廷羞。夫理國以得賢為本。太中大夫

段襄。骨鯁可任。願陛下裁察。臣兄弟。常不肯終恐被罪。惟

陛下哀憐。無使當事任。投筆抽刃。而絕帝省書。葬來節。

儼涕來還。編素臨弔。并親送焉。策贈征寇節侯。

侯帝親征。次長安。征南將軍彭破述將黃石。拔武陽。輔

威將軍宮破延岑。沅水。拔綿竹。帝還宮。冬。述賊殺彭。奔

岑壯侯

彭南陽棘陽人。王莽時守宛。糧盡。降諸將。欲誅之。伯升曰。彭為郡吏。執心堅守。是其節也。舉大

事當表

義士。宜封之。以勸忠。更始令屬伯升。伯升遇害。

從河內太守韓歆居世祖。徇河內。求自効。帝深撫納之。

拜刺姦將軍。從平河北。拜廷尉。從追鄧奉。小長安。得奉

別將擊秦豐。拔黃郵。敗豐。藜丘封武。陰侯擊田戎。拔夷

陵。屯津鄉。扼荊州。要會。陳國家威德。諭告諸蠻夷。諸蠻

夷畢自歸。至是以征南將軍行伐蜀。公孫述絕水道。結

營以拒師。彭數攻不利。裴樓船露橈。數千艘。前攻之。時

大司馬漢督師。謂水道險。吊師費。欲罷之。彭爭請無罷

帝報曰。大司馬習用步騎。不諳水戰。荊門士一蹙。徂南

公為重而已。彭募攻浮橋。光登者上賞。偏將魯奇應募。

前時天大風。奇順風逆流上。直衝橋。攢柱鉤。不得去。因

飛炬焚之。風怒火烈。橋崩。燒軍。遂得並進。長驅入江。蹙

令軍中無擄掠。百姓奉牛酒迎勞。彭謝讓不受。為諸耆

老言人。漢哀巴蜀久為虜役。故興師討有罪。為人除害。

蜀人。大悅。詔彭守益州牧。所下郡。輒行太守事。至江州。

以田戎食多難。碎板留州。守之。身引兵直指墊江。破平。

曲收其米數十萬石以濟師時公孫述遣延岑等悉兵拒廣漢使別將拒黃石彭遣輔威將軍臧宮從沿水上綴延岑而自浮江下還江州潛沂岷江上襲黃石破之晨夜倍道行二千餘里拔武陽繞出述軍後述聞大驚以杖擊地曰是何神也於是彭馳至廣都去成都數十里而軍而輔威軍自涪入擊岑太破之述使刺客爲亡奴隆征南夜刺殺之監軍鄭興領其營待吳漢至授之帝聞震悼謚壯侯蜀人立祠祀之是歲省朔方牧并并州初斷州牧自還奏事十二年秋大司空通罷通乞骸積二歲將軍馮駿拔江州獲田戎大司馬漢

攻成都九月入其郛輔威將軍宮自涪來會師冬述戰

歿蜀平

漢既敗蜀軍魚涪津武陽捷爲諸縣皆城守不下帝詔漢直前取廣都先擄其腹心漢拔廣都

述愈急將帥內叛種誅之不能禁帝手詔戒漢曰成都十萬衆不可輕第堅據廣都待述來乃擊卽不來獨轉營迫之慎毋與爭鋒漢乘勝將步騎二萬逼成都阻江北而軍使副將劉尚將萬餘人屯江南爲犄角營相去

二十餘里。帝聞大驚，讓漢曰：「此救公于條萬端，何臨事勃亂如此？」既輕敵深入，又與尚別營，有緩急寧復能相及耶？賊出兵綴公，以大衆攻尚，尚破，公立敗矣。幸無他者，急引還，廣都書未到，述果分兵綴尚，而悉衆攻漢軍。漢大困，欲潛師就尚於江南，饗士秣馬，閉營者三日，營樹旗，鑿火以疑敵。而夜卽枚，走尚軍，明日，述軍覺，始悉力來攻。漢逆戰，大破之，乃留尚屯營，而奉詔還廣都。以狀聞。帝報曰：「還廣都善，述必不敢略尚擊公矣。若述攻尚，公從廣都悉步騎赴之，適其戰困，破之必也。自是漢與述戰，廣都成都間八戰八克。帝復詔諭述曰：「往詔書比下，開恩信，勿以來歟。岑彭受害自疑，今以時自詣，則家族完。若終迷不悟，委肉虎口，哀哉。今將率疲倦樂思歸，不樂久相屯守。詔書手記，不可數得，朕不食言。述終無降意。秋，漢進攻成都，入其郛，冬，述戰死。延岑以城降。漢屠成都，盡滅公孫氏并族。岑帝怒，以譴漢書讓副將劉尚曰：「城降三日矣，孩兒老母以萬數，一旦放兵縱火，可爲酸鼻。尚宗室子，更吏職，何忍而行此？」仰視天，俯視地，觀放麀啜羹，二者孰仁？良矢斬將，弔民之義也。有詔褒顯忠義，擢用。詔遣將將諸郡弛刑屯北邊，築亭候，修賢才，西士人悅。」

烽燧。邊郡吏力不足戰則守。追虜料敵。不拘以逗遛法。是歲涼州牧融率五郡守入朝。於時九域統一。兵革既息。天下文書調役。務從寡約。至乃十存一焉。先是融在懼不自安。數上書求代。詔報曰。吾與將軍如左右手。數執謙退。何固也。勉循士民。無擅離部。及是與五郡守朝京師。官屬賓客畢從。車千兩。馬牛半被野。至京師。上涼州牧張掖屬國都尉安豐侯印綬。詔還侯印綬。引見。就諸侯位。賞賜恩寵。傾京師。數日拜冀州牧。明年遷大司空。融自以非舊臣。一旦入朝。位諸功臣右。每朝會。辭貌卑恭。已甚。帝愈親厚之。雍奴侯寇恂卒。葬寇威侯。恂好學。寬仁。自牧。不爲物勝。方守潁川時。執金吾賈復軍汝南。部將殺人潁川。恂市戮之。復以爲耻。還過潁川。謂左右曰。吾與恂並列將帥。今爲所陷辱。今見恂必手劒之。恂聞欲引避。姊子谷崇曰。崇將子也。請得帶劒侍卒。有變足相當。何辟乎。恂曰。昔藺相如義不畏秦王。而屈於廉頗者。爲國也。以區區之趙。尚有此臣。吾安可忘哉。乃勅屬縣盛供具。儲酒醪八

皆兼二人之饌乃身出迎道彌疾而還復勒兵欲追之而吏士醉不能從遂過去恂以狀聞帝徵引見時復先在坐欲起避帝曰天下未定兩虎安得私闘今日朕分所得俸賜施朋友故人及從吏士初與謀者祿橫野大閔業數言於上得賜爵官郡守至是卒諡威侯

將軍王常卒於屯

常潁川武陽人初起下江以下江軍從爲帝業所起後爲更始廷尉更始

賊詣洛自歸帝勞之曰主廷尉良苦每念往時共更艱危何日忘之莫往莫來豈違平生之言乎常頓首謝曰臣蒙天命得托身陛下始遇宜秋後會昆陽幸成斷金更始不量臣愚任以南州赤眉之難喪心失望以爲天下復失綱紀及聞陛下即位河北心開目明今得見闕庭歟無恨矣拜左曹封山桑侯後帝於大會中指常謂群臣曰此家卒下江諸將輔翼漢室心如金石貞忠臣也是日拜漢忠將軍詔屯故安拒盧芳熒諡節侯十三年春大司徒侯霸卒詔往年勅郡國異味毋有獻今猶未止非徒有豫養導擇之勞致乃煩擾道上疲費過

所令太官勿復受。明勅下。其遠方口實。所以薦宗廟。自
如制。盧芳犇匈奴。詔諸侯王爵。非應經義。皆更櫛公。以
紹嘉公。孔安為宋公。承休公。姬常為衛公。以韓歆為大
司徒。夏四月。大司馬漢自蜀還。大饗將士。班勞策勲。諸
功臣皆增邑更封。凡三百六十五人。其外以實融為大
司空。融數讓爵上。因侍中金遷達至誠。又疏曰。臣融年
五十三。有子年十五。質性頑鈍。臣融朝夕教導。以
經藝。不令得觀天文。見識記。誠欲令恭肅畏事。恂恂循
道。不願有能。何況乃當傳以連城廣土。享故諸侯王國。
哉。帝不許。後朝罷。融遂巡席後。帝知其欲有讓。起還內。
使左右傳出。他日迎謂融曰。日者知公欲有讓。故命自
便。今見宜論。他事毋復言。十四年夏。封孔子後志為褒成侯。是歲。蒞
車鄧善遣使奉獻。請都護。不許。十五年春。大司徒韓歆

免自殺

飲南陽人好直言於上前證歲將饑指天畫地言甚剴坐免帝怒猶未解遣詔使噉讓之飲及

于嬰皆自殺飲有重名飲非其罪衆多不厭賜錢穀以成禮葬有星孛于昴亭于營室以歐陽歙

為大司徒夏封皇子十人並為公追諡兄續齊武公仲

魯哀公

帝威伯升功不就撫二子章興恩甚篤封焉

冬詔州郡簡覈墾田頃

畝及戶口丁中考實二千石長吏阿枉不平者

事具土田志

大司徒歙下獄

歙樂安千乘人入世受尚書為博士坐度田不實減千萬下吏諸生守闕

求哀者千人平原禮震求代歙不聽歙獄中

以戴涉為大司徒是歲匈奴人

寇徙邊郡民於內地遣揚武將軍馬成繕障塞騎都尉

張堪為漁陽守十六年

春三月晦日

秋河南尹及諸郡守坐

度田不實下獄歙郡國盜起

守長為詐巧苟以度田為名聚人田中又并度廬舍

呼盈路起為盜郡縣吏冬遣使者行郡國聽群盜自
兵進討輒解散已復屯結

相糾擿五人共斬一人者除其罪吏逗遛故縱回避皆

勿問聽以禽討為效其牧守令長坐界內盜賊不収捕

及畏懷捐城委守者皆勿以為負但取獲賊多少為殿

最惟蔽匿者罪於是賊並解散徙渠帥他郡賦田受粟

使安生業自是牛馬放牧邑門不閉焉復五銖錢十七

年春二月晦日夏行幸潁川進幸葉章陵五月還宮冬廢皇

后郭氏立貴人陰氏為皇后詔不得上壽禰慶命皇子

九國公即舊封進爵為王帝如章陵修園廟祠舊宅帝

章陵即舊宅置酒宴宗室諸母宗室諸母皆酺悅相與
語曰文叔少時謹信與人不款曲唯直柔耳今乃能如

是帝聞之笑曰吾治天下亦欲以柔道行之還宮十入年春二月幸長安三

月祠高廟上陵幸蒲坂祠后土夏幸河內還宮盧芳復反犇匈奴

奴病冬幸宜城還祠章陵還宮詔邊郡盜穀五十斛罪

至死開殘吏安殺之路其蠲除同內郡罷州牧復刺史

十九年春追尊孝宣皇帝曰中宗始祠昭帝元帝於太

廟成帝哀帝平帝於長安祠舂陵節侯而下四世于章

陵夏六月皇太子疆孫爲東海王立子陽爲皇太子事見

諸王傳秋帝如南頓二十年春還宮夏大司徒涉下獄死

大司空融免涉坐故入太倉令奚涉罪死以三公連職策免融大司馬薨卒葬

吳忠侯漢南陽宛人質厚少文每從征帝未即安恒側足而立戰不利衆惶怖失措漢益厲器械激吏

士意氣自若。帝歎曰：「吳公差強人意，隱然若一敵國矣。」每出師，朝受命，夕就道，無爲辦嚴師還，妻子於家買田宅，輒煦讓曰：「軍吏士與苦甚，奈何獨營田宅爲乎？」悉散與昆弟外家。在朝廷，斤斤謹質，形於體貌。病篤，帝臨視，問欲言，對曰：「臣愚無所知，願陛下慎母赦而已。」蔡茂爲大司徒，朱浮爲大司空。

劉隆爲驃騎將軍，行大司馬事，省五原郡，復濟陽徭役。

六歲

是歲匈奴寇上黨天水至扶風

二十一年春，伏波將軍援築壘塞。

置守長撫輯邊。

烏桓與匈奴鮮卑並寇邊西域十八國遣子入侍請都護謝罷之二十

二年春，帝如長安祠高廟上陵還宮。

夏五月晦日

秋，詔曰：「日

者地震，南陽尤甚。夫地靜重不動者也。今裂震咎在君

上，鬼神不順，無德殃及吏民。朕甚懼焉。其令南陽勿輸

今年田租芻藁。遣謁者案行，死罪繫囚在戊辰前減一

等徒皆弛解鉗衣絲絮賜郡中居人壓死者棺錢人三

千廬宅尤破壞者口賦逋稅勿收責人死亡在壞垣毀

屋下家不能收者以見錢穀取傭為收之冬大司空浮

免以杜林為大司空詔罷諸邊郡亭堠吏卒鳥桓擊破匈奴匈奴

北徙幕南地空二十三年夏大司徒茂卒秋大司空林卒以王

况為大司徒冬以張純為大司空武陵蠻反將軍劉尚擊之泝元水入武谿

輕敵深入蠻乘險邀之一軍悉沒鬲侯朱祐卒祐質直尚儒學為將多受降期定城邑不存貧

功二十四年春詔有司申舊制阿附藩王法匈奴南單于款塞內

附遣伏波將軍春三月晦日饒邪人鮮卑烏桓入朝貢伏波將軍援破武

援征武陵蠻陵蠻臨沅軍大疫援二十五年卒於軍收侯印綬二十六年春增百官俸六百石已上減西京

舊制六百石作壽陵詔曰古帝王之葬皆陶人瓦器木

車茅馬使後世不知其處太宗識終始之義景帝述遵

孝道遭天下反覆而霸陵獨完受其福豈不美哉今所

制地不過二三頃無爲山陵陂池裁令流水而已使迭

興之後與丘壠同體詔雲中五原朔方北地定襄鴈門

上谷代八郡民歸本土遣謁者分將弛刑修補城郭郡

國賜裝轉餉給之

立南單于庭置中郎將領護南單于遣子入侍徙居西河美稷請助扞戍

北二十七年夏大司徒况卒五月詔三公去大名改司

馬曰太尉趙熹爲太尉馮勤爲司徒二十八年春徙魯

王興爲北海王

以魯益東海

秋遣諸王就國以張侯爲太子

太傅

帝大會群臣問誰可傳太子者群臣皆言太子舅執金吾陰識可博士張佚正色曰陛下立太子為

陰氏乎為天下乎即為陰氏則陰侯可矣必為天下固

宜妙選天下之賢才帝喟然曰善所謂置傅者輔太子

也博士不難正朕說太子冬詔赦罪繫囚募下蠶室女子

子乎即拜佚太子太傅

宮

非匈奴貢獻求和親

二十九年春

二月朔日觸

遣使者舉冤獄出繫

囚賜鰥寡孤獨篤癯貧不能自存者粟人五斛

自是歲每行

夏詔天下繫囚自殊死下及徒各減本罪一等贖輸作

有差三十年春幸魯幸濟南還宮

有星孛於紫宮夏大水

膠東侯

復卒秋葬賈剛侯

復南陽冠軍人初漢兵起說宗室漢中王嘉曰復聞圖堯舜之事而不能

至者湯武是

圖湯武之事而不能至者桓文是也圖

桓文之事而不能至者六國是也定六國之規欲安守

之而不能至而六國亡矣今漢室中興天下未定而大

王安守所保所保得無不可保乎嘉曰卿言大非吾任

大司馬在河北，必能相施，持我書往見之。帝見復，大說。署破虜將軍，官屬以復後至，好陵軼，調補鄆縣尉。帝曰：「賈督有折衝千里之威，吾方任以職，毋擅調。」授偏將軍，與五較戰，真定大破敵，而創甚病。帝聞，驚曰：「所以不令復別將者，患其輕敵也。」果然失吾良將。聞其婦有孕，生女耶，我子妻之。男，我女嫁之，不令憂其妻子也。復尋愈，追謁帝於薊，相見甚懽。帝壯復敢深入，而患其輕脫，希令專征，故少方面之功。封膠東侯，食六縣。復剛方，多大節，以列侯就策，闔門養威重，有司薦復可三公。帝方以吏事責三公，故功臣並不用，而復與高密固始二侯參議國大政。三十一年，夏五月，大水。建武中元元年，十三。

恩遇特厚。

晦日，蠲蝗。

建武中元元年

十

二年春，帝東巡，封泰山，禪梁陰。司空純卒。夏，還宮，赦改元。

以馮魴為司空，司徒勤卒。

秋，蝗。

冬，以李訢為司徒。

十一月，晦日，蠲蝗。

尊薄太后曰高皇后，遷呂后主于園。

遣司空魴告祠高廟，曰：「高祖皇帝約。」

非劉氏不王。呂太后賊害三趙王，王呂氏，祿產因以為逆，賴社稷之靈，伏誅。天命幾墜，危以更安。呂太后不宜。

配食高廟。同體至尊。薄太后慈仁。實生孝文皇帝。是歲。賢聖臨國。子孫蒙福。謹上薄太后尊號。配饗云。

京師醴泉出。

飲之。病疾愈。惟耿蹇者不瘳。

甘露降郡國。朱草生。

群臣請撰

集符瑞傳來世。帝自謙無德。抑而不當焉。

二年春。初立北郊祀后土。二月。帝

崩於南宮前殿。

壽六十一。

遷詔曰。朕無益百姓。喪葬皆如孝

文皇帝制度。務從約省。刺史二千石長吏。毋離城郭。毋

遣吏及因郵奏。三月。葬原陵。帝仁明有大畧。生長民間。

見百姓稼穡艱難。諳所疾苦。再造大業。解王莽苛政。修

宣帝之政。而天下懷安。明慎政體。憂養黎元。數引公卿

郎將。廣咨民瘼。觀納風謠。褒表節義。重郡邑守長之選。

有事輒賜手書問勞。皆一札十行。細書成文。雖遠萬里。

如在几席故政治烝烝而課效頗急乾綱自總旦朝具
退暇召儒生徵詰經理夜分乃罷皇太子見帝勤勞承
間自請曰陛下有禹湯之明而違黃老養性之福願幸
自愛嗇精神以優游天年帝曰我自樂此不爲疲也身
濟大業而兢兢如不及嘗行幸南頓復民田租一歲南
頓父老前叩頭言皇考居南頓日从陛下識知寺舍每
來輒幸嘉恩願賜復十年帝曰天下重器朕常恐不任
日復一日安敢遠期十年乎頓首對曰陛下獨惜賜復
爲讓耳乃天祚巍巍無疆何言之謙也爲增復一歲群
臣議請封禪帝曰吾卽位三十年百姓怨氣滿腹吾誰

欺欺天乎。曾謂泰山不如林放乎。何汙七十二代之編錄。爲若郡縣遠遣吏上壽。盛稱虛善者。髡令屯田。徵處士周黨王良王成至京師。入見伏而不謁。自陳願守所志。博士范升言。黨等偃蹇驕倨。文不能演義。武不能效君。鈞采華名。庶幾三公之位。臣請與坐雲臺之下。考試圖國之道。毋令處士得微虛名。帝報曰。自古明王聖主。必有不賓之士。伯夷叔齊不食周粟。太原周黨不受朕祿。亦各有志焉。其賜帛四十匹。罷之。念欲保全功臣。不令以吏事爲過。諸將皆以列侯就第。加特進奉朝請。而每容宥其小失。遇之甚恩。遠方貢珍。其必徧賜而太官。

無餘。故功臣皆保其福祿。無譴誅焉。在兵間。从善兵。而性仁。不佳兵。遣將軍馮異。規長安。親送之河南。解所服劔。畀之。敕之曰。三輔遭王莽更始之亂。重以赤眉延岑之酷。元元塗炭。無所依訴。今之征伐。非必略地屠城。要在平定安集之耳。諸將非不健闘。然好虜掠。卿本能御吏士。念自修勅。無爲郡縣所苦。自隴蜀平。未嘗言軍旅。皇太子問攻戰之事。帝曰。昔衛靈問陳。孔子不對。非爾所及也。匈奴南北分爭。臧宮請得五千騎以立功。帝笑曰。常勝之家。難與料敵。吾方自思之。已。宮及馬武上書言。虜人畜死。旱蝗赤地。不能當中國一郡。宜命將出征。

以靖要荒。帝報曰。黃石公記曰。柔能制剛。弱能制強。柔者德也。剛者賊也。故曰。有德之君。以所樂樂人。無德之君。以所樂樂身。舍近謀遠者。勞而無功。舍遠謀近者。逸而有終。故曰。務廣地者荒。務廣德者王。有其有者安。貪人有者殘。殘賊之政。雖成必敗。今國無善政。災變不息。百姓騷惶。人不自保。而欲復遠事方外乎。孔子曰。吾恐季孫之憂。不在顓臾。而在蕭牆之內也。且北狄尚強。屯田警備。傳聞之事。恒多失實。誠舉天下之半。以滅大寇。豈非至願。苟非其時。不如息人。西域國十餘數。上書願遣子入侍。請都護。最後鄯善爲莎車所苦。言都護不出。

誠迫於匈奴。詔報曰。今者大兵未能得出。諸國力不從心。東西南北自在也。周公之讓白雉。太宗之却走馬。義兼之矣。

論曰。世祖起微細。受命。稱中興。實不階一成一旅也。於創造同功。豈非以豁達大度。於高祖同符也。與哉。而好吏事。動遵節度。見謂不如也。傳曰。王德如天。天明則日月不明。高帝近之矣。乃世祖有言。王者有分土。無分民。東西南北自在。大哉王言。曠乎於殷宗周宣爭烈矣。

國史上編卷之十六

明盱郡鄧元錫纂

孝明皇帝帝紀

孝明皇帝諱陽。已改諱莊。字曰嚴。世祖中子也。母光烈

皇后。

帝生而明慧。十歲通春秋。已師博士榮。通尚書。爲東海王。時北匈奴求和親。議母許。以携南單于心。

辯南陽吏牘中語。語具戎狄土田志中。妖巫反原武。遣將軍宮改園久不下。世祖召公卿列侯問方畧。皆曰宜重其購賞。王獨曰。妖巫相煽。勢無久立。中必有悔。欲亡者。但園急。無從至耳。宜小挺緩。令得亡。誠亡。一亭長制之矣。世祖曰。善。即既即位。上光武皇帝尊號曰世祖。詔

敕宮缺園而盜平。

既即位。上光武皇帝尊號曰世祖。詔

曰。先皇帝受命中興。德侔帝皇。協和萬邦。格于上下。懷

柔百神。惠於鰥寡。朕承大運。繼體守文。不知稼穡之艱。

難懼有廢失。聖恩遺戒。顧重天下。以元元爲首。公卿百僚。將何以輔朕不逮。其賜天下三老孝弟力田爵人三級。鰥寡孤獨篤癯粟人十斛。其弛刑及郡國徒赦前犯而後捕繫者皆免。方今上無天子。下無方伯。若涉淵冰而無舟楫。夫萬乘至重。而壯者慮輕。實賴有德以左右小子。高密侯禹元公之貧。東平王蒼寬博有謀。並可受六尺之託。臨大節而不撓。其以禹爲太傅。蒼爲驃騎將軍。三公皆封爵有差。秋燒當寇隴西。赦隴西囚徒。勿收今年租調。復天水所發卒三千人更調。冬遣中郎將竇固監軍捕虜將軍馬武率師討燒當寇。詔曰。方春戒

節人以耕桑。其敕有司務順時氣。使無煩擾。今選舉不實。邪佞未去。權門請託。殘吏放手。百姓愁怨。無告有司。明奏其罪。并正舉者。又郡縣徵發。輕爲姦利。先急下貧。其務均平。無令枉刻。永平元年春正月。率公卿以下朝原陵。如元會儀。坐東廂。侍衛官皆在。太官上食。太常奏穀價。及民所疾苦。歲爲常。夏五月。太傅禹薨。葬鄧元侯。禹文明篤淳。內行飭備。事母孝。天下既定。避遠名勢。一依於禮讓。有子十三人。令各專一藝。毋怠敖。修整閨門。教養子孫。具可爲世法。資用國邑。不殖產利。帝以元功。師傳每進見。東向。甚見尊寵。寢疾。數臨問。薨。親弔。祔焉。史贊曰。變通之世。君臣相擇尚矣。鄧公。羸糧徒步。觸紛亂而赴光武。斯謂得所從哉。方其握上將之符。入關使關。以西響動。懷赴如歸。功雖不遂。道亦弘矣。及威損。拘邑兵散。宜陽榮悴交而下。無二色。上無猜情。終爲元功冠之上。若臣俱全其美矣。

東海王彊薨。塋東海恭王。

司空鮪持節護喪事。賜升龍旄頭鑾輅龍旗。

二年

春正月。宗祀世祖皇帝於明堂。

始服袞冕。玉佩絢屨。

畢。登靈臺。望

雲物。詔曰。朕宗祀先武皇帝於明堂。以配上帝。禮備咨

物。樂和八音。詠祉福。舞功德。班時令。勅群后。群僚藩輔

宗室列郡上計。百蠻貢職。仰惟先帝受命中興。撥亂反

正。恢弘大道。被之罔極。而胤子素性頑鄙。臨事益懼。其

赦天下。百僚尹師。勉修厥職。順行時令。敬若昊天。以綏

兆人。三月。視辟雍。行大射禮。冬。視辟雍。行養老禮。

兄學較志。

詔曰。先武皇帝建三朝之禮。而未及臨饗。眇眇小子。屬

當聖業間。暮春吉

行大射。今月元日。復踐辟雍。尊

事三老。兄事五更。易陳負乘。詩刺彼其。朕固薄德。永念
慙疚。三老李躬。年耆學明。五更桓榮。授朕尚書。詩曰。無
言不酬。無德不報。其賜榮爵。關內侯。食邑五千戶。皆以
二千石。祿養終厥身。賜天下三老酒。人一石。肉四十斤。
有司存者。耄恤幼孤。惠鰥寡。稱朕意焉。冬。幸長安。祠高
廟上陵。遣使者中牢祠相國何。博陸侯光。式其墓。幸河東。還宮。賜所過吏二千石至橡史
有差始。迎氣五郊。三年春。詔曰。朕奉郊祀。登靈臺。見史官。
正儀度。夫春者。歲之始也。始得其正。則三時有成。比者
水旱不節。邇人食寡。政失於上。人受其咎。有司其勉順
時氣。督勸農桑。去其螟蛾。以及蠹賊。諄慎刑罰。明察單

辭。夙夜匪懈。以稱朕意。太尉憲。司徒訢。兗郭丹為司徒。

虞延為太尉。立馬貴人為皇后。子烜為皇太子。賜天下三老孝

悌力田爵人三級。男子人二級。鰥寡孤獨篤癰貧不能自存者粟人五斛。夏。封諸子為王。六月

有星孛于天船北。大旱。敕大匠止北宮作。減省諸宮不急。謝公

卿白僚雨。八月晦日。秋。詔曰。朕奉承祖業。無有善政。日月

薄蝕。慧孛見天。水旱不節。稼穡不成。人無宿儲。下生愁

墊。雖夙夜勤思。而智能不逮。昔楚莊無災。以致恐懼。魯

哀禍大。天不降譴。今之動變。儻尚可救。與有司勉思厥

職。以匡無德。其言事者。靡有所諱。冬十月。炆先武廟。奏

始五行武德之舞。詔中興功臣。圖形南宮雲臺。帝思中興功臣之美。鄧禹吳漢

賈復耿弇寇恂岑彭馬異朱祐祭遵景司蓋延鮪期耿
純馬武馬成王梁陳俊杜茂傅俊堅鐔王霸任光李忠
萬修邳彤劉植臧宮劉隆後益以王常李通竇融奉皇
卓茂並圖形示褒馬援以椒房之親抑不與焉

太后如章陵還宮

是歲京師及郡國七大水

四年春詔曰朕親耕籍

田以祈農事京師冬無宿雪春不澳沐煩勞群司積精

禱求比得時雨宿麥潤澤其賜公卿半俸有司勉遵時

政務平刑罰冬司徒用司空鮪免范遷為司徒伏恭為

司空五年驃騎將軍東平王蒼避位出就藩冬帝幸鄴

常山復元氏租六歲

常山三老以帝生元氏願優復比豐沛濟陽帝曰豐沛濟陽受命所

繇生加恩報固宜今永平之政百姓怨結而吏人求復朕甚愧之重違此縣之拳拳其復縣田租更減六歲

安豐侯竇融卒

時竇氏一公兩侯三尚主四二千石而融老子孫多縱誕不從兄子林以罪

誅長子穆尚內黃公主矯獮陰太后詔令六安侯劉盱
去其婦而身之盱婦家上書言狀帝大怒盡免穆等為
郎吏者官將家屬歸故郡聽融上衛尉印綬留京師融
尋卒年七十八諡戴侯是歲北匈奴寇五原雲中南
單于擊却之六年得寶鼎以禴祭日陳廟備器賜公卿二千

石帛

王維山寶鼎出有司請賀帝曰今政化多僻鼎何
以來易鼎象三公豈三公奉職得理耶先帝詔太

常書禁人上書言聖聞者章奏多浮辭自今
有過稱虛譽尚書抑不省示毋為諂子所嗤七年春正

月皇太后陰氏崩葬光烈皇后八年春正月司徒遷卒

虞延為司徒趙熹行太尉事

秋却國十
四大水

冬辛辟雍養老

募郡國中郡官死罪繫囚減罪一等免答謂度遼將軍
營屯朔方五原諸邊縣聽妻子自隨便著籍父母同產
欲代者悉聽之徙者賜弓弩衣糧罪死者詔曰朕以無
辜下蠶室後聞一行此令是月晦日蠲既既德奉大業下貽人怨上動三光日蝕之既春秋圖其

災尤大。群司修勉職事。極言無諱。又詔以所上封班百
官曰。群僚所言。皆朕之過。民寃不能理。吏黠不能禁。而
輕用人力。繕修宮宇。出入無節。喜怒過差。求覽前戒。竦
然兢懼。徒恐薄德。久而致怠耳。九年。春。詔前臧罪徒五
原朔方占著所在
必者。賜父若妻男同產一人。復終身。夏。詔郡國以公田
其無父若妻男。獨有母。賜母錢六萬。
賜貧民詔司隸較尉部刺史。歲上墨綬。長史視事三歲
已上。理狀尤異者一人。及政尤不理者。與計偕以聞。大
年。是歲。匈奴
遣子入學。十年春。廣陵王荆有罪。自殺。夏。詔曰。昔歲
五穀登。今茲蠶麥善。其赦天下。方盛夏。長養其蕩滌宿
惡。報農功。百姓勉務耕稼。備災害。吏敬厥職。毋愆情。幸

南陽祠章陵日北至祠舊宅

畢召較官弟子作雅樂奏鹿鳴帝自御塤篴和之娛

嘉賓

還幸南頓勞饗三老官屬十一年

無事

十二年夏修汴

渠隄詔曰昔魯閔奉親竭懼致養仲尼葬子有棺無槨

器貴致哀禮存寧儉今送終競爲奢靡生者無擔石而

財力盡於墳土伏臘無糟糠而牲牢兼於一奠靡積世

之業供終朝之費子孫饑寒絕命於此豈祖考之意哉

又車服制度恣極耳目田荒不耕游食者衆有司申明

科禁宜於今者宣下之秋司空恭罷牟融爲司空十三

年春二月親耕籍

禮畢賜觀者食

夏幸滎陽行汴河渠

見漕度河志

河登太行進幸上黨還官冬

十月晦日觸

詔曰災異屢見咎

在朕躬昔衛有忠臣靈公得守其位今何以和穆陰陽

消伏災譴刺史太守詳刑理冤存恤鰥孤勉思職焉十

一月楚王英有罪徙丹陽自殺具封建刑十四年春司

徒延自殺先是有以英謀告延者延以英蕃邢穆為司

徒十五年春帝東巡耕下邳至魯祠東海恭王陵詣孔

子宅祀孔子御講堂命皇太子諸王說經夏還宮封子

六人為王是歲遣都尉竇固十六年夏固伐北匈奴取

國遣子司徒穆獄死王敏為司徒秋淮陽王延徙封阜

陵王有上書告延與姬兄弟婿招姦猾作圖讖祠祭詛

祝者穆連坐外所連死徙者甚眾是月晦日觸北匈奴大十七年春謁原陵其露降甘陵芝草生殿前五

入雲中色神雀集京師白狼等國入

貢公卿百官請朝堂上壽。帝曰：「天生神物以應王者，遠人慕化，實繇有德。朕德薄何以饗此？」唯高祖光武聖德弘被太常，其擇吉策告宗廟，司徒敏卒鮑昱爲司徒，十仍推恩賜民爵及粟有差。

八年夏，有星孛于太微詔曰：「自春以來，時雨不降，宿麥傷旱，秋

種未下，政失厥中。憂懼而已，其理冤獄，錄輕繫二千石

分禱五嶽四瀆。郡界有名山大川，能興雲雨者，長吏各

繫齋禱請，冀蒙嘉澍。秋八月，帝崩于東宮前殿。年四十八遣

詔無起寢廟。藏主光烈聖后更衣別室陵制令流水而已，無起墳埽。

地杆水，脯糒而祭，過百日，惟四時奠，置吏卒數人給灑

掃，勿開修，敢有興作者，以擅議宗廟法論。葬顯節陵。有司

奏言孝明皇帝聖德淳茂勛勞日晏身御浣濯食無兼珍澤臻四表威靈遂被無思不服以蒸庶爲憂不以天

下爲樂備三雍之教躬養老之禮作登歌正雅樂博貫六藝不舍晝夜功烈光於四海仁風暢於千載而深執謙讓自稱不德無起寢廟宜上尊號曰顯宗帝孝友性其四時神祇於光武之堂間進文德廟舞

生事世祖及先烈皇后烝烝篤誠崩追慕無已常謁原陵夕夢先帝太后如平生歡寤悲不自勝旣明率百官及故客上陵是日甘露降陵樹令百官采取以薦畢從席前視太后故鏡奩中物感動悲號左右皆泣莫能仰視東海王病遣使者挾太醫乘傳視疾中人候安否絳繹不絕薨悲慟不自勝東平王來朝優遇隆特臨送還宮悽然懷思手詔諭諄至焉以中山王焉郭太后少子愛之故獨畱京師及就國賜虎賁官騎每行幸徵諸王

各從其近地宴會。封王諸皇子。按地圖分上。僅半諸王國。皇后請曰。諸子裁食數縣。無已儉乎。帝曰。我子豈可與先帝子等。歲給二十萬足矣。禮待陰郭。必均沛。王舅郭況。與帝舅陰識。就竝特進。恩寵竝渥。况卒親臨。贈賻甚厚。遵建武制度。無所變更。明慎爵賞。善理刑法。館陶公主爲子求郎。不許。賜錢千萬。謂辟臣曰。郎官上應列宿。出宰百里。苟非其人。則民受其殃。是以難之。公車以反支日。不受章奏。帝聞而怪之。太息曰。民廢農桑。遠來詣闕。而復拘以禁忌。豈爲政之意乎。遂蠲其制。日晏坐朝。幽枉畢達。斷獄得情。號居前代十二。尚書闔章精力。

曉舊典。久次當遷。帝以章二妹爲貴人。近戚屬。竟不用也。海內安平。人無徭役。吏多得人。歲比豐稔。百姓殷富。粟斛三十。牛牟被野。戶口滋殖焉。

論曰。余讀明皇帝行宗祀養老禮儀。情文備極。蓋千載

一見也。

見禮儀志

庶幾哉。成周穆穆皇皇之風。至考。檀郎楚

獄對。又何迫也。不謂克已難哉。夫禮始於直內。嚴於郊祀。燕饗。施於不敢遺小國之臣。師道之教誨。傳詔之德義。要於調性復情。性情調而體禮立矣。

孝章皇帝帝紀

孝章皇帝諱炆。顯宗第五子也。母賈貴人。鞠於明德皇

后爲太子。后撫育劬瘁。太子亦淳孝。天至。少寬容。好儒術。既卽位。尊皇后曰皇太后。詔曰。朕以耿身。託於王侯之上。統理萬機。懼失厥中。兢兢業業。未知所濟。深淮守文之主。必建師傅之官。詩不云乎。不愆不忘。率由舊章。行大尉事。節鄉侯憲。二世在位。爲國元老。司空融典職大年。勤勞不怠。其以憲爲太傅。融爲太尉。並錄尚書事。三事大夫。莫肯夙夜。小雅之所傷也。予違汝弼。汝無面從股肱之正義也。群后百僚。勉思厥職。各貢忠誠。以輔不逮。申款四方。稱朕意焉。召蜀郡太守第五倫爲司空。是月晦日。蠲避正殿寢兵。不聽政五日。詔有司各上封

事以馬廖爲衛尉防爲中郎將光爲越騎校尉太后兄弟終明

帝世未嘗改官京師及三州大旱牛疫詔勿收兗豫徐州

田租芻藁以見穀賑給貧民是歲西域攻沒都護北匈奴圍已較尉關龍軍師與

匈奴圍戊較尉耿恭詔酒泉太守彭將兵救之事具戎狄志建初元年春詔曰州郡

方春東作恐人受稍廩往來煩劇或妨農耕其各實覈

尤貧者計所貸并與之流人欲歸本土者郡縣實廩令

足還到聽過止官亭無顧舍宿長吏親躬無使貧弱遺

脫小吏豪右得容姦妄書下勿得稽留刺史明加督察

尤無狀者又詔曰比年牛疾疫墾田減少穀價頗貴民

以流亡方春東作二千石宜及時務勉農桑弘致勞來

群公庶尹。各推精誠。專急民事。獄囚罪非殊死。須秋按
驗。有司明慎選舉。進柔良。退貪猾。順時令。理冤獄。五教
在寬。帝典所美。愷悌君子。大雅所歎。布告天下。使明知
朕意。山陽東平地震。詔曰。朕以無德。奉承大業。夙夜栗
栗。不敢荒寧。而災異仍見。與政相應。朕既不明。涉道日
寡。又選舉乖實。俗吏傷人。官職耗亂。刑罰不中。可不憂
與。夫鄉舉里選。必累功勞。刺史守相。不明真偽。茂才
孝廉。歲以百數。既非能顯而當授之。政甚無謂也。每尋
前世舉人貢士。或起鄙畝。不繫閭閻。敷奏以言。則文章
可採。明試以功。則政有異迹。文質彬彬。朕甚嘉之。其令

太傅三公中二千石。二千石。郡國守相舉賢良方正能
直言極諫之士各一人。夏。初舉孝廉郎中寬博有能任
典專城者補長相。秋。詔以上林池籟田賦貧人。八月有星孛于
天二年春。詔曰。比年陰陽不調。饑饉屢臻。深惟先帝憂
市人之本。誠欲元元去末歸本。而今貴戚近親奢縱無度。
嫁娶送終尤爲僭侈。有司莫肯舉察。春秋之義以貴理
賤。三公並宜明糾非法。朕在弱冠區區管窺豈能照一
隅哉。其科條制度所宜施行。在事者備爲之禁。先京師
而後諸夏。夏。詔還坐楚淮陽事徙者四百餘家歸本郡
縣。詔齊相省冰糶。方空穀吹綸絮。多有星孛于紫宮。三
是歲燒當羌反。

年春。宗祀明堂。將軍馬防較尉耿恭。擊寇破之。詔徵防

還。下恭獄。免官。

防既徵還。留恭擊餘寇。所降寇凡十三種。數萬人。以言事忤防。監謁者承防指。

奏恭不憂軍坐徵。

立皇后竇氏。

賜三老孝弟力田及男子爵有差。鰥寡孤獨篤癯貧不能自存。

者粟人五斛。

夏。罷治滹沱石臼河。

初顯宗時。議者請從都慮至牟。賜倉治河。以便漕役。

成者不可較。至是謁者鄧訓言渠終難成。詔罷役。

冬。召馬防爲車騎將軍。四年

春。太尉融卒。夏四月。立子慶爲皇太子。封舅馬廖防光

爲列侯。以特進就第。鮑昱爲太尉。桓虞爲司徒。六月。皇

太后馬氏崩。秋七月。葬明德皇后。冬。詔曰。蓋聞三代導

人。教學爲本。漢承暴秦。褒顯儒術。建立五經。爲置博士。

其後學者精進。雖曰承師。亦別名家。孝宣皇帝以爲去

聖久遠學不厭博。故立大小夏侯尚書。後又立京氏易。至建武中。復置顏氏嚴氏春秋。大小戴記博士。皆所以扶進微學。尊廣道藝也。中元元年。詔書五經章句煩多。議減省。永平元年。長水校尉儵奏言。先帝大業。當以時施行。欲使諸儒共正經義。頗令學者得以自助。孔子曰。學之不講。是吾憂也。又曰。博學而篤志。切問而近思。仁在其中。於戲。勉之哉。於是下太常。將大夫博士議郎郎官及諸生諸儒會白虎觀。講議五經同異。稱制臨決焉。五年春二月。朔日詔曰。朕新離供養。愆咎衆著。天降大異。詩不云乎。亦孔之醜。公卿以下。其舉直言極諫。能指

朕過失者各一人。遣詣公車。朕親覽問焉。其以巖穴爲先。勿取浮華。又詔曰。春秋書無麥苗。重之也。去秋雨澤不適。今時復旱。如炎如焚。凶年無時。而爲備未至。朕之不德。上累三光。震慄怵怵。痛心疾首。前王博思咨諏。雖降災咎。輒有開墮反風之應。今予小子。徒慘慄而已。其令二千石。理冤獄。錄輕繫。禱嶽瀆。名山川。能致雲雨者。冀蒙不崇朝雨。天下之報。務加肅敬焉。又詔曰。孔子曰。刑罰不中。則民無所措手足。今吏多不良。擅行威怒。或案不以罪。迫脅無辜。致自殺者。一歲中多於斷獄。甚非爲人父母之意。其議糾舉。夏詔曰。朕思遲直士。側席異

聞其先至者各已發憤吐瀉略聞子大夫之志矣欲置

左右資顧問建武詔書有曰堯試臣以職不直以言今

外官多曠並補任需後效焉太傅憲卒遣弛刑義從就班超平西域

冬始行月令迎氣樂六年夏太尉昱卒六月晦日秋鄧彪

爲太尉七年夏五月廢太子慶爲清河王立子肇爲皇

太子具后妃內紀諸王傳秋八月帝詔曰予末小子質又菲薄仰

惟先帝蒸蒸之情前修禘祭以盡孝敬朕得識昭穆之

序寄遠祖之恩矣今大禮復舉加以先帝之坐悲傷感

懷迎來送往庶或饗之克慎肅雍之臣辟公之相皆助

朕之依依其加賜有差行幸偃師涉卷津至于河內詔

曰車駕行秋稼觀收穫因涉郡界皆精騎輕行無他輜

重不得輒修道橋遠離城郭遣吏逢迎刺探起居為煩

擾勤務宜約但患不能脫粟瓢飲耳所過欲令貧弱有

利無違詔書進幸鄴勞饗魏郡守令已下至于三老門闕廷卒賜錢各有差復元氏租賦

三還宮錄囚徒詔天下繫囚減成詣邊郡戍妻子自隨占著父母同產欲從者悉聽有不到者

以乏軍興論犯殊成以下一切募下蠶室女子官繫囚鬼薪白粲已上皆減本罪各一等輪司寇作亡命贖成

罪入縲二十四匹右趾至髡鉗城旦春十匹完城旦至司寇三匹吏人有罪未發覺詔書到自告者半入贖官

是歲冬幸長安祠高廟上陵以中牢祠籥何霍光封蕭問行冬幸長安駕所至輒會郡縣吏勞賜作樂

相國末孫熊嗣鄧侯從鴻臚彪議具虎傳是歲京師及郡國螟八年春正月

東平王蒼薨葬東平憲王賜鸞輅龍旂冬詔曰五經剖判去

聖彌遠。章句遺辭。乖離難正。恐先師微言。將必廢絕。非

所以重稽古求道真也。其令群儒選高才生。以學左氏

穀梁春秋古文尚書毛詩。以扶微學。廣異義。是歲京師及郡

國元和元年。九春。詔曰。入政以食爲本。古者爭心耕節用。

厚儲蓄以備凶災。自牛疫以來。穀食連少。良繇吏勸課

未至。刺史二千石不以爲負也。其令郡國募民欲徙宅

界就肥饒者。恣聽在所。給公田爲願耕備。貸種餉。貰與

田器。勿收租。五歲除算。三歲後欲還本鄉者。勿禁。夏議

貢舉法。見任秋。詔禁治獄律外酷考慘苦者。見刑八月。

太尉彪罷。鄭弘爲太尉。詔曰。朕導化不德。吏政失和。元

元未諭。抵罪於下。寇賊爭心不息。邊野邑屋不修。永惟
庶事。思稽厥衷。與百君子。共弘斯道。中心悠悠。將何以
寄。其改建初九年。爲元和元年。郡國中都官繫囚。各免
臧如章。南巡狩。詔道所經郡縣。無得設儲。命司空自
將徒。支柱橋梁。有遣使奉迎。探刺起居者。二千石坐。賜
寡孤獨不能自冬。進幸章陵。祠舊宅園廟。詔廬江太守
存者粟。人五斛。
祠長沙定王。春。陵至宛。賜有行義者。廬江毛義。東平鄭
節侯。鬱林府君。均穀。各千斛。還宮。詔曰。往者妖言大獄。所及廣遠。一人
犯罪。禁至三屬。莫得垂纓。仕官王朝。如有賢才。沒齒無
用。朕甚憐之。諸以妖惡。桀黷者。皆蠲除。明棄咎之路。二

軍春詔產子者復勿筭三歲令諸懷妊者賜胎養穀人
三斛復其夫勿筭一歲著爲令詔三公曰方春生養萬
物亨甲宜助萌陽以育時物其令有司罪非殊死且勿
案驗及吏人條書相告不得聽受冀以息事寧人敬奉
天氣立秋如故夫俗吏矯飾外貌似是而非揆之人事
則悅耳論之陰陽則傷化朕甚厭之甚苦之安靜之吏
惴惴無華日計不足月計有餘如襄城令劉方吏人同
聲謂之不煩雖未有他異斯亦殆近之矣間敕二千石
各尚寬明而今富姦行賂於下貪吏枉法於上使有罪
不論無過被刑甚大逆也夫以苛爲察以刻爲明以輕

爲德以重爲威。四者或興則下有怨心。吾詔書數下。冠蓋接道。而吏不加理。人或失職。其咎安在。勉思舊令。稱朕意焉。二月。用四分曆。詔山川鬼神。應典禮未咸秩者。

議增修以祈豐年。東巡狩。

鳳凰集
胞城

耕定陶。詔曰。三老尊

年也。孝弟淑行也。力田勤勞也。國家甚休之。其賜帛人

一匹。勉率農功。使使者祠唐堯於成陽靈臺。柴告岱宗。

有黃鵠三十。從西南來。經祠壇上。東北過官屋。翺翔升降。

宗祀五帝于汶上明堂。告

祠二祖四宗。大會內外群臣。赦復博高。羸無出今年田

租芻藁。至魯祠東海恭王陵。祠孔子於闕里。作六代樂

賜褒成侯及諸孔男女帛。至東平祠憲王陵。夏還宮。假

于祖禰告祠高廟。

客星人紫官賜天下吏爵人三級高年鰥寡孤獨帛人一匹令天下大酺

五日賜公卿已下及從行官吏卒錢帛各有差賜博士員弟子在太學者布人三匹令郡國上明經口十萬以

士五人不滿十萬三人

秋詔曰春秋於春每月書王者重三正慎

三微也月令冬至有順陽助生之文律十二月立春不

以報囚朕訪咨儒雅稽之典籍其定律無以十一十二

月報囚詔鳳凰黃龍所見亭部無出二年租賦三年春

詔曰蓋人君者視民如父母有憯怛之憂有忠利之教

匍匐之救其嬰兒無父母親屬及有子不能養食者廩

給如律北巡狩耕于懷告郡國守相曰朕惟巡狩之制

以宣聲教考同遐邇解結冤也今四國無政不用其良

駕言出游。欲親知易劇。前祠園陵。遂望華霍。東柴岱宗。
爲人所福。今將禮恒山。遂祖北土。歷魏郡。升踐隄防。詢
訪耆老。咸曰。往者汴門未作。深者成淵。淺則泥塗。追惟
先帝勤人之德。底績遠圖。復禹弘業。不克堂構。朕甚慙
焉。月令孟春。善相丘陵土地所宜。今胞田尚多。未有墾
闢。其悉賦與貧民。給糧種。務盡地力。所過縣邑。聽牛入
今年田租。以勸農。勅侍御史司空曰。方春所過。無得有
所伐殺。車可以引避。引避之。騑馬可輟解。輟解之。詩云。
敦彼行葦。牛羊勿踐履。禮人君伐一草一木不時。謂之
不孝。俗知順人。莫知順天。其明稱朕意。幸中山遣使。

北嶽視長城。還幸元氏祠。先武顯宗於縣舍正堂。明日

祠顯宗于始生堂。皆作樂。復元氏七年徭役。幸趙祠旁

山於靈壽。還宮。夏太尉弘卒。以宋繇爲太尉。司空倫罷。

以袁安爲司空。詔侍中曹褒定漢禮。具禮儀志。章和元年二十

年。夏。司徒虞免。以袁安爲司徒。任隗爲司空。秋。詔以嘉

瑞改元。時朝廷動色相慶。太尉掾何敞獨憂之。謂太尉

繇。怪草生於庭際。得無非其美者。繇安不敢答。八月晦日。觸詔養衰老。授几杖。行糜

粥。飲食。賜高年帛布。以爲醴酪。死罪囚。減死勿笞。詣金

城戍。南巡狩。幸沛。幸彭城。汝陰冬。還宮。二年春正月。帝

崩於章德前殿。年三十三。遺詔無起寢廟。一如先帝制。葬敬

陵

廟號肅宗

帝天性仁孝。事明德太后。先意承志。

語具內紀

割裂

名都。以崇建周親。沛濟南東平中山四王入朝。贊拜勿

名。以東平王親賢。禮待隆至。諸王入朝。帝親循行邸第。

豫設帷牀。錢帛器物具以充。

見封建志

體貌大臣。諏咨善道。

虛懷容納。常詔百官議朝堂。公卿見各異。至變色相詆

訾。司隸較尉劾不敬。皆上印綬謝。帝詔報曰。蓋聞事以

義從。策繇衆定。閭閻衍衍。得禮之容。寢默抑心。非朝廷

之福也。君何尤而深謝。其各冠履。東平王蒼上便宜三

事。手詔報言。丙寅所上章。親自覽讀。反復數周。心開目

明。曠然發矇。聞吏人奏事。亦有此言。但明智淺短。或謂

儻是復慮爲非。今改年之後。年饑人流。又冬春旱甚。所
被尤廣。雖內自克責。而不知所定。得王深策。快然意解。
詩不云乎。未見君子。我心忡忡。旣見君子。我心則降。思
惟嘉謀。以次奉行。冀蒙福應。彰報至德。尚書僕射朱暉
上密事。詔報曰。生補公家之闕。累清白之素。義甚美。今
俗苟合。阿意面從。進無蹇蹇之忠。退無卻思之念。朕甚
患之。惟今所言。適我願也。尋駁均輸議。忤旨。見讓。暉自
繫獄。三日。詔出之。曰。國家樂聞駁議。黃髮無愆。詔書過
耳。何故自繫。暉因稱病篤。不署議。諸尚書其劾暉以法。
留中不下。詔直事郎問起居。太醫視疾。太官賜食。帝爲

太子時受書於汝南張酺。酺守東郡。幸東郡。引酺及門生掾吏會庭中。備弟子之儀。受尚書一篇。乃聽政焉。過任城。幸鄭均舍。賜尚書祿終其身。平徭薄賦。深元元之愛。著胎養之令。人賴其慶。又體之以忠恕。文之以禮樂。故蕃輔克諧。群后德讓。在位十三年。群國所上符瑞。合圖書文者。數百千所焉。

孝和皇帝紀

孝和皇帝諱肇。梁貴人子也。

竇皇后無子。養爲子。而譖殺梁貴人。見后妃內紀中。

肅宗崩。卽位。

年十歲矣。

尊皇后曰皇太后。竇太后臨朝。以前

太尉彪爲太傅。錄尚書事。百官總已以聽。遣諸王就國。

夏。以遺詔罷鹽鐵禁。早冬十月。侍中憲殺都鄉侯暢。聽。

以車騎將軍擊北匈奴。永元元年。夏。憲為大將軍。北匈奴

奴破之。登燕然山。刻石勒功。還。三年春。二月朔。封皇弟

四人為王。封齊武王孫無忌為齊王。威為北海王。秋。憲

出屯涼州。是歲。憲取伊吾地。北匈奴單于款塞。三年春

正月。帝冠冬如長安。祠高廟上陵。祀蕭曹二相國。紹還

宮。是歲。憲擊北匈奴。金微山。四年春。司徒安卒。丁鴻為

司徒。夏。憲還京師。六月朔。日蝕。郡國十三地震。旱。蝗。國

宦者鄭眾為大長秋。秋。太尉繇策免。自殺。司空隗卒。尹

睦為太尉。錄尚書事。宗正劉方為司空。詔郡國今年秋

稼爲旱蝗傷什四以上。勿收民田租。五年春。詔減省內
外廩。及涼州諸苑馬。自京師離宮果園上林廣成囿。悉
假貧民。恣采捕。無收稅。詔曰。去年秋麥入少。其上尤貧。
不能自給者。戶口人數。往群國上貧者籍。以衣履釜鬻。
爲資。不著籍。而豪右得饒。詔書實覈。長吏不躬親。更徵
召會聚。令失農作。愁擾百姓。朕甚苦之。若復有犯者。二
千石先坐。太傅彪卒。隴西地震。夏郡國三兩。詔曰。選舉
賢才。爲政之本。科別行能。必繇鄉曲。先帝敕在所令試
以職。乃得克選。其德行尤異。不須經職者。別署狀上。而
宣布以來。出入九年。二千石曾不承奉。恣心從好。司隸

刺史訖無糾察在位不以選舉爲憂督察不以發覺爲負是以庶官非人民被其殃今新蒙赦令且復申勅後有犯者顯明其罰遣使者分行三十餘郡舉實流冗民開倉賑廩冬太尉睦卒張酺爲太尉六年春司徒鴻卒劉方爲司徒張奮爲司空遣謁者分行廩貸三河兗冀青州民詔流民所過郡國皆實廩有販賣者毋收稅還歸者復一歲田租更賦詔曰朕以耿末奉承鴻烈陰陽不和水旱違度濟河之域凶饉流亡而未獲忠言嘉謨所爲匡救之策寤寐求歎用思孔疚其令三公中二十石郡國守相舉賢良方正直言極諫之士各一人昭巖

穴披幽隱。詣公車。朕將親聽焉。秋。京師旱。幸洛陽寺。錄

囚徒。舉冤獄兩。

中都官徒除半刑。其謫徒未竟五月以下。皆免。

七年夏。

四月朔。

延公卿大夫御史。謁者議郎。郎官會廷中。各上封事。詔

有司詳選郎官。寬博有謀才。任典城者三十人。

秋。易陽地裂。京

師

八年春。立貴人陰氏爲皇后。

賜三老孝弟力田及男子爵級有差。鰥寡孤獨

篤癯貧不能自存者粟。人五斛。

秋。詔曰。蝗虫之異。殆不虛生。萬方有罪。

在予一人。而言者專歸過於下。非助我者也。朕寤寐惻

矜。思弭憂釁。將何以匡朕不逮。百僚師尹。勉修厥職。刺

史二千石。詳刑辟理冤虐。恤鰥寡。矜孤弱。以思惟致災

興蝗之咎。

南宮宣室殿災。

九年

春。隴西地震。旱蝗。

夏。

詔勿收被傷郡國

民租更芻藁弛山林饒利陂池漁採以贍民勿收假稅

秋閏八月皇太后竇氏崩葬章德皇后追尊皇妣貴人

梁氏爲皇太后追謚恭懷改葬西陵司徒方策免自殺

呂蓋爲司徒司空奮罷韓稜爲司空

稜潁川舞陽人先是竇憲賊殺都鄉

侯稜白發其事帝西祠園陵憲從武威來會長安尚書

議憲至當拜伏稱萬歲稜正色曰上交不諂下交不瀆

制無人臣稱萬歲之文議者慚而止尚書左丞王龍私

奏記上牛酒於憲稜舉奏論爲城旦出守南陽摘發姦

盜郡中震

慄故召十年春詔刺史二千石䟽隄防溝渠以順助

地理勿因緣妄發煩擾民

京師大水

秋司空稜卒巢堪爲司

空

冬五州雨水

十一年春遣使循行廩貸被災害貧不能自

存者秋詔曰吏民踰僭厚歿傷生是以舊令節之制度

頃貴戚近親百僚師尹日怠放有司不舉商賈小民忘
法禁奇巧靡貨流積公行在位犯者當先舉正市道小
民申明勅禁勿因科令加虐羸弱焉十二年春詔曰比
年不登百姓虛匱京師冬無宿雪春無澍雨黎民流離
困於道路瞻邛吳天何辜今人數詔有司務擇良吏今
猶不改競爲苛暴以求虛名假勢行邪朕甚病焉公卿
不思助明好惡將何以救其咎罰上下同心庶幾有瘳
其賜爵級廩貧窮如章

夏秭歸山崩舞陽大水賜被災
貧者穀人三斛秋七月朔日饞

太尉酺免以張禹爲太尉十三年春帝幸東觀閱書林

篇籍博選術藝之士克學官秋詔曰荊州比歲不登今

茲淫雨爲害餘雖頗登多不均洽深惟四民農食之本
慘然懷矜其令天下民入今年田租芻藁之半其宜以
實除者如故事貧民假種食勿收責冬詔曰幽并凉州
戶口率少邊役衆劇束修良吏仕進路狹撫接夷狄以
人爲本其令緣邊郡口十萬以上歲舉孝廉一人不滿
十萬二歲一人五萬以下三歲一人司徒蓋致仕以魯
恭爲司徒是歲鮮卑寇右北平十四年春臨辟雍饗射
赦天下夏皇后陰氏廢冬立貴人鄧氏爲皇后詔免
豫荆三州淫雨水傷農被災什四以上皆減田半租司
空堪罷以徐防爲司空是歲安定寇反郡兵擊滅之復置西海郡十五年春

詔流民欲還本土。無糧食者。過所實廩。疾病致醫藥。不

欲還。勿強。

夏四月晦日。陽大風。四州雨水。

冬。帝如章陵。祠舊宅。還宮。

十六年春。貸貧民種糧。詔交豫徐冀四州。雨傷稼。遣三

府掾屬。行視民貧無以耕者。予顧犁牛直。秋。詔曰。秋稼

方穗。而雲雨不霑。豈吏慘刻。不宜恩澤。妄拘無罪。幽閉

良善所致。與一切囚。訟疑者。勿決。以奉秋令。方察煩苛

之吏。顯明其罰。司徒恭免。以張酺爲司徒。八月卒。以徐

防爲司徒。陳寵爲司空。

酺事見經學。

冬十一月。幸緱氏。登百

岨山而還。元興元年。

十七年。

春。引三署郎。召見禁中。選除

十五人。補謁

謁

夏。改元。詔宗室以罪絕者。復屬籍。

冬十二月帝崩年二十七太子隆卽位尊皇后曰皇太后太

后臨朝延平元年春葬慎陵上廟號穆宗秋八月少帝崩葬

康陵是爲煬帝初章帝時侍中憲以皇后兄暴起司空

倫疏諫曰憲以椒房之親典司禁兵出入省闈年盛志

美卑讓樂善詎有顯過哉然諸出入其門者類多瑕釁

桀錮之人少安讓之節更相販賣雲集其家此驕佚所

從生也三輔論者至云貴戚廢錮當復以貴戚浣濯猶

解醒以酒亦太溺矣臣愚願陛下嚴敕憲等謹杜門自

守無妄交通久之憲益橫以賤直請沁水公主園奪之

主畏不敢言帝素知主園美過其地問之憲陰喝左右

不得對帝回顧見之質問具得實乃大怒切責之皇后
爲毀服深謝帝寬仁召憲讓曰深思前過方奪主田園
時何用愈趙高指鹿爲馬乎久念令人心悸貴主園尚
見奪况細民哉國家棄憲如孤雛腐鼠耳然事竟得解
太尉弘數奏憲及黨與罪狀見譙讓病篤上疏曰憲姦
惡貫天地海內疑惑謂何術以罔主上近王氏之禍炳
然可鑒陛下處天子之尊保萬世之祚奈何信讒佞之
臣不計國安危存亡之所伏乎臣命在晷刻死不忘愚
願誅元凶以厭人望帝省章太息亟遣醫就視至則薨
矣然終陰憲不逐也及和帝卽位太后臨朝都鄉侯暢

來入臨。太后數召見。憲懼暢分宮省之權。遣客刺殺暢於屯衛中。而委禍暢弟剛。遣御史詣齊。即治。尚書稜以爲賊起京師。而傳考州郡。捨近問遠。徒爲姦人所笑。得自寬。太尉掾何敞說太尉繇曰。敞備數股肱。職典賊曹。願親至發所。以糾其變。故事。公府不與盜賊。敞獨身請奏案之。於是窮竟具得實。太后怒。閉憲內宮。憲惶恐。自求擊匈奴以贖罪。乃以爲車騎將軍伐匈奴。司徒安與九卿詣朝堂上書言。匈奴不犯邊。而無故勞師糜國。徼功萬里之外。非社稷計。不聽。太尉繇懼。不敢復署議諸卿。亦稍自引止。惟安與司空隗守前議不變。免冠朝堂。

固爭。太后終不聽。衆危懼。安正色自若。是時憲弟篤景各擅威福。恣不汰。以太后詔起邸第相屬。安勅景非時發邊兵。騷惑人吏二千石。不待符輒發。當伏顯誅。司隸較尉河南尹附貴戚不舉。無盡節之義。當案免。並寢不報。而三府舉奏郡國二千石。賂遺竇氏。貶秩免官者四十餘人。竇氏大恨。但安隗素行高。未有以害之。時掾敞已遷侍御史矣。疏諫曰。匈奴之爲桀逆久矣。平城之圍。嫚書之辱。臣子所宜捐軀而效死。高祖高后忍怒還忿。舍而不誅。誠重之也。今皇太后秉文母之操。陛下履晏晏之姿。匈奴無逆節之罪。漢朝無可慙之耻。盛春東

作興動大役。元元怨恨。而猥復爲衛尉。篤奉車都尉。景繕修館第。彌街絕里。臣竊以爲衆軍在道。朝廷焦勞。百姓愁苦。篤景近親貴臣。當體國自克。爲百僚先。而遽起大第。崇飾奢汰。非所以垂令德。示無窮也。宜且罷止。專憂北邊。書奏不省。會尚書僕射郅壽上書。陳憲驕恣。以誠又朝會。正色詆譏。以誹謗下吏。當致辟。敞疏曰。壽機密近臣。以匡救爲職。若緘默不言。罪也。今違衆正議。以安宗廟。豈曰其私。忠臣盡節。以死爲歸。臣誠不欲聖朝行誹謗之誅。以杜塞忠直。垂譏無窮。得減死徙合浦。未行。自殺。會憲伐北匈奴。登燕然山。勒石紀功。還進大將。

軍位三公上。於是耿夔任尚等。以武力爲爪牙。鄧疊郭璜等。以姻婭爲腹心。班固傅毅等。以文章典幕府。權震天下。性復果急。睚眦之讎必復。而篤景等竝橫。盡署其親黨。賓客於名都大郡。賦歛小民。爲賂遺。司徒安大憂之。每公卿大會。語國事。流涕不自禁。憲有建置之數。持國大體。祖宗舊制。相違覆。憲大悖。至引光武誅韓歆戴涉。事迫脅之。安終守不移。廬江周榮辟公府。諸舉奏多所具。草竇氏客憾之。曰。子爲袁公腹心。橫挑貴戚。竇氏別客。悍士滿城中。必謹備之矣。榮曰。榮江淮孤生。得備宰士。以國家事爲讐所害。誠所甘心。歸敕妻子。卒遇禍。無

殲欽。冀以區區窮身。覺悟朝廷。無何。安薨。尙書敞上封
事。諫曰。臣聞愛而不教。終至凶戾。猶饑而食之以毒。適
以爲害也。伏見大將軍憲。始遭大憂。公卿比奏。令典幹
國事。憲深執謙退。固辭盛位。懇勤深至。天下聞之。莫不
悅喜。卒然中改。兄弟專朝。虐用百姓。奢侈僭倂。誅戮無
罪。衆議洶洶。咸謂州吁叔段。復生於世。而公卿不肯極
言者。以憲至誠匪懈。則已受吉甫褒申伯之功。誠蹈罪
戾。亦不失平勃誅諸呂之效。終不以憲等吉凶爲憂也。
臣敞區區。誠欲兩全。絕其縣縣。塞于涓涓。上不欲令皇
太后損文母之號。陛下有誓泉之譏。下使憲等得長保

其福祐。駙馬都尉環。比請退身。願柳家權可與參謀。聽順其意。誠宗廟至計。竇氏之福也。憲怒。出爲濟南王傅。已。司徒鴻以日食上疏言。臣聞日者陽精。守實不虧。君之象也。月者陰精。盈毀有常。臣之象也。故日食爲陰凌陽。臣乘君之象。月滿不虧。下驕盈象也。昔周衰。皇甫家伯之屬。專權在外。黨類強盛。侵奪乘勢。則日月薄蝕。故其詩曰。十月之交。朔日辛卯。日有食之。亦孔之醜。夫威柄不可以下放。利器不可以假人。覽觀往古。近察漢興。傾危之禍。靡不繇此。今大將軍雖欲勦身自約。不敢僭差。然天下遠近惶怖。承旨刺史二千石。初除謁辭。求通。

待報。雖奉璽符。受臺檄。不敢輒去。久者至數十日。必得
謁。乃遣。背王室。向私門。此上威損而下權盛也。人道悖
於下。效驗見於上。雖有隱謀神照其情。垂象見戒。以告
人君。聞者月蒲先節。過望不虧。陛下未深覺悟。故日爲
之食。誠宜畏懼。以防其甌。詩曰。敬天之怒。無敢戲豫。臣
愚以爲宜敕政責躬。杜漸防萌。諸左官外附之臣。依權
門。傾仄求媚者。宜行一切之誅。夫天不可以不剛。不剛
則三光不明。主不可以不彊。不彊則守牧縱橫。宜因天
變。改政匡失。以塞天意。書奏。帝感動。䟽留中不下。丙辰。
郡國十三地震。帝以瀉行太尉。兼衛尉。屯南北軍。會憲

壻郭舉得奉太后。謀廢立。帝知其謀。而外臣莫繇親接。以鉤盾令鄭衆。謹敕有心幾。不事憲。與定議行誅。清河王慶以長別居丙舍。會勸講白虎殿。得入省宿。帝使求外戚傳慶。從千乘王所。密求得。夜納之。庚申。奉北宮詔。執金吾五較勒兵屯宿衛。閉城門。收璜舉等誅之。收憲大將軍卬綬。遣就國。憲及諸弟皆自殺。太尉繇以阿黨策免。亦自殺。執金吾酺。張上疏曰。臣愚不及國大體。竊以爲竇氏伏辜。而罪狀未著。非所以昭示將來也。宜下理官。與天下共平其罪。方憲等寵貴時。群臣阿附如恐不及。皆言憲受顧命之託。懷伊呂之忠。至乃比鄧夫人。

於文母。今嚴威既行。又皆以爲當死。不考厥衷。伏見夏陽侯瓌。志存忠善。前與臣言。常有鞠躬盡節之心。簡敕賓客。未嘗犯法。臣聞王政。骨肉之刑。有三宥之義。過厚不過薄。今議者爲瓌選嚴能相。恐其迫切不完。免宜加裁宥。帝感黜言。徙瓌封就國已焉。時帝年甫十四。成實氏之誅。天下厭服。而奉事太后。終始無間。念清河王以儲貳廢。遇之尤恩。時被病。必朝夕問訊。垂意甚備。有司以日餽。白遣諸王之國。帝手詔答曰。甲子之異。責繇一人。諸王幼穉。早離顧復。常有蓼莪凱風之哀。選愼之恩。知非國典。且復宿留。嘗南巡狩。欲渡漢。太傅禹張疏人

勞請止蹕。帝報曰。祠謁毀訖。當南禮大江。會得君奏。臨漢回輿。太尉酺請老。帝遣中黃門問勞。賜膳珍醑。遂極篤。酺子蕃時以郎侍講。帝勅之曰。今陰陽不和。萬人失所。日夜望公。與國同心。思惟得失。而託病自潔。當誰與吾同憂責乎。非所望於斷金也。司徒固疾。司空年老。公其偏僂。勿露所敕。酺惶恐闕謝。故事。南海獻龍眼荔枝。十里一置。五里一候。民役輸苦。臨武長唐兪上書陳狀。詔曰。遠國珍羞。本以薦宗廟。苟有傷害。豈愛民之本。其敕太官勿復受獻。繇是逐省焉。自中興至于永元。雖頗有弛張。而俱存不擾。齊民歲增。壤土世闢焉。

論曰。明帝早慧。又仁心好學。頗稱察察。而章帝承之以
寬。惻隱元元。於弘民不已。優乎。又垂意禮樂。敬順時令。
庶幾哉。兼有其質文。穆宗以冲人。誅大慙。而禮賢卹民。
德意爛然。於是西京高惠。至于文景。東都建武。迄于元
興。並稱治朝矣。

通史上編卷之十六終

與益部諸博矣

詩意默然然其西京高惠至于文景東漢數世至于元

帝終諸錄其其實文景東漢以中人精大慈而無貴位矣

漢明劉永示然其其示以詩平又垂意甄樂堪則和介

後曰問帝平慧又示以詩學然則樂樂而章帝承之以

百史上編卷之十七

明肝郡鄧元錫卷

安順冲質帝紀

孝安帝諱祐清河王慶子也。殤帝立清河王出就國。天子冲幼皇太后沈沈懷社稷之慮。留王子祐與嫡母耿姬處清河邸中。殤帝崩。與車騎將軍隲太后兄定策禁中。夜使隲持節以王青蓋車迎王子祐齋殿中。太后御崇德殿。百官吉服陪位。拜爲長安侯。已下詔曰。先帝聖德淑茂。早棄天下。朕奉皇子。瞻邛日月。冀獲成就。豈意卒然。天年不遂。悲痛斷心。深惟平原王勝被痼疾。念宗廟

之重思繼嗣之統長安侯祐忠孝翼翼通詩論篤學樂

古仁惠愛下年已十三有成人之志親德保後莫宜於

祐禮昆弟之子猶子也春秋之義為人後者為之子不

以父命辭王父命其以祐為孝和皇帝嗣奉承祖宗已

卽位謁高廟謁光武廟太后臨朝是歲六州大水雨雹

窮隕石十二月清河王慶薨司空勤持節弔祭車騎將

軍臨行護喪永初元年春司徒鮪卒三月朔夏魯恭為

司徒綱目後此三公以權周章為司空爵皇太后母陰

氏為新野君冬司空章為逆自殺時中人鄭衆蔡倫等

為言以太后不聽而望欲密謀誅騰兄弟及衆倫等廢太后及帝而立平原王勝以為功事覺自殺是歲郡國

十八地震四十一二年。夏旱京師郡國四十大水大風大水二十八風雹二年。夏旱京師郡國四十大水大風

郡國十三年春正月帝冠京師大饑司徒恭罷秋海賊二地震三年春正月帝冠京師大饑司徒恭罷秋海賊

九郡鳥桓鮮卑南匈奴寇五原十二月有星孛于天苑是歲京師及郡國四十一大水并涼饑人相食四年

年郡國九地震六州蝗三郡五年春正月朔日蝕地震大水冬太后母新野君卒五年春正月朔日蝕地震

陷上邽是歲九州六年十州蝗豫章七年夏四月晦日蝗郡國六大水員谿原山崩七年夏四月晦日

風郡國十元初元年八年春日南地坼三月朔日蝕夏入地震元初元年京師及郡國五旱秋河東地陷冬

十月朔日蝕是歲二年春零昌羌夏立貴人閼氏為皇后國十五地震二年冠益州夏立貴人閼氏為皇

后河南及郡國十九旱秋九三年春郡國十地震三月月晦日蝕郡國十地震三年朔日蝕夏宗師旱郡

國九四年春二月朔日夏司空敞自殺袁敞廉劭不阿地地震四年春二月朔日夏司空敞自殺袁敞廉劭不阿

郎張俊有私書與敞子怨家封上之坐自殺三郡雨雹是歲郡國十雨水十三地震五年春京師及郡國

五史七編卷之十七

五旱秋八月朔日饑冬鄧遵募羌殺狼莫封武陽侯徵

任尚棄市自羌叛十餘年軍旅費用百億計并涼虛耗

狼莫死諸羌瓦解遵以太后從弟故得封六年京師及

尚與遵爭功徵棄市是歲郡國十四地震郡國四

十二地震或坼水涌出沛渤海大風雨求寧元年帝十

霍冬十二月朔日饑既郡國八地震京師及郡國

北匈奴車師反浞氏夏立子保為皇太子七月朔日饑

言煎燒當羌入寇建元元年十五年春三月皇太后鄧氏崩

三十三大冰即建元元年十五年春三月皇太后鄧氏崩

國二十地震建元元年十五年春三月皇太后鄧氏崩

封鄧騭為上蔡侯瑩和熹皇后追尊考清河孝王曰孝

德皇母曰孝德后祖母宋貴人曰敬隱皇后尊嫡母耿

姬為甘陵大貴人詔舉有道特進鄧騭及度遼將軍鄧

遵並以諧自殺貶平原王翼為都鄉侯以耿寶監羽林

車騎封宋楊四子及宦者江京李閏皆列侯幸衛尉

石府

留飲十日雨水是歲京師及郡國二十九地震遣

大臣行

延光元年

十六年夏京師及郡國

秋詔三公中

二千石舉刺史二千石令長相視事一歲已上至十歲

清白愛利能救身率下防姦理煩有益於人者無拘官

簿刺史舉所部郡國太守相舉墨綬惻隱親民者勿取

浮華

是歲郡國十三地震京師及

二年夏四月封乳母

王聖為野王君

秋丹陽山崩京

三年春帝東巡柴告岱

宗祀二祖六宗汶上明堂

勞賜郡縣復所過租

祀孔子闕里幸東

平至于河內還策收太尉震印綬自殺以馮石為太尉

夏閩中山崩

秋八月以耿寶為大將軍九月廢太子保為濟

陰王

是月晦日。饒是歲京師及郡國三十六大水雨雹。

四年春三月。

朔日。

帝幸

宛。不豫。還崩于葉。還宮發器。

年三十三。

葬恭陵。自和帝崩。鄧

太后臨朝。日。蠲地震水旱風雹之災。歲有饑流。載路太

后。聞每徹旦不寐。詔減太官導官尚方內署諸服御珍

膳。非陵廟未母導擇朝夕一肉飯。躬自損以救黎元。歲

遣謁者分行虛實。舉災害賑乏絕。稟之以在所郡國公

田池苑可墾闢者。假與民。除逋租。過更口筭芻秣。數年

之後。天下復平。歲還於豐穰。司徒恭。太尉防。司空郃等。

相繼登用。兄騭以元舅車騎將軍輔政。後位大將軍。克

崇謙讓。推進賢士。薦何熙。李郃等列於朝廷。辟楊震。朱

寵陳禪等置之幕府。詔有司罷諸祠官不合典禮者赦。除建武以來諸犯妖惡所連逮及馬竇家屬被禁錮者。詔公卿内外官郡國守相舉賢良方正明達古今能直言極諫者。詔三府申舊令禁奢侈作淫巧殫財厚葬者。詔郡國守相舉經明任博士居鄉廉清孝順才任理人者。詔謁者行視收葬客死京師無主後若有後貧無以葬者申救郡縣中秋養衰老授几杖行糜粥毋糠粃。長吏必躬親會稽大疫遣光祿大夫將太醫行視郡國大水賜壓溺死年七歲以上者錢七千其敗壞廬舍亡失產業者粟人三斛被淹蕩者田免賦租下詔言間者水

災害稼穡朝廷憂懼而郡國多張墾田增戶口爲功掩匿盜賊不爲負貪苛慘毒延及平民刺史阿私下比不畏于天不愧于人自今後各實覈所傷害爲除租賦違者重其糾罰詔司隸校尉河南尹南陽太守曰前代外戚賓客借威認詞至濁亂爲良患者咎在執法懈怠不輒行其罰故也車騎將軍騰等雖懷敬順而宗門廣大姻戚賓客多于禁憲其明加簡敕勿容護嘗大旱親錄囚徒洛陽囚實不殺人而被考自誣羸困矣以篋輿曳見畏吏不敢言將去舉頭欲有訴太后察視覺之呼還問具得枉狀即收洛陽令抵罪行未還宮澍雨大降故不

出房闥而天下復安。蓋臨朝者十有六年。帝即位十有五年。生二十有七年矣。始天子以少慧故得立。及長多失德。稍不可。太后意見匡拂。而太后徵河間王子翼爲平原王。留京師。又久不歸政。以內不能平。太后崩。乳母王聖等及宮人欲傾太后以爲功。比而譖鄧氏。誣告惷弘。閭從尚書訪所取廢立故事。謀立平原王。帝發怒。徙騰封羅侯。就國。宗族皆免官。歸故郡。貶平原王翼爲平都鄉侯。騰及諸弟皆自殺。大臣百官莫敢頌言鄧氏冤者。大司農寵。朱痛騰無罪。肉袒輿櫬上書曰。和熹皇后聖善之德。爲漢文母。兄弟忠孝。同心憂國。功成身退。讓

國遂位歷世外戚無與爲比當享積善履謙之慶而橫
爲中人單辭所陷利口傾險反亂國家遂令騰等罹此
酷濫逆天惑人率土喪氣宜收還冢次寵樹遺孤奉承
血祀以謝亡靈因自致廷尉廷尉忠効寵免官衆庶多
爲騰稱枉者帝意稍釋乃還葬騰等諸從昆弟皆得歸
京師當是時帝嫡母耿貴人兄寶監羽林車騎祖母宋
貴人兄弟及宦者江京李閏封列侯皇后兄閭顯弟景
耀典禁兵與中常侍樊豐等並用事封乳母王聖爲野
王君聖緣恩放恣聖女子伯榮得出入宮掖通貨賂爲
姦司徒震䟽諫曰臣聞政以得賢爲本治以去穢爲務

方今九德未事。嬖倖充庭。阿母聖出自賤。微得奉聖躬。雖有推燥居溼之勤。前後賞惠。報勞苦過適而無厭之心。不知紀極。外交屬託損辱。清朝塵黜。日月夫女子小人。近驕遠怨。實爲難養。惟陛下絕婉孌之私。令居外舍。斷伯榮母令往來。留神萬機。慎拜封爵。令野無鶴鳴之歎。朝無小明之悔。天下幸甚。帝以章示聖及內倖。皆忿恚。而伯榮與故朝陽侯劉護從兄瓌通。瓌妻之。遂得襲護爵。震復疏爭曰。高祖約非功臣不得封。經制父死子繼。兄亡弟及。所以防篡冒也。伏見詔書封故朝陽侯劉護再從兄瓌。襲護爵爲侯。護同產兄威。今乃見在臣聞。

天子專封封有功。諸侯專爵爵有德。今懷無他功能。但以娶阿母女。得驟位侍中封侯。不稽舊制。不合經義。宜覽鏡既往。順帝之則。書奏不省。尚書韋輔廣疏諫曰。陛下應天履祚。當建太平之功。而外戚內寵。應時滋章。臣請以近事徵之。昔竇鄧之寵。傾動四方。兼官重祿。盈金積貨。至乃盜弄神器。幾傾社稷。及其破壞。頭顙墮地。願爲狐豚。豈可得哉。夫致貴無漸。失必暴。受爵無道。殃必疾。今外戚近幸。漢元以來。未有倫比。祿去公室。政移私門。重尋覆車之迹。摧折可必。而朝臣莫肯正議。翁翁訾訾。轉相援附。臣恐威權外假。歸之良難。虎翼一奮。卒

不可制。故孔子曰。吐珠於澤。誰能不舍。老子稱國之利。器不可示人。此安危之極戒。社稷之深計也。昔文帝愛百金於露臺。飾帷帳於書囊。或譏其儉者。帝曰。朕爲天下守財耳。自初政來。日月未久。費用賞賜。已不可貲。歛天下之財。積無功之家。帑藏殫盡。民物彫傷。卒有不虞。當復重賦。百姓怨叛。危亂之所倚也。昔成王初政。周公在前。召公在後。畢公在左。史佚在右。四子挾而維之。故一旦復辟。而天下曠然。今陛下有成王之尊。而無數子之佐。雖欲崇雍熙。致太平。其可得乎。自去年來。災譴頻數。地坼山崩。高岸爲谷。脩身恐懼。庶轉危爲安。輕慢天

威則其害彌大。願陛下親自勞恤。致研精之思。勉求忠貞。誅遠佞諂。割泰欲之歡。罷宴私之好。存亡國之所以失觀興王之所以得度。災害可息。豐年可招。出爲酒泉太守。時遣宦者將伯榮詣其陵舊宅。所過脩道繕亭。王侯二千石而下。至望塵拜車下。僕射陳忠曰。昔韓嫣託副車之乘。受馳傳之使。江都誤爲一拜。而嫣受歐刀之誅。今陛下柰何令女使干錯。橫行至此。極乎不省。於是諸嬖倖益橫放無忌。二府並阿意取容。太尉震獨公方守正。絕請謁。爲耿闇中嘗侍所。忌惡詔爲阿母。脩第震䟽曰。臣聞古者九年耕。必有三年之儲。故堯湯荐遭水

旱人無菜色。以蓄積多而財不糜濫也。今災害發起。彌
彌滋甚。百姓空虛。不能自贍。重以羗虜鈔掠。三邊震擾。
乏興不給。大司農帑藏告匱。非社稷安寧之時。而詔書
爲阿母起第津城門內。合兩爲一連里。竟街盛夏土王。
而攻山採石窮極伎巧。其大匠左較別部將作合數十
處。轉相迫促。爲費巨億。周廣謝惲兄弟素無肺腑枝葉
之連。依倚近倖。與樊豐王永等分威共權。屬託州郡。傾
動大臣。宰司辟召。承望指意。招來海內貪汙之人。受其
貨賂。至有臧錮棄世之徒。復得顯用。白黑溷淆。清濁同
原。天下諠譁。咸曰貨財上流。爲朝結譏。臣聞師言上之

所取財盡則怨。力盡則叛。怨叛之人不可復使。故曰。百姓不足。君孰與足。惟陛下度之。尋因地震。復䟽言。臣備台輔。不能調和陰陽。去年十二月四日。京師地動。其日戊辰。干支皆土。位在中宮。此中官近臣持權用事之象也。陛下念邊境未平。躬自菲薄。宮殿垣屋傾倚。枝柱而已。而親近幸臣。驕溢踰法。造作無已。惟奮乾剛之德。棄驕奢之臣。以承皇天之戒。震言逾切。帝內不平。而樊豐等皆側目。憤怨以其名儒。未敢加害。尋有河間男子趙騰詣闕上書。陳得失。帝發怒。收考詔獄。震復䟽救曰。堯舜之世。諫鼓謗木。立之於朝。殷周哲王。小人怨詈。則還

自敬德乞全騰命以誘芻蕘帝竟殺騰已帝東巡豐等
矯詔書調大司農錢調大匠材木起園池家舍太尉欲
白發其事須帝還上之豐等懼以星變譖震故鄧氏家
吏有對上心宜黜之以厭塞大異帝還宮夜遣使者策
收震印綬勒歸郡震行至城西夕陽亭慷慨謂諸子門
人曰死者人之常吾年七十餘蒙恩備宰司疾姦臣狡
猾而不能誅惡嬖女傾亂而不能禁何面目復見日月
乎身死之日以雜木爲棺布單被裁足蓋形勿歸冢次
勿設祭祀遂飲藥卒弘農守移良承豐等意留震喪暴
涕焉震弘農
人見經學
當是時三府官重任輕機事專委尚書而

灾青輒切咎策免僕射忠疏諫曰臣聞君使臣以禮臣事君以忠故三公冢宰王者所重在輿爲下御坐爲起以其入參大政出董百官所爲殊異之也漢興丞相所請靡有不聽今三公雖當其名而無其實選舉誅賞一繇尚書而每有灾異輒切讓策免竊獨傷之昔孝成皇帝以妖星守心移咎丞相方進卒不蒙福故知是非之分上天譴告較然有歸也今尚書決事多違故典以詆欺爲尚宜責求其意割而勿聽防威福移下置方圓於規矩審輕重於衡石誠國家萬世之慮也時不能用太子保者李姬子也生而閭皇后妬姬見殺及爲皇太子

樊豐王聖江京等譖太子乳母王男厨監邴吉等謀廢立殺之。太子聞而嘆。京豐懼後禍。與皇后讒太子。帝召公卿議廢置。時太尉震既卒。大臣選悞。皆不能強諫。大僕歷太常。馬廷尉皓議曰。經言年悼若耄。卽有臯不當其身。皇太子年未十五。幼卽有過。宜貸。且男吉縱有謀。太子何得知。獨宜選忠良保傅。翼輔以禮義。廢置議重。誠聖恩所宜宿留。不從。廢太子爲濟陰王。居德陽殿西。歷要光祿勲。殺諷宗正劉儒。將作大匠薛皓。侍中間立弘。陳光。趙代。施延。太中大夫朱佺等十餘人。詰鳴都門。陳太子無罪。不當廢。帝使常侍宣責曰。父子一體。天性。

自然以義割恩爲天下也。歷諷等不識大義。安爲謹譁。外見忠貞。內希後福。朝廷廣開言路。姑一切貸若懷迷。不決。當顯明刑書。皓光頓首謝。歷佛然曰。屬通章時何言。而今忍背之耶。大臣乘朝車處國事。顧得輾轉若此乎。獨守闕連日不肯去。尚書令陳忠劾歷等。皆免官削國賦。黜歷母武安公主。令毋會朝請。歷、歙曾孫及帝崩于葉。閻后以濟陰王在內。恐爲公卿所名立。不發喪。至京乃發喪。與兄顯定策禁中。迎北鄉侯懿入卽位。尊皇后曰皇太后。太后臨朝。而顯以車騎將軍儀同三司欲自擅。忌寶豐等分其權。風有司奏貶寶亭侯。勒自殺。豐獄死。

王璽徙鴈門。濟陰王以廢黜不得上殿臨悲號不食。中外爲悲哀。冬少帝崩。顯江京及中常侍劉安陳達白太后復秘不發喪。更徵諸國王子議所立。嚴兵自衛守。十一月丁巳京師地震。是夜中黃門孫程等十九人謀立濟陰王。夜入省。遇京安達斬之。以李閏積爲省內所服。挾與俱迎濟陰王卽皇帝位。時年十有一矣。是爲孝順帝。召尚書令以下從輦幸南宮。登雲臺。使虎賁羽林士屯南北宮諸門。而閻氏伏誅。顯時宿禁中憂迫不知所爲。用小黃門樊登畫以太后詔召越騎校尉馮詩將兵屯平朔門。旦授之印曰。得濟陰王者封萬戶。詩作許諾。而以衆少辭。顯使與登出外召吏士。詩因格殺登歸營。屯宋顯弟景還外府收兵。孫程傳召諸尚書收送廷尉獄。卽夜死。明日遣使者入

省得重綬乃收穎及弟

耀晏誅之家屬徙比景

兵封程等列侯

是為十侯

程為騎都尉葬少帝以諸王禮

改葬故太尉震祀以中牢詔策曰故太尉震正直是與

裨匡時政而青蠅點素同于止藩上天降威灾肯屢作

朕之不德用彰厥咎山崩棟折我其危哉太守丞以中

牢具祠

除二子為郎賜錢百萬禮葬於華陰潼亭先葬十餘日有大鳥高丈餘集震器前俯仰悲鳴淚

下霑地葬畢乃飛去

永建元年春帝朝太后於東宮

有司言太后與上無母子

恩宜徙別館絕朝見司徒掾周舉謂司徒郤曰瞽瞍常

欲殺舜舜事之逾謹鄭莊公秦始皇怨母隔絕卒感穎

考叔茅焦之言復修子道書傳美之今太后遠隔離宮
悲愁生疾一旦不諱將何辭以令天下乎宜密表請率
羣臣朝見以成大德疏上從之太后崩葬安思皇后秋以來歷為車騎

將軍二年。春夏追尊母李氏為恭愍皇后。帝發哀詣瘞。

所禮殯葬恭陵北。秋七月朔許敬為司徒。聘處士樊英。

為五官中郎將。楊厚、黃瓊為議郎。三年。春京師地震。漢

穀傷害。賜錢免租四年。春帝冠夏冠。桂陽獻大珠。還之。秋龐參為

太尉。五年。夏京師及郡國十二旱蝗。六年。秋起太學。從將作九匠翟

陽嘉元年。七春。立皇后梁氏。京師旱。偏禱祠大夏詔稟

冀部被災民。臨辟雍饗射。赦。立孝廉。限年試課法。用左

見任官考。客星出天苑。是歲起。秋太尉龐參免。二年。無

三年。冬司徒劉琦、司空孔扶免。召直言士問得失。尚書

斥貪汚。遠佞邪。帝問貪汙佞邪主名。衆莫敢應。率從容

言。臣從下僚起。備機密。不足以別羣臣。然公卿大臣數

直言強諫者忠貞也為阿諛苟容者貪汙也司徒視事六年于茲矣未聞有忠言嘉謀卓然當天下心者愚心在此於是疇扶四年春初聽中官得以養子世爵京師以災異策免

夏梁商為大將軍秋閏八月朔日永和元年帝十二年

春武陵蠻反以李進為大冬幸長安賜所過吏民徵守平之夏四月京師地震

處士法真不至還宮京師地震三年山崩夏京師地震金城隴西

案行賜壓死者九真交趾象林蠻平蠻反歲餘不定帝召者錢除租

將發荆揚充豫卒四萬赴之季固駁之曰荆揚盜盤結不散長沙桂陽數徵發如復擾動必生他患充豫之人遠赴萬里詔書迫促必致叛亡南州溫暑加有瘴氣節

土至者必且疲病不復堪聞師行日三十里而充豫去日南九千餘里法三百日乃到計人食日廩五升用米

六十萬斛將吏驢馬之食不在是設軍得至不足禦敵當復更發此為剗割心腹以補四肢也九真日南相去

千里發其吏民猶尚不堪何況若四州之卒以萬里赴

敵哉。前中郎將尹就討益州叛羌。益州諺曰：虜來尚可，
尹來殺我。後就徵還，以兵付刺史張喬。喬因其將吏旬
月之間，破殄寇虜。此遣將無益州郡可任之明效也。宜
選有勇略仁惠任將帥者為刺史。太守徙日南吏民比
依交趾，轉輸金帛，還募蠻夷使自相攻，有能以反間得
蠻酋者，許封侯裂土賞之。故并州刺史祝良，性多勇決，
張喬前破虜之功，皆可任用。四府悉從固議。於是
喬為交趾刺史，良為九真太守。喬至，開示慰誘，盜皆降
散。良設方畧，招以威信，嶺外復平。

秋，詔舉武猛任將帥者。

時宦官競賣恩勢，唯大長

秋，良賀清儉退厚，詔舉武猛。賀獨無所薦，帝問其故。對
曰：臣生自草茅，長於宮掖，既無知人之明，又未嘗交知
士類。昔衛鞅因景監以見，有識知其不終。今得
臣舉者，匪榮伊榮，是以不敢。冬十二月朔日，
師地震。秋，五年。春，京師地震，夏，六年。春，鞏唐羌寇三輔，
太原旱。五月晦日，
饑。

六年

春鞏唐羌寇三輔，燒園陵，有星孛于

營室

秋，大將軍梁商薨，梁冀為大將軍，不疑為河南尹。

九月

晦日

漢安元年。帝十年。秋，遣八使分行州郡，班宣風化。舉

實賢良忠勤。貪污有罪者。刺史二千石。驛馬上之。墨綬

以下。輒收舉二年。

冬涼州地震。

建康元年。

十九年。

夏立皇子炳

爲太子。秋八月。帝崩於玉堂前殿。

年三十一。

帝初起廢黜以

十九侯擁立。在位遂倚信諸宦官。司隸虞詡劾中常侍

程璜。陳秉。孟生。李閏等罪。三府即劾詡。盛夏拘繫無辜。

爲吏民患。詡上書自訟曰。灋禁者。俗之隄防。刑罰者。民

之銜轡。今州曰任郡。郡曰任縣。百姓怨窮。更相委遠。以

苟容爲賢。盡節爲愚。臣所發舉。賊罪非一。三府恐爲臣

所奏。遂加詆誣。臣將從史魚死節。以尸諫耳。又案中常

侍張防。屢寢不報。不勝憤。遂自繫。廷尉奏言曰。昔樊豐

幾亡社稷。今張防復弄威柄。臣不忍與防同朝。謹自繫
以聞。坐論輸左較。二日中傳考四獄。浮陽侯程入見曰。
陛下始與臣等造事時。常疾姦臣。知其傾國。今即位而
復自爲之。何以非先帝乎。虞詡盡忠。更被拘囚。張防賊
罪明正。反構忠良。今客星守羽林。占爲宮中有姦。宜急
收防送獄。塞天變。時防在帝後。程叱令下收之。且曰。無
令從阿母求請。於是防坐徙邊。理出詡拜議郎。數日遷
僕射。時封乳母宋娥爲山陽君。封皇后弟冀爲襄邑侯。
尚書雄左諫曰。尚書故事。無乳母爵邑之制。唯先帝時。
王聖爲野王君。造讒賊。成廢立之禍。生爲天下所咀嚼。

死爲海內所懼。快今阿母躬蹈儉約。以身率下。而與聖
同號。懼違本操。乞如前議。歲以千萬給俸。庶無爲吏民
所怪。梁冀之封事。非機急。宜過災厄之運。平議可否。於
是皇后父商讓還冀封。會京師地震。雄復䟽言。先帝封
野王君。漢陽地震。今封山陽君。而京師地復震。災尤甚。
封爵至重。冀已高讓。山陽君亦宜崇其本節。而南鄭李
固舉敦樸士。直言對策曰。臣聞王者父天母地。寶有山
川。王道得則陰陽和穆。政化衰則震崩爲災。斯皆關之
天心。效於成事者也。前孝安皇帝。變亂舊典。封爵阿母。
因造妖孽。至今聖躬親其狼狽。今陛下拔自困殆。天下

嗚嗚。庶幾中興。誠當沛然。思惟善道。而方今之事。復同
於前。臣竊傷之。夫漢興以來。三百餘年。聖賢相繼。十有
八主矣。豈無阿母之恩。豈忘爵賞之寵。然上畏天威。俯
案經典。知義不可。故不封也。宋阿母前有功勤。但加賞
賜。足酬勞苦。若裂土開國。實乖舊典。夫歷世后妃之家。
所以少完安者。豈天性固當禍哉。但以爵位尊顯。專總
朝權。天道惡盈。不知自損。故顛仆而後已也。先帝寵遇
閻氏。位號大疾。故其禍曾不旋踵。今梁氏戚爲椒房。子
弟羣從。榮顯兼至。永平建初。殆不如此。宜令步兵校尉
冀及謁者侍中。皆還居黃門之官。使權去外戚。政歸國

家又詔書所以禁侍中尚書內臣子弟不得爲吏察孝廉者以其秉威權容請託易於爲欺也而中常侍在日月之側聲勢震天下子弟祿仕曾無限極雖外託謙默不干州郡而諂僞之徒望風進舉今可設爲常禁同之中臣昔館陶公主爲子求郎明帝不許賜錢千萬所以輕厚賜而重薄位者爲官人失才害及百姓也竊聞長水司馬武宣開陽城門候羊述等無他功勤初拜便真此雖小失而漸壞舊憲先聖法度所宜堅守政教一跌百歲不復詩曰上帝板板下民卒瘁刺幽王變祖宗法度故下民病也夫陛下之有尚書猶天之有北斗爲

天喉舌尚書亦陛下之喉舌也。斗斟酌元氣運乎四時。尚書出納王命。賦政四海。誠宜審擇其人。以毗聖政。今與陛下共理天下者。外則公卿尚書。內則常侍黃門。譬猶一門之內。一家之事。安則共其福慶。危則同其禍敗。刺史二千石。外統職事。內受法則。夫表曲者景必邪。源清者流必潔。周頌曰。薄言振之。莫不震疊。此言動之內而應於外也。繇此觀之。本朝號令。豈可蹉跌哉。間隙一開。則邪人動心。利端暫啓。則仁義道塞。刑罰不能復禁。化理以之寢壞。此天下之綱紀。當今之急務也。夫人君之有政教。猶水之有隄防。隄防完。雖遭霖潦。不能爲變。

政教立。蹇遭凶年。不足爲憂。譬之人身。本朝心腹也。州郡四支也。心腹痛。則四支爲之不舉。今誠堅隄防。務政教。先安其心腹。則寇賊水旱。何患焉。今隄防漸孔穴矣。心腹之疾。非復四支矣。則是豈可晏然不爲動心乎。謂宜開石室。陳圖書。招會羣儒。引問得失。探討象變。以求天意。有中理者。卽時施行。則聖德日有所聞。忠臣日盡所知。罷退宦官。去其權重。裁置常侍二人。方直有德者。省事左右。小黄門五。人才智雅靖者。給事殿中。則外議厭塞。昇平可致也。帝覽對。以爲第一。拜議郎。出阿母還舍。尋以飛章詆誣下獄。大將軍商爲力請。乃得解。固司徒部

子也。少好學。狀奇表。不遠千里。步行從師。學士歸鄉。嚮之曰。是復爲李公矣。太尉龔爲宦官。

詆誣責首實。固言於商曰。王公以堅貞之操。爲讒佞所構會。聞者嘆慄。夫三公尊重。無詣理訴冤之瀆。纖微感槩。輒分引決。有如王公。卒然則朝廷獲害賢之名。群臣失匡救之節矣。語曰。善人在患。饑不及餐。商立爲帝言。事得釋。中常侍張達等害商寵。譖商與宦者曹騰。孟賁謀爲逆。帝曰。必無是。但汝輩妒之耳。達出。矯詔收騰。青繫獄。帝聞震怒。命窮治。達等伏誅。辭多連染。商䟽請曰。春秋之義。功在元帥。非止首惡。故賞不僭而刑不濫。大獄一興。無辜連及者衆。死囚久繫。纖微成大。非所以導

迎和氣平政成化也。乞訖竟以全大恩。蓋是時天子昏

德。閣侍交亂。賴大將軍守正。以后父得納忠。猶時有匡

救云。太子炳卽位。

年二歲

尊皇后曰皇太后。太后臨朝。李

固爲太尉錄尚書事。秋九月。葬憲陵。

廟號敬宗。地震。

冬十月盜

發憲陵。

是歲九江盜馬。勉僭號。揚徐亂。

永嘉元年春正月。少帝崩。太后

以冀徐揚盜方盛。欲湏所徵諸王侯到。乃發器。太尉固

曰。不可。帝雖少。然天下君也。今其崩亡。人神傾動。豈有


臣子相爲辟匿乎。昔始臯亡於沙丘。胡亥趙高隱忍不


發。卒成扶蘇之禍。近比鄉侯薨。閹后兄弟及江京等。爲

欺蔽。以有孫程手刃之事。此天下之大忌也。時清河王

蒜渤海王子續皆童帝曾孫兩微之至蒜敬重有威勅止有常公卿歸心焉。續甫八歲太尉謂冀曰立帝必長有德任親政事者乃宜稱非幼弱可任。願將軍以周霍立文宣爲法以鄧閭利幼弱爲戒冀不從與太后定策禁中迎續立之。罷蒜歸國。荃冲帝懷陵當是時太后頗委任宰輔固與光祿勳喬杜同心輔政天下咸望治平。爲冀所媚忌。帝初以年幼爲冀所利以得立而性特蚤慧。因朝會。曰冀曰此跋扈將軍也。冀大患之。令左右於煮餅中進毒。帝苦煩甚促召太尉固。固入前問時。帝尚能言曰食煮餅令腹中悶悶得水尚可活。冀在側曰恐

吐不可飲水。竟不與水飲。而崩固。伏尸號哭。推舉侍醫
用事者。皆冀黨。莫能明也。葬質帝。靜陵。





明盱眙鄧元錫纂

桓靈獻帝紀

孝桓帝諱志。肅宗曾孫。蠡吾侯翼子也。既冀侯太后以女弟妻之。質帝崩。議立嗣。太尉固。司徒廣。胡司空戒。趙與大將軍冀書言。先世於興廢之際。未嘗不廣詢博議。定所宜立。令上應天心。下合衆望者也。傳曰。以天下與人易。爲天下得人難。至憂至重。惟將軍熟慮。冀乃召三公中二千石列侯大夫議所立。固廣戒及大鴻臚喬等。皆以爲清河王蒜。明德著聞。又屬最尊親。宜立。冀未有

定也。而中常侍曹騰嘗謁赫赫不爲禮。野之。乃夜詣冀。說曰。將軍屢世有椒房之親。秉萬機者久。賓客縱橫。清河王嚴明。若果立。君受醜不久矣。不如立蠡吾侯。蠡吾侯仁順。幸有親。冀內欲立侯。未有緣。聞騰言。大動。明日大會。以立蠡吾侯。諭百官。色厲氣盛。胡廣趙戒而下皆重息對。惟大將軍令固喬獨守前議不變。冀厲聲罷會。與太后先策免固。而立蠡吾侯。時年十五矣。大將軍奏。朱穆奏記。勸戒冀曰。伏念明年丁亥之歲。刑德合於乾位。於易爲龍戰之會。其文曰。龍戰于野。其道窮也。謂陽道將戰。陰將負也。今年九月。天氣鬱冒。五位四候連。

失正

氣此互相明。天道善屬陽。惡屬陰。若脩正守道。摧折惡類。則福從之。不然禍也。穆諸事不逮。所好唯學。受傳於師。時有可試。願將軍少察愚言。夫人君不可不學。皇帝中年。宜爲選置師傳。得小心敦篤之士。將軍與之入參勸講。以天地順道。漸漬其心。明年黃龍見沛國。冀以其言驗。舉侍御史。而驕暴不悛。朝野嗟毒。穆字公叔。尚書暉子。五歲以孝稱。及長。耽學。銳意講誦。或時思至。不自知。失亡衣冠。父以爲專愚。穆愈精篤。建和元年春。論定策功。益封萬三千戶。其子弟及宦者廣等。封列侯。太尉喬諫曰。陛下卽位。不急忠賢之禮。而先左右之封。梁氏一門。宦者微孽。竝帶無功之綬。裂勞臣之土。濫也。苟

遂斯道。豈直傷政終。且偕亂。冀小女歿。令公卿會喪。喬獨不往。立皇后。梁氏。冀欲以厚禮迎。喬守舊典。不聽。冀屬喬舉汜宮爲尚書。喬以宮賊罪不用。日忤冀。自李固之廢。中外喪氣。羣臣側足而立。唯喬正色不回撓。朝野倚重。冀恨惡之。以災異策免。會其陵劉文。魏羆。劉鮪。忿梁氏放橫。清河王失職。謀共立清河王事。覺。赫貶爵爲尉氏侯。徙桂陽。自殺。冀因誣先太尉固。太尉喬與交通。逮下獄。固門生渤海王調。貫械上書。理固任河內趙承等數十人。亦要鉄鎖。詣闕訴。太后理出之。京師市里咸呼萬歲。冀大驚畏。終爲已害。更奏固。喬三公不能乃心。

王朝顧與清河王爲逆事在不赦宜覆按遂皆死獄中
固臨命與胡廣趙戒書曰梁氏迷謬公等曲從帝室從
此殆矣公等受厚祿顛而不扶後之良史豈有私哉固
身已矣於義得矣復何言廣戒省書流涕悲慙而已時詔
暴二太尉尸通衢敢臨者族固弟子汝南郭亮年甫成
童左持章奏右挾鉄鎖乞收葬不許乃往臨哭前陳辭
與南陽董璠守固喪不去夏門亭長呵之曰李杜二公
爲大臣不能安上全身若屬何等腐生乃公犯詔書身
試王法乎亮曰亮戴乾履坤含陰陽以生義之所動豈
知性命何至相懼爲乎亭長歎曰居非命之世天高不
敢不踴地厚不敢不踏耳目適宜視聽口不可妄言也
太后聞而不誅會喬故椽楊匡聞喬死號泣星行至洛
着故赤幘託爲門亭長吏守衛尸驅護蚊蠅積十二日
乃要鉄鎖詣闕上書請收骸太后許焉初固知不免遣
子基茲燹歸鄉里燹年十三姊文姬爲同郡趙伯英妻
密與二兄謀豫匿燹託言還京師時人莫測也有頃難

作州。魏收基茲。獄成。文姬乃告父門生王成曰。君執義先公有古人之節。今委君以六尺之孤。李氏存滅在君矣。成乃將燮乘江東下。入徐州。燮姓名爲酒家傭。而成賣卜於市。各爲異人。而陰相往來。酒家異燮非常人。以女妻之。燮專精經學。積十餘年。冀誅有詔存錄。大臣寬成者。子孫燮乃還鄉。追行喪服。姊弟相見。悲感傍人。姊戒燮曰。吾家血食將絕。弟幸而得濟。豈非天耶。宜杜絕衆人。勿妄往來。引咎而已。燮謹從其誨。後成卒。燮以禮葬。每四節。設上賓之位祀焉。燮廉方自守。所交棄短取長。好成人之美。情無適莫。潁川甄邵譖附冀。燮爲河南尹。使卒投邵溝中。擣之。發其罪。邵廢。綏終身焉。時梁氏三后六貴人三大將軍。七侯鄉相尹較至五十七人。冀擅國威福。自予官衛近侍。列樹所親。而妻壽封襄城君。滋驕爲淫縱。百官遷召皆先詣其門謝。然後詣尚書受符。宛令吳樹之官辭冀。冀以賓客爲託。樹曰。小人姦蠹。比屋可誅。明將軍當國。

大任宜崇賢善爲國役。乃侍坐而來。未聞稱一長者。願
多託非人。非樹所敢聞也。比至官部。逐誅鋤冀客豪猾
者數十人。冀大怒。還謁耽之。出立於車上。安帝嫡母耿
貴人薨。冀從其從子求珍玩。不得。怒以法族其家。崔琦
作外戚傳以風冀。見之。怒。琦曰。昔管仲樂聞譏諫之言。
蕭何設書過之史。顯名于今。今將軍不結約忠賢以救
䟽敗。反欲鉗士口。蔽主聽。使馬鹿易形乎。冀殺之。延熹
元年。帝在位之十二年也。冀秉政幾二十年矣。夏五月。
晦。日食。太史令陳授以爲咎。繇梁氏放考。死獄中。度遼
將軍陳龜徵人爲尚書。䟽冀罪。不省。不食。卒。於是天子

積不能平。未發也。二年。皇后梁氏崩。鄧香妻宣生女猛。香卒。更適孫壽舅梁紀。壽引猛入掖庭爲貴人。名爲已女。中忌宣。暮夜遣客欲賊宣以滅口。宣走宮訴。帝發怒。因如廁。獨呼小黃門史唐衡問左右與外舍不相得者。爲誰。衡對單超。左悺。貝瑗。於是呼超。悺入室議。超許諾。齧臂血爲盟。出御前殿。使尚書令尹勲持節勒丞郎以下。操兵守省閣。歛符節送省中。冀以耳目異疑之。後中黃門張揮入宿衛防變。瑗收揮斬之。將麋騶虎賁羽林都候劔戟士合千人。與司隸彪圍冀第。大將軍印綬。冀壽皆自殺。諸梁氏孫氏無少長皆棄市。太尉廣司徒

領司空朗皆坐阿附免。籍冀財入縣官，斤賣凡三十餘萬萬。克王府用，追廢梁后爲貴人，立鄧貴人爲皇后。是歲，減天下租稅之半。蓋東漢世有外戚之禍，公府權輕，不能有禁禦。而天子無親臣，獨於宦寺親。自穆宗誅竇氏，以鄭衆衆以得封。順帝誅閹氏，以十九侯。十九侯並封。至是以單超等五人成梁氏之誅，而五人列侯封。於是宦寺之形成，而公府外戚拱手讓權矣。帝新誅梁氏，太尉瓊以師傅恩，又故不阿冀，登公府。封祁鄉侯。瓊辟汝南范滂。奏州郡貪污至死徙者數十人。引用賢俊，褒表遺逸。海內肅清。想望治平，而桓實昏德。封皇后兄子。

康秉皆列侯。常侍侯覽以上。縑五千匹。亦侯。已又封小黃門八人爲鄉侯。災異數見。白馬令李雲憤發露章言。昔高帝白馬之約。非軍功不侯。梁氏恃恩。擅勢虐流天下。陛下以罪行誅宦者。將命正獨家臣內叛。召家奴搃殺之耳。而猥封萬戶。高祖有知。得無見非。西北列將。有血戰功者。聞之。得無解體乎。夫帝者諦也。今官位錯淆。小人竝進。貨賂上流。政化下損。是帝欲不諦乎。帝大怒。逮詔獄。遣中常侍管霸考之。弘農掾杜衆傷雲忠。獲罪。上書願與雲同死。帝愈怒。大鴻臚蕃。太常秉。洛陽市長。沛茂。郎中。上官資。竝䟽爲雲請。皆坐免。霸亦言雲狂。慙。

不足誅。帝曰：帝欲不諦，此何等語？而常侍欲原之耶？雲
衆竟死獄中。太尉瓊稱疾，上䟽切諫，不省。光祿勳陳蕃
䟽諫曰：臣聞有事社稷者，社稷是爲；有事君人者，容悅
是爲。臣備九列，而見非不諫，則容悅也。夫列侯上象四
七，垂耀在天下，應分土藩屏上國，高祖之約，非軍功不
侯。今近習左右，以無功授邑，而不料其任，至乃一門之
內侯者數人，故象緯失度，陰陽謬序，稼用不成，民用不
康。又比年收歛十傷五六萬，民饑殍，而采女數千，食肉
衣綺，歲費不可貲計。鄙諺曰：盜不過五女之門，以女能
貧家也。後宮之女，獨不能貧國乎？且聚而不御，必生悲

憂之感。以致并隔水旱之困。夫獄以禁止姦違。官以稱才理物。若法虧於平。官失其人。則王道缺然。今天下獄繇怨起。爵以賄成。宜採求失得。擇從忠善。凡一選舉。委尚書三公。使褒責誅賞。各有所當。夫人君有事苑囿。惟仲秋西郊。順時講武。殺禽助祭。以敦孝敬。遠此則遊畋肆縱。虞周戒之。今天下田野空。朝廷空。倉庫空。是謂三空。國已蹙矣。加之兵戎未戢。四方離散。陛下宜焦心毀顏。坐以待旦。而揚旗耀武。騁心輿馬之觀。前秋多雨。民始種麥。而失勸種之時。俾給驅禽除路之役。非聖賢卹民之意。帝頗采其言。出宮女五百餘人。及單超以列侯。

爲車騎將軍其死也賜東園秘器玉具以殮及葬發五

營騎士將作大匠起冢塋而四侯轉橫天下爲之謠曰左回天貝獨坐

徐卧虎唐兩墮任人及兄弟嫫戚放濁滿天下民不堪命盜賊

並起國用不足天子至減百官俸貸王侯半租賣關內

侯以下爵太尉秉舉舊典條奏牧守以下五十餘人或

死或免帝幸南陽左右通姦利多特敕除拜秉䟽諫曰

先王建國順天制官太微積星名曰郎署入奉宿衛出

牧百里今道路拜除恩嘉豎隸爵以貨成化繇賂敗是

以巷議刺刺白駒遥逝穆穆清朝遠近何觀宜割不忍

之恩以斷從欲之路帝爲之止除拜中常侍侯覽弟參

爲益州刺史。爲暴殘。贓累億計。秉奏劾。檻車徵參於道。自殺。秉因奏曰。臣按舊典。宦官本給使省閤。司守昏晨。今猥受過寵。執政操權。中常侍侯覽弟參。貪殘禍賊。覽知釁重。必且有自疑之心。宜聽歸本。罷以清政。本書奏。尚書召秉。掾詰之曰。制三公統外。御史察內。今越奏近官。經典漢制。未之前聞。開公具對。秉對曰。春秋傳曰。除君之惡。唯力是視。鄧通懈慢。申屠嘉詰責。漢世故事。三公之職。無所不統。臣備台司。不敢愛死。帝不得已。免覽官。秉。太尉震子也。在職盡忠。多見省納。性不飲酒。早喪夫人。不復娶。所居以淳白稱。嘗曰。言我有三不惑。酒。色。財。當是時。海內清名公忠之士。咸以褒善。彈惡。公正憤。

發爲大方。慮不顧其難。下者忿戾。太學諸游士。以學相
譏。頗危言激論。臧否相嘉遺。帝爲蠡吾侯時。受學於甘
陵周福。及卽位。擢福尚書。而同羆房植有清名。羆人爲
之語曰。天下規矩房伯武。因師獲卽周仲進。二家賓客
相譏揣而尤隙成。繇是甘陵有南北部。而黨人之議始
此矣。汝南太守宗資。辟范滂。南陽太守成瑨。辟岑晷。爲
功曹。皆委以腹心。滂尤勁正。疾惡。甥李頌素無行。內侍
唐衡以屬資。滂不召。資撻書佐。必辟之。書佐仰曰。范滂
清裁。寧受笞而處。滂不可違也。資不能強。二羆爲之語
曰。汝南太守范孟博。南陽宗資主畫諾。南陽太守岑公

孝弘農成瑨但坐嘯太學諸生三萬餘人郭泰賈彪爲其冠與李膺陳蕃王暢更相褒重學中爲之語曰天下模楷李元禮不畏疆禦陳仲舉天下俊秀王叔茂於是中外承風競以臧否相尚公卿以下莫不畏其貶議屢到門時宦戚橫放貨賄上流刑辟虐用爲海內所憤惋涿髡崔寔著政論至以爲孝宣信賞必罰見效優於孝文今馭失轡馬失銜四牡橫奔方當捫勒鞿轡以救之豈顧梁肉哉意主於刑糾姦司隸續劾侯悺及兄太僕稱逆惡侯瑗及兄恭贓罪悺稱自殺瑗貶都鄉侯黃門張讓弟朔爲野王令貪威無道畏司隸膺威嚴逃匿

讓家合柱中。膺率吏卒破柱。取朔傳獄。受辭畢。卽殺之。
讓訴寃。帝召膺詰之。對曰。昔仲尼爲魯司寇。七日而誅
少正卯。今臣到官。積一句矣。私懼以稽留爲愆。不意獲
速戾之罪。自知釁責。死不旋踵。乞留五日。尅殄元惡。退
就鼎鑊。始生之願也。帝顧讓曰。汝弟之罪。司隸何愆。自
此諸宦官。皆鞠躬屏氣。休沐不敢出宮省。帝問其故。竝
叩頭泣曰。畏李較尉。於是日伺所爲。傾害者。宛富賈張
汜。恃奧援。爲暴。岑暄勸守璫收捕。遇赦。竟誅之。小黃門
晉陽趙津橫太原。太守瓚亦於赦後論殺。山陽太守
翟超。以張儉爲督郵。侯覽家防東殘暴。舉奏破其家宅。

籍沒資財。徐璜兄子宣爲下邳令。求故汝南太守李暲
罪殺之。東海相黃浮收宣家屬。無少長。案棄市。並上書
訴冤。超浮坐髡鉗輸作。璜璜當格赦。令棄市。太尉蕃與
司空茂請四人罪。帝不悅。茂不敢復言。蕃疏曰。今寇賊
在外。四支之疾。內政不理。心腹之患也。臣寢不能寐。食
不能飽。實憂左右日親。忠言曰。疏內患漸積。外難方深。
此危亡之端也。小家畜產百萬。子孫尚耻失其先業。况
於天下受之先帝。而欲懈怠。以自輕忽。誠不自愛。不富
念先帝得之勤苦耶。小黃門津。大猾汜等。肆行貪虐。平
原守瓚。南陽守璜。糾而戮之。雖云赦後。不當追論。原其

誠心在乎去惡。是於陛下有何悄悄。而小人道長。營惑聖聽。遂使天威爲之震怒。刑譴之已甚。况乃重譴令伏。歐亦乎。謂宜引納公卿。簡練清正。斥黜佞衰。塞近習。豫政以回天意。陛下雖厭毒臣言。人主有自勉強。會河內妖人張成。善風角。通宦官。帝亦頗從占候。角推占當赦。教子殺人。河南尹庾督促收捕案之。成亦赦後。於是成弟子牢脩上書言。赦者。天子所以布大德於天下。枯蘇解難者也。而庾等公於赦後。論殺無忌。方命爲虐。行其私威。且庾等養太學游士。結列。起生徒。更驅馳爲部黨。誹訕朝政。疑亂風俗。不可長。帝乃震怒。趣論殺瑯瑁。下

罷國逮捕諸黨人。告天下使同忿疾。下三府太尉蕃却之曰。今所按皆海內人譽。憂國忠公之臣。此等猶當十世宥也。豈有罪名未章。空致收掠者乎。不肯平署。帝愈怒。遂下膺等黃門北寺獄。辭連太僕杜密及陳寔。范滂之倫。二百餘人。懸金購募。使者四出。時岑暉張儉皆亡命。所止宿咸捕論。前太丘長陳寔慨然曰。吾不就獄。衆無所恃。乃往請囚。皇甫規自以西州豪傑。耻不與黨獄。乃上言。臣前薦故大司農張奐。是附黨也。大學生張鳳等上書訟臣。是爲黨人所附也。臣宜坐。詔不問。太尉蕃上書言膺滂等。正身無玷。矢心社稷。橫加考案。杜天下

口與秦坑焚何異。昔禹巡蒼梧。見市殺人。下車哭之。故興也。勃焉。今天之於漢。恨恨無已。故殷勤示變。以悟陛下。除妖去孽。實在脩德。帝諱惡其言切。託以辟召。非人策免。朝臣震栗。莫敢頌爲黨人言者。賈彪曰。吾不西行。大禍不解。乃入雒陽。說皇后父槐里侯武。及尚書霍諝等。使訟之。於是武稱病。上侯卬綬爲䟽理。帝意稍解。使中常侍王甫就獄訊。甫訊曰。君爲人臣。不思忠國。而共造部黨。相推舉。多諸媒孽。欲以何爲。時黨人皆三木囊頭暴階下。莫敢對。范滂仰天太息。越次進對曰。昔仲尼有言。見善如不及。見不善如探湯。臣等欲使善惡同其

清惡惡同其污。謂王政願聞不悟。更以爲黨。古之循善。自求多福。今之循善。身蹈大戮。身歿之日。願埋滂於首陽山側。上不負皇天。下不愧夷齊。時滂言端氣聳。又辭直甫愍然改容。乃得解桎梏。膺等又多引宦官子弟宦官懼。以天時宜赦。遂肆赦改元。而黨人二百餘人皆書名三府。禁錮終身。

詔舉鉤黨時。羣國所奏連及者多至數百人。平原相史弼獨無所上。從事

坐傳舍責曰。詔書疾惡黨人。昔意懇惻。青州六郡其五有黨。近國耳陵亦考。南北部平原何理而得獨無。弼曰。先王疆理天下。畫界分境。水土異齊。風俗不同。它疆自有平原。自無胡可相比。若永望上旨。誣陷良善。淫刑以逞。則平原之人。尸可爲黨。相有歿而已。所不能也。是歲從事怒。收僚佐送獄。舉奏弼。會禁解得免者甚衆。

帝崩

在位二十一年。年三十六。無皇子。皇后父槐里侯武以河間屬

召侍御史河間劉儵問其國王子侯孰賢。儵以解瀆
亭侯宏對。武白皇后定策遣使往迎宏。群臣尊皇后曰
皇太后。聽政。起太傅蕃。司徒廣。錄尚書事。初太后之立
也。蕃有力焉。及臨朝政。無大小皆委蕃。蕃與大將軍武
同心輔政。徵用鉤黨諸名賢。李膺。杜密。尹勲。劉瑜等與
參政事。時諸尚書以國遭大喪。繼嗣未立。多托病不朝。
蕃書責之曰。古人立節。事亡如存。今帝祚未立。國事日
蹙。諸君奈何委蓼莪之苦。而偃息在牀乎。諸尚書皆惶
怖起視事。建寧元年春。解瀆亭侯宏至。年方十二即位。是爲
靈帝。錄定策功。封武聞喜侯。蕃高陽侯。蕃讓不受。時天

下延頴望太平。而帝乳母趙嬖旦夕於太后。劬爲熒惑。中常侍曹節王甫。構與交通。太后信之。數詔有封拜。蕃私謂武曰。節甫濁亂海內。今不誅。後且難圖。武許諾。蕃大喜。與尚書令尹勲共定計。會日蝕。蕃謂武曰。昔蕭望之困一石顯。况今石顯數十輩乎。蕃以八十之年。欲爲國除害。可因今日蝕。誅廢宦官。以塞天變。於是中常侍管霸蘇康等。坐罪收獄。死矣。蕃顯䟽言。人臣言不直。行不正。則欺天而負人。危言極意。則羣凶側目。禍不旋踵。二者鈞禍。然臣寧得旤。不敢欺天也。今京師囂囂。道路諠譁。言侯覽曹節公乘。听王甫鄭颯等。與趙夫人諸女。

尚書竝亂天下。附從者升進。忤逆者中傷。方今羣臣滿朝。如河中水汎汎東西。耽祿畏害。陛下前始攝位。順行天誅。蘇康管霸竝伏其辜。其時天地清明。人鬼同歡。柰何數月。復縱左右。令譖譖方始乎。大姦元惡。不急誅。必且成亂。既難量也。願出臣章宣示左右。并令天下諸姦知臣疾之。太后曰。黃門宦官。漢故事有之。獨當誅其有罪。亦何可盡廢。意不納。秋八月。太白出西方。犯房左驂。逆行入太微。其占宮門當閉。將相不利。劉瑜與蕃武書勸令速斷。武乃奏免黃門。令魏彪以所親小黃門山冰代之。收素狡猾無狀者鄭颯。送北寺獄。令冰及尹勲雜

考。辭連甫節。勲冰請收節等。奏上。會武出宿歸府。五官
史朱瑀盜發奏。見之。大罵曰。中官放縱者。自可誅耳。我
曹何事而盡見滅。因走帝所大呼曰。陳蕃竇武奏白太
后廢帝爲大逆。卽夜召素所親長樂從官十七人。軟血
盟。誅武等。曹節因請帝御前殿。悉閉諸禁門。作詔板。拜
甫黃門令。持節至北寺獄。收勲冰殺之。出鄭珉還宮。共
劫太后奪璽符。令中謁者收捕武等。武聞。馳入步兵營。
召北軍五校士數千人。屯都亭下。令其誅宦官。宦官亦
訟言武反。將千餘人討武。蕃聞難。將官屬諸生八十餘
人。並拔刃突入承明門。攘臂呼曰。大將軍忠。欲衛國。黃

門反逆。今何云竇氏不道耶。王甫讓蕃曰。公爲梁棟。在
撓阿黨。復焉求賊。遂執蕃送獄殺之。時將軍張奐自北
州徵還。節甫以奐新至。不知本謀。矯詔使率五營士討
武。武兵散自殺。收捕其宗族賓客盡殺之。遷太后雲臺。
二年夏。青蛇見御坐。天大雷雨雹。以風奐悔爲節等所
賣。成陳竇之誅。大痛憤。上疏曰。臣聞風爲號令。動物通
氣。木生於火。相湏乃明。蛇能屈伸。配龍騰蟄。順至爲休。
徵逆來爲殃咎。陰氣專用。則凝精爲雹。故大將軍武太
傳蕃。或志寧社稷。或方直不回。以讒釁被戮。海內冤憤。
昔周公葬不如禮。天乃動威。今武蕃忠貞。未被明宥。妖

旨之來。皆爲此也。宜急改葬。還家屬。弔除從坐。皇太后
雖居南宮。而恩禮不接。宜思大義。顧復之報。天子感其
言。而制於宦官。不得從。郎中謝弼上封事曰。臣聞鴻範
傳曰。厥極弱時。則有龍蛇之孽。夫蛇者陰氣所生。鱗蟲
甲兵之象。又熒惑守亢。徘徊不去。法有近臣蒙亂。左右
不知。陛下所與從容帷幄之內。親信者爲誰。宜急斥黜
以消天戒。皇太后定策宮闈。援立聖明。幽隔空宮。如有
一旦蒙霧露之疾。陛下當何面目見天下乎。昔周襄王
不能事母。戎狄交畔。孝和皇帝不絕竇后之恩。天下誦
之。禮爲人後者爲之子。今陛下以桓帝爲父。豈得不以

太后爲母哉。惟陛下仰慕有虞烝烝之化。俯思飢飢風慰母之念。台宰重器。國命所繫。故太傅蕃勤身王室。夙夜匪懈。見陷群邪。一旦誅滅。旣百身莫贖矣。宜還其家屬。解除密網。今之四公。唯劉寵斷斷守善。餘皆素餐致寇之人。必有折足覆餗之凶。可因災異。並皆罷黜。徵王暢李膺並居三事。庶災變可消。國祚惟永。左右惡之。出爲廣魏丞。蜀東魏人。去官歸家。曹節從子紹守東郡。誣以罪。獄成。初平中。司隸較尉趙謙訟彌忠。收斬紹。初李膺等之廢錮也。天下士皆高尚其道。而污穢朝廷。潁川荀爽貽膺書曰。頃聞上帝震怒。貶黜鼎臣。人鬼同謀。以爲天子當貞觀二五。利見大人。不謂夷之初旦。虹

蜺揚輝明而未融。今天地氣閉。大人休否。智者見險。投以遠害。雖置人望。內合私願。願怡神無事。偃息衡門。任其飛沉。與時抑揚。而俗尚臧否。更相褒表。以竇武劉淑。陳蕃爲三君。君者宗也。言一世所宗也。以膺及荀昱杜密王暢劉佑魏朗趙典朱稱爲八俊。俊言人之英也。郭泰宗慈。巴肅夏馥。范滂尹勲。蔡邕牟陵爲八顧。顧言能以德行引人者也。其稱八及。言能導人追宗。稱八厨。言能以財救人也。及陳竇用事。膺等並振爲宦官疾惡。益深。至是侯覽使鄉人宋竝告儉與同鄉二十四人相署。號爲部黨。圖危社稷。乞下州郡考治。帝時年十四。問節。

等黨人何用爲惡而欲盡誅之耶。對曰。相與謀不軌。帝曰。不軌欲何如。對曰。欲圖社稷。帝大驚。可其奏。於是膺滂等並見逮。或謂膺曰。盍去諸。膺曰。事不辭難。罪不逃刑。臣之節也。吾年已七十。死生有命。去將安之。汝南督郵吳導名捕滂。至征羗。抱詔書閉傳舍。伏牀泣。滂聞之曰。必爲我也。卽自詣獄。縣令郭揖驚解印綬出。引與俱亡。曰。天下大矣。子何爲在此。滂曰。滂死則禍塞。何敢以累君。又令老母流離乎。其母就與之訣。滂跪白母曰。仲博孝敬。足供養。滂從龍舒君歸黃泉。存亡各得其所。惟大人割不可忍之恩。母曰。汝與李杜齊名。死亦何恨。旣

有令名復求壽考可得兼乎。滂再拜受教。顧謂其子曰。吾欲使汝爲惡。則惡不可爲。使汝爲善。則我不爲惡。行路聞之。莫不流涕。於是坐處者百餘人。天下豪傑及儒學有行義者。宦官咸指目爲黨。有怨隙者。轉相傾陷。睚眦之忿。輒入黨中。有未嘗交關。懼其旤毒者。咸徙禁廢。又六七百人。郭泰聞之。私爲之慟。曰。詩云。人之云亡。邦國殄瘁。漢室滅矣。但未知瞻烏爰止于誰之屋耳。泰雖好臧否。而不爲危言激論。故能處濁世而怨禍不及焉。

張儉亡命困迫。望門投止。莫不重其名行。破家相容。其所經歷。俱重誅者。以十數。儉與魯國孔褒有舊。亡抵褒。褒弟融。年十六。見其色窘。留舍之事泄。收褒融送獄。未知所坐。融曰。保納舍藏者融也。當坐。褒曰。彼來求我。非

弟之過。吏問其母。母曰。家事任長。妾當其辜。一門爭處。詔縣不能決。以上讞。詔竟坐褒。及黨禁解而還。初夏馥聞禍作。歎曰。孽自己作。空汙良善。一人逃死。禍及萬家。何以生爲。乃自翦鬚變形。入林慮山中。隱姓名。爲冶家傭。四年春。正月。帝冠赦。惟黨人不赦。熹平元年。五夏六年。

月。皇太后竇氏崩。宦者以衣車載置城南舍。欲用貴人禮殯。帝不可。乃發喪。及葬。節等欲別葬。毋配祔。詔公卿議。太尉李咸時病。扶輿起。擣板自隨。謂妻子曰。若皇太后不配食桓帝。吾不生還矣。時勅中常侍趙忠監議。廷臣瞻望莫敢言。廷尉陳球首奮言。皇太后盛德良家。母臨天下。宜配祔。無可議者。忠嘻笑曰。此國大議。廷尉言若是。宜卽操筆。球卽奮筆言。皇太后有聰明母儀之德。

遭時不造。援立聖明。因遇大獄。遷居空宮。家雖獲罪。事
非太后。今別葬。失天下望。且馮貴人無功於國。何得體
至尊。忠目攝之。球曰。陳寶旣寃。皇太后幽遠。球夙痛心。
今以言獲罪。死不恨。太尉咸力爲言。於是公卿皆從議。
節甫猶爭之。咸復疏曰。昔章德虐害。恭懷安思。家犯惡
逆。而和帝無異葬之議。順朝無貶降之文。今長樂太后
尊號在身。親嘗稱制。坤儀天下。援立聖明。子無黜母。臣
無貶君。宜合葬宣陵如制。於是議乃定。光和元年。帝在
位之十一年也。春二月朔日食。夏四月地震。侍中寺雌
雞化爲雄。六月有黑氣墮。帝所御溫德殿庭中。秋有青

虹見御坐。詔引公卿道術之士入金商門。問消復之術。光祿大夫賜仰天歎曰。吾每讀張禹傳。未嘗不憤恚歎息。以禹不能竭忠盡情。極言事要。而留意少子。乞還女。婿負恩厚也。吾以微薄之學。充先師之末業。無以報猥當大問。歿而後已。乃書對曰。臣聞之經曰。國或得神以昌。亦或得神以亡。國家休明。則覽其德。邪辟昏亂。則視其眚。今殿前之氣。應爲虹蜺。皆妖邪所生。不正之象。詩人所謂蝦蟇也。中孚經曰。蜺之比。無德以色親。方今內多嬖倖。外任小臣。上下並怨。誼譁道路。是以災異屢見。前後丁寧。今復投蜺。可謂熟矣。按春秋識曰。天投蜺。天

下怨海內亂。加四百之期。亦復垂及。昔虹貫牛山。管仲
諫桓公無近妃宮。易曰。天垂象。見吉凶。聖人則之。今妾
媵嬖人。闔尹之徒。共專國朝。欺罔日月。鴻都門下。招會
群小。造作詞賦。以篆蟲小技。猥見寵拔。樂松處常伯。任
芝居納言。餘俱以便辟佞倖之心。各受豐爵厚祿。而令
縉紳之徒。口誦堯舜之言。身蹈絕俗之行。棄捐溝壑。不
見逮及。冠履倒易。陵谷代處。不念板蕩之作。虺蜴之誠。
殆哉之危。莫過於今。周書曰。天子見恠則脩德。諸侯見
恠則脩政。卿大夫見恠則脩職。士庶人見恠則脩身。惟
陛下慎經典之誠。圖變復之道。斥遠佞巧之臣。速徵鶴

鳴之士。內親張仲。外任山南。斷絕尺一。抑止槃游。留思
廢政。無敢怠遑。冀上天還威。衆變可弭。賜秉子也。時議郎邕。

對亦深切。語具災異志中。時市賈小民。相聚爲宣陵孝子。除太子舍人。帝好文學。自

造皇義篇五十章。引諸生能爲文賦者。並待制鴻都門。諸工爲尺牘鳥篆者。皆加引召。至數十人。侍中樂松賈

護。多引無行趣勢者。置其間。意陳閭里小事。帝甚悅之。爲置鴻都門學。敕三公舉用辟召。或出爲刺史太守。入

尚書侍中。有封侯賜爵者。士君子耻伍焉。旣而詔爲松
等圖像立贊。尚書令陽球曰。松等斗筭小人。俛眉承睫。

徼進明時。而形圖丹青。有識掩口。今太學東觀。自足以宣明聖化。願罷鴻都。以銷大謗。帝不省。中平元

年。十七年。春。黃巾賊起。初。鉅鹿張角。事黃老。以妖術教授。

咒符水。已病。轉相誑誘。自青徐幽冀荆揚交豫諸州。莫

不畢應。云以善道化民。而徒黨實繁。太尉賜憂之。上言。

宜敕州縣簡別流民。護歸本縣。以孤弱其黨。後誅其渠。可不勞而定。司徒掾劉陶申賜議。帝殊不爲意。角遂置三十六方。方立渠師。訛言歲在甲子。天下大吉。欲並起爲亂。事覺。下冀州捕逐。角敕諸方一時俱起。皆著黃巾爲識。所在燔劫官寺。旬月之間。天下響應。時帝童昏。至言張常侍我父。趙常侍我母。而趙忠、張讓等貴寵震天下。第宅擬宮室。帝嘗欲登永安候臺。宦官恐望見其居處。使方士諫曰。天子不當登高。登高則百姓虛散。帝自是不敢復升臺榭。及黃巾賊起。召羣臣會議。北地太守皇甫嵩以爲宜解黨禁。益出中藏錢。西園廐馬以助軍。

常侍呂疆曰。黨錮積久。人情怨憤。若不赦宥。與角等合。爲變。滋大帝懼從之。於是赦黨人。遣中郎將盧植討張角。郎將皇甫嵩朱儁討潁川黃巾。比有功。天子頗中悔。詰責諸閹侍曰。汝曹常言黨人爲不軌。皆禁錮。今黨人更爲國用。汝曹反與角通。爲可斬。未。皆叩頭求退。已共恨常侍。疆實導帝。疏其屬。譖愬殺之。

先是常侍呂疆封都鄉侯。固議不受。

上疏曰。臣聞諸侯上象四七。下裂王土。故高祖約。非軍功不侯。誠重之也。曹節王甫張讓等。宦官祿薄。品卑。人賤。讒諂佞邪。以微上寵。放弄人物。疾妬忠良。有趙高之禍。未被輾裂之誅。而陛下惑於瑣才。妄授茅土。開國承家。小人是用。施及家人。重金兼紫。今陰陽乖刺。稼穡荒蕪。人用不康。罔不繇此。臣誠知封事已行言之無逮。所以冒死陳愚者。願陛下損改前謬。從此一止也。臣又聞後宮綵女數千餘人。衣食之費。日數百金。昔楚女悲愁。

則西宮致災。况終年積聚，寧無幽怨？宜可簡出，今穀非
不賤，而戶有饑色。繇賦發繁數，天下雖復盡力耕桑，而
猶不能供也。天生烝民，立君以牧之。君道得，則民戴之
如父母；仰之猶日月，雖時征稅，猶望寬恩。易曰：悅以使
民，民忘其勞；悅以犯難，民忘其死。儲君副主，宜諷誦斯
言，而當國宜履行其事，又承詔書，當於故國起解瀆
之館。陛下能飛卽位，雖從蕃國，然處九天之高，安所復
戀？且河間疏遠，解瀆邈絕，而勞民殫力，未見其便。又今
外戚四姓貴幸之家，及中官侯者，造起館舍，凡千萬數，
樓閣相接，丹青素壁，雕刻之飾，不可單言。喪葬踰制，奢
麗過禮，競相倣效，莫肯矯拂。禽獸食民之耳，土木衣民
之帛。穀梁傳曰：財盡則怨，力盡則懟。師曠曰：梁柱衣繡
民無褐衣，池有棄酒，土有渴灰，廐馬秣米，民有饑色。近
臣不敢諫，遠臣不得通，今之謂也。陛下前召議郎蔡邕
對策金商門，令中常侍以詔書勸責，敦勉盡言。邕不敢
懷道迷邦，切言極對，譏刺貴臣，譏呵宦豎。陛下不密其
言，至今宣露，爲羣邪咀嚙，造作飛條。陛下覆受謗誹，致
邕刑罪，室家徙放，老幼流離，豈不負恩？臣哉！今羣臣皆
以邕爲成上畏不測之難，下懼劔客之害。臣知朝廷不
復得聞忠言矣。故太尉段熲、武勇冠世、習於邊事、垂髮

服戎功成皓首歷事二主勲烈獨昭陛下既已式序位
登台司而爲司隸誣脅一身既斃妻子遠播天下惆悵
功臣失望宜徵邕除用歸頻家屬則忠貞路開衆怨從
彈矣帝知其忠而不能用時帝好爲私畜每罷國貢獻
先輸中署名曰導行錢作列肆後宮使采女販賣帝親
著商賈服從宴飲爲樂疆復諫曰天下之財莫不生之
陰陽歸之陛下豈有公私之間哉今尚方斂諸麗之寶
御府積天下之續西園引司農之藏中廐聚太僕之馬
而所輸之府輒有導行錢調廣民困費多獻少奸吏因
其利百姓受其敝阿媚之臣好獻其私容譖邪諛自此
而進舊典選舉委任三府尚書但受以奏御三府有選
參之公論咨其行狀度其器能試之任用責以成功功
無可察然後傳尚書舉劾下廷尉案罪然猶有職廢
官荒穢不治者蓋官人若斯之難也今選舉專之尚書
或任私敕三公既免選舉之負尚書又復不坐賞責無
歸豈肯空自勞苦乎書奏不省以譖下中黃門獄疆怒
曰交夫欲盡忠國家豈能對獄郎中張鈞上書曰張角
吏乎遂自殺疆河南城皋人

所以能興兵作亂萬民樂附者其原皆繇十常侍宗親

賓客與據州郡。侵漁百姓。百姓冤抑無所訴也。宜斬十
常侍頭。懸南郊。謝百姓。可不勞師而定。帝以鈞章示諸
閹。曰。真狂子也。十常侍固當有一人善者。何謂盡誅乎。
收掠處獄中。已又殺諫大夫劉陶。前司徒陳耽。而歛天
下田畝十錢。脩宮室。三公往往因常侍阿母。入錢西園。
乃得命。而天下大亂。帝在位二十二年而崩。年三十四葬文
陵。初。桓帝嘗從容問侍中延。曰。我何如主。對曰。陛下爲
漢中主。帝曰。何以知之。對曰。尚書令陳蕃用事。則治。中
常侍黃門豫政。則亂。是以知之。帝曰。昔朱雲廷爭折檻。
今侍中固稱朕遠。敬聞闕矣。靈帝問侍中竒。曰。朕何如。

桓帝竒對曰。陛下比德先帝。亦猶虞舜比德唐堯。帝不悅。久之曰。卿強項。真楊震子孫。成後必復致大鳥矣。奇震

孫

及黃巾亂。帝以較尉勲自西方來。召見問天下何苦。而反勲曰。倖臣子弟擾之甚。故反耳。時宦者上軍較尉蹇碩侍。帝目之。碩恐。不知所對。帝謂勲曰。吾陳師於平樂觀。多出中藏錢爲賞。冀禽賊。則何如。勲對曰。臣聞先王耀德不觀兵。今寇在遠而近陳兵。不足昭果毅。祇黷武耳。帝曰。善。恨見君晚。群臣未嘗有是言。勲退。謂人曰。上聰明。但蔽於左右耳。嗟夫。雖甚昏德。乃本心詎不明哉。患末繇自知。卽自知尤自克難爾。皇子辯者。何皇后

子也。靈帝數失皇子。養之道人史子耿家。號史侯。王美人生子協。帝母董太后自養之。號董侯。群臣請立太子。帝以辯輕佻。無威儀。欲立協。猶豫未決。會疾篤。屬協於寺人蹇碩而崩。碩欲先誅何進而立協。使迎進。事泄。進馳歸營。引兵入屯百麗邸。稱疾不入。已奉皇子辯即位。年十四。尊皇后曰皇太后。太后臨朝。封協陳留王。年九歲。而碩誅以袁隗爲太傅。與大將軍進參錄尚書事。驃騎將軍重。董太后弟也。與何進以權相害。而董太后欲預政。何太后禁切之。以故婦姑交怨。於是進與三公共奏。孝仁皇后本藩后。董太后故封。不得留京師。請遷宮本國。於是

遷董太后河間。而舉兵圍驃騎府。收印綬。免官。重自殺。
董太后暴崩。天下繇此不直。何氏大將軍進欲盡誅宦
官。袁紹說進曰。前竇武欲誅內寵。而反爲所害者。坐言
語漏泄。而五營士素畏服中人。顧用之自禍也。今將軍
兄弟並領勁兵。將吏皆英俊。樂盡力。事在掌握。此天贊
之時。不可失也。進白太后。請盡罷中常侍以下官。以三
署郎補其處。太后曰。中官統領禁省。漢家故事。且先帝
新棄天下。我奈何楚楚與士人共對事乎。意難之。而太
后母舞陽君及進弟苗受宦官賂。數爲言。進浮慕大名。
而內不能斷。事久不決。於是紹爲畫。多召四方猛將。使

引兵向京師。賜太后行誅。進然之主。薄陳琳諫曰。易稱
卽鹿無虞。諺稱掩目捕雀。夫微物尚不可欺。以得志。况
國家大事。其可以詐立乎。今將軍憑皇威。總兵要。龍驤
虎步。高下在心。此猶鼓洪爐燎毛髮耳。但當速斷。卽天
人順之。而反更徵外助爲乎。大兵所聚。強者爲雄。所謂
倒持太阿。授人以柄者也。曹操聞而笑曰。宦者之官。古
今宜有。但世主不當假之權寵。使至於此。旣治其罪。當
誅元惡。一獄吏足矣。何至紛紛召外兵乎。欲盡誅之事。
必宣露。吾見其敗也。董卓聞召。卽就道。至澠池。而進更
狐疑。紹懼。進計變。促草露章馳奏。太后恐乃悉罷中常

侍列候使還里舍。皆詣進叩頭謝請命。進謂之曰。天下
洶洶。正患諸君耳。今董卓垂至。諸君何不早各就國。紹
日進立決。進不應。張讓子婦。太后女弟也。讓叩頭求哀。
曰。老臣得罪。當與新婦俱歸私門。願復一入直。得暫望
見太后顏色。退就溝壑。死恨婦入見。祈請太后召復
直。於是讓及段珪等。率其黨數十人。持兵伏省戶下。伺
進入長樂宮。斬之。卽爲詔。置所親爲司隸。爲河南尹。尚
書疑有變。曰。請大將軍出共議。中黃門以進頭擲出。曰。
何進謀反。伏誅矣。進部將吳匡。引兵燒南宮青瑣門。
聲言誅宦官。讓等驚。將太后少帝及陳留王。劫省內官。

屬從複道走北宮。尚書盧植執戈於閣道下。仰數之。段珪懼。釋太后。太后下投閣。免紹。引兵屯闕下。捕得趙忠等。斬之。遂閉北宮門。勒兵捕諸宦者。無少長皆殺之。者

二千人。攻北宮。讓珪等困迫。遂將帝與陳留王數十人步

出穀門。夜至小平津。六聖不自隨。公卿無從者。唯盧植

及河南中部掾閔貢走河上。及之。貢厲聲責讓等。因手

劍斬數人。讓珪惶怖。叩頭向帝辭曰。臣等死。陛下自愛。

遂投河。死。而宦者種臧矣。范曄論曰。昊天垂象。宦者四星。在紫宮之側。故周禮置官。

閹寺備焉。禮仲冬令閹尹審門閭。謹房室。而詩小雅亦有寺人巷伯之倫。此其來舊矣。後世才任稍過。而豎刁亂齊。伊戾禍宋。至秦亦以趙高亡天下。漢仍秦制。置侍中。中常侍。官各一人。省尚書事。黃門侍郎一人。傳發書。

奏然亦引用士人以參其選皆銀地左貂給事殿省及
高后女主以張卿爲大謁者出入臥內受宣詔命文帝
時有趙談北宮伯子頗見親倖孝武愛李延年宣元之
間弘恭石顯遂掌中書以佞險傾五、讒放廢師傅帝德
損穢矣中興初內官悉用閹人不復雜調他士永平中
始定員中常侍四人小黃門十人已員日益增中常侍
十人小黃門七十人改金鑄右貂兼領卿署和帝幼冲
竇憲擅偏而外臣莫繇親與鈞盾令鄭衆密定議誅憲
而宦豎封侯自此始及鄧太后以女主臨朝不出房闥
朝臣國議靡繇參斷不得不委用刑人寄之國命固其
理也及安帝稍失太后意而乳母王聖與中黃門李閹
江京候伺左右譖間之太后崩而鄧氏歿徙以得封順
帝復辟本中黃門孫程等十九人奪門奉迎而十九侯
畢封梁冀策立蠡吾侯自曹騰而冀惡日積宮衛近侍
並樹所親禁省起居纖悉必達天子狐立惴惴因如廁
呼小黃門史唐衡引單超左瑄徐璜貝瑗等與成梁氏
之誅當定計時帝齧超臂血出與瑗盟則斯豈可間哉
故能回惑童昏迷瞽視聽舉動回山海呼吸變霜露阿
旨曲求則寵光三族直情忤意則參夷五宗府署第館
碁列於都鄙子弟支附參半於州國南金和寶永純露

穀之積盈於內藏。嬖佞侍兒歌童舞女。充備乎綺室。皆剥割民黎。競恣奢欲。搆害名賢。專樹黨類。至乃希附權。疆者腐身薰子。以銜達。同弊相濟。其徒有繁。直臣抗議。必被漏言之誅。至戚發憤。即蒙篡奪之戮。雖袁紹行討。芟夷無餘。然以暴易亂。亦云何及。自曹騰說梁冀。竟立昏弱。擯其養子。遂遷龜鼎。所謂君以此始。必以此終。信其然矣。董卓者。臨兆人也。本邊將。麤猛有權數。以中郎將

討黃巾。無功抵罪。後破之涼州。因駐兵河東。恣睢莫制。得進召。令人誅宦官。立就道。既至。見宦官銖鋸盡。而王室單敝。有輕天下心。於北芒見少帝。語不可了。與陳留王語。語合意。以爲陳留王賢。又自以與董太后同姓。而陳留爲太后所長養。有親。欲廢立以明威。殺執金吾丁原。并其衆兵大莊。諷朝廷策免司空弘而代之。乃召袁

紹私語曰。天下之主必賢明。乃稱每念靈帝。令人憤毒。
董侯似可。欲立之。頗勝史侯否。不然。劉氏種不足復遷。
紹曰。漢有天下四百年。恩澤渥深。兆民戴之。今上富於
春秋。未有不善。聞於天下。公欲廢嫡立庶。殆其難也。卓
按劍叱曰。豎子敢然。天下事豈不在我。爾謂董卓刀不
利乎。紹勃然曰。天下健者。豈惟董公。引佩刀橫揖徑出。
縣節上東門而去。亡之冀州。厥明。卓大會百僚。議廢立。
攘臂奮膺言。皇帝闇弱。不可奉宗廟。今欲依伊霍故事。
更立陳留王。便國家。則何如。尚書盧植曰。太甲不明。昌
邑多罪。故伊霍有廢立之舉。今上富於春秋。失德未有

聞。柰何比之。卓大怒。罷議。免樞官。遂脅太后策廢帝爲
弘農王。立陳留王協。是爲獻帝。而卓又宣言太后蹙迫
永樂宮。至憂戚。逆婦姑禮。遷永安宮。弑之。永樂宮者。董
太后所居宮也。於是卓以太尉領前將軍。已爲相國。而
大權一歸卓矣。卓旣秉政。與三公詰闕追理。故大將軍
武。太尉蕃。及諸黨人。復爵位。遣使弔祠。擢用其子孫。表
黃琬爲太尉。楊彪爲司徒。荀爽爲司空。任吏部尚書。周
忠。侍中。伍瓊。尚書。鄭公業。長史。何顥等。擢拔幽滯。冀厭
天下望。而中實放橫。時購袁紹急。忠瓊說之曰。紹恐懼
出奔。非有他志。今購之急。是趣之亂也。夫袁氏樹恩四

世門生故吏徧天下。若收豪傑以逞其志。則山東未可知也。不如拜一勰守。赦之。紹喜於免罪。必無望矣。卓乃卽拜紹渤海太守。又以紹從弟術爲後將軍。於是紹自號車騎將軍。結關東州勰守相爲盟主。討擅廢立者。屯河內。兖州刺史劉岱。陳畱太守張邈。東勰太守橋瑁。屯酸棗。衛屯洛陽。豫州刺史孔伋。屯潁川。而冀州牧韓馥在鄴。調兵食。表驍騎校尉曹操行奮武將軍。軍陳畱。卓旣弑。故少帝議大發兵討山東。尚書鄭泰曰。政在德。不在衆也。卓艷然曰。如卿言。兵爲無用耶。泰曰。非謂然也。以爲山東不足煩大兵耳。明公出自西州。少爲將。習軍。

袁本初公卿子弟。生長京師。張孟卓東平長者。坐不窺
堂。孔公緒清談高論。嚙枯吹生。於軍旅未之習也。兕王
爵不加尊卑無序。豈能同心膽齊進退哉。且山東承平
日久。民不習戰。天下所畏。惟并涼之人。與羌胡義從耳。
而明公擁之。譬猶驅虎狼以赴犬羊。誰能禦之。無爲徵
兵。徵兵獨虧損威重耳。卓乃悅。不召兵。而山東從遂合。
秦河南於是卓內怖。按讖文。議徙都長安。以避兵。百官
問封人相視莫敢言。司徒彪曰。關中遭王莽變亂。宮室焚蕩。百
不一存。世祖更都洛邑。百姓安土久矣。今無故捐宗廟。
棄園陵。百姓驚動。必且有鼎爛糜沸之憂。石苞室讖文。

乃妖邪之書。何足信也。卓曰：關中故肥饒，秦嘗以并六國吞天下，且隴右材木所自出也，甚足易致。杜陵南山下有武帝故瓦陶數千所，宮室獨并功營之，一朝可集，豈足難哉？乃百姓何足與議？今有前却，我以大兵驅之，可令蹈滄海。兇遷都哉？彪曰：天下動之至易，安之甚難。願明公熟思。卓作色曰：公欲阻國計耶？太尉黃琬曰：此國大事。楊公之言，得無可思？司空爽恐彪爭急，且得禍。從容曰：相國何渠樂此？顧山東兵起，非一日可得解，故當圖遷以定難。此秦漢之勢也。乃罷議。而琬、彪等以災異奏免。彪太尉東孫已卓怒伍瓊、周諮爲赦，紹本畫斬之。於

是盡殺太傅袁隗。大僕基滅其家。收長安中富室。悉以過誅之。沒其貲。遂徙都。驅士民數百萬口。使前行。步騎驅蹙。饑餓顛踣。積尸盈路。車騎將軍皇甫嵩。威畧有大功。卓忌之。以城門較尉徵。欲因殺之。長史張衍說嵩曰。漢室微弱。卓不能盡忠匡國。廢立從意。今徵將軍大則危禍。小必困辱。今何行如之。今卓在洛陽。天子西來。將軍誠發精騎三萬人。迎至尊。因奉令討逆。發命海內。徵兵犖師。袁氏逼其東。將軍制其西。此成擒也。嵩曰。未可。迄就徵。嵩字義真。度遼將軍。但兄子也。少有文武志。介靈帝末。以左中郎將與諫大夫朱儁討黃巾。儁敗績。嵩保長社。賊引大衆圍之。軍吏皆恐。嵩曰。兵有奇變。不在衆寡。今賊依草結營。易爲風。可火攻而破也。夕

太風乃敕銳士出突圍縱火城上舉燎應之因鼓而陷其陳賊以大破封都鄉侯進討汝南陳國東礪黃巾皆破平而以功讓儁儁封西鄉侯及角弟梁敳廣宗梁衆精勇乃閉營休士以觀變伺賊懈夜勒兵鷄鳴馳赴之戰至曉斬梁蕩其軍角病歿乃剖棺戮厥傳首京師不數月而天下大定卽拜左車騎將軍領冀州牧當是時嵩威震天下漢陽間忠于說嵩令徵冀方士用之誅宦官且以不賞之功危之語甚辯嵩謝曰黃巾細孽敵非秦項新結易散何以濟衆且人未忘主天不祐逆孰與委忠本朝守臣節以終乎雖云多讒不過放廢猶有令名遂謝絕忠已以譖徵還敕卽綬梁州賊圍陳倉急復召將兵董卓爲副欲速進救陳倉嵩曰不然陳倉雖小城守固備梁寇雖強非九天之勢也我可不煩兵而勝矣持不進已盜圖陳倉久不能援引去嵩勒兵擊之卓曰歸衆不可迫也嵩曰不然前吾不擊避其銳也今而擊之待其衰也所擊疲旅非歸衆也盜無鬪志吾以整擊亂何謂不可進擊大破之卓大慙自是與嵩隙至是徵至下吏嵩子堅壽故在軍與卓善自長安走洛前見卓卓方置酒高會堅壽直入以大義質讓卓因叩頭流涕卓乃起牽與其坐立免嵩拜議卽及卓入長安百官

迎謁道次。風令御史中丞以下皆拜。以屈之。既抵嵩。手
言曰。義真怖未。嵩曰。明公以德輔朝廷。大慶方至。何怖
之有。若怯威以逞。天下皆懼。豈獨嵩乎。卓爲歛容。後卓
誅。拜太尉。薨。嵩爲人愛。慎盡勤。前後上表陳諫五百餘
事。皆毀草。不宣。又折節下士。初平元年春。帝至長安。卓
門無留客。堅壽爲侍中。顯名。

尚留洛陽。朝政大小悉委司徒允。允外彌縫。卓內存下
室。有大臣之慮。方徙都時。盡歛蘭臺石室圖書秘要。以
從。比至。分別條上之。自天子及朝廷皆倚允。卓亦雅信
焉。二年。卓悉燒洛陽宮室。官府民廬舍。欲令山東兵。卽
至無所得。又使呂布悉發諸帝陵。及公卿冢墓。收珍寶。
而西入長安。爲恐暴滋甚。司空爽。司徒允與司隸較尉
琬。尚書鄭公業等。密謀誅之。爽病薨。允表護羗較尉楊

璜行左將軍事。執金吾士孫瑞爲南陽太守，竝將出武關。名討袁術，實以扼制卓。卓疑而留之。允卽表瑞僕射。璜尚書。三年春，恒雨，士孫瑞說允曰：「自歲末以來，太陽不照，霖雨積時，月犯執法，彗孛字仍見，晝陰夜陽，霧氣交侵，期應促矣。內先發者勝，幾不可後。」允然其言。於是結卓所親中郎將呂布爲內應，卒誅卓。更三族。卓以弟曼爲左將軍。兄子璜爲中軍校尉，皆典兵。宗族內外並列朝廷侍妾。懷抱中子皆封侯，弄以金紫，車服僭擬。召呼三臺尚書以下，請府啓事，築塢於郿，高厚皆七丈，積穀三十年儲。自云事成，雄據天下，不成守此，足以畢老。恐於誅殺，人不聊生。呂布便弓馬，力臂過人，卓愛信之，誓爲父子。小失意，拔手戟擲布。布奉捷避之。見允言狀，允因以密謀告之。使內應布曰：「如父子何？」卓曰：「君自姓呂，本非骨肉。」方擲戟時，豈有父子情邪？布遂許諾。四月大會未央殿。

卓朝服乘車而入。陳兵夾道。令布等捍衛。王允使士孫
瑞書詔授布。布令勇士十餘人。僞著衛士服。守北掖門。
卓入。以戟刺之。裹甲不入。傷臂墮車。大呼曰。呂布何在。
布應聲曰。有詔討賊臣。持矛刺卓。趣兵斬之。即出懷中
詔板。令吏士曰。詔討卓耳。餘不問。吏士皆稱萬歲。百姓
歌舞於道。上女貿衣裳。市酒肉相慶。宗族在郿者。皆爲
羣下所殺。暴卓屍於市。卓素肥。守吏爲大炷。置臍
中。然之。光明達曙。如是積日。塢中金綺。積如丘山。詔允
錄尚書。總朝政。布封溫侯。遣使者以誅卓諭關東州郡。
守撫慰之。初。允所患者。惟卓。故折節深謀。用討卓。卓旣
滅。意少泰。無慮。顧當朝會。守正持重。每乏溫潤之色。誅
戮果敢。無所顧惜。見蔡中郎傳或勸允大赦。卓部曲安其心。
允曰。此輩無罪。何名而赦之。是使趣自疑。非安之也。持
不赦。而議罷涼州軍。或說允以皇甫嵩著威名者久。涼

州畏之令就領其衆衆自定。允又不聽於是百姓訛言
當悉誅涼州人。涼州人轉相恐。卓部將李傕樊稠郭汜
等反。攻長安城。且陷。布出走。駐馬青瑣門。招司徒允欲
與俱。允謝曰。如蒙社稷之靈。上安國家。下庇生民。允之
願也。設其不獲。則奉身以死。朝廷幼少。獨恃我而臨難。
苟免。吾不恐爲也。努力。謝關東諸公。勲以國家爲念。尋
與司隸琬並遇害。天子感動。百官喪氣。馬始允頗自專。
討卓功。士孫瑞亦讓功於允。不受封。故得免於難。而傕
汜稠自稱將軍。竈朝政。開府如三公。傕汜故涼州卒。性
狼賊。旣得志。則放掠多屠殺。興平元年。五春。帝冠二年。

春催忌樊稠勇得衆殺之諸將咸貳已又攻郭汜以車
三乘迎帝幸其營已遷北塢焚宮殿官府居民略盡詔
公卿和催汜汜留公卿不遣用爲質相攻者連月董卓初死
三輔民尚數十萬戶催等放掠加以饑饉二年間民相
食略盡已二人治兵相攻催遂將兵圍宮遷帝掠宮人
御物取金帛遂燒宮殿復移乘輿北塢使較尉監塢門
內外隔絕侍臣皆有饑色帝求米及牛骨賜左右催以
臭牛骨與之太尉彪質責汜曰卿二人共鬪一人劫天子一

人劫公卿將欲何名汜怒欲手刃之彪曰卿不奉國家
我何以生爲汜乃止司空趙溫移催書曰將軍稱名報
仇然實屠王城戮大臣天下不可家見而戶說也今又
爭睚眦之隙成千鈞之讎墜人於塗炭曾是不悟朝廷

下明詔和解。而方命不從。復欲轉乘輿於黃白城。此誠
老夫所不解也。於易一爲過。再爲涉。三而弗改。滅其頂。
凶。竟不解。自爲大司馬。無何衆解散。益衰。於是天子念
長安喪亂。思舊都將軍張濟來自陝。和淮汜。迎天子發
長安。將軍楊定。楊奉。董承。從秋至華陰。華陰將段煨具
御服資儲。迎定奉承攻煨。濟奉定皆涼州將也。煨
保煨不反。定奉等攻之。請帝爲詔。帝曰。煨罪未著。奉等
攻之。而欲令朕爲詔耶。固弗聽。奉攻煨。煨給御膳廩百
官。無
二意。催汜合軍名救煨。實劫帝西。張濟與奉承不相平。
與催汜軍合戰弘農東澗。承奉敗績。天子露次曹陽。承
奉結河東故白波帥李樂韓暹等來擊催。破之。駕身發。

催汜還戰于曹奉承等復敗帝幸陝夜御船過砥柱出

孟津御牛車幸安邑

河南太守張楊使數千人貢米餉河東太守王邑獻綿帛悉賜公卿

以下時長安城空者四十餘月三年間關中無行人建安元年七年春正月郊祀上

帝于安邑赦改元夏六月幸聞喜秋七月車駕至洛陽

郊祀上帝謂太廟張楊謂諸將曰天子當與天下共朝

廷自有公卿楊武人當出扞外難遂還野王楊奉出屯

梁韓暹董承留宿衛

時百官披荆棘斑墻壁同州郡委輸不至尚書郎以下採稻以為食

有饑成者

先是黃巾發難羣盜蜂起太常劉焉議以為四方

寇盜繇刺史非人賦歛煩擾而然即得人又權輕不能

有禁御宜改建牧伯選清名大臣重其權鎮之難宜可

憚於是選列卿尚書各以本秩出鎮爲州牧。焉爲益州。
虞爲幽州。州牧任重自此始。而關東諸州罷討卓時憚。
卓強大衆合而遲回不進。紹自號車騎將軍。逐冀州牧。
韓馥。領冀州。表臧洪領青州。劉焉殺漢中守。斷斜谷關。
據益州。焉。成子。驍騎校尉曹操擊黑山賊。漢陽破之。黃
巾賊寇兖州。殺刺史。操入據兖州。朝命劉表牧荊州。陶
謙牧徐州。袁術逐所置楊州刺史陳瑀。據壽春。領楊州。
陶謙困於操。表平原。相備領豫州。謙卒。州人迎備領徐
州。陳留守張邈迎呂布以拒操。操擊走布。領兖州。於是
時。州牧爭於戰攻。關壤士以觀變。無念亂者。以故董卓

得自寬。卓誅而催汜稠得稱亂。及天子東還洛。操欲朝
帝所。迎帝東都許。以山東兵爭。未可動。韓暹楊奉新
扈駕。未可卒制也。難之。荀彧進曰。昔晉文公納周襄王。
而諸侯景從。漢高祖舉伐。爲義帝編素。而天下歸心。自
天子播越。將軍首唱義兵。徒以山東擾亂。未遑遠赴。然
猶分遣將。自蒙險通使。雖禦難于外。乃心罔不在王室。
今車駕旋軫。義士有存本之恩。百姓增舊主之感。誠以
此時。奉主上。以從民望。大順也。秉至公。以服群雄。大畧
也。扶弘義。以致英俊。入德也。天下雖有逆節。無足慮者
矣。若不時定。四方生心。後雖慮之。無及也。操曰。善。於是

東詣洛。朝天子。詔以操領司隸較尉錄尚書操誅有罪。明威。贈死。義彰。勸表。扈駕功。封董承。伏完。與它將有功者十三人。皆列侯。慰其心。時諸將扈遷者。人異意。操新入。易危而多畏。恐事久且變。用董昭畫。必遷許得自專。於是白以爲洛陽殘破。又王氣中歇。不可都。許完實可都。遂迎駕東都許。立郊社宗廟于許。庚申至許。己巳幸操營。九月。策免太尉彪。司空喜。操自爲司空。行車騎將軍事。於是百官總已以聽。大臣不敢謀。小臣不敢議。操征伐四方。一挾天子命從事矣。自中平來。天下亂離。民失農業。諸軍屯率乏糧。無終歲之計。饑則寇略。飽則棄。

餘瓦斛流離無敵自破者無筭。袁紹軍河南仰桑椹。袁術在淮南。取給蒲葦。操用羽林監。棗祗畫置屯田。以祗爲屯田都尉。任峻爲典農中郎將。募民田許下。教耕作。歲得穀百萬斛。於是州郡各具置田官。所在倉庾皆滿。操征伐四方。不乏興得。遂兼并矣。天子旣遷許。操以荀彧爲侍中尚書令。總機務。用彧薦。以荀攸爲軍師。郭嘉爲祭酒。三府九列。宮省內外。徧置其私人。異已者除去。附已者拔擢。出軍行師。並以英俊。從外有諮詢。內無還顧。憂於是。天子孤立。無舊臣親臣。與慮顧謀議。獨荀攸熟視而禪遜之形成矣。明年韓暹。楊奉。掠徐楊。與郭汜。

皆敗沒白波帥李樂病歿。又明年李傕誅夷三族。操自將擊呂布殺之。而異時從卓亂關中者將畧盡。當是時袁術稱帝壽春。最逆最先敗歿。術以讖言代漢者當塗高自云名字應之又以袁氏出陳爲舜後以黃代赤當德運之次議稱尊主簿圖象曰昔周自后稷至于文王積德累功三分天下有其二猶服事殷。明公雖奕世克昌未若有周之盛。漢室雖微木若殷紂之暴也。何可冀乎。術默然。術聘處士張範範使弟承謝之。術曰孤以土地之廣士民之衆欲徵福齊桓擬迹高祖則何如。承曰在德不在強。夫用德以同天下之欲雖繇匹夫之資而興霸王之功不足爲難。苟欲僭擬于時而動衆之所棄誰能興之。術不悅。已僭號於壽春置百官郊祀天地沛相陳珪少與術遊術質其子而召之珪答書曰足下陰謀不軌以身試禍欲吾營私阿附有歟不能也。術欲以金尚爲太尉尚不許逃去術殺之。淫侈滋甚賸御數百無不兼羅純厭粱肉羣丁饑困莫之收卹既而資實單竭乃燒宮室犇其將陳簡不納而衆潰走袁譚操遣劉備邀之下邳還復走壽

春憤惋

袁紹有冀青幽并最疆操與攻伐者數歲紹敗

嘔血歿

袁紹子譚熙尚自相攻操擊斬譚熙尚俱走歿操自領

冀州紹壻并州刺史高幹反操擊斬幹而天下略定獨

劉表有荊州瑋蒙益州討虜將軍權襲父兄業有吳會

而左將軍備謀討操失軍亡荊州於是操還鄴作玄武

池肄舟師以規江漢會表卒表子琮以荊州迎降於是

孫劉交合戰操師赤壁破走之而鼎足之形成操亦獨

平關中辟盜馬超韓遂等無能爲江漢難矣太尉彪者

故太尉秉孫也方正有志節嘗抗董卓議遷都使郭汜

軍面噍讓汜幾得禍者也又天子世臣操忌策免之未

有以害也會袁術稱帝彪故與術連婚故下獄論成司
隸較尉孔融不稅朝服而見操曰楊公四世清德海內
具瞻書曰父子兄弟罪不相及兄以袁氏故爲楊公罪
乎操曰此朝廷意融曰假令成王殺召公周公可得言
不知耶今天下士所以仰明公者以公聰明仁智爲能
輔天子舉直錯枉也令橫殺不辜海內觀聽孰不解體
孔融魯國男子明日便拂衣去不復朝矣操不得已理
出彪於是彪稱腳纏積十餘年不行乃得全時許令滿
寵當按獄
融與荀彧以彪老屬寵毋考掠寵無所報訊如澳數日
乃求見操曰彪考掠無服辭彼其人重名若罪狀不
自而加誅必大失民操乃免彪已擊張魯彪子脩從軍
操殺之復爲書唁彪厚遺之彪復之曰愧無日磾先見

之明徒抱老牛舐犢之感操得書惻然及曹氏篡漢不
欲以彪爲太尉彪辭曰嘗爲漢三公值衰亂不能効其
尺寸若復臣魏自處非據於國不爲榮於是至公卿朝
朔旦待以客禮賜几杖使著單布衣皮弁以見又令行
施門馬優焉年八十餘卒孔融者孔子二十世孫也世爲儒宗以北
海相失軍還操表爲司隸較尉遷太中大夫禮重之已
操雄詐漸著融氣嚴性正不能堪發偏辭跌宕示不屈
操屠鄴袁氏婦子多被侵略而世子丕私納袁熙妻甄
融與操書稱武王伐紂以妲己賜周公操不悟後問出
何經典對曰以今度之想當然耳操討烏桓又嘲之曰
將軍遠征蕭條海外昔蕭懷氏不貢楮矢丁零盜蘇武
牛羊可并案也多侮慢之辭又論建漸廣曰以爲宜準古王畿之制
千里畿內不以封諸侯操忌憚之然以其有重名浮相

容而潛使郗慮以微法奏免官復爲書引融舊情好勸

令協歡。已令丞相軍諮祭酒路粹爲枉狀劾融逆不道。

并妻子殺之。

狀言融在北海合徒衆規不軌爲九列充中微行唐突宮掖又撓他語言成罪融祓

收女年七歲男九歲不動或問之應曰安有巢破而卵不敗者乎臨刑女謂兄曰若死者有知得見父母豈非至願若其無知又何憐焉筵頸受刃見者咸哀傷之京兆脂習與融善而每規其剛直及被害往撫尸哭曰文舉舍我成我何用生爲操怒收習赦得免侍中彧司徒爽世孫也本首爲操

建迎天子畫爲尤功彧所薦董昭言於操曰自古人臣

匡世難復之平未有功如今日者也卽有之未有以今

日之功而久處人臣之勢者也丞相宜順天人之望進

爵王受九錫備物表殊勲彧爭以爲公本興義兵以匡

主寧國秉忠貞退讓之實君子愛人以德不宜如此操

聞不悅。擊孫權表請或勞軍。因留持節參軍事。而意恒介介。攻濡須。或病。留壽春饋之食。發視空器也。飲酖歿。尚書崔琰本操西曹掾。操進爵。琰所薦郎楊訓表頌功。諛甚。琰見之。與書曰。省表事。佳耳。時平時乎。會有變。與琰不平者。白之。操以法髡鉗琰。譖者云。琰對客虬鬚直視。如有瞋。遂見殺。蓋雉猜至於此。方帝在長安時。有司奏立長秋宮。帝曰。皇妣宅兆未卜。何忍言後宮之選乎。於是三公奏改葬皇妣王夫人。追上尊號曰靈懷皇后。京師饑。人相食。帝避正殿。請雨。令侍御史候汶。出太倉米作糜食之。而餓歿者如故。帝念賦卹非實。取米豆各

五升於御前作糜。驗之得詐狀。杖主者。後多所全濟。試
州。罷文學。多罷歸。帝曰。耆儒結髮入學。白首空歸。長委
農野。永絕榮望。其下第。聽爲太子舍人。蓋德意猶得施
及。遷許。顧獨擁虛位。壹不得有爲於國。左右侍衛無慮
皆曹氏人者。侍中近臣。不得有獻替議。郎趙彥寧爲帝
指畫時事。輒以他過誅。帝抑壹不自聊。一日操入見。帝
憤發泣下曰。君能相輔。厚幸。卽不然。願垂恩相捨。操失
色。皇恐謝求退。制三公將兵還入朝。則虎賁執刀戟夾
持之。明威操討張繡還。申舊制。操心動汗下。自是不復
朝。車騎將軍承后父。輔國將軍完。以扈東還。功得並封。

而操中忌之。已承得帝衣帶中密詔。與偏將軍王服。越騎較尉种輯。左將軍備。謀討操。事覺。皆見殺。獨左將軍以將兵於外全。已完得皇后書。言操殘逼狀。令密圖操。事覺。而完已卒。操遂弑皇后皇子。賊伏氏京兆金襴。兗州刺史尚子也。尚拒袁術命。死。忠。拜爲郎。禪自以世漢臣。發憤與少府耿紀。司直韋晃。兗日華。太醫令吉平。謀討操。不克。俱見族。蓋始遷許時。天下忠智之士。廣陵陳登。荊州韓嵩之倫。見操迎天子。傾仄搶攘之中。而奉之。皆信以爲漢隆輔。勸州將歸命。後稍稍目引。又其後。在外者各忠所事。勸令闢境守壤。以待變。在內者。息心結。

舌於大勢之既去。無復能爲國家計。匡復者矣。終帝世天且改授。不復以災異譴告人。更毒荼。不復有謳吟思

漢如新莽時矣。

操之攻袁紹也。紹使人求助於劉表。表不應。亦不援曹操。從事中郎韓嵩勸表

宜從曹表。遣嵩詣許以觀釁。嵩曰。聖達節。次守節。嵩守節者也。今策名委質。唯將軍所命。雖赴湯蹈火。歟無辭也。將軍能上順天子。下歸曹公。則使嵩而可矣。如其猶豫。嵩至京師。天子假嵩一職。辭不獲命。則成天子之臣。將軍之故吏耳。在君爲君。惟嘉重思。無爲負嵩。表強之。至許。詔拜嵩侍中。零陵守及還。勸表遣子入侍。表大怒。以爲負已。陳兵將斬之。嵩不爲動。徐曰。將軍負嵩。嵩不負將軍。具陳前言。表因之。本操以兗州

牧入朝。爲大將軍武平侯。已爲相。已進魏公。加九錫。已

進爵魏王。建安二十五年。

帝在位之三十一年

春。魏王操還自樊。

至洛陽。子丕嗣王。冬。稱帝。帝孫于山陽。爲山陽公。不臣。

位諸侯王上以天子車服郊祀天地宗廟如漢儀。都濁鹿城

四皇子王者降列侯。明年蜀先主帝蜀吳侯權王吳而

天下三分。魏青龍中帝乃殂。諡孝獻帝。以天子禮儀葬

禪陵。山陽傳國至晉永嘉中乃滅。

起世祖皇帝建武元年乙酉至孝獻帝建

安二十五年庚子十二帝共一百九十六年

論曰盛哉大漢之德。以寬簡弘恕統天下也。大庇于生

民。西漢惇大。東京明作。西漢經學。東京行誼。斯爲美。即

典禮未也。於弘人不可優乎。得天統矣。

國史上編卷之十九

明旰羶鄧元錫纂

東漢后妃內紀

東漢之興。后妃之美。光于往載。世祖母南頓君夫人樊氏。自爲女子時。不正容服。不出於房。舜善婉順。爲宗人友師。帝德從毓焉。光烈陰皇后。新野人。世祖聞其美。納焉。世祖至長安。見執金吾驕從甚都。太息曰。仕宦當作執金吾。娶妻當得陰麗華。擊王郎。至真定。納稟人郭昌女寵焉。及卽位。以后性寬仁。又先婚。欲立以爲后。后以郭皇后有子。辭不肯當。封貴人。而郭皇后得立。九年。貴人母鄧及弟訴沒於盜。世祖甚傷。

之。詔大司空曰。吾微時。娶於陰氏。因將兵四伐而遠離。幸俱安全。脫于虎口。以貴人有母儀之美。欲立爲后。而固辭不敢當。列於媵妾。朕嘉其義。許封諸弟。未及爵土。而遭逢患。母子同命。愍傷于懷。小雅曰。將恐將懼。惟予與汝。將安將樂。汝轉棄予。風人之戒。可不慎乎。其追爵貴人父爲宣恩哀侯。弟訢宣義恭侯。以弟就嗣哀侯。後十七年。郭后以怨對廢。制詔三公曰。皇后懷執怨。數違教令。不能撫循他子。訓長異室。宮闈之內。若見鷹鷂。豈可託以幼孤。恭承明祀。今遣大司徒涉宗正寺。持節往。其上皇后璽綬。陰貴人。鄉里良家。歸自微賤。自我

不見于今三年。宜奉宗廟。爲天下母。主者按舊典上尊號。異常之事。非國休福。毋得上壽稱慶。后在位恭儉。少嗜玩。不喜笑譔。仁孝矜慈。七歲失父。雖數十年。言及未嘗不流涕。上每嘆息焉。壽張侯樊宏。世祖舅。南陽湖陽人。謙柔畏慎。戒于曰。吾非不喜榮勢。顧富貴盈滿。天道忌之。前世貴戚可鑑也。獨保身全已樂已。每朝會迎期先至。俯伏待事。事至乃起。帝爲勅驛騎臨事乃告。毋令先時上。便宜得失。手自書而削其草。公朝詢訪。則默不敢對。宗族化之。未嘗犯法。帝甚重之。病困。臨視。留宿。頓首陳無功。享大國。恐子孫不能保。大恩願還壽張。食小張亭。帝悲傷其意。而不忍從。卒。遺令言。棺柩一藏。不可使復見。有如腐敗。傷孝子之心。與夫人同墳。異藏。帝稱善。示百官。且曰。吾萬歲後。欲以爲式也。謚恭侯。駕親送葬焉。○陰鄉侯識。光烈皇后前母兄也。以軍功封識。叩頭讓口。天下初定。將帥有功者多。未有封也。臣託屬掖庭。而仍嘉爵邑。不可以爲訓。帝善之。及顯宗爲皇太子。守執金吾。輔東宮。帝行巡視國。

識帝守京師、委以禁兵、入見上、竭所聞、正議、退、未嘗與
賓客語也、弟興從征伐、持小蓋、障風雨、躬屨泥塗、率先
期門、帝所至、輒先入清宮、甚見親信、雖禮賢好施、而門
無遊俠、與張汎、杜禽友善、以其華而少實、但私以財貨
不爲進達之也、第宅苟完、僅蔽風雨、帝嘗欲封之、興固
讓曰、臣未有先登昭陳之功、而一家數人、並蒙國土、令
天下歆望、且蒙恩厚、富貴已極、不可復加、帝嘉美、不奪
其志、久之、欲以爲大司馬、叩頭流涕言、臣不敢惜身、誠
懼虧損聖德、帝乃許、卒、謚翼侯、子慶嗣、悉以田宅推少
弟員丹、郭后父昌、真定豪人、讓田宅、財產數百萬、與
異母弟、爲祀功曹、娶真定恭王女、號郭主、好禮節儉、其
後郭后廢、而后弟况、以恭慎見親、封綿蠻侯、從兄竟、以
騎都尉從征有功、封新鄭侯、竟弟匡、發子侯、恩施于瓜
葛、况、官大鴻臚、帝幸其第、燕會、賜金帛、充物、京師號况
家爲金穴、子璜、尚主、郭主薨、帝臨葬、遣使者迎思侯昌
合馬、顯宗即位、况與帝舅陰氏侯並位、特進、受渥賜、必
均、范史贊之曰、郭后以怨恚成尤、而恩加別館、寵增黨
戚、東海遂巡去、就以禮、使後世不見隆薄進退之際也
不亦善乎、而壽張子樊儵、廉約有父風、事後母孝、母卒、
號慟不食、帝遣中黃門朝暮送饘粥食焉、事侍中丁恭

受公羊嚴氏春秋北海周澤琅琊承宮並海內大儒儵皆以爲師友而致之於朝廷武中禁網尚闊諸王各招賓客爭致儵而儵清靜自守無所交及沛王輔事覺貴戚子弟多收捕獨儵不與也弟鮪爲子賞求楚王英女儵聞止之曰建武時吾家一宗五侯時特進一言女可配王男可尚主恐過盛生患故不爲也且爾但一子奈何棄之楚乎鮪不從竟及於楚禍永平元年以壽張益東平徙封燕朔河南縣亡失官錢典負者歿徙而委責於人吏因爲姦又野王歲獻甘醪膏湯擾吏民欲上奏罷之會病困帝遣小黃門問欲言具以聞帝覽之悲歎勅二罷免獻責如儵言薨贈助甚厚諡哀侯次子梵推財物二十萬與孤兄子爲郎二十年三署服其重愼

○明德皇后馬氏伏波將軍援女也甫十歲援卒于軍兄夭母閭夫人悲恚得心疾健忘后幹家難御僮僕聽內外咨禀如成人聞者嘆焉年十三選入太子宫承光烈皇后傍接同列禮敬飭備上下安之顯宗卽位有司

請立長秋宮。帝未有所言。皇太后曰：「馬貴人德冠後宮，其人也。」既正位宮闈，愈自謙肅。以皇嗣未廣，薦達淑媛，沒沒若不及進見者，輒嘉慰納。若數所寵引，愈益隆遇。有關雎樛木之風，能誦易、好讀春秋、楚辭，尤善周官、董仲舒書。祓服儉質，裙不加緣。諸姬主朝，請望見后袍，踈麤以爲綺縠，就視之大緣也，則共訝笑。后曰：「此繒特宜染色，故用之耳。」六宮莫不嘆息。帝幸苑囿，離宮后希從。常以風邪霧露爲戒，辭意款曲，多見採納。朝廷政事，有公卿駁議難平者，帝以問后。后分析理解，歸得其情。天大旱，后聞楚獄多枉濫，乘間爲帝言。帝惻然感，夜起傍

惶不能寐。明日幸洛陽。錄囚徒理出千餘人。天乃大雨。
及帝崩。后爲皇太后。故事。諸貴人當徙南宮。太后感離
析。各賜王赤綬。加安車駟馬。白越三千端。越布雜帛三千
疋。黃金十斤。遣之手書言別情義。懇惻。帝欲封爵諸舅。
太后不聽。會大旱。言事者以爲不封外戚之故。太后手
詔曰。王氏五侯同日俱封。黃霧四塞。不聞澍雨之應。田
蚡竇嬰。寵貴橫恣。傾覆之旣爲世所哀。故先帝防慎舅
氏。不令在樞機之位。諸子之封。裁半楚淮陽諸國。嘗語
我言。我子豈當與先帝子等。今有司柰何欲以馬氏比
陰氏乎。吾夙夜累息。常恐虧先后之法。有毛髮之罪。身

服大練食不求甘左右但着布帛無薌薰之飾者欲身
率下也以爲外親見之當動心自敕但笑言太后素好
儉耳前過濯龍門見外家問起居者車如流水馬如游
龍蒼頭衣綠襦領袖正白顧侍御者不及遠矣故不加
譴怒但絕歲用糞以默止謹而猶懈怠無憂國忘家之
慮知臣莫若君兄親屬乎吾豈忍上負先帝之旨下虧
先人之德重襲西京敗亡之醜哉帝省詔悲歎復請曰
漢興舅氏封侯猶諸子爲之王也太后誠存謙虛柰何
令臣獨不得加恩三舅乎且衛尉年尊兩較尉多病如
有不諱臣抱恨無窮期願裁幸母稽久太后曰吾豈徒

欲獲謙讓之名。而使帝受不厚母氏之嫌哉。昔竇太后欲封王皇后兄丞相條侯守高帝約。不聽也。今馬氏無軍功。獨柰何得與陰郭中興后等耶。富貴之家。祿位重。豐猶再植之木。其根必傷。且人所爲願封侯者。欲上奉祭祀。下求溫飽耳。今祭祀受四方之珍。衣食被御府之美。安所不足。而必封國土爲乎。至孝之行。安親爲上。今數遭變異。穀價數倍。宜憂惶夙夜。坐臥不安。而欲先營外家之封。違慈母之拳拳乎。若陰陽調和。邊境清靜。吾當含飴弄孫。不復關政。然後行子之志。上乃止。後數年。有司以天下豐稔。方垂無事。乃復請定封三舅。廖防光。

爲列侯。太后太息曰。吾少壯時。但慕竹帛。志不利身。今雖老。猶戒之在得。故日夜惕厲。思自降損。何意老志不從。萬年之日。長恨矣。廖等三讓不許。乃受爵辭位。以特進就第焉。太后常自撰顯宗起居注。削去兄防參醫藥事。帝請曰。黃門舅旦夕供養。且一年。勤勞至矣。旣無褒異。又不見錄。無乃已過乎。太后曰。吾不欲後世聞先帝數親後宮之家。故不著也。新平主家失火。延北閣後殿。時當謁原陵。太后自引過。慙見陵園。輟不行。藺太夫人葬。起墳踰制。太后聞。卽令裁削。嘗勅三輔諸馬昏親。有屬託于政治者。具以聞。其謙素有行義者。獎借優賜。如

有纖介。必變色。噍讓甚者。絕屬籍。於是內外從化。被服如一。置蠶室。親蠶於濯龍宮。帝旦夕朝。輒與論政理。教授諸小王。論議經書。雍和終日。及寢疾。勅絕禱祠。崩。合葬顯節陵。初賈貴人以選入宮。生肅宗。顯宗命后養之。曰。人未必當自生子。患慈愛不至耳。后鞠之心力盡悴。過所生。肅宗亦孝養天篤。專以馬氏爲外家。賈貴人不加尊號。親族無受寵榮者。慈孝終始無間云。太后父伏洗將軍援具名臣。兄順陽侯廖。性畏慎。不愛權勢。不屑毀譽。掌上書勸成德政。曰。昔元帝罷服官。成帝御浣衣。哀帝去樂府。然而侈費不息。至於衰亂者。百姓從行不從言也。夫改政移風。必有其本。傳曰。吳王好劍客。百姓多創瘢。楚王好細腰。宮中多餓殍。長安語曰。城中好高髻。四方高一尺。城中好廣眉。四方且半額。城中好大袖。四方全匹。

帛斯言如戲。有切事實。前下制度未幾。後稍不行。雖或吏不奉法。良繇慢起。京師今陛下素簡。自聖性所安。誠令終始一意斯道。則四海誦德。聲薰天地。神明可通。况於行乎。太后深納之。許陽侯光亦小心周密。母喪過毀。帝特親愛之。其後太后崩。廖性寬。父年老不能教子孫。家奢侈。好博交。上書怨誹。有司奏遣廖防光。俱就封。賓行。帝手詔曰。舅氏一門。俱就國封。四時陵廟無助祭。先后者。朕甚傷之。其令許侯思憊。田廬慰朕渭陽之情。有司勿復請。及竇憲誅。光坐與厚善。免就封。自殺。家徙丹陽。鄧太后始詔還請馬。京師隨四時會朝焉。

○章德竇皇后。大司徒融曾孫也。與女弟竝選入長樂

宮。進止有序。風容甚盛。肅宗數以勵姬。傳明德太后亦異焉。因得寵。已立爲后。妹爲貴人。追爵父勲。安成思侯。於是梁貴人與宋貴人有寵。宋貴人生子慶。長得立爲皇太子矣。后惡宋貴人。譖殺之。廢太子慶。梁貴人生和。

帝后養以爲子。因立爲太子。而梁氏私相慶以爲後福也。后妒之。復譖殺梁貴人。貴人父竦等陷惡逆。傳考厥獄中。家屬徙九真。自是宮省事秘。莫復有知。和帝爲梁貴人所生者矣。和帝立。竇太后臨朝。憲擅政。以暴橫誅後九年。太后崩。貴人從兄禪奏記三府求申理。而貴人姊南陽樊調妻上書言狀。狀曰。妾同產女弟貴人。前充後宮。蒙先帝恩得幸。皇天授命。誕生聖明。而爲竇憲兄弟所譖。訴使妾父竦冤死牢獄。骸骨不掩。老母孤弟。遠徙萬里。獨妾幸遺脫。逸伏草野。常恐沒命。無繇自達。今遭神聖之運。親統萬機。羣物得所。憲兄弟伏誅。海內曠然。各獲其宜。乃敢昧死。自陳所天。妾聞太宗卽位。薄氏蒙榮。宣帝繼統。史族復興。妾父旣已寬死。不復得生。母氏年垂七十。及弟棠等。遠在絕域。不知存亡。願乞收父骨改葬。使母弟得歸本羣。不勝大願。帝覽章悲涕。下中常侍掖庭。驗問辭證。明審得

引見番止宮中連月。於是帝痛貴人酷沒改殯承光宮。乃出賞賜累十萬。

上尊謚恭懷皇后制詔三公大鴻臚曰孝莫大於尊親。

尊尊親親其義一也詩不云乎父兮生我母兮鞠我撫

我畜我長我育我顧我復我出入腹我欲報之德昊天

罔極朕不敢興事覽於前世太宗中宗實有舊典追命

外祖以篤親親其追封謚皇太后父竦爲褒親愍侯比

靈文順成侯遣謁者備禮迎竦喪改殯帝親臨送焉。

竦字

叔敬安定烏氏人建武初祖統爲武威太守從竇融入朝封高山侯剛毅好法律疏議刑典具刑法志中竦少習孟氏易坐兄松事徙九真既徂南土歷江湖濟沅湘感悼子胥屈原以非辜沈身作悼騷賦繫玄石沈之後聽還本羈閉門自養著書數篇班固稱之曰孔子作春秋而亂臣賊子懼梁竦著七序而竊位素餐者慙矣長

無所受。嘗登高遠望。太息言。丈夫居世。當生封侯。成廟食。如不然。即閑居。可以養志。詩書足以娛心。州郡之職。徒勞人耳。後辟命交至。皆不就。於是有司言。章德皇后得罪先帝。請貶尊號。毋合葬。敬陵。帝手詔曰。竇氏雖不遵法度。而太后常自減損。朕奉事十年。深惟大義。禮臣子。無貶尊上之文。恩不忍離。義不忍虧。其勿復議。

○和熹鄧皇后。太傅禹女孫。年五歲。太傅夫人愛之。爲剪髮。年高。目冥。誤傷額。血出。后忍痛不言。侍者怪之。問何得無痛。后曰。非不痛。言之傷夫人心。故忍之。十二歲。通詩論語。諸兄每讀經傳。輒下意問難。母常非之曰。汝

寧當應博士舉耶。后重違母言。晝修婦業。暮誦經典。父
年哀毀。三年不食鹽菜。以選入爲貴人。時陰皇后以先
后近屬。得立爲皇后矣。后恭肅小心。動有法度。上承陰
后。下逮同列。雖宮人女御。動有恩意。帝甚嘉焉。嘗有疾。
帝特令母兄入視。后辭曰。宮禁至重。而使外舍在內省。
上令陛下有私幸之譏。下使賤妾獲不知足之謗。誠不
願也。每燕會。諸姬競修飾簪珥。袿裳。后獨質素衣。有與
皇后同色者。立解易。若並見。不敢正坐。離立行。僂身自
卑。帝有問。常逡巡後對。帝每嘆息曰。脩德之勞。乃如是
乎。時數失皇子。貴人數舉才人以博帝意。陰后忌愈深。

傾之百端。帝嘗寢疾。危甚。陰后私喜曰。我得意。不令鄧氏復有遺種。后聞之。流涕曰。我竭誠事皇后。竟不爲所祐。則天也。婦人無從死之義。而越姬誓必死。吾志決矣。必一死。上報帝恩。中解家禍。下不令皇后有人疑之。識不亦善乎。欲飲藥。會上疾瘳而解。後陰后以巫蠱事廢。后請救。不得命。立爲皇后。稱疾篤。固讓。既受冊。帝欲官爵諸鄧。輒哀請謙讓。故兄騭終和帝之世。官止虎賁中郎。及帝崩。諸貴人歸園。賜策加賜而遣。以鬼神難徵。淫祀無福。詔有司罷諸祠官。不合典禮者。殤崩安立。以皇太后臨朝。勤政宣德。大者具帝紀中。太官導官尚方內

署諸服御珍膳靡麗難成之物。多省減。舊太官經用歲

且二萬萬。自是裁數千萬。減罷國貢。斥賣上林鷹犬。其

蜀漢卸器。九帶佩刀。並不復調。卸音口。以金銀綠器也。諸離宮別

館。所儲峙米炭咸省。掖庭宮人及宗室同族有羸老不

任使者。令園監閱實上名。自御北宮。閱視恣去。留罷遣

者百人。故事歲終當饗。遣衛士饗。太后以陰陽不

和。軍數興。詔饗毋設戲作樂。減逐疫飯子之半。太后自

入宮。從曹大家。音姑。班彪女。固妹。曹壽妻。受經。兼學天文算數。晝省

王政。夜則誦讀。嘗徵濟北河間王子年五歲以上。四十

餘人。及鄧氏近親子三十人。爲開邸。置師保。教以經書。

新自監試。謂從弟河南尹豹。越騎較尉康等曰。吾所以
引納群子。置之學官者。實以食祿之家。溫衣美食。乘堅
策良。而面墻不學。不識臧否。固禍敗所從來也。永平中。
百姓小侯皆令入學。誠欲褒崇聖道。以匡失俗。傳不云
乎。飽食終日。無所用心。難矣哉。斯矯俗厲薄。反之忠孝
之路也。先公以武功書竹帛。以文德訓子孫。故能束脩
不罹憲網。誠令兒曹上述祖宗休烈。下念詔書本意。足
矣。崩合葬順陵。上蔡侯騰和熹皇后兄。以定策立安帝。
封惺葉侯。弘。西平侯。閭。西華侯。食邑各
萬戶。騰等讓不獲命。避使者請闕。上疏曰。臣兄弟汗穢
無行。能可採過以外。戚列位。不能宣贊風美。補助清化。
誠慙誠懼。無以處心。陛下遭國不造。仍離大憂。開日月
之明。運獨斷之慮。援立皇統。奉承太宗。本非臣等所能。

萬一而猥推嘉美並享大國伏聞詔書驚惶慚怖追觀
前世傾覆之戒退自惟念不寒而慄臣等雖無遠見蚤
慮母子兄弟肉相勑厲冀以端慤畏慎一心奉戴終不
敢橫受爵土以增罪累昧死陳首疏五六上乃許特數
遭災旱中土饑荒盜賊羣起騰等崇節儉罷力役推進
賢士而天下復安太后母新野君疾病太后詣其第宿
止連日憂哀損瘠三公固爭乃還宮騰兄弟求侍養太
后以聞最少能養特聽之及薨騰請終喪太后欲母聽
曹大家勸許之兄弟皆居家次聞哀毀骨立後弘曄聞
繼卒皆遺言薄葬不受爵贈從之鄧氏自太傅再調子
孫以濂騰子待中鳳受中郎將任尚所遺馬騰聞髡妻
及鳳謝焉太后崩以諧疾喪庶多爲騰稱枉者詔許還
葬歸羣從昆弟子京師順帝即位追感太后恩詔宗正
復鄧氏宗親朝見如異時官騰兄弟子及群從十二人
爲郎間妻耿氏有節操痛鄧氏誅廢無子養河南南尹豹
子爲後教之學以通博稱初太后久不歸政兩宮遂隙
康數上書請歸政太后不悅謝病不朝太后使中人問
疾故事中人耆宿者稱中大人所使者康家先婢也亦
自通中大人康大詔曰汝我家老婢
何敢爾婢還言康疾許也免官就國

安思閭皇后。河南滎陽人。事具安順紀。

順烈梁皇后。大將軍商女也。爲恭懷后近屬女孫。通韓氏詩。常圖古列女。置左右自鑑。永建中。爲貴人。常特被引御。從容辭曰。陽以博施爲德。陰以不專爲義。易序貫魚詩。美螽斯。此百福所繇興也。妾不敢蔽。帝加敬焉。陽嘉中。立爲后。益謙自勅。每日月見。謫降服求愆。仲質時。臨朝。委任太尉固等。用忠良。崇節儉。而兄大將軍冀弑質。帝立螽吾侯。數以邪說疑誤太后。用不成其美焉。商字伯夏。以后在位。詔以爲大將軍。商稱疾不拜。且彌年。帝使太常奉策。即其家拜焉。商乃詣闕謝。自以戚屬居大位。虛已進賢。辟李固。周舉等爲從事。簡御門族。求寧于法。固因災異。奏記曰。春秋褒儀父以開義路。貶無駭以

塞利門、蓋義路閉、則利門開。利門開、則義路閉也。孝安皇帝內任伯榮、樊豐之屬、外委周廣、謝暉之徒、天下紛然。怨讟載路、朝廷嗣立、頗存清靜、未能數年、復稍墮損。邪黨並進、守善滯固、未有改敝、立德之方。今十有餘年矣、聖嗣未立、羣下冀望、中宮傳探、宜子者進、御以順助天意、明將軍宜以天下爲憂、崇尚謙省、垂則方外。孔子曰、智者見變思形、愚者覩恠諱名。天道無親、可爲祇畏。比災異屢見、沈陰鬱滯、未有兩澤、宮省之內、容有陰謀。加近者月蝕、旣於端門、月者、王后之象也、亦大臣之體也。夫窮高則危、太滿則溢、天地之心、福謙忌盛。是以賢達功遂身退、誠令王綱一整、道行忠立、明將軍踵伯成之高、全不朽之譽、保名養壽、永無怵迫之憂。豈於几輩外戚、耽榮祿者、倫哉。尚深然之。以賢戚稱、及病篤、勅子冀等曰、吾以不德、享受多福、生無以輔益、朝廷成、且復耗費帑藏、衣食餼舍、玉匣珠貝之屬、雖甚具、豈有益於既朽之骨哉。今邊境不寧、盜賊未息、不宜重爲國費。必歛以時服、服以故衣、無更裁製、殯已、開冢、遂葬。孝子善述父志、毋違我言。帝臨幸、問欲言、對曰、人之將死、其言也善。臣從事中郎周舉、清高忠正、可重任也。帝立拜爲諫議大夫。

桓三后。梁后冀女弟。先梁氏未敗。驕妬失帝意。崩。追廢。
鄧后者。和熹皇后從兄香子也。以冀妻壽名爲女。得進。
冀誅。復姓。得立。以譖訴。送暴室。幽死。而桓思竇皇后立。
無子。無寵。帝崩。殺諸貴人寵者。定策立靈帝。后父大將
軍武與太傅番並。公忠相得。匡大政。欲盡誅宦官。不克。
死。而太后遷雲臺。中帝母虞大家。質帝母陳天。人以梁
冀惡忌他戚族。抑不登。已乃拜虞爲憲陵貴人。陳爲渤海
孝王妃。而桓帝母夏號孝崇后。靈帝母董號孝仁后。
居永樂宮。乘輿器服備物具如長樂宮。大將軍武字游平戴侯融玄孫
也。少以經行聞。太學生徒所頌。稱列爲三君者也。以后
父封槐里侯。官城門較尉。清身疾惡。略遺不通。妻子衣

食取裁足歲饑得兩宮賞賜散之大學生徒若丐施貧民兄子紹性若後戒切不悛則上書自陳不能訓道當受罪繇是家庭遵節度莫敢違犯疏解劉黨天下賢士君宗之靈帝立以定策封聞喜侯尋以誅宦官不克死家屬徙日南杜陽胡騰少師事武獨歛殯行喪坐禁錮武孫輔年二歲騰及令史南陽王敞共逃之零陵山中騰以爲已子聘娶焉後爲司隸有名

靈帝宋后扶風平陵人肅宗宋貴人未屬也父鄴封不其鄉侯已失寵渤海王悝及妃宋爲閹王甫所構陷而誅妃后姑也甫恐后怨譖后挾左道祝詛廢下暴室成宋氏誅靈帝後見夢渤海王悝及后得訴于帝帝怒罪不可救覺而恐問羽林監許永永具言渤海及后寃且曰昔晉侯失刑亦夢大厲天道明察鬼神難誣宜皆改

并以安寃魂。帝弗能用。無何崩。靈思何皇后。

事具帝少紀中。

唐姬誓不復嫁。後爲李傕所略得。欲妻之。不聽。然終不自名。獻帝聞。感愴。迎置弘農王園中。拜王妃養焉。獻帝母王美人爲何皇后所殺。帝立。追尊靈懷皇后。獻帝伏皇后。司徒湛八世孫。父完。沈深有。大度。襲不其侯。尚桓帝女陽安公主。爲侍中。拜輔國將軍。曹氏得政。自嫌尊戚。上印綬。拜中散大夫。卒。子典嗣。而后嘗與完書。令密圖操。完不敢發。操聞。追怒。逼廢后。下暴室。崩族伏氏。而獻節曹后立。后操女與二女弟竝爲貴人。魏受禪。求璽綬。后怒。持不肯與。後至者數輩。乃呼前。數責詆之。

以璽抵軒下。滌橫流口。天不祚爾。降山陽公夫人薨。合葬禪陵。

論曰。盛哉明德皇后之德。繇周任姒而來。斯爲美也。和

熹賢而稱制之日久。使嗣主喁喁側目。而直生懸書魏

象也不已惑乎。夫西京外戚之禍烈矣。帝者改玉改步。

廟社傾移。而新都竟鑿臨也。梁竇閭未論。鄧上蔡慊慊

有進賢崇讓之節。梁叔敬養志有冲思。乃亦以禍終。斯

邊何過哉。故貴溢天道之所甚忌也。范曄論曰。夏殷后妃之制略矣。周禮

王者立后。三夫人九嬪二十七世婦八十一女。御備內職焉。后正位宮闈。同體天王。夫人坐論婦禮。九嬪長教

四德。世婦主喪祭賓客。女御序下。王之燕寢。嬪官分務。各有典司。女史彤管記功書過。乃有阿保之訓。動有環

珮之響。進賢才以輔佐君子。哀窮窶而不淫其色。所以能述宣陰化。脩成內則。閨房肅雍。陰謁不行也。故康王

晚朝關雎作諷宣后晏起姜氏請誓及周室東遷禮序
燭缺諸侯僭縱適情任欲顛倒衣裳以至破國亡身不
可勝數斯固輕禮弛防先色後德者也秦并天下多自
驕大官備七國爵列入品漢興因循其號而婦制莫釐
高祖秀文選納尚簡翫玩少華武元之後世增淫費至
乃掖庭三千增級十四妖倖毀政之符外戚亂邦之迹
烈矣光武中興斷彫爲朴六宮稱號惟皇后貴人貴人
金印紫綬俸不過粟數十斛又置美人宮人采女三等
並無爵秩歲時賞賜充給而已漢灋常因八月筭民遣
中大夫與掖庭丞及相工於洛陽鄉中閱視良家童女
年十三以上二十以下姿色端麗合灋相者載還後宮
擇視可否乃用登御所以明慎聘納詳求淑哲明帝聿
遵先旨宮教甚脩向使因設外戚之禁正后妃之制貽
厥方來豈不休哉鄧已有度而防閑未篤故季章以下
漸用色授恩隆好合遂忘湍蠹自古雖主幼時艱王家
多累必委戚家宰簡求忠貞未有專任婦人斷割重器
唯秦芊后始攝政事漢仍其謬知患莫改東京皇統屢
絕權歸女主外立者四帝臨朝者六后莫不定策帷帟
委事父兄貪孩童以久其政抑明賢以專其威任重道
悠利深禍速身犯霧露於雲臺之上家纓繯綫於園狎

之下。烟滅連踵。傾軛繼路而赴。
蹈不息。爛燹爲期。豈不哀哉。

東漢同姓諸侯王傳

始世祖父南頓君。生三男。長續。伯升。次仲。次世祖。而兄弟少孤。叔父蕭令良實撫焉。伯升剛毅有大節。與世祖起兵舂陵者也。更始立。遇害。事具帝紀中。世祖卽尊感大業所自起。繇伯升而傷其不遂。封伯升子章。太原王。興。魯王。封叔父良。廣陽王。族兄社。城陽王。族父歙。泗水王。歙子終。淄川王。所謂同姓四王也。已追謚伯升爲齊武王。仲。魯哀王。而徙章王齊。以魯王興爲哀王後。世祖欲二王知吏事。親民。章守平陰令。遷梁。穉太守。興。緱氏。

令遷弘農守。能其官。已徙廣陽王良爲趙王。興北海王。其同姓以有功及先世侯爲莽所絕者。凡百三十有七。人。齊哀王章以伯升子封。薨。子殤王石嗣。薨。子晃嗣。晃坐與弟利侯剛及母大姬相誣告。貶爵蕪湖侯。卒。子無忌嗣。明帝遺詔復無忌齊王。曰惠王。薨。子頃王喜嗣。薨。子承嗣。建安中。國除。○北海靖王興亦伯升子。爲仲後。封魯。徙北海。顯宗器重王。國大事驛咨焉。薨。子敬王睦嗣。賢子哀王基嗣。薨。無子。和帝封敬王庶子威爲北海王。坐非敬王子。又誹謗徵詣廷尉。道自殺。鄧太后復封敬王孫普紹其後。曰頃王。傳恭王翼及康王。以無後國除。臨邑侯復以靖王次子封。好學能文章。永平中。講學令典掌焉。與斑固賈逵共述漢史。傳毅等宗事之。子駒駘及從兄平望侯毅並有學。永寧中。鄧太后召入東觀著中興以下名臣列士傳云。

趙孝王良初封廣陽。後徙趙。薨。傳節王栩。頃王商。靖王宏。惠王乾。乾坐居器聘小妻。削中丘縣。薨。傳懷王豫。獻王赦及王珪嗣。徙博陵王。魏初國除。降崇德侯。城陽王祉。春陵節侯買。嫡曾孫也。於世祖爲宗侯。買以

長沙定王子得封卒子戴侯熊渠嗣熊渠卒子考侯仁
嗣仁以春陵地卑溼山林毒氣多上書請德減邑求內
徙更封南陽因即白水鄉家焉仁卒子敞嗣謙儉好義
盡推父金寶財產與昆弟刺史上其義行拜廬江都尉
會族兄安衆侯劉崇起兵討莽莽畏惡劉氏徵敞至長
安免歸國又會翟義起討莽而敞爲社娶高陵侯宣女
爲妻義兄子也社坐繫敞上書謝罪願率子弟宗族討
義爲士卒先莽新攝欲慰安宗室得不誅及莽篡劉氏
侯者皆廢爲家人不得官爲吏而社以故侯嫡子行淳
厚宗室皆宗敬之更始立爲太常從入關封定陶王更
始降赤眉社間行走洛陽時宗室未有至者唯社先世
祖喜甚封城陽王輟乘輿御物卓馬衣服賜焉追諡敞
康侯十一年社疾病上王璽綬願以列侯奉先人祠帝
自臨視疾薨諡恭王而封其嫡子平爲蔡陽侯弟堅高
陽侯○泗水王欽世祖族父也欽子終與世祖少相親
建武初立欽泗水王終淄川王欽薨終皆器哭泣思慕
二十餘日亦薨封欽少子燁堂谿侯奉欽後長子杜邛
侯奉終後又封終子鳳曲陽侯

世祖皇子十王建元十三年以諸侯王封公不應經義

諸同姓王更封公。十五年。既第功。封功臣。列侯。辟臣請封皇子。乃封子輔。右翊公。英。楚公。陽。東海公。康。濟南公。蒼。東平公。延。淮陽公。衡。臨淮公。馬。左翊公。京。琅琊公。荆。山陽公。會。反者。盧芳降。封代王。詔古今異制。命皇子十國公。即舊封。進爵王。東海王彊者。郭皇后子也。建武初。得立爲皇太子。已。郭后以怨懟廢。群臣交諫。太子傳郅惲進曰。臣聞夫婦之愛。父不能得之於子。臣安能得之君乎。是臣所不敢言。雖然。願陛下永念可否。無令天下有以議社稷而已。帝曰。惲善。怒已量主。知我必不有所左右而輕天下也。后旣廢。而太子意不自安。惲說太子。

曰昔高宗明君吉甫賢臣一有纖介孝子放逐今久處
疑位而不知變殆矣宜因左右陳悃誠求退奉養母氏
孝之大者也太子曰善於是因左右及諸王數陳懇願
備藩帝不忍遲回者數歲太子請愈力乃下詔曰春秋
之義立子以貴東海王陽皇后之子宜承大統皇太子
彊崇執謙退願備藩國父子之情重違久之其封彊爲
東海王立陽爲皇太子則顯宗也帝以王去就有禮優
以大封食二十九縣賜虎賁旄頭設鍾簾樂擬於乘輿
光武崩王柴毀致哀無何病顯宗遣使將大醫馳驛視
疾絡繹不絕詔沛王輔濟南王康淮陽王延咸詣魯省

疾。王遺疏言。臣蒙恩備藩。特受二國恩禮。殊異巍巍。無量。而自修不謹。連年被病。爲皇太后陛下所憂念。醫問絡繹。臣內自省。氣力羸劣。日夜侵困。終不能復望闕庭。孤負重恩。銜恨黃泉。命夭孤弱。且復爲皇太后陛下憂慮。誠悲誠慚。政息小人也。當襲臣後。猥受多福。必非所以全利之也。願還東海髡。今天下新羅大憂。惟陛下加供養皇太后。數進御餐。臣彊困劣。不能盡意。帝覽書悲慟。從太后出。幸津門亭發哀。使大司空護喪事。贈送以殊禮。詔楚王英等。及京師親戚往會葬。帝追惟彊深執謙儉。不欲厚葬。以違其意。於是詔遣送之物。務從省約。

茅車瓦器。彰王卓爾獨行之志。將作大匠爲起陵廟焉。
當是時。東平王蒼以驃騎將軍輔政。位三公上。時中興
三十餘年。天下治平。蒼以爲宜修禮樂。與公卿議定南
北郊冠冕車服制度。定光武廟登歌樂舞。嘗䟽言竊見
府西曹掾吳良。資質敦固。公方廉恪。躬儉安貧。白首一
節。又治尚書。學通師灋。經任博士。行中表儀。宜備宿衛。
以輔聖政。臣蒼憂深責大。私慕公叔同升之義。懼於臧
文竊位之罪。敢昧死請。帝出示公卿曰。薦賢爲國。宰相
之職也。昔蕭何舉韓信。設壇而拜。不復考試。其以良爲
議郎。帝行春。欲較獵河內。蒼䟽諫曰。時令盛春。不聚衆

與功傳曰田獵不宿食飲不享。出入不節則木不曲直。此失春令者也。臣知陛下事從儉省。所過吏人諷誦其棠。然動不以禮。非所以示四方。帝立還宮。在朝數載。多所隆益。自以懿親輔政。聲望日重。屢請歸職。優詔不許。請益力。得加賜就國。後來朝。帝以所撰光武皇帝本紀示之。王上受命中興頌。帝以其文雅奧。命較書郎賈逵爲詔訓頒焉。章帝篤恩懷親諸王。於東平恩禮隆特。虛懷諮詢。嘗欲爲原陵顯節陵起縣邑。蒼上書諫曰。伏聞當爲二陵起立郭邑。臣前頗謂道路之言。疑不審實。近令從官問訊。乃知詔書已下。竊見光武皇帝躬履儉約。

深觀始終。勤勤懇懇。以葬制爲言。故營建陵地。具稱古典。孝明皇帝。大孝無違。奉成貫而行。不敢有加焉。至自營創。尤爲儉省。謙德之美。斯爲盛。臣愚以爲園邑之興。始自彊秦。古者丘壠。且不欲其著明。豈况築郭郭。建都邑哉。上違先帝聖心。下造無益之功。虛費國用。動搖百姓。非所以致和氣。祈豐年也。又以吉凶俗數言之。亦不欲無故繕修丘墓。考之古。禮則不合。稽之時宜。則違人求之吉凶。復未見其福。陛下履有虞之至性。追祖禰之深思。臣蒼誠懼。左右過議。苟欲崇奉。以累聖心。傷二帝純德之美。不暢於無窮也。帝覽奏。止作。朝庭每有疑政。

軌驛使咨問蒼悉心對。皆見納用。薨。詔告中傳封上蒼。自建武以來章奏及所作書記賦頌錄爲集覽焉。方顯宗時。天子恭仁。禁網闊疎。展親諸侯王。諸王並在京師。競修名譽。招游士賢者爲名高。其後廣陵楚阜陵。鬻孽交作。帝不以其故。少疏薄骨肉。而治楚獄頗峻深。三公譴死黨友多連逮論死。又後更始子壽光侯劉鯉得幸於沛王輔。鯉怨劉盆子害其父。結客殺盆子兄。故武侯。恭帝怒甚。沛王坐繫獄。三日乃得出。會王莽族子磐磐。子肅輕俠通諸王。於是有司言王氏廢姓受誅之家。不屏居自守。顧通諸王爲熒惑。乃詔魏縣捕諸王客。而嚴

諸王交通賓客之禁。蓋自是諸王自戢凜凜畏法憲。賓客解散矣。北海王睦少好學。通書傳。爲顯宗所親幸。入侍諷誦。出執轡從行。觀睦時謙恭好士。名儒宿德畢慕義造門。聲籍甚。及是謝絕賓客。放心音樂。然好讀書。常愛玩不自釋也。歲終遣中大夫奉璧賀元正。召問之曰。朝廷脫問寡人。大夫其何辭以對。使者曰。大王忠孝慈仁。敬賢樂士。敢不以質對。睦愀然蹙吁曰。子危我哉。此乃狐幼時進取之行也。狐襲爵來。志意衰惰。聲色是娛。犬馬是好。大夫其勿有隱。所以爲賜也。蓋其時體局一變乃如此。東海恭王彊子靖王政坐淫欲薄行削薛縣薨子頊王肅嗣謙儉循法度永初中以西羗

及上錢二十萬。元和中，上繡萬匹，助國費。薨，子季王臻嗣。臻及弟蒸鄉侯儉並駕行，母卒，嘔血毀眚，至服練，念器父時幼，闕於禮，追爲服行喪，又分租賑諸父昆弟。順帝嘉之，增封五千戶，儉五百戶。薨，子懿王祗嗣。祗平中，遣子琬至長安奉章獻，帝封琬汝陽侯，拜平原相。祗薨，子美嗣。魏受禪，爲崇德侯。○沛獻王輔，初封右翊公，徙王中山，再徙沛，爲人矜嚴，有法度，終始如一。善說京氏易，通彖經論語，作五經通論，顯宗敬重焉。薨，傳璽王定節。王正，季王廣，廣有癘疾，安帝詔廣祖母周領王家，明正有禮法。廣薨，傳幽王榮。季王琮，恭王曜，至王契爲魏崇德侯。○楚厲王英自殺，國除，事具異。欽考中，肅宗封英子种楚侯。种五弟皆列侯，奉英後，然不得置相。臣吏民○濟南安王康坐招徠州郡姦猾削土，已殖貨治宮室，薨，子簡王鐠嗣。薨，子季王香嗣。香篤行，好經書，叔父罵坐罪，不得侯。西平昌侯昱坐法失侯，香上書分爵土，畀焉。無子，國絕。順帝立鐠子阜陽侯顯嗣，曰釐王。薨，子悼王廣復無子，國除。○東平憲王薨，子懷王忠嗣。薨，子孝王敞嗣。季詔增邑五千戶，褒之。薨，子頃王端嗣。薨，子胤嗣。爲魏崇德侯。初，憲王薨，章帝分東平國封懷王弟尚爲任城王，它子五人皆列侯，皆傳數世，乃絕。初，憲王

辭位出就國驃騎府史丁牧周栩從王不忍去遂爲家
大夫歷事懷王季王數十年章帝幸東平聞之皆引見
欲揚蒼德美皆卽拜議郎牧至齊相栩上蔡令○阜陵
質王延初封淮陽公進爵王坐罪徙阜陵已貶侯章和
八年復國薨子蕩王冲嗣冲無子和帝封冲兄魴嗣曰
頃王薨子懷王懷嗣薨子節王代嗣代無子立適亭侯
便親嗣曰恭王薨子季王統嗣薨子王敖無子國除○
廣陵思王荆坐爲逆自殺明帝封荆子元壽爲廣陵侯
它子三人並侯○臨淮懷公衡未進爵薨無子國除○
中山簡王焉初封左馮翊公進爵王以郭太后少子愛
獨留京師及就國賜虎賁官騎從命往來京師無期坐
殺姬韓序相舉奏削土復還之薨竇太后及兄憲等以
明帝及焉皆明德太后所自出故睦於焉而賻贈有加
禮修冢塋徵發播六州十八縣傳夷王憲孝王弘穆王
暢節王稚惟無子國除○琅邪季王京初封公進爵王
恭孝好經學顯宗愛幸之益六縣太后崩悉以太后金
寶賜焉營宮室修而國中有城陽景王祠吏民奉祠禮
數下言宮不利京上書願以華蓋南武陽厚丘贛榆五
縣易東海之開陽臨沂爲都許之薨傳夷王字恭王壽
貞王尊安王據順王容玉世國絕建安中復立容子熙

嗣熙坐謀走
渡江廢國除

清河王慶者。章皇帝元子也。四年。立爲皇太子。母宋貴人。以竇皇后譖。與其妹貴人皆自殺。慶以坐廢。時甚幼。知避嫌畏禍。言不敢及宋氏。帝內憐之。勅衣服膳飲。與皇太子等。和帝爲太子。特親愛之。入則共室。出則同輦。及卽位。待之尤恩。竇氏橫時。以長別居丙舍。已誅憲。與有功。賜輿馬珍玩。克其家。慶小心恭孝。自以廢黜。尤畏事。慎灋。謁陵廟。必夜分嚴裝衣冠。以待事。勅官屬行道。上毋得與諸王騎競馳。母貴人喪葬。禮有關。四時伏臘。於私室潛祭。當祭。悲涕哀傷。竇太后崩。求上冢致哀。

許之。詔太官給四時祭具。上書言外祖母王年老被病。下土無醫。乞許詣洛陽療治。有詔還宋氏京師中。傳訢坐贓罪驗實。使者以詔臨詰。慶不舉狀。慶惶恐對曰。訢以師傅之尊。選自聖朝。臣愚惟知言聽事從。不甚有所糾察。帝善其對。和帝崩。慶號泣前殿。立嘔血數升。帝欲求爲母貴人作祠堂。嫌自同恭懷后。不敢言。殤帝崩。鄧太后稱制。以病篤。乃上書太后曰。臣國上下溼。願乞遺骸從貴人於樊濯。及今口目尚能言視。敢昧死于請。願幸哀憐。因謂舅宋衍曰。誠得骸骨於貴人家旁下棺。朝廷大恩。猶當有祠祭。庶母子并食。鬼靈有依耳。遂薨。當

是時王子祐以秦后留清河邸。嗣皇統踐位矣。爲安帝。安帝時。濟陰王保亦以皇太子爲閭后所廢。安帝崩。所立北鄉侯隨隕。而濟陰王爲中常侍所擁立。爲順帝。順帝崩。子炳立而夭。清河王蒜。渤海王續俱就徵。大將軍冀忌蒜敬重有威嚴。援立續爲質帝。方和熹時。召近屬諸王子請京師。蠡吾侯翼在召中。太后奇其狀貌。封平原王。留京師。太后崩。王聖江京傾鄧氏。訟言大將軍騭兄弟懷二心於翼。貶爵歸國。幾不免。迨順帝之世。聖京等誅死。翼父河間王開始上書。願分蠡吾縣爲翼封。得復侯。及質帝以幼慧見弑。而桓帝以嗣。蠡吾侯妻梁太

后女弟起在位。解瀆亭侯淑以孝穆皇別子封。而靈帝以嗣侯即尊。豈非天哉。非天胡倚伏不可知如此哉。方質帝統時。大臣李固杜喬皆屬心。清河王蒜而常侍騰。嘗謁清河王。王不禮焉。盱之立。夜見大將軍冀。以危言動冀。王不得立。竟殺之。太尉固太尉喬與馬渤海王悝。以貶爵。故從中常侍甫求復國。許之。賂已以桓遺詔封。不予賂。甫怒。使人告帝。入後。時悝遣人鈔徵書。已又多內。搆不道。下責訊。自殺。蓋是時天子廢置在貴戚閹豎。而視諸侯王蔑如。固其勢然也。迨中平末。黃巾盜起。郡國守吏多棄城走。而陳王寵善弩射。射命中。中皆同處。

國人畏憚王善射不敢走董卓之亂關東州郡守相起
計卓寵稱輔漢大將軍屯陽夏而國相賂俊御衆有恩
威以故陳獨完時天下亂歲饑趙國人歸就之者十餘
萬俊傾財賑施多所全活當是時陳幾振其後袁術求
糧於陳俊罵其使絕之術恚遣客刺殺俊及寵陳繇是
破敗而時諸侯王國耗病無復租祿之人而數爲盜所
侵掠夫人姬妾不免焉有并日而食若轉厥者嗚呼水
根株仆而枝葉從之豈不信哉豈不哀哉明帝子七王
千乘哀王建
陳敬王羨彭城靖王恭樂成靖王黨下邳惠王衍梁節
王暢淮南頃王炳○千乘哀王建無子國除○陳敬王
羨初封廣平以國邊虜有邊費徙王西平復徙陳羨博
涉經史有威嚴說儒講論白虎殿羨與馬薨子思王劬

嗣、鈞性隱賊、喜文法、與相二千石不相得、輒中之、怨敬
王李夫人、使客盡殺其家屬、吏捕得、鈞欲滅口、復使人
篡客殺之、坐削三縣、後取掖庭所出女爲小妻、復坐削
亡薨、子懷王竦、無子、絕立敬王子壽亭侯崇嗣、曰頃王
薨、子季王承嗣、薨、子愍王寵嗣、國相師遷、追奏前相魏
愔與寵共祭天、希幸、非冀罪、不追使案驗、時新誅渤海
王曄、帝不忍復致法、下止寺詔、獄使中常侍王甫與尚
書侍御史羅孝愔辭與王共祭老君、求長生、無他冀、愔
坐爲不法、遷坐誣告、皆謀、成寵得不坐、後爲衣術所殺
事見上、○彭城靖王恭、初封鉅鹿王、徙江陵、以江陵在
京師正南、不以封、徙六安、已徙彭城、恭敦厚、有威重、吏
民敬愛、國相趙牧以祠祀惡言誣奏、考無實、牧坐下獄
从、恭薨、傳考王道、頃王定、孝王和、而孝敬賢樂施、薨
孫祗嗣、魏受禪、爲崇德侯、○樂成靖王黨、性聰慧、善史
書、與肅宗齊齒、相親愛、旣就國、急刻爲不法、坐漁色、削
二縣、薨、子哀王崇嗣、無子、絕立崇兄修侯巡、嗣釐王巡
薨、子隱王賓嗣、無子、絕立涿北惠王子長嗣、長坐驕淫
敗、爵臨湖侯、卒、以河間孝王子得嗣、奉靖王後、而以樂
成兄廢絕、改國曰安平、爲安平王、薨、子續立、坐不道
誅、國除、○下邳惠王孫就、國病荒忽、而太子卬有罪、廢

諸姬爭欲立其子，連上書相告。和帝使彭城靖王恭至下邳，正嫡庶，立子成為太子。詔薨，貞王成嗣。傳愍王意哀，王宜以無子，國除。○梁節王暢聰慧，然少貴驕，頗不法，就寵國賊人，倍諸國。徙梁王暢，聰慧然少貴驕，頗不法，就國後，數有惡夢，從官卜忌言，能使六丁，惡夢，暢信之。遂感鬼神，為禱祠求福，坐創二縣。暢慙懼，上疏請裁食。睢陽穀熟，虞蒙寧陵五縣，語具封。建志薨，傳恭王堅，懷王匡，匡無子，封匡弟孝陽侯，成為梁王。奉節王後夷王成薨，子敬王元嗣。薨，子彌嗣。為魏崇德侯。○淮陽頃王嗣，初封常山，徙淮陽。薨，木立嗣。和帝立，嗣少子側嗣。薨，無子，立兄防子侯章嗣。為靖王。薨，傳頃王儀節。薨，王昌，建安中國除。○濟陰悼王長，木之國，無子，國除。○孝章帝七王，千乘貞王伉，平春悼王全，清河濟北惠王壽，河南孝王開，城陽懷王淑，廣平陽王萬歲。○千乘貞王伉薨，子夷王寵嗣。改國名樂安。薨，子鴻嗣。鴻生質帝，質帝立，徙鴻渤海王。薨，無子，桓帝立，惔為渤海王。奉鴻嗣，坐不道，當廢，貶廕陶王。事見上。自殺，國除。○平春悼王全薨，無子，國除。○清河孝王慶，事見上。薨，子愍王虎，威嗣。薨，無子，立樂安王寵子延平，奉孝王後安帝親政，有司言清河孝王至德淳懿，載育聖明，承天

奉祚爲郊廟王。漢興高皇帝尊父爲太上皇。中宗號父
爲皇考。宜上尊號曰孝德皇。皇妣左氏曰孝德后。孝德
皇母宋貴人。追諡曰敬隱后。廟曰昭廟。陵曰其陵。而尊
徵諸京師。爲梁冀所忌惡。徙桂陽。自殺。國絕事。見帝紀。
立安平孝王子經。侯理爲其陵王。奉孝德皇后。曰威王。
薨。傳貞王定。獻王忠。薨。嗣子爲黃巾所執。國除。○濟北
惠王壽。薨。子節王登。嗣薨。子哀王多。嗣薨。無子。立鄆鄉
侯安國爲濟北王。曰釐王。薨。子孝王次。嗣次九歲。喪父。
哀王詔增封。薨。子鸞。嗣薨。子政。嗣無子。國除。○河間孝王
開。遵法度。吏民愛敬。薨。子惠王政。嗣。敵狼不奉法。以國
相景諫。頗改節。自修。薨。傳貞王。建安王利。至王咳。爲魏
崇德侯。○平原王翼。故蠡吾侯。桓帝父也。薨。桓卽位。追
尊曰孝崇皇。廟曰烈廟。陵曰博陵。封兄都鄉侯。領爲平
原主。留博陵奉祀。建安國除。○解瀆亭侯淑。孝穆皇別
子。靈帝王父也。靈卽位。尊淑曰孝元皇。王母曰孝元后。
考其曰孝仁皇。母重曰孝仁后。拜河間安王利。子康爲
濟南王。奉孝仁皇祀。薨。子贊。嗣爲黃巾所害。子開。嗣爲
魏崇德侯。○城陽懷王淑。廣宗殤王。萬歲皆無子。國除。
○孝和帝子一。曰平原懷王勝。薨。無子。太后立樂安

夷王子得嗣日哀王復無子又立河
間孝王開子都鄉侯翼嗣尋廢國除

東漢宗室至三公者有司徒愷愷居巢侯般子也祖楚季王

孝王孫王紆早失母同產弟原鄉侯平尚幼自鞠養常
與共卧起飲食及成人未嘗離左右平病卒哭泣至嘔
血紆襲封以王莽篡而廢因家彭城天下亂母夫人聞
更始即位將般奔長安會更始敗轉側兵革中西行上
隴時般尚小而篤志修行講誦不怠母及諸舅以爲身
寄絕域事不可期母爲苦精如此般終不易志建武中
修經學於師門封菑丘侯奉王祀入爲屯騎較尉舊
令禁民二業又以罷國牛疫通使增區耕種而吏下簡
詰覆爲百姓患般上言罷國以官禁二業至有田者禁
不得漁捕今濱江湖罷率少蠶桑資漁採以助口實且
以冬春閒月爲之不妨農事又漁獵之利爲田除害有
助穀食非二業也前罷國以牛疫水旱墾田多減故責
增進頃畝以驗菑墾也而吏舉度田欲多於前至不種
之地亦通增租可申勅二千石務實覈真即舊田增畝
者與奪民田同罪從之在位數
言政事故卹九族行義尤著和帝初侯薨愷當嗣遁

逃。避封爵。讓其弟憲。積數歲不出。有司奏請絕其國。侍
中賈逵上書曰。孔子稱能以禮讓爲國乎。何有。愷孝友
謙遜。遠迹讓弟。善之大者也。有司不原樂善之心。而繩
以循常之法。非所以長克讓之風。成含弘之化。宜蒙矜
宥。以光本朝。帝納之。詔曰。故居巢侯。般嗣子愷。當襲爵
而致國其弟。遁亡七年。所守彌篤。王法崇善。成人之美。
其聽憲嗣。後不得爲比。而徵愷拜爲郎。官至司徒。愷篤
古學。貴處士。每徵舉。必先巖穴。議論引正。時罷禮廢壞
鄧太后詔門
下長吏。不爲親行。畧者不得典專城。選舉時。有言牧守
宜同此制。下公卿議。不可。愷議曰。詔書所以申制服。
科者。蓋弘孝道。以厲俗崇化也。刺史一州之表。二千石
千里之師。職在辯章百姓。宣美風俗。尤宜尊重典禮。先

之以身而議者不尋其端以爲不宜是猶濁源而求流清曲形而求景直不可得也從之征西較尉任尚以姦利被徵大將軍騰庇之有司承望爲解脫愷不與議以疾致仕安帝卽位拜太尉時臧吏抵罪議增錮二世愷以爲春秋之義善善及子孫惡惡止其身尚書曰上刑挾輕下刑挾重如令臧吏深錮子孫以輕從重懼及善八非先王祥刑之意有詔太尉議是在位三年乞骸骨歸薨


少子茂亦好禮讓爲司空與三府坐黨李膺等免


劉虞東海郟人也系出東海王恭爲幽州刺史務德化民夷歌之坐事免拜甘陵相撫綏荒餘以疏儉率下民忘兵凶焉靈帝時幽薊亂拜幽州牧虞至鎮罷省屯兵

廣恩信。購渠帥。群盜破散。以功卽授太尉。容丘侯。幽故
邊北狄。資費甚廣。歲常割青冀賦調餘二億給贍之。時
二鎮委輸斷絕。虞務存寬政。勸農植穀。開上谷胡市之
利。通漁陽鹽鐵。以爲饒。民悅。年登穀石三百。青徐士庶
避黃巾之難。歸虞者百萬口。皆散視溫恤。爲立生業。民
忘遷徙。而虞躬儉約。敝衣繩履。食無兼肉。以慈仁愛利
之也。山東義兵起。議以朝廷幼冲。逼於董卓。而虞爲宗
室長。頌其推立之。遣樂浪太守張岐。齎議上尊號。虞厲
色叱之曰。今天下崩亂。王上蒙塵。吾被重恩。恨未能清
雪國耻。諸君各據州疆。所宜共力王室。而反造逆謀。相

垢汙耶。固拒之。諸將又請虞領尚書事。承制封拜。復不聽。後爲公孫瓚所圖而歿。北州痛惜焉。

論曰。東漢諸侯王。賢於先漢有光矣。東海恭王。遜而知廢。爲吳泰伯。不亦遠乎。東平矢謨全忠。釋位成孝。所謂好禮而樂者也。清河恭孝。廢而不憾。篤恩於所生。至意怛然。乃楚廣陵阜陵。比失職。天子加恩施及其子孫。則封建志志焉。嗚呼盛矣。





通史上編卷之二十

明盱眙鄧元錫纂

西漢臣列傳

大臣
名將

貞臣
循吏

良臣
忠節

爭臣
獨行

高祖時。功臣異姓王者。獨張耳以智全傳國。長沙王芮起秦番陽令。得江湖間民心。號番君。以遣將從入武關。功得封。制詔御史著令甲。稱其忠焉。傳五世乃絕。慶流支庶。他諸樊。滕絳灌之倫。起屠狗。司廐。販繒。織簿。曲至微細。並能義著匡君。功存社稷。而慶流子孫也。盛矣。
滕公。夏侯嬰。沛人。事高祖至孝。惠帝常以太僕從。方漢敗彭城時。楚追亡急甚。嬰奉車遇孝惠魯元公主。載之馬力。

罷。漢王患追且至。蹶兩兒棄之。嬰輒収載行。面雍樹乃馳。方急時。王怒。欲斬嬰者數四。卒以全。致孝惠魯元於豐。從帝困平城七日。虜圍闕。帝欲疾馳去。嬰固徐行。令弩皆持滿外鄉。又脫帝。仁且智如此。文帝從代來。嬰與東牟侯入清宮。以法駕迎天子代邸。復守太僕。卒諡文侯。蓋是時。廷臣無慮多椎魯少文。有大節。不者能以智自將。獨張丞相蒼好書無不觀。尤邃律歷。著書十八篇。言律歷之事。漢興言律歷者祖焉。然終質厚有恩。初事漢。坐法當斬。業解衣伏質。安國侯王陵過之。見蒼長大。白如瓠。怪其美士。言高祖赦之。蒼因父事陵。後積功封。

北平侯。至爲相。每洗沐。常朝陵夫人。上食。乃退。食年百餘歲薨。而是時。叔孫生。本儒者。服短衣。楚製。言羣盜壯士進之。已乃舍枹鼓。定一王之儀。婁敬衣羊裘。說上定都關中。說徙民秦中。皆國大。畫陸生兩說。南粵使稱臣。諸呂在事。畏大臣有口。則病免。從容平勃間。傳合將相以彊社稷。蓋其智如此。見帝紀。及禮儀。戎狄志中。

季布。楚人。初爲項籍將。窘高祖。高祖購之急。賴魯朱家請。滕公脫之。得召見。爲郎。孝惠時。匈奴爲書嫚呂后。后怒。召諸將議軍。樊噲請將軍北擊胡。布面罵噲。瘡痍未瘳。欲搖動天下。可斬也。具戎狄志。孝文時。以河東守召。

欲以爲御史大夫。人有言其勇好使酒難近。畱一月見罷。布辭因進曰。臣無功竊寵待罪河東。陛下無故召臣。此必有人以臣欺陛下者。今臣至無所受事。罷去。此必有人毀臣者。夫陛下以一人之譽而召臣。以一人之毀而退臣。臣恐天下有識聞之。有以窺陛下也。帝默然良久曰。何東吾股肱郡。故特召君耳。當是時。楚人諺曰。得黃金百斤。不如得季布一諾。蓋信果如此。

田叔。涇城人。事趙王敖。王坐逮。自髡鉗從王。已事解得。召見。守漢中。文帝時。召問叔。公知天下長者乎。對曰。臣何足知之。帝曰。公長者宜知之。頓首曰。故雲中守孟舒。

長者也。時舒坐虜入雲中。免。帝曰。舒守雲中。不自堅。士卒戰死者數百人。長者固殺人乎。叔頓首曰。是乃舒所以爲長者也。夫貫高等謀反。上下明詔。趙有敢隨張王。罪三族。然孟舒自髡鉗。隨張王。欲以身死之。豈自知當爲雲中守哉。匈奴冒頓新服。北夷爲邊害。孟舒知士卒罷敝。欲戰不忍言。士爭臨城死敵。如子爲父。弟爲兄。以故死者數百人。豈固嘗驅之哉。是乃孟舒所以爲長者也。帝太息曰。賢哉孟舒。復召舒以爲雲中守。梁孝王殺故吳相袁盎。景帝召田叔案驗。梁具得實。悉燒梁獄辭。還報。景帝曰。梁事有之乎。叔對曰。死罪有之。然上毋以

梁事爲也。帝曰：何也？叔對曰：梁事得而梁王不伏誅，是漢法不行也。必伏法，而太后食不甘味，卧不安席，此其憂在陛下。不如因解散之，則完安。帝曰：善。擢魯相。初至，民自言相，頌王取其財物百餘人。田叔笞其渠率數十人曰：王非若主耶？若何自敢言若主？魯王聞大慙，發中府錢，令相償。相曰：民言王奪之，而相償之，是相自爲善也。願王自償之。善乃在王。王大喜，盡償民金錢。王好獵，相常從。王休相，令就館。相出，常暴坐苑外，日中。王數使人請相休，不終肯。曰：王暴露苑中，我何爲獨就舍？魯王以是不大出獵。數年卒。魯以百金祠少子仁，不受。曰：不

欲以百金傷先人名。

袁盎者。楚人也。字絲父。徙處安陵。盎兄噲。事孝文帝。

任爲郎。時絳侯旣誅諸呂。爲丞相。朝罷趨出。意得甚。帝禮之恭。常目送之。盎進曰。陛下以丞相爲何如人。帝曰。社稷臣。盎曰。絳侯所謂功臣。非社稷臣。夫社稷臣者。主在與在。主亡與亡。方呂后時。諸呂用事。擅相王。劉氏不絕如帶。時絳侯爲太尉。主兵。弗能正。呂后崩。大臣共相與誅諸呂。太尉適會其成功。何謂社稷臣哉。今丞相如有驕主色。陛下謙讓。臣主失禮。竊爲陛下不取也。後朝。帝益莊。絳侯益畏。已聞盎言。大望盎。及免相之國。或告

絳侯反徵繫請室羣臣莫敢爲言。盎獨明其無罪絳侯

得釋出乃大與盎結交。

世或疵盎好持論反側方絳侯赫赫時能刺其謬驕及失勢乃

辯其非罪各以其時得事秉何謂反側反側子獨視時態苟左右自便耳惟太史公言盎善傳會仁心爲質引

義慷慨爲得情

淮南王長朝手自殺辟陽侯居處驕甚盎諫曰

諸侯太驕必生患可適削地抑之帝弗用王益橫謀反

事覺廢處蜀轡車傳送之盎又諫曰陛下素驕淮南王

弗稍禁以至此今暴摧折之王爲人謂如有過霧露行

道死陛下有以天下之大弗能容一弟之名柰何

與論絳侯

意同可謂不苟隨矣

帝曰吾欲稍苦之耳行釋之淮南王行至雍

不食死帝聞輟食哭甚哀盎入弔帝曰不用公言以至

此。盎曰。上自寬。此往事。豈可悔哉。陛下有高世之行。三。此不足毀名。陛下居代時。太后嘗病三年。陛下不交睫。不解衣。湯藥非口所嘗不進。三年。夫曾參以布衣行此。人猶難之。今陛下以王者躬脩之。過曾參孝遠矣。諸呂用事。大臣專制。陛下從代乘六乘傳。馳不測之淵。雖貴育之勇不及。至代邸。西向讓天子位者再。南向讓者三。夫許繇一讓。而陛下五讓。過許繇遠矣。陛下遷淮南王。欲苦其志。使改過。有司衛不謹。故病死。幸上自寬。帝意乃稍解。曰。將柰何。盎曰。淮南王有三子。唯陛下所存耳。於是立厲子三人。皆王。盎繇此名重朝廷。宦者趙同以。

數幸帝常害盎盎患之兄子種爲常侍騎持節夾乘說
盎曰君與鬪廷辱之使其毀不用帝出同參乘盎伏車
前曰臣聞天子所與共六尺輿者皆天下豪英今漢雖
乏人陛下獨柰何與刀鋸之餘人載乎帝笑下趙同同
泣下車帝幸霸陵欲西馳下峻阪盎騎從並車攀轡帝
曰將軍怯耶盎曰臣聞千金之子坐不垂堂百金之子
不騎衡聖主不乘危而徼幸今陛下騁六駢下峻阪有
如馬驚車敗縱自輕柰高廟太后何帝乃止嘗幸上林
皇后愼夫人從反坐郎署長布坐坐同席盎前引卻愼
夫人坐夫人怒帝起入禁中盎前說曰臣聞尊卑有序

則上下和。今陛下旣已立后。愼夫人妾耳。妾主豈可與同席坐哉。且陛下幸之。卽厚賜之。令失序。陛下所以爲愼夫人。適以旤之也。陛下獨不見人彘乎。帝說。召語愼夫人。賜盎金五十斤。久之。遷吳相。謁告歸。道逢丞相申屠嘉。下車拜謁。丞相從車上謝。不下。盎還。愧其吏。乃之丞相府求見。良久。丞相乃見之。卽跪請間。丞相曰。君所言。公之曹與長史掾議。吾且奏之。卽私耶。吾不受私。盎因跪說曰。君爲相。自度孰與陳平絳侯。驥。丞相曰。不如。盎曰。善。君卽自謂不如。夫陳平絳侯。輔翼高帝。定天下。爲將相。誅諸呂。存劉氏。君乃爲材官蹶張。遷隊率。積功。

至淮陽守。非有奇計攻城野戰之功。且陛下從代來。日欲致天下賢士大夫。聞所不聞。日益聖智。君今自閉。鉗天下之口。而日益愚。夫以聖主責愚相。君受醢不久矣。丞相乃再拜曰。嘉鄙野人。乃不知將軍幸教。引入與坐。爲上客。盎素不說鼂錯。景帝時。錯幸爲御史大夫。吳七國反。盎說帝竟殺錯。而遣行使吳。初盎之相吳也。兄子種辭行。說之曰。吳王驕日久。國多姦。今苟欲効治。彼不上書告君。卽利劒刺君矣。南方卑溼。君能日飲無何時。說王曰。毋反而已。如此幸得脫。盎曰善。用其計。王乃厚遇盎。至是使將。不可欲殺之。方爲吳相時。有從史盜所

愛侍兒。盜知之。弗泄。遇之如故。已從史自覺亡去。追得。以侍兒賜之。及使吳從史以較尉適爲守。時天寒。士饑困。乃悉以所齎裝。置二石醇醪飲之。卒皆醉臥。乃夜引盜起曰。可疾去。吳王旦日期斬君。盜驚視。則前盜侍兒史也。驚謝曰。公幸有親。吾不足以累公。對曰。君第去。吾亦且亡。避吾親。乃以刀決張道。從醉卒直隧出。得歸報。帝更以爲楚相。嘗上書有所言。不用。病免。居家與閭里浮沈。雒陽劇孟嘗過盜。盜善待之。安陵富人謂盜曰。孟博徒爾。將軍何自通之。盜曰。劇孟雖博徒。然母死。客送塋車千餘乘。此亦有過人者。且緩急人所有。夫一旦有

急叩門不以親爲解。不以存亡爲辭。天下所望者。獨季心劇孟耳。今公常從數騎。一旦有急。足恃乎。罵富人。弗與通。諸公聞之。皆多盎。景帝時。竇太后愛少子梁王。欲以爲嗣。盎引義扞折。梁王怨。遣客刺殺盎。

文帝時。天子躬玄默。而圖任高祖時功臣。以舊人共政。優假臣下。虛懷納善。文學儒者。賈誼。鼂錯。賈山等。稍進。用時之循吏。如河南守吳公。蜀守文翁之屬。皆謹身帥先。居以廉平。吏治烝烝。不至於姦。而廷臣風議。婉美可稱述。有春秋時。彛命風。最張季馮公。

張廷尉釋之者。堵陽人也。字季。與兄仲同居。以訾爲騎。

郎事文帝十歲。不得調。釋之曰。久宦減仲之產。欲自免。歸。中郎將袁盎知其賢。惜其去。請徙釋之。補謁者。得朝。卑前言便宜事。帝曰。卑之毋甚高論。令今可施行也。於是釋之言秦漢間事。帝稱善。拜謁者僕射。已從行登虎圈。帝問上林尉諸禽獸簿。十餘問。尉左右視不能對。虎圈嗇夫旁代尉對。帝欲觀其能。問禽獸簿甚悉。嗇夫對響應無窮者。文帝曰。吏不當若是耶。尉無賴。召釋之拜嗇夫上林令。釋之久之。前曰。陛下以絳侯周勃何如人也。帝曰。長者也。又問東陽侯張相如何如人。帝復曰。長者。釋之曰。夫絳侯東陽侯稱長者。此兩人言事。曾不能

出口。豈效此嗇夫諛諛。

勝

利口捷給哉。且秦以任刀筆。

吏爭以亟疾苛察相高。然其敝徒文具耳。無惻隱之實。以故不聞其過。陵遲至於二世。天下土崩。今陛下以嗇夫口辯而超遷之。臣恐天下隨風靡靡。爲口辯而無其實。下之化上。疾於影響。舉錯不可不審也。帝曰善。乃止。不拜嗇夫。帝就車。召釋之。參乘徐行。問秦之敝。釋之具以質言。至宮。拜釋之爲公車令。頃之。太子與梁王共車入朝。不下司馬門。於是釋之追止太子。梁王無得入殿門。遂劾不下公門不敬。奏之。薄太后聞。帝免冠謝敎兒。子不謹。薄太后乃使使承詔赦太子。梁王。然後得入。釋

之拜中大夫。頃之至中郎將。從行至霸陵。居北臨厠。慎夫人從。帝指視慎夫人新豐道曰。此走邯鄲道也。使夫人鼓瑟。帝自倚瑟而歌。意慘悽悲懷。顧謂羣臣曰。嗟乎。以北山石爲槨。用紵絮。斲陳蓁漆其間。豈可動哉。紵竹呂反斲側畧反。左右皆曰善。釋之進曰。使其中有可欲者。雖錮南山。猶有郄。使其中無可欲者。雖無石槨。又何戚焉。帝曰善。遷廷尉。帝行出中渭橋。有一人從橋下出走。驚乘輿馬。使騎捕。屬廷尉釋之。治訊之。曰。縣人來。聞蹕。匿橋下。久之。以爲行已過。卽出。出見乘輿騎。卽走耳。廷尉奏。當一人犯蹕。當罰金。帝怒曰。此人親驚吾馬。吾馬賴

柔和。令他馬固不敗傷我乎。而廷尉乃當之罰金。釋之。
曰。法者。天子所與天下公共也。今法如此。而更重之。是
法不信於民也。且方其時。上使人立誅之。則已。今既下
廷尉。廷尉。天下之平也。平一傾。則天下用法者。皆爲輕
重。民安所措手足乎。良久。帝曰。廷尉當是也。其後有人
盜高廟。坐上玉環。捕得。帝怒。下廷尉。廷尉治。案律盜宗
廟服御物者。爲奏當棄市。帝大怒曰。人無道。乃至盜先
帝廟器。吾屬廷尉。誠欲致之族。而君以法奏之。非吾所
以共恭承宗廟意也。釋之。免冠頓首曰。法如是足也。且
罪等。然以逆順爲差。今盜宗廟器而族。有如萬分一。今

愚民取長陵一杯土。陛下將何以加其法乎。久之。帝白太后。許廷尉當是。蓋是時。釋之繇獄而天下無冤民。○馮唐者。其大父趙人。父徙代。漢興徙安陵。以察孝爲中郎署長。事文帝。文帝輦過。問唐曰。父老何自爲郎。家安在。唐具以實對。文帝曰。吾居代時。吾尚食監高祛數爲我言趙將李齊之賢。戰於鉅鹿下。今吾每飯。意未嘗不在鉅鹿也。父知之乎。唐對曰。尚不如廉頗李牧之爲將也。帝曰。何以。唐曰。臣大父在趙時。爲官率將。善李牧。臣父故爲代相。善趙將李齊。知其爲人也。帝旣聞廉頗李牧李牧之爲人。良說而搏髀曰。嗟乎。吾獨不得廉頗李牧

時爲吾將。吾豈憂匈奴哉。唐曰。主臣。陛下雖得廉頗。李牧。弗能用也。帝怒。起入禁中。良久召唐讓曰。公柰何衆辱我。獨無間處乎。唐謝曰。鄙人不知忌諱。當是時。匈奴新大入朝那。殺北地都尉昂。帝以胡寇爲意。乃卒復問唐曰。公何以知吾不能用廉頗李牧也。唐曰。臣聞上古王者之遣將也。跪而推轂曰。闔以內者寡人制之。闔以外者將軍制之。軍功爵賞皆決於外。歸而奏之。此非虛言也。臣大父言李牧爲趙將。居邊。軍市之租皆自用饗士。賞賜決於外。不從中擾也。委任而責成功。故李牧乃得盡其智能。遣選車千三百乘。彀騎三千。百金之士十

萬。是以北逐單于。破儋林。西抑彊秦。南支韓魏。當是之時。趙幾霸。其後會趙王遷立。其母倡也。王遷乃用郭開讒。誅李牧。令頗聚代之。是以兵破士北。爲秦所禽。滅臣竊聞魏尚爲雲中守。其軍市租盡以饗士卒。私養錢。五日一椎牛。饗賓客。軍吏舍人。是以匈奴遠避。不敢近雲中之塞。虜曾一入。尚率車騎擊之。所殺甚衆。夫士卒盡家人子。起田間從軍。安知尺籍伍符。終日力戰。斬首捕虜。上功幕府。一言不相應。文吏以法繩之。其賞不行。而吏奉法必用。臣愚以爲陛下法太明。賞太輕。罰太重。且雲中守魏尚。坐上功首虜差六級。陛下下之吏。削其爵。

罰作之。繇此言之。陛下雖得廉頗李牧。弗能用也。臣誠
愚。觸忌諱。死罪。死罪。文帝說是日。令馮唐持節赦魏尚。
復以爲雲中守。拜唐爲車騎都尉。主中尉及郡國軍士。
太史公曰。張季之言長者。守法不阿意。馮公之論將率。
有味哉。有味哉。語曰。不知其人。視其友。二君之所稱誦。
可著廊廟。書曰。不偏不黨。王道蕩蕩。不黨不偏。王道便
便。張季馮公近之矣。

孝武時。天子延英俊。程器能。文武並用。汲汲如不及。公
卿侍從。彬彬多文學儒者。公孫弘、倪寬、司馬遷、相如、而
嚴助、朱買臣、吾丘壽王等。所倚信。獨武力。衛霍、張湯、杜周、趙禹、王溫舒等。有心計。言利末之

臣。桑弘羊。

又明威不測。臣下多以過誅死。公卿用偷合

孔僅。

求容。唯篤醇謹行者。頗往往得自保。然樸忠敦厚。敢直諫。不二心之臣。雖不能盡用。未嘗不勉爲弘容。史稱漢世得人斯爲盛。而受遺輔政。付托得人。社稷賴焉。大者見帝紀中。

萬石君石奮。趙人也。趙亡徙溫。高祖擊項籍過河內。奮時年十五。爲小吏侍。高祖愛其恭敬。問曰。若何有。對曰。奮獨有母。不幸失明。家貧。有姊能鼓琴。高祖曰。若能從我乎。曰。願盡力。於是高祖召其姊爲美人。以奮爲中涓。孝文時。積功勞至太中大夫。無文學。然恭謹無與比。以

選爲太子太傅。孝景卽位。以爲九卿迫近。憚之。徙爲諸侯相。長子建。次子甲。次乙。次慶。皆馴行孝謹。官皆至二千石。於是帝歎息曰。石君及四子。皆二千石。人臣尊寵。乃集其門。號爲萬石君。其後萬石君以上大夫祿歸老矣。過宮門闕。必下車趨。見路馬。必式焉。子孫爲小吏。來歸謁。萬石君必朝服見之。不名。子孫有過失。不譙讓。爲便坐。對案不食。然後諸子相責。因長老肉袒固謝罪。改之。乃許。子孫勝冠者在側。雖燕居必冠。申申如也。僮僕訴訴如也。唯謹。上時賜食於家。必稽首俯伏而食。如在上前。其執喪哀戚甚悼。子孫遵教亦如之。萬石君家以

孝謹聞乎郡國。雖齊魯諸儒質行。皆自以爲弗及也。武帝初。皇太后以儒者文多質少。今萬石君家不言而躬行。乃以長子建爲郎中令。少子慶爲內史。建老白首。萬石君尚無恙。建爲郎中令。每五日洗沐。歸謁親。入子舍。竊問侍者。取親中裙廁。身自浣滌。復與侍者不敢令萬石君知。以爲常。建爲郎中令。事有可言。屏人恣言。極切至。廷見如不能言者。帝以是親禮之。萬石君徙居陵里。內史慶醉歸。入里門。不下車。萬石君聞之。不食。慶恐。肉袒請罪。不許。舉宗及兄建肉袒。萬石君乃讓曰。內史貴人。入閭里。里中長老皆走匿。而內史坐車中自如。固

當乃謝罷慶。慶及諸子弟入里門趨至家。萬石君以元朔中卒。長子建哭泣悲哀。杖而後能起。歲餘亦死。建爲郎中令。書奏事。事下。建讀之曰。誤書馬字與尾而五。今乃四。不足一。上譴死矣。甚皇恐。其爲謹慎。雖他皆如是。慶爲太僕御。帝出。上問車中幾馬。慶以策數馬畢。舉手曰。六馬。慶於諸子中。差爲簡易矣。然猶如此。爲齊相。舉齊國皆慕其家行。不言而齊大治。爲立石相祠。後爲丞相。九卿更進用事。慶醇謹。無能有匡言。後三歲薨。方爲丞相時。子孫爲小吏至二千石者。十有三人。及其死。稍以罪去。孝謹益衰矣。而是時御史大夫張歐。建陵侯衛

綰俱以長者見稱。

張歐音驅字叔高。祖功臣安丘侯說少子也。治刑名家。然

其人長者。自爲吏。未嘗言案人。專以誠長者處官。官屬以爲誠長者。亦不敢大欺給。具獄事上有可卻。卻再案。不可者。不得已爲涕泣面對而封之。後病篤。以上大夫祿歸老於家。

衛綰代大陵人。事文帝爲中郎將。醇謹。孝景爲太子時。召帝左右飲。而綰稱病不行。文帝且崩。屬孝景善遇之。景帝立。歲餘不譙呵綰。綰日益謹力。幸上林。詔參乘還。問曰。若知所以得參乘乎。綰曰。不知也。帝曰。吾爲太子。

時召君不肯來。何也。對曰。死罪。實病。賜之劔。綰曰。先帝賜臣劔六劔矣。不敢奉詔。帝曰。劔人之所施易。獨至今乎。綰曰。具在。帝使取六劔。劔尚盛。未嘗服也。郎官有譴。常蒙其罪。不與他將爭。有功。常讓他將。帝以爲廉忠實。無他腸。拜河間王太傅。擊吳楚有功。拜中尉。封建陵侯。然自初官。以至丞相。終無可言。天子以爲敦厚。可相少主。尊寵之。賞賜甚多。武帝立。以不任職免。

塞侯直不疑。南陽人。爲郎事文帝。其同舍有告歸。誤持同舍郎金去者。已。金主覺亡。意不疑。不疑謝有之。買金償。已而告歸者。郎來而歸金。亡金郎大慙。以此稱長者。

人或毀不疑曰。不疑狀貌甚美。然無柰善盜嫂何。不疑曰。我乃無兄。然終不自明也。景帝時。以擊吳楚功。封塞侯。拜御史大夫。武帝初。以過免。太史公曰。仲尼有言。君子欲訥於言而敏於行。其萬石君建陵侯張敖之謂耶。是以其教不肅而成。不嚴而治。斯可謂篤行君子矣。鄭當時。字莊。陳人也。父鄭君爲項籍將。籍死。屬漢高祖。令故項籍臣名籍。鄭君獨不奉詔。遂不用。當時爲任俠慕長者。如恐不見。爲太史。誡門下。客至。無貴賤。無畱門者。執賓主之禮。以其貴下人。性廉。不治產。奉賜以給客。每朝。候帝之間。說未嘗不言天下之長者。其推轂士及

官屬丞史。誠有味其言之也。常引以爲贐於已。未嘗名吏與官屬言。如恐傷之。聞人善言。進之上。惟恐後。帝嘗使視決河。請治行五日。天子曰。吾聞鄭莊行千里不齎糧。請治行何也。及居郡卒。家無餘財焉。

汲黯字長孺。濮陽人也。孝景時。爲太子洗馬。以嚴見憚。武帝卽位。爲謁者。東越相攻。使往視。不至。至吳而還。報曰。越人相攻。固其俗。不足以辱天子之使。河內失火。使往視。還報曰。家人失火。屋比延燒。不足憂也。臣過河南。河南貧人傷水旱。萬餘家。或父子相食。臣謹以便宜持節發河南倉粟振之。臣請歸節。伏矯制之罪。帝贐而釋。

之。遷滎陽令。黯耻之。病自免歸。召拜中大夫。以數切諫。不得久留內。遷東海太守。黯治官理民。學黃老清靜。擇丞史而任之。其治責大指而已。不苛小。黯多病。臥閨閣內。不常出。歲餘。東海大治。帝聞。召以爲主爵都尉。列九卿。弘大體。不拘文法。爲人性倨。少禮。面折。不能容人。之過。然內行脩潔。好直諫。數犯主顏色。慕傅伯表盜之爲人也。善灌夫。鄭當時。當是時。天子方招文學儒者。興施仁義禮樂之事。而公孫弘張湯之倫。以文法進用。帝曰。吾欲云云。黯對曰。陛下內多欲。而外施仁義。柰何欲效唐虞之治乎。帝默然怒。變色而罷朝。公卿皆爲黯懼。或

數黜黜曰。天子置公卿輔弼之臣。寧令從諛承意。陷主於不義乎。且已在其位。縱愛身。柰辱朝廷何。然天子素嚴黜守義深堅。不罪也。又常面謾弘湯等。徒懷詐飾智。阿人主取容。而刀筆吏專深文巧詆。陷人於罪。使不得反其真。以勝爲功。湯更定律令。黜質責於帝前曰。湯爲正卿。上不能褒先帝之功業。下不能抑天下之邪心。安國富民。使囹圄空虛。何乃取高皇帝約束。紛更之爲也。公孫弘與公卿約議。至帝前。皆倍初約。以阿旨。黜廷詰弘曰。齊人多詐。無情實。始與臣等建此議。今皆背之。不忠。湯辯常在文深小奇。黜仇厲守高。不能屈。忿發罵曰。

天下謂刀筆吏不可爲公卿。果然。必湯用。天下重足而
立側目而視矣。帝愈益貴弘。湯弘湯深心疾黯。然天子
終信之不罪也。黯多病。病且滿三月。賜告者數。終不愈。
最後。莊助爲請告。帝曰。汲黯何如人哉。助曰。使黯任職
居官。無以踰人。然至其輔少主守成。深堅。招之不來。麾
之不去。雖自謂賁育。亦不能奪之矣。帝曰。然。古有社稷
之臣。至如黯近之矣。大將軍青侍中。帝踞廁而視之。丞
相弘燕見。帝或時不冠。至如黯不冠不見也。帝常坐武
帳中。黯前奏事。帝不冠。望見黯。避帷中。使人可其奏。其
見敬禮如此。丞相弘乃言曰。右內史界部中多貴人宗。

室難治。非素重臣不能任。請徙黯爲右內史。數歲。官事不廢。卒莫能有害也。帝招延士大夫。如不及。然性果峻。雖數幸愛者。小有犯。輒按誅。黯曰。陛下求賢甚勞。未盡其用。輒殺之。以有限之士。恣無已之誅。臣恐天下賢才將盡。陛下誰與其爲治乎。黯言之怒甚。帝欣然笑曰。世何患無才。患人不能識之耳。且才猶有用之器也。有才而不肯盡用。與無才同。不殺何施。黯曰。臣愚不能屈陛下以言。而心以爲非。願陛下改之。天子旣數征匈奴。有功。黯言益不用。旣得神馬。渥洼水中。已又伐大宛。得宛馬。具次爲詩歌。黯進曰。王者作樂。上以承祖宗。下以化

兆民今陛下得馬詩以爲歌。協於宗廟先帝百姓豈能知其音邪。帝默然。丞相弘曰。汲黯誹謗聖制。當族。居無何。渾邪王率衆來降。漢發車二萬乘。縣官無錢。從民貰馬。民或匿馬。馬不具。帝怒。欲斬長安令。黯進曰。長安令無罪。獨斬臣黯。民乃肯出馬。且匈奴畔其主而降漢。漢徐以縣次傳之。何至令天下騷動。罷弊中國。而以事夷狄之人乎。帝默然。及渾邪至。賈人與市者坐當死五百餘人。黯請見高門曰。夫匈奴攻當路塞。絕和親。中國興兵誅之。死傷者不可勝計。而費以巨萬百數。臣以爲陛下得胡人。皆以爲奴婢。以賜從軍死事者之家。所鹵獲

因予之以謝天下之苦。塞百姓之心。今縱不能。渾邪率數萬之衆來降。虛府庫賞賜。發良民侍養。若奉驕子。愚民安知市買長安中物。而文吏繩以爲出關財物于邊關乎。陛下縱不能得匈奴之資以謝天下。又以微文殺無知者五百餘人。是所謂庇其葉而傷其枝者也。帝默然。先是太后弟武安侯田蚡爲丞相。中二千石來拜謁。蚡不爲禮。黠見蚡未嘗拜揖之。大將軍旣益尊。姊爲皇后。然黠與亢禮。人或說黠曰。自天子欲羣臣下大將軍。大將軍尊重益貴。君不可以不拜。黠曰。以大將軍而有揖客。顧不重耶。大將軍聞。愈益驕黠。數請問國家疑事。

遇黯過平生淮南王謀反憚黯曰廷臣惟汲黯好直諫
守節死義難惑以非至如丞相弘等如發蒙振落耳後
坐小法免官居數年會更五銖錢民多盜鑄錢楚地尤
甚帝以爲淮陽楚地乃召黯拜淮陽太守黯伏謝不受
印詔數強與之乃入見爲帝泣曰臣自以爲填溝壑不
復見陛下不意陛下復收用臣常有狗馬病力不能任
郡事願爲中郎出入禁闥拾遺補過臣之願也帝曰君
薄淮陽耶吾今召君矣顧淮陽吏民不相得吾徒得君
之重卧而治之黯辭行過大行李息曰黯棄居郡不得
與朝廷議也御史大夫湯務巧佞之語辯數之辭以阿

主飾非。非肯正爲天下言。主意所不欲。因而毀之。所欲
因而譽之。好興事。舞文內懷詐。以御主心。外挾賊吏爲
威重。公列九卿。不早言。將與之俱禍矣。息畏湯終不敢
言。黯居郡如故。治淮陽政清。後張湯敗。帝聞黯與息言。
抵息罪。令黯以諸侯相秩居淮陽。七歲終不召。卒後以
黯故官。其弟汲仁至九卿。子伋偃至諸侯相。當是時。常
威斷不測。獨黯以朴忠數強諫。而待詔東方朔於柱下。
史挫鈍解紛之術頗深。於帝前滑稽爲詼笑。然時時觀
察言色。亦直切諫。能令上聽而不得怒也。

帝起上林苑
朔諫下臣間

謙遜靜懿。天表之應。應之以福。驕溢靡麗。天表
之以異。夫南山天下之阻也。其地從汧隴以東。商

西、厭壞肥饒、此天下陸海之地、秦所以虜西戎、兼山東者也、其山出玉石、金銀銅鐵、豫章檀栢、異類之物、不可勝原、此百工所取給、萬民所仰足也、又有秔稻、梨栗、桑麻、竹箭之饒、土宜薑芋、水多蠅魚、貧者得以給足、無饑寒之憂、故鄠鎬之間、號爲土膏、其賈畝一金、今規以爲苑、絕陂池、水澤之利、而取民膏腴之地、上乏國家之用、下奪農桑之業、棄成功、就敗事、損耗五穀、其不可一也、且盛荊棘之林、而長養麋鹿、廣狐兔之苑、大虎狼之墟、又壞人冢墓、發人室廬、令幼弱懷土而思、耆老泣涕而悲、其不可二也、斥而營之、垣而圍之、騎馳車驚、深溝大渠、夫一日之樂、不足以危無隄之輿、其不可三也、殷作九市之宮、而諸侯畔、靈起章華之臺、而楚民散、糞土愚臣、逆盛意、犯隆指、罪萬死、願陳泰階六符、以觀天變、帝以爲太中大夫、給事中、賜黃金百斤、然起苑不爲止、帝嘗問化民有道乎、朔對曰、有、堯舜禹湯、文武成康之事、經歷數千載、尚難言也、臣不敢陳、願近述孝文皇帝之時、當世耆老、皆聞見之、貴爲天子、富有四海、身衣弋綈、足履絺舄、以絺帶劍、莞蒲爲席、兵木無刃、衣緼無文、集上書囊、以爲殿帷、以道德爲麗、以仁義爲準、於是天下望風成俗、昭然化之、今陛下以城中爲小、圖起建章、左

鳳閣右神明號稱千門萬戶木土衣綺繡狗馬被縵罽
宮人簪璫瑁垂珠璣設戲車教馳逐憐文采叢珍怪撞
萬石之鍾擊雷霆之鼓作俳優舞鄭女上爲淫侈如此
而欲使民不奢後失農事之難者也陛下誠用臣計推
甲乙之帷燔於四通之衢却走馬示不復用則堯舜之
隆宜可與比治矣易曰正其本萬事理失之毫釐差以
千里願陛下留察帝東巡欲浮海求蓬萊羣臣諫朔進
曰夫僊者得之自然不必躁求若其有道不憂不得若
其道雖至蓬萊見仙人猶將無益也願陛下還宮靜
處以須之帝乃還昭平君者隆慮公王子也又尚帝女
主病時以金千斤錢千萬爲昭平君豫贖死罪主卒昭
平君益驕殺主傳廷尉請論左右人爲請帝曰吾弟老
獨有是一子死以屬我爲垂涕嘆息良久曰法令者高
皇帝所造也用弟故而違先帝之法何面目入高廟乎
又下負萬民可廷尉奏而悲哀不自勝朔趨前上壽曰
臣聞聖主爲政賞不避仇讎誅不擇骨肉書曰不偏不
黨王道蕩蕩此五帝三王之所難也而陛下行之臣朔
奉觴昧死再拜上萬壽帝不舉入省中已召朔讓曰吾
聞朔然後言人不厭其言適者豈先生上壽時乎朔免
冠謝曰臣聞樂太甚則陽溢哀太甚則陰損陰陽變則

心氣動。心氣動則精神散而邪氣及之。錯憂莫如酒。臣
判所以以上壽者。明陛下正而不阿。且因以止哀也。帝悅。
竇太主者。帝姑。歸陶公主也。近幸賣珠。子董偃欲貴之。
獻長門園。帝大說。因以錢千萬從主飲。主頓首謝死罪。
因見偃。偃蒲伏殿下。主乃贊歸陶公主。胞人臣偃昧死。
再拜謁。帝爲之起。有詔賜衣冠不名。稱主人翁。若無何。
爲竇太主置酒宣室。使謁者引內董偃。是時朔。陛戟嚴。
下。辟戟而前。曰。董偃有斬罪三。安得入。帝曰。何謂也。朔
曰。偃以人臣私侍公主。罪一。敗男女之化。亂婚姻之禮。
傷王制。罪二。陛下富於春秋。方積思於六經。留神於王
事。馳驚於唐虞。折節於三代。偃不遵經勸學。以靡麗奢
侈爲務。盡狗馬之樂。極耳目之欲。行邪枉之道。徑淫辟
之路。爲淫首。罪三。昔伯姬燔而諸侯憚。桀何乎。陛下帝
默然良久。曰。業設飲。吾後而自改。朔曰。不可。夫宣室先
帝之正處也。非法度之政。不得入焉。淫亂之漸。其
變爲篡。帝曰。善。更置酒北宮。賜朔黃金三十斤。

論曰。世或稱時乏才。卽任使罕稱。何言之弗思也。漢武
在位。董江都道以天人古今之統。汲長孺以多欲諫直。

拂其非心。令薦諸位。庶幾哉輔拂咸職。中外相應以義理之文。乃知之弗用。厥用者阿世從諛者也。豈不憤哉。若二子者。可謂大臣矣。

孝宣中興。勵精洪業。高平博陽

丙魏

謀謨於內。營平富平

張安世趙充國

股肱於外。而天子核名實。簡練賢俊。斤斤乎辯

用之也。又興自閭閻。知民所疾苦。與刺史二千石長吏共其治。有理效。褒厲賜金。以次表爲公卿。故地節甘露之間。九列百僚。忠力志義之臣。彬彬濟濟。施及于後嗣。而循良吏冠冕百代。有黃霸朱邑龔遂。召信臣之倫。丙魏有謨。營平事具戎狄志中。

富平侯張安世。杜陵人。

廷尉湯子

少以父任爲郎。用善書給

事中秘書。精力於職。休沐未嘗出。嘗亡書三篋。詔問莫能知。惟安世識之。後得書以相較。無遺失。武帝奇其材。擢爲尚書令。昭帝卽位。大將軍秉政。以安世篤行。親重之。會上官桀桑弘羊等誅。光以朝無舊臣。白用安世爲右將軍。光祿勲。以自副。封富平侯。光薨。御史大夫魏相欲杜霍氏權。上封事言安世事。孝武皇帝三十年。忠信謹厚。勤勞政事。夙夜不怠。與大將軍定策。天下受其福。國家重臣也。今新失大將軍。請尊安世爲大將軍。輒光祿勲事。使專精神。憂念天下。思惟失得。毋爰空大位。塞

爭權。帝內嘉其意。從之。事頗聞。安世中自懼。不敢當。請問。免冠頓首曰。老臣耳妄聞。言之爲先事。不言情不達。誠。自量不足以居大位。繼大將軍。惟上裁。哀全老臣之命。帝笑曰。君言泰謙。君而不可。誰當可者。安世深辭弗能得。竟拜大司馬衛將軍領尚書事。兩宮衛尉城門北軍咸屬焉。自大將軍柄國。丞相獨擁虛位。無猷爲。爲天下所指目。霍氏敗。安世念欲爲天子重相權。職典樞機。以謹密自周。外內無間。每定大政。已決。輒移病出。聞有詔令。乃驚。使吏之丞相府問焉。自朝廷大臣。不知其與議也。嘗有所薦引。其人來謝。安世大恨。以爲舉賢達能。

豈有私謝耶。絕弗復與通。有郎功高不調。來自言。安世曰。君功高。明主所知。人臣執事。何所短長。而自言乎。絕不許。而郎遷莫府長史。遷去辭之官。安世問以過失。長史曰。將軍爲明主股肱。而無所薦士。論者頗以爲譏。安世曰。明主在上。賢不肖較然。臣下自脩而已。何與薦士。其匿名迹。遠權勢。如此。爲光祿勳。郎有醉溺殿上者。主事白行法。安世曰。何知其不反水漿耶。柰何以小過成罪。郎淫官婢。婢兄自言。安世曰。奴以恚怒。誣汚衣冠。告署責奴。其隱人過失。皆此類也。安世以父子封侯。在位太盛。辭祿。而身衣弋綈。夫人自紡績。家僮皆手技作。內

治產業。累積纖微。以故富於大將軍。天子甚憚大將軍。然內親安世。心密於堯。恩榮始終焉。初安世兄賀。得幸衛太子。太子敗。賓客皆誅。安世爲賀上書。得下蠶室。後爲掖庭令。而宣帝以皇曾孫。收養掖庭。賀視養拊循。恩甚密。少長。賀往往對客稱曾孫材美。安世輒止之。以爲少主在上。不宜稱述生事端。及帝卽位。賀已死。帝謂安世曰。掖庭令平生稱我將軍。止之是也。帝追顧賀恩。封其冢曰恩德侯。置守冢二百家。親營其里居。於冢西闕鷄舍旁。帝少時所遊處也。賀子早死。無子。子安世小男彭祖。彭祖又少小。與帝同席研書指。欲封之。先賜爵關。

內侯明年封陽都侯。安世深辭封。又求損守家戶數。帝

曰。吾自爲掖庭令。非爲將軍也。乃止。不敢言。後安世病。疏歸侯印。

乞骸。詔慰留不聽。薨。謚敬侯。賜塋杜東。將作穿復土起家祠堂。子孫相繼爲侍中。親近寵貴。比於外戚。建武中。

魚孫純歷位至大司空。更封武始侯。

杜延年。字幼公。南陽杜衍人。周本大將軍。允故吏。爲諫白

發上官蓋主反事。封建平侯。擢太僕給事中。大將軍持

法嚴。延年輔之以寬。治燕獄。桑弘羊子遷亡。過父故吏

侯史吳。後捕得。伏法。會赦。侯史吳自出繫獄。廷尉王平

少府徐仁。雜治。皆以爲遷坐父謀反。而侯史吳藏之。非

匿反者。匿爲隨者也。卽以赦令除吳罪。侍御史治實。以

遷通經術。知父謀反而不諫爭。與反者同。侯史吳故三百石吏。首匿遷。不與庶人匿。隨從者等。吳不得赦。且劾廷尉少府縱反者。少府徐仁。丞相車千秋子壻也。千秋數爲史吳言。炘不聽。丞相乃召中二千石博士。會公車門。問史吳法。炘發怒。以千秋擅召中二千石以下。下廷尉少府獄。朝廷恐丞相且從坐。延年乃奏記炘言。吏縱罪人有常法。令更詆吳。恐於法已深。又丞相素無守持。爲好言於下。其素行也。至擅召中二千石甚無狀。而延年愚。以爲丞相及先帝時用事。非有大故。不可棄也。間者民頗言獄深。吏爲峻詆。今丞相所議。又獄事。而以及

丞相恐不合衆心。流言四布。延年竊重將軍。失此名於天下也。尅以廷尉少府。弄法輕重。竟論棄市。而不以及丞相。延年議論持平。合和朝廷。皆此類也。見國家承武帝奢侈師旅之後。數爲大將軍言。歲比不登。流民未盡還。宜脩孝文時政。示以儉約寬和。順天心。悅民意。年歲宜應。尅納其言。宣帝卽位。以定策功益封。霍氏敗。免官。後數月。召拜北地太守。延年以九卿外補邊。治不進。帝以璽書譙讓。延年乃選用良吏。捕繫豪彊。罷中清平。賜璽書黃金勞焉。徙河西益治。五鳳中。徵入爲御史大夫。延年居父官。入御史府。不敢當舊位。坐卧皆易其處。居

三歲。以老病乞骸骨。天子優賜。遂稱篤。賜安車駟馬。罷就第。子綏嗣侯。

于定國。

字曼倩

東海郟人也。父于公爲縣獄史。郡決曹決

獄。平羅文法者。經所平決。皆不恨。郡中爲立生祠。曰于公祠。東海有孝婦。少寡亡子。養姑謹。姑欲嫁之。終不肯。姑謂鄰嫗曰。婦事我勤苦。哀其亡子守寡。我老。父系丁壯。柰何。因自經死。姑女告吏。婦乃殺我母。吏驗治。急自誣服。具獄上。于公白府。以爲此婦養姑十餘年。以孝聞。必不殺也。太守不聽。于公爭之弗能得。乃抱其具獄哭於府。辭疾去。太守竟論殺孝婦。郡中枯旱三年。後太守

至卜筮其故。于公曰。孝婦不當死。前太守疆斷之。咎黨在是乎。於是太守殺牛。自祭孝婦冢。表其墓。天立大雨。歲熟。郡中以此大敬重于公。定國少學法於父。父死。亦爲獄史。郡決曹補廷尉史。以材高舉。侍御史遷御史中丞。昌邑王淫亂。上書諫。宣帝立。遷光祿大夫。平尚書事。甚見任用。數年超爲廷尉。定國乃念平處大事。當依經義。而自傷淺學。乃迎師受春秋。身執經北面。備弟子禮。經術士雖卑賤。徒步往過。定國皆與鈞禮。恩敬甚備。學士咸稱焉。其決疑平法。務在哀鰥寡。罪疑從輕。加審愼之心。朝廷稱之曰。張釋之爲廷尉。天下無冤民。于定國

爲廷尉。民自以不冤。遷御史大夫。其露中爲丞相。封西平侯。御史大夫陳萬年。與定國並位八年。論議無所拂。後貢禹代爲御史大夫。數處駁議。定國明習政事。率議可。禹無以難也。永光初。以春霜夏寒。日青亡光。天子數引見。條責以職事。定國恐。上書自劾。歸侯印乞骸。已遂稱篤。賜安車駟馬黃金。罷就第。薨。子永嗣侯。永少者酒多。過失。年三十乃折節脩行。館陶公主賢有行。永以選尚焉。官至御史大夫。欲相之。會薨。始定國父于公。其間門壞。父老共治之。于公曰。少高大門間。今容駟馬高蓋車。我治獄多陰德。未嘗有所冤。子孫必有興者。至定國果封侯。傳世云。

蕭望之。東海蘭陵人。好學。治齊詩。事同縣后倉。且十年。以令詣太常受業。事博士白奇。又從夏侯勝問論語禮。

服京師諸儒稱述焉。時大將軍允秉政。長史丙吉薦儒
生王仲孫。及望之等數人。皆召見。時允以燕王蓋主之
難爲意外防。令見者兩吏露索夾持之。

師古曰。露索謂露形體而搜。

望之不肯聽。自引出閤。吏持索凶凶。允聞之。告吏勿持。
望之前說曰。將軍以功德輔幼主。致於治平。是以天下
延領企踵。願自効以輔高明。今士見者。皆先露索挾持。
恐非周公相成王。躬吐握之意也。允默然。於是獨不除
用望之。而仲翁等皆補大將軍史。三歲間。至允祿大夫。
給事中。而望之以射策爲郎。署小苑東門候。仲翁出入。
從蒼頭廬兒。傳呼甚寵。顧謂望之曰。不肯碌碌。反抱關。

爲望之曰。各從其志。無何。坐法免。御史大夫魏相除爲
屬察廉。爲大行治禮丞。時大將軍尙薨。子禹爲大司馬。
兄子山領尚書。親屬皆宿衛內侍。地節三年。京師雨雹。
望之因䟽請賜清閒之宴。口陳災異之意。宣帝自在民
間。聞望之名。曰。是東海蕭生耶。下少府宋畸問狀。無有
所諱。望之對以爲春秋昭公三年大雨雹。是時季氏專
權。卒逐昭公。鄉使魯君察於天變。宜亡此害。今陛下以
聖德居位。思政求賢。堯舜之用心也。然而善祥未臻。陰
陽不和。是大臣任政。一姓擅勢之所致也。附枝大者賊
本心。私家盛者公室危。唯明主躬萬機。選同姓。舉賢才。

以爲腹心。與參政謀。令公卿大臣朝見奏事。明陳其職。以考功能。如是則庶事理。公道立。姦邪塞。私權廢矣。對奏。天子拜望之。謁者諸上書言便宜。輒下望之問狀。高者請丞相御史。次者中二千石。試事歲滿。以狀聞。下者報聞。所處白奏皆可。累遷諫大夫。其後霍氏竟誅。望之寢益用事。已出補平原太守。望之雅意本朝。遠守郡內。不自得上。䟽曰。陛下哀愍百姓。恐德化不究。悉出諫官。以補郡吏。所謂憂其末而忘其本者也。朝無爭臣。則不知過。國無達士。則不聞善。願陛下選明經術。溫故知新。通於幾微。謀慮之士。以爲內臣。與參政事。諸侯聞之。則

知國家納諫憂政。亡有闕遺。若此不怠。成康之道也。外
郡不治。豈足憂哉。書聞。徵入守少府。居久之。帝以望之
經明持重。議論有餘。材任宰相。欲詳試其政事。復以爲
左馮翊。望之從少府出。爲左遷。恐有不合意。卽移病。帝
使親臣諭之曰。上任用。皆更治民。以考功。君前爲平原
之日淺。故欲試之三輔。非有所聞也。望之乃治事。無何。
遷御史大夫。時大司農耿壽昌奏設常平倉。帝善之。而
望之非其議。丞相丙吉年老。帝重焉。望之意輕之。爲丞
相司直。鯨延壽所糾。師古曰。鯨音淺。左遷太子太傅。不得相。以
論語禮服傳皇太子。皇太子甚尊重之。以前將軍同受

遺詔輔政。元帝立。見尊重。爲弘恭石顯所傾。竟自殺。事

具帝紀中。

望之駁張敞入穀贖罪議。見刑灋志。諫烏孫昆彌尚主。對伐匈奴問議。呼韓邪單于禮儀。

具戎

狄志。

疏廣。

字仲翁。

東海蘭陵人。少明經有行。兄子受。恭敬好禮。

而有辭。地節中。廣爲太子太傅。受少傅。帝從平恩侯

伯白。使其弟中郎將舜監護太子家。廣對曰。太子國儲

副。師友必於天下英俊。不宜獨親外家。示天下私。上善

其言。以謂丞相。丞相免冠謝。臣愚不及此也。太子每朝

謁。太傅在前。少傅在後。朝廷以爲榮。居五歲。太子年十

二。通論語孝經。廣謂受曰。吾聞知足不辱。知止不殆。今

仕宦至二千石。名立而不去。懼有後悔也。豈如今父子相隨出國門。歸老故鄉哉。受頓首受教。卽日俱移病。賜告滿三月。稱篤乞骸。帝以其年及。皆許之。賜黃金二十斤。太子贈五十斤。公卿大夫故人。設祖道。張東都門外。送者車數百兩。道路觀者皆曰。賢哉二大夫。或嘆息爲之泣下。廣旣歸里。日令其家共具設酒食。召族人故舊賓客。與相娛樂。居歲餘。廣子孫竊謂其昆弟老人。廣所愛信者曰。子孫幾及君時。頗立產業基址。今日飲食費且盡。柰何。老人自從其所諫。廣歎曰。吾豈老諄。不念子孫哉。顧自有舊田廬。令子孫勤力其中。足以供衣食。與

凡人齊。今復增益之爲贏餘。但教子孫怠惰耳。賢而多財。則損其志。愚而多財。則益其過。且夫富者衆之怨也。吾旣無以教化子孫。不欲益其過而生怨。又此金者。聖主所以惠養老臣也。故樂與鄉黨宗族共饗其賜。以盡吾餘日。不亦可乎。於是族人悅服。

上昭宣時重臣大臣名臣

黃丞相霸。

字次公

淮陽陽夏人。少學律令。喜爲吏。武帝末。

以入穀沈黎郡。補左馮翊。卒。史不得署右職。使領郡錢穀計簿。以廉稱。察補河東均輸長。復察廉爲河南太守。丞霸爲人。明察內敏。習文法。然溫良有讓。足智善御衆。爲丞。處議當於法。又合人心。太守任之。吏民敬焉。武昭

時以刑罰痛繩群下。俗吏相毆。上嚴酷。而霸獨用寬。和爲名。方帝在民間時。知百姓苦吏急也。及卽位。聞霸持法平。善之。召爲廷尉正。數決疑獄。廷中稱平。遷丞相長史。坐知長信少府夏侯勝。非議詔書。阿從不舉。劾繫廷尉獄。因從勝受尚書獄中。再踰冬。積三歲乃出。語在經學傳。爲楊州刺史三歲。舉賢良高第。爲潁川太守。秩比二千石。賜車蓋高丈。別駕主簿。車緹油屏。泥於軾前。以章有德。時上垂意於治。數下恩澤詔書。吏不奉宣。霸爲擇良吏。分部宣詔令。令百姓咸知上恩意。而郵亭鄉官。皆畜雞豚。以時贍鰥寡貧窮者。爲條敎。置父老師帥伍。

長班行之。以爲勸善防姦之意。務耕桑。節用殖財。種樹畜養。去食穀馬。諸爲令。凌雜米鹽。初若煩碎。然霸精力能推行之。吏民見者。輒與語。語次尋繹。問它陰伏相參考。以具得事情。嘗擇長年廉吏。遣行縣有所伺。屬周密無泄。吏出不敢舍郵亭。食於道旁。鳥攫其肉。民有詣府口言事者。適見之。霸與語道此。後吏還謁。霸迎勞之曰。甚苦食道旁。乃爲鳥所攫肉。吏大驚。以霸具知其起居。所問毫釐不敢有所隱。鰥寡孤獨。有死無以葬者。鄉部書言。霸具爲區處。其所大木。以爲棺。其亭豚以祭。吏往皆如言。其識事聰明如此。吏民不知所出。咸稱神明。姦

人去入它郡盜賊日少霸力行教化而後誅罰務在成就全安長吏許丞老病聾督郵白欲逐之霸曰許丞廉吏雖老尚能拜起送迎正頗重聽何傷且善助之無失賢者意或問其故霸曰數易長吏送故迎新之費及姦吏因緣絕簿書盜財物公私費耗甚多皆當出於民所易新吏又未必賢或不如其故徒相益爲亂凡治道去其泰甚者耳霸以外寬內明得吏民心戶口歲增治爲天下第一徵守京兆尹秩二千石坐廢民治馳道不先白發騎士詣北軍馬不適士連貶秩有詔歸潁川太守官以八百石居治如其前前後八年郡中愈治天子下

璽書褒焉。後數月。徵霸太子太傅。遷御史大夫。已代丙吉爲丞相。封建成侯。霸才長於治民。及爲相。總綱紀。號令風采。不及丙魏。于定國功名。損於治郡時。然自漢興。言治民吏。以霸爲稱首。薨諡定侯。

龔遂

字少卿

山陽平陽人。爲人剛毅。有大節。以郎中令。事

昌邑王賀。數諫爭。面刺王過者也。語具帝紀中。王廢。滅死。髡爲城旦。地節中。渤海左右郡歲饑。盜賊並起。二千石不能禽制。選能治者。丞相御史白舉遂。以爲渤海太守。時遂年七十矣。石見形貌寢。帝望見。不副所聞。內輕焉。謂遂曰。渤海廢亂。朕甚憂。君何以息盜賊。稱朕意。遂

對曰。海瀕遐遠。不霑聖化。民困於饑寒。而吏不恤。故使
陛下赤子。盜弄陛下兵於潢池中耳。今欲使臣勝之耶。
將安之也。帝聞遂對。甚悅。答曰。選用賢良。固將欲安之
也。遂曰。臣聞治亂。民猶治亂繩。不可急也。唯緩之。乃可
治耳。願丞相御史。且無拘臣以文法。得一切以便宜從事。
帝許焉。加賜黃金。乘傳而遣。郡聞新太守至。發兵迎。
遂遣還。移書屬縣。悉罷逐捕盜賊吏。諸持鉏鋤田器者。
皆良民。吏毋得問。持兵者。乃爲盜賊。遂單車獨行至府。
郡中翕然。盜賊聞遂教令。立解散。棄兵弩。而持鉏鋤。於
是民安土樂業。遂乃開倉廩。假貧民。選用良吏。尉安牧。

養焉。遂見齊俗奢侈。好末技。不田作。廼躬率以儉約。勸民農桑。令口種一樹榆。百本。齏五十本。葱一畦。韭家二母。彘五。母雞。民有帶刀劔者。使賣劔買牛。賣刀買犢。曰。柰何。帶牛佩犢。春夏不得不趨田畝。秋冬課收歛。益畜菓實。菱茨。勞來循行。郡中皆有畜積。吏民富實。獄訟止息。數年。帝遣使者徵遂。議曹王生請從。功曹以王生素嗜酒。亡節度。不可使。遂不忍。遂許從。至京師。王生日。飲酒。不視太守。詔引遂見。入宮。王生醉。從後呼曰。明府且止。願有白。遂還問故。王生日。天子卽問君何以治渤海。君不可有陳對。第曰。皆聖主之德。非小臣力也。遂受其

言既至前。帝果問以治狀。遂對如王生言。帝說其有讓。笑曰。君安得長者之言而稱之。遂因前曰。臣非知此。乃臣議曹敎戒臣也。帝以遂年老不任公卿。拜水衡都尉。王生爲水衡丞。褒遂云。

水衡典上林禁苑。共張宮館。爲宗廟取牲。官職親近。以壽終。

韓延壽

字長公

燕人。父義爲燕郎中。刺王謀爲逆。義諫而

死。丞相魏相以文學對策言。議無比干之親。而出身強諫。蹈比干之節。宜顯賞其子。示天下以爲人臣之義。擢延壽諫大夫。遷淮陽太守。徙潁川。潁川多豪傑難治。趙廣漢爲守。患俗多朋黨。故構會吏民。令告訐一切爲聰明。繇是俗多怨讎。延壽欲更改之。敎以禮讓。恐百姓不

信乃召郡中長老爲鄉里所信者數十人。設酒具食。與相對。人人接以禮意。問謠俗若民所疾苦。爲陳和睦親愛。消除怨咎之路。長老皆喜受令。因與條嫁娶。卷祭儀品。畧依古禮。傳今法施行之。而令文學較官諸生。皮弁執俎豆。相吏民行禮。百姓遵用其教。賣偶車馬下里僞物者。棄之市道。數年。徙守東郡。黃霸代居潁川。因其迹而大治。延壽爲吏。上禮義。好古教化。所至必禮待其賢士。廣謀議。納諫爭。舉行喪讓財。表孝弟有行。脩治學宮。春秋鄉射。陳鐘鼓管絃。盛升降揖讓。及都試講武。則設斧鉞旌旗。習射御之事。治城郭。收賦租。先明告期日。

以期會爲大事。吏民敬畏向之。又鄉置正伍長。相率以孝弟。不得舍姦人。閭里阡陌。有非常。吏輒聞知。姦人莫敢入其界。其始若煩。後吏無追捕之苦。民無箠楚之憂。皆便安之。接待下吏。恩施甚厚。而約誓堅明。或欺負之者。延壽痛自劾責。豈其負之。何以至此。吏聞者。自傷悔。有自刺死者。延壽嘗出。臨上車。騎吏一人後至。勅功曹議罰。白還至府門。門卒當車。願有言。延壽止車問之。卒曰。孝經曰。資於事父以事君。而敬同。故毋取其愛。而君取其敬。兼之者。父也。今旦明府早駕。久駐未出。騎吏父來至府門。不敢入。騎吏聞之。趨走謁。適會明府登車。以

敬父而見罰。得無虧大化乎。延壽舉手輿中曰。微子。太
守不自知過。歸舍。召見問卒。卒本諸生。聞延壽賢。無因
自達。故代卒。延壽遂延用之。其納善聽諫。皆此類也。在
東郡三歲。令行禁止。斷獄大減。爲天下最。入守左馮翊。
滿歲。稱職爲真。歲餘不肯出行縣。丞掾數白宜循行郡
中。覽觀民俗。考長吏治迹。延壽曰。縣皆有賢令長督郵。
分明善惡於外。卽行縣何益。重煩擾爾。丞掾皆以爲方
春月。可壹出勸耕桑。延壽不得已行縣。至高陵。民有昆
弟相與爭田。來自言。延壽大傷之曰。幸得備位。爲郡表
率。不能宣明教化。至令民有骨肉爭訟。旣傷教化。重使

賢長吏。畱夫三老孝弟。受其耻。咎在馮翊。當先退。是日移病不聽事。因入卧傳舍。閉閣思過。一縣莫知所爲。令丞。畱夫三老。亦皆自繫待罪。於是訟者宗族。傳相責讓。兩昆弟。兩昆弟悔。皆自髡肉袒謝。願以田相移。終死不敢復爭。延壽喜。開閣延見。內酒肉。與相對飲食。厲勉以意。告鄉部。以表勸悔。過從善之民。延壽乃起聽事。勞謝令丞以下。引見尉薦之。郡中翕然。傳相敕。不敢犯教令。恩信周徧。二十四縣。莫復以辭訟。自言者。推其至誠。吏民不忍欺紿。代蕭望之爲左馮翊。而望之遷御史大夫。聞延壽在東郡時。放散官錢千餘萬。遣吏案。延壽聞。卽

部吏案較望之在馮翊時。廩犧官錢放散百餘萬。望之自奏職在總領天下。有聞事不敢不問。而爲延壽所拘持。帝繇是不直延壽。各令窮竟所考。望之卒無事實。而御史案東郡。具得延壽治餽兵車。畫龍虎朱雀。鑄作效尚方。餽車甲三百萬以上。坐棄市。吏民數千人送至渭城。老小扶持車轂。爭奏酒炙。延壽不忍距逆。人人爲飲。旣飲酒石餘。使掾史分謝送者。遠苦吏民。延壽死無所恨。百姓莫不流涕。三子皆爲郎吏。皆去官不仕。至孫威復爲吏。至將軍。亦恩信能拊衆。後亦坐奢僭誅。

朱邑。

字仲卿。

廬江舒人也。少爲舒桐鄉嗇夫。廉平不苛。以

愛利爲行。未嘗笞辱人。存問耆老孤寡。遇之有恩。部民
愛敬焉。補太守。卒。史舉贇良。累北海太守。以治行第一。
入爲大司農。爲人醇厚。篤故舊。然性公直。不可交以私。
天子器之。朝廷敬焉。膠東相張敞與書曰。明主游心太
古。廣延茂士。此誠忠臣竭思之時也。直敞遠守劇郡。馭
於繩墨。曾臆約結。固亡奇也。雖有亦安所施。足下以清
明之德。掌周稷之業。猶饑者甘糟糠。穰歲餘梁肉。何則。
有亡之勢異也。昔陳平雖贇。須魏倩而後進。韓信雖奇。
賴蕭公而後信。故事各達其時之英俊。若必伊尹呂望
而後薦之。則此人不因足下而進矣。邑感敞言。貢薦贇。

士大夫多得其助。爲列卿。居處儉節。祿賜以其九族鄉黨家亡餘財。卒。天子閔惜。下詔曰。大司農邑廉潔守節。退食自公。無疆外之交。束脩之餽。可謂淑人君子矣。遭離凶災。朕甚閔之。其賜邑子黃金百斤。奉其祭祀。初。邑疾病。屬其子曰。我故爲桐鄉吏。其民愛我。必葬我桐鄉。後世子孫奉嘗我。不如桐鄉民。及死。子葬之桐鄉西郭外。民果共起冢立祠。歲時祠祭之。愈久不絕云。

召信臣

字仲翁

九江壽春人。爲穀陽上蔡長。視民如子。所

居見稱述。歷零陵南陽太守。爲人勤力。有方畧。好爲民興利。務在富之。躬耕勸農。出入阡陌。止舍離鄉亭。稀有

安居時行視郡中水泉開通溝瀆起水門隄閘凡數十處以廣灌溉歲歲增加多至三萬頃民得其利蓄積有餘爲民作均水約束刻石立田畔防分爭禁止嫁娶送終奢靡務出於儉約府縣吏家子弟好游敖不田作者輒斥罷之甚者案其不法以視好惡其化大行郡中莫不耕稼力田百姓歸之戶口增培盜賊獄訟衰止吏民親愛之號曰召父遷河南太守治行第一徵爲少府奏請上林諸離遠宮館希幸御者勿繕治其張奏省樂府黃門倡優諸戲及宮館兵弩什器奏罷不時非法諸供養食物歲省費數十萬元始中詔祀百辟卿士有益於

民者。蜀郡以文翁。九江以信臣。應詔歲時二千石率官屬奉祠焉。蓋一時吏治以寬厚弘恕。農田教化爲先務。如此古治象存焉。它諸明果豪敢吏。張敞趙廣漢尹翁歸之倫。亦各斤斤以所能效官云。

雋不疑

字曼倩

渤海人。治春秋爲郡文學。進退以禮。武帝

末。郡國盜賊並起。直指使者暴勝之等。衣繡衣。杖斧。逐捕盜。威振州郡。勝之素聞不疑。請與見。不疑盛服博帶。詣門謁。儀觀偉甚。勝之躡屣起。迎登堂坐。定。不疑據地曰。竊伏海濱。聞公子威名舊矣。今乃承顏接辭。凡爲吏太剛則折。太柔則廢。威行施之以恩。然後樹功揚名。

永終天祿。勝之敬納其戒。深接以禮意。問當時所宜施行。至昏夜乃去。及還。表薦之。召拜青州刺史。昭帝時。齊王孫劉澤結豪傑謀反。欲先殺刺史。不疑先發覺。收捕伏辜。擢京兆尹。京師吏民敬其威信。其爲吏嚴而不殘。始元五年。有男子乘黃犢車。建黃旛。衣黃襜褕。著黃冒。詣北闕。自稱衛太子。公車以聞。詔公卿將軍二千石雜識視。長安中吏民聚觀者數萬人。右將軍勒兵闕下。備非常。至者莫敢發。京兆尹後到。叱從吏收縛。或曰。是非未可知。且安之。不疑曰。諸君何患於衛太子。昔蒯瞶違命出奔。輒距而不納。春秋是之。衛太子得罪先帝。亡不

即死。今來自詣。此罪人也。遂送詔獄。帝與大將軍光聞而嘉之。曰。公卿大臣當用有經術。明於大誼者。繇是不疑。名重於朝廷。在位者皆以爲莫及也。廷尉驗治。竟得其姦詐。大將軍欲妻以女。辭。久之以病免。終于家。後趙廣漢爲京兆。常言。我禁姦止邪。獨行於吏民細耳。朝廷事何敢望不疑。蓋厭服如此。

廣漢。涿郡蠡谷人。爲人彊力精吏職。尹京兆。守潁川。誅鋤強暴豪俠。爲姦利者。中貴人豪家爲請。終不聽。尉薦下吏殷勤甚備。推功善歸之。下吏人樂爲用。僵仆無所避。或負者案之罪。立具。立伏辜。尤善爲鈎距。以得事情。鈎距者。設欲知馬賈。則先問狗。已問羊。又問牛。然後及馬。參伍其賈。以類相準。而馬貴賤之賈可知也。郡中盜賊。閭里輕俠。其根株窟宅所在。及吏受取請求。銖兩之姦。畢知之。長安少年數人。會窮里空舍中。謀共劫人。坐

語未訖，廣漢已使吏捕治，且服富人。有爲郎者，二盜方劫持之，有頃，廣漢將吏至，立庭上，使長丞叩戶曰：「京兆尹謝兩卿，無得殺質，此宿衛臣也。」釋質，束手善相遇。幸逢赦，或脫，二人驚愕，開戶出下堂叩頭。廣漢謝曰：「幸全活，卽送獄。」勅吏謹遇，給酒肉。至冬，當出死，豫爲調棺，給歛葬，具告語之。皆曰：「死無所恨。」廣漢嘗記召湖都亭長趙君，亭長行至，與語，問事畢，謂曰：「界上亭長，寄聲謝問我，何不爲致問？」亭長叩頭，服實有之。廣漢因曰：「還爲吾謝界上亭長，勉思職事，自效。」京兆不忘卿厚意，發奸擿伏，類如神也。先是，長安游徼獄吏秩微薄，自輕易，犯灋，自廣漢奏請秩百石，後差皆自重，不敢枉灋矣。京兆政清，吏民稱之，不容口。長老傳以爲：「漢興來，治京兆者，莫能及也。」頗好侵犯，貴戚大臣所居，好用世吏子孫，新進年少，見事風生，無所迴避，坐摧辱丞相，賊殺不辜，擅斥除騎士，論要斬吏民，守闕號泣者數萬人，言生無益縣官，願代趙京兆死，使牧養小民，然竟誅。

尹翁歸，河東平陽人，爲東海太守，過辭廷尉于定國。定國家東海，欲託其邑子兩人，令坐後堂待見之。定國與翁歸語竟，日不敢以邑子見。旣去，謂之曰：「此賢將，汝不

任事也。又不可干以私。翁歸治東海明察郡中吏民賢不肖及黷吏豪民姦邪罪名盡知之。縣各有記籍自聽其政。有急召則緩之。及間小解輒披籍收取收取人必於秋冬課吏大會中及出行縣下以無事其有所取也案致其罪高至於死。即豪猾莫能以勢力變詐自解脫以一警百。吏民恐懼皆改行自新。以高第入守扶風。滿歲爲真。選用廉平疾惡吏爲右職。接待以禮。好惡與同。其負翁歸罰亦必行。治如在東海盜賊發翁歸輒召縣長吏曉告以姦黷主名。教使推迹盜所過抵。常如翁歸言。緩於小弱。急於豪彊。有論罪輸作畜官。使斫莖責以員程。不得取代。不中程輒笞督極者至以鉄自剄。扶風大治盜賊課常爲三輔最。翁歸爲政雖任刑其在公清潔自守。語不及私。又溫良謙退。不以行能驕人。數歲卒。家無餘財。制詔御史。朕風興夜寐以求賢爲右。不異親疎近遠。務在安民而已。扶風翁歸廉平鄉正治民異等。早夭不遂。不得終其功業。朕甚憐之。其賜翁歸子黃金百斤。以奉其祭祀。

張敞字子高。平陽人。初以太僕丞諫昌邑王動作不法。顯明爲豫州刺史。徵大中大夫。以忤大將軍。出爲山陽太守。大將軍薨。霍氏事有端。白請羣臣引義。請損霍氏。

權毋明詔自親已上故昌邑王起居狀對皆遣慮具帝紀中父之渤海膠東歲不登盜賊並起至攻官寺篡囚徒敵尚書父處問郡身逸樂惟明詔之所處願盡死徵拜膠東相賜黃金而遣敵自請治劇郡非賞罰不効吏追捕有功効者願得比三輔尤異至膠東設購賞開羣盜令相捕斬除罪盜賊解散國中遂平徵守京兆尹自趙廣漢誅後比更守尹皆不稱長安市多偷兒百賈苦之帝問敵敵以爲可禁求問長安父老且知盜賊酋數人居皆溫厚出從童騎閭里以爲長者敵召見把其宿負責問之許貰罪令致諸偷以自贖偷長日今一旦召詣府恐諸偷驚駭願一切受署敵皆以爲吏遣歸休置酒小偷悉來賀飲且醉偷長以赭汙其衣裾吏坐閭門閱出者汙赭輒収縛之一日捕得數百人窮治所犯或一人百餘發盡灋之繇是抱鼓稀鳴市無偷盜敵爲人敏疾賞罰分明見惡輒取畧循趙廣漢之迹方畧耳目不如廣漢然本治春秋以經術自輔表賢顯善不醇用誅罰時時越灋縱舍有足大者京兆典京師長安中浩穰於三輔郡國二千石以高第入及爲真父者不過二三年近者數月輒毀傷失名去唯廣漢及敵爲久任也初黃霸以潁川守徵入尹京兆不稱罷歸潁川召用敵

敞居位九年，而霸已徵入爲丞相，敞終不遷，數以事傾丞相，會充祿勳，楊惲坐逆誅，公卿奏惲黨友，不宜處位，他被劾皆免，而敞奏獨留中，敞使賊捕掾絮舜，有案驗，舜以敞當免，不肯爲竟事，私歸家，人或諫舜，舜曰：「吾爲是公盡力多矣，今五日京兆耳，安能復案事？」敞聞舜語，卽部吏收舜繫獄，窮晝夜驗治，時冬月未盡，裁數日，竟致其死事，當出死，敞使主簿持敕告舜曰：「五日京兆竟何如？冬月已盡，延命乎？」乃棄舜市，會立春，行寬獄使者出，舜家載尸，并編敞教，詣使者言狀，使者奏敞賊殺不辜，當重辟，天子惜其能，欲令得自便，卽先下敞前坐楊惲不處位奏，免之，敞詣闕上印綬，從闕下亡命去，數月京師吏民解弛，枹鼓數起，而冀州部中有大賊，莫能得天子思敞功効，使使者卽在所召敞，敞身被重劾，使者至，妻子家室皆立，敞獨笑曰：「吾亡命爲民，郡吏當就捕，今使者來，此天子欲用我也。」卽裝隨使者詣公車，上書曰：「臣前幸得備列卿，待罪京兆，坐賊殺捕掾絮舜，舜不臣敞素所厚吏，數蒙恩貸，以臣有章劾當免，受記考事，便歸卧家，謂臣五日京兆，背恩忘義，傷化薄俗，臣竊以舜無狀，枉灋誅之，臣敞卽坐賊無辜，伏灋死，無所恨，天子引見，拜冀州刺史，旣到部，以耳目發起賊主名，立誅。」

其崇帥、廣川王姬昆弟及王族宗室調陰爲盜囊橐。吏逐捕窮窘，走王宮。敞迹知，則自將吏車數百兩圍王宮。索得之，毀屋重轅中，立斷頭縣王宮門外。因劾王，削其封邑戶歲餘。盜賊屏息，守太原太守。太原郡清，宣帝崩，待詔鄭朋薦敞輔太子。元帝問前將軍望之，望之曰：「敞能吏，任治煩亂，然材輕，非大受罷，不用用爲左馮翊，會病卒，而敞所誅殺太原吏怨敞，隨喪至杜陵，刺殺其中于橫。」

蓋寬饒，魏郡人，爲司馬，出殿門，斷其禪衣，令短離地，冠大冠，帶長劔，躬爲士伍裝，行士卒廬舍，視其飲食居處有疾病，身撫循臨問，加醫藥。歲盡，卒當代。天子臨饗，罷遣數千人，皆叩頭自請願復留更一年，報寬饒厚德。宣帝嘉之，擢司隸校尉，刺舉無迴撓。平恩侯許伯治第成，丞相鄧史將軍二千石皆往賀。寬饒不行，許伯請之，乃往。許伯於西階上東鄉，特設坐自酌之，曰：「蓋君後至，寬饒曰：『無多酌我。』我乃酒狂。」魏丞相笑曰：「次公醒而狂，何必酒也。」坐者皆屬目。畢下之。酒酣樂作，長信少府檀長卿起舞，爲沐猴與狗鬪，坐皆大笑。寬饒不說，叩視屋嘆曰：「美哉！然富貴無常，忽則易人。此如傳舍，所閱多矣。惟謹，慎爲得久。」君侯不可不戒。因起趨出，幼長信少府以

列卿而沐猴舞大不敬帝欲罪少府許伯爲謝良久乃得解寬饒剛直守高志在奉公身爲同隸子常步行壯戍邊公廉如此時帝方用刑濩爲理信任中書宦官寬饒奏封事言方今聖道寢廢儒術不行以刑餘爲周召以法律爲詩書觸帝所諱惡又引韓氏易傳言五帝官天下三王家天下家以傳子官以傳賢若四時之序功成者去語無章帝怒下其書廷議議以爲寬饒指求擅逆不道諫大夫鄭昌愍傷之上書頌曰臣聞山有猛獸藜藿爲之不采國有忠臣姦邪爲之不起司隸較尉寬饒若不求安食不求飽進有憂國之心退有死節之義上無許史之屬下無金張之託職在司察直道而行多讐少與上書陳事有司劾以大辟臣得從大夫之後官以諫爲名敢盡其愚帝不聽下寬饒吏寬饒引佩刀自到北闕下初太子庶子王生高寬饒節而非其倨高予書曰明主知君潔白公正不畏疆禦故命君以司察之位擅奉使之權矣宜夙夜思當世之務奉法宣化憂勞天下乃欲以太古久遠之事匡拂天子數進不用難應之語以摩切左右非所以揚令名全壽命也今用事之人皆明習法令言足以飾君之辭文足以成君之過而君不惟遽氏之高蹤慕子胥之末行用不訾之軀臨不

測之險。竊爲君痛之。夫君子直而不挺。曲而不詘。夫惟大雅。既明且哲。以保其身。唯裁省覽。寬饒不能用。而及於禍。上宣帝時。循吏能吏。

成哀平之世。天子昏德。王氏憑勢。劉充祿。王京兆。輸猥狠之忠。丁傳。董賢之寵。師太傅。王丞相。鮑孫二司隸。以其身格焉。於是廷臣多憤激。攄憂君之忠。其在郡國循良時有。而豪敢吏視前時。愈疾力取尤效矣。

薛廣德。

字長卿。

沛郡相人也。溫雅有醜藉。拜御史大夫。以

諫爭守官。元帝幸甘泉。郊泰畤。禮畢。因畱獵。廣德諫曰。

今關東困極。人民流離。而陛下日撞亡秦之鐘。聽鄭衛

之樂。臣竊悼之。今士卒暴露。從官勞倦。願陛下反宮。思

與百姓同其憂樂。帝即日還宮。其秋耐祭宗廟。帝出便門。欲御船。廣德當車免冠頓首曰。宜從橋。帝曰。大夫冠。廣德曰。陛下不聽臣。臣自刎以血汚車輪。陛下不得入廟矣。帝不說。光祿大夫張猛曰。臣聞主聖則直。乘船危。從橋安。聖主不乘危。御史大夫言可聽。帝曰。曉人不當如是耶。乃從橋。

朱雲

字游

魯人。徙平陵。少通輕俠。後受易論語。好倜儻大

節。成帝時。安昌侯張禹以帝師位特進。尊重而頗阿王氏。雲爲槐里令。中廢。乃上書求見。公卿在前。雲曰。今朝廷大臣。上不能匡主。下無益於民。皆尸位素餐。孔子所

謂鄙夫不可與事君者也。臣願賜上方斬馬劍，斷佞臣一人頭，以厲其餘。帝問誰也。對曰：安昌侯張禹。帝大怒曰：小臣居下，訕上，延辱師傅，罪死不赦。御史將雲下，雲攀殿檻，檻折，雲呼曰：臣得下從龍逢、比干，遊於地下，足矣。未知聖朝何如耳。左將軍辛慶忌免冠解印綬，叩頭殿下曰：此臣素以狂直著名，使其言是，不可誅也。其言非，固當容之。叩頭流血。帝意解，得謝罷。後當治檻。帝曰：勿易。因輯之以旌直臣。

鮑宣

字子都

渤海高城人。哀帝時爲諫大夫。上書言竊見

孝成皇帝時，外親持權，人牽所私，以克塞朝廷，濁亂天

下日。燭且十。彗星四起。此陛下所親見。而既嘗憤悵。非之矣。今柰何反覆劇於前乎。今朝廷亡大儒骨鯁。白首耆艾。魁壘磊之臣。論議通古今。憂國如饑渴者。而陛下敦外親。小童及幸臣董賢等。欲與共承天地。安海內。甚難。今民有七亡。陰陽不和。水旱爲災。一亡也。縣官重責。更賦租稅。二亡也。貪吏並公。受取不已。三亡也。豪彊大姓蠶食亡厭。四亡也。苛吏繇役。失農桑時。五亡也。部落鼓鳴。男女遮遯。晉灼曰。古列字。師古曰。言遮列追捕也。六亡也。盜賊劫畧。取民財物。七亡也。七亡尚可。又有七死。酷吏毆殺。一死也。治獄深刻。二死也。冤陷亡辜。三死也。盜賊橫發。四死也。

也。怨讎相殘。五死也。歲惡饑饉。六死也。時氣疾疫。七死也。民有七亡而無一得。欲望國安誠難。民有七死而無一生。欲望刑措誠難。夫天下乃天之天下也。陛下上爲皇天子。下爲黎庶父母。牧養元元。當視之如一。合鴈鳩之詩。今貧民菜食不厭。衣又空穿。父子夫婦不能相保。可爲酸鼻。陛下不救柰何。獨私養外親。與幸臣董賢多賞賜。以大萬數。使奴從賓客漿酒藿肉。蒼頭廬兒皆用致富。逆天意乎。方陽侯孫寵。宜陵侯息夫躬。辯足以移衆。彊可用獨立。姦人之雄。或世尤劇者也。宜以時罷退。而急徵故大司馬傅喜。使領外親。故大司空何武。師丹。

故丞相孔光。故左將軍彭宣。經皆更博士。位皆歷三公。智謀威信。可與建教化。圖安危者也。龔勝爲司直。郡國皆慎選舉。三輔委輸官。不敢爲姦。陛下前以小不忍。退武等。海內失望。陛下尚能容亡功德者甚衆。曾不能忍武等耶。治天下者。當用天下之心爲心。不得自專快意而已也。臣誠迫大義。官諫諍爲職。不敢不竭愚。帝不聽。然以其名儒優容之。已又䟽言。陛下父事天。毋事地。子養萬民。卽位以來。父虧明。母震動。子訛言相驚矣。今又日食於三始。誠可畏懼。小民正朔日。尚不欲毀敗器物。况日虧乎。陛下深內自責。避正殿。舉直言。求過失。退外

親徵拜孔光。發覺寵躬過惡。衆庶翕然。莫不說喜。天人同心。人心說。則天意宐解。凡白虹干日。連陰不雨。此天有憂結未解。而民有怨望未塞也。董賢以令色諛言自進。賞賜無度。竭盡府藏。海內貢獻。當養一君。今反盡之。賢家豈天意與民心耶。厚之如此。適以害之。誠欲哀賢。宜爲謝過天地。解讎海內。免遣就國。收乘輿器物。還之縣官。如此。可以父子終其性命。不者。宇內之所讐。未有能久安者也。夫高門去省戶數十步。出入二年。求見未省。欲使海瀕。反陋自通。遠矣。願賜數刻之間。竭翬翬之思。退入三泉。死亡所恨。拜司隸。會丞相光行園陵。官屬

以令行馳道中。宣出逢使吏鉤止。沒入其車馬。坐摧辱
宰相。下御史捕從事。宣閉門不納。以距閉使者。劾大不
敬不道。下獄。諸生舉幡太學下。曰。欲救鮑司隸者會此。
會者千餘人。遮丞相自言。又守闕上書。帝竟抵宣罪。後
死王莽之禍。

梅福。

字子真。

壽春人。成帝時。以南昌尉上書曰。臣聞箕子

佯狂。而爲周陳洪範。叔孫通遁秦歸漢。而制作儀品。去
叔孫。非不忠也。箕子非䟽其家而畔親也。不可爲言也。
昔高祖納善若不及。從諫如轉圜。聽言不求其能。舉功
不考其素。陳平起於亡命。而爲謀主。韓信拔自行陳。而

爲上將。故天下之士雲合歸漢。知者竭其策。愚者盡其慮。勇士極其節。怯夫勉其死。是以舉秦如鴻毛。取楚若拾遺。此高祖所以無敵於天下也。孝文皇帝循高祖之法。加之以共儉。天下治平。繇是言之。循高祖之法。則治。不循則亂。孝武皇帝好忠諫。說至言。出爵不待廉茂。慶賜不須顯功。是以天下布衣各厲志竭精以赴闕廷。自銜鬻者不可勝計。漢家得賢於此爲盛。使孝武聽用其計。斥平可致。於是積尸暴骨。快心胡越。淮南王安緣間而起。所以計慮不成而謀議泄者。以衆賢聚於本朝。其大臣執陵不敢和從也。方今布衣乃窺國家之隙。見間

而起。蜀郡是也。及山陽徒蘇令之羣。蹈藉名都大郡。求
黨與。索隨和。而亡逃匿之意。此皆輕量大臣。無所畏忌。
國家之權輕。故匹夫欲與上爭衡也。夫士者。國之重器。
待士則重。失士則輕。詩云。濟濟多士。文王以寧。齊桓之
時。有以九九見者。桓公不逆。欲以致士也。四海之廣。士
民之衆。能言之類。至多也。然其雋傑。指世陳政。言成文
章。質之先聖而不繆。施之常世合時務。若此者。亦無幾
人。今陛下不納天下之言。又加戮焉。夫鳶鵲遭害。則仁
鳥增逝。愚者蒙戮。則智士深退。間者愚民上疏。多觸不
急之法。或下廷尉而死者衆。天下以言爲諱。羣臣承順。

上指。莫有執正。故京兆尹王章。資質忠厚。敢面引廷爭。孝元皇帝擢之。以厲具臣而矯曲朝。及至陛下。戮及妻子。且惡惡止其身。章非有反畔之辜。而殃及其家。折直士之節。結諫臣之舌。羣臣不敢爭。天下以爲戒。最國家之大患也。願陛下循高祖之軌。杜亡秦之路。數御十月之歌。留意亡逸之戒。除不急之法。下無諱之詔。博覽兼聽。謀及疎踐。深者不隱。遠者不塞。則往者雖不可及。而來者猶可追也。方今君命犯而主威奪。外戚之權。日以益隆。陛下不見其形。願察其景。建始以來。日食地震。以率言之。三倍春秋。水災亡與比數。陰盛陽微。金鐵爲飛。

此何景也。漢興以來。社稷三危。呂霍上官。皆母后之家。親親之道。全之爲右。自霍光之賢。不能爲子孫慮。是以權臣易世。則危。書曰。毋若火始庸庸。勢陵於君。權隆於主。然後防之。亦無及已。福孤遠。又譏切王氏。故終不見納。自是福家居。常以讀書養性爲事。王莽顓政。一朝棄妻子去。人傳以爲仙。後有見之會稽。變姓名爲吳門市卒云。

申屠剛。

字巨卿。

扶風茂陵人。丞相嘉後也。平帝時。王莽專

政。隔絕帝外家。不令通。剛以賢良對策曰。臣聞成王幼少。周公攝政。聽言下賢。惟仁是親。動順天地。舉措不失。

然近則召公不悅。遠則四國流言。今聖主幼少。始免襁
褓。卽位以來。至親分離。外戚杜隔。恩不得通。夫漢家之
制。雖任英賢。猶援婣戚。親疎相錯。杜塞間隙。誠所以安
宗廟社稷也。今馮衛無罪。久廢不錄。或處窮僻。不若民
庶。誠非慈愛忠孝。承上之意也。夫爲人後者。自有正義。
至尊至卑。其執不嫌。是以人無賢愚。莫不抑悞。不諱之
變。誠難其慮。今之保傅。非古之周公。周公至聖。猶尚有
累。何況事失其衷。不合天心者哉。陛下宜遂明聖之德。
遠述帝王之迹。近遵孝文之業。差五品之屬。納至親之
序。亟遣使者。徵中山太后。置之別宮。令時朝見。又召馮

衛二族。裁授冗職。使得執戟親奉宿衛。以上安社稷。下全保傅。內和親戚。外絕邪謀。防未然之符。莽以爲違經僻說。罷歸田。莽篡位。剛避地河西。轉入蜀。二十餘年。及世祖載劓。隗囂欲據隴右。背漢。剛說之日。愚觀本朝躬聖德。舉義兵。龔行天罰。所當必摧。此天之所福。非人力也。將軍宜推誠奉順。應天酬人。爲國立功。可以永年。嫌疑之事。聖人所絕。以將軍之威重。遠在千里。動作舉措。可不慎與。今璽書數到。委國歸信。欲與將軍同其吉凶。匹夫相與。尚有沒身不負然諾之信。況於萬乘者哉。而將軍何疑焉。卒有非常之變。上負忠孝。下愧當世。夫未

至豫言固常爲虛。及其已至。又無所及。願反覆愚老之言。建武七年。詔徵剛入朝。剛復與囂書曰。愚聞專已者。孤拒諫者塞。雖有明聖之資。猶屈已從衆。故聖人不以獨見爲明。而以萬物爲心。順人者昌。逆人者亡。此古今之所共也。將軍廊廟之計。既不豫定。動軍發衆。又不深料。今東方政教日睦。百姓平安。而西州反復發兵。懷憂騷動。夫天之所祐者順人。之所助者信。不信不順。令人受塗地之禍。毀終身之德。亂君臣之節。傷父子之恩。決意徼幸。此何如哉。囂不納。剛至。拜侍御史。遷尚書令。以

數切諫失官。卒。

爭臣。

薛宣

字翁君

東海郟人也。以大司農屬察廉補不其丞。琅

琊太守趙貢說其能。從宣行屬縣。還至府。令妻子與相見。戒曰。贛君至丞相。我兩子亦中丞相史。遷樂浪都尉。丞舉茂材爲宛句令。大將軍鳳薦爲長安令。補御史中丞。成帝初。上疏曰。陛下至德仁厚。哀閔元元。躬日仄之勞。而亡佚豫之樂。允執聖道。刑罰惟中。然而嘉氣尚凝。陰陽不和。是臣下未稱。而聖化有未洽也。臣伏思其一端。殆吏多苛政。部刺史或不循守條職。舉錯各以其意。多與郡縣事。至開私門。聽讒佞。以求吏民過失。譴呵及細微。責才不量力。轉相迫促。流及衆庶。是故鄉黨闕嘉

賓之懽。九族亡親親之恩。飲食周急之厚。彌衰送往勞來之禮不行。夫人道不通。則陰陽否隔。和氣不興。未必不繇此也。詩曰。民之失德。乾餱以愆。諺曰。苛政不親。煩苦傷恩。方刺史奏事時。宜明申飭。使昭然知本朝之要務。帝嘉納之。出爲陳留太守。遷守左馮翊。高陵令陽湛。櫟陽令謝游。皆貪猾不遜。持郡短長。前二千石數案不能竟。及宣視事。詣府謁。宣接待甚備。已具得其罪臧。宣祭湛有改節相敬之效。迺手牒書條其姦臧封與之曰。吏民條言。君如牒。或議以爲疑於主守盜。馮翊敬重令。又念十金法重。不忍相暴章。故密以手書相曉。欲君自

圖進退。可復伸眉於後。卽無其事。復封還記。得爲君分
明之湛。自知罪臧。皆應記。而宣辭語溫潤。無傷害心。卽
解印綬。付吏爲記。謝宣去。終無怨言。而櫟陽令自以大
儒有名。輕宣。宣移書顯責之曰。告櫟陽令。吏民言令治
行煩苛。適罰作使千人以上。賊取錢財數十萬。給爲非
法。賣買聽任富吏。賈數不可知。證驗以明白。欲遣吏考
案。恐負舉者。耻辱儒士。故使掾平鑄令。孔子曰。陳力就
列。不能者止。令詳思之。方調守。游得檄。亦解印綬去。又
頻陽縣。北當上郡西河。爲數郡輳。多盜賊。其令平陵薛
恭。本孝者。用功次遷。未嘗治民。職不辦。而粟縣小。辟在

山中民謹樸易治。令鉅鹿尹賞。久郡用事。吏爲樓煩長。舉茂材遷。宣卽奏賞與恭。換縣而兩縣皆治。宣移書勞勉之曰。昔孟公綽優於趙魏老而不宜。滕薛故或以德顯。或以功舉。君子之道焉可誣也。屬縣各有賢君。馮翊垂拱蒙成。願勉所職。卒功業。宣爲吏。賞罰明。用法平。而必行。得郡中吏民罪。輒召告其縣長吏。使自行罰。曉曰。府所以不自發舉者。不欲代縣治。奪賢令長名也。池陽令舉掾王立廉。未及召。聞立受囚家錢。以讓縣。縣案驗。乃其妻獨受繫者錢。掾實不知。掾慙自殺。宣聞之。移書池陽曰。縣所舉廉吏獄掾王立。家私受贓。而立不知殺。

身以自明。誠廉節士。甚可憫惜。以府決曹掾書立。樞顯其魂。以日至休吏。賊曹掾張扶不肯休。坐曹治事。宣出教曰。蓋禮貴樂和人。道尚通。日至吏以令休。所繇來久矣。曹雖有公職事。家亦望私恩意。掾宜從衆歸對妻子。設酒殽。請鄰里一咲相樂。斯亦可矣。扶慙愧之。宣性密靜。有思省吏職。求其便安。下至財用筆硯。皆爲設方畧。利用而省費。吏民稱之。遷少府。谷永疏曰。竊見少府宣材茂行縈。達於從政。前爲御史中丞。執憲轂下。不吐剛茹柔。舉錯時當。出守臨淮。陳留二郡。稱治。爲左馮翊。崇教養善。威德並行。衆職脩理。姦軌絕息。辭訟者。歷年不至丞相府。赦後餘盜賊。什分三輔之一。功效卓爾。自左內史初置以來。未嘗有也。孔子曰。如有所譽。其有所試。宣考績功課。簡在兩府。不敢過稱。以奸欺誣之。臯臣聞賢材莫大於治人。宣已

有效其法律任廷尉有餘經術文雅足以謀王體斷國
論身兼數器有退食自公之節無私黨游說之助臣恐
陛下忽於羔羊之詩舍公實之臣任華虛之
譽是用越職陳宣行能唯陛下留臣考察
遷御史大夫數月代張禹爲丞相封高陽侯果除趙貢兩子爲史
宣所在而治爲世吏師及居大位以苛察失名史固以
爲罷誠有極云

何武

字君公

蜀郡郫縣人宣帝時舉賢良方正爲諫大夫

遷楊州刺史所部二千石有罪應時舉奏先露章服罪
者爲虧除免之而已不服則致法抵罪或至死自餘賢
不肖敬之如一是以郡國各重其守相每行部必先即
學宮試其誦論問以得失然後入傳舍出記問墾田頃

畝五穀美惡已。乃見二千石以爲常州中清平。九江太守戴聖。禮經號小戴者也。治不法。前刺史以其大儒優容之。武有所舉刺。以屬郡。聖曰。後進生何知。乃欲亂人治。皆無所決。武廉得其罪。聖懼自免。後爲博士。盛毀武于朝。武聞之。終不揚其惡。而聖子爲群盜。得繫廬江。聖自以子必死。武平心決之。得不死。自是聖大慙服。每武奏事至京。未嘗不造門謁謝也。初武爲郡吏時。事太守何壽。壽知武有宰相器。厚之。後壽爲大司農。其兄子爲廬江長史。武奏事在邸。壽爲具。召武弟顯。及故人楊覆衆等。酒酣。見其兄子。意屬之。顯以謂武。武曰。刺史古方

伯上所委任。職在進善退惡。吏治行有茂異。民有隱逸。乃當召見。不可有所私。顯覆衆強之。不得已。召見。賜卮酒。歲中。廬江太守舉之。其守法見憚如此。已遷御史大夫。改大司空。封汜鄉侯。武爲人。仁厚好士。樂稱人之善。爲楚內史。厚兩龔。在沛郡。厚兩唐。及爲公卿。薦之朝。然疾朋黨。問文吏必於儒者。問儒者必於文吏。以相參驗。欲除吏。先爲科例。以防請託。其所居無赫赫名。而去常見思。及爲相。功名畧比薛宣。材不及也。而經術正直過之。武遣吏迎後母就養。吏以道路有盜賊。迎不至。以事親不篤見策免。諫大夫鮑宣數稱寃之。後五歲。天子感

丞相王嘉之對。徵爲前將軍。詔舉太常新都侯莽。私從武求舉。武不應。哀帝崩。詔舉大司馬。舉朝皆舉莽。武與左將軍公孫祿謀。以爲往孝惠孝昭少主之世。外戚呂霍上官。幾危社稷。今比世無嗣。當選立親賢輔幼主。不宜令異姓大臣獨持權便。於是武祿互相舉。而太后竟自用莽爲大司馬。莽風有司。奏武祿相稱舉。自爲黨。皆免就國。後莽陰除不附已者。武見誣自殺。

卓茂

字子康

南陽宛人。習詩禮。美歷極師法。稱通儒。性寬

仁恭儉。恬澹樂道。雅實不爲華貌。行已在於清濁之間。鄉黨故舊。雖行能與茂不同。皆愛慕忻忻焉。初辟丞相

府史事孔炆。炆稱其長者。嘗出行。有人認其馬。茂問曰。子亡馬幾時矣。對曰。月餘日矣。茂心知其謬。默解與之。挽車去。顧曰。若非公馬。幸至丞相府歸我。他日馬主別得馬。乃詣府送馬。叩頭謝。性不爭如此。哀平間。爲密令。視民如子。舉善而教。口無惡言。吏民親愛而不忍欺之。民嘗有言部亭長受其米肉遺者。茂曰。亭長爲從汝求乎。爲汝有事囑之而受乎。將平居自以恩意遺之乎。民曰。往遺之耳。茂曰。遺之而受。何故言耶。民曰。竊聞賢明之君。便民不畏吏。吏不取民。今我畏吏。是以遺之。吏既卒受。故來言耳。茂曰。汝爲蔽民矣。凡人之生。所以羣居。

不亂異於禽獸者。以其有仁愛禮義。知相敬事也。汝獨不欲脩之。寧能高飛遠走。不在人間耶。吏顧不當乘威力強請求耳。亭長素善吏。歲時遺之禮也。民曰。苟如此。律何故禁之。茂笑曰。律設大法。禮順人情。今我以禮教汝。汝必無怨惡。以律治汝。汝何所措其手足乎。一門之內。小者可論。大者可殺也。且歸念之。初茂到縣。所廢置吏民共咲之。鄰城聞者。皆嗤其不能。河南郡爲置守令。茂不爲嫌。治事自若。數年。毅化大行道。不拾遺。平帝時。天下大蝗。獨不入密縣界。督郵言之府。太守不信。自出按行。見之服焉。遷京部丞。密人老少皆涕泣隨送。王莽

居攝以病免歸。炆武卽位，先訪求茂，拜太傅，封褒德侯。卒，賜棺槨冢地，素服臨葬焉。

上循吏

王尊，涿郡高陽人，爲號令，兼行美陽令事。美陽女子告假，子不孝，曰：「兒常以我爲妻，詎答我尊，捕驗問，辭服。」尊曰：「律無妻母之條，聖人所不忍書，此經所謂造獄者也。」於是坐廷上，取不孝子，縣磔著樹，使騎吏五人、張弓射殺之。吏民驚駭，後上行幸雍，過虢，供張辦，以高第擢安定太守。到官，出敎告屬縣曰：「令長丞尉奉灋守職，爲民父母，抑彊扶弱，宣廣恩澤，甚勞苦矣。太守以今日至府，願諸君卿勉力正身以率下，故行貪鄙，能變更者，與爲治。慎毋以身試灋，又出敎救掾功曹，各底厲助太守爲治，其不中用，趣自避，毋久妨賢。」夫羽翮不脩，不可以致千里，闔內不理，無以整外。府丞悉署吏行能，別白之，賢爲上，毋以富貲。昔孔子治魯七日，誅少正卯，今太守視事一月矣，五官掾張輔懷虎狼之心，貪汙不軌，一部之威盡入輔家，然適足以葬矣。今將輔送獄，直符史詣閣下，從太守受事，輔繫數日，盡得其狡猾不道，臧百萬，斃之。威振郡中，盜賊分散，入傍郡界，坐殘賊免，遷益州刺史。

史、先刺史王吉、行部至邛崃、九折坂、歎曰、奉先人遺體、奈何數乘此險、以病去、及尊行至其坂、問吏曰、此非王陽所畏道耶、吏對曰、是也、尊叱其馭、曰、驅之、王陽爲孝子、王尊爲忠臣、遷東平王相、王至親驕不灋、傳相數連坐、尊視事、奉璽書至廷中、王久不出、即持璽書歸舍、食已、乃還致詔、先是王數以私出入國中、與后姬家交通、尊救廐長、王當從官屬鳴和鸞乃出、自今有令、駕小車、叩頭爭言、相教不得、王太后奏尊倨傲不臣、坐免爲庶人、久之、擢司隸較尉、糾丞相衡、御史大夫譚、坐詆欺赦前事、塗汗宰相、左遷高陵令、以病免、會南山羣盜起、歲餘、吏不能禽、制召守京輔都尉、旬月間盜賊清、守京兆尹三歲、御史大夫忠奏、尊暴虐不改、免、湖三老公乘與上書訟之、曰、往者南山盜賊、阻山橫行、剽劫良民、殺奉法吏、道路不通、城門爲警、步兵較尉、暴師露衆、曠日頓費、不能禽、制二卿坐黜、羣盜寢強、吏氣傷沮、流聞四方、爲國家憂、當此之時、有能捕斬、不愛金爵、重賞、詔關內侯寬中、問所徵、故司隸較尉王尊捕盜方畧、拜諫大夫、守京兆尹事、尊盡節勞心、夙夜思職、卑禮下士、厲奔北之吏、起沮傷之氣、二旬之間、大黨震壞、渠率效首、賊亂蠲除、民反農業、拊循貧弱、鋤耒豪強、長安宿豪大猾、通

邪結黨、并兼役使、爲百姓豺狼、更數二千石、二十年莫能禽討、尊以正法案誅、皆伏其辜、姦邪銷釋、吏民說服、尊撥劇整亂、誅暴禁邪、皆前所稀有、各將所不及、雖拜爲真、未有殊絕褒賞、加於尊身、今御史大夫奏尊傷害陰陽、爲國家憂、無承用詔書之意、靖言庸違、象恭滔天、昔白起爲秦將、東破韓魏、南拔郢都、應侯譖之、賜死杜郵、吳起爲魏守西河、而秦韓不敢犯、譏人間焉、斥逐奔楚、此皆偏聽不聰、失人之患也、臣等竊痛傷尊、脩身潔已、砥節首公、刺議不憚、將相誅惡、不辟豪強、誅不制之賊、解國家之憂、功著職脩、威信不廢、一旦無辜、制于讐人之手、傷於詆欺之文、上不得以功除罪、下不得蒙棘木之聽、獨掩怨讎之偏奏、猥被其工之大惡、尊以京師廢亂、羣盜並興、選賢徵用、起家爲卿、賊亂既除、豪猾伏辜、即以佞巧廢黜、一尊之身、三期之間、乍賢乍佞、豈不甚哉、孔子曰、愛之欲其生、惡之欲其死、是惑也、浸潤之譖不行焉、可謂明矣、願下公卿大夫博士議、卽定尊素行、夫人臣而傷害陰陽、誅死之罪也、靖言庸違、放殛之刑也、審如御史章、尊乃當伏觀闕之誅、放於無人之域、不得苟免、及任舉尊者、當獲選舉之辜、不可但已、卽不如章、飾文深詆、以愬無罪、亦宜有誅、以懲殘賊之口、絕

詐欺之路、唯明主參詳、使白黑分別、書奏、復以尊爲徐州刺史、何並、平輿人、爲長陵令、道不拾遺、侍中王林卿、以邛城太后外家、通輕俠、貴傾京師、坐法免歸長陵、上冢、因留飲、連日、並恐其犯灋、自造門謁林卿、曰、冢間單外、君宜以時歸、林卿曰、諾、先是林卿殺婢、壻埋冢舍、並具知之、以非已時、又見其新免、不發舉、欲無令留界中而已、且遣吏奉謁、傳趣之行、林卿慚其賓客、去至涇橋、令騎奴還至寺門、拔劍剝其建鼓、並聞之、從吏兵自逐林卿數十里、林卿迫窘、乃令奴冠其冠、被其襜褕、代乘車、自從童騎變服、走問徑亡去、暮追及、收縛冠奴、奴曰、我非侍中、乃侍中奴耳、並心知已失林卿、乃曰、王君困、自稱奴、得脫成耶、叱吏斷頭、持還縣、所剝鼓置都亭下、署曰、故侍中王林卿坐殺人埋冢舍、使奴剝寺門鼓、林卿因亡命、衆庶譁以爲實、太后聞之、涕泣爲言、哀帝、哀帝問狀、善之、遷潁川太守、時潁川鍾元爲尚書令、領廷尉、用事、有權、弟威爲郡掾、賊累千金、並出守、過辭鍾廷尉、廷尉免冠爲弟請、並曰、罪在弟身、與天子灋耳、不在守也、元懼、馳遣人呼弟、亟入關、陽翟輕俠趙季李款、以氣力漁食閭里、持吏短長、縱橫郡中、聞並至、皆亡去、並下車求

勇力曉文灋吏治三人獄曰武吏往捕三人非負太宰乃負王灋不得不治鍾威所犯多在赦前驅入函谷關無令汚民間不入關乃收趙李桀惡雖遠去當得其頭以謝百姓鍾威負其兄止維陽吏格殺之與趙李皆縣頭及獄要於市郡中清靜表善好士見紀潁川並注廉清妻子不至官舍數年卒疾病召丞掾作書曰告子恢吾生素餐日久成法雖當得賻勿受葬爲小槨宣容下棺恢如命王莽擢恢關都尉建武中以並孫爲郎朱博杜陵人少伉俠好交以長安令最遷冀州刺史行部吏民數百人遮道自言官寺盡滿從事白請且留錄見諸自言者事畢乃發博告外趨駕白駕辦博出就車見自言者使從事明勅告吏民欲言縣丞尉者刺史不察黃綬各自詣郡欲言二千石墨綬長吏者使者行部還詣治所其民爲吏所寃及言盜賊辭訟事各使屬其部從事博駐車決遣四五百人皆罷去如流吏民大驚不意博應事變乃至於此後博徐問則老從事教民聚會欲以觀試博博殺此吏州郡畏懼遷瑯琊太守常令屬縣各用其豪傑爲大吏文武從宦縣有劇賊及它非常博輒移書詭責之其盡力有效必加厚賞懷詐不稱誅罰輒行以是豪彊懾服姑幕縣有羣輩八人報讐廷

中、皆不得、長吏自繫、書言府、賊曹掾史自白、請至姑幕、事留不出、功曹諸掾郎皆自白、復不出、於是府丞詣閣、博乃見丞、掾曰、以爲縣自有長吏、府未嘗與也、丞掾謂府當與之、耶閣下書佐入、博口占檄文曰、府告姑幕令丞言、賊陰不得、有書檄到、令丞就職、游徼王卿、力有餘、如律令、王卿得救惶怖、親屬失色、晝夜馳驚、十餘日、捕得五人、博復移書曰、王卿憂公甚効、檄到齋伐、閱詣府、部掾以下亦可用、漸盡其餘矣、其操持下、皆此類也、其治左馮翊、文理聰明、殊不及薛宣、而多武譎、綱絡張設、少愛利、敢誅殺、然亦時縱貸、長陵大姓尚方禁、少時嘗盜人妻、見斫、創著其頰、府功曹受賂、白除禁、調守尉、博聞知、以它事召見、視其面、果有瘢、博辟左右、問禁是何等創也、禁自知情得、叩頭伏狀、博笑曰、丈夫固時有是、馮翊欲洒卿耻、故拭用卿、卿能自效、不禁且喜、且懼、對曰、必死、博因敕禁毋得泄語、有便室、輒記言、因親信之以爲耳目、禁晨夜發起、部中盜賊、及它伏姦、有功效、博擢禁連守縣令、久之、召見功曹、閉閣數責、以禁等事、與筆札、使各記、積受取一錢以上、無得有所匿、欺謾半言、斷頭矣、功曹惶怖、具自疏、姦臧大小、不敢隱、博知其對以實、乃令就席受救、自改而已、投刀使削所記、遣出受

職功曹後常戰栗不敢蹉跌。博遂成就之。遷大司農。博本武吏。所至馳騫進取。不師道德。文學儒吏。時有奏記稱說。博見謂曰。太守漢吏。奉三尺律令從事耳。亡柰生所言聖人道何也。且持此道歸堯舜。君出爲陳說之。其折逆人如此。博爲人廉儉。不好酒色游宴。自微賤至富貴。食不重味。案上不過三杯。夜寢早起。妻希見其面。有一女無男。然好樂土大夫。爲郡守九卿。賓客常滿。哀帝時爲丞相。傳太后怨大司馬喜。喜不附已。使孔鄉侯晏風丞相。令奏免喜。侯博惡獨斥奏喜。以故大司空何武亦坐過免。就國。事與喜相似。即并奏喜。武前在位。皆無益於治。雖已退免。非當得爵土。請免爲庶人。帝疑博承太后指。召御史大夫玄。請尚書問狀。玄辭服。詔左將軍彭宣與中朝官雜問。宣等劾博執左道。虧損上恩。以結信貴戚。背君鄉臣。傾亂政治。玄枉義附從。大不敬。假謁者節。召丞相詣廷尉。博自殺。

蘇武字子卿。杜陵人。以父建任爲郎。武帝時。漢連伐匈奴。且鞮侯單于初立。恐漢襲之。乃盡歸漢使路克國等。

云爲欲降。帝遣中郎將武持節送匈奴使留漢者還國。答其善意。武與副中郎將張勝。及假吏常惠等募斥候士百餘人與俱。武旣至。而單于顧益驕。非漢所及意也。會緱王與長水虞常等謀反。匈奴中常在漢時與副使勝善。私候勝。聞漢怨衛律。欲爲漢伏弩射殺之。勝以貨物與常相結要。事覺。單于使衛律治其事。常引勝。單于怒。召諸貴人議。欲盡殺漢使。不則皆降之。使衛律召武受辭。武慨然叩天歎。謂惠等曰。屈節辱命。雖生何面目以歸漢。引佩刀自刺。欲殊。衛律驚。自抱持武。馳召醫救之。醫鑿地爲坎。置燭火覆武其上。蹈其背以出血。氣絕。

半日乃復息。惠等哭。輿歸營。單于壯其節。朝夕遣人候問武。而收繫張勝。武益愈。單于必欲劫之降。以快心。使使曉武。旦會論虞常。武至。律劔斬虞常。已而曰。漢使張勝實與謀。當死。降者赦。舉劔前擊之。勝請降。已。謂武曰。副有罪。當相坐。武曰。本無謀。又非親屬。何謂相坐。律舉劔擬之。武不動。律曰。蘇君。律前負漢歸匈奴。幸蒙大恩。賜號稱王。擁衆數萬。馬畜彌山。富貴如此。蘇君今日降。明日復然。空以身膏草野。誰實知之。武不應。律曰。君因我降。我與君爲兄弟。今不聽。後雖欲復見我。尚可得乎。武奮起罵曰。汝爲人臣子。畔主背恩。爲降虜於蠻夷。何

用見汝爲。且單于信汝。以決人死生。不平心持正。反欲
鬪兩主。使隙。觀禍敗。南越殺漢使。屠爲九郡。宛王殺漢
使。頭縣北闕。朝鮮殺漢使。應時誅滅。獨匈奴未耳。若知
我不降。明欲令兩主相攻。匈奴之禍。從我始矣。律知武
終不可脅。乃入白單于。單于愈益欲降之。乃幽武大窖
中。絕不與飲食。天雨雪。武卧齧雪。與氊毛并咽之。數日
不歿。匈奴以爲神。乃徙武北海無人處。使牧羝。曰。羝
乳乃得歸。別其官屬常惠等。各置他所。武旣至海上。廩
食不至。掘野鼠去草實而食之。杖漢節牧羊。卧起操持。
積五六羊。節旄盡落。初武與李陵俱侍中。相善也。武使

匈奴之明年。陵降。久之。單于使陵至海上。爲置酒設樂。因謂武曰。單于聞陵與子卿素厚。故使陵來說子卿。虛心欲相待。終不得歸漢。空自苦無人之地。信義安所見乎。前長君爲奉車。從至雍。棧陽宮。扶輦下除。觸柱折轅。劾大不敬。伏劒自刎。賜錢二百萬以葬。孺卿從行河東。祠后土。宦騎與黃門駙馬爭船。推墮駙馬河東溺死。宦騎亡。詔使孺卿逐捕。不得。惶恐飲藥死。來時太夫人已不幸。陵送葬至陽陵。子卿婦年少。聞已更嫁矣。獨有女弟二人。兩女一男。今復十餘年。存亡不可知。人生如朝露。何久。目苦如此。陵始降時。忽忽如狂。自痛負漢。加以

老母繫保宮。子卿不欲降。何以過陵。且陛下春秋高。法令亡常。大臣無罪夷滅者數十家。國安危不可知。子卿尚復誰爲乎。願聽陵計。勿復有云。武曰。武父子亡功德。皆爲陛下所成就。位列將。爵通侯。兄弟親近。常願肝腦塗地。今得殺身自效。雖蒙斧鉞湯鑊。心誠耳之。臣之事君。猶子事父也。子爲父死。無所恨。願君勿復言。陵與武縱飲數日。且別。執手曰。子卿壹聽陵言。武曰。武自分死久矣。君必欲降武。請畢今日之驩。效死於前。陵見其至誠。喟然嘆曰。嗟乎。義士。陵與衛律。罪通於天。因泣下霑衿。與武決去。陵惡自賜武。以妻單于女。使妻賜武牛羊。

數十頭。後陵復至北海上。語武區脫。捕得雲中生口。言
太守以下。吏民皆白服。云帝崩。武聞之。南鄉號哭。嘔血。
旦夕臨數月。昭帝卽位數年。匈奴與漢和親。漢求武等。
匈奴詭言已死。後漢使至。常惠賂守者。夜得潛見之。自
陳。因教使者言。天子射上林中。得鴈。足有繫帛書。言武
等在某澤中。使者喜。如惠語。讓單于。單于視左右而驚。
謝漢使。有之。許遣武等歸。於是李陵置酒詣武。賀曰。今
足下還歸。名揚於匈奴。功顯於漢室。雖古竹帛所載。冊
青所畫。何以過子卿。陵雖駑。令漢且贖陵罪。全其老母。
使得奮大辱之積。庶幾乎曹柯之盟。此陵宿昔之所不

忌也。叔族陵家。爲世大戮。陵尚復何顧乎。已矣。令子卿知吾心耳。異域之人。壹別長絕。因起舞歌曰。徑萬里兮度沙漠。爲君將兮奮匈奴。路窮絕兮矢刃摧。士衆滅兮名已隤。老母已歿。雖欲報恩。將誰歸。歌竟。武和歌相與泣數行下。單于召武官屬咸會。爲餞宴。而遣前已降及物故。隨武還國者九人。以元始六年春。至京師。詔武以一太牢謁武帝園廟。報反命。拜爲典屬國。秩中二千石。賜錢二百萬。公田二頃。宅一區。武留匈奴凡十九歲。始以強壯出。及還。鬚髮盡白。明年。上官桀子安與桑弘羊燕王蓋主謀反。武子元坐與謀歿。而武素善桀弘羊。又

嘗爲燕王旦所訟。廷尉奏請逮武。大將軍爲寢其奏。免官。昭帝崩。以故二千石與計謀立宣帝。賜爵關內侯。父之衛將軍張安世薦武明習故事。奉使不辱命。不可棄也。帝立召武爲右曹典屬國。以武著節老臣。令朝朔望。稱祭酒。甚優寵之。武所得賞賜。盡以予昆弟故人。家不餘財。武旣老。而子前坐誅。帝閱之。問左右。武在匈奴。父有子乎。武因平恩侯白。發匈奴時。胡婦適產子。通國願因使者致金帛贖之。通國至。以爲郎。年八十餘卒。

龔勝。楚人也。字君賓。與國人舍君倩友善。並著名節。傳經世。謂之楚兩龔。舍不仕。而勝爲郡吏。舉孝廉。以王國

人不得補宿衛。哀帝自爲定陶王。時聞其名。徵爲諫大夫。引見勝。薦舍。及亢父甯壽。濟陰侯嘉。詔並徵。勝曰。竊見國家徵巫醫。常爲駕。徵賢者。宜駕。帝曰。大夫乘私車來耶。對曰。唯唯。有詔爲駕。甯壽稱疾不至。舍嘉至。皆爲諫大夫。勝數爲帝言。百姓貧。盜賊多。吏不良。風俗薄。災異數見。不可以不憂。制度泰奢。刑罰泰深。賦歛泰重。宜先以儉約。其言祖述王吉。貢禹之意。遷丞相司直。徙允祿大夫。言董賢寵太盛。亂制逆上。指議丞相嘉。薦故廷尉梁相等。過微薄。不應迷國不道法。復坐與博士夏侯常爭言。見劾。乞骸骨。出守渤海。謝病不任官。自免歸。帝

以其名高。復徵爲光祿大夫。王莽秉政。勝與中大夫邴漢俱得謝。策詔曰。古者有司。年至則致仕。所以示恭讓而不盡其力也。今子大夫年至矣。朕愍以官職之事煩大夫。其上子若孫。若同產同產子一人。除爲郎。大夫其脩身守道以終高年。賜帛。及行道舍宿。歲時羊酒衣衾。於是勝舍皆歸老。郡二千石長吏初到官。皆至兩壠家。如師弟子之禮。舍居攝中卒。莽旣募國。遣使者奉璽書印綬。安車駟馬。卽迎勝。拜太子師友。祭酒。使者與郡縣長吏三老官屬諸生。千人以上。入里致莽命。久立門外。欲令勝起迎。勝稱篤不起。爲牀室中。戶西南牖下。東首。

加朝服。施紳。使者付璽書。奉印綬。內安車駟馬進。謂勝曰。聖朝制作未定。待君爲政。以安海內。勝對曰。素愚。加年。老被病。命在朝夕。隨使君上道。必死道路。無益萬分。使者要說。至以印綬加勝身。勝輒推不受。使者即上言。方盛夏暑熱。勝病少氣。可須秋涼乃發。荅許之。使者爲勝兩子及門人暉高等言。朝廷虛心待君。以茅土之封。雖疾病。宜動移至傳舍。示有行意。爲子孫大業。暉等白之。勝曰。吾受漢家厚恩。無以報。今老矣。旦暮入地。諒豈以一身事二姓。下見故主哉。因敕以棺歛喪事。語畢。遂不復飲食。積十四日乃歿。時年七十九矣。世祖卽位。褒

表其子孫至大官。是時清名之士。又有琅琊紀逡。齊薛方。沛唐林。唐尊。皆以明經。飭行顯名。逡兩唐皆仕莽貴重。毀節。莽以安車迎方。方因使者辭謝曰。堯舜在上。下有巢繇。今明主方隆唐虞之德。小臣欲守箕山之節。莽說其言。不彊致也。喻麋郭欽。爲南郡守。杜陵蔣詡。爲兗州刺史。莽居攝。皆以病自免歸。卧不出戶。卒於家。尚書沛國陳咸。見何武鮑宣歿。歎曰。可以逝矣。即乞骸去。莽篡位。召爲掌寇大夫。咸謝病不肯應。三子參。豐。欽。皆在位。皆令解官歸。閉門不出入。猶用漢家祖臘。人問其故。咸曰。我先人豈知王氏臘乎。悉收歛其家。律令文書。壁

藏之。又齊栗融。北海禽慶。蘇章山。陽曹竟。皆去官。不仕。
莽云。

李業。梓潼人。少有志操。以明經爲郎。王莽居攝。以病去。
莽太守劉威。脅載詣門。命爲酒士。病不起。遂絕匿名迹。
終莽之世。公孫述僭號。徵爲博士。業固稱疾不起。述羞
不能致。使使迫却之曰。卽業起。吾官之公侯。不起。賜之
藥。使者譬旨曰。今天下分崩。孰知是非。君柰何以區區
之身。試不測之淵乎。朝廷貪慕名德。曠官缺位。于今七
年。四時珍御。不以忘君。豈上奉知己。下爲子孫。身名俱
全。不亦優乎。業乃歎曰。古人危邦不入。亂邦不居。爲此

故也。君子見危授命。何以高位重祿相誘爲。使者見業終不屈。謂之曰。宜呼室家計之。業曰。丈夫內斷久矣。何妻子爲。遂飲藥歿。述聞業歿。大驚。又耻有殺賢之名。弔祠賻贈焉。業子暉辭不受。逃去。述又聘巴郡譙玄。玄不詣。亦遣使者以毒藥劫之。太守自詣玄廬勸之行。玄曰。保志全高。歿亦奚恨。遂受藥。且飲。玄子瑛泣血叩頭。願奉家錢千萬贖父歿。太守爲請。述許之。玄乃遂隱。述又徵蜀郡王皓。王嘉恐其不至。先繫其妻子。使者謂皓曰。速裝。妻子可全。皓曰。犬馬猶識主。況於人乎。遂自刎。以首付使者。王嘉聞而歎曰。後之哉。對使者伏劍而死。捷


爲費貽。不仕述。漆身爲癩。陽狂以避之。同郡任永。馮信。皆託青盲。辭徵命。世祖旣平蜀。遣使弔祠。賻贈焉。獨費貽在。仕至合浦太守。

史論曰。守死善道。勝實蹈焉。貞而不諒。薛方近之。郭欽。蔣詡。好遁不汚。絕紀唐矣。忠節

忠

夷簡曰。我善。其細實。匪。其。貞。而。不。結。藉。衣。我。之。不。入。
。我。之。不。入。至。合。敵。太。宰。

晉。王。青。育。翰。燈。命。世。跡。到。平。器。並。對。早。跡。腹。親。再。微。也。
。為。費。而。不。卦。我。教。自。為。康。恩。我。以。致。多。同。味。并。不。然。也。



DS 735
A2
74
1115
正史上編卷之二十一

明旰飴鄧元錫簞

東漢臣列傳

大臣
名將

貞臣
循吏

良臣
忠節

爭臣
獨行

世祖中興。業同載剗。而新莽餘分。閏位之日淺。先漢尊經篤行之遺風。習茂焉。又更亂而節著。人務於束脩。當是時。武功佐命之臣。並著文德。鄧元侯以嚚謨啟帝業。而內行淳備。馮陽夏功若丘山。而不伐。恂恂焉。祭征虜於漁陽隴坻。稱尤功。而詩書禮樂乎枕敦而悅之。迹雲臺龍驤虎虓。諸勲臣。其所繇。於漢初守推魯公卿。遠矣。及天下既定。天子投戈歸馬。垂精於道。執褒表名德。敦

尚風教。公府之選。類多仁愿。博碩之賢。尚書樞密。斟酌
於其內。諫議舉刺。顯爭於其外。用能俊乂。並列。施及於
明章。豈非盛哉。然自建武來。天子懲莽。獨任竊國之禍。
已泰深痛。政傷明察。頗以吏事課責三公。而相不復有
謨。後稍下衰。貴戚擅恣。閹豎橫放。公府權輕。一不能有
禁禦。蓋其執也。然袁任隗正色於竇氏。楊公震秉義於
耿閭。梁氏作難。李杜固抗其節。大閹逆用。陳太傅蕃殉
焉。他諸蓋臣盡慮。蹇蹇無已。貞士犯難。前踣後奮。蓋至
于扳蕩之極。而格夫清議。猶能使大姦巨慝。逡遁却顧。
而九鼎以一絲繫也。雖其智沉勇深。匡亂世反之正。視

先漢少遜。而東京名節矜然。於百代獨光矣。諸公卿功在君國。關天下興亡故者。具帝紀。茲采其名行卓犖者著于篇。

伏湛。

字惠公。

琅琊東武人。九世祖勝。所謂濟南伏生者也。

湛少傳家學。性孝友。歷王莽更始時。爲平原太守。時倉卒兵起。上下驚擾。而湛獨晏然。教學不廢。謂妻子曰。禮一穀不登。國君爲撤膳。今民並饑。柰何當獨飽乎。乃共食粗糲。悉奉祿賑贍鄉里。來客者百餘家。時門下督有氣力者。爲湛謀。以平原地廣。足觀變舉事。湛立斬以徇。於是吏民信向。郡中安輯。世祖卽位。知湛名儒舊臣。才

任輔相。欲令幹任內職。徵拜尚書。國典舊制。多陳白奏行之。大司徒禹西征。拜司直。行大司徒事。車駕每出征。常留後總羣司。三年。代禹爲司徒。封陽都侯。彭寵反。漁陽帝欲親征。䟽諫曰。臣聞文王受命。而征伐五國。必先詢之同姓。謀於羣臣。加占著龜。以定行事。故謀則有成。戰用克勝。詩曰。帝謂文王。詢爾仇方。同爾弟兄。以爾鉤援。與爾臨衝。以伐崇墉。所以嚴天顯。重人命。俟時而動也。陛下承大亂之極。受命而帝。興明祖宗。出入四年。滅獯鄉。制五較。降銅馬。破赤眉。鄧奉之屬。大功灼著矣。今京師耗匱。資用不足。乃欲遠涉二千餘里而軍。士馬疲

勞轉餉艱阻。豈懷遠寧邇之道乎。今竟豫青冀中國之
都。寇賊縱橫。未及從化。漁陽以東。本邊塞地。外迫北狄。
貢稅微薄。安平之時。尚資內郡。況今荒耗。豈足先圖。而
陛下舍近務遠。棄易求難。此四方之所疑怪。百姓之所
怨懼也。願遠覽文王重兵博謀。近思征伐前後之宐。顧
問有司。博采其中。專以中土爲憂。帝說。爲寢兵。時青徐
賊據富平。連攻不下。自云願降伏司徒。帝知湛爲青徐
所倚信。遣至平原。平原人歡呼就迎。盜即日降。湛雖在
倉卒造次。必於文德。以爲禮樂政化之首。顛沛猶不可
遠。况平居乎。奏鄉飲酒禮施行之。坐蒸祭高廟。不舉奏。

策免。

南陽太守杜詩、疏理湛言、竊見前太司徒陽都侯伏湛、自行束脩、訖無毀玷、經爲人師、行爲儀表、前

在河內朝歌、及居平原、吏人畏愛、則象遭時反覆、秉節持重、有不可奪之節、陛下深知行能、顯以宰相之重、衆賢百姓、仰望德義、微過斥退、有識歎惜、湛髻髮厲志、白首不衰、智畧謀慮、國之淵藪、實足以先後王室、亮示遠人、臣詩愚慙、不足知宰相之重、敢冒觸以聞、復徵守尚書中書、暑薨。帝親弔祠。

遣使送喪脩塚焉。

子隆爲太中大夫、使張步宣諭上威德、步遣使隨隆上書貢獻、即拜步東

萊太守、步意不懌、而劉永遣使封步爲齊王、步請隆爲帝言、求王齊、隆曰、高帝約非劉氏不王、十萬戶侯可得耳、步遂執隆、而受永封、隆聞使上書言、臣隆奉使無狀、受執凶逆、雖在困厄、授命不顧、今吏民忿步反逆、心不懷附、願以時進兵、無以臣隆爲念、儻得生還闕廷、即誅有司、此其大願、若沒身寇手、以父母昆弟、長累陛下矣、惟陛下永享萬國、與天無極、帝得書、召司徒流涕示之、曰、隆可謂蘇武之節、恨不且許、遽求還耳、後爲朱所殺、孫晨謙敬、博愛好學、以孫女爲順、帝貴人、位特進、卒、晨子無忌、傳家學、博物、較定中秘書、無忌子完女爲獻后。

事具。伏氏自伏生後世傳經清靜。無忌東京號爲伏不

帝紀。關云。○宋弘。

字仲子。

長安人。少溫順。敕義自將。光武時爲

大司空。帝嘗問於今通明博洽之士爲誰。弘對曰。沛國
桓譚人也。幾可及。楊雄。劉向。父子。餘子不及。拜議郎。給
事中。譚鼓琴。帝愛其繁聲。弘聞之不悅。朝服坐府上。遣
吏召譚。譚至。不與席。質讓之曰。吾所爲薦子於上者。苟
欲以忠直輔主德。益國家也。今數進鄭聲以亂雅。於忠
正何有。能自改耶。抑將令相舉以法耶。譚頓首良久。乃
得謝。罷去。後大燕羣臣。帝使譚鼓瑟。譚見弘而慙。失常
度。帝怪問。不敢對。弘離席免冠頓首曰。臣曩所爲薦譚

者。內冀其能以忠直輔上德。有益國家也。而令朝廷悅
鄭聲。臣罪大矣。敢請其辜。帝太息。改容謝焉。帝姊湖陽
公主既寡。將求偶。帝與論朝臣。微觀其意。主曰。宋司空
威容德器。羣臣莫及也。後弘被引見。帝令主坐屏風後。
謂之曰。諺言貴易交。富易妻。情乎。弘對曰。臣聞貧賤之
知不可忘。糟糠之妻不下堂。帝退謂主曰。事不諧矣。弘
在位。所得奉以分贍九族。家無餘貲。所推進賢士甚衆。
或相次爲公卿。帝甚禮重焉。是時帝頗以吏事責過三
公。三公多不終。司徒韓歆以直言得讓。自殺。歐陽歆戴
涉相繼坐事。獄死。侯霸以薦舉失人。帝下璽書曰。崇山

幽都何可偶。黃鉞一下無處所。欲以身試法耶。蓋嚴密如此。而司徒蔡茂清儉。馮勤恭約。郭丹廉公。范遷清方。有執稱任職。司空純。張安世後佐上興禮樂。定廟社之儀。司徒霸。建白行先漢寬大之令。與宋司空。皆史所謂罷憚者。功遠受弘者。道長哉。庶大臣節矣。郭丹南陽穰人。父清名。丹七歲而孤。小心孝順。後母哀憐之。爲鬻衣裳。買產業居焉。爲更始諫大夫。更始敗。諸將悉歸沔武。獲封爵。丹獨保平氏不下。爲更始發喪。衰經盡哀。已乃逃去。敝衣間行。涉險阻。求更始妻子。奉還節傳。乃歸鄉。○范遷沛國人。家貧。獨宅數畝。田一頃。復推與兄子。其妻謂之曰。君有子。無立錐之地。可餘奉祿爲後業。遷曰。吾備位大臣。而蓄財求利。何以示後世。在位四年。薨。家無擔石焉。後顯宗下南陽。求其子。守官之。至常山太守。○宣秉馮翊雲陽人。少脩高節。見王氏專國。逆有萌。遂遁去。後歸世祖。爲御史中丞。特詔中丞與司隸較尉。尚書令。

會坐各專席。示寵時號爲三獨坐。遷司隸較尉。務舉大綱。畧苛細。百僚敬憚。秉性節約。常布被蔬食。瓦器。帝嘗幸其舍。見而嘆曰。楚國兩龔。不如雲陽宣巨公。即賜布帛帷帳什物。拜大司徒。司直所得祿。輒收親族。分孤弱家。無餘財焉。○郭憲。汝南宋人。莽篡位。拜郎中。賜衣。憲受衣焚之。逃于東海之濱。莽迹捕不得。歸世祖。爲光祿勳。車駕西征隴。憲以爲天下初定。車駕未可遠征。當車拔佩刀以斷車綑。語具帝紀中。已召百僚廷議。擊匈奴。憲又以天下疲弊。不宜動衆。忤帝意。伏地稱眩。脅不復言。帝令兩郎扶下殿。不拜。帝曰。常聞關東髡髡。郭子橫信不虛也。以病退。卒於家。

張湛。

字子孝。

扶風平陵人。矜嚴好禮。動止

有常則。居幽室。必脩容。遇妻子如嚴賓。在鄉黨詳言正

色。三輔以爲儀表。或譏其詐。湛笑曰。詐善不亦可乎。建

武初。爲左馮翊。脩典禮。設條教。政化大行。予告歸平陵。

望寺門而步。主簿進曰。明府位尊德重。不宜自輕。湛曰。

禮下公門。式路馬。孔子於鄉黨。恂恂如也。父母之國。當盡禮。豈謂自輕哉。拜光祿勳。事必盡規。多所匡益。帝臨朝。少有情容。輒獻敞。湛常乘白馬。帝見其入朝。輒曰。白馬生。行且復諫矣。遷太子太傅。郭后廢。稱疾不朝。起爲司徒。引疾。薦自罷。卒。

朱浮

字叔元

沛蕭人。世祖爲大司

馬。浮從爲主簿。累幽州牧。漁陽守彭寵反。攻浮。浮跳身歸。以爲執金吾。時天子以二千石長吏不勝任。有微過。輒斥罷。浮以日食疏諫曰。臣聞日者。衆陽之宗。君上之位也。凡居官治民。典郡縣。皆爲陽。爲上。若陽上不明。則于動三光。二典紀國家之政。洪範別災異之文。皆宣明

天道以徵來者。陛下哀愍海內。牧人之吏。多未稱職。小遠理實。輒見斥罷。豈不粲然黑白分明哉。然以堯舜之盛。猶加三考。大漢之興。亦累功效。吏皆積久於官。子孫因爲氏姓。當是之時。吏職何能悉理。議論之臣。豈不誼譁。獨以爲天地之功。不可倉卒。而艱難之業。當累以日也。聞者守宰。數見換易。迎送相代。疲勞道路。夫尋其視事日淺。未足昭見其職。旣加嚴切。人不自保。各相顧望。無自安之心。有司或因睚眦。以騁私怨。苟求短長。以媚上意。二千石及長吏。迫於舉劾。懼於刺譏。爭飾詐僞。以希虛譽。斯皆羣陽騷動。日月失行之應也。物暴長者必

夭折功卒成者必亟壞如摧長久之業而造速成之功。非陛下之福也。願游意經年之外。望治一世之後。天下幸甚。陛下清明履約。率禮無違。宗室諸王。斥家外戚。皆遵奉繩墨。求之於事。宐報和平。而災祥仍見。天道誠信。殆不可不察也。陛下疾往者上威不行。下專國命。於是黜弔輔之任。信舉刺之官。有所劾奏。便加免退。覆案不關三府。罪譴不蒙澄察。陛下以使者爲腹心。使者以從事爲耳目。是尚書之平決於百石之吏。故羣下苛刻。各自爲能。兼以私情。容長憎愛。使在職者皆競空虛。以要時利。故有罪者心不厭服。無咎者坐被空文。不可以經

盛衰貽後王也。夫積久則吏自重。吏安則人自靜。傳曰。五載再閏。天道乃備。夫以天地之靈。猶須五載以成其化。况於人乎。願畱心千里之任。省察偏言之奏。吏治幸甚。陛下尊敬先聖。垂意古典。宮室未飾。干戈未休。而先建太學。比日車駕親臨觀饗。誠以弘時雍之化。顯勉進之功也。而博士之官。爲天下師承。傳先聖之言。俾不乏絕。所宜廣求詳選。爰自畿夏。延及四方。惟賢是登。俾承學知勸。伏聞詔書更試。惟取在洛城者以克。臣恐求之密邇。容或未盡。而四方之學。無所勸樂也。帝采納其言。後爲大司空。坐事免。浮頗好陵轢同列。世祖內銜之。獨

惜其功能未之罪也。永平中，竟坐賜歿。馬援字文淵，扶風茂陵人。少孤，有大志。受齊詩，意不能守章句。辭兄况就邊郡田牧。况曰：「汝大才，當晚成，良工不示人以朴，且從所好。」况卒，援器之盡哀。敬事寡嫂，不冠不入見。居恒言曰：「丈夫爲志，窮當益堅，老當益壯。」田牧者數年，有牛馬羊數千頭，穀數萬斛。太息曰：「凡殖貨財者，爲能賑施也。否則守錢虜耳。」乃盡班昆弟故舊，已避地涼州。以隗囂使人見帝，遂自歸。已定平隴，畫有大功。語具帝紀中。諸羌反，臨洮中郎將來歛言。隴西侵殘，非援莫能定也。拜隴西太守，援擊先零羌，屢破之。朝議以金城西途。

遠多寇欲棄隴西。援上言破羌以西城完牢。可依以爲固。其田皆肥壤。灌溉流通。令羌在湟中。則爲害不休。可守不可棄。帝然之。詔便宐行。援繕城郭。起塢堠。開通水田。勸耕牧。郡中樂業。氏羌歸附。其爲政務開恩信任。掾吏以職身總大體而已。日從賓客故人飲。諸曹時白事。輒曰。此丞掾之任。何足相煩。頗衰老子。使得遨遊。若大姓侵小民。黠羌反旅拒。此太守事耳。郡民嘗自驚言羌反。百姓犇入城。狄道長詣門請閉城發兵。援方與賓客飲。大笑曰。燒虜何敢復犯我。曉狄道長還守寺舍。良怖。急者可牀下伏。庸請何爲。後稍定。無寇。見之。則傍縣熟。

羌報讎者也。郡中愈敬服之。在郡六年。徵入爲中郎將。數召見。進對亹亹可觀。聽自皇太子。諸王聞者皆屬耳。忘倦。交趾女子徵側反。拜伏波將軍南擊。破平之。所過郡縣。輒爲之治城郭。穿渠灌溉田。以利民。越律與漢律違駁者十餘事。申舊制。要束之。自是駱越奉行馬將軍故事。唯謹。軍還。封新息侯。平陵人孟冀迎勞賀之。援曰。今匈奴烏桓尚擾北邊。欲自請擊之。男兒要當歿於邊野。以馬革裹屍還葬耳。安能臥牀上歿。兒女子手中耶。冀曰。諒爲烈士。當如此矣。後武陵五溪蠻叛。援請將。時年六十二矣。帝愍其老。未許也。援曰。臣尚能披甲上馬。

試之。援據鞍顧眄。示可用。帝笑曰。矍鑠哉。是翁。遣率中郎將馬武耿舒等。將四萬人征五溪。援以所將皆帝勲戚貴人。私憂之。謂友人杜愔曰。吾受國厚恩。年迫日索。常恐不得歿國事。今獲所願。甘心瞑目矣。但畏長者家兒在左右與從事。殊難調。介介耳。至臨鄉破蠻。次下雋。有兩道可入。從壺頭近。而水險。從克夷而軍遠。耿舒欲從克。援以爲棄。日費糧。不如從壺頭進。搃其咽喉。具以請。帝從援策。抵壺頭。賊乘高守隘。水厲疾。船不得上。會暑甚。士卒多疫歿。援亦中病。乃穿岸爲室。避炎氣。賊每奔險鼓譟。援輒曳足觀之。左右念其老病。哀其壯。皆爲

流涕。耿弇以前言當道克援。紬其議。恨之。遂以大衆怫鬱。逢疫。死。爲援負。與兄弇書言之。帝聞之。怒。使虎賁中郎將梁松。馳詔責援。監其軍。初。援嘗有疾。松來候。拜牀下。援不答。松意不平。諸子問曰。梁伯孫。帝婿。貴重朝廷。公卿畢嚴之。大人柰何不爲禮乎。援曰。我松父友也。彼雖貴。何得抗父執乎。及奉詔。擊匈奴。詔百官祖餞。援謂松及黃門郎竇固曰。凡人富貴。當使可復賤。如卿等欲不可復賤。居高勉自持。時思鄙言。松固深啣之。援兄子嚴。敦。並喜譏議。而通輕俠客。援前在交趾。還書戒之曰。吾欲汝曹聞人過失。如聞父母之名耳。可得聞。口不可

得言也。好議論人長短。妄是非政瀆。此吾所大惡也。寧
死。不願聞子孫有此行矣。龍伯高敦厚周慎。口無擇言。
謙約節儉。廉公有威。吾愛之重之。願汝曹效之。杜季良
豪俠好義。憂人之憂。樂人之樂。父喪致客。數郡畢至。吾
愛之重之。不願汝曹效也。效伯高不得。猶爲謹敕之士。
所謂刻鵠不成。尚類鶩者也。效季良不得。陷爲天下輕
薄子。所謂畫虎不成。反類狗者也。伯高者。山都長龍述。
季良者。越騎司馬杜保也。保讐人上書。訟保行浮薄惑
衆。伏波將軍萬里還書以誡兄子。而梁松竇固與之交。
宜屏遠。帝召松固示之。松固叩頭流血。得不罪。而保免。

官故並媚妒之。及是松至軍會援。卒脩故怨。搆其罪。初援在交趾。以薏苡實能輕身勝瘴。餌之效。軍還載之一車。於是譖者言昔所載皆明珠文犀也。松以聞。帝大怒。收侯印綬。援妻孥惶懼。席藁詣闕請其罪。帝出松書。乃知所坐。前雲陽令同郡朱勃傷之。上書訴其冤。書奏報聞。初援自交趾還。擊牛酒饗士。從容謂官屬曰。吾從弟少游。常哀吾慷慨多大志。語之曰。士生一世。但得衣食裁足。乘下澤車。御款段馬。爲郡掾吏。守墳墓。使鄉里稱善人。長者斯可矣。致求贏餘。但自苦耳。吾心感其言。曩在浪泊西里間。角虜時。下潦上霧。海氣蒸鬱。仰視飛鳶。

跼跼墮水中臥。念少遊平生時語。何可得也。今賴士大夫之力。被蒙大恩。猥先諸君。紆佩金紫。且喜且慙。吏士皆伏前上萬壽。乃竟以不終。故非功之難。處功者難也。援旣卒。軍士疫。死大半。蠻亦饑困。監軍謁者宋均。乃矯制。調伏波司馬呂种守沅陵。命以詔書入虜營。布恩信。許之降。因勒兵隨其後。郡蠻皆降。均自劾矯制之罪。帝嘉其功。迎賜金帛。勞焉。均自有傳。郅恽。汝南西平人。明天文曆數。王莽末。恽以鎮歲熒惑。並在漢翼軫之分。漢必再受命。上書說莽。令取之以天。還之以天。莽大怒。劾大逆。繫詔獄。會赦。免。建武初。爲郡功曹。掾十月。饗官屬。

畢會太守歐陽歙發教以督郵繇延忠公。可牛酒養德。戶曹引延受賜。憚愀然趨進曰。司正舉觥。觥至。憚叩曰。延資性貪邪。外方內圓。朋黨構奸。怨慝並作。明府以惡爲善。股肱以直從曲。敢再拜奉觥。歙慙動不知所言。椽鄭敬進曰。君明臣直。功曹言切。明府之德也。歙意少解。曰。實歙罪也。敬奉觥。憚免冠謝曰。憚不忠。孔任是昭。旣陷毀謗。又露所言。罪莫重焉。請收憚。延以明好惡。歙曰。是重吾過也。不讌而罷。憚歸府。稱疾。延亦自退。鄭敬招憚曰。子廷爭繇延。君不時納。延今雖去。勢必還。直心無諱。雖三代之道。然道不同。不相爲謀也。盍去諸。憚曰。孟

軻以強君所不能爲忠。量君所不能爲賊。惲業以強之矣。障君於朝。已有其直而不死其職罪也。延退而惲又去。不可敬。乃獨去。隱弋陽山中。居數月。歛果復召。延惲乃去。從敬居漁釣。留數十日。惲志在從政。喟然嘆謂敬曰。天生俊民。以爲人也。子從我爲伊呂乎。將謂巢許而父老堯舜也。敬曰。吾老矣。吾安能從子。子勉正性命。勿勞神以害生。之江夏。舉孝廉。爲城上東門候。帝嘗出獵還。夕矣。惲拒關不納。帝令從者見於門間。惲曰。火明遼遠。不受詔。帝迴。從中東門入。明日。惲上書諫曰。昔文王不敢盤于游田。以爲萬人憂。今陛下遠獵山林。夜以繼晝。如宗廟社稷何。暴虎馮河。未至之誠。小臣竊憂也。書奏。賜布百匹。後援皇太子詩。郭

皇后廢。憚言於帝曰。願陛下念其可否。無令天下後世有以議社稷。帝說。而說太子避位。太子安善說也。夫桓譚。沛國相人也。博學多通。五經皆詁訓大義。不爲章句。以父爲太樂令。因嗜倡樂。而憲誹俗儒。故多見排抵。哀平間。皇后父孔鄉侯傳。晏與譚善。譚勸晏杜門執謙。愍而傳氏全安。董賢聞譚名。欲交之。不與通。建武初。拜議郎。上䟽陳時政曰。臣聞國之廢興。在於政事。政事得失。繇乎輔佐。輔佐賢明。則俊士克朝。而政務合理。輔佐不明。則論失時宜。而動多過事。夫有國之君。未嘗不欲以建賢興化。而政道未理者。其所謂賢者。非賢也。夫張

官置吏以理萬人。縣賞設罰。別以善惡。今人相殺傷。伏法而私結怨讎。子孫相報。後忿深前。至滅戶殄業。而俗稱豪健。雖有怯弱。勉而行之。此爲聽人自理。而無復法禁也。宜申明舊令。若已伏官誅。而私相傷殺者。雖逃亡。皆徙家屬於邊。其相傷者。加常人二等。如此。則讐怨自解。盜賊息矣。夫理國之道。舉本業而抑末利。是以先帝禁人二業。錮商賈不得仕宦爲吏。所以抑并兼。長廉耻也。今富商大賈。多殖田貨。中家子弟。爲之保役趨走。與臣僕等。動收責稅。與封君比入。是以衆人慕效。不耕而食。至乃多通侈靡。以淫耳目。若非身力所得。可令糾告。

申之明禁如此。則專役一已。事寡力弱。歸功田畝。而地力盡矣。又見法令決事。輕重不齊。或一事殊法。同罪異論。姦吏得因緣爲市。是爲刑開二門也。可令通義理。明習法律者。較定科比。一其法度。頒下郡國。蠲除故條。如此。則天下知方獄無怨濫矣。天子以赤伏符卽位。崇信讖緯。多以決定嫌疑。譚䟽諫曰。凡人忽於見事。而貴於異聞。觀先聖之所紀述。咸以仁義正道爲本。非有奇怪虛誕之事。可熒惑耳目者也。夫天道性命。聖人難言之矣。自子貢而下。不可得聞。况後世淺儒。能深通之乎。今諸巧慧小材技數。貪邪之人。增益圖書。矯稱讖記。爲欺

爲惑。詿誤人主焉。可不抑遠之哉。伏聞陛下超然遠覽。窮折方士黃白之術。可謂至明。而乃聽納讖記。又何誤也。其事雖時有合。譬猶卜數隻偶。豈不時信。然豈可專哉。惟陛下垂明聽。發聖意。屏羣小之曲說。述五經之正義。天下幸甚。疏奏。迂帝指。會議靈臺所處。帝曰。吾欲以讖決之。譚默然。良久曰。臣不讀讖。帝問故。譚復極言讖之非經。帝大怒曰。讖出古聖微辭。今譚非讖。是非聖無法也。將下斬之。譚叩頭流血。良久乃得解。出爲六安郡丞。道病卒。帝嘗論郊祀。亦欲以讖決。中大夫鄭興對如譚。帝勃然怒曰。若不爲讖。非之耶。興惶恐曰。臣於書有

所未學而無所非也。帝乃解然。意終卻之。不任也。史曄

曰。桓譚以不善讖流亡。鄭興以遜辭僅免。賈逵能附會

文致差貴顯。世主以此論學。悲夫。

上世祖時大臣名臣爭臣

○趙熹。南陽宛人也。少以節行著名。更始中。舞陰大姓

擁城不下。得熹將乃下。召拜偏將軍。赤眉之亂。

與同郡韓仲伯

將家屬出武關避之。仲伯以婦色美。慮獨爲強暴侵欲。

棄之。熹怒責。不聽。教以泥塗婦面。載鹿車自推之。道逢

人輒言病狀。以得免。亡之丹水。遇更始親屬。皆蹠跣饑困。不得前。

熹悲感。解所齎縷帛資糧。悉與之。將護歸鄉里。充武初。

守簡陽侯相。簡陽吏民不欲納。熹呼城中大姓。告譬以

國家威信。立下之。拜懷令。懷大姓李子春。嘗爲琅琊相。

豪猾并兼爲人患。熹下車窮詰其姦狀。京師貴人爲請者數十。終不聽。趙王良疾病。帝臨視。問欲言。王曰。素於李子春善。今法抵死。懷令趙熹欲法之。乞哀全其命。帝曰。吏奉法。不可枉也。更道他所欲。王無復言而死。帝悲傷其意。貸子春而遷熹平原守。時平原多盜。捕斬其渠帥。餘黨數千人當坐。熹上言。惡惡止其身。可貸。徙京師近郡實畿輔。且廣上恩。從之。於是擢舉行義。誅鋤姦惡。境內大治。青州蝗。侵入平原界。輒死。歲屢有年。百姓歌之。召拜太尉。上復緣邊諸郡方畧。皆久長規。帝崩。受遺詔典器。時舊典器亂。皇太子與諸王雜止同席。熹正色。

橫劍殿階上扶諸王下明尊卑時藩國官屬與百僚出入宮省無別識熹表奏謁者分護諸王出就邸惟朝晡臨乃入整禮儀嚴門衛外內肅然久之免八年行太尉事內典宿衛外幹宰職顯宗崩復典大器進太傅寵焉薨肅宗臨弔諡正侯

鮑永

字君長

上黨屯留人司隸較

尉宣子也宣事在前傳中王莽恚宣忠正不附已欲種誅之賴太守苟諫所擁護而免永少有志操事後母孝妻嘗於母前叱狗即出之數爲郡太守陳復漢討逆之策守曰君長幾事不密者禍矣未感其言稍自隱避焉爲更始尚書僕射行大將軍事擊青犢有功封中陽侯

允武卽位。徵之。永不至。知更始已亡。乃發器臨上將軍。列侯卽綬。幅巾詣河內謁帝。帝問永。卿衆安在。永避席稽首曰。臣事更始。不能令安全。誠慙以其衆幸富貴。悉罷之矣。帝曰。卿言大而意不悅。時攻懷未拔。拜諫大夫。謂之曰。關東素畏卿。卿可將故人詣城下。譬曉竟降之。還賜洛陽里第。辭不受。爲司隸校尉。帝叔父趙王良尊戚貴重。又於上有恩。永以事劾良大不敬。朝廷肅然。時扶風鮑恢爲都官從事。亦抗直。不避強禦。帝曰。貴戚且歛手。避二鮑矣。永行縣至霸陵道。經更始墓下。引車入陌前趨拜。從事止之。永曰。寧有親北面事人而過墓不

拜者乎。下拜盡哀而去。至扶風。椎牛上苟諫冢。帝意頗不平。大中大夫張湛進曰。仁者行之宗。忠者義之至。仁不遺舊。忠不忘君。恩之篤也。帝意釋然。忤旨。出爲東海相。坐度田不實徵。同徵者皆下獄。永至。成臯迎拜。兗州牧令便道之官。率時杜陵馮衍不肯事莽。天下兵起。勸辟爲將軍。效謀甚力。已從降河內。帝望其不時至。黜不用。永謂之曰。昔高祖賞季布之罪。誅丁固之功。今遭明主。何憂。衍曰。天命難知。人道易守。守道之臣。又何患乎。子昱署守高都。長平劇賊

知名爲泚陽令。以仁愛稱。拜司隸。詔旨下尚書。使封降胡檄。令黃門問昱。頗有所恠否。對曰。故事。通官文書不著姓。又降胡。當司徒露布。惟使司隸下書而著姓也。帝

報曰。吾固欲令天下知忠臣子復爲司隸耳。昱在職奉
法守正。有父風。肅宗卽位。爲司徒。大旱饑。帝召問旱故。
且何道消復也。昱對曰。臣聞聖人理國。三年有成。今陛
下初踐天位。刑政未著。卽有失得。何能致災。臣前在汝
南典楚獄事。繫者千餘人。未盡當其辜。先帝詔言。大獄
一起。冤者過半。誠痛之也。今諸徙者。骨肉分離。孤魂不
祀。一人吁嗟。王政爲虧。宜一切還諸。死徙家屬。蠲除禁
錮。如此。和氣豈可致也。帝納其言。北匈奴圖戊巳較尉。
議宐救。事具戎狄志中。爲大尉薨。子德脩志節。爲南陽太守。脩學典禮。百姓
勸服。號爲神父。德子昂。有孝義。節行。辟公府。不至。卒於家。

第五倫。字伯魚。京兆長陵。

人少介然義行

王莽末羣盜並起族黨衆附之倫依險固築營壘自保羣盜莫能下後爲鄉嗇

夫平從賦理怨結以久官不達變名姓稱王伯齊往來太原上黨間所過爲糞除陌上入目爲道士建武

初爲京兆市掾每詔書下倫讀之太息曰此聖主也一

見決矣吾行且遇時等輩笑之曰子說將未下安能動

萬乘乎倫笑曰道不同故耳君行觀之補淮陽國醫工

長從王朝京師得見帝帝問以政事稱旨明日特召入

日親有問之者曰倫爲吏樞婦翁不過從兄飯不可近

帝以問倫倫對曰臣三娶皆孤女臣少遭饑亂實不過

人飯有之帝大悅以爲扶夷長未至官即拜會稽太守

會稽俗多淫祀嘗屠牛祀神民以匱倫移書屬縣巫祝

有依託鬼神。詐愚民。怖利者。立捕論。有妄屠牛者。吏捕行罰。身爲二千石。自斬芻飼馬。妻躬執爨。每受俸。裁留一月糧。餘悉賤買。與民之羸困者。永平初。坐法逮。老稚攀車叩馬。號不得去。倫僞止亭舍。陰乘船去。衆追及。詣廷尉上書。守闕訟者千餘人。後守蜀郡。掾吏鮮車怒馬。賞豐贍者。皆罷遣。更選孤貧志行之人。處曹任之。蜀郡政清。所任吏多至九卿。事肅宗爲司空。帝以明德太后故尊舅氏馬廖等。亦傾身結士。爲名高。倫疏諫曰。臣聞書曰。臣無有作福作威玉食。臣之有作福作威玉食。害于而家。凶于而國。傳曰。大夫無境外之交。束脩之饋不

出境。所以杜漸防微。明一尊也。近炆烈皇后。雖友愛天
至。而陰侯卒。遣就國。梁竇非法。明帝誅之。嘗譬曉外家
曰。苦身待士。不如爲國。戴盆望天。事難兩施。臣嘗刻著
五藏書。紳識焉。竊聞衛尉廖。以布三千匹。城門較尉防。
以錢三百萬。私贍三輔衣冠。知與不知。莫不畢給。又聞
臘日。亦遺其在雒者。錢各五千。越騎較尉炆。臘日問邊。
至用羊三百頭。米四百斛。肉五千斤。臣愚以爲不應經
義。惶恐以聞。陛下情欲厚之。宐有以安之。臣誠欲上忠
陛下。下全后家。裁幸省察。及馬防以車騎將軍征西羌。
倫又諫曰。外戚不可任也。外戚以職事見任。繩以法。則

傷恩。私以親。則違憲。今防當西征。太后恩仁。陛下至孝。恐卒有纖介。難爲意愛。已馬氏廢退。而竇憲篤兄弟暴起。倫逆閉其萌。語切至。具帝紀中。時天子厭吏治苛刻。下寬大詔書。倫上疏將順。以勸成風德。曰。陛下即位。躬天然之德。體晏晏之資。以寬弘臨下。然詔書下寬和。而政急不解。務節儉而奢侈不止者。咎在風俗益敝。而羣下不能稱上旨。故也。昔允武承王莽之餘。頗以嚴猛爲政。後代因之。遂成風俗。不可得反。今郡國所舉。類多辨職俗吏。殊未有寬博之選。以應上求者也。陳留令劉豫。冠軍令駟協。並以刻薄之姿。臨人宰邑。專念掠殺。務爲

嚴苦。吏民愁怨。而議者反以爲能。違天心。失經義。誠不可不慎也。臣愚以爲宐博求仁賢。以裨時政。坐豫協罪。并譴舉者。則好惡一而風化自端矣。臣嘗讀書記。知秦以酷急亡國。又見王莽亦以苛法自滅。故勤懇於此。今諸王貴戚。驕奢踰制。京師尚然。何以示遠。宜申明其制。其太守以下。拜除自京師。及道出洛陽者。宜皆召見。可因博問四方。兼以觀察其人。諸上書言事有不合者。但可報罷。不宜過加喜怒。以明在寬。倫天性峭直。然常疾俗吏苛刻。論議依於寬厚。奉公盡節。在位以貞白稱。人方之前朝貢禹。或問之曰。公亦豈有私乎。倫曰。昔有與

吾千里馬者。吾雖不受。每公府辟選。雖終不用。而心不能忘。吾兄子病。一夜十往。退而安寢。吾子有疾。雖不就視。而竟夕不眠。何敢謂無私乎。蓋自省克如此。倫質慤少文采。言事無依違。吏人奏記及便宜者。輒并封上。年八十餘卒。

子頡。曾孫種。稱世廉直焉。

魯恭。

字仲康。

扶風平陵人。世吏

二千石。幼有至性。父卒。年十二。弟丕甫七歲。晝夜號慟。郡中賻贈無所受。服器禮過成人。十五學大學。與丕俱習魯詩。閉戶絕人。事講誦稍長。恭憐丕小。欲先就其名。託疾不應舉。丕得舉。乃始爲郡吏。拜中牟令。專以德化民。不任刑罰。部民有爭田者。累守令不能決。恭爲平理。

皆退而自責。輟耕相讓。亭長從人借牛。不肯歸。牛主訟之。恭勅令歸牛。至再三猶不肯。恭太息曰。是教化不行也。解印綬欲去。掾史共泣涕留。亭長乃慙悔。還牛。詣獄請受罪。不問。於是吏人懷服。建初七年。郡國蝗傷稼。犬牙緣中牟境者不入。河南尹袁安聞之。使掾肥親廉焉。恭隨行阡陌間。與俱坐桑下。有雉止其傍。馴不去。雉傍有兒與雉狎。不捕。親曰。兒何不捕雉。兒言。雉方將雛。親矍然起。謂恭曰。所以來者。府公欲察君政迹也。今蝗不入境。一異也。雉不怛人。二異也。童子不矍生。三異也。久留徒擾賢者。遂還府白狀。是歲嘉禾生。恭廷中坐側。尹

以檄勞恭曰。君以名德。久居中牟。大化流行。天降休瑞。應行而至。尹甚嘉之。具上書言狀。帝大異之。會詔百官舉賢良。恭薦中牟王方。立徵用。與公卿所舉同擢。徵恭爲侍御史。和帝初。車騎將軍憲擊匈奴。恭疏諫曰。陛下親勞聖思。日昃不食。憂在軍役。誠欲安定北垂。爲人除患。定萬世之計也。臣竊伏思之。社稷之計。萬人之命。在於一舉。誠未見其便。數年來。秋稼不熟。人食不足。倉廩空虛。又新遭大憂。人懷恐懼。陛下躬大聖之德。履至孝之行。百姓闕然。三時不聞警蹕之聲。莫不懷思皇皇。若有求而不得。今乃以盛春之月。興發軍役。擾天下以事。

戎狄誠非所以垂恩中國。改元正始。繇內及外也。萬民者。天之所生。天愛其所生。猶父母愛其子。一物不得其所。則天意爲之舛錯。况於人乎。故愛人者。必有天報。夫戎狄者。四方之異氣也。踳踞夷肆。與鳥獸無別。若雜居中國。則錯亂天氣。汙辱善人。是以聖王之制。羈縻不絕而已。今邊境無事。宜脩仁義。尚於無爲。令家給人足。安業樂產。人道又於下。則陰陽和於上。祥風時雨。覆被遠方。夷狄重譯而來至矣。夫以德勝人者昌。以力勝人者亡。今匈奴爲鮮卑所殺。遠藏河西。去塞數千里。而欲乘其衰耗。利其微弱。誠非義之所出也。前太僕祭彤。遠出

塞外。不見一虜。而兵已困矣。白山之難。不絕如縆。都護
陷沒。士死如積。迄今被其辜毒。孤寡哀思之心未彌。仁
者念之。以爲累息。柰何復襲其迹。不顧其難乎。今始徵
發。而司農用度不給。使者在道。分部督趣。上下相迫。亦
已甚矣。三輔并涼。少雨。麥根枯焦。牛死日甚。此不合天
心之驗也。羣僚百姓。咸曰不可。陛下獨柰何以一人之
計。棄萬民之命。不卹其言乎。上觀天心。下察人志。足以
知事之得失。長此不休。臣恐中國不爲中國。豈徒匈奴
而已哉。每政事有益於人。恭輒言其便。無隱。後拜魯詩
博士。守家法。學者日盛。遷侍中。帝數召燕見。問得失。遷

樂安相時東州多盜賊恭重購賞開恩信渠帥相率來降餘目相捕擊而平州郡以安遷允祿勲選舉清平京師貴戚莫能枉其正久之爲司徒免永初元年復召䟽爭盛夏斷獄語具刑法志中肅宗初斷獄皆冬至以前後論者互異鄧太后詔公卿議恭奏議曰夫陰陽之氣相扶而行發動用事各依時令若不當其時則物隨而傷王者雖質文不同而四時之令行之若一月令雖周所造而固夏之時也易稱潛龍勿用言十一月十二月陽氣潛藏未得用事雖昭噓萬物養其根芽而猶盛陰在上地凍水冰陽氣否隔閉而成冬也孝章皇帝深惟

古道助三正之微。定律著令。冀承天心。順物性命。致時
雍也。然自更制而來。年歲不成。穀價常貴。人不安寧。良
繇小吏不與國同心。務於苛殘。入十一月。得死罪。不問
曲直。便即格殺。雖有疑罪。不復讞正。一夫吁嗟。王道爲
虧。况庶衆乎。易十二月。君子以議獄緩死。可令疑罪。使
詳其法。恭再在公位。所辟選高第至列卿。郡守數十人。
而門下耆生。或不蒙薦舉。有怨望者。恭聞之曰。學之不
講。是吾憂也。終不借之議論。學者受業。必窮核問難。道
旣成。然後謝遣之。恭性謙遜。不顯爲名高。故世不以剛
直稱。年八十一。卒於家。弟丕亦沈深好學。社交游。不答

問候常見短於人而不欣然以自得也。遂兼通五經。爲東郡守。脩通灌溉。百姓殷富。數薦達幽隱。遷侍中。再爲國三老云。論曰。第五倫奉公蹇蹇。自內省克始也。微不隱其私。魯司徒溫柔敦厚。中牟之治。漸於化矣。故寬中近仁。克私近公。於經教篤深近德也。

鍾離意。

字子阿。

會稽山陰人。少爲郡督郵。時縣部亭長有

受人酒肉遺者。府下記案之。意封還記。入言於守曰。春秋先內後外。詩云。刑於寡妻。以御於家邦。明政化之本。繇近及遠也。宜先清府內。且闕畧遠縣細微之愆。太守賢之。遂任以縣事。縣大疫。身親給醫藥全之。辟大司徒

侯霸府掾。詔部送徒河內。冬寒。徒病不能行。意輒移所過縣。使作徒衣。縣上書言狀。允武得奏。持謂霸曰。君所使掾。何仁於用心如是。良吏也。意於道解。徒桎梏。聽自行。恣所欲過。毋苛留。然徒皆尅期至。無有違者。除瑕丘令。有吏盜公府錢。意廉得。屏人問狀。吏叩頭服。意不忍加刑。與告長休。吏父聞。設酒謂吏曰。吾聞無道之君。以刃殘人。有道之君。以義行誅。子罪命也。令飲藥而歿。遷堂邑令。縣人防廣。爲父報讐。繫獄。母病歿。哭泣不食。意憐傷之。聽歸家殯歿。丞掾皆爭。意曰。罪人自我遣。不汝累也。遣之。廣歿訖。還入獄。意密以狀聞。得減歿。顯宗節。

仲爲尚書。時交趾守張恢坐贓徵伏法。簿其財賄班羣臣。意得珠璣。委之地。不拜賜。帝問之。對曰。臣聞盜泉之水。孔子忍渴。勝母之門。曾參回車。何也。惡其名也。贓爲物穢。臣不敢拜賜。帝嗟嘆。更賜以庫錢。轉尚書僕射。帝數幸廣成苑獵。意以從禽廢政。當車諫。帝爲止行。歲旱。作北宮。意詣闕。免冠疏諫曰。昔成湯遭旱。六事自責。今旱甚。而北宮大作。民失農時。何以憂民。自古非宮室狹小之患。而民不安寧之患。宜罷大役。以應天心。敕爲止作。司農上簿有誤字。帝怒。召郎答之意。入叩頭曰。過誤人所時有。若以爲罪。臣位高罪重。郎位小罪輕。臣當坐。

前解衣就格。帝意解。貫即帝體性仁明。而時復暴急。頗

好以耳目撻發爲明。公卿大臣數被譴。近臣尚書而下。

至不免提曳。

郎樂崧逢帝怒。帝自起撞之。崧伏牀下不出。帝趣呼郎出。崧應曰。天子穆穆。諸侯皇

皇未聞天子自起撞郎。帝詘爲霽威。

意疏諫曰。伏惟陛下躬行孝道。修明

經術。郊祀天地。畏敬鬼神。隱恤黎元。勞心不怠。而天氣

未和。日月不明。水泉湧溢。寒暑違節者。咎在羣臣不能

宣和治職。以苛刻爲俗。感逆和氣。致天災也。夫百姓可

以德勝。難以力服。先王要道。民用和睦。故能致天下和

平。灾害不生。禍亂不作。鹿鳴之詩。必言燕樂者。以人神

之心洽。然後天氣和也。願陛下垂聖德。揆萬幾。詔有司

慎人命。緩刑罰。順時氣。以調陰陽。帝頗采納焉。出爲魯相。以愛利爲化。居五年。病卒官。遺書諫。帝言。升平之世。難以急化。宜少寬假。帝感其意。下詔嗟惜。賜錢賻焉。

朱暉

字文季

南陽宛人也。早孤。有氣決。光武與其父岑故

同學。卽位。求問岑。歿矣。召暉拜爲郎。以病去。卒業於太學。性矜嚴。進止必以禮。新陽侯陰就慕暉賢。往候之。避不見。遣家丞致禮。復自閉不受。就聞。嘆曰。志士也。勿奪其節。東平王蒼以驃騎輔政。辟之。禮敬焉。朝正月朔。故事。少府給璧。就時爲府卿貴倨。漏且盡。求璧不得。蒼顧椽屬丞往索。暉望見少府主簿持璧。給請觀。則奉以來。

簿大驚走白就就曰朱祿義烈勿復求更以他壁朝既
罷蒼太息曰屬者卿自視孰愈蘭相如帝聞壯之爲臨
淮太守所拔用皆厲行士其斷獄諸以義繫報怨犯律
者爲求其情理多得生汗穢不義者立僵仆之吏民歌
曰強直自遂南陽朱季吏畏其威民懷其惠數以剛忤
上被劾去布衣蔬食屏居野澤中初暉同縣張堪官太
學見暉請交結把臂曰欲以妻子託卿暉以堪先達不
對也後不復見堪卒暉聞其妻子貧困往候視賑贍焉
其少子恠問曰大人平生未嘗與張君交今若然何也
暉曰張君嘗有知己之言吾內許於心故耳與同郡陳

楫善。卒成立其遺孤。元和中。肅宗幸南陽。召太守問暉起居。召拜尚書僕射。數陳諫。守節不阿意。張林言。縣官經用不足。宜修鹽鐵均輸法。暉駁之曰。均輸之法。與賈販無異。鹽利歸官。則下民窮怨。非明主所宜行。忤旨。見讓。暉自繫獄三日。詔出之。稱疾篤。不署議。尚書令以下惶怖曰。臨得譴稱病者罪矣。暉曰。行年八十。蒙恩在機密。當以死報。若心知不可。而順旨。蠶同。如臣子之義何。遂閉口不復言。諸尚書共劾暉以法。帝寢其事。詔直事。即問起居。太醫視疾。太官賜食。暉乃起謝。遷尚書令而老。子頡。修儒術。至陳相。頡子穆。自有傳。王丹京兆下邳人。隱居養志。好施。周急。歲農時。輒載酒穀於田間。

候勤苦者勞之。墮矐者耻。皆兼功自厲。遊蕩廢業者輒曉其父兄譴責之。邑聚咸奮。重本業。里遭罌者。咸待旦爲辦。行之十餘年。風俗以篤。前將軍鄧禹西征。率宗人上麥二千斛。禹表爲左馮翊。稱疾免去。徵爲太子傅。大司徒霸欲與交。遣子昱迎於路。拜車下。丹下車答之。昱曰。家公與君結交。何爲見拜。丹曰。君房有是言。丹未之許也。何敢攘乎。丹子有同門生喪親。家中山白欲往弔。丹怒撻之。令寄縑以祠。或問其故。丹曰。交道之難久矣。古稱管鮑。次則王貢。張陳凶其終。蕭朱隙其末。全之者鮮矣。何敢易乎。客有薦士於丹者。舉之。後所舉者獲罪。丹坐免。客慙自絕。而丹終無所言。尋復徵。乃召客謂曰。子何量丹之薄也。不設食。愧之。已相待如初。遜位卒。

帝彪。

字孟達。

扶風平陵人。高祖賢相。宣帝。

見經學傳。

祖賞。哀帝

時大司馬。彪孝行純至。父母卒。哀毀三年。不出廬。服竟

骨立。更數年乃起。以好學洽聞。稱儒宗。建武末。舉孝廉。

除郎中。病免歸。復教授。安貧樂道。恬於進趨。三輔諸儒

慕仰之。顯宗召拜謁者。賜車馬衣服。肅宗卽位。以病免。徵爲中郎將。陳政術。一歸於寬厚。建祔中。帝西巡。以行太常從。數召見。問三輔舊事禮節風俗。彪因言請追錄高祖中宗功臣。褒顯元勲。乃制詔京兆尹扶風求蕭何霍光後。得何末孫熊。封鄼侯。還拜大鴻臚。議郡國貢舉。宜首孝行。語具任官志。因盛夏多寒。上䟽曰。臣聞政化之本。必順陰陽。伏見立夏以來。當暑而寒。殆以刑罰刻急。郡國不奉時令之所致也。農人急穡務。而苛吏奪其時。賦發有常調。而貪吏傷其財。此巨患也。夫欲急人所務。當先除其所患。天下樞要在於尚書。尚書之選。豈可

不重。而間者多從郎官。超踐此位。雖曉習文法。長于應對。然察察小慧。類無大能。恂朴之吏。雖進退舒遲。時有不逮。然端心向公。奉職周密。宜鑒嗇夫捷急之對。深思絳侯木訥之功。往時楚獄大起。故置令史以助郎職。而類多小人。好爲姦利。今務頗簡。宜皆停省。又諫議之職。宜用通明審正之士。庶有補益於朝。御史外遷。動據州郡。並宜清選其任。責以言職。其二千石。視事雖久。爲吏民所便安者。當增秩重賞。勿遽遷以責其成功。書奏。帝納之。帝東巡狩。行司徒事。從還。引疾乞休。帝賜食。問病。彪遂稱篤。策詔曰。彪以將相之裔。勤身飭行。出自州里。

在位歷載中被篤疾連上求退君年在耆艾恐職事煩重有損焉其上大鴻臚印綬賜錢二十萬卒彪清儉好施祿賜盡分宗族家無餘財著書二十篇號常卿子

何敞

字文高

扶風平陵人六世祖比干爲廷尉與張湯同

官湯持法深面比干務仁恕事每爭雖不能盡得然多所全活敞性公正自以趨舍不合時務不應請召章帝末辟太尉宋繇府論儀高正引大體司徒安深敬重之和帝初竇氏暴橫敞曰發其姦拜侍御史尚書又數切諫事關廟社具帝紀憲以濟南王康屬尊貴倨白出爲濟南太傳欲因以害敞王奢無節敞䟽諫曰大王以骨

肉之親。享食茅土。當施張政令。明飭典法。出入進止。具
有期度。輿馬臺隸。應爲科品。今奴婢廐馬。增皆千餘。以
自蠶食。宮婢閉隔。失其天性。感亂和氣。又多內起第。觸
犯防禁。費以巨萬。文繁者質荒。木勝者人亾。非所以奉
禮承上。傳福無疆也。數游諸第。晨夜無節。又非所以遠
見未然。臨深履薄也。願大王修恭儉。遵古制。省奴婢之
口。減乘馬之數。斥私田之富。節遊觀之宴。以禮起君。加
深慮於愚言。康雖不能改。然素敬重敝。無嫌牾焉。遷改
南太守。疾文法俗吏。以苛刻爲名高。在郡以寬和爲政。
立春日。常召督郵還府。分遣儒術吏案行縣屬。顯孝弟。

有義行者。每舉究獄。輒斷以經義。郡民化之。出分者皆歸養父母。追行喪服。兄弟推財相讓。修鰲陽渠。民賴其利。墾田三萬餘頃。人刻石頌德焉。竇氏敗。有司奏敞子與夏陽侯環善。坐免官。後徵爲中郎將。爲中常侍。詆誣。卒于家。

黃瓊。

字世英。

江夏安陸人。魏郡守香之子也。

香九

歲事母至孝。母喪。孺慕憔悴。幾不能生。少長博學經典。精究道術。時人爲之語曰。天下無雙。江夏黃童。除郎中。肅宗詔香詣東觀讀。所未見書。告休。反京師。帝指以謂人曰。此所謂江夏黃童者也。左右莫不改觀。拜尚書郎。常獨止宿臺中。晝夜不離。帝聞嘉之。爲尚書令。官樞機。甚見親重。香祗勤物務。憂公如家。每郡國疑罪上讞。務從輕科。愛惜人命。每存憂濟。又暢曉邊事。酌量軍機。具得事宜。在位多所薦達。遷魏郡太守。郡舊有內外園田。歲收穀數千斛。香曰。王制仕者不耕。伐木食祿之家。不與百姓爭利。乃悉以賦人。課令耕種。時魏郡水。歲饑。分

俸祿及所得賞賜贍貧者。生永療免。卒於家。

少有義行。以父任爲太子舍人。

辭不就。三府俱辟不應。永建初。公卿並薦。與會稽賀純。

廣漢陽厚俱公車徵。瓊至絳氏。稠疾不進。有司劾不敬。

詔下縣以禮敦遣。廣漢李固素慕瓊。以書逆遺之曰。聞

已度伊洛。近在萬歲亭。豈卽事有漸。將順王命乎。蓋君

子謂伯夷隘。柳下惠不恭。故不夷不惠。可否之間。聖賢

居身之所珍也。誠遂欲枕山棲谷。擬迹巢繇。斯亦可矣。

若當輔政濟民。今其時也。自生民以來。善政少而亂俗

多。令必待堯舜之君。此爲行志。終無已時矣。常聞語曰。

曉曉者易缺。皦皦者易汙。陽春之曲。和者必寡。盛名之下。

其實難副。近魯陽樊君被徵。初至。朝廷設壇席。猶待神明。雖無大異。而言行所守。亦無所缺。而謫毀布泥。應時折減者。豈非觀聽望深。聲名太盛乎。自頃徵聘之士。功業無採。是以流俗論者。皆言處士純盜虛名。願先生弘此遠謨。今衆人嘆服。一雪此言耳。瓊至。拜議郎。遷尚書僕射。瓊隨父在臺閣。習見故事。後居職。達練官常。每有陳糾。朝議莫能抗奪。以災異上疏曰。間者卦位錯繆。寒燠相干。蒙氣數興。日闇月散。天意不虛然也。宜開石室。案河洛。命史官。悉條上。永建以前。至漢初災異。與永建後訖今日。孰爲多少。足以鑒矣。又使近臣儒者。參考政

事數見公卿。攷察得失。諸無功德者。宜皆斥黜。臣前薦
亮祿大夫樊英。大中大夫薛包。未蒙御省。伏見處士巴
郡黃錯。漢陽任棠。年皆耆耄。有作者七人之志。宜更引
致助。崇大化。三年大旱。復上疏曰。昔魯僖遇旱。以六事
自讓。躬節儉。閉女謁。放讒佞者十三人。誅稅民受賂者
九人。退舍南郊。天立大雨。今政事多闕。宜顧省政事所
缺。務質儉。以易民聽。尚方御府。息除煩費。勅近臣明遵
法度。如有不移。示以好惡。又囚徒積多。死亡和氣感傷。
此災旱之招也。書奏。引見德陽殿。下其章。施行之。自順
帝在位。不親籍田之禮。瓊以國之大典。不宜廢。疏曰。自

古聖帝哲王。莫不敬恭明祀。增致福祚。故必躬郊廟之禮。親藉田之勤。以先羣萌。率勸農功。竊見陛下遵稽鴻業。懷柔百神。體虔肅以應天。今廟祀適闕。而祈穀潔齋之事。近在明日。臣恐左右之心。不欲屢勤聖躬。以爲親耕之禮。可得而廢。臣聞先王制典。藉田有日。司徒咸戒。司空除壇。先時五日。有協風之應。王卽齋宮。享醴載耒。誠重之也。自癸巳以來。仍西北風。其澤不集。寒凍尚結。所宜自勉。以迓和氣。易曰。君子自強不息。願幸畱神。從之。遷尚書令。瓊以前左雄所上。孝廉之選。專用儒學文吏。於取士之義未備。乃奏增孝悌。及能從政者爲四科。

施行

之元嘉元年遷司空

桓帝欲褒崇大將軍梁冀。下中朝議其

禮。公卿稱冀勲德比周公。宜錫山川土田附庸。瓊議言。

昔周公輔相成王。制禮作樂。化致太平。是以大啟土宇。

開地七百。今諸侯以戶邑爲制。不以里計。冀可比鄧禹。

食四縣。賞賜準霍光。冀以爲恨。以地動策免。已復司徒。

轉太尉。冀前後所託辟召。一無所用。以日食免。明年冀

誅太尉廣。司徒續。司空朗皆坐阿附免。復太尉。封祁鄉

侯。瓊以師傳首居公位。舉奏州郡貪汙至死徙者數十

人。海內肅清。尋五侯擅勢傾中外。瓊度不能匡。稱疾免。

復召。復免。疾篤。上疏曰。臣聞天者務剛其氣。王者務強

其政陛下從藩國而帝天下。天下拭目想見太平而卽位以來。未有勝政。諸梁秉勢。豎宦充朝。富擬王府。勢回天地。言之者必族。附之者必榮。忠臣懼死。杜口木舌。故太尉李固。杜喬。忠以直言。德以輔政。爲國亡身。隕歿。爲報海內傷懼。又前白馬令李雲。指言宦官罪穢。宜誅。皆因衆心。以救積弊。弘農杜衆。懼雲以忠獲罪。上書陳理。乞同日死者。所以感悟國家。庶雲獲免也。雲既不辜衆。又并坐。天下痛怨。朝野之人。以忠爲諱。昔趙殺鳴犢。孔子臨河而反。夫毀巢破卵。則鳳凰不翔。剝牲夭胎。則麒麟不臻。物感自然也。尚書周永。昔爲沛令。素事梁冀。坐

事當罪。超拜要職。見冀將衰。復陽毀示忠。及諸黃門。協邪黨。冀腹背相親者。陛下不清。澈真偽。並受顯封。使朱紫共色。粉墨雜揉。四方聞之。莫不憤歎。昔曾子大孝。慈母投杼。伯奇至賢。終於流放。夫讒諛所舉。無高而不可升。其抑之也。無深而不可淪。可不察與。臣世荷國恩。身輕位重。勤不補過。懼於永歿。負釁益深。敢以垂絕之日。陳不諱之言。庶萬有一無恨三泉耳。薨。年七十九。謚曰忠孫。琬蚤慧。在朝有鯁直節。治郡稱神。以黨禍廢二十年。起牧豫州。以討黃巾功。徵登公府。議遷都。忤卓免。後以司隸較尉。與司徒乞諫。誅卓。爲宦汜所殺。周舉。字宣光。

汝南汝陽人。父陳畱太守。防在儒林傳。舉貌寢而博學。治聞爲儒宗。延光中。辟司徒李郃府。時順帝誅滅諸閹。議者請徙太后別館。絕朝見。舉謂郃宜密表奉太后朝。見如常儀。具帝紀。人心厭焉。爲平丘令。上書言當世得失。尚書郭虔應賀等見之。共太息。䟽舉忠直。乞帝置章座側。爲切規。遷并州刺史。太原俗以介子推焚骨有龍忌之禁。士民每冬仲。輒一月塞食。莫敢舉爨。老幼不堪多死者。舉作弔書。祭子推之廟。言盛冬去火。殘民命。非賢者之意。因宣示民。還溫食。衆惑乃解。轉刺冀州。陽嘉三年。徵拜尚書。與僕射瓊同心輔政。名重朝廷。是歲河

南三輔大旱。五穀傷。天子親露坐德陽殿東廂請雨。詔三府舉才學優深者策問消變之術。舉對曰。臣聞二儀交而萬物生。萬物之生。惟人最貴。故皇天養之以君。成之以化。示之以災異。訓之以嘉祥。先王承天覆之以仁。恩導之以德教。法乾元養物之理。適四時陰陽之和。夫陰陽閉隔。則二氣否塞。而人物不昌。人物不昌。則風雨不時。而水旱疾疫始此矣。陛下處唐虞之位。而循亡秦之故。內積怨女。外有曠夫。傷和逆理。斷絕人道。宦豎虛以形勢。威侮良家。亦復取女。閉之白首。無偶。昔成湯遭災。以六事剋己。魯僖遇旱。以自責致雨。皆精誠回天之

應自枯旱以來。彌歷年歲。未聞陛下有改過之效。而徒勞至尊。暴露風塵。誠無益也。宜推信革政。崇道辯惑。出後宮。不御之女。理天下冤枉之獄。除太官重膳之費。夫五品不訓。責在司徒。處非其位。宜急黜斥。臣從下州。超備機密。學薄智淺。不足以奉明對。易傳曰。陽感天不旋日。唯陛下留神。是歲司徒劉琦免。遷司隸校尉。永和初。出爲蜀郡太守。坐事免。大將軍商表從事中郎。甚敬重焉。商疾篤。帝親幸。問遺言。以舉清高忠正。可重任對。拜諫議大夫。詔遣八使分行天下。巡風俗。舉在遣中。劾貪猾。表公清。朝廷稱之。遷河內太守。徵爲太鴻臚。殤帝崩。

議廟制。請先塲後順。語見禮儀志。遷亮祿大夫。卒。朝議以未登三事。咸痛惜焉。方舉與八使行巡時。各以受命之部爲奉職。侍御史張綱獨埋其車輪於雒陽都亭。曰。豺狼當道。安問狐狸。遂劾奏大將軍冀。河南尹不疑。有無君心十五事。京師震悚。帝知綱言直。不罪也。他使所劾多冀及宦官親黨事。帝輒寢。侍御史种暘復案舉。乃考正其罪。太子居承光宮。暘以詔爲家監。有常侍從中單駕出迎太子。太傅喬等疑。不欲從。未敢決。暘手劒當車曰。太子國儲副。天統所係。今常侍來無詔。何知非姦耶。暘有死而已。太子不行也。梵不敢對。還奏之。有手詔。

太子乃行。喬退。愧歎。曷臨事不惑。自以爲不及也。帝亦嘉其持重。稱善者久之。

荀爽。字慈明。

潁川潁陰人。父淑。

荀卿十一世孫。博學有高行。徵爲郎。遷當塗長。自去官。當世名賢李固。李膺等。咸師宗之。梁太后臨朝時。有日食地震之變。詔公卿舉賢良方正。光祿勳杜喬。少府房植。舉淑對。譏刺貴倖。爲大將軍梁冀所忌。補朗陵侯相。蒞事明理。稱神君。有子八人。儉。緄。靖。燾。汪。爽。肅。專。皆才人。稱之八龍。命其里曰高陽。以高陽氏有才子八人也。而爽尤著。年十二。通春秋論語。覃思經學。不應徵命。潁川爲之語曰。荀氏八龍。慈明無雙。舉至孝策陳便室曰。

臣聞之師曰。漢爲火德。其德爲孝。其象在周易之離。離在地爲火。在天爲日。天用其精。地用其形。夏則火王。其精在天。溫暖之氣。養生百木。生則致養。孝之始也。冬則火廢。其形在地。酷烈之氣。山林焚燒。喪親自盡。孝之終也。漢制使天下誦孝經。選吏舉孝廉。往者孝文勞謙行。過乎儉。故遺詔以日易月。此當時之宜。不可貫之萬世。古今之制。雖有損益。而諒陰之禮。未嘗改移。示天下不遺其親也。今公卿羣僚。政教所自出。而父母之喪。不得奔赴。夫仁義之行。自上而始。敦厚之俗。以應乎下。傳曰。喪祭之禮闕。則人子之恩薄。而背死忘生者衆矣。曾子

曰。人未有自致者也。必也親喪乎。古者大喪。君命三年。不呼其門。所以崇德本。厚俗敦化之道也。事失室正。過勿憚改。天下通喪。宜可如法。臣聞夫婦人倫之始。王化之端也。易上經首乾坤。下經首咸恒。孔子曰。天尊地卑。乾坤定矣。夫尊婦卑。所謂順也。堯典曰。釐降二女于嬀。嬀。嬀于虞。降者。下也。嬀者。婦也。言雖帝堯之女。下嫁于虞。猶屈體降下。勤脩婦道也。春秋之義。王姬嫁齊。使魯主之。不以天子之尊。加於諸侯。今漢承秦法。設尚主之儀。夫觀象於天。則北極至尊。四星妃后。察法於地。則艮山象夫。澤卑象婦。近取諸身。則乾爲人首。坤爲人腹。遠

取諸物。則雄者鳴雌。雌能順服。牡爲唱導。牝乃相從。物性然也。故詩言關雎。禮始冠昏。天地六經。其旨一揆。宜改尚主之制。以稱乾坤之性。昔者聖人建天地之中。而爲之禮。禮者。所以興福祥之本。而止禍亂之源也。人能枉欲從禮者。則福歸之。順性廢禮者。則禍歸之。推禍福之所應。知興廢之所繇來也。衆禮之中。婚禮爲首。故天子娶十二。天之數也。諸侯以下。各有等差。事之降也。陽性純而能施。陰體順而能化。以禮濟樂。節宣其氣。故能豐子孫之祥。致老壽之福。及三代之季。淫而無節。瑤臺傾宮。陳妾數百。陽竭於上。陰隔於下。故周公之戒曰。不

知稼穡之艱難。不聞小人之勞。惟耽樂之從。時亦罔或克壽。後世好福不務其本。惡禍不易其軌。傳曰。截趾適屨。孰云其愚。何異斯人。追欲喪軀。誠可痛也。臣竊聞後宮采女五六千人。從官侍使。復在其外。冬夏衣服。朝夕廩糧。耗費縑帛。空竭府藏。徵調增倍。十而稅一。空賦不辜之民。以供無用之女。百姓窮困於外。陰陽隔塞於內。故感動和氣。災異屢臻。臣愚以爲諸非禮聘。未幸御者。一皆遣出。使成配合。通怨曠以和陰陽。省財用以實府庫。脩禮制以綏眉壽。均陽施以祈螽斯。寬役賦以安黎民。此誠國家之弘利。天人之大福也。夫寒熱晦明。所以

爲歲尊卑奢儉所以爲禮。故晦明寒暑之氣。尊卑侈約之禮。所以爲節也。易曰。天地節而四時成。春秋傳曰。惟羅與名。不可以假人。孝經曰。安上治民。莫善於禮。禮者。尊卑之差。上下之制也。昔季氏八佾舞於庭。非有傷害困於人物。而孔子歎曰。是可忍也。孰不可忍。洪範曰。惟辟作威。惟辟作福。惟辟玉食。此三者君所獨行。而臣不得同也。今臣僭君服。下食上珍。所謂害于而家。凶于而國者也。宜畧依古禮尊卑之差。及董仲舒制度之別。嚴督有司。此則禁亂善俗。足用之要也。愚臣無識。惟陛下裁擇。奏入。棄官去。黨蹴起。隱海上。又潛迹漢濱十餘年。

董卓輔政徵之。爽欲遁不得。就拜平原相。至宛陵。進充
祿勲。視事三日。拜司徒。自被徵至登臺司。凡九十五日。
從遷長安。見卓忍暴滋甚。必危社稷。所舉辟專之於才
畧之士。與司空允等共圖其難。會疾薨。陳忠沛國浚
人也。曾祖父咸。事哀平爲尚書。有忠節。父寵。事肅宗爲
廷尉。上苛法。議廣恩。具前傳及刑法志中。世習法令。常
稱曰。爲人議法。當依於輕。雖重購。慎無與人重比。爲司
空。以經書傳法律。爲任職相。忠以先廷尉時具漢法。溢
於甫刑者。條上未施行。申其意。條二十三事。爲決事比。
上之。又上除蠶室刑解。臧吏三世禁錮。狂易殺人者。得

減論。母子兄弟相代。死聽赦所代者。事皆施行。鄧太后崩。安帝親政。忠以爲臨政初。宜徵聘賢才。以宣助風化。數表薦隱逸。及直道之士。有詔公卿百僚上封事。忠慮以詔書既開。諫爭言事者必多激切。致不能容。乃上疏。豫廣帝意曰。臣聞仁君廣山藪之大。納切直之謀。忠臣盡謇諤之節。不畏逆耳之害。是以高祖赦周昌桀紂之對。文帝嘉袁盎人豕之議。今明詔引咎。克躬諮訪。羣吏言者。見杜根成翊世等。新蒙表錄。必承風響應。爭爲切直。其嘉謀異策。固宜虛納。卽令管穴。妄有譏刺。苦口逆耳。不得事實。亦宜優游寬容。示聖朝無諱之風。帝從之。

時百姓流亡盜賊並起郡縣相匿莫肯糾發忠內以爲憂上疏曰臣聞輕者重之端小者大之原是以明者慎微智者識幾所以崇本絕末極鉤深燭遠之慮也臣竊見元牟以來盜賊連發攻亭劫掠多所傷殺夫穿窬不禁則致強盜強盜不禁則爲攻盜攻盜成羣則大姦生而土崩故逃亡之科於憲令至急而州郡諱以盜賊爲負曾莫省憂雖有發覺不務澄湔至逞威怒僵仆告者或跼蹐比伍轉相賦歛是以盜發之家不敢申告鄰舍比里至出私財以償所亡其大章著不可掩者乃得發露陵遲成俗寇攘之咎皆原於此宜切勅刺史嚴糺罰

冀以猛濟寬。時初詔大臣行三年。器忠因申舊令。從軍及給事。將官者。大父母。死未滿三月。皆勿從。太后從之。以夕次。轉僕射。糾乳母王聖女。伯榮橫恣。傷三府官。重任輕機。事委尚書。而災眚輒咎。譴三公。非國體。各䟽諫。具帝紀中。上大臣良臣、

鍾皓

字季明

潁川長社人。少篤行。公府連辟。以二兄未仕。

隱密山教授。與荀淑並爲士大夫所歸。李膺歎以爲至德可師者也。同郡陳寔齒甚少。皓引與爲友。爲郡功曹。

會辟司徒府。薦自代。時士習尚氣節。兄子瑾獨退讓。李膺疵之曰。孟子以無是非之心爲非人。弟何獨不然。皓

聞之曰。昔國武子好昭人。道以致怨。道貴體訓。所安保。

身全家耳。性何必同。

孫孫自有傳

劉矩。沛國蕭人。爲雍丘。

令。化民以禮讓。有爭訟。引使前提耳訓告。以爲忿恚。可。

忍。縣官法不可試也。使歸自思。訟者往往罷去。路不拾。

遺。爲尚書令。以亮直失梁冀意。出爲常山相。後爲太尉。

與司空瓊。司徒暲。同心輔政。所辟召皆名德。順辭默諫。

多見省用。以日食策免。

劉寬。

字文饒

弘農華陰人。有偉。

度。嘗問行。有失牛者。就寬車中認之。寬不言。下輿步歸。

有頃。認者持牛還。叩頭謝。寬曰。物有相類。事有錯誤。幸。

勞見歸。何爲謝乎。典三郡。溫仁慈恕。雖在倉卒。未嘗疾。

言遽色。吏人有過，用蒲鞭撻之，示辱而已。有功善，推之于下。有災異，責躬。每行縣，息亭傳，輒引學官祭酒處士諸生，執經問難。見父老，慰以農里之言。少年勉之孝弟，感而興行者甚衆。靈帝時，爲太尉。於帝前被酒，睡伏。帝問太尉醉耶？寬稍醒，叩對曰：「臣不敢醉，但任重責大，憂心如醒。」帝爲動容。夫人欲試寬，令恚。伺朝會，嚴裝訖，令侍婢奉肉羹，翻汚朝衣。婢遽收之。寬神色不異。徐言曰：「羹爛汝手乎？」蓋性度如此。

○龐參，字仲達，河南緱氏人。舉孝廉，爲左較令，坐法輸作。

若盧，中丞樊準，疏薦參。參勇不測，可將也。宜採前世之舉，勸魏尚之功。故參以效宣國威，拜謁者，督軍屯，爲漢陽太守，抑疆助弱，以惠政得民。永建中，爲大鴻臚。虞翊薦其有宰相器能，順帝時，爲太尉，錄尚書事。參在二公

中最忠直、數爲左右所毀、參稱疾、廣漢上計、祿段恭上疏曰、伏見道路行人、農夫織婦、皆稱太尉參、竭忠盡節、孤立羣邪之間、自處於中傷、夫以讒佞毀忠正、此天地之大禁、人主之至誠也、國以賢治、君以忠安、今天下咸幸陛下有此忠賢、願卒寵任、以安社稷、書奏、詔遣小黃門視疾、致羊酒、生夫人疾、前妻子、殺之、竟以免。○廉范京兆杜陵人、父遭亂、客死蜀、范年十五、辭母西迎喪、蜀郡守張穆祖故吏也、厚資之、范一無所受、負喪歸、至葭萌、船觸石破壞、范抱棺俱沈、踰出之、乃免、永平初、隴西太守鄧融禮范爲功曹、會融爲刺史、所舉案、范知譴重、欲以權相濟、託病去、融大恨之、范東至洛、變名姓爲廷尉獄卒、居無何、融果徵至獄、范侍衛左右、盡心勤勞、融怪其爲范、而殊不意、謂之曰、卿何乃似我、廉功曹、范謂之曰、君困眩瞽耶、融繫久、疾病、范隨養視、竟融死、不言身自將車送葬、至南陽、葬畢、乃後去、辟公府所受學、師薛漢、坐楚獄、誅衆莫敢視、范往歛、收之、帝召入、詰責、范叩頭曰、臣愚無狀、以爲漢已伏誅、亦足示國法矣、誠不忍師資之情、罪當坐、帝以其辭直、壯之、問曰、若豈廉頗後耶、與右將軍褒、大司馬丹有屬乎、對曰、褒、臣曾祖、丹、臣祖也、帝曰、怪卿志膽乃爾、知是也、以爲雲中守、匈奴

大入塞故事虜入塞過五千人移旁郡求救范不求救
身拒之不敵會日暮令軍士交縛兩炬三頭藝火星列
營中而蓐食虜遙望火多謂漢救至驚宵遁范奔擊斬
首數百級虜繇此不敢窺雲中歷武威武都二郡守隨
俗化導各得治宜遷蜀郡俗尚文辨好相持短長范厲
以淳厚成都民物豐穰邑宇偏側舊制禁民夜作防火
災而更相隱蔽燒者相屬范削舊令但嚴儲水而已百
姓歌之曰范叔度來何暮不禁火民安作昔無孺今五
袴范世在邊廣田地積財粟以賑宗族朋友與洛陽慶
鴻爲刎頸交時人彌日前有管鮑後有慶廉○祭彤祭
征虜遵從弟也早孤天下亂野無煙火常獨守先人家
賊每過見彤尚幼哀之不害也建武初以征虜任爲黃
門郎常在左右征虜卒無子帝追傷之以彤爲偃師長
近遵墳四時奉祠焉視事五歲邑無盜賊課第一遷襄
賁長誅破姦猾解其支黨襄賁政清拜遼東太守彤厲
兵馬廣斥埃鮮卑犯塞常首鋒陷陳鮮卑畏怖款塞彤
念匈奴鮮卑烏桓三虜並窺邊彤連和爲邊患愈甚乃
厚賜鮮卑以傾其心復親附其異種高句驪滿離之屬
虜酋感服彤乃令擊匈奴送首誠爲效虜叩天指心果
歲送俘誠邊邑以寧初詔書切責州郡設購賞禦邊終

不能有禁禦形質厚體貌絕衆以恩信撫夷狄人畏而
愛以得其死力西自武威東盡玄菟樂浪塞外夷皆內
附野無風塵詔悉罷緣邊屯六焉顯宗嘉其功徵爲太
僕又美彤清約在遼東三十年衣無兼副拜日賜錢百
萬馬三疋衣被刀劍什物充其第帝歎息以爲可屬大
事東巡行過魯坐孔子講堂指子路室曰此太僕室太
僕吾之禦侮也已命將萬騎伐匈奴期至涿邪山爲南
左賢王信所誑得小山以爲涿邪不見虜而還徵下獄
免彤憤見詐出獄數日歐血歿且歿呼其子謂曰吾受
錄恩厚奉使不稱誠慚誠恨義不可以無功受上賜汝
悉簿上所得賜物詣兵屯效歿帝雅重彤方更任用聞
大驚悼烏桓鮮卑追思彤無已每朝賀過謁冢仰天號
哭乃去吏人爲立祠遼東奉祠之○虞詡字孔卿陳國
武平人父經爲獄吏案灋平允每冬月上歿囚狀恒流
涕詡早孤事祖母順孝辟太尉府會大將軍騭議欲棄
涼州詡格其議語具邊防中大將軍憲欲以灋中之舉
以爲朝歌長時朝歌盜起攻殺長吏屯聚連年州郡不
能禁故舊皆弔詡笑曰忠不求易事不避難臣之職也
不遇盤根錯節何以別利羈乎此乃吾立功之秋也始
到謁河內太守馬稜稜勞苦之曰君儒者當謀謨廟堂

乃在朝歌耶、當何用治之、詔曰、朝歌背太行、臨黃河、去敖倉不過百里、而青冀之民、流亡萬數、賊不知開倉招衆、却庫兵、守成臯、斷天下右臂、此不足憂也、今其衆新盛、難與爭鋒、兵不厭權、願寬假轡策、勿令有所拘闕而已、及到官、設三科以募壯士、掾吏以下、各舉所知、攻却者爲上、傷人偷盜者次之、不事家業者爲下、收得百餘人、貰其罪、使入賊中、誘令劫掠、而伏兵以待之、殺數百市里者、吏輒禽之、賊繇是駭散、咸稱神明、朝歌以平、後兇寇武都鄧太后聞詔有將帥之畧、以爲武都太守、兇衆數千、遮詔於陳倉峭谷、詔即停車不進、而宣言上書請兵、須到當發、兇聞之、乃分鈔傍縣、詔因其兵散、日夜進、兼行百餘里、令吏士各作兩竈、日增倍之、兇不敢逼、或問曰、孫臏滅竈、而君增之、兵法日行、不過三十里、而今日且二百里、何也、詔曰、虜衆多、吾兵少、徐行則易爲所及、速進則彼所不測、虜見吾竈日增、必謂郡兵來迎、衆多行速、必憚追我、孫臏見弱、吾今示彊、勢不同故也、既到郡、兵不滿三千、而兇衆萬餘、圍赤亭者狹旬矣、詔乃令軍中伏彊弩勿發、發小弩嘗敵、兇以爲矢竭力疾攻、詔使二十彊弩發共射一人、發無不中、中立斃、兇大

駭走，詔出奮擊破之。明日陳兵，從東郭門出，北郭門入，易衣服，回轉數周，兇更相恐，以爲漢兵衆，不可窺也。詔計賊當退，則潛遣五百餘人於淺水設伏，虜半渡掩擊，大破之。兇遂解散，詔乃相地，築營壁百八十所，招還流亡，假賑貧民，郡遂以安。先是運艱險，舟車不通，獨驢馬負載，率餒五致一。詔案行，繇沮至辨，數十里可漕，則燒石刊木，以餽直傭作，而漕通。始到郡，穀石千，鹽石八千，見戶萬二千，視事三年，穀石八百，鹽石四百，戶增至四萬餘。遷司隸，較尉奏免三公。案中官以瀆事，具帝紀中。時長吏二千石，聽百姓謫罰者輸贖，名積儲，而因爲聚歛，詔䟽曰：「元年來，百姓章言長吏受取百萬而上者，不絕，而三公刺史少所舉奏，宜切責。」先是寧陽主簿詣闕訴，縣令囹圄積六七歲不通，詔質責諸尚書曰：「小人有怨，不遠千里，斷髮刻肌，詣闕訴而不理，豈盡下之義？」君與濁長吏何親？於細民何讎乎？以刺舉忤權戚，數見譴而剛正之性終老不屈，永和初遷尚書令，去官卒。臨終太息謂子恭曰：「吾事君行已，直道無愧，所悔者爲朝歌長時殺賊數百人，中何能無冤？今二十年，家不增一口，蓋其報也。恭有俊才，官上黨太守。」張綱、犍爲武陽人，廷尉皓子，少明經學，辟高第爲御史，奉詔與八使行天

下、獨埋車輪雒陽都亭、劾大將軍冀、河南尹不疑、無君者也、時冀權寵薰灼、京師震悚、會廣陵賊張嬰、寇亂揚徐間、數害刺史二千石、積十年不靖、冀諷尚書以綱爲廣陵太守、綱單車之任、既至、將吏卒十餘人抵嬰壘、嬰走閉壘、綱於門外屏吏卒、獨傳呼太守、願與壘中長老相見、無他也、嬰見綱誠信、出拜謁、綱延坐、問所疾苦、譬曉之曰、前二千石肆貪暴、致公等懷憤相聚、二千石信有罪矣、公所爲者、寧獨義乎、主上仁聖、欲以文德柔叛亂、故遣太守來、誠轉禍爲福之時也、今更不悔禍、天子震怒、荆楊兖豫大兵雲合、身首橫分、豈不痛乎、夫不料強弱、非明也、棄善取惡、非智也、去順效逆、非忠也、身亡絕嗣、非孝也、背正從邪、非直也、見義不爲、非勇也、此六者、成敗之機、利害所從出也、宜深計之、嬰聞泣下曰、荒裔愚民、不堪侵枉、遂相聚偷生、若魚遊釜中、知不可久、以喘息湏臾間耳、明府之言、乃嬰等更生之辰也、乃辭還營、明日、將所部萬餘人、與妻子面縛降、綱單車入壘、置酒大會、散遣其衆、任所之、親爲小居宅、相田疇、子弟欲爲吏者、皆引召、人情悅服、南州晏然、論功當封、爲梁冀却而止、在郡一歲、卒、百姓老幼相携赴哀、嬰等爲制服行喪、送至犍爲、負土成墳焉。度尚、山陽湖陸人、爲

荊州刺史長沙賊大起率部曲與同勞逸募蠻夷明設
購賞擊羣盜連破其三屯多獲珍寶而士富驕尚念緩
之則寇不戢逼之則卒逃亡遂擊之而士無鬪志乃宣
言兵少未可進當湏諸郡所發兵至乃并力恣軍中射
獵兵喜皆出獵則密使客自燔其營所鹵獲皆盡獵者
還莫不泣涕尚人人慰勞且激之日賊財寶足富數世
患諸卿不并力耳今所亡少何介意衆感憤踴躍尚敕
令秣馬蓐食明旦徑薄賊屯賊聞兵湏後舉又自怡深
固不設備遂破之羣寇悉平封右鄉侯上名將
○陳龜上黨泫氏人桓帝時以世邊將諳邊事擢度遼
將軍臨發上疏曰臣聞三辰不軌擢士爲相蠻夷不恭
拔卒爲將臣無文武之才而忝薦揚之任上慚聖明下
懼素餐無云補也今西都邊鄙土瘠地埆以鞍馬射獵
爲業男寡耕稼之利女乏機杼之饒守塞候望懸命鋒
鏑頃年以來匈奴數攻營部殘殺長吏侮畧良細戰夫
身膏沙漠居人首繫馬鞍或舉國掩戶盡種灰滅孤兒
寡婦號哭空城野無青草室如懸磬雖舍生氣實同枯
朽往歲并州雨水災螟互生稼穡耗荒租更空缺老者
慮不終年少壯斲於困厄陛下以百姓爲子庶品以陛
下爲父焉可不日晏勞神垂撫循之恩哉唐堯親捨其

子以禪虞舜者、欲民遭聖君、不遇惡主也、故古公策杖、其民五倍、文王西伯、天下歸之、豈復與金輦寶爲民患乎、近孝文皇帝、感一女之言、除肉刑之灋、體德行仁、爲漢太宗、陛下斷中興之治、承光武之業、而牧守不良、懼逆中官、貪殘苟恣、取過目前、呼嗟之聲、招致災害、胡虜凶悍、因緣衰隙、皆州帥不忠、聚姦之所致也、前涼州刺史祝良、去斥姦殘、多所糾罰、政未踰時、功效卓然、實應賞異、以勸功能、匈奴烏桓、故有護羌中郎將、較尉、多簡練文武、授之法令、除并涼二州今年租、更寬赦罪隸、與之更始、則善吏知奉公之祐、惡者覺營私之禍、胡馬可不窺長城、塞下無候望之警矣、於是詔更選涼并刺史、太守都尉而下、詔下言爲陳將軍除并涼今年田租、州郡震慄、鮮卑不敢近塞、歲省經用、以億計、徵爲尚書、疏梁冀罪誅、不省、不食七日卒。○史弼、陳畱考城人、爲平原相、云無鈞黨全善類者也、爲河東太守、被詔書舉孝廉、弼知當有權貴請託、豫勅斷絕書問、有一生持大闔覽書詣之、積日不得通、生謬以他事前謁、旣因達書、弼大怒曰、太守忝荷重任、當選士報國、爾何人而詐爲無狀、即日考殺之、覽大怒、作飛章下司隸、誣弼毀謗、檻車徵、吏人莫敢近省、前孝廉裴瑜、送至崤澠間、大言曰、

明府摧折唐臣、選德報國、天寔祐之、即令獲罪、足垂名
竹帛、願不憂不懼、弼曰、誰謂荼苦、其甘如薺、下廷尉詔
獄、平原吏人走詣闕訟冤、前孝廉魏劭、毀形變服、爲家
僮護弼、廷尉奏當棄市、劭與同郡人賣郡邸、行賂覽以
得免、或曰、平原行貨免君、君無乃慙乎、陶丘洪曰、昔文
王姜里、閔散懷金、今史君遭患、義夫獻寶、亦何慙乎、刑
竟歸田、彌病不出、公卿交薦、議郎何休訟弼有幹國之
罷、宜登臺司云、

○皇甫規安定朝那人、永和中西羌寇三輔、征西將軍
馬賢將諸郡兵討之、規爲安定上計牒、策其必敗、上書
言狀、已、賢果敗沒、復上疏曰、羌戎潰叛、皆邊將失於綏
御而然、乘常守安、則加侵暴、苟競小利、則致大害、微勝
則虛張、冒功、軍敗則蔽覆其罪、軍士勞怨、進不得決戰
以邀功、退不得溫飽、以全命、餓歟溝壑、暴骨中原、此酋
豪所爲、泣血驚懼而生變也、願假臣屯列坐食之兵五
千、出其不意、與趙冲相首尾、不敢有煩方寸之印、尺帛
之賜、高可滌患、下可納降、若謂臣年少官輕、不足用、考
諸敗將、固非官爵之不高、年齒之不邁也、臣不勝至誠
昧死自陳、書上不省、冲賢間、梁太后擅朝、舉賢良方正
對策、言陛下攝政之初、拔用忠貞、遠近翕然、望見平治、

而災異不息、寇賊縱橫、始以姦臣權重之所致也、其常侍尤無狀者、宜亟黜遣、以答天誡、大將軍冀、河南尹不疑、亦宜增脩謙節、輔以儒術、省去遊娛不急之務、割減廬第、無益之飾、諸宿猾酒徒、戲客、宜皆斥逐、以懲不軌、夫君者、舟也、民者、水也、羣臣、乘舟者也、大將軍、兄、弟、操楫者也、若其平志畢力、以度元元、所謂福也、如或怠弛、將淪覆、是懼、可不慎乎、夫德不稱祿、猶鑿墉之趾、以益其高、非安固之道也、冀怒、抑下第、拜郎中、自免歸、冀誅拜太山太守、會諸羌復反、規上疏曰、臣生長邠岐、五十有九年矣、昔爲郡吏、再更叛羌、豫籌其事、有誤中之言、願乞冗官、備單車一介之使、勞來三輔、宣國威澤、以所習地形、兵勢佐軍、夫力求猛士、不如郡將清平、勤明孫吳、未若吏皆奉灋、前變未遠、臣誠悼懼、是以越職、盡其區區、詔以爲中郎將、持節監關西兵、討零吾、破之、諸羌慕義、勸降者十餘萬、涼州復通、規還督鄉里、既無私惠、又多所舉奏、絕宦官不與通、於是其誣規賂羣羌、令其文降、下璽書、誚讓、規疏自訟曰、臣前奏糾李翁等五臣、五臣支黨半國中、所連及百餘、吏託報將之怨、子思復父之耻、交構豪門、競流謗讟、云臣私報諸羌、離以錢貨、若臣以私財、則家無擔石、如出官物、則文簿可稽、就臣

愚惑審如言者。前世尚遣匈奴以宮姬鎮烏孫。以公主
今臣但費千萬。以柔叛羌。何罪之有。自永初來。將出覆
軍者五。動費巨億。及旋車完封。寫之權門。而名成功立。
厚加封爵。今臣還督本土。糾舉諸郡。絕交離親。戮辱舊
故。衆謗陰害。固其宜也。帝乃徵規還。論功當封。而徐璜
左瑄從求貨。不答。竟論輸左較。公卿及太學生張鳳等
三百餘人。詣闕訟。會赦歸家。徵拜度遼將軍。薦中郎將
張奐以自代。數上病求退。不見聽。會友人喪至。規綽素
越境迎之。因令客密告刺史當舉奏。刺史胡芳曰。威明
欲避地險塗。故激發我耳。吾當爲朝廷愛才。何能顧其
私耶。無何。黨禍作。規耻不與黨。上書自劾。不報。爲尚書
以日食對策。言前太尉陳蕃。劉矩。忠謀高世。廢在里巷。
鈎黨之人。皆正直多怨。繫身守禮。釁起無端。願留聖明。
對奏不省。遷弘農太守。轉護羌較尉。卒。○張奐。敦煌酒
泉人。受歐陽尚書。稱多通。桓帝時。爲安定屬國都尉。南
匈奴七千人寇美稷東。羌舉種應之。而與壁僅二百許
人。聞即勒兵出。軍吏以力不敵。叩頭爭。不聽。屯長城集
兵。遣使招誘羌。羌聽從。與共擊匈奴。破之。羌感奐恩信。
遺金鑄良馬。奐召主簿與諸羌前。以酒辭地曰。使馬如
羊。不以入廐。使金如粟。不以入懷。悉還之。羌雖貪而貴。

吏清前八都尉率好貨爲患苦及與正身繫已威化大
行遷匈奴中郎將休屠及朔方烏桓並反烽火相望衆
大恐欲亡與安坐惟中與弟子講誦自若士心稍安乃
潛誘烏桓與連和襲各渠帥營屠之諸胡悉降以梁氏
故吏免官召拜武威太守平均徭賦率厲散敗常爲諸
郡最遷度遼將軍幽并清靜與去輒復反聞與來輒相
率還降陳竇之難爲宜者所賣發憤上書理之語具帝
紀中轉太常與尚書劉猛刁韞衛良薦王暢季膺可三
公以黨錮歸田閉門不出卒年七十八遺命曰吾前後
仕進十要銀艾不能和光同塵爲讒邪所忌通塞命也
始終常也幸有前寃朝嬪夕下措屍靈牀幅巾而已奢
非晉文儉非王孫推情從意庶無咎吝諸子從之武威
爲立祠以祀世不絕云長子芝字伯英知名善草書
上貞臣各將

○趙曠長陵人少明經娶扶風馬融孫女以融豪奢鄙
之不與通爲閹唐衡兄玳所忿嫉滅其家岐逃難四方
匿姓名賣餅北海市安丘孫嵩大俠也游市中察岐非
常人停車呼與共載岐愕失色嵩下帷屏人密問曰吾
視子非賣餅者又相問而色動豈有重怨耶亡命乎我
北海孫賓石闔門百口勢能相濟也岐乃吐實嵩與歸

白母曰、出行乃得、歿友迎上堂饗之、極歡、藏家複壁中、
諸唐滅、乃出、三府並辟靈帝初、以黨錮廢、獻帝西都、詔
與太僕馬口碑、撫慰山東、所至宣揚國命、百姓悅喜、袁
紹公孫瓚爭冀州、聞岐至、紹瓚皆自將兵數百里以迎、
岐陳天子德意、說以罷兵安人、專勤王之義、皆許、會雒
迎車駕、會岐至、陳留得疾而解、興平元年、使荊州說劉
表、遣兵詣雒陽脩宮、軍資委輸、前後不絕、時孫嵩避難
寓表所、表不爲禮、岐稱嵩素義烈、共上、爲青州刺史、年
九十餘卒、先卒自爲壽藏圖季礼子產晏嬰叔同四像、
居賓位、自畫像主位、著孟子章句、決輔錄傳於世、○蓋
勲敦煌廣至人、舉孝廉、爲漢陽長史、武威太守、怕權貴、
恣暴、從事蘇正和、案致其罪、刺史梁鵠懼權貴、恨欲殺
正和、以爲說、訪於勲、勲素與正和怨、念以爲謀事殺良
非忠、乘人之危、非仁、乃諫鵠曰、人繼食鷹隼、欲其驚也、
驚而烹之、將安用驚、正和得免、詣勲謝、勲不見、曰、吾爲
使君謀、非爲正和也、怨之如初、後刺史左昌盜軍穀數
十萬、諫之、昌怒、使與從事別屯河陽、以拒賊、而戰輒有
功、會羣盜圍昌於冀、昌召勲自救、從事疑不肯赴、勲怒
曰、昔莊賈後期、穰止奮劍、今從事豈重於古監軍哉、從
事懼而從、勲至、謂讓盜盜解去、尋救較尉夏育於畜官

敗衆不及百人、披三創、堅坐不動、指木爲表曰、必尸我於此、允潰、吾素知勲、以身扞勲曰、蓋長史賢人、汝曹殺之、爲負天、勲仰罵、潰、吾下馬與之、勲不肯上、羣允服其義、送還漢陽、徵拜討虜校尉、靈帝召見、問天下亂故、語具、帝紀中、遷京尹、案劾不避、時小黃門京兆高望、得幸皇太子、太子因蹇碩屬望、子進爲孝廉、勲不肯、或曰、皇太子副主、嬖所愛碩、寵臣而子違之、所謂三怨成府者也、蓋自還、勲曰、選賢以報國、非贊無以報國、卽歟、何悔時、勲雖在外、每軍國密事、帝手詔問之、親信出朝臣右、及董卓廢少帝、弑何太后、勲與書曰、昔伊霍權以立功、猶可寒心、足下何以終此、賀者在門、弔者在廬矣、卓得書、意甚憚之、時左將軍皇甫嵩屯扶風、勲與相要結、討卓、嵩被徵、勲衆弱、不能獨立、還京師、當是時、自公卿而下、皆卑下卓、惟勲長揖與亢禮、見者失色、卓問司徒允曰、欲得快司隸、較尉誰可者、允曰、蓋京兆可矣、卓曰、此人明智有餘、然不可假以雄威、以爲越騎校尉、河南尹朱儁、諸卓陳事、卓折儁曰、我百戰百勝、皆內決於心、卿勿妄言、汚我刀、勲正色曰、昔武王明聖、猶求箴諫、況如卿者、而欲杜諸人之口乎、卓解頰曰、戲之耳、勲曰、不聞怒言、可以爲賊、卓乃謝、勲強直、內厭於卓、不得意、疽發

背卒遺令勿受卓賻卓表賜東園秘器賻槨焉
○公沙穆北海膠人習韓詩公羊春秋銳精河洛推步
之術居建威山中依林阻爲室獨宿無侶夜暴風烈雷
外有聲呼穆者三穆不應有頃呼者自踊入狀甚怪穆
誦經自若怪不能害遷緄相緄侯敞東海恭王之後也
傲狠不法穆至官謁曰臣始除日京師咸弔日緄侯惡
侯何以得此聲於外也幸承先人支體傳茅土之重柰
何不戰兢自勅乎今朝廷使臣爲輔願改往脩來乃上
敞所侵民田令還民廢庶子還嫡蒼頭兒犯灋収考之
苦諫敞敞爲涕泣謝遷弘農令有螟設壇謝禱而息百
姓稱神明焉○爰延陳留外黃人清苦好學質慙少言
辭言必有中爲鄉嗇夫化大行桓帝時爲侍中彌陛下
爲漢中主者也爲大鴻臚以客星緯帝座上疏言臣聞
天子尊無二上故動靜以理則星辰順軌意有邪僻晷
度錯違此天人之精交相感也伏見河南尹鄧萬以潛
龍之舊封爲通侯恩重公卿惠豐宗室頃引見時至與
對博上下媒黷有虧尊嚴臣聞王者慎選左右以咨政
而講德故周公戒成王曰其朋其朋言慎所與也人而
愛之則不覺其過惡之則不見其善善人同處則嘉訓
日聞惡者從游則邪情日滋昔炁武皇帝與嚴炁同寢

上天著異其表立見夫以光武聖德嚴允高賢君臣道
合尚降此異况陛下今所親幸以賤爲貴以卑爲尊者
哉書奏不省○劉陶潁川潁陰人濟北貞王勃之後也
桓帝時以大學生上疏曰臣聞天之與帝帝之與人猶
頭之與足相須而行也陛下年隆德茂中天稱號襲常
存之慶循不易之制目不覩鳴條之事耳不聞檀車之
聲天災不痛於肌膚震食無損於王體故蔑三炁之謬
輕上天之怒使羣醜刑隸芟刈小民彫弊諸夏虐流遠
近故天降異以戒陛下陛下不悟而令虎豹競窟於麀
場豺狼並乳於春園死者悲於窀穸生者戚於朝野是
愚臣所爲咨嗟歎息者也且秦之將亡正諫者誅進諛
者賞嘉言結於忠舌國命出於讒言擅閭樂於咸陽授
趙高於車府願陛下遠覽亡秦之傾近察哀平之變昭
得失以爲鏡戒臣又聞危非仁不扶亂非智不救故武
丁得傳說消鼎雉之災周宣用申甫濟夷厲之荒竊見
南陽朱穆臣同郡李膺皆履正清平貞高絕俗實中興
之良佐國家之位石也宜還本朝夾輔王室臣吐不時
之義於諱言之朝猶水霜見日必至消滅臣誠悲天下
之可悲今天下亦悲臣之愚惑也拜諫大夫竟歿職時
廣陵劉瑜出廣陵靖王以太尉秉舉賢良方正上書言

臣自念鄙陋得以豐沛特屬被蒙復除故太尉楊秉、
見顯舉、誠冀臣愚直有補萬分、夫列侯上法四七、垂文
炳耀、闢天下之盛衰者也、今中官邪孽、比肩裂土、競立
亂嗣、繼體傳爵、始乖開國承家之道、古天子一取九女、
姪娣有序、今女嬖令色、充積閨帷、皆盛其玩飾、冗食空
官、乃至長幽沒世、此國之費而生之傷也、昔秦作阿房
而國多刑人、今第舍增多、窮極奇巧、掘山攻石、不避時
令、又促以嚴刑、民無罪而覆入之、民有田而覆奪之、民
愁鬱結、起入盜黨、官輒誅討、貧困之民、賣首級以要賞
父兄相代、殘身妻孥、相視分裂、窮之如彼、伐之如此、豈
不痛哉、又陛下擁神罷之尊、而微行近習、賓客暴縱、熏
灼道路、三公在位、博達道藝、而正已守默、莫或匡益、非
其不智、畏死罰也、惟設七臣以廣諫道、開東序金縢、史
官之書、從堯舜禹湯文武致興之道、遠佞邪之人、放鄭
衛之聲、則天下幸甚、詔召瑜問答、徵執政欲瑜依違其
辭、更策以它事、瑜言如切、拜議郎、及帝崩、爲侍中、與大
將軍武謀誅宦官、坐誅。上爭臣、
○閔仲叔、太原人、司徒霸聞其賢、辟公府、至、勞苦而已、
不及政、仲叔曰、始蒙嘉命、且喜且懼、今見公喜懼皆去、
以仲叔爲不足問耶、不當辟也、辟而不問、是失人也、遂

辭出投劾去。○高獲汝南新息人尼首方面少遊學京師與亮武有素持高節不下帝即位避不見已而師徒歎下獄當死獲堂從受學乃冠鐵帶鐵鎖詣闕請歎死帝爲追理召見之字謂獲曰敬公何避朕之深也朕欲用子爲吏子宜改常性毋爲倨高獲對曰臣受性於父母何可得改之陛下出徑去。○趙壹字元叔漢陽西縣人也好高節爲鄉黨所擯作解擯又作刺世疾邪賦以寄其憤懣舉郡計入都時司徒袁逢坐受計計吏數百皆拜伏庭中莫敢仰視惟壹獨長揖逢望而異之令左右讓詰對曰昔酈食其長揖漢王今揖三公何怪焉逢歛衽延問西方事大悅執其手置上坐謂坐中曰此漢陽趙元叔也朝臣莫有過者請爲諸君分坐坐者驚異注觀之旣出往造河南尹羊陟不得見壹以公卿中非陟無足發名聲者日造門陟許通未起壹逕上堂前臨之曰竊伏西州承高風舊矣乃今方遇而忽然奈何命也夫因發聲哭門下皆驚走入視大駭之陟知非常人起延與語大奇之謂日子始休矣明日陟請從次日陟從車騎奉謁出時計吏多盛飾車馬帷幙壹獨柴車草屨露宿處其傍比尹謂乃壹也壹前延陟坐車下與談至夕曛極歡去執其手曰良璞不剖必有泣血相明者

矣。於是名聲一旦動京師。士大夫想望其風采。奔走之
西還。道弘農。過候太守皇甫規。門者不即通。壹遂去。規
聞大驚。爲書追謝之曰。企德懷風。爲日久矣。側聞仁者
愍其區區。冀承清誨。以釋遙悚。今旦外白。有一尉兩計
吏。不道屈尊。門下更啟。乃知已去。如印綬可投。夜豈待
旦。惟君明。敵平其夙心。寧當慢傲。加於所天。事在悖惑。
不足具責。儻可原察。追脩前好。則何福如之。謹遣主簿
奉書。下筆氣結。汗流竟趾。壹報曰。君學成師範。縉紳歸
慕。仰高希驥。歷年滋多。旋轅兼道。渴於言侍。沐浴晨興。
昧旦守門。實望仁者。昭其懸遲。以貴下賤。握髮垂接。高
可敷翫。噴典起發。聖意下則抗論當世。消彌時災。豈悟
君子。自生怠倦。是以夙退自引。畏使君勞。昔人或歷說
而不遇。或思士而無從。皆歸諸天。不尤於物。今壹自譴
而已。遠辱手筆。追路相尋。其嗟可去。謝也可食。但關節
疾動。膝炙壞潰。請俟它日。乃奉其情。遂去。不復顧。十辟
公府。不就。終於家。

出疇。

字子春。

北平無終人。少勵節行。幽州牧劉虞念中原

亂。南北道梗。欲遣使奉章詣長安。難其人。問諸從事。衆

頌共舉疇。虞賓禮請之。疇曰。今道路阻絕。寇虜縱橫。稱
官奉使。爲衆所指。目不易達也。願以其私行。何如。虞許
之。乃歸。自選其家客。與少壯慕從者二十騎。與俱。虞自
出祖餞之。取道。疇乃更上西關。出塞。傍北山。直趨朔
方。循間道。抵長安。致命。拜騎都尉。不受。得報還。而虞已
爲公孫瓚所害。疇詣其墓。發章報命。哭盡哀去。瓚購獲
之。詰責曰。若自哭劉虞墓。而章不報我。何也。疇答曰。漢
室衰頹。人懷異志。惟劉公不失忠節。遣疇詣闕。義當報
命。章報所言。於將軍未美。恐非所樂聞。故不進也。疇旣
成信。死復何求。將軍方舉大事。以求所欲。旣滅無罪之

君又讎守義之臣。疇死之後。燕趙之士皆蹈赴東海。死耳。豈復有從將軍者哉。瓚壯其對。釋不問。久之得歸。率宗族及他附從者數百人。掃地盟曰。君讎不報。吾不可以立于世。遂入徐無山中。營深險平敞地而居。躬耕以養父母。百姓歸之。數年間至五千餘家。疇謂其父老曰。諸君不以疇爲不肖。遠來相就。衆成郡邑。而莫相統一。非久安之道。疇有愚畫。願與諸君共施之。可乎。衆曰。幸甚。乃爲約。立殺傷犯盜爭訟之法。法重者至死。其次抵罪。凡二十餘條。又制爲婚姻嫁娶之禮。興舉學校之業。班行其衆。衆安便之。至道不拾遺。北邊翕然服其威信。

烏桓鮮卑各遣譯使致貢。遺疇悉撫納。令不爲寇。袁紹數遣使致命。又卽授將軍印。令安輯所統。謝不受。及丞相操征烏桓。師未至。先遣使辟疇。驛致之。疇戒其門下趨治裝。或問之曰。昔袁公慕君。禮命五至。君義不肯屈。曹公使一來而趣治裝。何也。疇不應。隨使者詣軍。署司空。戶曹掾。引見諮議。明日出令曰。田子春。非吾所宜吏。舉茂才。拜脩令。以從軍。次無終。方盛夏。暑雨。而濱海。水下。道濘不通。虜遮守蹊。要不得進。操患之。以問疇。疇曰。此道夏秋常水淺。不通車馬。深不載舟船。爲難久矣。舊北平郡治在平岡。道出盧龍。達柳城。便近。自建武來。陷。

壞。禹二百載。獨微徑可迹。今虜以大軍當繇。無終不得。進必自解。無備。若回軍從盧龍口。越白檀。出虛空之地。操其不備。蹋頓之。首可不日而得也。操曰。善。立引軍還。署大木于路曰。夏暑道阻。敕回軍。須秋冬。乃發。虜得報。以爲信。果懈不設備。乃將衆上徐無山。出盧龍。歷平岡。登白狼。去柳城百餘里。而軍虜大驚。氣奪。遂大破之。還入塞。論功。封疇亭侯。疇自以始爲君難。獨遁逃自全。今反以爲利。非其志。固讓不受。從征荊州。申前命。終不奪。有司劾疇。惰介違道。苟立小節。宜免官加刑。下世子及大臣博議。世子言。疇義同子文。辭祿。申胥。逃賞。宜勿奪。

以優其節。操終欲侯之。令所善夏侯惇。私以意喻疇。惇就疇。宿如操戒。曲風導。疇默不復應。惇臨去。拊疇背曰。子春。王意殷勤如此。曾不能一顧乎。疇乃慨然曰。何言之過也。疇負義逃竄之人耳。蒙恩全活。爲幸已多。豈可賣廬龍之塞。易爵祿哉。縱公私疇。疇獨不內愧乎。若必不得請願。效死。刎首於前。言未卒。涕泣橫流。惇歸。具以語操。操逆知其意。喟然者久之。拜議郎。卒。無子。丕旣代漢。高疇義。賜從孫續爵關內侯。奉疇嗣。

論曰。魏武言之。田子春非吾所能吏也。忠篤本朝。信成舊君。德能附衆。而守義若石。命以漢官。則從裂土封之。

確乎不能以生死易也。斯豈操得臣哉。世恒謂亂世無全才。乃子春適不用耳。上卓行

自世祖生長民間。諳百姓利病。天下既定。壹解王莽結密苛煩之法。重守令之選。勤約之風行焉。數引公卿郎將。廣咨民瘼。觀納風謠。自臨邦宰邑者。競能其官。然頗吏事刻深。又亟以謠言單辭轉易守長矣。其後魯恭吳祐劉寬及潁川四長之倫。仁信篤誠。使人不欺。王堂陳寵委任贊良而職事自理。斯皆感物行化。庶前之理者也。其邊鳳延篤之倫。亦足輩前世趙張三王云。

郭伋

字細侯

扶風茂陵人。建武初。爲漁陽太守。時漁陽遭

彭寵之敗。重以匈奴鈔掠之苦。民多猾惡。盜賊充斥。伋示以恩信。勒士馬。糾渠帥。設攻守之畧。匈奴遠迹。民庶安業。在職五年。戶口增倍。徵拜潁川太守。召見謁辭。帝勞遣之曰。賢能太守。去帝城不遠。河潤九里。冀京師蒙福也。時潁川羣盜起。詔追捕。伋以招懷柔之。盜降。悉遣歸農。自劾專命。帝美其策。不問。在郡三年。轉并州牧。召見宴語。賜車什物而遣。伋因言。選補衆職。當用

天下賢俊。不宜專用南陽人。帝納其言。伋前爲漁陽。并州人孰其恩信。比入界。縣邑老幼相携。逢迎盈路。伋引見。問疾苦。聘求耆舊。設几杖之禮。朝夕與參政事。行部

至西河笑穰有童兒數百騎竹馬來道次迎拜伋問兒
何自遠來對曰聞使君至喜來迎耳伋辭謝事訖諸兒
復送至郊問使君何日當還伋從容計期日告之行部
還先期一日伋以爲違信止野亭宿須期日乃入時朝
廷多舉伋可大司空者帝以并部界匈奴欲久其任故
不召在并十年徵爲大中大夫賜宅一區及帷帳錢穀
克其家伋散之親族無遺者卒年八十六帝親臨弔賜
塋宅焉

杜詩

字公君

河內汲人建武初拜成臯令舉政

異遷南陽守南陽帝鄉詩以誅暴示威嚴而身之以節
儉省愛民力造水排鑄農器皆力少而功多百姓便之

又脩陂池拓土田郡以殷足數推進名士時人方之召
信臣故南陽爲之語曰前有召父後有杜母視事七年
政化大行病卒司隸較尉鮑永上書言詩貧困無田宅
喪無所歸詔治喪郡邸賻絹千疋焉

孔奮

字君魚

扶風

茂陵人少從劉歆受春秋問難出意表歆謂門人曰吾
已從君魚受道矣竇融請守姑臧長時天下擾亂惟河
西獨安而姑臧通羌胡合市稱殷富奮在職四年力行
清絜或笑以爲身處脂膏不能自潤徒益辛苦奮終守
不變也事母孝奉養極珍善而躬率妻子同菜茹太守
梁統不敢以官屬遇之迎之門引入見母隴蜀平河西

守令徵入者。舟輶竟川澤。惟奮單車就道。姑臧吏民。羌胡更賦財物千萬計。追送數百里。一無所受。拜武都太守。甄善疾非郡中清平。

張堪字君游

南陽宛人也。少讓

產。兄子數百萬。志美行勵。世祖微時聞之。嘉焉。及即位。遷蜀郡守。爲吳漢畫蜀可破滅之策。勸毋退師。果平蜀。拜漁陽太守。捕繫奸猾。賞罰必信。吏民樂爲用。匈奴常以萬騎入漁陽。堪率數千騎逆擊。大破之。郡界安謐。於狐奴開稻田八千餘頃。勸耕種。郡以殷富。百姓歌曰。桑無附枝。麥秀兩岐。張君爲政。樂不可支。後帝召見。郡國計吏問風土。及前後守令能否。蜀郡掾樊顯進曰。漁陽

太守張堪前在蜀仁足裕下威能討姦方公孫述破時珍寶山積拳握之物足富十世而堪去職之日乘折轅車布被囊而已後不及也上聞歎息良久立徵堪而擢顯魚復長會卒下詔褒美賜帛百匹

衛颯字子產河內

脩武人建武初爲襄城令政有名迹遷桂陽太守桂陽與南夷接壤頗染其俗颯下車申庠序之教設婚姻之禮朞年而俗化含涯瀆陽曲江三縣居深山濱溪遠且千里吏事往來傳發道險徭苦颯鑿山通道列傳置郵驛遂爲坦途流亡還附來陽縣山有鐵石民聚爲私冶招來亡命致姦盜颯乃興鐵官罷私鑄歲增入五百餘

萬卹民事如治家。視事十年。郡內清理。徵還爲少府。南陽茨充代守。亦務農桑。以善教爲政本焉。任延字長孫

南陽宛人。更始時。拜會稽都尉。年十九。太守訝其少。恐生事。而延靖之以無爲。先行饋食禮。祠延陵季子。聘請高行。董子儀嚴光之倫。待以師友之禮。掾吏貧者。分俸祿賑之。省諸卒。令耕公田。歛其租。以周窮急。吳有龍丘萇者。隱居大末。四輔交辟。不應。掾吏白召之。延曰。龍丘先生。躬德履義。有原憲伯夷之節。都尉洒掃其門。猶懼辱焉。何敢召之。遣功曹奉謁。脩書記。致醫藥。吏使相望。積一歲。萇乘輦自詣。願先死。備錄。延辭讓再三。乃署議。

曹祭酒尋卒。延自臨殯。三日不朝。郡中賢士咸歸心焉。建武初。上書乞歸拜王庭。詔徵爲九真太守。九真俗以射獵爲業。不農田。常告糴交阯。延鑄作田器。教之墾闢。田歲開廣。百姓充給。教之嫁娶禮法。以年齒相配。省俸給佐費。時同娶者二千人。是歲風雨順節。穀稼豐衍。產子者始知種姓。曰。使我有是子者。任君也。於是塞外蠻夷慕義保塞。先是交阯太守錫光教民夷漸以禮義。嶺南華風始於二守焉。遷武威太守。帝召見。戒之曰。善事上官。毋失名譽。延對曰。臣聞忠臣不私。私臣不忠。履正奉公。臣子之節。上下雷同。非國之福也。善事上官。不敢

奉詔。帝太息曰。卿言是也。至官先禽滅大姓橫暴者。吏民累息。郡北當匈奴。南接種羌。民廢田業。延至選集武畧士十人。明賞罰。令將雜種胡騎。屯要害。寇至逆擊之。虜畏不敢向河西。郡少雨澤。爲置水官。脩溝渠。民蒙其利。造立較官。自掾吏子孫皆給復。令詣學。學子通章句。輒顯拔用之。坐擅誅羌不先上。左轉召陵令。顯宗卽位。歷潁川河內太守。卒。子愷官太常。

法雄

字文彊

扶風郿

人。未初中。守南陽。斷獄省少。戶口增益。郡濱帶河沔。其藪雲夢。故多虎。前太守立賞券張捕。而害不息。雄移書曰。古至化之世。猛獸不攬。繇恩信寬澤。仁及飛走也。太

守雖不德。敢忘斯義。記到其毀壞檻穽。毋妄捕山林虎
害消息。在郡數歲。歲常豐稔。卒于官。
宋均。字叔庠。南陽

安衆人。通詩禮。建武中。補辰陽長。俗少學者。信巫鬼。均
爲立學校。禁淫祠。人皆嚮風。遷上蔡令。府下記禁罽毋
過侈。均曰。夫送終踰禮。所失輕。今民未循化。而先罰過
禮。非政先務也。竟不肯施行。爲九江太守。五日一聽事。
悉省掾吏。閉督郵府內。屬縣無事。百姓安業。郡舊多虎。
均下記屬縣曰。夫虎豹在山。龜鼉在水。各有所託。江淮
之有猛獸。猶壯土之有鷄豚。今爲民害。咎在殘吏。而勞
勤張捕。非憂恤之本也。其務退姦貪。進忠善。去檻穽。削

謀制。後無復虎患。楚沛煌至九江界。輒東西散去。浚遼縣有唐后山。民祠祀之。巫因譟張言山取民男女爲公姬。歲改易。輒不得嫁娶。均下書曰。自今來爲山娶者。娶巫家。不得擾良民。事遂絕。遷東海相。坐法免。民思均德化。詣闕乞還者數千人。徵拜尚書令。諸尚書相與刪法憲。疑事數端。帝以爲有大姦。縛郎史詰問。諸尚書皆惶恐叩頭謝。均厲色曰。忠臣執義。無有二心。畏威失正。非義也。具條上法。疑事當削狀。帝善其不撓。守河內政化。大行。均嘗言。國家尚文法。廉吏以爲足止姦也。不知吏能弘厚。小貪而不害。文吏習爲欺謾。廉吏巧于聲名。深

文刻削。毒加百姓。此災害流亡所繇作也。吾欲叩頭爲
爭。然未可改也。久將自苦之。乃可言耳。會卒。帝聞其言
而悲之。吳祐。字季英。陳畱長垣人。父恢爲南海太守。祐

年十二。從官。父欲殺青簡寫經書。祐諫曰。南海踰越五
嶺。遠在海濱。其爲方陋。然地多珍寶。此書成。載之兼兩。
上爲國家所疑。下爲權貴所望。是謀毀也。昔馬援以薏
苡興謗。王陽以衣囊微名。嫌疑之間。先賢所慎。恢撫其
頂曰。吳氏世不乏季子矣。年二十。父喪。居無擔石。而不
受贍遺。牧豕於長垣澤中。舉孝廉。在京師。公沙穆來遊
太學。無資糧。變服爲客傭。爲祐賃舂。祐與語。大驚。遂定

交於杵臼之間。遷膠東相。相丞子戴宏。年十六。從父
丞舍。祐每行。輒聞諷誦聲。竒而見之。亦與爲友。後宏爲
儒宗。祐政尚仁簡。以身率物。民有爭訴者。閉閣自責。然
後斷決。以道義譬解。或身詣里閭和解之。吏人懷而不
欺。嗇夫孫性。私賦民錢。市丞以進父。父怒曰。有君如是。
何忍欺之。趣自歸罪。性慚懼。詣閣持衣自首。祐屏左右
問故。性具首實。祐曰。椽以親故。受汙穢之名。所謂觀過
斯知仁矣。使歸謝其父。還以衣遺之。安丘男子毋丘長
與母行市中。道遇客醉。辱母長。殺之。亡去。迹捕得之。祐
呼謂曰。若母見辱。人情所耻。然孝子忿必慮難。動不累。

親。今若背親逞忿。白日殺人。赦若非義。刑若不忍。將如
若何。長以械自擊。曰。國家制法。囚身犯之。明府雖哀矜。
恩無所施。願就死。祐問長有子乎。對曰。有妻。未有子也。
移安丘逮長妻。妻至。解桎梏。使同宿獄中。遂娠。至冬。盡
行刑。長泣謂母曰。負母應死。獨何以報吳君。嚙指吞之。
含血言曰。妻幸生子。名吳生。言我臨死吞指。誓令兒報
吳君也。遷齊相。大將軍冀表爲長史。冀誣奏太尉李固。
祐力爭。不聽。時扶風馬融爲冀草奏。祐質責融曰。李公
之罪。成於卿手。卿何面目見天下之人乎。冀怒起入室。
祐亦經去。遂出爲河間相。自免歸。不復仕。灌園終身。年

九一八。卒。子鳳至樂浪太守。愷新恩令。鳳子陵。鯛陽相。皆知名。

劉寵。

字祖肇。

東萊牟平人。齊悼惠王後也。爲東

平。今以仁惠爲吏民所愛。以母疾棄官。百姓追送塞道。爲會稽太守。簡除煩苛。禁察非法。郡中大治。徵爲將作大匠。山陰有五六老人。龐眉皓髮。自若耶山谷間出。人齎百錢以送寵。寵勞之曰。父老何自苦遠。對曰。山谷鄙人。未嘗識郡朝。他守時。吏發求民間不絕。或徇吠竟夕。民不得安。自明府下車。徇不夜吠。民不畏吏。牟老遭值聖明。聞當見棄去。故自扶奉送。寵曰。吾政何能及公言。勤苦父老。爲人選一大錢受之。寵前後歷守二郡。累登

卿相而廉約省素家無居積出京師欲息亭舍吏止之
曰比洒掃以湏劉公不可得也寵無言而去童恢始
幕人靈帝時爲不其令人吏犯法抵禁隨方曉示其稱
職有行者賜酒殺勸之耕織收種皆有條章獄比年無
囚流人歸化徙居者二萬戶焉魏霸濟陰勾陽人世
有禮義少喪親兄弟同居州里慕其雍和和帝時爲鉅
鹿太守寬祿吏有罪先之訓誨不改者乃罷免吏或相
譖訴輒稱其吏之長覆之譖訴遂息徵拜將作大匠作
順陵時盛冬地凍中使督促數罰縣吏以勵霸霸勞不
之曰今諸卿被辱此大匠過也吏皆懷恩力作倍功

王渙。廣漢郾人。爲太守。陳寵功曹。當職斷割。不避豪右。寵入爲大司農。和帝問曰。在郡何以爲理。寵頓首謝曰。臣任功曹王渙。以簡賢選能。任主簿。鐔顯。以拾遺補闕。臣奉宣詔書而已。帝大悅。渙繇此顯名。爲溫令。縣多積猾。悉禽治。商人露宿於道。有放牛者曰。以屬稚子。稚子。渙字也。終無牽牛者。遷洛陽令。寬猛時施。其冤嫌久訟。歷政不能斷。及法理難平者。皆立剖。洞得其情實。京師以爲神明。病卒。官百姓男女老壯。相與賦歛致奠。輒歸道弘農。弘農人設盤飧於路。奠之。吏問其故。咸言平常繇京師。持米至路。爲卒司所鈔。恒亡其半。自王君在事。

不見侵。故來報恩耳。民思其德。爲立祠安陽亭西祀焉。

古樂府歌曰。孝和帝在時。洛陽令王君。本自益州廣漢人。少行宦學。通五經。論明知灋令。歷代衣冠。從溫補洛陽令。化行致賢。外行猛政。內懷慈仁。移惡于姓名。五篇著里端。無妄發賦。念在理寬。清身苦體。夙夜勞勤。化有能名。遠近所聞。天年不遂。早就奄昏。爲君作祠。安陽亭西。欲令後代。莫不稱傳。鄧太后下詔褒

異。擢子石爲郎。時鄴人王堂。令穀城守巴郡。治有名迹。

安帝西巡。阿母王聖。中常侍江京等。橫有請屬。堂不聽。

掾史固諫。堂即日遣家屬歸。閉閣上病。會京等誅。而堂

以守正見稱。爲魯相。政存簡一。數年無辭訟。遷汝南太

守。禮陳蕃應嗣。爲功曹。不苟自專。下教曰。有人勞於求

賢。逸於任使。故化清於上。事輯於下。諸憲章朝右。簡覈

才職委功曹蕃。匡政理務。拾遺補闕。任主簿。嗣守責實。觀效焉。自是委誠求當事。辭稀簡。以忤大將軍商。風州

郡劾免。年八十六卒。蕃

字仲舉

汝南平輿人。所謂陳太尉

也。年十五。常閉處一室。誦讀。或候之。見庭宇蕪穢。謂之曰。孺子何不灑掃待客乎。蕃曰。大丈夫當掃除天下。

安事一室乎。守樂安。方峻不接賓客。而禮下賢士。郡人周瑒

行高潔。前後郡守招命莫肯至。唯蕃致焉。民趙宣葬親

而不閉埏隧。因居其中。行服二十餘年。鄉邑稱孝。州郡

數禮請之。蕃與相見。問及妻子。而宣五子皆服中所生。

蕃怒曰。聖人制禮。賢者俯就。不肖者企及。且祭不欲數。

以易黷故也。況乃寢宿冢藏。而孕育其中。誣汙鬼神。誑

時惑衆者乎。遂致其罪。遷豫章太守。至境。即問徐孺子宅安在。欲往候之。主簿諫。須入廨。乃往。蕃曰。武王未下車。式商容。豈以禮賢可。後入廨乎。爲孺子特設一榻。去則縣之。後以太尉死。忠爲社稷臣。事具帝紀中。陸康。吳郡人。除高城令。縣邊羌。舊令戶一人。具弓弩防卒。變禁不得相往來。長吏至。輒發民繕城郭。康至。皆罷不用。以恩信爲治。寇盜亦息。遷武陵桂陽樂安太守。所在稱治。靈帝時。水旱傷稼。百姓貧苦。而詔調民。畝十錢。鑄銅人。康疏諫曰。什一而稅。周謂之徹。徹者通也。言其法可通萬世而行。故魯宣稅畝而蠅生。哀公增賦而孔子

非之。何有捨捐聖戒。聚奪民物。營無用之銅人爲乎。書奏。徵下獄。免歸。獻帝卽位。守廬江。遣計吏間關奉貢。詔書嘉勞。以爲忠義將軍。秩中二千石。袁術僭叛。康閉不與通。術攻圍數年而陷。爲術所得。發病卒。朝廷愍其節。拜子儁郎中。韓韶。潁川舞陽人。爲羸長。賊相戒不入。境有流民入界者萬餘。韶愍其饑困。開倉廩贍。王者爭不可。韶曰。長活溝壑之人。而以此獲罪。含笑入地矣。太守知韶名德。無所坐。韶與同郡荀淑。鍾皓。陳實。皆爲縣長。所至皆以德政稱。時謂潁川四長。而是時南陽太守王楊。厲威猛。大姓犯法。或使吏發屋伐樹。堙井夷竈。功

曹張敞諫曰。發屋伐樹。將爲嚴烈。雖欲懲惡。難以示遠。懇懇用刑。不如行恩。舜舉皋陶。不仁者遠。化人在德。不以刑也。暢深納其言。更崇寬政。教化大行。上循吏。

○董宣。陳留圉人也。建武初。爲雒陽令。湖陽公主蒼頭白日殺人。匿主家。吏不能得。主出行。奴驂乘。宣於夏門亭司見之。駐車叩馬。以刀畫地。大言數主失。叱奴下車。格殺之。主入宮。泣訴。帝大怒。召宣至。筆欲殺之。宣叩頭曰。願一言而死。帝曰。何言。宣曰。陛下聖德中興。而主縱奴殺人。將何以令天下乎。臣不湏筆。請自殺。即以頭擊楹。流血被面。帝令小黃門持之。使叩頭謝主。宣不從。彊頓之。宣兩手據地。終不肯。主曰。文叔爲白衣時。藏亡匿死。吏不敢至門。今爲天子。威顧不能行一令乎。帝笑曰。天子不與白衣同。乃敕彊項令出。賜錢三十萬。卒遣使者視之。惟布被覆尸。妻子哭。家大麥數斛。敝車一乘而已。帝歎息。賜賻。以大夫禮葬焉。○沈景。吳縣人。河間王政。傲狠。不奉法。順帝輟御史景相之。景至國前。謁王不灑服。箕踞坐殿上。侍郎贊拜。景凝立不拜。顧問王安在。

贊者曰、是非王邪、景曰、王有法服、不正服、於庸人何別、
今相謁王、豈謁無禮者耶、王慙、更服、乃後拜、出、請王傳
讓之曰、前發京師、陛見受詔、以王不恭、使相簡督、諸君
空受爵祿、曾無訓導之義、豈謂臣節哉、因捕諸姦人、奏
案其罪、出寬獄百餘、政遂收節、悔過自脩焉、○蘇章、平
陵人、少博學、能屬文、爲郎陳得失、辭直、順帝時、爲冀州
刺史、有故人守清河、姦賊狼籍、章行部、且案之、乃設酒
餞、延共對、陳平生好、甚歡、太守喜曰、人皆有一天、我獨
有二天、章正色曰、今夕蘇孺文與故人飲者、私恩也、明
日冀州刺史案事者、公法也、遂舉正其罪、州境望風畏
懾、遷并州刺史、以忤權豪免、隱身鄉里、不交當世、卒、
年續、泰山平陽人、靈帝時、爲廬江太守、破黃巾、平安風
盜、誅其渠、原餘黨爲平民、賦田器、使就農作、南陽盜起、
拜南陽守、嘗人界、先羸服、同行、從一童子、觀歷縣邑、採
問風謠、然後進、凡令長貪廉、吏民良猾、畢具知隱狀、至
輒糾劾、郡中震懾、乃發兵擊盜、破之、賊平、乃班政宣令、
候民利病、百姓懽服、府丞獻生魚、受而懸諸庭、丞後又
進、續出前所懸者魚、以杜其意、續妻與子秘詣郡、閉一
室、不答、妻自將秘行、其資藏、惟布衾敝裯、鹽麥數斛而
已、續召秘勅曰、吾自奉若此、何以資汝、可將母俱歸、病

卒詔書褒美賻其家。○賈琮，聊城人，靈帝時，交趾反，以琮爲刺史。琮至部，詢吏民反狀，咸言賦歛繁重，民不自聊，賴故爲盜耳。琮移書告令安業，蠲徭役，招流散，簡選良吏試守諸縣，其渠帥爲民害者，捕斬之。歲間蕩定，百姓歌之。曰：賈父來晚，使我先反，今見清平，吏不敢侵，遷冀州刺史。舊制傳車驂駕，垂帷裳。琮慨然曰：刺史當遠視廣聽，糾察善惡，何有垂帷裳自塞者乎？命褰之。百城震竦，諸有賊過者，望風解印綬去。○賈彪，潁川定陵人，補新息長。小民貧困，不養子，彪嚴爲其制，與殺人同罪。城南有寇盜，劫害人者，比有母殺子者。彪出案，掾吏欲引車南，彪怒曰：賊寇害人，固其常，母子天性，而相殘逆天，何渠南乎？遂叱馭北行，案驗罪人，城內聞之，亦面縛自首，數年間，人養子千數。僉曰：此賈父所生活也。男皆名賈子，女名賈女。黨事起，彪說皇后，父竇武爲訟之，得解。岑暉以黨事亡，親友爭爲匿，彪閉門不納，人望之。彪曰：公季不相時而動，要君啟釁，自遺其咎，何當相隱乎？坐黨錮。卒家。○周紆，下邳徐人，章帝時，爲召陵相，廷掾憚紆嚴明，欲損其威，乃晨取苑人，斷手足，立寺門，厭之。紆聞，走苑人所，熟視咭囁，若與共語者。徐察視口耳，眼中，有稻芒，乃密問門者曰：適誰載藁入府？寺者門者

對曰廷椽又問鈴下外頗有疑悞與處人語者否對曰廷椽疑君即收椽考具服實不殺人取道邊處人爲厭勝耳論如灋人後莫敢欺徵拜雒陽令下車先問大姓主名吏數問里豪強以對紆大怒罵曰本問貴戚若馬寶輩誰當知此賣菜傭乎於是貴戚跼蹐京師肅清。上能吏。

○徐璆海西人獻帝遷許以廷尉徵當詣京爲袁術劫留以爲上公璆太息曰龔勝鮑宣何人哉矢以必死術不敢逼及術破滅璆得其所傳國璽及前所假汝南東海二君印綬上之司徒溫曰君遭大難印綬猶得存乎璆曰昔蘇武困於匈奴不墜七尺之節於方寸印何有拜太常卒。○傳熒止地靈州人靈帝時爲朱儁護軍討黃巾破平之使趙忠論功忠遣弟延致殷勤曰南容少答我帝侍萬戶侯不足得也熒正色曰遇不遇命也功不論時也傳熒豈求私賞哉上書先內憂勸天子遷熒舜四罪速行讒佞之誅書奏宦官切齒譖之帝猶識熒言得不罪然竟不封也遷議郎西羌反涼州亂不解司徒崔烈議以爲宜棄涼州下公卿百官熒厲聲曰斬司徒天下乃安尚書劾熒并辱大臣熒對曰昔冒頓至逆樊噲爲上將願得十萬衆橫行匈奴中憤激思奮有人

臣之節李布猶曰可斬今世宗柘境列置四郡議者以爲斷匈奴右臂州牧失御使一州騷動陛下臥不安寢烈爲宰相不思彌之之策乃欲割棄一方萬里之上使左社之虜得居此地士勁甲堅社稷深憂未艾也若烈不知是極闇也知而故言是不忠也故曰可斬繇是朝廷憚其方格出爲漢陽守善鄆人叛弒懷附乃廣開屯田外置四十餘營韓遂圍隴西涼州刺史耿鄙率兵討遂鄙任治中程球球通姦利士民怨之熒知鄙失衆必敗勸令息軍養德不聽鄙果敗死球誅賊進圍漢陽城中兵少糧盡熒固守時胡騎數千懷熒恩於城外叩頭求送熒歸熒子幹年十三言於父曰國家昏亂令大人不容於朝今天下潰叛郡兵不足自守不若聽弒請還鄉里率厲義俠俟有道而輔之言未終熒慨然歎呼幹小字曰別成汝不知吾必死耶聖達節次守節吾遭世亂不能養浩然之志食人之祿又欲避其難乎吾行何之遂麾左右進戰歿諡壯節侯幹後知名至扶風太守○趙苞武城人從兄忠爲中常侍苞耻不與通爲遼西守各振邊境遣使迎母經柳城值鮮卑入塞却質之載司擊石勒苞降苞出戰賊出母示之苞悲號曰爲子無狀欲以微祿奉養朝夕不圖爲母作禍昔爲母子今爲

王臣義不得顧私恩、毀忠節、萬死無以塞罪、毋遂謂曰、
威豪、人各有命、何得相顧、虧忠義乎、昔王陵母、對漢使、
伏劍以固其志、爾必勉之、苞即進戰、賊悉摧破、母亦遇
害、靈帝遣策弔慰、苞歸謂鄉人曰、食祿而避難、非忠也、
殺母以全義、非孝也、不孝不忠、亦何面目立於世乎、遂
嘔血死、

○臧洪、廣陵射陽人、事廣陵太守張超爲功曹、超兄邈
守陳畱、謂超曰、外籍籍言弟委政臧洪、乃洪者、何如人
乎、超曰、洪、海內奇士、才畧智計、過於超百矣、董卓之亂、
洪說超唱義討逆、超遣詣邈、邈延與語、大異之、遣詣交
州刺史劉岱、豫州刺史孔伷、遂結約合兵、設壇場盟以
討卓、推洪登軟、洪攝衣上、操血盟、辭氣慷慨、聞者激奮、
泣下、後袁紹表洪爲青州刺史、收撫流散、百姓復安、徙
東郡、會曹操攻圍雍丘、張超曰、臧子源其來乎、衆曰、袁
曹方睦、洪爲袁表用、何渠能逆袁招禍乎、超曰、子源、天
下義士、終不肯本、獨恐見制、力不及耳、洪聞難、果徒跣
號泣、走紹所請兵、不許、請率所部行、亦不許、雍丘潰、超
自殺、洪歸、是怨紹、絕不與通、紹怒、攻圍之、歷年不下、令
陳琳以書喻之、洪復書曰、僕小人也、中因行役、蒙主人
傾蓋、遂竊太州、豈悟本州被侵、郡將邁危、請師見拒、辭

行被拘、使洪故君、遂至淪沒、斯所以悲揮戈、收淚告絕者也、行矣、孔璋足下、微利於境外、臧洪投命於君親、吾子托身於盟主、臧洪策名於長安、洪知所卑命矣、已、城中糧盡、洪呼將吏士民語之曰、洪追於大義、不得不死、諸君可先、城未拔、將妻子出、毋從俱死、爲也、皆垂泣曰、明府與袁氏本無怨讎、直爲本朝郡將之故、自致殘困、吏民獨何忍舍明府去乎、初尚掘鼠煮筋角、後無復食者、內厨有米三升、爲薄糜、徧班士衆、又殺愛妾食之、將士流涕、男女七八千人相枕死、莫有叛者、紹得洪、謂曰、今日服未、洪據地瞋目曰、諸袁事漢、四世五公、恩厚矣、王室衰弱、無扶翼之意、欲因際會、冀非望、多殺忠良、立姦威、惜洪力劣、不能推刃爾、何謂服乎、紹怒、命殺之、洪邑人陳容、少親慕洪、時在坐、起謂紹曰、將軍舉大事、爲天下除暴、而先賊忠義、豈天意哉、紹慙、使人牽出、謂之曰、汝臧洪儔耶、空復爾爲、容頓曰、仁義何常、蹈之則君子、背之則小人、今日寧與臧洪同日死、不與將軍同日生也、遂俱見殺、觀者咸太息泣下、相謂曰、李何一國士、

論曰東漢尚風節黨錮諸賢皆義足死君乃困辱於宰

獄矻瘁也。悲夫。傅南容違子之請。趙威豪恐母之命。卒
以身殉。哀哉。漢昌令有程畿者。郡守執其子。初欲下之。
畿曰。樂羊食子。非無恩也。大義然也。今羹初以賜畿。畿
啜之矣。孟子以舍生取義爲得其本心。詎不信夫。上忠節

江革。齊人也。少失父。獨與母居。遭莽末亂。盜賊並起。革
負母逃難。常採拾以爲食。數遇賊。欲劫之去。革涕泣求
哀。言有老母。辭氣愿款。賊感動。不忍犯。或乃指示避兵
之方。以俱全。轉客下邳。貧窮蹠跣。行傭供母。而母便身
之物畢給也。建武末。母歸里。自於轅中挽車。不用牛馬。
鄉里稱曰巨孝。徵爲諫大夫。元和中。以病請老於家。天

子思革至行制詔齊相言諫議大夫江革前病歸今起居何如夫孝百行之冠萬善之始也國家每惟志士未嘗不及革其賜穀千斛歲時存問焉

淳于恭北海淳于人清淨不慕榮名幽居養志舉動周旋必於禮家有山田果樹人侵盜輒助爲收採見偷刈禾者念其愧自潛伏草中盜去乃起王莽時歲饑兵起兄崇爲盜所得將烹之恭請代得俱免兄卒恭養孤幼教誨之於學有不如教輒杖自箠感悟之兒慙自改初遭寇亂百姓莫事農桑恭獨力田鄉人止之曰今歲生未可知何空自苦恭曰縱我不得食人得何傷墾耨不輟州郡連召不應肅宗詔褒美賜帛除議郎遷侍中禮待甚優進對陳政皆本道德之意帝未嘗不稱善所薦士立徵用焉○劉平彭城人王莽亂扶侍母逃難弟仲遺腹女始一歲平念力不能兩活抱仲女而棄其子棲匿野澤間朝求食逢饑賊欲烹之平叩頭曰今爲老母晨求菜母恃爲命願食母已來就烹賊遣之平食母訖跪白曰屬與賊期不可欺遂還詣賊賊人驚義而釋之

建武初，事楚郡守孫萌。爲曹吏，守爲龐萌所執，欲殺之。平身抱守伏，請代被七創，不去。萌傷甚，絕復蘇，求水飲，不得，頤創血飲之。萌竟死，平裹創扶匱歸其家。後爲全椒長，務惠利，百姓懷仁，有增貲就賦，有減年從役者，刺史行部至，獄無繫囚，人自以爲所得所。班詔書而去。趙孝，蘄人也，世亂，弟禮爲饑賊所得，孝聞，即自縛詣賊，曰：「弟久饑羸甚，不如孝差肥，賊並釋去。」日歸持米糲來，孝求米不得，復往。願就烹，時汝南王綝、琅琊魏譚、梁車、成濟、倪萌皆遇賊，兄弟以爭，亦免難焉。○繆彤，汝南召陵人，兄弟四人，敦睦甚，及各娶妻，求分異，又嘖有諍言，彤大憤，歎乃閉戶自撾，曰：「繆彤，汝脩身謹行，學聖人之法，將以整齊風俗，柰何不能正其家乎？」弟及諸婦聞之，皆叩頭謝罪。遂雍睦如初。

薛包，汝南人，少有至行。父娶後妻而憎包，分出之。包日夜號泣，被箠撻不去。廬舍外，旦入灑掃。父怒，又逐之。乃廬里門，昏晨省如故，積歲餘。父母慙而還之。及父母亡，弟子求分異，包不能止，乃中分其財。奴

婢引其老者曰。與我共事久。若不能使也。田廬取其荒
頓者曰。吾少所墾治。意所戀也。器物取其朽敗者曰。我
素所服食。身口所安也。弟子數破其產。輒復分給。事聞
公車。特徵拜侍中。蔡順。汝南人。少孤。養母。出求薪。客至。母望順不還。嚙其指。順心動。即棄薪歸。母終未及葬。里中火逼其舍。順伏棺慟。火越燒他室。人頌孝感云。○趙咨。燕人。少孤。篤孝。為燉煌守。免歸。躬耕為養。盜夜往劫之。咨恐母驚。出門迎。為具食。前謝曰。老母八十。病居貧。無朝夕儲。願少置衣糧。餘唯所取之。盜慙歎。跪謝曰。無狀于暴贖者。畢奔出。咨追以物與之。不受。後拜東海相。計日受俸。僚黨見其儉苦。畏焉。○姜肱。彭城人。與二仲友。愛天至。寢常同被。夜俱詣郡。遇盜欲殺之。肱曰。弟年幼。父母憐之甚。又未娶。願以身贖弟。江曰。兄手德在前。為家寶。為國俊。願受戮全兄。盜斃其衣物而去。既抵郡。郡人見肱無衣被。問故。肱托以他事。終不言。盜聞。感悔。詣肱叩頭謝。還所掠物。肱不受。勞以酒食而遣。○范式。山陽金鄉人。張劭者。汝南人也。遊太

學友善。式告歸，謂劭曰：「後二年還當過拜尊人。」期日而去。先期劭白母，請設饌候。母曰：「別二年矣，千里一言，何信之審耶？」對曰：「巨卿信士，必不違也。」已而式果至。升堂拜母，盡歡別。後劭寢疾，且卒，曰：「恨不見吾歿友。」時式爲郡功曹，夢劭如平生，屣履呼曰：「巨卿，吾某日歿矣。」以某日葬，豈能相及乎？式寤悲泣，馳赴之，未至而喪已發。至塋，柩自退引，挽不得前。母撫之曰：「元伯，豈有望耶？」移時見素車白馬號哭來者。母曰：「必范巨卿也。」式至，叩墓慟，且言曰：「行矣，元伯，歿生異路，永從此辭。」會葬千人，咸感泣。式執紼引柩，柩乃前。式畱止冢次，爲封樹，然後去。後爲荊州刺史、南陽孔嵩貧，以親老，變名姓，傭爲新野導騎。式行部至新野，識之，下車把臂口，仲山何至此耶？嵩曰：「侯嬴守夷門，孔子居九夷，貧者士之常，豈足異哉？」式勅縣代嵩，嵩以先傭未竟，不肯去。後嵩官南海守，式遷廬江守，皆稱時循良。○陳重，豫章宜春人，雷義，同郡鄱陽人，少友善，每薦舉，常堅相讓。時人爲之語曰：「膠漆自謂堅，不如雷與陳。」後並爲尚書郎，義代同臺郎受罪黜，義亦以病免。重嘗代同署郎，償負錢數十萬，終不言。義嘗濟人死罪者，以金謝，堅不受。金主伺義不在，默委金，承塵而去。後重屋得金，而金主已歿，無從還，付縣曹。

明心焉。趙至，代郡人，寓維陽。緱氏令到官，至年十三，與母同往觀。母曰：汝先世非微也，以世亂爲士伍。汝後能如此否？至感母言，卽詣師受業。聞父耕叱牛聲，投書泣。師怪問，至曰：幼未能供養，使老父勤苦，心傷之耳。年十四，游太學，遇嵇康爲石經，前請其姓名。康曰：兒年少，見問何也？曰：觀君風器非常，故問之。康異之，具以告。年十六，游鄴，復遇康，隨康還山陽。郡舉計吏，行詣維，與父遇。時母已亡，父欲其宦立，弗告。戒母歸，復還遼。太康中以良吏赴維，知母亡，號慟嘔血卒。初至耻士伍，欲宦學，立期祿養，悼志不就。殯焉。○王忱，廣漢新都人，詣京師，見一生臥疾空舍中，憊矣，就存之。生日：命湏吏耳。腰有金十斤，以相贈，乞收吾骸。未及問姓名而絕。忱鬻金一斤，營其葬，餘金置棺下，無知者。歸數年，爲縣亭長。至之日，有馬馳亭中，止不去。是日天大風，一繡被復飄墮亭中，異之。言之縣，縣以歸。忱後乘馬詣維陽，馬載忱，馳入一大宅，不可挽。主人出見之，大驚，問安從得馬。忱具道馬及繡被所繇得狀。主人帳然良久曰：吾馬也。被隨風旋與馬俱，遂亡之。君何陰德致之乎？固問之。忱自隱度，有葬書生事，語之。主人愕然，問生形狀及葬年月日，具以告。主人大號咷曰：我子金彥也。詣京師學，竟亡之。

何意君乃葬之乎。大恩久不報，天以此馬草君德也。遂與恠詣瘞所，啟殯器歸葬，銖金具存，謝遺恠。恠讓不受。後爲郿令之官，至釐亭，亭長曰：「亭有鬼，數殺過客，不可宿。」恠曰：「仁勝凶邪，德辟不祥，何避？」即入止亭中。中夜聞有女子稱冤聲，恠叱曰：「何冤？」前求理。女子曰：「無衣，不敢進。」恠衣與之。女子乃前訴曰：「妾夫爲涪令，當之官，過宿此亭，亭長無賴，枉殺妾家十餘口，埋樓下，悉盜取貨財。」恠問：「亭長姓名？」女子曰：「即今亭下游徼者是也。」恠曰：「明爲汝暴此冤，忽委衣去，不復見。」明日召亭徼詰問，具服，并同謀十餘人，悉伏辜，遣吏送器還其鄉。亭遂清安。戴封，濟北剛人也，年十五游太學，師事東海申君。申君卒，護喪歸南海，道經家，父母以封當昏，豫爲娶，封抵家拜親訖，不宿而去，還京師卒業。有同學生病卒，封養視殯，歛歸其器，其家啟更歛，見生行時書物，皆具在棺中。後爲西華令，蝗不入境，偶督郵行縣，蝗大來，督郵去，蝗頓散。會大旱，封禱請無獲，積薪欲自焚而雨。○折像，廣漢雒人，幼有仁心，不殺昆蟲，不折萌芽。通京氏易，家富貲，父卒，悉散與親戚朋友。或諫曰：「君有三男兩女，孫息痛前，何爲自單弱乎？」像曰：「鬪子文有言：『吾逃禍，非避富也。』」吾門戶殖貨之日久，盈滿之禍，道家所忌，今世將衰，

子不才不仁而適富是重不幸也。墻隙而高崩必疾老
自處亡日召賓客九族辭決而逝諸子果衰劣如其言
○李善南陽清陽李元蒼頭也建武中元家死於疫唯
孤續生數旬質產千萬而諸奴私共計欲殺續分其產
善潛負續亡山陽瑕丘界中哺養之乳爲生潼推燥居
濕備嘗艱勤雖孩抱有事輒長跪請白建武初續生十
年矣善與歸里理舊業告奴婢於縣邑長鍾離意捕論
之上善行義於朝拜太子舍人顯宗時辟公府以能理
劇遷日南太守道清陽過李元冢未到一里所脫朝服
持鉏去草拜墓哭盡哀自炊爨執鼎俎以祀泣呼曰君
夫人善在此畱數日乃去居官以愛惠爲政
懷來舊俗遷九江守卒續成立亦爲河間相

論曰周地官司徒以鄉八行敷教典曾孝師保氏教國
子孝德爲行本禮內則后王命冢宰降德子事父母先
焉以爲是教之本也至德要道民用和睦政之紀化之
所自出也子言之書云孝乎惟孝友于兄弟故六行次

弟。而睦嫺任恤。因之。非以順德立。而萬善從之。所謂本
立道生者耶。西漢俗昃醇古。史闕其文。而所稱萬石公
賢行。何篤醇甚也。至東漢乃稍可著。晉史始傳孝友。宋
齊周隋史。曰孝義。曰孝行。曰孝感。唐宋史因之。而精誠
所感。醴泉甘露。馴獸瑞芝之屬。代不絕書矣。夫常道如
菽粟布帛。然於民生一日不可闕。而不紀者。以不勝紀
也。其聳觀聽。感人心。於尤異乃神。亦猶風世之道哉。又
盛而漸於化。日用飲食。敦龐素樸。親親長長。而天下平。
固至德也夫。至德也夫。



DS
735
A2
T4
V16
函史上編卷之二十二

明旴郡鄧元錫著

西漢經學訓述

太史公斑孟堅志之矣。曰古之儒者。博學乎六藝之文。六學者。王教之統紀。先聖所以明天道。正人倫。成上治之法也。周道衰壞。二百餘年。而孔子以聖德遭季世。閔王路廢而邪道興也。於是歎大哉堯之爲君。歎虞帝爲弗可及。修尚書。斷自堯典。樂則韶舞。歎周郁郁乎文。修成周三禮。欲與世共繇。詩首二南。次二雅。正頌。皆始終於周。因魯春秋。舉十二公行事。繩之以文武之道。成一

王之法。其辭微而旨博。蓋晚而好易。讀之常編三絕焉。
爲之傳。皆因往聖之事。以大王道之統。故曰述而不作。
信而好古。又曰。下學而上達。知我者其天乎。仲尼既沒。
七十子之徒。散游諸侯。大者爲師。傳卿相。小者友教士。
大夫。而天下並爭於戰國。儒術旣絀。縱橫名法兵權。騖
於天下。而齊魯之間。經學獨不廢也。漢高帝旣誅項籍。
楚地悉定。籍嘗封於魯。獨魯爲之守不下。帝怒罵。引兵
欲屠之。抵城下。狀且聞絃歌之聲。於是歎息。謂其守節。
死禮義之國。釋不誅。後過魯。以太牢祠孔子。蓋其感也。
然終不說學。獨太中大夫陸賈。時時前稱說詩書。帝罵。

之曰。乃公以馬上得天下。安事詩書。賈進曰。馬上得之。寧可以馬上守之乎。且湯武逆取而以順守之。文武並用。長久之術也。而儒者叔孫通爲上起朝儀。召齊魯諸儒生興明之。魯兩生終不肯行。疵其面諛。以爲禮樂所繇起。積德百十年而後可興也。吾不忍爲公所爲。介如石如此。而通卒定漢一代之禮。爲太子傳。以強諫定惠帝。語具帝紀及禮儀志中。道固委蛇哉。當是時。楚元王。高祖同父少弟也。好學。少嘗與魯穆生。白生。申公。俱受詩。浮丘伯。而浮丘伯事趙大儒孫卿。秦焚書。三人者各別去。及元王王楚。乃召穆生。白生。申培公來。俱以爲大。

中大夫遣子郢客與申公俱卒業浮丘伯所。元王薨。郢客嗣。爲楚夷王令。申公傳其太子戊。方元王之王楚也。敬禮穆生。申生白公三人。穆生不嗜酒。王每爲設醴。及戊嗣。嘗設。後忘之。穆生退曰。可以逝矣。醴酒不設。王意怠。不去。楚人將鉗我於市。遂稱疾臥。申公白生強起之。曰。獨不念先王之德與。今王一旦失小禮。何足過也。穆生曰。君子見幾而作。不俟終日。先王所以禮吾三人者。爲道存也。今而忽之。是忘道也。忘道之人。胡可以久處。吾豈爲區區之禮哉。遂謝病去。戊果荒淫不遵道。申生白公諫。戊胥靡之衣之赭衣。使雅舂於市。申公愧焉。歸。

魯謝客自閉不出戶。而弟子自遠方至。受業者千餘人。而孝景時王戊媾於吳。反有端。太傅韋孟欲不諫。不能忍。欲顯諫。不可道。乃作詩。自道諫風之。其詩曰。肅肅我祖國。自豕韋黼衣。朱紱四牡龍旂。彤弓斯征。撫寧遐荒。總齊群邦。以翼大商。迭彼大彭。勳績惟光。至于有周。歷世會同。王赧聽譖。寔絕我邦。我邦旣絕。厥政斯逸。賞罰之行。非繇王室。庶尹羣后。靡扶靡衛。五服崩離。宗周以隊。我祖斯微。遷于彭城。在予小子。勤諛厥生。師古曰。諛許其反。歎聲。隄此嫚秦。耒耜以耕。悠悠嫚秦。上天不寧。乃眷南顧。授漢于京。於赫有漢。四方是征。靡適不懷。萬國攸平。乃

命厥弟。建侯於楚。俾我小臣。惟傳是輔。兢兢元王。恭儉
淨壹。惠此黎民。納被輔弼。饗國漸世。垂烈于後。乃及夷
王。克奉厥緒。咨命不永。唯王統祀。左右陪臣。此惟皇士。
如何我王。不思守保。不惟履冰。以繼祖考。邦事是廢。逸
游是娛。犬馬繇繇。是放是驅。務彼鳥獸。忽此稼苗。烝民
以匱。我王以媮。所弘非德。所親非俊。唯圖是恢。唯謏是
信。踰踰諂夫。諤諤黃髮。如何我王。曾不是察。旣藐下臣。
追欲從逸。嫚彼顯祖。輕茲削黜。嗟嗟我王。漢之睦親。曾
不夙夜。以休令聞。穆穆天子。臨爾下土。明明群司。執憲
靡顧。正遐繇近。殆其怙茲。嗟嗟我王。曷不此思。非思非

監嗣其罔則彌彌其失。岌岌其國。致冰匪霜。致隊靡嫚。
瞻惟我王。管靡不練。興國救顛。孰違悔過。追思黃髮。秦
繆以霸。歲月其徂。年其逮耆。於晉君子。庶顯于後。我王
如何。曾不斯覽。黃髮不近。胡不時監。王終弗念。聞乃請
老。去位懼及禍。徙家于鄒。在鄒時。作詩以明志。詩曰。微
微小子。旣耆且陋。豈不牽位。穢我王朝。王朝肅清。唯俊
之庭。顧瞻余躬。懼穢此征。我之遐征。請于天子。天子我
恤。矜我髮齒。赫赫天子。明哲且仁。縣車之義。以泊群臣。
嗟我小子。豈不懷土。庶我王寤。越遷于魯。旣去禰祖。惟
懷惟顧。祁祁我徒。戴負盈路。爰戾于鄒。翳茅作堂。我徒

我環築室于墻。我旣遷逝。心存我舊。夢我瀆上。立于王
朝。其夢如何。夢爭王室。其爭如何。夢我王弼。寤其外邦。
歎其喟然。念我祖考。泣涕其漣。微微老夫。茲旣遷絕。洋
洋仲尼。視我遺烈。濟濟鄒魯。禮義唯恭。誦習弦歌。于異
他邦。我雖鄙考。心其好。而我徒侃爾樂。亦在而已。遂率
于鄒。君子曰。孟諫詩直矣。而以諷名。於王戊爲諷也。王
戊畜不臣之邪心。而孟以逸游荒樂諫。故曰。諷隱而不
私直。而不切。其有忠臣之心也哉。乃爭不遇而退。退而
遠去。樂仲尼之道。優優乎古之道。與。帝世爲漢儒宗。有
以也。蓋漢興言詩。於魯自申公。於齊自轅固。生於燕自

韓太傅嬰而言尚書自濟南伏生言禮自魯高堂生春秋自公羊氏世傳之爲業。後數世乃有胡毋生。然各聚徒山澤間教授如綫也。云爾。未有顯也。武帝即位始好儒。垂意於經學。蘭陵王臧代趙綰。俱受詩申公。臧爲郎中令。綰爲御史大夫。於是綰臧爲帝言其師申培公之賢也。使使者奉安車蒲輪。束帛加璧迎之。弟子二人乘軺從。旣至。引見。問治亂之事。申公年八十餘老矣。見天子好文辭。欲務之。躬行對曰。爲治不在多言。顧力行何如耳。帝默然。然已招致以爲太中大夫。已。綰臧得過。申培公病免歸。卒。其弟子爲博士十餘人。後至大官。蒞官

治民皆有廉節稱其學。蓋本其師力行教也。其後帝說公孫弘至以爲丞相封侯。說兒寬以爲御史大夫。轅固生久廢。固齊人。景帝時爲博士。於帝前與黃生論湯武受命。固勁直不阿意。曰。桀紂荒亂。天下之心皆歸湯武。湯武因天下心誅桀紂。不得已而後在位。非受命而何。黃生逢上意以冠履上下難之。固爭之急。帝不悅。曰。食肉不食馬肝。未爲不知味。言學者毋言湯武受命。不爲愚。遂罷會。而竇太后好黃老家言。以問固。固曰。此家人言耳。太后怒曰。安得司空城旦書乎。乃使固入圜。擊箠欲死之。帝知固直言得過無罪。假固利兵下刺。竈正中殺之。乃得罷。復以賢良徵。時固年九十餘矣。出爲清河太傅。以疾免。諸儒以其廉倨嫉之。公孫弘仄目事焉。固面甑之曰。公孫子務正學以言。毋曲學以阿世。其介如此。當是時。孔子十世孫臧與從弟安國世其學。帝說之。欲以爲御史

大夫臧謝讓曰。臣世以經學爲業。願得領太常典家學。以綱紀訓故足矣。帝說。以爲太常禮賜如三公。而安國得古文尚書爲撰傳云。兒寬。千乘人也。事同郡歐陽生。伯和。歐陽生事伏生受尚書成學者也。業旣通。以郡國選。詣博士孔安國受古文尚書。貧無資用。常爲弟子都養。時行賃作帶經而鉏。休息輒讀誦。其精如此。寬爲人以廉。知自將。善屬文。然懦於斷口。弗能發明也。張湯爲廷尉。廷尉府盡用文法吏。而寬以儒生進。見謂不習事。不署曹。遣之北地視畜。會廷尉有疑奏。再上再見却矣。椽史莫知所爲。會寬從北地還。問之以意對。椽史皆服。

因推使爲奏。奏具湯大驚。召與語。竒之。奏上卽得可。異日湯入見。帝問曰。前奏誰爲之者。非俗吏所及也。湯以質對。帝召見寬。說之。從問尚書。以爲侍御史。遷左內史。寬居官一意古教化。勸農桑。緩刑法。理獄訟。務在得民心。擇用仁厚士。推情與下。不求名聲。吏民信愛之。開六輔渠。定水令。以溉田。賦租時裁。闊狹與民相假貸。以故租多不入。後軍興。左內史以負租課殿。當免。民間寬當免。皆恐失之。大家牛車。小家負擔。輸租相屬不絕。課更最。帝繇此竒寬。及議封禪。諸儒各以臆說對。數歲未有定。寬進言曰。陛下躬發聖德。統輯群元。精神所鄉。徵兆

必報然薦饗之儀。不著於經。惟天子建中和之極。祇戒精專爲之本。百官之職。各稱事宜爲之文。兼總條貫。金聲而玉振之。以順成大慶。帝曰善。乃自製封禪儀。頗采儒術文焉。當是時。易師淄川楊何。召爲中大夫。卽墨成爲城陽相。廣川孟但爲太子門大夫。燕韓嬰爲燕王太傅。餘以經學起博士。至大官甚衆。燕傳嬰爲人精悍。處義分明。嘗與黃仲舒論上前。仲舒不能難。胡毋生治春秋。與仲舒同業。仲舒著書稱其德。而仲舒爲漢儒宗。董仲舒。廣川人也。治春秋。事孝景爲博士。下帷講誦。弟子以久次傳相授業。或莫見其面。蓋三年不窺園。其精

如此進退容止非禮不行。學士皆師尊之。武帝卽位。舉
賢良文學之士。前後以百數。及是下制言。朕獲承至尊
休德。傳之亡窮。施之罔極。任大而守重。是以夙夜不皇
康寧。求惟萬事之統。猶懼有闕。故廣延四方之豪雋。郡
國諸侯公選賢良修絜博習之士。欲聞大道之要。至論
之極。今子大夫褒然爲舉首。朕甚嘉之。子大夫其精心
致思。朕垂聽而問焉。蓋聞五帝三王之道。改制作樂而
天下洽和。百王同之。當虞氏之樂。莫盛於韶。於周莫盛
於勺。聖王已沒。鍾鼓箏絃之聲未衰。而大道微缺。陵夷
至虐。桀紂之行。王道大壞矣。夫五百年之間。守文之君。

當塗之士。欲則先王之法。以戴翼其世者甚衆。然猶不能反。日以什滅。至後王而後止。豈其所持操。或詩繆而失其統與。固天降命。不可復反。必推之於大衰而後息與。烏虓。凡所爲屑屑。夙興夜寐。務法上古者。又將無補與。三代受命。其符安在。災異之變。何緣而起。性命之情。或夭或壽。或仁或鄙。習聞其說。未燭厥理。伊欲風流而令行。刑輕而姦改。百姓和樂。政事宣昭。何修何飾。而膏露降。百穀登。惠潤四海。澤臻少木。三光全。寒暑平。受天之祐。享鬼神之靈。惠澤洋溢。施虓方外。延及群生。子大夫明先聖之業。習俗化之變。終始之序。講聞高誼之日。

久矣。其明以諭朕。科別其條。勿猥勿并。取之於術。慎其所出。乃其不正不直。不忠不極。枉于執事。書之不泄。興于朕躬。毋悼後害。子大夫其盡心。靡有所隱。朕將親覽焉。仲舒對策曰。臣謹案春秋之中。視前世已行之事。以觀天人相與之際。甚可畏也。國家將有失道之敗。而天乃先作災害以譴告之。不知自省。又出怪異以警懼之。尚不知變。而傷敗乃至。以此見天心之仁愛人君。而欲止其亂也。自非大亡道之世者。天盡欲扶持而全安之。事在彊勉而已矣。強勉學問。則聞見博而知益明。強勉行道。則德日起而大有功。此皆可使還至而立有效者。

也。詩曰。夙夜匪解。書云。茂哉茂哉。皆強勉之謂也。道者。所繇適於治之路也。仁義禮樂。皆其具也。故聖王已沒。而子孫長久安寧數百歲。此皆禮樂教化之功也。王者。未作樂之時。乃用先王之樂。宜於世者。而以深入教化於民。教化之情。不得雅頌之樂。不成。故王者功成作樂。樂其德也。樂者。所以變民風。化民俗也。其變民也。易。其化人也。著。故聲發於和。而本於情。浹於肌膚。藏於骨髓。故王道雖微缺。而箎絃之聲未衰也。夫虞氏之不爲政久矣。然而樂頌遺風。猶有存者。是以孔子在齊而聞韶也。夫人君莫不欲安存而惡危亡。然而政亂國危者。甚

衆所任者非其人。而所繇者非其道。是以政日以什滅也。夫周道衰於幽厲。非道亡也。幽厲不繇也。至於宣王。思管先王之德。興滯補弊。明文武之功業。周道粲然復興。詩人美之而作。上天佑之。爲生賢佐。後世稱頌。至今不絕。此夙夜不解行善之所致也。孔子曰。人能弘道。非道弘人。故治亂廢興在於已。非天降命不可得反。其所操持諄諄。失其統也。臣聞天之所大奉。使之王者。必有非人力所能致而自至者。此受命之符也。天下之人。同心歸之。若歸父母。故天瑞應誠而至。書曰。白魚入于王舟。有火復于王屋。流爲鳥。此蓋受命之符也。周公曰。復

哉復哉。孔子曰。德不孤。必有鄰。皆積善繫德之效也。及後世。淫佚衰微。不能統理群生。諸侯背畔。殘賊良民。以爭壤土。廢德教而任刑罰。刑罰不中。則生邪氣。邪氣積於下。怨惡畜於上。上下不和。則陰陽繆盭。而妖孽生矣。此災異所緣而起也。臣聞命者天之令也。性者生之質也。情者人之欲也。或夭或壽。或仁或鄙。陶冶而成之。不能粹美。繇治亂之所生。故不齊也。孔子曰。君子之德風也。小人之德草也。草上之風。必偃。故堯舜行德。則民仁壽。桀紂行暴。則民鄙夭。夫上之化下。下之從上。猶泥之在鈞。唯甄者之所爲。猶金之在鎔。唯冶者之所鑄。綏之

斯徠動之斯和此之謂也。臣謹按春秋之文求王者之端得之於正。正次王。王次春。春者天之所爲也。正者王之所爲也。其意曰上承天之所爲而下以正其所爲。正王道之端云耳。然則王者欲有所爲宜求其端於天。天道之大者在陰陽。陽爲德陰爲刑。刑主殺而德主生。是故陽常居大夏而以生育養長爲事。陰常居大冬而積於空虛不用之處。以此見天之任德不任刑也。天使陽出布施於上而主歲功。使陰入伏於下而時出佐陽。陽不得陰之助亦不能獨成歲。終陽以成歲爲名。此天意也。王者承天意以從事。故任德教而不任刑。刑者不可

任以治世。猶陰之不可任。以成歲也。爲政而任刑。不順於天。故先王莫之肯爲也。今廢先王德教之官。而獨任執法之吏治民。毋乃任刑之意與。孔子曰。不教而誅。謂之虐。虐政用於下。而欲德教之被四海。故難成也。臣謹案春秋。謂一元之意。一者。萬物之所從始也。元者。辭之所謂大也。謂一爲元者。視大始而欲正本也。春秋深探其本。而反自貴者始。故爲人君者。正心以正朝廷。正朝廷以正百官。正百官以正萬民。正萬民以正四方。四方正。遠近莫敢不壹於正。而亡有邪氣。奸其間者。是以陰陽調而風雨時。群生和而萬民殖。五穀孰而少木茂。天

地之間。被潤澤而大豐美。四海之內。聞盛德而皆徠臣。諸福之物。可致之祥。莫不畢至。而王道終矣。孔子曰。鳳鳥不至。河不出圖。吾已矣夫。自悲可致此物。而身卑賤。不得致也。今陛下貴爲天子。富有四海。居得致之位。操可致之勢。又有能致之資。行高而恩厚。知明而意美。愛民而好士。可謂誼主矣。然而天地未應。而美祥莫至者。何也。凡以教化不立而萬民不正也。夫萬民之從利也。如水之走下。不以教化隄防之。不能止也。是故教化立而姦邪皆止者。其隄防完也。教化廢而姦邪並出。刑罰不能勝者。其隄防壞也。古之王者。明於此。是故南面而

治天下莫不以教化爲大務。立太學以教於國。設庠序以化於邑。漸民以仁。摩民以誼。節民以禮。故其刑罰甚輕而禁不犯者。教化行而習俗美也。聖王之繼亂世也。掃除其迹而悉去之。復修教化而崇起之。教化已明。習俗已成。子孫循之行。五六百歲尚未敗也。至周之末世。大爲亡道。以失天下。秦繼其後。復不能改。又益甚之。重禁文學。不得挾書。棄捐禮誼。而惡聞之。其心欲盡滅先聖之道。而顓爲自恣苟簡之治。故立爲天子。十四歲而國破亡矣。自古以來。未嘗有以亂濟亂。大敗天下之民如秦者也。其遺毒餘烈。至今未滅。使習俗薄惡。人民囂

頑抵冒。殊扞孰爛。如此之甚者也。孔子曰。腐朽之木。不可彫也。糞土之牆。不可圻也。今漢繼秦之後。如朽木糞牆矣。雖欲善治之。亡可奈何。灋出而姦生。令下而詐起。如以湯止沸。抱薪救火。愈甚亡益也。竊譬之琴瑟不調。甚者必解而更張之。乃可鼓也。爲政不行。甚者必變而更化之。乃可理也。當更張之。不更張。雖有良工。不能善調也。當更化之。不更化。雖有大賢。不能善治也。故漢得天下以來。常欲善治。而至今不可善治者。失之於當更化而不更化也。古人有言曰。臨淵羨魚。不如退而結網。今臨政而願治。七十餘歲矣。不如退而更化。更化則可。

善治。善治則災害日去。福祿日來。詩云。宜民宜人。受祿于天。爲政而宜於民者。固當受祿于天。夫仁誼禮知信。五常之道。王者所當修飾也。五者修飾。故受天之祐。而享鬼神之靈。德施于方外。延及羣生也。具對上帝。復冊之曰。蓋聞虞舜之時。游於巖廊之上。垂拱無爲。而天下太平。周文王至於日昃不暇食。而宇內亦治。夫帝王之道。豈不同條共貫。與何逸勞之殊也。蓋儉者不造玄黃。旌旗之飾。及至周室。設兩觀。乘大路。朱干玉戚。八佾陳於庭。而頌聲興。夫帝王之道。豈異指哉。或曰。良王不瑑。又云。非文亡以輔德。二端異焉。殷人執五刑以督姦傷。

肌膚以懲惡。成康不式。四十餘年。天下不犯。囹圄空虛。秦國用之。死者甚衆。刑者相望。耗矣哀哉。烏虜。朕夙寤晨興。惟前帝王之憲。永思所以奉至尊。章洪業。皆在力本任賢。今朕親耕籍田。以爲農先。勸孝弟。崇有德。使者冠蓋相望。問勤勞。恤孤獨。盡思極神。功烈休德。未始云獲也。今陰陽錯繆。氛氣克塞。群生寡遂。黎民未濟。廉耻貿亂。賢不肖渾殽。未得其真。故詳延特起之士。意庶幾乎。今予大夫待詔百有餘人。或道世務而未濟。稽諸上古而不同。考之于今而難行。毋乃牽於文繫而不得騁與。將所繇異術。所聞殊方。與各悉對著千篇。毋諱。有司

明其指略。切磋究之。以稱朕意。仲舒復對曰。臣聞堯受命。以天下爲憂。而素以位爲樂也。故誅逐亂臣。務求賢聖。是以得舜禹稷卨咎繇。衆聖輔德。賢能佐職。教化大行。天下和洽。萬民皆安。仁樂誼。各得其宜。動作應禮。從容中道。故孔子曰。如有王者。必世而後仁。此之謂也。堯在位七十載。乃遜于位。以禪虞舜。堯崩。天下不歸堯子丹朱而歸舜。舜知不可避。乃卽天子之位。以禹爲相。因堯之輔佐。繼其統業。是以垂拱無爲而天下治。孔子曰。韶盡美矣。又盡善也。此之謂也。至於殷紂。逆天暴物。殺戮賢知。殘賊百姓。伯夷太公。皆當世賢者。隱處而不爲。

臣守職之人。皆奔走逃亡。入于河海。天下耗亂。萬民不安。故天下去殷而從周。文王順天理物。師用賢聖。是以閔夭大顛散宜生等。亦聚於朝廷。愛施兆民。天下歸之。故太公起海濱而卽三公也。當此之時。紂尚在上。尊卑昏亂。百姓散亡。故文王悼痛而欲安之。是以日昃而不暇食也。孔子作春秋。先正王而繫萬事。見素王之文焉。繇此觀之。帝王之條貫同。然而勞逸異者。所遇之時異也。孔子曰。武盡美矣。未盡善也。此之謂也。臣聞制度文采玄黃之飾。所以明尊卑。異貴賤。而勸有德也。故春秋受命。所先制者。改正朔。易服色。所以應天也。然則宮室。

旌旗之制有法而然者也。故孔子曰：奢則不遜，儉則固，儉非聖人之中制也。臣聞良王不琢，資質潤美，不待刻琢。此亡異於達巷黨人不學而自知也。然則良王不琢，不成文章。君子不學，不成其德。臣聞聖王之治天下也，少則習之學，長則材諸位，爵祿以養其德，刑罰以威其惡。故民曉於禮誼，而耻犯其上。武王行大誼，平殘賊，周公作禮樂以文之。至於成康之隆，囹圄空虛，四十餘年。此亦教化之漸，而仁誼之流，非獨傷肌膚之效也。至秦則不然。師申商之灋，行韓非之說，憎帝王之道，以貪狼爲俗。非有文德以教訓於天下也。誅名而不察實爲善。

者不必免。而犯惡者不必刑也。是以百官皆飾虛辭。而不顧實。外有事君之禮。內有背上之心。造僞飾詐。趣利無耻。又好用憐酷之吏。賦歛無度。竭民財力。百姓散亡。不得從耕織之業。群盜並起。是以刑者甚衆。死者相望。而姦不息。俗化使然也。故孔子曰。導之以政。齊之以刑。民免而無耻。此之謂也。今陛下并有天下。海內莫不率服。廣覽兼聽。極群下之知。盡天下之美。至德昭然。施于方外。夜郎康居。殊方萬里。說德歸誼。此太平之致也。然而功不加於百姓者。殆王心未加焉。曾子曰。尊其所聞。則高明矣。行其所知。則光大矣。高明光大。不在於它。在

乎加之意而已。願陛下因用所聞。設誠於內。而致行之。則三王何異哉。陛下親耕籍田。以爲農先。夙寤晨興。憂勞萬民。思惟往古。而務以求賢。此亦堯舜之用心也。然而未云獲者。士素不厲也。夫不素養士。而欲求賢。譬猶不琢玉而求文采也。故養士之大者。莫大乎太學。太學者。賢士之所關也。教化之本原也。今以一郡一國之衆。對亡應書者。是王道往往而絕也。臣願陛下興太學。置明師。以養天下之士。數考問。以盡其材。則英俊宜可得矣。今之郡守縣令。民之師帥。所使承流而宣化也。故師帥不賢。則主德不宣。恩澤不流。今吏旣亡教訓於下。或

不承用主上之瀆。暴虐百姓。與姦爲市。貧窮孤弱。冤苦失職。甚不稱陛下之意。是以陰陽錯繆。氛氣克塞。群生寡遂。黎民未濟。皆長吏不明。使至於此也。夫長吏多出於郎中中郎吏二千石子弟。選郎吏又以富訾。未必賢也。且古所謂功者。以任官稱職爲差。非所謂積日累久也。故小材雖累日。不離於小官。賢材雖未久。不害爲輔佐。是以有司竭力盡知。務治其業。而以赴功。今則不然。累日以取貴。積久以致官。是以廉耻貿亂。賢不肖渾殽。未得其真。臣愚以爲使諸列侯郡守二千石。各擇其吏民之賢者。歲貢各二人。以給宿衛。且以觀大臣之能。所

貢賢者有賞。不肖者有罰。夫如是。諸侯吏二千石。皆盡心於求賢。天下之士。可得而官使也。徧得天下之賢人。則三王之盛。易爲。而堯舜之名。可及也。毋以日月爲功。實試賢能爲上。量材而授官。錄德而定位。則庶耻殊路。賢不肖異處矣。陛下加惠寬臣之罪。令勿牽制於文使。得切磋究之。臣敢不盡愚。帝復冊之曰。蓋聞善言天者。必有徵於人。善言古者。必有驗於今。故朕垂問。尋天人。之應。上嘉唐虞。下悼桀紂。寢微寢滅。寢明寢昌之道。虛心以改。今予大夫明於陰陽。所以造化。習於先聖之道。道業。然而文采未極。豈惑虜當世之務哉。條貫靡竟。統紀。

未終。意朕之不明與。聽若眩與。夫三王之教。所祖不同。而皆有失。或謂久而不易者道也。意豈異哉。今子大夫既已著大道之極。陳治亂之端矣。其悉之究之。孰之復之。詩不云乎。嗟爾君子。毋常安息。神之聽之。介爾景福。朕將親覽焉。子大夫其茂明之。仲舒復對曰。臣聞論語曰。有始有卒者。其唯聖人乎。今陛下幸加惠。留聽於承學之臣。復下明冊以切其意。而究盡聖德。非愚臣之所能具也。前所上對。條貫靡竟。統紀不終。辭不別白。指不分明。此臣淺陋之罪也。冊曰。善言天者。必有徵於人。善言古者。必有驗於今。臣聞天者。羣物之祖也。故徧覆包

函而無所殊。建日月風雨以和之。經陰陽寒暑以成之。故聖人灋天而立道。亦溥愛而亡私。布德施仁以厚之。設誼立禮以導之。春者天之所以生也。仁者君之所以愛也。夏者天之所以長也。德者君之所以養也。霜者天之所以殺也。刑者君之所以罰也。繇此言之。天人之徵。古今之道也。孔子作春秋。上揆之天道。下質諸人情。參之於古。考之於今。故春秋之所譏。災害之所加也。春秋之所惡。怪異之所施也。書邦家之過。兼災異之變。以此見人之所爲。其美惡之極。乃與天地流通而往來相應。此亦言天之一端也。古者修教訓之官。務以惠善化民。

民已大化之後。天下常亡一人之獄矣。今世廢而不修。亡以化民。民以故棄行誼而死財利。是以犯灋而罪多。一歲之獄。以萬千數。以此見古之不可不用也。故春秋變古則譏之。天令之謂命。命非聖人不行。質樸之謂性。性非教化不成。人欲之謂情。情非度制不節。是故王者上謹於承天意。以順命也。下務明教化。民以成性也。正法度之宜。別上下之序。以防欲也。修此三者。而大本舉矣。人受命於天。固超然異於群生。人有父子兄弟之親。出有君臣上下之誼。會聚相遇。則有耆老長幼之施。粲然有文以相接。騏然有恩以相愛。此人之所以貴也。生

五穀以食之。桑麻以衣之。六畜以養之。服牛乘馬。圈豹檻虎。是其得天之靈。貴於物也。故孔子曰。天地之性。人爲貴。明於天性。知自貴於物。知自貴於物。然後知仁誼。知仁誼。然後重禮節。重禮節。然後安處善。安處善。然後樂循理。樂循理。然後謂之君子。故孔子曰。不知命。亡以爲君子。此之謂也。冊曰。上嘉唐虞。下悼桀紂。寢微寢武。寢明寢昌之道。虛心以改。臣聞衆少成多。積小致鉅。故聖人莫不以晦致明。以微致顯。是以堯發於諸侯。舜興於深山。非一日而顯也。蓋有漸以致之矣。言出於已。不可塞也。行發於身。不可淹也。言行治之大者。君子之所

以動天地也。故盡小者大。慎微者著。詩云。惟此文王。小心翼翼。故兢兢日行其道。而舜業業日致其孝。善積而名顯。德章而身尊。此其寢明寢昌之道也。積善在身。猶長日加益。而人不知也。積惡在身。猶火之銷膏。而人不見也。非明戾情性。察戾流俗者。孰能知之。此唐虞之所以得令名。而桀紂之可爲悼懼者也。夫善惡之相從。如景鄉之應形聲也。故桀紂暴謾。讒賊並進。賢智隱伏。惡日顯。國日亂。晏然自以如日在天。終陵夷而大壞。夫暴逆不仁者。非一日而亡也。亦以漸至。故桀紂雖亡道。然猶享國十餘年。此其寢微寢滅之道也。冊曰。三王之

教所祖不同。而皆有失。或謂久而不易者道也。意豈異哉。臣聞夫樂而不亂。復而不厭者。謂之道。道者。萬世亡弊。弊者。道之失也。先王之道。必有偏而不起之處。故政有眊而不行。舉其偏者。以補其弊而已矣。三王之道。所祖不同。非其相反。將以揅湔扶衰。所遭之變。然也。故孔子曰。亡爲而治者。其舜乎。改正朔。易服色。以順天命而已。其餘盡循堯道。何更爲哉。故王者有改制之名。亡變道之實。然夏上忠。殷上敬。周上文者。所繼之揅。當用此也。孔子曰。殷因於夏禮。所損益可知也。周因於殷禮。所損益可知也。其或繼周者。雖百世可知也。此言百王之

用。以此三者矣。夏因於虞。而獨不言所損益者。其道如一而所上同也。道之大原出于天。天不變。道亦不變。是以禹繼舜。舜繼堯。三聖相受而守一道。亡救弊之政。故不言其所損益也。繇是觀之。繼治世者其道同。繼亂世者其道變。今漢繼大亂之後。若宜少損周之文。致用夏之忠者。陛下有明。惠嘉道。愍世俗之靡薄。悼王道之不昭。故舉賢良方正之士。論誼考問。將欲興仁誼之休德。明帝王之法制。建太平之道也。臣愚不肖。述所聞。誦所學。道師之言。厘能勿失爾。若乃論政事之得失。察天下之息耗。此大臣輔佐之職。三公九卿之任。非臣仲舒所

能及也。然而臣竊有怪者。夫古之天下。亦今之天下。今之天下。亦古之天下。共是天下。古亦大治。上下和睦。習俗美盛。不令而行。不禁而止。吏亡姦邪。民亡盜賊。囹圄空虛。德潤草木。澤被四海。鳳凰來集。麒麟來游。以古準今。壹何不相逮之遠也。安所繆鑿而陵夷若是。意者有所失於古之道與。有所詭於天之理與。試迹之古。返之於天。儻可得見乎。夫天亦有所分予。予之齒者。去其角。傳其翼者。兩其足。是所受大者。不得取小也。古之所予祿者。不食於力。不動於末。亦受大者。不得取小。與天同意。夫已受大。又取小。天不能足。而況於人乎。此民之所

以囂囂苦不足也。身寵而載高位。家溫而食厚祿。因乘
富貴之資力。以與民爭利於下。民安能如之哉。是故衆
其奴婢。多其牛羊。廣其田宅。博其產業。畜其積委。務此
而亡已。以迫蹙民。民日削月朘。寢以大窮。富者奢侈羨
溢。貧者窮急愁苦。窮急愁苦而上不救。則民不樂生。民
不樂生。尚不避死。安能避罪。此刑罰之所以蕃。而姦邪
不可勝也。故受祿之家。食祿而已。不與民爭業。然後利
可均布。而民可家足。此上天之理。亦太古之道。天子之
所宜法以爲制。大夫之所當循以爲行也。故公儀子相
魯。之其家見織帛。怒而出其妻。食於舍而茹葵。愠而拔

其葵。曰。吾已食祿。又奪園夫紅女利。辱古之賢人君子。
在列位者皆如是。是故。下高其行而從其教。民化其廉。
而不貪鄙。及至周室之衰。其卿大夫緩於誼而急於利。
亡推讓之風。而有爭田之訟。故詩人疾而刺之曰。節彼
南山。惟石巖巖。赫赫師尹。民具爾瞻。爾好誼。則民鄉仁。
而俗善。爾好利。則民好邪。而俗敗。繇是觀之。天子大夫
者。下民之所視效。遠方之所四面而內望也。近者視而
放之。遠者望而效之。豈可以居賢人之位。而爲庶人之
行哉。夫皇皇求財利。常恐乏匱者。庶人之意也。皇皇求
仁義。常恐不能化民者。大夫之意也。易曰。負且乘。致寇

三。乘車者。君子之位也。負擔者。小人之事也。此言居君子之位。而爲庶人之行。其患禍必至也。若居君子之位。當君子之行。則舍公儀休之相魯。亡可爲者矣。春秋大一統者。天地之常經。古今之通義也。今師異道。人異說。百家殊方。指意不同。是以上亡以持一統。灋制數變。下不知所守。臣愚以爲諸不在六藝之科。孔子之術者。皆絕其道。勿使並進。邪辟之說滅息。然後統紀可一。而灋度可明。民知所從矣。篇中語道原於天。語王者爲道必求端於天。語損文用忠。語任德不任刑。皆歸之天。而主於格心。方奏對卒倉時。而氣深醇有蘊藉。天道王事之

統紀具備。蓋其養也。帝覽對。異其意。擢上第。然不能用也。以爲江都王相。江都易王者。帝兄也。素驕好勇。仲舒以禮義匡王。王敬禮焉。王問仲舒曰。粵王勾踐與大夫泄庸種蠡謀伐吳。遂滅之。孔子稱殷有三仁。寡人亦以爲粵有三仁也。何如。仲舒對曰。昔者魯君問柳下惠曰。吾欲伐齊。則如何。柳下惠曰。不可。歸而有憂色曰。吾聞伐國不問仁人。此言何爲至於我哉。徒見問爾。且猶羞之。况設詐以傾人國乎。繇此言之。粵未嘗有一仁也。夫仁人者。正其誼。不謀其利。明其道。不計其功。是以仲尼之門。五尺童子。羞稱五霸。爲其先詐力而後仁誼也。苟

爲詐而已。故不足稱於大君子之門也。五霸比他諸侯
爲賢。其比三王。猶珣珌之與美玉也。王曰。善。仲舒治國。
以春秋災異之變。推陰陽所以錯行。故求雨閉諸陽。縱
諸陰。其止雨反是。行之一國。未嘗不得所欲。中廢爲中
大夫。會遼東高廟長陵高園殿災。仲舒家居。推說其意。
仲舒憤時操秉者多橫恣不法。略言春秋之道。舉往以
明來。是故天下有物。視春秋所舉與同比者。精微眇以
存其意。通倫類以貫其理。天地之變。國家之事。粲然見
矣。夫秦受亡周之敝。而亡以化之。漢受亡秦之敝。又亡
以化之。繼二敝之後。承其下流。兼受其猥。又多兄弟親
戚骨肉之連。驕揚奢侈。恣睢者衆。所謂重難之時者也。
陛下當大敝之後。又當重難之時。故天災若語陛下曰。
燔貴而去不義。云爾。臯在外者。天災外。臯在內者。天災
內。燔甚罪當重。燔簡罪
當輕。承天意之道也。草具未上。主父偃私見。嫉之。竊

其書奏焉。帝召諸儒視之。仲舒弟子呂步合。不知爲其師書。以爲大愚。下仲舒吏。當死。詔赦之。仲舒自是口不復言災異矣。時方外攘四夷。公孫弘治春秋。不如仲舒。而希世用事。位至公卿。仲舒廉直。面質弘。以爲從諛。弘深心嫉之。膠西王亦上兄。尤縱恣。數害吏二千石。難其相。弘乃言於上曰。獨董仲舒賢。可使也。欲假王以釋憾。王聞仲舒大儒。顧善待之。仲舒恐久。且獲臯。以病免。仲舒相兩國。輒事驕主。正身率下。數上疏諫爭。教令國中。所居而治。及去位家居。終不問家人產業。以修學著書爲事。朝廷有大議。天子使使者及廷尉張湯。就其家問。

之。其對皆有明。漢時天子推明孔氏。抑黜百家。令天下有所統。一立學較之官。州郡舉茂材孝廉。皆自仲舒發之年。老以壽終於家。子及孫皆以學至大官。史稱仲舒所著書。皆明經術之意。及上疏條教。凡百二十三篇。而說春秋事得失。聞舉王杯蕃露清明竹林之屬。又數十萬言。至東漢明德皇后。猶誦習其書。今皆亡。獨蕃露殘複。不可讀。其可讀者。稽天察人。精義晰類。稱古往深淳有師法。頗倫次其文。其文曰。天有兩和。以成二中。歲立其中。用之無窮。是故北方之中。陰合陽而生。始動於下。南方之中。陽合陰而養。始美於上。動於下者。不得東方

之和不能生。中春是也。養於上者。不至西方之和不能成。中秋是也。東方和北方之所起。西方和南方之所養。起之不至於和之所不能生長。之不至於和之所不能成。生於和。成必和。始於中。止必中。中者。天下之所始終也。和者。天地之所生成也。故德莫大於和。而道必止於中。中和者。天地之美達理也。聖人之所保守也。陽氣起於北方。至南方而盛。盛極而合乎陰。陰氣起於中夏。至中冬而盛。盛極而合乎陽。不盛不合。是故十月而俱盛。終歲而再合。天地久節。以此爲常。天氣盛而後施。故其精固。地氣盛而後化。故其化良。是故陰陽之會。皆在日。

至之後。爲寒則凝。冰裂石。爲熱則集。沙爍金。氣之精至。于是故出入無形。而物莫不應。天地之經也。生至東方之中。而所生大成。養至西方之中。而所養大成。一歲四起業。而必止於中。中之所爲。而必就於和。故和者。天之正也。陰陽之平也。天地之道。雖有不和。必歸之於和。而所爲有功。雖有不中。必止之於中。而所爲不爽。是故陽之行。始於北方之中。而止於南方之中。陰之行。始於南方之中。而止於北方之中。陰陽之道不同。至於盛而皆止於中。中者。天地之極也。日月之所至而却也。故節者。天之制也。陽者。天之寬也。陰者。天之急也。中者。天之用。

也和者。天之功也。舉天地之道。莫美於中和矣。天地之間。陰陽之氣。常漸於人。若水之漸魚。然所以異於水者。可見與不可見耳。夫水愈淖而愈變動。搖蕩者也。天地之間。若虛而實。人常漸是。澹澹之中。氣化之淖。非直水也。而以衆動之。爽已時。是以治亂之氣。與天地之化。相殽而不已。聖人見端而知本。精之至也。得一而應萬。類之至也。動其本者。不能靜其末。受其始者。不能辭其終。和者。道之本也。妄者。亂之始也。受亂之始。動道之本。而欲民之靜。不可得已。好色而無禮。則流。飲食而無禮。則爭。流爭則亂。禮者。所以制中體情而防亂者也。民之

情不能制其欲。故養而和之。節而法之。使自度於禮。目視正色。耳聽正聲。口食正味。身行正道。去其群泰。取其衆和。怒則反中。而說之以和。喜則反中。而收之以正。憂則反中。而舒之以意。懼則反中。而實之以精。是故三王之禮。味皆尚甘。聲皆尚和。中處其身。以自漸於天地之道也。古之造文者。三畫而連其中。謂之王。三畫者。天地人而連其中者。通其道也。取天地與人之中。貫而參通之。非王孰能當是矣。天以陰爲權。以陽爲經。陽出而南。陰出而北。經用於盛。權用於末。以此見天地之顯經。隱權。貴德而後刑也。春愛志也。夏樂志也。秋嚴志也。冬。

哀志也。故愛而有嚴。樂而有哀。四時之則也。喜怒之理。哀樂之義。不獨在人。亦在於天。春夏之陽。秋冬之陰。不獨在天。亦在於人。人無春氣。何以博愛而容衆。無秋氣。何以立嚴而成功。無夏氣。何以盛養而樂生。無冬氣。何以哀死而恤喪。天無喜氣。何以暖而春育。無怒氣。何以清而秋戮。無樂氣。何以疏陽而長養。無哀氣。何以激陰而閉藏。故曰。天乃有喜怒哀樂之行。人亦有春夏秋冬之氣者。合類之謂也。可節而不可廢也。節之則順。廢之則亂。此可以見德刑之用矣。是故。陰陽之行。終各六月。遠近同度。而所在異處。出陽爲煖以生之。出陰爲清以

成之是故。非薰也。不能有育。非凜也。不能有熟。歲之精也。然自春正月。以至于冬十月。而功畢矣。計是間陰陽各居幾何。薰與凜其用孰多。物之初生。距其畢成。露與霜其下孰倍。故從中春。以至於秋。氣溫燠和調。乃季秋九月。陰乃始多於陽。於是時而凜凜下霜。凜凜下霜而物固已皆成矣。故九者究也。九月者天之功大究於是月也。十月而悉終。冬者終也。於是功已畢成。物未復生。而陰乃大出。故天之成功。少陰與而大陰不與。霜加物而雪加空。空者亶地而已。不逮物也。夫非親陽而疎陰。任德而不任刑與。天使陽出。布施於上。而主歲功。使陰

人伏於下而時出佐陽。陽不得陰之助亦不能獨成。終陽以成歲爲名。此天意也。天下之昆蟲隨陽而出入。天下之草木隨陽而生落。三王之天下隨陽而改正。禮之定尊卑。隨陽而序位。幼者居陽之所少。老者居陽之所老。貴者居陽之所盛。賤者當陽之所衰。人主南面以陽爲位也。禮之尚右。非尚陰也。敬老陽而尊成功也。故爲政廢先王德教之官而任刑。不順於天。天高其位而下其施。藏其形而見其光。高其位所以爲尊也。下其施所以爲仁也。藏其形所以爲神。見其光所以爲明也。人主法天之行。是故內深藏以爲神。外博觀以爲明。任

群賢受成而不自勞於事。所以爲尊。汎愛羣生。不以喜怒賞罰。所以爲仁也。是故以無爲爲道。以不私爲寶。足不自動。而相者導進。口不自言。而擯者贊辭。心不自慮。而羣臣效當。謹本詳始。敬小慎微。休形無見影。揜聲無出嚮。虚心下士。觀來察往。謀於衆賢。考求衆情。察其好惡。以參忠佞。考其往行。驗之於公。計其畜積。累日積久。可以內參外。可以小占大。必知其實。是謂開闔。一天爲人。臣者法地。地暴其形。出其情以示人。高下險易。堅蓄剛柔。肥瘠美惡。其形宜不宜。皆可得而財也。故爲人臣者。竭情悉力。常見其短長。使主上得而器使之。地道然。

也。天序日月星辰。積衆精以自剛。聖人序爵位。祿列。積衆賢以自強。天所以剛者。非一精之力。聖人所以強者。非一賢之德也。故天道務盛其精。聖人務衆其賢。盛其精而壹其陽。衆其賢而同其心。壹其陽。然後可以致其神。同其心。然後可以致其功。是以建治之術。居無爲之位。行不言之教。執一無端。爲國源泉。因國以爲身。因臣以爲心。以臣言爲聲。以臣事爲形。有聲必有嚮。有形必有影。君人者。虚心靜處。聰聽其響。明視其形。以行賞罰之象。是以群臣分職而治。各敬而事。爭進其功。而人君得載其中。此自然之致也。聖人繇之。故功出於臣。而名

歸於君。夫春秋上明三王之道。下辯人事之紀。別嫌
疑明是非。定猶豫。善善惡惡。賢賢賤不肖。存亡國。繼絕
世。補敝起廢。王道之大者也。易著天地陰陽四時五行。
故長於敬。禮經紀人倫。故長於行。書記先王之事。故長
於政。詩記山川谿谷禽獸草木牝牡雌雄。故長於風。樂
樂所以立。故長於和。禮以節人。樂以發和。書以道事。詩
以達意。易以道化。春秋以道義。撥亂世反之正。莫近於
春秋。春秋文成數萬。其指數千萬物之散聚。皆在於春
秋。春秋之中。弑君三十六。亡國五十二。諸侯奔走不得
保其社稷者。不可勝數。察其所以。皆失其本已。易曰。失

之毫釐。差以千里。臣弑君子。弑父。非一旦一夕之故也。其漸久矣。故有國者。不可以不知春秋。前有讒而弗見。後有賊而不知。爲人臣者。不可以不知春秋。守經事而不知其宜。遭變事而不知其權。爲人君父而不通於春秋之義者。必陷篡弑誅死之罪。其實皆以爲善。爲之而不知其義。以天下之大。過予之。受而弗敢辭。故春秋者。禮義之大宗也。夫禮禁未然之前。法施已然之後。法之所爲用者。易見。而禮之所爲禁者。難知。春秋二百四十二年之文。天下之大事。變之博。無不有也。雖然。其要畧有

指焉。要指者。王化之所繇以流也。舉事變見有重也。極事變之所至也。因其所以至者而治之也。強幹弱枝。大本小末也。別嫌疑。類同異也。論賢才之品。別所長之能也。親近來遠。同民所欲也。承周文而反之質也。木生火。火爲夏。天之端也。切譏刺之所罰。考變異之所加也。舉事變見有重焉。則百姓安矣。極事變之所至。得失審矣。因其所以至而治之。事之本正矣。強幹弱枝。大本小末。君臣之分明矣。別嫌疑。類同異。則是非著矣。論賢才之品。別所長之能。則百官序矣。承周文而反之質。則化之所務者立矣。親近來遠。同民所欲。則仁恩達矣。木生火。

火爲夏則陰陽四時之理相受以次矣。切譏刺之所罰。考變異之所加。則天所欲爲者行矣。通乎此者。仁往而義來。德澤廣大。衍溢於四海。陰陽調和。萬物靡不得其理矣。說春秋者。凡用是。春秋分十二世。以爲三等。有見有聞。有傳聞。有見三世。有聞四世。有傳聞五世。故昭定哀所見也。宣文襄成所聞也。隱桓莊閔僖所傳聞也。於所見微其辭。於所聞痛其禍。於傳聞殺其恩。與情俱者也。是故。逐季氏而言大雩。微其辭也。子赤殺弗日。弗忍日也。痛其禍也。子般殺而書乙未。殺其恩也。屈伸之志。詳略之文。皆應之。吾以知其近近而遠遠。親親而疎。

疎也。亦知其貴貴而賤賤。重重而輕輕也。又知其厚厚而薄薄。善善而惡惡也。春秋義之大者也。得一端而博達之。觀其是非。可以得其正法。視其溫辭。可以知其塞怨。是故於外道而不顯。於內諱而不隱。於尊亦然。於親亦然。於賢亦然。此其別內外。差賢不肖。而等尊卑也。義不詘上。智不危身。智與義兼。則世愈近而言逾謹矣。以故用則天下太平。不用則安其身。春秋之道也。春秋之所治。人與我也。所以治人與我。仁與義也。以仁安人。以義正我。故仁之爲言人也。義之爲言我也。詭其處而逆其理。鮮不亂矣。是故人莫欲亂。而大抵常亂。凡以闇

於人我之分。而不省仁義之所在也。仁在愛人。不在我。愛。義在正我。不在正人。我不自正。雖能正人。弗予爲義。人不被愛。雖厚自愛。不予爲仁。故王者愛及四夷。霸者愛及諸侯。安者愛及封內。危者愛及左右。亡者愛獨其身。名之曰獨夫。仁在愛人。不在我愛。此之謂也。夫我無之。而求諸人。我有之。而誹諸人。人之所不能受也。其理逆矣。何可謂義。晉楚靈王討陳蔡之賊。齊桓公執袁濤塗之罪。非不能正人也。而春秋弗予者。我不正也。潞子之於諸侯。無所能正。春秋予之。其身正也。故曰。義在正我。不在正人也。君子求仁義之別。以紀人我之間。故自

稱其惡謂之情。稱人之惡謂之賊。求諸已謂之厚。責諸人謂之薄。自責以備謂之明。責人以備謂之惑。是故以自治之節治人。是居上不寬也。以治人之度自治。是爲禮不敬也。爲禮不敬。則傷行。而民不尊。居上不寬。則傷厚。而民弗親。弗親則弗信。弗尊則弗敬。二端之政。詭於上。而僻行之責。誹於下矣。春秋譏文公以喪娶。難者曰。喪不過三年。三年之喪。二十五月而畢。今按經。四十一月乃娶。非喪矣。謂喪娶何也。曰。重志也。夫娶必納幣。納幣之月在喪分。故謂之喪娶也。禮之所重者在其志。志敬而節。其君子與之知禮。志和而音雅。君子與之知

樂志哀而居約。君子與之知喪。非虛加之。重志之謂也。
志爲質。物爲文。文著於質。質不居文。質苟亡矣。文安從
施。質文兩備。然後其禮成。俱不能備而偏行之。與有文
無質乎。寧有質無文也。有質無文。雖弗予能禮。尚少善
之。介葛廬來是也。有文無質。非直不予。乃少惡之。寔來
是也。然則春秋之道。先質而後文。右志而左物。禮云禮
云。玉帛云乎哉。推而前之。宜曰朝云朝云。辭令云乎哉。
樂云樂云。鍾鼓云乎哉。引而後之。亦宜曰喪云喪云。衣
服云乎哉。故孔子立新王之道。明貴志以反和好。誠以
滅僞。繼周之弊。故若此也。春秋之道。奉天而法古。雖

有巧手弗修規矩。不能正方圓。雖有察耳。不吹六律。不能定五音。雖有智心。不敷先王。不能平天下。然則先王之遺道。亦天下之規矩六律也。故聖者法天。賢者法聖。得大數而治。失大數而亂。然而介以一言曰。王者必改制。自僻者得以此爲辭。夫所謂必改制者。非改其道。非變其理也。受命於天。易姓更王。非繼前王而王已。是天之所大顯也。事父者承意。事君者儀志。事天亦然。今天大顯已。顧襲所代而率與同。則不顯不明。非天志也。故必徙居處。更稱號。改正朔。易服色。順天意而自明顯。若夫天網人紀。理道政治。教化習俗。儀盡如故。何可改哉。

故王者有改制之名。無變道之實。問者曰。物改而天授顯矣。其更作樂何也。曰。樂爲應人作也。彼之所受命者。必民所同樂也。緣天下之所樂而爲之文。且以和政。且以興德。天下未徧洽。和王者不虛作樂。樂者盈於內而發於外者也。是故作樂者。反天下之所始。樂以爲之本。舜之時。民樂其紹堯之業也。故曰韶。韶者紹也。禹之時。民樂其三聖相繼也。故曰夏。夏者大也。湯之時。民樂其救之於患害。故曰護。護者救也。文王之時。民樂其興師征伐。故曰武。詩曰。文王受命。有此武功。旣伐於崇。作邑于豐。又曰。王赫斯怒。爰整其旅。當是之時。紂爲無道。諸

侯大亂。民樂文王之武而誅歌之也。周德已洽。反本以爲樂。謂之大武。故樂者作之於終而反之其始。重本之義也。繇此觀之。改制於初以應天。作樂於終以應人。二者離而復合。其所爲一也。問者曰。春秋書戰伐甚謹。其惡戰伐無辭。何也。曰。何謂然也。會同之事。大者主小。戰伐之事。後者居先。苟不惡。何爲使主之者居下乎。是惡戰伐之辭也。春秋之法。凶年不修舊。意在無苦民爾。苦民尚惡之。况傷民乎。傷民尚痛之。况殺民乎。故德不足。以親近。文不足。以來遠。而斷斷以戰伐爲者。春秋之所甚疾也。難者曰。春秋之法。惡詐擊而善偏戰。耻伐器。

而榮復讐。何以謂無義戰而盡惡之乎。曰。春秋之記災異。雖畝有數莖。猶謂之無麥苗也。今天下之大。三百年之久。戰攻侵伐。不可勝數。而復讐者二焉。偏戰者。是何異於無麥苗之有數莖哉。不足以難之。故謂之無義戰也。春秋愛人。而戰者殺人。君子奚善於殺其所愛哉。故春秋之於偏戰。猶其於諸夏也。引之魯謂之外。引之夷狄謂之內。比之詐戰謂之義。比之不戰謂之不義。故盟不如不盟。然而有所謂善盟。戰不如不戰。然而有所謂善戰。不義之中有義。義之中有不義。辭不能及。皆在於指。見其指。不任其辭。可與適道矣。春秋之聽獄。

也。必本其事而原其志。志邪者不待成。首惡者罪特重。
本直者其論輕。俱欺三軍。或死或不死。俱弑君。或誅或不誅。其本殊也。聽訟折獄。可無審耶。故折獄而是也。理益明。教益行。折獄非也。闇理迷衆。與教相妨。教政之本也。獄政之末也。其事異域。其用一也。河間獻王問曰。孝經曰。夫孝。天之經也。地之義也。敢問何謂天經。對曰。天有五行。播于四時。木火土金水是也。木爲春。春主生。火爲夏。夏主長。土季夏主養。秋金主收。冬水主藏也。是故。父之所生。其子長之。父之所長。其子養之。父之所養。其子成之。父諸所爲。子奉承而續行之。如父之意。天之

道也。故五行者五行去聲也。此謂天經。王曰善。天經既得。

聞之矣。願聞地義。對曰。地出雲爲雨。起氣爲風。風雨地

之爲也。地不敢有其功。必上之於天。若從天降然。故勤

勞世地。功一歸于天。非至義孰能行此。土者。火之子也。

土於四時無所命。不與火分功名。忠臣之義。孝子之行。

五行之最是者也。義不可以加。此謂地義。王曰善。上約繁露

當是時。有大毛公者。趙人也。善說詩。爲河間獻王博

士。其學述源流。出於卜子夏。爲訓詁傳其家。而貫穿先

秦古書。其釋鴟鴞也。與金勝合。釋比山烝民。與孟子合。

釋昊天有成命。與國語合。釋碩人。清人黃鳥。皇矣。與左

傳合。序。繇庚等六章。與儀禮合。當其時。左氏傳未出。孟子國語儀禮未甚行。學者未甚信也。惟獻王博見異書。心知其精。以其書獻天子。而毛公弟小毛公爲博士。或曰毛公名萇。毛公授同國貫長卿。長卿授阿武。令解延年。延年授徐敖。然不列於學官。其後魯齊燕詩不傳。而毛詩最後出。獨傳。以解經近古。深密有遺味。宋程淳公顯於漢儒。最董生大毛公云。

論曰。愚讀董江都所上制策三篇。洋洋乎天人古今之統也。讀太史公述所聞春秋大義。深功而著明。乃程門所表正。誼明道語。真王佐心哉。劉中壘以爲伊呂無以

加管晏之屬。佐霸者不及也。於論篤深矣。奈何得以師友淵源所漸薄之。臆斷其所至也。乃世儒猥以言災異爲大過。與角聽何異。史談有言。孔子卒後。有能紹易傳。繼春秋。本詩書禮樂之際。意在斯乎。意在斯乎。

自武帝立五經博士。廣弟子員。設科射策。勸之以官祿。而天下風於學。傳業者浸盛。大師衆至千餘人。故業稍蒙穢不翦矣。然自朝廷至於邦國。議事以制。而昌邑廢興之際。明諫顯爭。畢讎於前。經宣帝本始之初。蔡義韋賢以授先帝經。相繼爲丞相。而魏高平之謨。洞然於易。洪範月令之文。初書。惟獨歐陽。禮后蒼。易田何。春秋公

羊列學官。至石渠講議。大臣平奏。天子稱制臨決。乃復立施孟梁丘易。大小夏侯尚書。穀梁春秋博士焉。蓋易師宗田何。梁頃生從何受易。生從者丁寬。顧讀誦精敏。過頃生。何喜曰。吾以傳經也。吾有教。豈有類哉。遂舉授之。學成。寬謝何東歸。何謂門人曰。易已東矣。寬至雒。復從周王孫受古義。而寬授碭田王孫。梁丘賀。琅瑯諸人也。從何弟子太中大夫京房受易。房出守齊郡。更事田王孫。治田易精。

京房武帝時人非元帝時京房

宣帝聞房明易。求其門

人得賀。令待詔黃門。入說教諸侍中。遷郎中。至少府。以

筮數有應。得近幸。以中大夫給事中。小心周密。帝甚信

重之。時施讐長卿自童子時從王孫受易終老卒業。讓常稱學廢不教授。及賀爲少府官事劇。遣子臨將門人張禹等從讐問讐自匿不肯見。賀身往固請曰。子忍令先師之道終廢乎。讐不得已乃聽。於是賀薦讐結髮事師數十年。經精通。臣賀不及。乃詔拜讐博士而同時蘭陵孟喜父孟卿善爲禮春秋。以禮經多春秋煩雜難治。乃使喜受田王孫易。喜輕脫得易家候陰陽災變書以自詡。卽宣言師田生且死時枕喜膝。獨傳喜諸儒頗耀之。賀笑之曰。田先生乃絕施生手中。時喜歸東海安得此。喜門人蜀趙賓持論巧慧非古法云。受之喜欲因

以爲名。喜因爲名之後。賓死。莫能持其說。又以爲亡。是或薦爲博士。帝聞喜改師法。遂不用。蓋漢經重師也。

大小夏侯者。東平夏侯勝。及兄子建也。初夏侯都尉事濟南張生。受尚書。傳夏侯始昌。始昌傳勝。是爲大夏侯。勝傳建。爲小夏侯。勝少孤。好學。事始昌。受尚書。及洪範五行傳。已復事同郡簡卿。又從質歐陽生。學精熟。所問非一師也。又善說禮服。故名家。武帝時。官光祿大夫。昌邑王嗣立。數出畋。勝以洪範諫。得罪。語具災祥志中。宣帝卽位。以孝武皇帝功德茂盛。不能盡宣。而廟樂未稱。詔列侯二千石博士。議立廟樂。羣臣頓首皆曰。宜如詔。

書勝以少府獨議曰。武帝雖有攘四夷廣土境之功。然多殺士衆。竭民財力。奢泰無度。天下虛耗。百姓流離。物故者過半。蝗蟲大起。赤地數千里。或人民相食。畜積至今未復。無德澤於民。不宜爲立廟樂。公卿爭爲勝懼。勝曰。人臣之誼。宜直言正論。非苟阿意順指爲也。議已出口。雖死不悔。於是丞相御史劾勝。非議詔書。毀先帝不道。丞相長史霸阿縱勝。不舉劾。俱下獄。繫治者踰年。勝霸旣久。繫獄。霸欲從勝受尚書。勝辭以死罪。霸曰。朝聞道。夕死可矣。勝歎曰。君信道篤。乃如是。遂授之。繫再更冬。講論不怠。已。帝以地震。釋勝。霸復官。勝爲人質。撲守。

正簡易無威儀。帝親信之。嘗入見。出道上語。帝聞而讓勝。勝曰。陛下所言善。臣故揚之。管堯言布於天下。至今誦焉。臣以爲可傳。故傳耳。朝廷每有大議。帝謂之曰。先生建正言。無懲前事。復以爲長信少府。遷太子太傅。年九十卒。太后嘗從勝受書。爲素服五日。報師傅之恩。夏侯建既事勝。及歐陽高。又從五經諸儒。問他經。與尚書相出入者。多所采獲。牽引以扶其說。勝曰。建所謂章句小儒。破碎大道者也。建亦病勝疎略。難以應敵。卒自顯門爲博士。而二夏侯世以經學至大官。黃丞相霸爲循吏首。自有傳。初董仲舒以春秋授蘭陵褚大。東平瀛。

公廣川段仲瀛公守經學不失師法爲昭帝諫大夫授齊孟卿魯畦孟孟授下邳嚴彭祖彭祖治郡高入爲左馮翊太子太傅廉直不事權貴或說曰天時不勝人事君不曲意修小禮無貴人左右之助經誼雖高何能至宰相乎願少自勉強彭祖正色曰凡通經術當行先王之道何可委曲從俗苟求富貴乎蓋猶董江都廢直家法云瀛公授琅琊貢禹禹又受畦孟學後爲御史大夫孟卿授疏廣廣爲太子大傅廣授琅琊筦路路御史中丞路授鄆陵孫寶寶大司農各有傳皆原本仲舒云初瑕丘江公受穀梁春秋爲博士而董仲舒善公羊通

五經。江公喲於口。與仲舒論武帝前。論不如仲舒。丞相公孫弘亦奉爲公羊。是以穀梁不立。而魯榮廣。皓星公二人從江公受焉。廣高材多通。盡師法。與公羊大師唯孟等難。數困之。繇是沛蔡千秋梁周慶丁姓頗復受穀梁。宣帝卽位。聞衛太子好穀梁。以問丞相賢。少府勝樂陵侯高。三人皆魯人。言穀梁本魯學。當立。公羊齊學。故不相說也。於是蔡千秋爲卽矣。召見說之。帝愍其孤學且絕。選卽十人從千秋受學。會千秋病死。徵江公孫爲博士。詔故諫大夫劉向從受之。江復死。乃徵周慶丁姓待詔保宮。使卒授十人者。積十年明習。召五經名儒議。

殿中平公穀同異各以經處是非多是穀梁而穀梁大
顯初燕大傳韓嬰爲韓詩兼通易而燕趙間獨好詩故
傳詩而韓易獨傳其子孫至是涿韓生以詩徵待詔曰
所受易先太傳所傳也嘗受詩不如其易深司隸較尉
蓋寬饒本受易孟喜見韓生而說之而韓易乃行河內
趙生以韓詩授同郡蔡義義以經授昭帝得相者也授
琅琊王吉及同郡食子公云王吉字子陽皐虞人爲昌
邑王中尉王賀居國好游獵動作無節武帝崩赦縱吉
疏諫曰臣聞古者師行日三十里吉行五十里詩云匪
風發兮匪車揭兮顧瞻周道中心怛兮說者曰是非古

之風也。發發者是非古之車也。揭揭者蓋傷之也。今者大王幸方輿。曾不半日而馳二百里。百姓頗廢耕桑。治道牽馬。臣愚以爲民不可數變也。昔召公述職當民事。時舍於棠下而聽斷焉。是時人皆得所。後世思其仁恩。至不伐其棠。其棠之詩是也。大王不好道術而樂逸游。馮式搏衡。馳騁不止。口倦乎叱咤。手苦於箠轡。身勞乎車輿。朝則冒露霧。晝則被塵埃。夏則爲大暑之所暴炙。冬則爲風寒之所偃薄。數以奕脆之玉體。犯勤勞之煩毒。非所以全壽命之宗也。又非所以進仁義之隆也。夫廣廈之下。細旃之上。明師居前。勸誦在後。上論唐虞之

際下及殷周之盛。考仁聖之風。習治國之道。訢訢焉發。
憤忘食。日新厥德。其樂豈徒銜橛之間哉。休則俛仰。詘
信以利形。進退步趨。以實下。吸新吐故。以練臟。專意積
精。以適神。於以養生。豈不優哉。皇帝仁聖。至今思慕。未
怠於宮館。囿池弋獵之樂。未有所幸。大王宜夙夜念此。
以承聖意。諸侯骨肉。莫親大王。大王於屬則子也。於位
則臣也。一身而二任之責加焉。恩愛行義。纖介有不具
者。於以上聞。非饗國之福也。王賀雖不遵道。然猶知敬
禮吉。乃下令曰。寡人造行不能無情。中尉甚忠。數輔吾
過。使謁者千秋。賜中尉牛酒脯。其後復放縱自若。吉輔

諫爭甚得輔弼之義。昭帝崩。徵賀入典喪。吉卽奏書戒王曰。臣聞高宗諒陰三年不言。今大王以喪事徵。宜日夜哭泣悲哀而已。慎毋有所發。且何獨喪事。凡南面之君。何言哉。天不言。四時行焉。百物生焉。願大王察之。大將軍仁愛勇智。忠信之德。天下莫不聞。事孝武皇帝二十餘年。未嘗有過失。先帝棄羣臣。屬以天下。大將軍抱持幼君。襁褓之中。布教施政。海內晏然。雖周公伊尹亡以加也。今帝崩亡嗣。大將軍思惟可以奉宗廟者。攀援而立大王。其仁厚豈有量哉。願大王敬之事之。政事壹聽之。垂拱南面而已。賀不用其言而廢昌邑。羣臣坐在

國時不舉奏王罪過。令漢朝不聞知。又不能輔道。陷王
大惡。皆下獄誅。惟吉及郎中令遂。以數諫得減死。元康
中。召爲諫大夫。條政事本務。爲書上之。曰。陛下躬聖質。
總萬方。惟思世務。將興太平。詔書每下。民欣然若更生。
臣伏而思之。可謂至恩。未可謂本務也。欲治之主。不世
出。公卿幸得遭遇其時。言聽計從。然未有建萬世之長
策。舉明主於三代之隆者也。其務在於期會簿書。斷獄
聽訟而已。此非太平之基也。臣聞聖王宣德流化。必自
近始。朝廷不備。難以言治。左右不正。難以化遠。民者弱
而不可勝。愚而不可欺者也。聖主獨行於深宮。得則天

下稱誦之。失則天下咸言之。行發於近。必見於遠。故謹選左右。審擇所使。左右所以正身也。所使所以宣德也。詩云。濟濟多士。文王以寧。此其本也。春秋大一統者。六合同風。九州共貫也。今俗吏所以牧民者。非有禮義科指。可世世通行也。獨設刑法以守之。卽欲治者。不知所繇。以意穿鑿。各取一節。權譎自任。故一變之後。不可復修也。是以百里不同風。千里不同俗。戶異政。人殊服。詐僞萌生。刑罰無極。質樸日消。恩愛寢薄。孔子曰。安上治民。莫善於禮。非空言也。王者未制禮之時。引先王禮宜於今者而用之。臣願陛下承天心。發大業。與公卿大臣。

延及儒生。述舊禮。明王制。毆一世之民。躋之仁壽之域。竊見當世趨務不合於道者。謹條奏。惟陛下財擇。夫夫婦人倫之大綱。夭壽之萌也。世俗嫁娶太早。未知爲人父母之道而有子。是以教化不明而民多夭。聘妻送女亡節。貧人不及故不舉子。又漢家列侯尚公主。諸侯國人承翁主。使男事女。夫詘於婦。逆陰陽之位。故多女亂。古者衣服車馬貴賤有差。以褒有德而別尊卑。今上下僭差。人人自制。是以貪財趨利。不畏死亡。舜湯不用公卿之世。而舉皋陶伊尹。不仁者遠。今使俗吏得任子弟。卒多驕鰲。不通古今。積功治人。亡益於民。此伐檀所爲。

作也。宜明選求賢。除任子之令。外家及故人可厚以財。不宜居位。古者工不造彫琢。商不通侈靡。非工商之獨賢。政教使然也。宜去角抵。減樂府。省尚方。明示天下以儉。民見儉則歸本。本立而末成矣。帝方以吏事綜百官。而吉意尚教化。以爲迂闊。不甚寵異也。吉遂謝病歸。元帝初與同郡貢禹俱徵。未至。道病卒。遣使者弔祠。禹至。爲諫大夫。帝數虛已問以政。禹奏言。古者宮室有制。宮女不過九人。秣馬不過八匹。牆塗而不凋。木摩而不刻。車輿器物皆不文畫。苑囿不過數十里。與民共之。任賢使能。什一而稅。亡它賦歛繇戍之役。使民歲不過三日。

千里之內自給千里之外各置貢職而已故天下家給人足頌聲並作至高祖孝文孝景皇帝循古節儉宮女不過十餘廐馬百餘匹孝文皇帝衣綈屨革器亡雕文金銀之飾後世爭爲奢侈輾轉益甚臣下相放衣服履袴刀劍亂於主上上臨朝入廟衆人不能別異甚非其宜而莫自知其非今大夫僭僭諸侯諸侯僭僭天子天子過天道爲日久矣承衰救亂矯復古化在於陛下臣愚以爲盡如太古難宜少放古以自節焉方今宮室已定亡可奈何其餘盡可減損故時齊三服官輸物不過十筭今齊三服官作工各數千人一歲費數鉅萬蜀廣漢主

金銀器。歲各用五百萬。三工官費五千萬。東西織室亦然。廐馬食粟將萬匹。臣禹嘗從之東宮。見賜杯案。盡文畫金銀飾。非所以賜食臣下也。東宮之費。亦不可勝計。今民大饒而死。死又不葬。爲犬豬所食。人至相食。而廐馬食粟。苦其太肥。氣盛怒至。乃日步作之。王者受命於天。爲民父母。固當若此乎。天不見耶。武帝時。又多取好女。至數千人。以填後宮。及棄天下。昭帝幼弱。霍光不知禮正。多藏金銀財物。鳥獸魚鱉。牛馬虎豹。凡百九十物。盡瘞臧之。又以後宮女置於園陵。大失禮。逆天心。又未必稱武帝意也。昭帝晏駕。光復行之。至孝宣皇帝時。陛

下惡有所言。群臣亦隨故事。甚可痛也。故使天下承化。取女皆大過度。諸侯妻妾。或至數百人。豪富吏民。畜歌者至數十人。是以內多怨女。外多曠夫。及衆庶塋埋。皆虛地上。以實地下。過自上生。皆大臣循故事之臯也。唯陛下深察古道。從其儉者。大減損乘輿服御器物。產子多少有命。審察後宮。擇其賢者。留二十人。餘悉歸之。及諸陵園女亡子者。宜悉遣。廐馬可無過數十匹。獨舍長安城南苑地。爲田獵之囿。自城西南至山西。至鄠。皆可復田。以與貧民。今天下饒饒。可亡大自損減。以救之。稱天意乎。天生聖人。蓋爲萬民。非獨使自娛樂而已。詩曰。

天難諶斯。不易惟王。上帝臨女。毋貳爾心。當仁不讓。獨可以聖心參諸天地。揆之往古。不可與臣下議也。若其阿意順指。隨君上下。臣禹不勝拳拳。又數言古民亡賦算口錢。不以金錢爲幣。宜反其本。諸離宮及長樂宮衛可減三之二。以寬繇役。又諸官奴婢十萬餘人。戲游亡事。稅良民給之。歲費五六鉅萬。宜免爲庶人。粟食令代關東戍卒。乘北邊亭塞候望。近臣自諸曹侍中以上。毋得私販賣。與民爭利。犯者免官削爵。毋仕宦。又言孝文皇帝時。貴廉潔。賤貪污。賈人贅壻。及吏坐臧者。皆禁錮。不得爲吏。賞善罰惡。不阿親戚。罪白者伏誅。疑者以與。

民亡贖罪之法。故令行禁止。海內大化。天下斷獄四百。與刑錯亡異。武帝始臨天下。尊賢用士。闢地廣竟數千里。自見功大威行。遂從嗜欲。用度不足。乃行壹切之變。使犯濫者贖罪。入穀者補吏。是以天下奢侈。官亂民貧。盜賊並起。亡命者衆。郡國恐伏其誅。則擇便巧史書習於計簿。能欺上府者。以爲右職。姦軌不勝。則取勇猛能操切百姓。以威暴服下者。使居大位。故無義而有財者。顯於世。欺謾而善書者。尊於朝。諱逆而勇猛者。貴於官。故俗皆曰。何以孝弟爲。財多而光榮。何以禮義爲。史書而仕宦。何以謹慎爲。勇猛而臨官。故黥劓而髡鉗者。猶

復攘臂爲政於世。行雖犬彘。家富勢足。目指氣使。是爲
賢耳。故居官而致富者。爲雄桀。處姦而得利者。爲壯士。
兄勸其弟。父勉其子。俗之敗壞。乃至於是。察其所以。皆
以犯濫得贖罪。求士不得真賢。守相崇財利。誅不行之
所致也。今欲興至治。致太平。宜除贖罪之濫。守相選舉
不以實。及有臧者。輒行其誅。夫以漢地之廣。陛下之德。
處南面之尊。乘萬乘之權。因天地之助。其於變世易俗。
調和陰陽。陶冶萬物。化正天下。易於決流抑隊。誠深念
高祖之功。醇法太宗之治。正己以先下。選賢以自輔。開
進忠正。致誅姦臣。遠放調佞。出圉陵之女。罷絕倡樂。鄭

皆去甲乙之帳。還僞薄之物。修節儉之禮。驅天下之民。皆歸於農。如此不解。則三王可侔。五帝可及。唯陛下留意。天子善其忠。頗納用焉。未幾。以病乞骸。詔報曰。朕以生有伯夷之廉。史魚之直。守經據古。不阿當世。孳孳於民俗之所寡。故親近生。幾參國政。今未得久聞生之奇論也。而云欲退。豈意有所恨與。將在位者與生殊乎。往者常令金敞語生。欲及生時。祿生之子。旣已諭矣。今復云子少。夫以王命韓護生家。雖百子何以加。傳曰。毋懷土。何必思故鄉。生其彊飭慎疾。以自輔。後月餘。遷長信少府。尋拜御史大夫。列於三公。數月卒。賜錢百萬以塋。

以其子爲郎。禹於王吉同術學友善。又操行同。已朝廷推轂又同。故世傳王陽結綬貢禹彈冠。言取舍同也。吉少時學長安。東家有大棗樹垂庭中。吉婦取棗實啖吉。啖之。已知爲東家棗也。立去婦。東家聞婦以棗故去。欲伐棗鄰里共爲請。乃還婦。禹初舉賢良爲河南令。歲餘以職事爲府官所責。免冠謝。還歎曰。冠一免。安可復冠。遂去官。其同趣如此。吉兼通五經。能爲騶氏春秋。以詩論語教授。好梁丘賀說易。令子駿受焉。駿以孝廉爲郎。官至御史大夫。駿子崇。至大司空。避王莽去位。皆世其學。云王式東平新桃人。事免中徐公及許生。爲昌邑王。

師。昌邑廢。王陽龔遂諫。皆有書。使者責問式。師何無諫書。式對曰。臣以三百五篇。日夕授王。至忠臣孝子之篇。未嘗不反覆爲王誦之也。至危亡失道之君。未嘗不流涕爲王深陳之也。臣以三百五篇諫。故無書。得減死歸。以身辱。不復教授。山陽張長安。東平唐賓。沛褚少孫。嘗事式。更詣求卒業。式謝曰。聞之師。止此矣。君自潤色之。不肯復授。其後賓少孫應博士弟子選。摠衣登堂。容禮甚嚴。試誦說有法。諸博士驚問何師。以式對。諸博士固素聞式賢。共薦式。詔徵爲博士。至。皆注意高仰之。而博士江公。世爲魯詩宗。意忌式。語靳之。式陽醉墮車下。罷。

酒遂謝病去歸。終於家。而薛廣德以博士論石渠。至御史大夫。授龔舍。至泰山守。時齊人周堪。魯孔霸。俱事大夏侯。論石渠經高。而光祿大夫蕭望之。主平奏。於是詔望之爲太子太傅。堪少傅。霸太中大夫。與中庶子歐陽生。地餘俱授太子經。元帝卽位。望之堪並尊用。領尚書事。霸字次孺孔子十三世孫也。謙退薄權勢。常稱爵位過

泰。無德以堪。帝欲致相位。霸讓深至。乃弗相。賜爵褒成君。薨。帝素服臨弔者再。賜東園秘器。錢帛。策贈列侯。地餘官侍中。至少府。病。戒其子曰。我死。官屬卽送汝財物。慎毋受。汝九卿儒者子孫。以廉潔著。可以自成。毋溷溷。

爲也。及地餘死。少府官屬共送。具不受。天子聞而嘉之。賜錢百萬。帝欲倚望之。堪爲相。望之剛直。堪公方自遂。而帝惑於讒。愬俱中廢。自殺。郎京生以易見親幸。言災異屢效。亦以讒見誅。語具帝紀中。於是匡孔張禹之倫。居高位。徃徃以孫保自將求容矣。京生者。潁丘京房君明也。事梁人焦延壽。贛受易。贛少貧賤。以好學得幸梁王。王共其資用。令極意成學。後得隱士授易別傳。學旣成。爲郡吏。察廉。補小黄令。愛養吏民。化行縣中。以易法候伺。先知姦邪。盜賊不得發。舉最當遷。三老官屬上書願留令。詔許增秩留。因遂卒小黄。延壽易長於災變。分

六十四卦更直日用事。以風雨寒溫爲候。各有占驗。授京生。京生處災應特精。而延壽以其不劾。必不說也。常太息曰。得我道以亡身者。京生也。後竟如其言。

帝丞相賢者。楚傳孟五世孫也。世其家學。爲人質朴。少欲篤於學。以詩教授。兼通禮尚書。稱鄒魯大儒。爲博士給事中。以授昭帝詩。至丞相封扶陽侯。時年七十餘矣。相五歲。以老病乞骸歸。加賜第一區。自武帝用法嚴。丞相多譴死。不則死於位。無致其事去者。丞相致仕。自賢始薨。謚節侯。賢四子。長爲高寢令。早卒。次弘。東海太守。少子玄成。以父任爲郎。好學修父業。尤謙遜下士。出遇

知識步行。輒下從者載送之。爲常。其接人貧賤者尤加敬。擢諫大夫。初玄成兄弘爲太常丞。職奉宗廟典諸陵邑。劇煩易得過。父以弘當爲嗣。勅令自免。弘懷嫌。若欲代侯者。不去官。及賢病篤。竟坐宗廟事繫獄。罪未決。家人問賢當後者。賢恚恨不言。於是賢門下生與宗家計。矯賢令。使家丞上書言。大行以玄成爲後。賢薨。玄成官大河都尉。聞喪。又聞當爲嗣。卽陽病狂。卧便利。妄笑語。昏亂旣堊。當襲爵。以病狂不應召。大鴻臚奏狀。下丞相御史案驗。士大夫多疑玄成欲讓爵辟兄者。案事丞相史。乃與玄成書曰。古之辭讓。必有文義可觀。故能垂榮。

於後。今子獨壞容貌。蒙耻辱。爲狂癡。光曜晦而不宣。微
哉。子之所託名也。僕過爲宰相執事。願少聞風聲。不然。
恐子傷高而僕爲小人也。玄成友侍郎章亦疏言。聖王
貴以禮讓爲國。宜優養玄成。勿枉其志。而丞相御史遂
劾玄成。實不病。奏之。詔勿劾。引拜。玄成不得已。受爵。宣
帝高其節。以爲河南太守。遷太常。坐與故平通侯楊惲
善。惲誅免官。以列侯侍祀孝惠廟。當晨入廟。天雨。淖不
駕。駟馬車而騎。有司劾不敬。削爵。玄成自傷悼。貶黜父
爵。作詩自劾。自企。敕補過。會宣帝奇淮陽憲王。欲爲嗣。
然念太子起微細。又早失母。不忍也。欲感風憲王。輔以

禮讓之臣。召玄成拜淮陽中尉。元帝竟立。遷少府。至御史大夫爲相。復侯故國。玄成復作詩。自著復玷缺之難。因示戒子孫焉。玄成相七年。守正持重。不及父。而文采過之。薨。謚共侯。傳國至玄孫。乃絕。而東海太守弘子賞。亦明詩。列三公。至東漢。有魯孫彪。曰常卿子。見名臣傳。

匡衡。字稚圭。

東海承人也。父世農夫。至衡好學。家貧庸作。以供資用。事后蒼。通詩禮。精力絕人。諸儒爲之語曰。無說詩。匡鼎來。匡說詩。解人頤。鼎。衡小字也。射策甲科。不應令。除太學掌故。補平原文學。言者多上書。衡經明於

世少雙。今就官平原。京師後進生欲從之。無繇。衡不宜處平原。事下。太子太傅蕭望之。少府梁丘賀。問衡詩諸大義。對深美。望之奏。衡經學精習。說經有師道。可觀。宣帝不甚重儒。未錄也。而元帝爲皇太子。見衡對。大善之。及卽位。樂陵侯史高以外屬爲大司馬輔政。聞衡賢。欲薦之。爲名高。辟衡議。曹史薦之。帝喜。立以爲郎中。遷博士給事中。時日蝕地震。帝問政治得失。衡對曰。臣聞五帝不同樂。三王各異教。民俗殊務。所遇之時異也。陛下躬聖德。開太平之路。閔愚吏民。觸法抵禁。比年大赦。使百姓得改行自新。天下幸甚。臣竊見大赦之後。奸邪不

爲衰止。今日大赦。明日犯法。相隨入獄。此殆道之未得其務也。蓋保民者。陳之以德義。示之以好惡。觀其失而制其宜。故動之而和。綏之而安。今天下俗貪財賤義。好聲色。尚侈靡。廉耻之節薄。淫辟之意縱。綱紀失序。疏者踰內。親戚之恩薄。婚姻之黨隆。苟合徼幸。以身設利。不改其原。雖歲赦之。刑猶難使錯而不用也。臣愚以爲宜一曠然大變其俗。孔子曰。能以禮讓爲國乎。何有。朝廷者。天下之楨榦也。公卿大夫相與循禮恭讓。則民不爭。好仁樂施。則下不暴。上義高節。則民興行。寬柔和惠。則衆相愛。四者明主之所以不嚴而成化也。何者。朝有變

色之言。則下有鬪爭之患。上有自專之主。則下有不讓之人。上有克勝之佐。則下有傷害之心。上有好利之臣。則下有盜竊之民。此其本也。今俗吏之治。皆不本禮讓。而上克暴。或忮害。好陷人於罪。貪財而慕勢。故犯法者衆。姦邪不止。雖有嚴刑峻法。猶不爲變。此非其天性有繇然也。臣竊考國風之詩。周南召南。被聖賢之化深。故篤於行而廉於色。鄭伯好勇。而國人暴虎。秦穆貴信。而士多從死。陳大夫好巫。而民淫祀。晉侯好儉。而民畜聚。太王躬仁。邠國貴恕。繇此觀之。治天下者。審所上而已。今之僞薄忮害。不讓極矣。臣聞教化之流。非家至而人

說之也。賢者在位。能者布職。朝廷崇禮。百僚敬讓。道德之行。繇內及外。自近者始。然後民知所法。遷善日進而不自知。是以百姓安。陰陽和。神靈應而嘉祥見。詩曰。商邑翼翼。四方之極。壽考且寧。以保我後生。此成湯所以建至治。保子孫。化異俗而懷鬼方也。今長安天子之都。親承聖化。然其習俗。無以異於遠方。郡國來者。無所法則。或見侈靡而放效之。此教化之原本。風俗之樞機。宜先正者也。臣聞天人之際。精祲有以相盪。善惡有以相推。事作乎下者。象動乎上。陰陽之理。各應其感。陰變則靜者動。陽蔽則明者晦。水旱之災。隨類而至。今關東連

年饒饒百姓困乏。或至相食。此皆生於賦歛多。民所共
者大。而吏安集不稱之效也。陛下祇畏天戒。哀閔元元。
大自減損。省并泉建章宮衛。罷珠厓。偃武行文。將欲度
唐虞之隆。絕殷周之衰也。諸見罷珠厓詔書者。莫不欣
欣人自以將見太平也。宜遂減宮室之度。省靡麗之飾。
考制度。修內外。近忠正。遠巧佞。放鄭衛。進雅頌。舉異材。
開直言。任溫良之人。退刻薄之吏。顯潔白之士。昭無欲
之路。覽六藝之意。察上世之務。明自然之道。博和睦之
化。以崇至仁。匡失俗。易民視聽。令海內昭然。咸見本朝
之所貴。道德弘於京師。淑問揚乎疆外。然後大化可成。

禮讓可興也。帝悅其言。遷光祿大夫太子少傅。時帝好
儒術文辭。頗改紀宣帝之政。而優游寬容。進用猥多。又
傳昭儀。及子定陶王。愛幸寵於皇后太子。衡上疏曰。臣
聞治亂安危之機。在乎審所用心。蓋受命之主。務在創
業垂統。傳之無窮。繼體之君。心存於承宣先王之德。而
褒大其功。管者成王嗣位。思述文武之道。以養其心。休
烈盛美。皆歸之二后。而不敢專其功。是以上天歆饗。鬼
神佑焉。詩曰。念我皇祖。陟降廷止。言成王常思祖考之
業。而鬼神佑助其治也。陛下聖德天覆。子愛海內。然陰
陽未和。姦邪未禁者。殆論議之臣。未丕揚先帝之盛功。

爭言制度不可用也。務變更之。所更或不可行。而復復之。是以羣下更相是非。吏民無所信。臣竊恨國家釋樂成之業。而虛爲此紛紛也。願陛下詳覽統業之事。留神於遵制揚功。定羣下之心。大雅曰。無念爾祖。聿修厥德。孔子著之孝經首章。蓋至德之本也。臣聞之傳曰。審好惡。理情性。而王道畢矣。治性之道。必審已之所有餘。而強其所不足。蓋聰明疏通者。戒於大察。寡聞少見者。戒於雍蔽。勇猛剛強者。戒於大暴。仁愛溫良者。戒於無斷。湛洗靜安舒者。戒於後時。廣心浩大者。戒於遺忘。必審已之所當戒。而齊之以義。然後中和之化應。而巧僞之

徒不敢比周而妄進。唯陛下戒所以崇聖德。臣又聞詩
始國風。禮本冠昏。始乎國風。原情性而明人倫也。本乎
冠昏。正基兆而防未然也。故福之興。莫不本乎室家。道
之衰。莫不始乎梱內。聖王必慎妃后之際。別適長之位。
禮之於內也。卑不踰尊。新不先故。所以統人情而理陰
陽也。其尊適而卑庶也。適子冠乎阼。禮之用醴。衆子不
得與列。所以貴正體而明嫌疑也。非虛加其禮文而已。
乃中心與之殊異。故禮探其情而見之外也。聖人動靜
游燕。所親得序。則海內自修。百姓從化。如當親者疎。當
尊者卑。則佞巧之姦。因時而動。以亂國家。故聖人慎防

其端禁於未然。不以私恩害公義。詩云。于以四方克定。厥家。傳曰。正家而天下定。陛下聖德純備。莫不修正。則天下無爲而治矣。衡爲少傅數年。數上疏陳便宜。及朝廷有政議。傳經以對。言多法義。帝以爲任公卿。遷光祿勳。御史大夫。已代韋玄成爲丞相。封樂安侯。成帝卽位。衡上疏戒妃匹。勸經學威儀之則。曰。日陛下秉至孝。哀傷思慕。不絕於心。未有遊虞弋射之宴。誠隆於慎。終追遠無窮已也。竊觀陛下。雖聖性得之。猶復加聖心焉。詩云。玼玼在疚。言成王喪畢。思慕意氣。未能平也。蓋所以就文武之業。崇大化之本也。臣又聞之師曰。妃匹之際。

生民之始。萬福之原。婚姻之禮正。然後品物遂而天命全。孔子論詩。以關雎爲始。言太上者。民之父母。后夫人之行。不侔乎天地。則無以奉神靈之統。而理萬物之宜。故詩曰。窈窕淑女。君子好仇。言能致其貞淑。不貳其操。情欲之感。無介乎容儀。宴私之意。不形乎動靜。夫然後可以配至尊而爲宗廟主。此綱紀之首。王化之端也。自前世以來。三代興廢。未有不繇此者也。願陛下詳覽得失。盛衰之效。以定大基。采有德。戒聲色。近嚴敬。遠技能。竊見聖德純茂。專精詩書。好樂無厭。臣材駑無以輔相善義。宣揚德音。臣聞六經者。聖人所以統天地之心。著

善惡之歸。明吉凶之分。通人道之正。使不悖其本性者也。故審六藝之指。則天人之理。可得而和。草木昆虫。可得而育。及論語孝經。聖人言行之要。宜究其意。此未求不易之道也。臣又聞聖王之動靜周旋。奉天承親。臨朝饗臣。物有節文。以彰人倫。蓋欽翼祗栗。事天之容也。溫恭敬遜。承親之禮也。正躬儼恪。臨衆之儀也。嘉惠和說。饗下之顏也。舉錯動作。物遵其宜。故形爲仁義。動爲法則。孔子曰。德義可尊。容止可觀。進退可度。以臨其民。是。以其民畏而愛之。則而象之。大雅云。敬慎威儀。爲民之則。諸侯正月朝覲天子。天子惟道德。昭穆穆以視之。又。

觀之以樂饗醴乃歸。故萬國莫不獲賜祉福。蒙化而成俗。今正月初幸路寢。臨朝賀置酒以饗萬方。傳曰。君子慎始。願陛下留神動靜之節。使群臣得望盛德休光。以立基楨。天下幸甚。上敬納其言。已爲司隸較尉王尊所糾劾。語見帝紀衡稱病乞骸骨。天子以新卽位。重傷大臣。詔報曰。君以道德修明。位三公。先帝委政。遂及朕躬。君遵修法度。勤勞公家。朕嘉與君同心合意。庶幾有成。今司隸較尉尊。妄詆欺。加非於君。朕甚閔焉。方下有司問狀。君何疑而上書。歸侯印。乞骸骨。是章朕之未燭也。傳不云乎。禮義不愆。何恤乎人言。君其察焉。因賜上尊酒養。

牛而羣下多籍籍是尊者。衡嘿嘿不自安。每有水旱風

雨不時連乞骸讓位。久之坐事免。終於家。

衡子昌爲越騎較尉。醉殺

人。又衡封僮之樂安鄉田。

提封本三千一百頃。南以閩伯爲界。郡圖誤以閩伯爲平陵伯。多四百頃。後覈地圖

不舉。仍自予。劾專地盜土。免爲庶人。

成帝爲太子時。從博士鄭寬中授尚

書。軹張禹授論語。旣卽位。徵禹寬中。並賜爵關內侯。拜

光祿大夫。秩中二千石。給事中。領尚書事。時帝舅大將

軍王鳳輔政。專而帝譏讓。卿經學。敬重師傅。於是禹數

稱病乞骸。欲以避讓鳳。詔報曰。朕以幼年執政。萬機懼

失其中。君以道德爲師。故委國政。何疑而數乞骸骨。忽

忘雅素。欲避流言。朕無聞焉。君其固心致思。總領諸事。

推以孳孳無違朕意。加賜黃金百斤。養牛上尊酒。大官致饗。侍醫視疾。使者臨問。禹皇恐復起視事。而寬中早卒。太中大夫谷永上疏言。臣聞聖王尊師傳。褒賢雋。顯有功。生則致其爵祿。死則異其禮謚。昔周公薨。成王塋以變禮而當天心。公叔文子卒。衛侯加以美謚。著爲後法。近事大司空朱邑。右扶風尹翁歸。德茂天年。孝宣皇帝愍冊厚賜。贊命之臣。靡不激揚。關內侯鄭寬中。有顏子之美質。抱商偃之文學。儼然總五經之眇論。立師傳之顯位。入則鄉唐虞之閔道。王法納乎聖聰。出則參冢宰之重職。功烈施乎政事。退食自公。私門不開。散賜九

族田畝不益。德配周召。忠合羔羊。位得登司徒。有家臣。卒然早終。尤可悼痛。臣愚以爲宜加其塋禮。賜之令謚。以章尊師褒賢顯功之德。帝說。諸子贈甚厚。禹竟以丞相封安昌侯。當是時。褒成君孔霸。少子光。先師孔子世孫。傳家學。尊寵亦至。丞相太師。禹光皆謹厚。通經術。光質儉。禹內多奢淫。弟子彭宣恭儉有法度。而戴崇愷悌多智。禹心親愛崇而敬宣。崇每候。乃責師宜置酒設樂。禹將入後堂飲食。婦女相對。優伶管絃間作。極樂乃罷。而宣來見。便坐講經義。日宴設食。不過豆肉卮酒。未嘗至後堂。及二人各聞知。各自得也。後禹阿王氏言災異。

陰爲王氏地。光爲莽尊禮。皆持祿保位爲容容。被阿諛之譏。史固曰。其緼藉可也。以古人之迹見繩。烏能勝其任乎。而彭宣起博士至大司空。會哀帝崩。新莽得政。以眊老乞骸。失莽意。冊免。張禹。軼人也。與瑯琊魯伯。事施讐。生學易。從瑯琊王陽。膠東庸生受論語。而光事牟卿。生受夏侯書。光祿勳匡衡舉光方正。爲諫大夫。坐議不合。自免。歸教授。成帝初。舉博士。選三科高第。領尚書。至光祿勳典樞機十餘年。守法度。修故事。天子有問。據經瀟以心所安對。不希指苟合。或不從。不敢強諫爭。以是久而安。時有所言。輒削草。以爲章主之過。以奸忠直大罪也。有薦舉。唯恐人聞。知沐日歸休。兄弟妻子燕語。終不及朝省事。或問光溫室省中。樹何木也。嘿不應。更亂以它語。其不泄如是。光帝師傳。子以經行自著。不結黨友。養游說。旣性自守。亦其勢然也。爲御史大夫。丞相方進薨。召拜相。已刻侯印。書贊帝暴崩。即其夜於大行前拜受丞相博山侯印。綬哀帝即位。褒賞大臣。益封千戶。然光自先帝時議繼嗣。有持異

之隙矣、以議築北宮、居傳太后、忤太后意、又論太后從
第子傳遷在左右、爲傾邪、當免歸、銷姦萌、太后意重忤
及太后謀稱尊、又與司空丹持不可、於是傳氏在位者
與朱博爲表裏、毀諸光、策免光、還里、日杜門自守、傳代
相數月、坐事自殺、平當相、數月薨、王嘉相、數諫爭獄死、
歲閱三相、議者皆以爲不及光、帝繇是思之、會傳太后
崩、徵詣公車、問曰、蝕事、光對曰、日衆陽之宗、人君之表、
君德衰微、陰道盛彊、侵蔽陽明、則日蝕應之、書曰、敬用
五事、建用皇極、如貌言視聽思、失大中之道、則咎徵荐
臻、六極屢降、其傳曰、是謂皇之不極、時則日月亂行、謂
眊眊側慝、甚乃薄蝕也、又六沴之作、於歲之朝、日三朝
其應至重、乃正月辛丑朔、日有蝕之、變見三朝之會、上
天聰明、苟無其事、變不虛生、書曰、惟先格王、正厥事、言
異變之來、起事有不正也、臣聞師曰、天右與王者、故災
數見、以譴告之、欲其改更、若不畏懼、有以塞除、而輕忽
簡誣、則凶罰加焉、其至可必、詩曰、敬之敬之、天惟顯思、
命不易哉、又曰、畏天之威、于時保之、皆謂不懼者凶、懼
之則吉也、陛下聖德聰明、兢兢業業、承順天戒、勤心虛
已、延見羣臣、思求其故、然後敕躬自約、總正萬事、放遠
讒說之黨、援納斷斷之介、退去貪殘之徒、進用賢良之

吏平刑罰薄賦歛恩澤加於百姓誠爲政之大本應變
之至務也俗之祈禳小數終無益於應天書奏賜東帛
拜光祿大夫無何復丞相博山侯明年定三公官更爲
大司徒會哀帝崩平帝以中山王徽即位幼太后稱制
委政大司馬莽莽怨丁傅董賢之黨以光舊相名儒天
下所信太后敬之乃僞禮事光而以太后指風光左右
之莽權日盛光上書乞骸骨莽白太后徙爲帝太傅位
四輔明年徙太師光常稱疾不敢與莽並有詔朝朔望
莽益僭橫憂懼不知所出固稱疾辭位太后詔曰太師
光聖人之後先師之子德行純淑道術通明居四輔道
于帝今年耆有疾俊艾大臣惟國之重其猶不可闕焉
書曰國之將興尊師而重傳其令太師毋朝十日一賜
餐賜靈壽杖黃門令爲太師省中坐置几後歸第官屬
按職如故光歷三世居公輔位前後十七年薨賜乘輿
秘器諫大夫謁者持節護喪博士護行禮公卿百官會
弔葬載以乘輿輶輓及副各一乘道路皆舉音以過哭
將作穿復土甲卒五百人謚簡烈侯元成間經傳彌盛尚書有濟南林尊
長賓事歐陽高受伏生尚書以授平陵平當當授九江

朱普。渤海鮑宣。匡丞相詩。授琅邪伏理。東武師丹。東海孟卿。事瑕丘蕭奮。傳徐生禮。授后蒼。蒼說禮至數萬言。曰后氏曲臺記。授梁戴德。延君。戴聖次君。沛慶普。德信都太傳。曰大戴。聖九江守。曰小戴者也。普東平太傳。今大小戴記具存。而小戴所傳記。學官以爲經。易諸家互異。東萊費直。長翁。長卦筮。治易無章句。獨以彖象繫辭十篇。解說上下經。於易最雅正。傳瑯琅王璜。沛人。高相治易。與費公同時。其學亦無章句。專陰陽災異。授子康。及蘭陵毋將求康。繇是易有費高之學。趙人貫公。事梁太傳賈誼。治左氏。爲河間獻王博士。貫公子長卿。授清

河張禹。禹授尹更始。更始傳子咸。及翟方進。而劉歆從咸方進。受左氏特精。於是天子立大小戴禮。立京氏易。立左氏春秋。毛詩。逸禮。古文尚書。以罔羅遺失。兼存異義焉。史固曰。是在其中矣。平丞相當字子思起博士。論義通明。給事中。災異言得失。指意於蕭望之。匡衡。同議。太上皇園不當罷。與劉歆同行。流民幽州還。言勃海鹽池可勿禁。以救民急。奏舉二千石勞來有恩意者。爲奉使最。至光祿勳。以議傳太后姊子淳于長不當封。左遷鉅鹿太守。以經明。禹貢爲騎都尉。行河隄。哀帝立。以前守正忤傳氏。徵光祿大夫。至丞相。以冬月非時。未行封。

春召受封。當病不應召。或謂當君不可強起受侯印。遺

子孫耶。當曰。吾居大位。業以素餐。負重責矣。起受印。還

臥疾死。死有餘責。竟不起。月餘卒。子晏以明經。竟至大

司徒。封防鄉侯。

漢興惟常平
父子至宰相

孫寶

字子嚴

鄆陵人。以明

經爲郡史。御史大夫張忠辟爲屬。欲令授子經。更爲除

舍。設儲饍。寶自劾去。忠固還之。而心內不平。久之署主

簿。寶徙舍祭竈。請比鄰甚懽。忠陰察恠之。使所親問之。

曰。前大夫爲君除大舍。受經。子自劾去者。欲爲高節也。

今兩府高士。俗不爲主簿。子旣爲之。徙舍甚說。何前後

不相副也。寶曰。高士不爲主簿。而大夫君以寶爲可。一

府莫言其非。士安得獨自高。前日君舅欲學經。而移寶自近。禮有來學。義無往教。道不可訕。身詘何傷。且不遭世者。無不可爲。況主簿乎。忠聞之。甚慙。上書薦寶經明質行。宜備近臣。遷議郎諫大夫。鴻嘉中。廣漢群盜起。選爲益州刺史。到部。親入山谷。宣恩意。諭群盜。非本造意。渠率得悔過。自出。遣歸田。因自劾矯制。并奏廣漢守扈商不任職階亂。商徵下獄。有與援寶坐失死罪免。益州吏民多陳寶功效。復拜冀州刺史。發帝舅紅陽侯立姦。立坐廢。徵爲京兆尹。政清。京兆人侯文素剛直不苟合。常稱疾不肯仕。寶以恩禮請文與爲布衣交。日設酒食。見妻子。文求署曹。謝讓乃聽。進見禮如賓。旣數月。以立秋日。署文東部督郵。入見。寶

勅曰。今日鷹隼始擊。當順天氣。取姦惡。以成嚴霜之誅。
梟節渠有其人乎。文卽曰。無其人。不敢空受職。寶曰。誰
也。文曰。霸陵杜穉季。寶曰。其次。文曰。豺狼橫道。不宜復
問。狐狸。寶默然。穉季者大俠。與衛尉淳于長。大鴻臚蕭
育等善。寶前與車騎將軍。及紅陽侯有卻。自危。淳于長
方貴幸。請結交。許之。始視事。長以穉季託。寶窮無以應。
文恠寶氣索。知有故。因曰。明府素著威名。今不取穉季。
當且闔閭勿有所問。如此。竟歲吏民未敢誣明府也。即
度穉季而譴它事。衆口譁譁。終身自墮。寶曰。敬受教。穉
季耳目長。聞之。杜門不通水火。穿舍後牆爲小戶。但持
鋤自治園。因文所厚。自陳如此。文曰。我與穉季幸同土
壤。素無睚眦。顧受將命。分當相直。誠能自改。嚴將不治
前事。即不更心。但更門戶。適取禍耳。穉季自是不敢犯法。寶亦竟歲無譴。
哀帝時爲司隸中

山太后獄起。爲衆庶所寃。寶奏請覆治。坐下獄。尋理尚

書崇免。語具帝紀中。平帝立。王莽白徵爲大司農。會越

雋郡上黃龍游江中。太師光。大司徒宮等咸歸莽功德。

宜告祠宗廟。持不可。

語見帝紀

莽深心疾之。會遣吏迎母。母

道病。留所生子家。獨遣妻子來。爲司直陳崇所糾。下即訊寶。對曰。年七十。諄眊。恩衰共養。營妻子。如章坐免。終於家。建武中。錄舊德。以寶孫伉爲諸長。

論曰。余讀匡丞相治性正家戒妃匹勸學疏。以爲古經誥之遺也。深美矣。讀王司隸舉劾章曰。是或一道也。而難爲行。令得行。蕭太傅京生不先之乎。乃論者以張孔容容疵。經明無當於事行。望之堂堂。折而不撓。孫寶侃侃道義。自將。鮑司隸及楚兩龔。夫非經師耶。抗義守死。不汙撓。何也。大都西漢士務經術。術以從政立身。雖性

習人殊均之有意於古學云。


於家裏如中朝書院以有諸君為首

居實校曰辛子十結罪思來其養習妻十收章坐與絲

並祿番祖坐千家圖數妻千來為同直刺崇祖孫千明

宜告同宗廟林不帝時華來山燕之會數吏喚早





DS
735
A2
T4
417
函史上編卷之二十三

明旰郡鄧元錫著

東漢經學行義傳

世祖中興。敦好儒術。未下車。疇咨先焉。四方學士。避世亂道。逃林藪者。皆抱負墳策。雲集于京師。旣正位尊顯。名碩登之公府。次總尚書。而立五經博士。各以家法教授。太常差次總領焉。當是時。濟南伏生後。有伏司徒湛。湛父理。爲當世名儒。以詩授成帝者也。湛性孝友。傳父業。教授數百人。雖倉卒造次。必依於文德。旣在位。恒引帝於天顯人倫。古懷遠寧邇之道。富平侯安世後。有張

司空純通禮學。爲帝定郊社禘祫之禮。在位慕曹參之迹。務於無爲。辟椽史皆名儒。歐陽司徒歛。則先漢所稱千乘。歐陽生後也。八世爲博士。而歛譏恭好禮讓。事更始爲原武令。原武政修。世祖徇河北。見之。遷河南都尉。卽位以爲河南尹。封被陽侯。爲汝南太守。推用賢俊。稱異迹。九歲入爲司徒。坐汝南度田不實。賊論死。諸生守闕求哀者千餘人。至有自髡剔者。平原禮震年十七。自繫求代死。而歛已瘞死獄中。於是椽陳元上書追理。言切至。賜卹。綬贈賻焉。時臨濟牟長。陳留陳弇。沛國桓榮。亦受歐陽尚書榮。

字養卿

明帝所師尊桓先生也。少事博

士九江朱普。貧無資。常客傭以自給。精力不倦。普卒。奔
喪九江。負土成墳。天下亂。將弟子抱經書匿山中。饒困
不能言。而講論不輟。建武中。年六十餘矣。始辟大司徒
史詔。選明經。豫章何陽授太子經。帝從容問若本師誰
也。對曰。臣師沛國桓榮。帝卽召榮問尚書。大善之。曰。得
生幾晚。拜議郎。授皇太子經。每朝會。令於公卿前敷奏
經義。尋以爲博士。駕幸太學。會諸儒論難於前。榮溫恭
有緼籍。辯明經義。每以禮讓相厭。不以辭長勝人。帝愈
益賢之。詔諸生稚吹擊磬。盡日乃罷。嘗賜竒果。諸儒皆
懷之。榮獨手捧拜賜。愈見敬厚。常令止宿太子宫。親焉。

進少傳。賜輜車乘馬。榮大會諸生。陳之曰。今日所蒙。稽

古之力也。顯宗臨雍尊以殊禮。具學較經籍志中。子郁敦厚

篤學。傳父業。父卒。襲爵。以讓兄子汎。不許。帝以郁先師子。親厚之。後使授皇太子經。初榮受朱普

學章句四十萬言。辭浮長。約爲十三萬言。郁刪定爲十

二萬言。繇是書有桓君太常章句。郁中子焉。馬孫典。皆世其家學。而長子普

普子鸞。及魯。係彬並知名。劉昆。字桓公。陳留東昏人。少習容禮。已從

沛人戴賓受施易。王莽世。以布衣教授。弟子恒五百餘

人。每春秋饗射。以素木瓠葉爲俎豆。桑弧蒿矢。射兔首

如儀。觀者如堵。牆守宰率屬吏造焉。王莽聞而惡之。以

爲昆梁孝王胤聚徒衆行大禮。先有信上心也。并家屬繫

治會莽敗。乃免。於是避地河西。棲負犢山中。建武初。舉
孝廉不行。逃之江陵。詔即拜江陵令。縣數多火。灾火作。
昆向之拜。輒降雨。反風。累遷弘農太守。郡多虎。行旅不
通。昆政先仁化。三年。虎負子渡河。帝聞異之。徵爲光祿
勳。召見問曰。前在江陵。反風滅火。後守弘農。虎北渡河。
何脩而致是也。昆頓首曰。偶然耳。左右竊笑其質訥。帝
太息曰。長者之言也。命史書諸策。詔授太子諸王小侯
經。無何。請老。賜洛陽第宅。以千石祿終其身。子軼傳業。
官宗正。遂世掌宗正焉。當是時。傳孟氏易者。稱南陽注
丹子王。廣漢任安定祖。丹學義研深。避莽世不仕。事光

武至大鴻臚。安晚出。兼數經。有行辟舉。皆不就。時人爲之語曰。君今行古任定祖。而爲梁丘易者。稱代郡范升。鄆陵張興。爲京氏易者。稱汝南戴憑。升

字辯卿

少爲莽司

空王邑史。邑以莽命。擊匈奴。升說邑以天下有近憂。無爲事遠。邑不能用。引疾去。又不聽。使詣上黨。因畱不復還。光武聞升經明。徵爲博士。升讓曰。臣與博士梁恭山陽守呂羌俱脩梁丘易。二臣年並耆艾。經學深明。臣不及也。而不以時退。與恭並立。知羌學又不能引達誠慙。負無以立於世。夫誦而不行。知而不言。不可以爲人師。願推博士以避恭。羌帝不許。而待升加厚。有大義。時訪

焉。後升爲所出妻告。坐繫論死。京兆楊政從升學肉袒。以箭貫耳。抱升子伏道旁。草間駕且至。持章叩頭白。升寬。且曰。升三娶。僅一子。今適三歲。孤之可哀。虎賁懼驚。乘輿舉弓射。不退。旄頭刃之。傷胸。又不退。號而帝爲感。惻下尺一。出升。詔興舉孝廉。精經術。弟子自遠至者。理官曰。乞楊生師。

著錄。且萬人爲梁丘家宗。憑舉明經爲郎。會詔公卿上殿。論經義。憑說多善。拜侍中。延見。問得失。曰。侍中當匡輔朕。無所隱。憑對曰。陛下嚴。帝曰。何嚴。憑曰。前太尉西曹掾蔣遵。忠孝通古今。陛下納膚受之愆。而錮之。嚴已。帝怒罵曰。汝南子欲爲黨乎。憑出。卽自繫廷尉。詔勅令出。召入。憑謝曰。臣有狂瞽之言。而不能以尸伏諫。無蹇諤之節。偷生苟活。誠慙誠負。帝爲勅尚書理遵。正月朝。

賀百僚畢會。帝令羣臣能說經者更相難義。不通奪席。
益通者憑重五十餘席。京師爲之語曰。解經不窮戴侍
中。蓋建武中。孟易最盛。而陳元鄭衆皆傳費氏易。後馬
融以授鄭玄。玄作易注。荀爽又作傳。於是費氏興。而京
孟氏易遂微。杜林扶風茂陵人。少好學。沈深家多書。
又外氏張竦父子喜文學。林從學。學益洽多聞。稱通儒。
王莽末。避地河西。道逢賊欲殺之。林仰曰。願一言而死。
賊曰。何言。林曰。將軍不知有天神乎。
赤眉兵衆百萬。所過殘滅不道。卒以破亡。今將軍以數
千之衆。不行仁恩。而反遵覆車之轍。不畏人。獨不畏天
神乎。賊心動。得釋。
隗囂素聞林志節。深相敬。以爲持書平辭。疆
之不可囂。意甚望。然外示優容。出令曰。杜伯山。天子不

能臣諸侯不能友。今且從師友之位。須道通順。所志建
武勳。弟成物故。力請持喪歸。囂大恨。陽許遣。而陰令刺
客於道。遮殺之。客見林身推鹿車。載弟喪。行千里。感嘆
不忍害。比至。拜侍御史。引見。問經書故舊。及西州事。帝
大悅。賜車馬衣被。群僚莫敢望。河南鄭興。事劉歆。東海
衛宏。事九江謝曼卿。曼卿傳毛詩。作詩序。善風雅之旨
者也。林遇興。欣然曰。林得君。諧矣。使宏得林。且有以益
之。及宏見林。果闇然服。林前於西州。得漆書古文尚書。
寶愛之。雖遭讎困。常抱以自隨。及是。乃出示興等曰。流
離兵亂。常恐斯文將絕。何意復傳。是道竟不墮於地也。

古文雖不合時務。願諸生無悔所學。於是古文遂行。林

爲光祿勳。內奉宿衛。外總三署。

左右中郎將及五官中郎將

周密敬

慎。選舉稱平。郎有好學者。輒見引進。至大司空。博雅多

通。稱任職焉。

王良。東海蘭陵人。少好學。王莽時。寢疾

不仕。以尚書教授。建武中。起家拜諫大夫。數納忠。進止

以禮。爲大司徒司直。在位恭儉。妻子不入官舍。司徒史

鮑恢。以事至東海。過候其家。良妻被布裙。曳柴從田中

歸。恢以爲婢。使告之曰。我司徒史也。來受書。欲見夫人。

妻曰。妾是也。苦椽無書。恢驚起拜。歎息而去。良後以病

歸。二歲復徵至滎陽。疾篤。不任行。過其友。友人不肯見。

曰不有忠言奇謀而取大位何往來屑屑不憚煩也。良後連徵。及以玄纁聘。終不就。

高詡。平原般人也。曾祖父嘉。以魯詩授元帝。仕爲上谷太守。父容傳業。至光祿大夫。詡少以信行清操知名。王莽篡父子並稱盲。不仕。建武中。官大司農。曲阿包咸。習魯詩論語。王莽末。爲赤眉所得。止之十餘日。晨夜誦讀。自若。賊異而遣之。居東海。立精舍講授。建武中。以郎授皇太子論語。顯宗踐位。遷大鴻臚。進見。賜几杖。入屏不趨。贊事不名。經傳疑。輒遣小黃門就問。不召也。以咸素清苦。常特賜賚。增常祿。悉以給諸生之貧者。病篤。帝親

臨視卒時任城魏應東武伏恭亦爲魯詩皆以經行稱
大師受業著錄者數千人應騎都尉恭司徒湛兄子也
司徒弟黯明齊詩官光祿勳無子以恭後恭少傳業爲
劇令廉公有惠政舉尤異太常試經第一拜博士遷常
山守興學明教繇是北州多爲伏氏學永平臨雍禮行
拜司空在位九年而老肅宗行饗禮爲三老年九十卒
任末蜀繁人習齊詩奔師喪道卒勅兄子曰少致我師
門使死而有知魂靈不慙而梓潼景鸞治齊詩兼受施
易作易說詩解兼取河洛圖緯以類相從又撰禮內外
記曰禮畧州郡交辟不就卒杜撫犍爲武陽人從薛

漢受韓詩。沈靜樂道。舉動必以禮。弟子千餘人。而壽春
召馴。閬中楊仁。皆習韓氏詩。馴有志義。鄉里稱之曰德。
行恂恂。召伯春。仁經中博士。以年不應科。讓選。顯宗詔
補北宮衛士。引見。問當世務。對以寬和任賢。抑黜驕戚。
爲先。拜什方令。寬勸課。掾史弟子悉令受學。繇是義學
大興。墾田數千頃。辟司徒袁虞府。府掾有不法者。終不
與交言。同席人畏其介。爲閬中令。卒於官。當是時。山陽
丁恭。子然。北海周澤。穉都緱氏孫堪。子穉。俱受公羊春
秋。恭義學精深。堪澤俱清白。節介。恭侍中。祭酒。澤太常。
卿。堪光祿勳。恭授太常。樓望。侍中。承宮。長水校尉。樊豐。

左中郎將鍾興。興以授皇太子諸王封關內侯。引拜興。前謝曰。臣無功。不敢受爵。帝曰。生教訓太子諸王。明先聖之道。非功而何。對曰。臣經受之師。丁恭。臣適傳誦耳。於是帝嘉興不背本。詔封恭。興固辭爵。卒官。其時爲嚴氏學者。安丘甄宇。南昌程曾。河內張玄之。倫。承宮。琅瑯姑幕人。少孤。爲人牧豕。鄉里徐子盛者。以春秋授諸生數百人。宮過息廬下。聽之。悅焉。遂請留。爲諸生。拾薪執爨。勤學不倦。已事丁恭。經旣通。以教授。遭天下亂。避地漢中。已與妻子之蒙山。種黍自食。將熟。人有認之者。不較。推與之而去。三府更辟。皆不應。駕臨雍。召拜博士。

遷左中郎將。數納忠論議。端慤朝廷。憚其節。鄭興、河
南、開封人。受公羊春秋。晚善左氏。周官長於曆數。積精
深思。同學皆師尊之。隗囂禮請不爲屈。數爲言尊上順
天之意。及囂遣子恂入侍。興求從歸葬。囂不聽。而徙興
舍。增禮秩。興入見曰。興聞事親之道。生事葬祭。必以禮
也。今爲父母求葬。而以增秩留。則是以親餌也將焉用
之。囂曰。君薄囂爲不足留耶。興曰。將軍據七郡之地。擁
羗胡之衆。以翼戴本朝。德莫厚焉。威莫重焉。興從事者
也。因將軍求進。何渠不達。豈謂薄哉。獨爲父母請。不可
以已。願留妻子。獨歸葬。蹕曰。幸甚。乃爲裝而遣之。至洛。

侍御史杜林爲帝言興執義堅固。敦悅詩書。好古博物。有公孫僑觀射父之德。宜侍帷幄典機密。昔張仲在周。燕翼宣王。而詩人悅喜。惟陛下留察。乃徵爲太中大夫。以日食上疏曰。春秋以天反時爲災。地反物爲妖。人反德爲亂。亂則妖災生。往年以來。謫咎連見。意者執事其頗有關焉。按春秋昭公十七年。夏六月甲戌朔。日有食之。傳曰。日過分而未至三辰有災。百官降物。君不舉樂。用鼓祝。用幣史。用辭。今孟夏純乾用事。陰氣未作。其災尤重。不可不慎。昔者堯知鯀之不可用。而用之者。屈己之明。因人之心也。齊桓反政。而相管仲。晉文歸國。而任

卻穀皆不私其私。而一於擇人。今公卿大夫多舉滄陽
太守郭伋。可大司空者。而不以時定。道路流言。咸曰朝
廷欲用功臣。功臣用。則天官謬矣。願陛下上師唐虞。下
覽齊晉。成屈已從衆之德。以濟群臣讓善之功。夫日月
之交會。數應在朔。而頃年日食。每多在晦。先時而食。皆
月行疾也。日君象。月臣象。君亢急。則臣下促迫。故行疾
也。今年正月繁霜。自爾以來。率多寒日。此亦急咎之罰。
天於賢聖之君。猶慈父之於孝子。丁寧申戒。國之福也。
今陛下高明。而羣臣惶促。宜垂意洪範。留思柔克之政。
時帝尚嚴察。而頗私南陽故人。故興奏及之。興數言政

事依經守義。文章溫雅。然以不善識。不見任。而東漢言

左氏者多祖興。賈逵。平陵人。父徽。從劉歆。受左氏周

官。從謝曼卿。受毛詩。從塗暉。受古文尚書。稱多通。逵愷

悌多智。儻有大節。傳父業。尤明左氏。爲解詁五十一

篇。闡駁疑義。顯宗重其書。録藏秘館。而逵自擿其闕。君

臣父子紀綱正法。足著明勸戒者三十事條奏之。而傳

之於議。肅宗嘉之。賜布五百匹。和帝時爲侍中。甚見信

用。薦東萊司馬均。陳國汝郁經行。詔徵用焉。然不脩小

節。頗爲世所譏。均安貧好學。隱居教授。不應辟命。信誠行乎州里。鄉人有爭訟。輒往質均。所不

直。不敢違也。郁仁孝。隱處山澤。爲魯相。尚教化。流亡歸者八九千戶。陳元。字長蒼梧廣

信人父欽爲左氏名家。元傳業銳精覃思。至不與鄉里通。尚書令韓歆疏請立左氏博士。博士升以爲左氏淺末不宜立。元疏曰。陛下撥亂反正。文武並用。深愍經藝謬雜。真僞錯亂。每於臨朝廷論聖道。知丘明至賢。親受孔子。而公羊穀梁傳聞後世。故詔立左氏博士。詢可否。示不專已。盡之於羣下也。今論者沈溺所習。玩守舊聞。固執虛言。傳受之辭。以非親見行事之實。夫至音不合衆聽。故伯牙絕絃。至寶不同衆好。故卞和泣血。仲尼聖德。而不容於世。况竹帛餘文。其爲雷同所排。固其宜也。臣元竊見范升等所奏議左氏春秋不可立。凡四十五事。

皆斷截小文。媒黷微辭。以年數小差。掇爲巨謬。遺脫纖微。指爲大尤。扶瑕撻釁。掩其弘美。所謂小辯破言。小言破道者也。非等又曰。先帝不置左氏博士。後主所宜因。臣竊以爲過矣。若先帝所行。而後主必行者。則盤庚不當遷殷。周公不當營洛。陛下不當都山東也。往者孝武皇帝好公羊。衛太子好穀梁。有詔太子毋得受穀梁。而孝宣皇帝爲石渠論。穀梁遂興。此明聖不相因之效也。夫明者獨見。不惑於朱紫。聰者獨聞。不謬於清濁。方今干戈少戢。聖思聖執。願卒淵聖獨見之旨。分明黑白。建立左氏。解先聖之積結。汰學者之累惑。垂於萬世。天下

幸甚。臣元愚鄙。如得以褐衣召見。俯伏庭下。誦孔氏之
正道。理丘明之宿冤。若辭不合經事。不稽古。退就重誅。
雖死之日。猶生之年也。書奏。下其議。并條十餘事。難元。
終莫能難。乃詔立左氏。時天子頗以吏事課責三公。有
阿意言請。得以司隸較尉督察三公者。元上書曰。臣聞
師臣者帝。賓臣者霸。故武王以太公爲師。齊桓以夷吾
爲仲父。近則高帝優相國之禮。太宗假宰相輔之權。百官
總已聽於冢宰。此不易之道也。近者王莽擅操國柄。遂
竊神器。以天下况已。不信群臣。至奪公輔之任。損宰相
之威。以刺舉爲明。微訐爲直。至令陪僕告其君長。子弟

變其父兄。罔密法峻。大臣無所措手足。然終不能禁董
忠之謀。身嬰誅夷。爲天下戮。故人君患在自驕。不患驕
臣。失在自任。不在任人。是以文王躬日昃之勞。周公執
吐握之節。不聞其崇刺舉。務督察也。方今四方尚擾。天
下始一。百姓張耳目以觀聽。陛下宜脩文武之聖典。襲
宗祖之遺德。勞心下士。屈節待賢。誠不宜有使有司察
公輔之名。帝深納焉。孔僖。字和仲。先聖孔子後也。孔氏
自安國來。世傳古文尚書毛詩。僖魯王父建。遊長安。與
崔篆友善。篆爲莽建新大尹。建曰。吾有布衣之心。子有
衮冕之士。請從此辭。僖與篆孫駟復友善。遊太學。習春

秋駟與論孝武皇帝未冠爲天子崇信聖道師則帝王
五六年間號勝文景及後恣已忘其前善鄰房生勦說
僂之僂駟默不應鄰房生恨之上書肅宗告僂駟毀謗
下有司僂以書訟曰凡言誹謗者謂實無此事而虛加
誣之也孝武皇帝政之美惡顯在漢史天下莫不聞不
可以誅於人也陛下卽位以來政教未過德澤有加臣
等獨何所譏刺哉假令有之所非實是固應峻改儻其
不當亦宜含容而又何罪焉臣等受戮死而死耳獨恐
天下之人回視易慮以此闕陛下之心自今以後以言
爲諱卽令見大不可之事終莫敢有復言者矣昔齊桓

公親揚其先君之惡以唱管仲。然後羣臣得盡其心。今陛下乃欲爲十世之武帝。遠諱實事。豈不與桓公異哉。臣恐卒然蒙枉。不得自叙。使後世論者。擅以陛下有所比方。寧可復使子孫追掩之乎。書奏。詔勿問。拜蘭臺令史。元和二年春。帝東巡幸魯。祠孔子及七十二弟子於闕里。作六代之樂。大會孔氏男子六十有二人。命儒者講論經義。明日。僖入謝。帝謂僖曰。疇昔之會。於鄉宗有光乎。對曰。臣聞聖帝明王。莫不尊師貴道。今陛下親屈萬乘。辱臨敝里。此乃崇禮先師。增輝聖德。非臣私家獨蒙其榮。帝笑曰。善。非聖者子孫。焉有斯言。拜郎中。冬。拜

臨濟令崔駟以易林筮之不吉止之曰。盍辭諸僖曰。學
不爲人仕。不擇官。吉凶繇已而繇卜乎。在縣三年卒。遺
令卽葬其地。二子長彥季彥並十餘歲。或勸令反葬。對
曰。載柩歸。則違父命。舍墓去。心誠不忍也。遂留家。卒陰
後皆世其家學。丁鴻。潁川定陵人。

父緄從世祖征伐有功當封帝令自

擇縣邑。緄願封本鄉。問何也。對曰。昔孫叔敖勅其子。受封必求地瘠。塿臣能微功薄。封鄉亭足矣。帝從之。鴻
年十三從桓榮受尚書。布衣荷擔不遠千里。志篤精銳。

卒當襲父侯。讓國於弟盛。不報。旣葬。掛衰經冢廬而逃。
入東海。遇九江鮑駿。陽狂不識。駿止而讓之曰。昔伯夷
季札亂世權行。故得以申其志。春秋之義。不以家事廢。

王事。今柰何以兄弟私恩而絕父不滅之業乎。鴻感其言。垂涕就國。開門教授。駿復上書言。鴻經學至行。顯宗召見。說尚書稱旨。賜御衣章綬。令稟食公車。與諸儒論五經同異於白虎觀。論最明。諸儒服焉。時人爲之歎曰。殿中無雙丁孝公。官司徒有誅竇氏功。經授陳留楊倫。倫尚志乖於時。不能人間事。講授大澤中。前後三徵。皆以直諫不合。去其官。魯丕。司徒恭母弟也。性泥潔好學。與兄同業。治魯詩。孳孳不倦。杜交遊。不答人問候。以見短。而欣然自若也。兼通五經。以詩尚書教授。爲名儒。肅宗時。舉賢良方正高第。爲議郎。遷新野令。州課治第。

一擢青州刺史。務表賢才。慎刑罰。坐事免。徵拜趙相。門生就學者常百餘人。帝行巡之。趙被引見。問經義。與諸儒廷詰。丕說善。賜冠幘衣履。丕䟽廣帝意曰。臣聞之。說命曰。人求多聞。時惟建事。所貴乎明道術者。將以行之也。陛下覽詩人之旨意。察雅頌之終始。諸舜禹臯陶之所治。周公箕子之所陳。亦旣顯明而章白之矣。願以時注措。觀人文以化成。毋徒守空文。又言陛下旣納謇謇。以開四聰。無令芻蕘以言得罪。旣顯巖穴以求仁賢。使幽遠獨有遺失。永初中。大將軍騰舉儒術。篤學。復侍中。再爲國三老而卒。曹褒魯薛人。父充持慶氏禮。褒

結髮傳業。窮晝夜。研精專思。寢則懷抱筆札。行則誦習舊文。當念所至。毋忘所適。爲圉令。本仁心爲質。以禮理人。以德化俗。章和中。以侍中制漢禮儀。甚爲帝倚重。語具禮儀志中。遷射聲較尉。營舍有停棺不葬者百餘喪。皆建武以來無主後者。爲買地畢葬之。以城門較尉。行時疫。致醫藥。給饘粥。多所濟活。出爲河內太守。會歲大旱。穀踴貴。褒省吏并職。退姦去殘。澍雨數降。稼則大熟。流冗皆還。庶幾行所學云。

○張太尉醜。汝南細陽人。趙王敖後也。少從祖父充。受尚書。已又師桓先生榮。勤力不怠。永平中。授皇太子經。

酺質直守經義每侍講間去聲數有匡正之言以嚴見憚。

肅宗卽位擢侍中尋出爲東郡太守酺自以往受經親近忽見出意不自得疏辭位賜裝三十萬而遣時特恩賚每陰王傳相帝輒言酺前授朕經屢諫正惻惻出於誠心可謂有史魚之風然在郡十五年竟不召也和帝初稍遷至太尉有大臣之節事具帝紀中楊太尉震

字伯起弘農人八世祖漢初赤泉侯喜也高祖敞昭帝時丞相安平侯父寶習歐陽尚書居攝中與兩龔蔣詡俱徵遁逃免去震孤貧少好學明經博覽諸儒爲之語曰關西孔子楊伯起常客居教授二十餘年不答州郡

禮命衆歎其遲暮而震志愈篤年五十始仕辟大將軍
鄧騭府騭甚尊重之遷東萊太守當之郡道經昌邑故
所舉荊州茂才王密適爲昌邑令夜懷金十斤遺之震
曰故人知君君不知故人何也密曰暮夜無知者震曰
天知神知子知我知何謂無知密愧而出轉涿州子孫
常蔬食步行故舊或勸震令爲開產業者震曰使後世
稱爲清白吏子孫遺之不亦厚乎安帝時以太尉死忠
子秉孫賜皆以經充勸講皆太尉爲儒宗所陳論皆天
下大故語具帝紀中 宋登者太尉繇子也習歐陽尚
書爲汝陰令稱神父入爲尚書僕射順帝以登習禮樂

使持節臨教太學轉侍中數上封事抑退權倖出爲潁川守市無二價道不拾遺病免卒汝陰人祀之配社焉

孫期

字仲或

濟陰成武人少習京易古文尚書家貧事

母孝牧豕大澤中奉養焉遠近從學者皆執經壟畔里落化其德郡舉方正遣吏齎羊酒詣期期驅豕入澤中不顧司徒黃琬辟不就黃巾賊起相約毋犯孫先生舍而是時濟陰張馴以侍中典秘書與蔡邕共奏定六經文字守丹陽有惠化終大司農張霸成都人年數歲知孝讓出入飲食自然合禮鄉人號爲張魯子通春秋復欲進餘經父曰汝小未能也霸曰我饒爲之父喜小

字霸曰饒。博通五經。諸生孫林、劉固、段著等慕之。各市宅其傍。就學焉。永元中爲會稽太守。表用處士有行業者。郡中爭厲志節。尚經學。道路但聞絃誦聲。郡界有盜。移書開購。明罰信賞。賊束手歸附。大將軍騰聞霸名。行欲與交。霸逡巡不答。卒遺令薄葬。嘗曰。人生一世。但當畏敬於人。若不善加已。直爲受之。豈顧報哉。門人追慕其行。私謚曰憲文子。周磐。汝南人。治古文。尚書。洪範五行。左氏傳。好禮有行。非典不言。諸儒宗之。居貧養

母。儉薄不充。讀詩至汝墳之卒章。慨然歎。始就孝廉之舉。和帝初。令三邑皆有惠政。以母老棄官。母卒。毀頓廬。

墓教授常千人。公府三辟有道。慨然曰。吾親沒矣。從物役何爲。遂不應。年七十三。召諸生集論。已謂二子曰。日者夢先生與我語於陰堂之奧。殆其吾齒盡乎。命終之日。桐棺周身。歛形還封。編二尺四寸簡。寫堯典一篇。并刀筆各一。置棺前。示不忘聖道。月望無病而卒。鄭玄。

字康成

北海高密人。少爲鄉嗇夫。休歸。輒詣學父。怒之。不

能禁。已造太學受業。師事京兆第五元。通京氏易。公羊春秋。三統歷。九章筭術。又從東郡張恭祖受周官禮記。左氏春秋。韓氏詩。古文尚書。以山東無足問者。西入關。事扶風馬融。融貴倨。稱大師。玄在門三年。不得見。但使

高第弟子轉授玄業。玄日夕尋誦不解。會融集諸生考
圖緯。須布算。聞玄善九章。召見於樓上。玄因從質諸蓄
疑。融大驚。服其攻堅。爲悉精告之。問畢辭歸。融喟然歎
曰。吾道東矣。及黨禁作。遂隱居杜門。時任城何休精公
羊學。著公羊墨守。左氏膏肓。穀梁廢疾。玄乃爲發墨守。
鍼膏肓。起廢疾。以通之。休見而歎曰。康成入吾室。操吾
矛。以伐我哉。中興諸儒。爭論古今。學不決。至馬融答劉
環。玄答何休。義據通深。繇是古學遂明。靈帝末。大將軍
何進辟之。州郡迫遣。不得已乃往。進禮待甚優。爲設几
杖。玄以幅巾見。一宿遁去。魯國相孔融深敬玄。父事之。

屣履造門。告高密縣爲玄特立一鄉。曰。昔齊置士鄉。越有君子鄉。皆異賢之意。鄭君好學懷明德。昔太史公廷尉吳公。謁者僕射鄧公。皆漢之名臣。又商山四皓有園公。夏黃公。潛光隱耀。亦皆稱公。則知公者。仁德之正號。不必三事大夫也。今鄭君鄉。宜曰鄭公鄉。昔東海于公。僅一節。猶戒鄉人侈其門閭。矧乃鄭公之德。而無駟馬之路乎。可廣開門衢。令容高車。號通德門。天下亂。玄避地徐州。州牧陶謙。接以師友之禮。自徐州還。道遇黃巾賊數萬。得之。問知爲玄也。皆羅拜。約不敢入縣境。玄病篤。戒子益恩。叙其平生。言世有懿德大雅。克堪王臣。故

宜式序。吾自度無以任此。但念述先聖之元意。整日家
之不齊。以竭吾才。故王命罔從。而黃巾爲害。萍浮南北。
比歸鄉邦。年已七十矣。宿素衰落。稽之禮典。便合傳家。
今我告爾。歸爾以事。將閑居以安性。覃思以終業。家事
大小。汝一承之。咨爾玆玆一夫。曾無同生相依。其勗求
君子之道。鑽研勿替。敬慎威儀。以近有德。家今差多於
往。勤力務時。無憂饑寒。大將軍袁紹集客。客畢會。玄最
後至。延升上坐。紹客多豪傑。見玄儒者。未以通人許之。
設難蜂起。玄依方辯對。咸出問表。各聞所未聞。莫不嗟
服。時汝南應劭。固名士。見玄厭服之。自贊曰。故泰山太

守應中遠北面稱弟子。何如玄笑曰。仲尼之門。考以四
科。圖賜之徒。不稱官閥。劭有慙色。徵爲大司農。傳以安
車。終不就。五年春。夢孔子告之曰。起起。今年歲在辰。來
羊歲在巳。旣寤。以讖合之。知命終。遺令薄葬而卒。自漢
中葉。經有數家。家有數說。章句多者。或乃百餘萬言。學
者勞而少功。疑而莫正。玄括囊大典。綱維衆家。裁翦繁
蕪。刊改漏失。自是學者始知所歸。晉范豫章甯以爲仲
尼之門。不能過云。其後魏東海王肅。善賈馬之學。而不
好鄭氏。采會同異。爲尚書詩論語三禮左氏解。及撰定
父司徒朗所作易傳上之。多所論駁。樂安孫叔然嘗受

學於玄。見之。章駁條釋。申其師說。而鄭學復行。當是時。

天下久平。學多通。不名一門者。稱南頓蔡玄。召陵許慎。

時人爲之語曰。五經無雙許叔重。叔重慎字也。作五經

異義。及說文十四篇。傳於世。玄弘農太守。慎舉孝廉。除

延篤。南陽師馬融。通經融。來棄官奔赴。爲侍中。帝數問

政事。婉辭密對。動依典義。爲馬翊京兆。憂恤黎庶。擢郡

中長者。與參政事。民歡愛之。病免歸。前越雋太守李文

王佐才薦進之。篤以書止之。曰。夫道之將廢。所謂命也。

吾日昧爽櫛洗。坐於客堂。朝則誦義文之易。虞夏之書。

歷公旦之典禮。覽仲尼之春秋。夕則消搖內階。詠詩南

軒。百家衆氏。接問而作。洋洋乎其盈耳也。渙渙乎其充

目也。紛紛欣欣。今其獨樂也。當此之時。不知天之爲蓋

地之爲壘。不知世之有人。已之有軀也。雖漸離擊筑。傍

若無人高厚讀書不知雨未足方之自來脩已來爲人臣不陷於不忠爲人子不陷於不孝上交不諂下交不瀆從此而歿下見先君遠祖可不慙赧篤所論解經如此而不以善止者恐如教羿射者也

傳後榮陽服虔等舉以爲折衷

何休

字邵公

樊人少府

豹子也。扞訖有深思精研六藝以列卿子爲郎非其好也。不仕州郡進退必於禮。太傳蕃辟參政事蕃死忠坐廢乃覃思作公羊解。不闕闕者十有七年。黨禁解群公表休道術深明宜侍帷幄拜議郎遷諫議大夫卒休主公羊以難二傳而服虔又主左傳駁休虔清苦善著文故其說行其後有章陵謝該少府孔融薦其敦悅道訓有異行拜議郎

盧植

字子幹

涿人也。少事馬融。通古今。學好研精。而不守

章句。融外戚豪華。常坐高堂。施絳紗帳。前授生徒。後列女樂。植受學積年。未嘗流盼。融深敬之。歸闔門教授。性剛毅。有大節。靈帝初。大將軍武以定策加封。植爲書勸令毋受。謂同宗相後。披籍案牒。以次建所宜立。何勳之有。宜辭大賞。以全身名。武不能用。徵爲博士。上書曰。臣少從通儒馬融。受古學。頗知今之禮記。特多囿穴。臣前爲周禮諸經。發起紕繆。爲之解詁。而乏力繕寫。願得將能書生二人。詣東觀。專心研精。拜廬江太守。務清靜。弘大體而已。歲餘。徵拜議郎。遷尚書。光和元年。日食。陳消

災禦凶者八事。客言請敕州郡舉賢良。隨方核實。一黨
錮非辜。可申宥。二。宋后家屬。委骸不收。此疫癘所來。宜
收瘞。三。侯王之家。賦稅刻削。民窮愁思。亂宜振恤。四。徵
有道大儒。鄭玄等。陳洪範。禳災咎。五。郡守刺史。遷代已
數。宜依三載三考黜陟。辯能否。六。請謁干爵。宜禁塞。七。
天子無私積。宜弘大體。畧細微。八。書上不省黃巾賊起。
拜比中郎將。連破賊。賊走保廣宗。植圍攻垂拔。帝遣黃
門左豐詣覘軍。或勸植賂之。不可。豐還言於帝。曰。廣宗
賊易破耳。盧中郎固壘息軍。以待天誅。帝怒。檻車徵減
死罪一等。及皇甫嵩平賊。盛稱植行師方畧。復尚書。靈

帝崩。大將軍進。召董卓誅中官。植逆知卓凶悍難制。固止之。不聽。卓入都。宦官將帝及陳留王出平津。公卿無從者。植獨夜馳至河上。以從卓。會百官議廢立。抗言不可。卓怒。欲誅之。以蔡邕力請。乃免。植懼終不免。從間道亡去。潛迹上谷中。卒。

論曰。自先漢初。經師淳質。術業深通。而離全經之日遠。業頗有諍論。至東漢。彌散家。守章句。固滯於所聞。至康成。博綜融洽。乃後始有所統一也。然是時。經師以守經訓爲道之所傳。不反約於實踐。世所名大師。專教授。顧從於欲爲奢淫。於是乎名節振而經乃下衰。悲夫。

黃憲

字叔度

汝南慎陽人也。世貧賤。父爲牛醫。潁川荀淑

至慎陽。遇憲於逆旅。時年十四。淑竦然異之。揖與語。移
口不能去。謂憲曰。子吾之師表也。旣前至袁閎所。未及
勞問。逆謂之曰。子國有顏子。寧識之乎。閎曰。見吾叔度
耶。是時同郡戴良。才高倨傲。而見憲。未嘗不正容。及歸
罔然。若有失也。其母問曰。汝復從牛醫兒來耶。對曰。良
不見叔度。不自以爲不及。旣覩其人。則瞻之在前。忽焉
在後。固難得而測矣。同郡陳蕃。周舉。常相謂曰。時月之
間。不見黃生。則鄙吝之萌。復存乎心。及蕃爲三公。臨朝
歎曰。叔度在。吾不敢先佩印授矣。太守王龔在郡。禮進

賢達多所降致。卒不能屈。郭林宗少游汝南。先過袁閎。不宿而退。進往從憲。累日方還。或以問林宗。林宗曰。奉高之器。譬諸汜濫。雖清而易挹。叔度汪汪。若千頃波。澄之不清。淆之不濁。不可量也。憲初舉孝廉。又辟公府。友人勸其仕。憲亦不拒之。暫至京師而還。竟無所就。年四十八終。天下號曰徵君。史曄曰。黃憲言論風旨。無所傳聞。然士君子見之者。靡不服深遠。去疵吝。將以道周性全。無德而稱乎。余魯祖穆侯。以爲憲隤然其處。順淵乎其似道。淺深莫臻其分清濁。未議其方。若及門於孔氏。其殆庶乎。故嘗著論云。

管寧

字幼安

北海朱虛人。幼喪父。却贈賄。稱財以送終。與

平原華歆同縣。邴原相友善。俱游學異國。嘗與歆鋤園。得藏金。寧揮鋤不顧。歆提而擲之。蓋微不可掩如此。會世亂。思避地。聞公孫度威行海外。與原及王烈詣遼東依焉。度虛館待之。寧不就館。因山爲廬。鑿坯爲室。越海避難者多從之居。寧務以德化。鄰有牛暴田。寧爲牽牛著涼處牧之。主得牛大慙。若犯嚴刑。所居里會井而汲。男女錯至。爭汲。有鬪鬪者。寧多買汲器。置井傍待之。不使知。已聞乃各相悔責。居旬月成邑。於是講詩書。陳俎豆。節威儀。明禮遜。非學者無見也。風行遼東。時避難者

皆僦居郡南。寧獨居郡北。若將終身焉。每見度。語惟經
典。不及世事。繇是度安其賢。民化其德。原性剛直。清議
以格物。度心內不安之。寧謂原曰。潛龍以不見成德。言
非其時。招過之道。密遣原逃歸。度亦不復追也。在遼三
十七年。以朝命徵。乃將家屬浮海還。度康恭三世前後
所遺。皆受而篋之。不發視。既西渡。盡封歸之。其介如此。
魏以爲太中大夫。固不受。久之。華歆爲太尉。讓寧徵爲
光祿大夫。敕青州給安車茵蓆。吏護從道上。續食。至表
自免歸。魏王獻問青州刺史程喜。寧爲守高乎。審老疾
臣從間覘之。貢說寧嘗著皂帽。布襦袴。布裙。隨時單複。
出入門庭。身自任扶。四時祠祭。輒自力。改加深衣。著絮

中及故在遼東所製白布單衣。親饋饌。跪拜成禮。寧少
器。母不識母形象。每薦觴。泣然流涕。又居宅離水七八
方步。夏時詣水中澡洒手足。間行遊園圃。臣揆寧前後
辭讓。獨自以生長潛逸者。艾智衰。是以復進。每執謙退。
此寧志行所欲。正始二年。薦者言寧應二儀之中。和總
必全。不爲守高。元德之純懿。含章素質。冰潔淵清。與道逍遙。升堂入室。
游志六藝。究其闢奧。中平之際。乘桴越海。潛化傍流。暢
於殊俗。今行年八十。偃息窮巷。并日而食。吟咏詩書。不
改其樂。困而能通。遭難必濟。金聲玉色。久而彌彰。詔安
車蒲輪。束帛加璧。聘焉。會寧卒。年八十四。寧常坐一木
榻。積五十餘年。未嘗箕股。其榻上當膝處皆穿。所居嫺
舊鄰里有窮困者。家不盈檐石。必分贍救之。與人子言

教以孝。與人第言訓以弟。及人臣言誨之忠。貌甚恭。言甚順。名行高潔。人望者邈然不可及。而卽之熙熙然。甚柔而溫。能因事而導人於善。漸之者無不化焉。

郭泰。字林宗。

太原界休人。家貧賤。早孤。母欲使給事州縣。

林宗曰。大丈夫焉能以斗筲故爲人役乎。就成臯屈伯彥學。三年業成。博通墳籍。遊洛陽。見河南尹李膺。膺素亢守高。慕用者鮮所容接。見泰大奇之。遂相友善。於是名震關西。及辭歸。衣冠諸儒送之河上。車數千兩。泰獨與膺同舟而濟。賓從望之。以爲僊舟焉。司徒黃瓊辟公府。大常趙典舉有道。泰曰。吾夜觀乾象。俯察人事。天之

所廢不可支也。皆不應。或問范滂曰。郭林宗何如人。滂曰。隱不違親。貞不絕俗。天子不得臣。諸侯不得友。吾不知其他。黨禍作。知名之士多被禍。而泰以不爲危言激論。與汝南袁閔獨免焉。卒年四十八。四方會葬者千餘人。共刻石立碑。蔡邕爲之銘。稱其純懿淑靈。受之自天。崇壯幽潛。如山如淵。禮樂是悅。詩書是敦。匪惟撫華。乃尋厥根。宮牆九仞。允得其門。懿乎其純。確乎其操。器量宏深。姿度廣大。浩浩焉。汪汪焉。奧乎不可測也。邕謂人曰。吾爲碑銘多矣。惟郭有道爲無愧色耳。泰性明知人。儀觀魁偉。好獎訓士。多所成就。茅容年四十餘。耕於野。

與等輩避雨樹下。衆皆夷踞。容獨危坐。愈恭。泰見而異之。因請寓宿。旦日。容殺鷄食。母餘半度置。自以草蔬與客同飯。泰曰。卿賢哉遠矣。郭林宗猶減三牲之具以供賓客。而卿如此。乃我友也。起對之揖。勸令從學。鉅鹿孟敏。荷甕墮地。不顧而去。泰見問之。對曰。甕已破矣。視之何益。泰以爲有分決。亦勸令學。皆成賢儒。陳留申屠蟠。爲漆工。鄢陵庾乘爲門卒。自餘或出屠沽士伍。因泰獎進。成名者甚衆。郡學生左原。以犯法見斥。林宗遇諸途。勞之曰。昔顏涿聚。梁甫之巨盜。段干木。晉大駟也。卒爲齊魏忠賢。君往事豈可悔哉。勿恚恨。責躬而已。或譏林

宗不絕惡人者。林宗曰。人而不仁。疾之已甚。亂也。原懷忿。欲結客報諸生。感泰言。乃止。賈淑性險仄。爲邑里患。泰喪母來弔。鉅鹿孫威以林宗受淑弔。恠之。泰曰。子原誠凶德。然洗心向善矣。仲尼不逆互鄉。故吾與其進。淑聞。遂自改成善士。陳留史叔賓有盛名。林宗謂之曰。墻高基下。雖得恐失。後果以阿枉敗。汝南謝甄。陳留邊讓。候林宗。林宗謂人曰。二子英才有餘。惜不入也。後俱不終。濟陰黃允。以雋才知名。泰謂之曰。卿高才絕人。足成偉器。然當深自匡持。後司徒袁隗欲爲從女求姻。見允悅之。允聞而黜其妻。妻請大會宗親爲別。乃盡數允隱

志而去。同郡王柔。偕弟澤。問才行所宜。林宗曰。叔優當以仕進顯。季通當以經術通。令違方改務。不能至也。已而皆然。其識造如此。

仇香。陳留人。純嘿有至行。鄉黨無知者。年四十。爲蒲亭長。勸人生業。爲制科令。至果蔬有程。雞豚有數。農事畢。令子弟群居。還就黌學。其剽輕游恣者。皆役以耕桑。嚴設科罰。哀喪弔死。賑窮寡。暮年化行。民有陳元者。獨與母居。母詣香告元不孝。香驚曰。吾近日過元舍。廬落整頓。耕耘以時。此非惡人。當教化未至耳。母守寡養孤。苦身投老。柰何以一旦之忿。棄歷年之勤乎。且母養人遺

孤不能成濟。死者有知百歲之後。當何用相見乎。母涕泣而起。香親到元家。爲陳人倫。譬之。旣福元感悟。卒爲孝子。考成令王與嚴署香主簿。謂之曰。聞在蒲亭。陳元不罰而化。得無少鷹鷂之志耶。香曰。以爲鷹鷂不若鸞鳳。故不爲也。與謝遣之曰。枳棘非鸞鳳所棲。百里非大賢之路。乃以俸資香入大學。成學旣至。與符融比舍。融賓客滿室。香常自守。融謂之曰。今英雄四集。志士交結之秋。卿雖務學。何守之固也。香正色曰。天子設大學。寧當使人但遊談其中耶。高揖而去。融以告郭泰。泰就謁。請留宿。與語起。拜牀下曰。君泰之師。非泰之友也。香宴。

居必正衣服。妻子事之若嚴君。妻子有過。必免冠自責。妻庭謝思過。香冠。妻子乃敢升堂。終不見其喜怒聲色。不應徵辟卒於家。陳寔。潁川許人也。起單微。篤學。坐

立談誦。自兒時爲等類所歸。辟爲郡功曹。時中常侍侯覽。託太守高倫用吏。寔知其非人。懷檄入見曰。此人不可用。而侯常侍不可違。不可以塵明德。請從外白。署從之。鄉論恠其非舉。寔爲坐廢。後倫徵入朝。郡人士集送。倫乃對衆言。吾前爲侯常侍用吏。陳君密持教還。而於外白署。比聞議者。頗以爲過。此其過。繇故人憚強禦。而陳君者。所謂善則稱君。過則稱已者也。聞者乃嘆息服。

其德爲太丘長。以清靜爲理。敦不肅之教。百姓安謐。鄰縣來歸附者。寔譬導發遣。監司行部。吏白禁訟者。毋以隕治聲。寔曰。民訟求直。禁之何以自伸。然亦竟無訟者。以沛相賦歛違法。解印綬去。吏人追思之。黨禁起。餘人多逃匿。寔先就獄。曰。吾不爲之。先衆何恃乎。會赦出。中常侍張讓父死。歸葬。郡國畢至。而名士無往者。讓甚耻之。寔獨弔焉。後誅黨人。以寔故。多全宥。寔居鄉。平心率物。有爭訟。求判。寔曉譬曲直。退無怨者。至乃歎曰。寧爲刑罰所加。無爲陳君所短。歲饑。有盜夜入室。止梁上。寔見之。乃起自整拂。召子孫列侍。正色訓之曰。人不可不

自勉不善之人。非必本惡。乃習以成性。遂至於此。如梁上君子者是已。盜驚自投地。稽顙歸罪。寔徐譬之曰。君狀貌不類惡人。宜尅已反善。遺絹二疋遣之。自是一縣無盜。太尉楊賜。司徒陳耽。拜公府。每嘆寔未登大位。愧於先之。黨禁解。公府敦辟。欲表以不次之位。寔謝曰。寔老絕人事。幅巾待終而已。卒。三公祠祭。刺史赴弔。荀司空爽。韓太僕融等。爲總麻發哀。會葬者千數。頌以爲兼資九德。總脩百行。文爲德表。範爲士則。易名爲文範先生。史論有言。漢自中世而下。閹豎擅恣。故俗以潔身放言爲高。惟陳先生進退之節可度也。據於德。故物不犯。

依於仁故不離群行成乎身而道訓天下焉。

王烈。

字彥方。

太原人也。少師事陳仲弓。敦義行著信於鄉。

里。里有盜牛者。主得之。盜請曰。刑戮自耳。乞不使王彥方知也。烈聞。使遺布一端謝焉。或問其故。烈曰。盜懼吾聞其過。是有耻惡之心。既懷耻惡。必能改過。故以此激之。後有老父遺劍于道。一人見而守之。至暮老父還尋得劍。恠而問其姓名。不應。以其事告烈。烈使人迹之。則前盜牛者也。諸爭訟曲直。將質之於烈。或至途而反。或望廬而反。其惑人至於此。

酈原。

字根矩。

北海朱虛人。家貧早孤。欲就學。無從受。鄰有

學舍原過之。伏檐楹而泣。師恠問曰。何泣也。對曰。孤者易傷。貧者易感。吾感夫讀誦者之其有父兄也。有父兄而得資學也。師惻然哀而授之書。及長。金玉其行。遠遊學。詣安丘孫崧。崧辭曰。子知子之鄉有鄭君乎。對曰。知之。崧曰。鄭君學貫古今。博聞強識。誠學者楷模。而子舍之。何也。豈以鄭爲東家丘耶。原曰。先生之言。苦藥良鍼。然人各有志。有登山而採玉者。有入海而採珠者。豈謂登山者不知海。入海者不知山哉。亦所規不同耳。君謂僕以鄭爲東家丘。豈以僕爲西家愚夫耶。崧辭謝曰。充豫之士。吾所識多矣。未有若君者。遺之書。原以求師啓。

學志高者通。非待書而成也。重其意。受書而藏於家。單
步負笈。至陳留師韓子助。至潁川宗陳仲弓。於汝南交
范滂。博涿郡親盧子幹。故善飲行學八九年。闕不飲。臨
別。師友以原不飲酒。會米肉饌之。原曰。本能飲酒。以荒
業。故斷之。今當遠別。可一飲。飲終日不醉。孔融爲北海
相。教選計當任公卿之才。以鄭玄爲計掾。原爲計佐。融
有所愛吏。常盛稱舉曰。吾子也。後惠望欲殺之。衆吏皆
爲請。原獨不請。融問之。對曰。明府於此吏愛之矣。而今
欲殺之。愛之則引而方之。子憎之則推而危其身。舉之
是則殺之。非殺之是則舉之。非明府何處焉。遂去之遼。

東與同郡劉政俱。公孫度畏惡政。勇略欲殺政。收捕其家人。政既窘急。投原。原曰。窮鳥入懷。匿之。月餘。東萊太史慈當歸。以付之。既而謂度曰。前將軍欲殺劉政。以爲已害也。今政已去。君之害已除。拘政家奚爲。度乃出之。後遁還。度覺之。曰。邴君所謂雲中鶴也。非鴟鵂之網能羅矣。既反國。講述禮樂。吟咏詩書。門徒常數百人。時鄭玄傳學。洽聞。註解典籍。儒雅之士集焉。原高遠清白。願志澹泊。英偉之士向焉。於是青州有邴鄭之學。魏公操辟原東閣。祭酒。子倉舒卒。傷之甚。以原女早亡。求與倉舒合葬。原辭曰。非禮也。原所以容於明公。公所以待原。

以能守禮也。若聰明公之命而棄典訓。明公何用焉。操
乃止。操子丕爲五官中郎將。衆附親賓客如雲。原非公
事無謁也。丕使人微問之。原曰。臣聞國危不事冢宰。君
老不奉嗣子。太子太息久之。轉五官長史。卒。是時東郡
張閭爲太僕。以簡質聞。杜恕著家戒。稱曰。張子臺視之
鄙樸人也。然中心不知天地間。何者爲美。何者爲好。似
與陰陽合德者。作人如此。自可不富貴。而禍患亦當從
何而來。世有高亮如子臺者。皆力慕體之。方之蔑如也。
論曰。程淳公有言。聖雖學作。所貴者資。黃叔度之資。淵
乎其似道也。管幼安成德爲行。幾於閔冉矣。林宗不名。

一行博。大勤誨誘。善成人之美。而達有轍輟周遊之心。
焉。大都東漢尚節行。高者長厚篤淳。颯颯乎風。國無道。
而道存有以也夫。

函史上編卷之二十四

明盱郡鄧元錫纂

西漢文學傳

昔虞夏殷周之書尚矣。仲尼申王治標聖統於六經而
天地爲昭。非以爲文也。而天下之至文歸焉。後有萬世
修文。此提衡矣。春秋降而左國。左傳國語者。其時之國
史。以策書赴告辭命。相加遺。若紀其國之故。爲書者也。
彼其時。王迹熄而霸功昌。政自諸侯。已逮大夫。逮陪臣。
上無以明一統。自王公至于庶士。莫不習儀以亟。多言
舉典。競務於說詞。事多譎少正。辭華繁寡。實其志。治不

質其氣靡不振而俗日靡靡敝也。故孔子作春秋從先進盡削其事辭革文而從忠其自歎之曰。其事則齊桓晉文。則文則史。蓋傷之也。傷文勝也。爾抑其時格人元夫。羈臣志士耳目漸濡於先王之教。矢口所陳。壹稟衷於典禮義法。其議道講德。則本天質人精微懿鑠之訓。猶有存焉。世家遺俗。流風善政。因具可考。見譬古清廟閟宮。禋祀久曠。而商敦周彝。黃鍾大鏞。終林林在序也。以是爲世極盛下衰之文。戰國策士考天下阨塞工揣摩形便縱裂。衡合矯稱。蠡出苟以發大難而自營。其家者。流窮變於陰縱陽閉。以戰勝弱敵。申韓卑卑名實欲。

執勢以成一尊而逆天戕民生不恤也。事已譎無復正。辭傷巧無復信。其志抵巇其氣激肆於義蔑如。也是亂世之文也。譬則隄防決而流潰莫止。此其勢不至於坑焚不止矣。其時莊周列禦寇騶衍環淵之倫又散道德之意放言極論恣睢轉徙於無何有。然空語無事實其名辭若可以卷婁舜禹。芻狗王事蠻觸其時之諸侯而察其志獨欲混是非齊好醜自解免而離經畔常不恤也。記曰以舊坊爲無用而決之必有水敗以舊禮爲無益而廢之必有亂敗則歸於亂世之文而已矣。故經之降而史也。子也。世之降而衰若亂也。文敝之也。漢興承

秦滅學之後。詩書百家之言盡燬。而忠質文如環之運。勝復於不窮。於是斲雕爲樸。反漓爲淳。得天統而文昌。高文之代。公卿不學。無慮皆椎魯乏文。而其時制詔。何雄深質厚也。春和振貸。除肉刑之令。則至意懇惻。恭敬而溫文。下之奉春君。脫輓輅一說。建萬世之安。張廷尉。馮公造次風議。而王道便便蕩蕩也。則實之不可掩也。忠之屬也。嗣是賈生。董相。太史公。下逮於楊劉。其志深淳。不者峻潔。其氣渾灝。不者雄高。雖上遜謨誥。而天人義類之際。粲如也。以是爲盛世之文。於近代獨稱高古矣。豈非盛哉。非運會烏能具有其質文若此哉。

賈生名誼。洛陽人。年十八。以能誦詩屬書。聞於郡中。河南守吳公。多其才秀。召置門下。甚寵會。吳公以治平爲天下第一。徵爲廷尉。爲帝言賈生年少有美材。好書多通。帝召爲博士。時誼年始二十餘。最少。每詔令下。諮議諸老儒先生。未能對。誼盡爲之對。人人各如其意所出。於是諸儒生咸推讓誼。自以爲不及也。帝說之。一歲中超遷至太中大夫。誼以爲漢興三十餘年。天下和洽。當改正朔。易服色。定制度。官名。興禮樂。乃草具其儀法。奏之。文帝謙讓未遑也。然頗採用其言。諸律令所更定。及列侯就封。皆自賈生發之。於是天子以誼爲任公卿。欲

用之。大臣絳灌馮敬之屬皆害之。曰：「雒陽人年少初學，專欲紛亂諸事，擅國權，於是帝頗疏之，以爲長沙王太傅。後歲餘，文帝終思誼才美，徵入見，方受釐，坐宣室，因感鬼神事而問鬼神之本。誼具道所以然之故。至夜半，文帝爲前席。旣罷，太息曰：「吾久不見賈生，自以爲過之。今不及也。」拜梁懷王太傅。懷王帝少子，愛而好書，故令誼傳之。因數問以得失。時匈奴彊侵邊，天下初定，制度疏闊，諸侯王僭倣，地過古制，淮南濟北王皆以爲逆誅，而承先秦之敝教太子，習法律以揆事，不反之仁孝禮義。待臣下無禮。丞相絳侯免就國，人有告變者，逮繫長

安獄卒無事。雖復爵邑終耻不可滿。誼上疏陳政事多
所欲匡建。具疏曰。臣竊惟事執可爲痛哭者一。可爲流
涕者二。可爲長太息者六。若其它背理而傷道者。難徧
以疏舉。進言者皆曰。天下已安已治矣。臣獨以爲未也。
曰安且治者。非愚則諛。皆非事實。知治亂之體者也。夫
抱火厝之積薪之下。而寢其上。火未及然。因謂之安。方
今之執。何以異此。本末舛途。首尾衡決。國制捨攘。非甚
有紀。胡可謂治。陛下何不壹令臣得孰數之於前。因陳
治安之策。試詳擇焉。夫射獵之娛。與安危之機孰急。使
爲治勞智慮。苦身體。乏鐘鼓之樂。勿爲可也。樂與今同。

而加之諸侯軌道。兵革不動。民保首領。匈奴賓服。四荒
鄉風。百姓素朴。獄訟衰息。大數旣得。則天下順治。海內
之氣清和。咸理。生爲明帝。沒爲明神。名譽之美。垂於無
窮。禮祖有功。而宗有德。使顧成之廟。稱爲太宗。上配太
祖。與漢亾極。建久安之執。成長治之業。以承祖廟。以奉
六親。至孝也。以幸天下。以育群生。至仁也。立經陳紀。輕
重同得。後可以爲萬世法程。雖有愚幼不肖之嗣。猶得
蒙榮而安。至明也。以陛下之明達。因使少知治體者。得
佐下風。致此非難也。其具可素陳於前。願幸無忽。臣謹
稽之天地。驗之往古。按之當今之務。日夜念此。至孰也。

雖使舜禹復生爲陛下計。以易此夫樹國固必相疑之。執下數被其殃。上數爽其憂。甚非所以安上而全下也。今或親弟謀爲東帝。親兄之子西鄉而擊。今吳又見告矣。天子春秋鼎盛。行義未過。德澤有加焉。猶尚如是。况莫大諸侯。權力且十此者乎。然而天下少安何也。大國之王。幼弱未壯。漢之所置。傳相方握其事。數年之後。諸侯之王大抵皆冠。血氣方剛。漢之傳相稱病而賜罷。彼自丞尉以上。徧置私人。如此有異淮南濟北之爲邪。此時而欲爲治安。雖堯舜不治。黃帝曰。日中必曩。操刀必割。今令此道順而全安。甚易。不肯早爲。已乃墮骨肉。

之屬而抗劉之。豈有異秦之季世乎。夫以天子之位。乘
今之時。因天之助。尚憚以危爲安。以亂爲治。假設陛下
居齊桓之處。將不合諸侯而匡天下乎。臣又知陛下有
所必不能矣。假設天下如曩時。淮陰侯尚王。楚黥布王。
淮南彭越王。梁韓信王。韓張敖王。趙貫高爲相。盧綰王。
燕陳豨在代。令此六七公者皆亡。急當是時而陛下卽
天子位。能自安乎。臣有以知陛下之不能也。天下淆亂。
高皇帝與諸公併起。非有久室之執。以豫席之也。諸公
幸者。乃爲中涓。其次厓得舍人。材之不逮至遠也。高皇
帝以明聖威武。卽天子位。割膏腴之地。以王諸公。多者

百餘城。少者乃三四十縣。德至渥也。然其後十年之間。反者九起。陛下之與諸公。非親角材而臣之也。又非身封王之也。自高皇帝不能以是一歲爲安。故臣知陛下之不能也。然尚有可諉者。曰。疏。臣請試言其親者。假令悼惠王王齊。元王王楚。中子王趙。幽王王淮陽。其王王梁。靈王王燕。厲王王淮南。六七貴人。皆無恙。當是時。陛下卽位。能爲治。虜臣又知陛下之不能也。若此諸王。雖名爲臣。實皆有布衣昆弟之心。慮不帝制而天子自爲者。擅爵人。赦死罪。甚者或戴黃屋。漢法令非行也。雖行不軌如厲王者。令之不肯聽。召之安可致乎。幸而來。

至法安可得加動一親戚。天下圍視而起。陛下之臣。雖有悍如馮敬者。適啓其口。七曾已陷其匈矣。陛下雖賢。誰與領此。故疏者必危。親者必亂。已然之効也。其異姓負強而動者。漢已幸勝之矣。又不易其所以然。同姓襲是跡而動。既有徵矣。其勢盡又復然。殃禍之變。未知所移。明帝處之。尚不能以安。後世將如之何。屠牛坦。一朝解十二牛。而芒刃不頓者。所排擊剝割。皆衆理解也。至於隴髀之所。非斤則斧。夫仁義恩厚。人主之芒刃也。權勢法制。人主之斤斧也。今諸侯王。皆衆隴髀也。釋斤斧之用。而欲嬰以芒刃。臣以爲不缺則折。胡不用之淮南。

濟北勢不可也。臣竊跡前事。大抵彊者先反。淮陰王楚最彊。則最先反。韓信倚胡。則又反。貫高因趙。資則又反。陳豨兵精。則又反。彭越用梁。則又反。黥布用淮南。則又反。盧縮最弱。最後反。長沙廼在二萬五千戶耳。功少而最完。勢疏而最忠。非其性獨異也。亦形勢然也。曩令樊鄴絳灌。據數十城而王。今雖以殘亡可也。令信越之倫。列爲徹侯而居。雖至今存可也。然則天下之大計可知已。欲諸王之皆忠附。則莫若令如長沙王。欲臣子之勿蒞醢。莫若令如樊鄴等。欲天下之治安。莫若衆建諸侯而少其力。力少則易使。以義國小則亡邪心。令海內之勢。

如身之使臂。臂之使指。莫不制從。諸侯之君。不敢有異心。輻輳並進而歸命天子。雖在細民。且知其安。故天下咸知陛下之明。割地定制。令齊趙楚各爲若干國。使悼惠王。幽王。元王之子孫。畢以次各受祖之分地。地盡而止。及燕梁它國皆然。其分地衆而子孫少者。建以爲國。空而置之。須其子孫生者。舉使君之。諸侯之地。其削頗入漢者。爲徙其侯國。及封其子孫也。所以數償之一寸之地。一人之衆。天子無所利焉。誠以定治而已。故天下咸知陛下之廉。地制一定。宗室子孫。莫慮不王。下無倍畔之心。上無誅伐之志。故天下咸知陛下之仁。法立而

不犯令行而不逆。貫高利幾之謀不生。柴奇開章之計。

不萌。細民鄉善。大臣致順。故天下咸知陛下之義。卧赤

子天下之上而安。植遺腹。朝委裘而天下不亂。當時大

治。後世誦聖。壹動而五業附。陛下誰憚而久不爲此。天

下之勢。方病大癰。如淳曰。腫足曰癰。師古曰。止勇反。一脛之大幾如要。

一指之大幾如股。平居不可屈信。一二指憊。身慮亾耶。

憊丑六反。失今不治。必爲錮疾。後有扁鵲。不能爲已。病非徒

癰也。又苦蹠盤。師古曰。蹠古蹠字。之石反。盤。古戾字。言脚掌反戾不可行。元王之子。

帝之從弟也。今之王者。從弟之子也。惠王親兄子也。今

之王者。兄子之子也。親者或亾分地以安天下。疏者或

制大權以偏天子。臣故曰：非徒病癰也。又苦踈盤，可痛哭者，此病是也。天下之執方倒縣，平聲天子者，天下之曾何也。上也。蠻夷者，天下之足何也。下也。今匈奴嫚侮，掠至不敬也。爲天下患，至亾已也。而漢歲致金絮采繒以奉之。夷狄徵令，是主上之操也。操于高反天子共貢，是臣下之禮也。足反居上，曾顧居下。倒縣如此，莫之能解。猶爲國有人乎。非亶伯倒縣而已。又類辟。壁且病癰。肥夫辟者，一面病。癰者，一方痛。今西北邊之郡，雖有長爵，不輕得復五尺以上。不輕得息。斥堠望烽燧，不得固。將吏被介冑而睡。臣故曰：一方病矣。醫能治之，而上不使可。

爲流涕者此也。陛下何忍以帝皇之號爲戎人諸侯執。旣卑辱而旤不息。長此安窮。進謀者率以爲是固不可解也。亡具甚矣。臣竊料匈奴之衆。不過漢一大縣。以天下之大。困於一縣之衆。甚爲執事者羞之。陛下何不試以臣爲屬國之官。以主匈奴。行臣之計。請必係單于之頸而制其命。伏中行說而笞其背。舉匈奴之衆。唯上之令。今不獵猛敵而獵田彘。不搏反寇而搏畜菟。玩細娛而不圖大患。非所以爲安也。德可遠施。威可遠加。而直數百里外。威令不信。可爲流涕者此也。今民賣僮者。爲之繡衣絲履。偏諸緣。內之閑中。是古天子后服。所以廟

而不宴者也。令庶人得以衣婢妾。白縠之表。薄紵之裏。縫以偏諸。美者黼黻。是古天子之服。今富人大賈。嘉會召客者。以被牆。古者以奉一帝一后而節適。今庶人屋壁得爲帝服。倡優下賤得爲后飾。然而天下不屈者。殆未有也。且帝之身。自衣皂綈。而富民墻屋被文繡。天子之后。以緣其領。庶人妻妾緣其履。此臣所謂舛也。夫百人作之。不能衣一人。欲天下亡寒。胡可得也。一人耕之。十人聚而食之。欲天下亡饑。不可得也。饑寒切於民之肌膚。欲其亡爲姦邪。不可得也。國已屈矣。盜賊宜須時耳。然而獻計者曰。毋動爲大耳。夫俗至大不敬也。至亡

等也。至冒上也。進計者猶曰。毋爲可爲長太息者此也。商君遺禮義。棄仁恩。并心於進取。行之二歲。秦俗日敗。故秦人家富子壯則出分。家貧子壯則出贅。借父耰鉏。慮有德色。母取箕箒。立而諄碎語。抱哺其子。與公併倨。併步婦姑不相說。則反脣而相稽。其慈子者利。不同禽獸者。亾幾耳。然併心而赴時。猶曰。蹙厥六國。兼天下。功成求得矣。終不知反廉愧之節。仁義之厚。信并兼之法。遂進取之業。天下大敗。衆掩寡。智欺愚。勇威怯。壯陵衰。其亂至矣。是以大賢起之。威震海內。德從天下。曩之爲秦者。今轉而爲漢矣。然其遺風餘俗。猶尚未改。今世以

侈靡相競。而上亾制度。棄禮義。捐廉恥。日甚。可謂月異而歲不同矣。逐利不耳。慮非顧行也。今其甚者殺父兄矣。盜者剝輟寢戶之簾。奪騫兩廟之器。白晝大都之中。

剽吏而奪之金。矯僞者出幾十萬石粟。賦六百餘萬錢。乘傳而行郡國。此其亾行義之尤至者也。而大臣特以簿書不報。期會之間爲大故。至於俗流失。世壞敗。因恬而不知怪。慮不動於耳目。以爲是適然耳。夫移風易俗。使天下同心而鄉道。類非俗吏之所能爲也。俗吏之所務。在於刀筆筐篋。而不知大體。陛下又不自憂。竊爲陛下惜之。夫立君臣等上下。使父子有禮。六親有紀。此非

天之所爲。人之所設也。夫人之所設。不爲不立。不植則僵。不脩則壞。筦子曰。禮義蔑耻。是謂四維。四維不張。國乃臧。使筦子愚人也可。筦子而少知治體。則是豈可不爲寒心哉。秦滅四維而不張。故君臣乖亂。六親殃戮。姦人並起。萬民離叛。凡十三歲。而社稷爲虛。今四維猶未備也。故姦人幾幸。而衆心疑惑。豈如今定經制。令君君臣臣。上下有差。父子六親。各得其宜。姦人無所幾幸。而群臣衆信。上不疑惑。此業壹定。世世常安。而後有所持循矣。若夫經制不定。是猶度江河。亡維楫。中流而遇風波。船必覆矣。可爲長太息者此也。夏爲天子。十有

餘世。而殷受之。殷爲天子。二十餘世。而周受之。周爲天子。二十餘世。而秦受之。秦爲天子。二世而亡。人性不甚相遠也。三代之君。有道之長。而秦無道之暴也。其故可知也。古之王者。太子乃生。固舉以禮。使士負之。有司齊肅端冕。見之南郊。見于天也。過闕則下。過廟則趨。孝子之道也。固自爲赤子。而教固已行矣。昔者成王幼。在襁褓之中。召公爲太保。周公爲太傅。太公爲太師。保保其身體。傅傅之德義。師道之教訓。此三公之職也。於是爲置三少。皆上大夫也。曰少保。少傅。少師。是與太子宴者也。故乃孩提有識。三公三少。固明孝仁禮義以道習之。

逐去邪人。不使見惡行。於是皆選天下之端士。孝悌博聞有道術者。以衛翼之。使與太子居處出入。故太子乃生而見正事。聞正言。行正道。左右前後皆正人也。夫習與正人居之。不能毋正。猶生長於齊。不能不齊言也。習與不正人居之。不能毋不正。猶生長於楚。不能不楚言也。故擇其所著。必先受業。廼得嘗之。擇其所樂。必先有習。乃得爲之。孔子曰。少成若天性。習慣如自然。及太子少長。知妃色。則入于學。學者所學之官也。學禮曰。帝入東學。上親而貴仁。則親疎有序。而恩相及矣。帝入南學。上齒而貴信。則長幼有差。而民不誣矣。帝入西學。上賢

而貴德。則聖智在位。而功不遺矣。帝入北學。上貴而尊
爵。則貴賤有等。而下不踰踰矣。帝入太學。承師問道。退
習而考於太傅。太傅罰其不則。而匡其不及。則德智長
而治道得矣。此五學者。既成於上。則百姓黎民。化輯於
下矣。及太子既冠成人。免於師傅之嚴。則有記過之史。
徹膳之宰。進善之旌。謗誹之木。敢諫之鼓。瞽史誦詩。工
誦箴諫。大夫進謀。士傳民語。習與智長。故切而不愧。化
與心成。故中道若性。三代之禮。春朝朝日。秋暮夕月。所
以明有敬也。春秋入學。坐國老。執醬而親餽之。所以明
有孝也。行以鸞和。步中采齊。趣中肆夏。所以明有度也。

其於禽獸見其生不食其死聞其聲不食其肉故遠庖
厨所以長恩且明有仁也夫三代之所以長久者以其
輔翼太子有此具也及秦則不然其俗非貴辭讓也所
上者告訐也非貴禮義也所上者刑罰也使趙高傳胡
亥而教之獄所習者非斬剗人則夷人之三族也故胡
亥今日卽位而明日射人忠諫者謂之誹謗深計者謂
之妖言其視殺人若刈草菅然豈惟胡亥之性惡哉彼
其所以導之者非其理故也鄙諺曰不習爲吏視已成
事又曰前車覆後車誡夫三代所以長久者其已事可
知也然而不能從者是不法聖智也秦世之亟絕者其

轍迹可見也。然而不避是後車。又將覆也。夫存亡之變。治亂之機。其要在是矣。天下之命縣於太子。太子之善在於早諭教。與選左右。夫心未濫而先諭教。則化易成也。開於道術智誼之指。則教之力也。若其服習積貫。則左右而已。夫胡越之人生而同聲者。欲不異。及長而成俗。累數譯而不能相通。有雖死而不相爲者。則教習然也。臣故曰。選左右早諭教最急。夫教得而左右正。則太子正矣。太子正而天下定矣。書曰。一人有慶。兆民賴之。此時務也。凡人之智能見已然不能見將然。夫禮者禁於將然之前。而法者禁於已然之後。是故法之所用。易

見而禮之所爲至難知也。若夫慶賞以勸善，刑罰以懲惡。先王執此之政，堅於金石，行此之令，信如四時。據此之公，無私如天地。豈顧不用哉？然而曰：禮云，禮云者，貴絕惡於未萌，而起教於微眇，使民日遷善遠辜而不自知也。孔子曰：聽訟，吾猶人也，必也使毋訟乎。爲人主計者，莫如先審取舍。取舍之極定於內，而安危之萌應於外矣。安者非一日而安也，危者非一日而危也。皆以積漸然，不可不察也。人主之所積，在於取舍。以禮義治之者，積禮義；以刑罰治之者，積刑罰。刑罰積而民怨，背禮義積而民和。親故世主欲民之善同，而所以使民善者

或異。或道之以德教。或毆之以法令。道之以德教者。德教洽而民氣樂。毆之以法令者。法令極而民風哀。哀樂之感。禍福之應也。秦王之欲尊宗廟而安子孫。與湯武同。然而湯武廣大其德行。六七百歲而弗失。秦王治天下。十餘歲則大敗。此無他故矣。湯武之定取舍。審而秦王之定取舍。不審矣。夫天下。大器也。今人置器。置諸安處。則安。置諸危處。則危。天下之情。與器以異。在天子之所置之。湯武置天下於仁義禮樂。而德澤洽。禽獸草木廣裕。德被蠻貊四夷。累子孫數十世。此天下所共聞也。秦王置天下於法令刑罰。德澤亡。一有。而怨毒盈於

世下憎惡之如仇讎。既幾及身。子孫誅絕。此天下之所共見也。是非其明效大驗耶。人之言曰。聽言之道。必以其事觀之。則言者莫敢妄言。今或言禮誼之不如法令。教化之不如刑罰。人主胡不引殷周秦事以觀之也。人主之尊。譬如堂。群臣如陛。衆庶如地。故陛九級上。廉遠地。則堂高。陛亾級。廉近地。則堂卑。高者難攀。卑者易陵。理勢然也。古者聖王制爲等列。內有公卿大夫士。外有公侯伯子男。然後有官司小吏。延及庶人。等級分明。而天子加焉。故其尊不可及也。里諺曰。欲投鼠而忌器。此善諭也。鼠近於器。尚憚不投。恐傷其器。况貴臣之近主。

乎。廉耻節禮以治君子。故有賜死而亾戮辱。是以黥劓之罪不及大夫。以其離主上不遠也。禮不敢齒君之路馬。蹵其芻者有罰。見君之几杖則起。遭君之乘車則下。入正門則趨。君之寵臣。雖或有過。刑戮之臯不加其身者。尊君之故也。此所以爲主上豫遠不敬也。所以體貌大臣而厲其節也。今自王侯三公之貴。皆天子之所改容而禮之也。古天子所謂伯父伯舅也。而今與衆庶同黥劓髡笞。僇馬棄市之法。然則堂不亾陛下。被戮辱者不泰迫乎。廉耻不行。無乃握重權大官而有徒隸亾耻之心乎。夫望夷之禍。二世見當以重法者。投鼠不忌。

器之習也。臣聞之。履雖鮮。不加於枕冠。雖敝。不以首履。夫嘗已在貴寵之位。天子改容而體貌之矣。吏民嘗俯伏以敬畏之矣。今而有過。帝令廢之。可也。退之。可也。賜之死。可也。賊之。可也。若夫束縛之。係縶之。輪之。司寇編之。官徒司寇。小吏詈罵而榜笞之。殆非所以令衆庶見也。夫卑賤者。習知尊貴者之一旦。吾亦乃可以加此也。非所以習天下也。非尊尊貴貴之化也。夫天子之所嘗敬。衆庶之所嘗寵。死而灰耳。賤人安得如此而頓辱之哉。豫讓事中行之君。智伯賊之。移事智伯。趙賊智伯。豫讓鬻面吞炭。必報襄子。五起而不中。人問豫子。豫子曰。

中行衆人畜我。我故衆人事之。智伯國士遇我。我故國士報之。此一豫讓也。反君事讎。行若狗彘。已而抗節致忠。行出烈士。人主使然也。故主上遇其大臣如遇大馬。彼將大馬自爲也。如遇官徒。彼將官徒自爲也。頑頓耻隼。詬隼胡結反詬音后節。廉耻不立。且不自好。苟若而可。故見利則逝。見便則奪。主上有敗。則因而挺之矣。挺武庭反主上有患。則吾苟免而已。立而觀之耳。有便吾身者。欺賣而利之耳。人主將何便於此。羣下至衆。而主上至少也。所託財器職業粹於羣下也。俱耻。俱苟安。則主上最病。故古者禮不及庶人。刑不至大夫。所以厲寵臣之

節也。古大臣有坐不廉而廢者。不謂不廉。曰簠簋不飾。坐汙穢淫亂男女。亾別者。不曰汙穢。曰帷薄不修。坐罷軟不勝任者。不謂罷軟。曰下官不職。故貴大臣定有其辜矣。猶未斥然正以諱之也。尚遷就而爲之諱也。其在大譴大何之域。聞譴何則。白冠鵲纓。盤水加劔。造請室而請罪耳。上不執縛係引而行也。其有中罪者。聞命而自弛。上不使人頸鑿而加也。其有大辜者。聞命則北面再拜。跪而自裁。上不使捽抑而刑之也。曰。子大夫自有過耳。吾遇子有禮矣。遇之有禮。故群臣自憚。嬰以廉恥。故人矜節行。上設廉恥禮義以遇其臣。而臣不以節行。

報其上者。則非人也。故化成俗定。爲人臣者。主耳忘身。國耳忘家。公耳忘私。利不苟就。害不苟去。唯義所在。上之化也。故父兄之臣。誠死宗廟。法度之臣。誠死社稷。輔翼之臣。誠死君上。守圉扞敵之臣。誠死城郭封疆。故曰。聖人有金城者。此物此志也。彼且爲我死。故吾得與之俱生。彼且爲我亡。故吾得與之俱存。夫將爲我危。故吾得與之皆安。顧行而忘利。守節而伏羲。故可以托不御之權。可以寄六尺之孤。此厲廉耻。行禮誼之所致也。主上何喪焉。此之不爲。而顧彼之久行。故曰。可爲長太息者。此也。疏上。帝深納其言。謹疏可爲長太息者六。一爲風俗奢侈。不上本農。二言風

俗薄惡不立經制皆明結三言不早諭教太子與選左右爲後車將覆四言棄禮義置天下之法令刑罰皆暗結後二太息皆爲御臣下無禮以御臣無禮非所以明等級尊天子又非所以治君子勸節義與匈奴分二長流涕同文法初帝以代王入卽位分代爲兩國立皇子變化高妙

武爲代王參大原王少子勝爲梁王其後徙代王王淮陽而太原王爲代王盡有代故地居數年梁王勝卒無子誼患諸侯太盛而前策竟未有施行也復疏言陛下卽不定制如今之勢不過一傳再傳諸侯必且人恣而不制豪植而大強漢法不得行矣陛下所以爲蕃扞及皇太子之所恃者唯淮陽代二國耳代北邊匈奴與強敵爲鄰能自完則足矣而淮陽之比大諸侯厯如黑子

之著而適足以餌大國耳。不足有所禁禦。方今在陛下
制國而令子適足以爲餌。豈可謂工哉。人主之行異布
衣布衣者。飾小行。競小廉。以自託於鄉黨。人主唯天下
安。社稷固不耳。高皇帝瓜分天下。以王功臣。反者如蜩
毛而起。以爲不可。故斬去不義諸侯。而虛其國。擇良日
立諸子。雒陽上東門之外。畢以爲王。而天下安。故大人
者。不牽小行。以成大功。今淮南地遠者。或數千里。越兩
諸侯。而縣屬於漢。其吏民繇役往來長安者。自悉而補
中道衣敝。錢用諸費。稱此其苦。屬漢而欲得王。至甚。適
逃而歸諸侯者。已不少矣。其勢不可久。臣之愚計。願舉

淮南地以益淮陽而爲梁王立後割淮陽北邊二三列
城與東郡以益梁不可者可徙代王而都睢陽梁起於
新鄴以北著之河淮陽包陳以南捷鉅偃反之江則大諸
侯之有異心者破膽而不敢謀梁足以扞齊趙淮南足
以禁吳楚陛下高枕且亾山東之憂矣此二世之利也
當今恬然適遇諸侯之皆少數歲之後陛下且見之矣
夫秦日夜苦心勞力以除六國之旤今陛下力制天下
願指如意高拱以成六國之變難以言智苟身亾事畜
亂宿旤孰視而不定萬年之後傳之老母弱子將使不
寧不可謂仁臣聞聖主言問其臣而不自造事故使人

臣得畢其愚忠。惟陛下財幸。於是帝從誼計。徙淮陽王武爲梁王。北界泰山。西至高陽。得大縣四十餘城。徙城陽王喜爲淮南王。是時淮南厲王以逆廢徙死。天子慚有殺弟之名。欲更之。淮南王四子皆列侯。誼知帝必將復王之也。爲上言。淮南王之悖逆亡道。天下孰不知其辜。陛下幸而赦遷之。自疾而死。天下孰以王死之不當。今尊奉罪人之子。適足以負謗於天下耳。此人少壯。豈能忘其父哉。白公勝所爲父報仇者。大父與伯父叔父也。白公爲亂。非欲取國代主也。發忿快志。剡手以衝仇人之匈。固爲俱靡而已。淮南雖小。黥布嘗用之矣。漢存

特幸耳。夫擅仇人足以危漢之資。於策不便。雖割而爲四。四子一心也。予之衆積之財。此非有子胥白公報於廣都之中。卽疑有剽諸荊軻起於兩柱之間。所謂假賊兵爲虎翼者也。願陛下少留計。誼又嘗疏論積貯曰。管子曰。倉廩實而知禮節。民不足而可治者。自古及今。未之嘗聞。古之人曰。一夫不耕。或受之饑。一女不織。或受之寒。生之有時。而用之亡度。則物力必屈。古之治天下者。至纖至悉。故其畜積足恃。今背本而趨末。食者甚衆。是天下之大殘也。淫侈之俗。日益以長。是天下之大賊也。殘賊公行。莫之或止。天命將泛。莫之振救。生之者甚

少而靡之者甚多。天下財產。何得不蹙。漢之爲漢。幾四十年矣。公私之積。猶可哀痛。失時不雨。民且狼顧。歲惡不入。請爵賣子。旣聞耳矣。安有爲天下阡危者。若是而上不驚者。夫世之有饑饉。天之行也。禹湯被之矣。卽不幸有方二千里之旱。國胡以相恤。卒然邊境有急。數十百萬之衆。國胡以餽之。兵旱相乘。天下大屈。有勇力者。聚徒而衡擊。罷夫羸老。易子而敵。其骨政治未畢。通也。遠方之能疑者。並舉而爭起矣。乃駭而圖之。豈將有及乎。夫積貯者。天下之大命也。苟粟多而財有餘。何爲而不成。以攻則取。以守則固。以戰則勝。懷敵附遠。何招

而不至今。毆民而歸之農。皆著於本。使天下各食其力。
末技游食之民。轉而爲南畝。則畜積足而人樂其所矣。
皆天下大慮。而過秦論見。秦志鑄錢議見。貨賄志中。先
是梁懷王以毆游墜馬。賈生自傷爲傳無狀。常哭泣。後
歲餘亦死。年三十有三矣。後四年。齊文王薨。卜子文帝
思賈生之言。乃分齊爲六國。盡立悼惠王子六人。王之
分淮南地爲三國。而厲王三子畢王。後十年帝崩。又三
年。七國亂。賴梁爲扞蔽。卒破七國。武帝時。淮南厲王子
爲王者。果反誅。於是武帝用主父偃之言。下推恩之令。
而天下以安。本賈生衆建力公之策也。自屈原著離騷。

爲楚聲。其徒宋玉景差之倫。放之莫能及。後百有餘歲。
賈生爲長沙傳。過湘水。始爲賦。弔原以自悲。賦曰。恭承
嘉惠兮。竢罪長沙。久聞屈原兮。自湛汨羅。造託相流兮。
敬弔先生。遭世罔極兮。廼墮厥身。烏虬哀哉兮。逢時不
祥。鸞鳳伏竄兮。鴉鵂翱翔。吐盡聞反茸人勇顯反兮。讒諛
得志。賢聖逾戛兮。方正倒植。謂隨夷溷兮。謂跼蹐廉豈。
邪爲鈍兮。鈇刀爲銛。吁嗟默默生之亾故兮。幹棄周鼎。
寶康瓠兮。騰駕罷牛。駿蹇驢兮。驥垂兩耳。服鹽車兮。章
甫薦屨。漸不可久兮。嗟苦先生。獨離此咎兮。諄曰已矣。
國其莫吾知兮。獨壹鬱其誰語。鳳縹縹其高逝兮。夫固

自外而遠去。襲九淵之神龍兮。音沕淵潛以自珍。彌顧

爚以隱處兮。夫豈從蝦與蛭螾所貴。聖人之神德兮。遠

濁世而自藏。藏使麒麟可係而羈兮。豈不異乎大竿般

紛紛其離此郵尤兮。亦夫子之故也。歷九州而相君兮。

何必懷此都也。鳳凰翔於千仞兮。覽德輝焉下之。見細

德之險微兮。遙增翮而去之。彼尋常之汙瀆兮。豈容乎

吞舟之魚。橫江湖之鱣鯨兮。固將制乎螻蟻。誼在長沙。

有鵝飛入舍。止坐隅。楚人命鵝曰鵬。賈生念長沙卑溼

恐壽不得久長。乃爲賦以自廣。賦曰。單閼之歲。四月孟

夏。庚子日斜。鵬集予舍。止于坐隅。貌甚閒暇。異物來集

兮。私怪其故。發書占之兮。策言其度。曰。野鳥入室。主人
將去。請問于子鵬。予去何之。吉乎。告我。凶言其菑。淹速
之度。語予其期。鵬乃歎息。舉首奮翼。口不能言。請對以
臆。萬物變化兮。固無休息。幹流而遷兮。或推而還。形氣
轉續兮。化變而嬗。禪沕穆無窮兮。胡可勝言。禍兮福所
倚。福兮禍所伏。憂喜聚門兮。吉凶同域。彼吳疆大兮。夫
差以敗。越棲會稽兮。句踐霸世。斯游遂成兮。卒被五刑。
傳說胥靡兮。乃相武丁。夫甌之與福兮。何異糾纏。命不
可說兮。孰知其極。水激則悍兮。矢激則遠。萬物回薄兮。
振蕩相轉。雲蒸雨降兮。錯繆相紛。大鈞播物兮。映軋無

垠天不可與慮兮。道不可與謀。遲數有命兮。惡識其時。
且天天地爲鑪兮。造化爲工。陰陽爲炭兮。萬物爲銅。合
散消息兮。安有常則。千變萬化兮。未始有極。忽然爲人
兮。何足控搏。化爲異物兮。又何足患。平聲小知自私兮。賤
彼貴我。達人大觀兮。物無不可。貪夫徇財兮。烈士徇名。
夸者炮權兮。品庶馮生。怵迫之徒兮。或趨西東。大人不
曲兮。億變齊同。拘士繫俗兮。窘如囚拘。至人遺物兮。獨
與道俱。衆人惑惑兮。好惡積臆。真人恬漠兮。獨與道息。
釋知遺形兮。超然自器。寥廓忽荒兮。與道翱翔。乘流則
逝兮。得坻則止。縱軀委命兮。不私與已。其生若浮兮。其

死若休澹乎若深淵之靚。汜乎若不繫之舟。不以生故
自寶兮。養空而浮。德人無累兮。知命不憂。細故芥蒂兮。

何足以疑。

賈生孫二人至郡守嘉好學列九卿元成間曾孫捐之爲待詔議罷珠厓詣具戎狄志中

於賈生並時稱文學者有潁川賈山。涉獵書記。不能爲

醇儒。給事中。上書言治道。借秦爲諭。曰。至言。頗明治亂

之統。議除鑄錢禁。具貨賄志。而山同郡。龔錯以文學爲

太常掌故。從伏生所受尚書者也。以大子家令。上書言

兵體。言備邊乘塞。勸農力本之務。皆引繩墨。切事情。具

戎狄邊防。土田志。後議削七國地。吳楚反。見誅。具帝紀

中。

論曰太史公讀賈長沙鵬鳥賦。同生死。輕去就。爲爽然
自失也。於遠遊天問乎。挾玄珠矣。至懷王墜馬。誼引以
自辜。終歿悲涕也。庶幾哉。騷人之心乎。屈賈同傳。有取
爾。至政事疏。規事圖策。中機中權。封淮南。違之而危。分
王子弟。用之漢以安。劉子政稱其通達國體。伊管未能
遠過也。諒矣。抑其書龐翹已過。遭文皇明聖。於所陳亦
畧施行。班史謂其天年早終。雖不至公卿。豈爲不遇哉。
賈山至言曰。臣聞爲人臣。有盡忠竭愚。以直諫。主不避
其死。之誅者。臣山是也。臣不敢以久遠諭。願借秦以爲
諭。唯陛下少加意焉。夫布衣韋帶之士。脩身於內。成名
於外。而使後世不絕息。秦貴爲天子。富有天下。賦歛重
數。百姓仞罷。起咸陽而西。至雍。推宮三百。鍾鼓帷帳。不
移而具。又爲阿房之殿。殿高數十仞。東西五里。南北千

步從車羅騎四馬騫馳旌旗不撓爲宮室之麗至於此
使其後世曾不得聚廬而託處焉爲馳道於天下東窮
燕齊南極吳楚江湖之上瀕海之觀畢至道廣五十步
三丈而樹厚築其外隱以金椎樹以青松爲馳道之麗
至於此使其後世曾不得邪徑而託足焉或葬乎驪山
吏徒數十萬人下徹三泉合采金石冶銅錮其內漆塗
其外祓以珠玉飾以翡翠中成觀游上成山林爲葬葬
之後至於此使其後世曾不得蓬裸蔽冢而託葬焉秦
以熊羆之力虎狼之心蠶食諸侯并吞海內而不篤禮
義故天殃已加矣臣昧死以聞願陛下少留意而詳擇
其中臣聞地之硲者雖有舍種不能生焉江皋河瀕雖
有惡種無不猥大昔夏商之季雖關龍逢箕子比干之
賢身歿臣而道不用文王之時豪俊之士皆得竭其智
芻蕘採薪之人皆得盡其力此周之所以興也故地之
美者善養禾君之仁者善養士雷霆之所擊無不摧折
萬鈞之所壓無不糜滅今人主之威非特雷霆也勢重
非特萬鈞也開道而求諫和顏色而受之用其言而顯
其身士猶恐懼而不敢自盡又况於縱欲恣暴惡聞其
過乎震之以威壓之以重雖有堯舜之智孟賁之勇烏
有不摧折者如此則人主不得聞過失矣弗聞過失而

社稷危矣。古聖王之制，史在前，書過失，工誦箴諫，皆謂詩諫。公卿比諫，士傳言，庶人謗。商旅議，養三老於太學，親執醬而饋，執爵而醕，祝壺在前，祝嘏在後。公卿奉杖，大夫進履，夫天子之尊，四海之內，其義莫不爲臣。然而尊養三老，視孝也；立輔弼之臣，恐驕也；置直諫之士，恐不得聞過也；間至於芻蕘，求善無厭也；商賡誹謗，已而敗之，從善無不聽也。至秦則不然，力并萬國，富有天下，破六國以爲郡縣，築長城以爲關塞，秦地之固，視天下大小輕重之權，胡可勝計？而兵破於陳涉，地奪於劉氏者，何也？秦貪狼暴虐，殘賊天下，窮困萬民，以適其欲也。昔者周蓋千八百國，以九州之民養千八百國之君，用民之力，不過歲三日，什一而籍。君有餘財，民有餘力，而頌聲作。秦皇帝以千八百國之民，自養力罷，不能勝其役，財盡不能勝其求，人與之爲怨，家與之爲讎。故秦皇帝身之在之，天下已壞矣，而弗自知也。古者聖王作謚，三四十世而止耳。雖堯舜禹湯文武，系世廣德，爲子孫基業，率無過二三十世者也。秦皇帝曰：死而以謚，是父子各號，有時相襲也。以至萬，則世世不相復，故成而號曰始皇帝，其次曰二世皇帝，欲以一至萬也。廼狩刻石著功，自以爲過堯舜，然身死數月耳。天下四面而

攻之宗廟城絕矣秦皇帝居城絕之中而不自知者何
也仁養老之義仁輔弼之臣仁進諫之士縱恣行誅退
誹謗之人殺直諫之士是以其臣道諛媮合而苟容比
其德賢於堯舜課其功賢於湯武而天下已遺莫之告
也詩曰匪言不能胡此畏忌聽言則對諧言則退此之
謂也古者賢君於其臣也尊其爵祿而親之疾則臨
之死則往弔哭之臨其小歛大歛已棺塗而後爲之服
錫衰麻紼而三臨其喪未歛不飲酒食肉未葬不舉樂
當宗廟之祭而死爲之廢樂古之君人者於其臣也可
謂盡禮矣服喪服端容貌正顏色然後見之故臣下莫
敢不竭力盡死以報其上今陛下念思祖考術追厥功
圖所以昭宣洪業休德使天下舉賢良方正之士天下
皆新新焉日將典堯舜之道三王之功矣天下之士莫
不稱白以承休德今方正之士皆在廷矣選其賢者使
爲常侍諸吏與之馳毆射獵一日再三中臣恐朝廷之
解弛百官之事於事也諸侯聞之又必怠於政矣陛下
卽仙親自勉以厚天下損食膳不聽樂城外徭衛卒止
歲具省廩馬以賦縣傳主諸苑以賦農夫出帛十萬餘
匹以振貧民禮高年九十者一子不事八十者二子不
事賜天下男子爵發御府金賜大臣宗族仁不被澤者

越非人。憐其凶髮。賜之中。隣其衣。藉書其背。父子兄弟相見也。而賜之衣。平獄。殺刑。天下莫不說。喜。是以元年膏雨降。五穀登。此天之所以相陛下也。刑輕於它時。而犯法者寡。衣食多於前年。而盜賊少。此天下之所以順陛下也。臣聞山東吏布詔令。民雖老癯。瘡疾扶杖而往。聽之。願少須臾。吏毋施。思見德化之戒。今功業方就。名聞方昭。四方鄉風。而從豪俊之臣。方正之士。直目與之。猶射擊。兔伐狐。以傷大業。絕天下之望。臣竊悼之。古大臣不媒。不得與於宴游。方正脩潔之士。不得從射獵。皆使務其方。以高其節。則羣臣莫敢不正身脩行。盡心以稱大禮。今士脩之家。而壞之於天子之廷。臣竊愍之。漢興大游。不失樂。朝不失禮。議不失計。執事之大者也。漢興諸侯王皆自爲治。得治民。聘賢。文景時。吳王濞。召致四方游士。淮陰枚乘。與吳嚴忌。齊鄒陽之徒。皆以文辭著名。吳王以怨望有邪謀。乘爲其士尚隱。惡指斥。奏書諫。而微其辭。辭曰。臣聞得全者全昌。失全者全亡。舜無立

雖之地以有天下。禹無十戶之聚。以王諸侯。湯武之士。不過百里。上不絕三光之明。下不傷百姓之心者。有王術也。故父子之道。天性也。忠臣不避重誅。以直諫。故事無遺策。功高萬世。臣乘願披腹心。而效愚忠。唯大王少加意。念惻怛之心。於臣乘言。夫以一縷之任。係千鈞之重。上縣無極之高。下墜不測之淵。雖甚愚之人。猶知哀其將絕也。馬方駭。鼓而驚之。繫方絕。又重鎮之。繫絕於天。不可復結。隊入深淵。難以復出。其出不出。間不容髮。能聽忠臣之言。百舉必脫。必若所欲爲。危於繫卵。難於上天。變所欲爲。易於反掌。安於泰山。今欲極天命之壽。

敝無窮之樂。究萬乘之執。不出反掌之易。以居泰山之
安。而欲乘系卵之危。走上天之難。此愚臣之所以爲大
王惑也。人性有畏其景而惡其跡者。卻背而走。迹愈多。
景愈疾。不知就陰而止。景滅迹絕。欲人勿聞。莫如勿言。
欲人勿知。莫若勿爲。欲湯之滄。一人炊之。百人揚之。無
益也。不如絕薪止火而已。不絕之於彼而救之於此。譬
猶抱薪而救火也。養繇基。楚之善射者也。去楊葉百步。
百發百中。楊葉之大。加百中焉。可謂善射矣。然其所止。
廼百步之內耳。比於臣乘。未知操弓持矢也。福生有基。
旣生有胎。納其基。絕其胎。旣何自來。泰山之雷穿石。草

極之統

通

斷榦。水非石之鑽。索非木之鋸。漸靡使之然。

也。夫銖銖而稱之。至石必謬。寸寸而度之。至丈必差。石

稱丈。量徑而寡失。夫十圍之木。始生如蘖。足可搔而絕。

手可擢而拔。據其未生。先其未形也。磨礱底厲。不見其

損。有時而盡。種樹畜養。不見其益。有時而大。積德系行。

不知其善。有時而用。棄義背理。不知其惡。有時而亡。臣

願大王孰計而身行之。此百世不易之道也。時鄒陽亦

奏書。先引秦爲諭。因道胡越齊趙淮南之難。然後乃致

其意。

辭曰。臣聞秦倚曲臺之宮。懸衡天下。畫地而不犯。

兵加胡越。至晚節。末路張耳陳勝。連從兵之據。以

叩函谷。咸陽遂危。何則。列郡不相親。萬室不相救也。今

胡數涉北河之外。上覆飛鳥。下不見伏菟。關城不休。救

兵不止、死、者相隨、輦車相屬、轉粟流輸千里不絕、何則、
彌趙貢於河間、六齊望於惠后、城陽顧於盧博、三淮南
之、心思墳墓、大王不憂、臣恐救兵之不專、胡馬遂窺於
邯鄲、越水長沙、還舟青陽、雖使梁弁淮陽之兵、下淮東、
越廣陵、以遏越人之糧、漢亦折西河而下、北守漳水、以
輔大國、胡亦益進、越亦益深、此臣之所爲大王患也、臣
聞交龍襄首奮翼、則浮雲出流、霧雨咸集、聖王底節脩
德、則游談之士歸義、思各、今臣盡智畢議、易精極慮、則
何國不可干、何王之門不可曳長裾乎、所以歷數王之
朝、背淮千里而自致者、非惡臣國而樂吳民也、竊高下
風之行、尤說大王之義、願大臣察聽其志、臣聞鷺鳥衆
百、不如一鶚、夫全趙之時、武力弔士、衽服叢臺之下者、
一旦成市而不能止、幽王之湛患、淮南連山東之俠、死
士盈朝、不能還厲王之西也、然則計議不得、雖諸賁不
能安其位明矣、故願大王審畫之也、始孝文皇帝據關
入立、寒心銷志、不明求衣、自立天子之後、使東牟朱虛
東、褒義父之後、深割嬰兒王之梁代、益以淮陽、卒什濟
其、囚弟於雍者、豈非新垣平等哉、今天子新據先帝
之遺業、左規山東、右制關中、變權易勢、大臣難知、大王
弗察、臣恐周鼎復起於漢、新垣過計於朝、則我吳遺嗣

不可期。吳王不納其言。是時帝少弟梁孝王賢盛。亦待

於世矣。吳王於是乘陽及嚴忌。並去之梁。及吳王定反。舉兵西鄉。

以誅御史大夫錯爲名。天子爲斬錯以解難。枚乘自梁

遺王書顯諫曰。昔者秦西舉胡戎之難。北備榆中之關。

南距羗笱之塞。笱力各反東當六國之從。六國乘信陵之籍。

明蘇秦之約。厲荆軻之威。并力一心。以備秦。然秦卒禽

六國。滅其社稷。而并天下。何也。則地利不同。而民輕重

不等也。今漢據全秦之地。兼六國之衆。脩戎狄之義。而

南朝羗笱。此其與秦地相十。而民相百。大王之所明知

也。今夫讒諛之臣。爲大王計。不論骨肉之義。民之輕重。

國之大小。以爲吳禍。此臣所以爲大王患也。夫舉吳兵。以訾於漢。譬猶蠅蚋之附犂牛。腐肉之齒利劍鋒。按必無事矣。天子聞吳率失職。諸侯願責先帝之遺約。親誅其三公。以謝前過。是大王之威加於天下。而功越於湯武也。夫吳有諸侯之位。而實富於天子。有隱匿之名。而居過於中國。夫漢并二十四郡。十七諸侯。方輸錯出。運行數千里。不絕於道。其珍怪不如山東之府。輸粟西鄉。陸行不絕。水行蒲河。不如海陵之倉。脩治上林。雜以離宮。積聚玩好。圈守禽獸。不如長洲之苑。游曲臺。臨上路。不如朝夕之池。潮深壁高壘。副以關城。不如江淮之險。

此臣之所以爲大王樂也。今大王還兵疾歸，尚得十半。不然，漢知吳之有吞天下之心也，赫然加怒，遣羽林黃頭循江而下，襲大王之都，魯東海絕吳之饗道。饗古餉字梁王飭車騎，習戰射，積粟固守，以備榮陽，待吳之饑。大王雖欲反都，亦不得已。夫三淮南之計，不負其約，齊王殺身以滅其迹，四國不得出兵其郡，趙囚邯鄲，此不可掩，亦已明矣。大王已去千里之國，而制於十里之內矣。張韓將壯地，弓高宿左右，兵不得下壁車，不得大息。臣竊哀之，願大王孰察焉。吳王不聽。卒見禽滅，而乘繇是知名，召拜爲弘農尉，乘安游諸侯，得所好，病去官。武帝自

爲太子。聞乘名及卽位。乘年老。以安車蒲輪徵。道卒。方
乘之仕吳游梁也。覽諸侯多故。邪氣襲逆。聽明眩曜。悅
怒不平。遂執不移。而大命將傾也。以爲不可以莊正語。
欲易其度。變其慮。漸移其神志於要言妙道。庶幾無藥。
石針刺灸療而起也。於是作七發。設吳客楚太子問對。
極天下至悲至喜。至靡麗廣博之樂。較獵之壯。廣陵之
濤。瀕洞怪詭之觀。而卒歸之正。使太子渙乎壹聽聖人
鞫士之言。而恣然汗出。霍然病已也。大指於諫吳王書
同。而辭加恢奇。後傳毅張衡崔駰曹植之倫。作七激。七
辯。七依。七啓。竝依倣其文。而原本於楚辭。世又稱乘實。

始作五言古詩。蘇武李陵依爲錄。別有三百篇。溫柔敦

厚之遺焉。蓋漢世辭命詩賦。咸祖乘七發。文多不錄。著

其指如此。鄒陽、枚乘、班固、王粲、張衡、蔡邕、公孫詭之間。勝等毀短之。下吏治陽客游以

讒見禽。恐久而負累。乃從獄中上書曰。臣聞忠無不報。信不見疑。臣常以爲然。徒虛語耳。昔荆軻慕燕丹之義。

白虹貫日。太子畏之。衛先生爲秦畫長平之事。太白食

丹。昭王疑焉。夫精變天地。而信不諭兩主。豈不哀哉。今

臣盡忠竭誠。畢義願知。左右不明。卒從吏訕。爲世所疑。

是使荆軻衛先生復起。而燕秦不寤也。願大王孰察之。

昔玉人獻寶。楚王誅之。李斯竭忠。胡亥極刑。是以箕子

佯狂。接輿避世。恐遭此患也。願大王察玉人李斯之意。

而後。楚王胡亥之聽。毋使臣爲箕子接輿所笑。臣聞比

于剖心。子胥鳴夷。臣始不信。乃今知之。願大王垂察。少

加憐焉。語曰。白頭如新。傾蓋如故。何則。知與不知也。故

樊於期逃秦之燕。藉荆軻會以奉冊事。王奢去齊之魏。

臨城自剄。以卻齊而存魏。夫王奢樊於期。非新於齊秦

而故於燕魏也。所以去二國。死兩君者。行合於志。慕義

無窮也是以蘇秦不信於天下而爲燕、尾生白圭戰、
六城而爲魏、取中山、何則、誠有以相知也、蘇秦相燕、人
惡之、燕王、燕王按劍而怒、食以駃騠、白圭顯於中山、人
惡之、魏文侯、文侯賜以夜光之璧、何則、兩主二臣、剖心
析肝、相信、豈移於浮辭哉、故女無美惡、入宮見妬、士無
賢不肖、入朝見嫉、昔司馬喜、臚腳於宋、卒相中山、范雎
拉脅折齒於魏、卒爲應侯、此二人者、皆信必然之畫、捐
朋黨之私、挾孤獨之交、故不能自免於嫉妬之人也、是
以申徒狄蹈雍之河、徐衍負石入海、不容於世、義不苟
取、比周於朝、以移主上之心、故百里奚乞食於道路、繆
公委之以政、甯戚飯牛車下、桓公任之以國、此二人者、
豈素宦於朝、借譽於左右、然後二主用之哉、感於心、合
於行、堅如膠漆、昆弟不能離、豈惑於衆口哉、故偏聽生
姦、獨任成亂、昔魯聽季孫之說、逐孔子、宋任子冉之計、
囚墨翟、夫以孔墨之辨、不能自免於讒、而二國以危、何
則、衆口鑠金、積毀銷骨也、秦用戎人、蘇余、而伯中、國、齊
用越人、子臧、而彊威、宣此二國、豈係於俗、牽於世、繫奇
偏之辭哉、公聽並觀、垂明當世、故意合、則胡越爲兄弟、
蘇余子臧是矣、不合、則骨肉爲讎敵、朱象管蔡是矣、今
人主誠能用齊秦之明、後魯宋之聽、則五伯不足侔、而

三王易爲也。是以聖王覺寤、捐子之心、而不說田常之賢、封比干之後、修孕婦之墓、成功業覆於天下、何則？欲善亡厭也。夫晉文親其讎、彊伯諸侯、齊桓用其讐、一匡天下、何則？慈仁殷勤、誠加於心、不可以虛辭借也。至秦用商鞅之法、東弱韓魏、立強天下、卒車裂之、越用大夫種之謀、禽勁吳、而伯中國、遂誅其身、是以孫叔敖三去相而不悔、於陵仲子辭三公、爲人灌園、今人主誠能去驕傲之心、懷可報之意、披心腹、見情素、墮肝膽、施德厚、終與之窮達、無愛於士、則桀之大、可使吠堯、跖之客、可使刺繇、何況因萬乘之權、假聖王之資乎？然則荆軻湛七族、要離燔妻子、豈足爲大王道哉？臣聞明月之珠、夜光之璧、以闇投人於道、衆莫不按劍相眄、何則？無因而至前也。燔木根、抵輪囷、離奇而爲萬乘器者、以左右先爲之容也。故無因至前、雖出隨珠和璧、祇結怨而不見德。有人先游、則枯木朽株、樹功而不忌。今天下布衣窮居之士、身在貧羸、雖蒙堯舜之術、挾伊管之辯、懷龍逢比干之意、而素無根抵之容、雖竭精神、欲開忠於當世之君、則人主必襲按劍相眄之迹矣。是使布衣之上、不得爲枯木朽株之資也。是以聖王制世、獨化於陶鈞之上、而不牽乎卑亂之語、不奪乎衆多之口。故秦皇帝

仁中庶子蒙之言。以信荆軻。而七旬竊發。周文王獵涇
渭。載呂尚歸。以王天下。秦信左右。而以周用。烏集而王。
何則。以其能越轡拘之語。馳域外之議。獨觀乎。昭曠之
道也。今人王沈謂諛之辭。牽帷廝之制。使不羈之士。與
牛驥同皁。此鮑焦所以憤於世也。臣聞盛飾入朝者。不
以私汙義底。厲名號者。不以利傷行。故里名勝母。曾子
不入。邑號朝歌。墨子回車。今欲使天下寥廓之士。籠於
威重之權。脅於執位之貴。回面汙行。以事諂諛之人。求
親近於左右。則士有伏死窟穴。巖藪之中耳。安有盡
忠信而趨闕下者哉。書奏。梁王立出之。以爲上客。其

後武帝好文學儒者。廣招延。而帝甚嫻於文辭。公孫弘
兒寬等。皆以文學奮迹。罕豕之間。漸鴻翼於卿相。元光
初。齊人主父偃。徐樂。無終。嚴安。各上書言便事。偃書曰。
臣聞明主不惡切諫。以博觀。忠臣不避重誅。而直諫。故
事無遺策。功流萬世。今臣不敢隱忠。避死。以效愚計。陛

下幸赦而少察之。司馬遷曰。國雖大好戰必亡。天下雖平。忘戰必危。天下既平。天子春蒐。秋獮。諸侯春振旅。秋治兵。所以不忘戰也。且夫怒者逆德也。兵者凶器也。爭者末節也。務凶器。窮末事。而甘心於逆德。未有不悔者也。昔秦皇帝任戰勝之威。蠶食天下。并吞戰國。海內爲一。務勝不休。欲攻匈奴。李斯諫曰。不可。夫匈奴無城郭之居。委積之守。遷徙鳥舉。難得而制。輕兵深入。糧食必絕。運糧而行。重不及事。得其地不足以爲利。得其民不可調而守也。勝必棄之。爲民父母。靡敝中國。甘心匈奴。非完計也。秦皇帝不聽。使蒙恬將兵而攻胡。擴地千里。

以河爲竟。地固澤鹵。不生五穀。然後發天下丁男以守
北河。暴兵露師。十有餘年。死者不可勝數。終不能悔。是
豈人衆之不足。兵革之不備哉。其勢不可也。又使天下
飛芻輓粟。起於黃腫琅邪。負海之郡。轉輸北河。率三十
鍾而致一石。男子疾耕。不足於糧餉。女子紡績。不足於
帷幕。百姓靡敝。孤寡老弱。不能相養。道死者相望。蓋天
下始叛也。及至高皇帝定天下。畧地於邊。聞匈奴聚。代
谷之外。欲擊之。御史成諫曰。不可。匈奴獸聚而鳥散。從
之如搏景。今以陛下盛德攻之。非所聞也。高帝不聽。遂
至于代谷。果有平城之圍。乃使劉敬往結和親。然後天

下亾于戈之事故。兵瀆日興。師十萬。日費千金。秦常積
衆數十萬人。雖有覆軍殺將。係虜單于。適足結怨深讎。
不足以償天下之費。夫匈奴行盜侵毆。所以爲荼。天性
固然。自上世虞夏殷周。固不程督禽獸畜之。不比爲人。
夫不上觀虞夏殷周之統。而下循近世之失。此臣所以
大恐。百姓所以疾苦也。且夫兵久則變生。事苦則慮易。
安危在出令。存亾在所用。願陛下熟計加察。樂上書曰。
臣聞天下之患。在於土崩。不在瓦解。此古今之所同也。
何謂土崩。秦之季世是已。陳涉起窮巷。奮棘矜。偏袒大
呼。天下從風。此其故何也。繇民困而主不恤。下怨而上。

不知俗已亂而政不修。此三者涉之所以爲資也。此之謂土崩。何謂瓦解。吳楚齊趙七國之兵是也。七國號皆萬乘之君。帶甲數十萬。威足以嚴其境內。財足以勸其士民。然不能西攘尺寸之地。而身爲禽賊。此其故何也。非權輕於匹夫。兵弱於陳涉也。當是之時。先帝之德未衰。而安土樂俗之民衆。故諸侯無境外之助。此之謂瓦解。繇此觀之。天下誠有土崩之勢。雖布衣窮處之士。或首難而危海內。况三晉之君。或存乎。誠無土崩之勢。雖勁國強兵。不旋踵而禽。况群臣百姓能爲難乎。此二體者。安危之明要。賢主之所宜留意而深察也。間者關東。

穀數不登。年歲未復。民多窮困。重之以邊境之事。推數
循理。觀之。民宜有不安其處者矣。不安故易動。易動者。
土崩之勢也。故賢主獨觀萬化之原。明於安危之機。修
之廟堂之上。而銷未形之患。其要期使天下無土崩之
勢而已矣。安書曰。臣聞鄒子曰。政教文質者。所以云救
也。當時則用。過則舍之。有弊則易之。故守一而不變者。
未睹治之至也。今天下人民。用財侈靡。車馬衣裳宮室。
皆競修飾。調五聲。使有節。族雜五色。使有文章。重五味。
方交於前。以觀欲。天下誠民之情。見美則願之。是教民
侈也。侈而無節。則不可贍。民離本而徼末矣。末不可徒

得故搢紳者不憚爲詐。帶劔者夸殺人以矯奪而恬不
知媿。故養失而泰。樂失而淫。禮失而采。教失而僞。僞采
淫泰。非所以範民也。是以天下人民逐利無已。犯瀆者
衆。臣願爲民制度以防其淫。使貧富不相耀。以和其心。
心旣和平。則性恬安。恬安不營。則盜賊銷。盜賊銷。則刑
罰少。刑罰少。則陰陽和。四時正。風雨調。草木暢茂。五穀
蕃熟。六畜遂字。民不夭厲。和之至也。臣聞周有天下。其
治三百餘歲。成康其隆也。刑錯四十餘年而不用。及其
衰。亦三百餘歲。五霸更起。誅暴禁邪。匡正海內。以尊天
子。五霸旣沒。天子孤弱。號令不行。諸侯恣睢。陵弱暴寡。

益爲戰國。此民之始苦也。及至秦皇吞并七國。元元黎民得免於戰爭。人人自以爲更生。而秦循其故俗。爲智巧權利者進。篤厚忠正者退。灋嚴令苛。譴諛者衆。日聞其美意。廣心軼。欲肆威海外。乃使蒙恬將兵。以北攻胡。辟地進境。戍於河北。蜚芻輓粟。以隨其後。又使尉佗屠睢。將樓船之士。南攻百粵。使監祿鑿渠運糧。深入粵地。粵人逃遁。曠日持久。糧食乏絕。粵人擊之。秦兵大敗。乃使尉佗將卒。以戍粵。當是時。秦禍并構於胡。南挂於粵。宿兵於無用之地。進而不得退。行十餘年。丁男被甲。丁女轉輸。苦不聊生。自經於道樹。死者相望。及秦皇崩。天

下大畔起閭巷挾棘矜應時而動不謀而俱起時教使然也秦貴爲天子富有天下滅世絕祀窮兵之禍也故周失之弱秦失之強不變之患也今欲招南夷朝夜郎降僂僂畧歲州建城邑深入匈奴燔其龍城此人臣之利非天下之長策也今中國無狗吠之警而外累於遠方之備靡敝國家非所以子民也行無窮之欲甘心快意結怨於匈奴非所以持久也今天下鍛甲砥劍矯箭控弦轉輸軍糧未見休時以遭萬世之變不可勝諱也三人書朝上暮召對謂曰公等皆安在何相見之晚也皆拜爲郎中於是群士慕嚮金臻會稽嚴助朱買臣趙

吾丘壽王蜀司馬相如。厭次東方朔。淮枚臯。濟南終軍等。並在侍從。給應對。奏詞賦爲寵。而丞相弘嚮天子意。亦開東閣。延賢人。與上章造令。每大臣章奏。上帝輒令助等與論辨。中外相應。以義理之文。閩粵東甌起相攻。東甌請救。太尉蚡以爲越人相攻擊。其常事。卽秦時不爲救之。不足煩中國。助鄉天子旨。書詰蚡曰。特患德不能覆力。不能救耳。誠能何故棄之。且秦舉咸陽而棄之。何但越也。今小國以窮困來歸。天子不能振尚安所愬。又何以子萬國乎。於是天子說曰。太尉不足與計。遣助以節發兵。會稽會稽守欲距不爲發。助乃斬一司馬以。

諭意。遂發兵浮海救東甌。其後閩越王郢攻南粵。南粵請救。遣大行王恢將兵出豫章。司農韓安國出會稽。擊之東南邊騷然。當是時。淮南王安好文學。而嫺於辭。上書言越方外之地。剺髮文身之民。地深昧而多水險。中國之人阻而入其地。百不當一。攻之不可暴取也。以地圖察其山川險塞。相去不過寸數。而間獨數百千里。阻險林叢。弗能盡著。視之若易。行之甚難。天下賴宗廟之靈。方內大寧。戴白之老。不見兵革。民夫婦相守。父子相保。陛下之德也。粵人自相攻擊。而發兵救之。是反以中國而勞蠻狄也。間者歲比不登。民賣爵贅子以接衣食。

今發兵行數千里。齎衣糧入粵。輿輜而踰嶺。挖舟而入水。行數百千里。夾以深林叢竹。水道上下擊石。林中多蝮蛇猛獸。夏月暑時。嘔泄霍亂之病相隨屬也。曾未施兵接刃。宛傷者必衆矣。臣聞軍旅之後。必有凶年。言民之心。合以其愁苦之氣。薄陰陽之和。感天地之精。而災氣爲之生也。陛下德配天地。明象日月。恩至禽獸。澤及草木。一人有饑寒。不終其天年而歿者。爲之悽愴於心。今方內無狗吠之警。而使甲卒屯戍。暴露中原。霜漬山谷。邊境之民。爲之早閉晏開。朝不及夕。臣安竊爲陛下重之。不習南方地形者。多以粵爲人衆兵強。能難邊城。

淮南全國之時。多爲邊吏。臣竊聞之。與中國異。限以高山。人迹所絕。車道不通。天地所以隔內外也。雖百粵柰邊城何。又粵人。緜力薄材。不能陸戰。又無車騎。弓弩之用。易口。高宗伐鬼方。三年克之。鬼方小蠻狄。高宗殷之盛。天子也。以盛天子伐小蠻狄。三年而後克。言用兵之不可不重也。書上。天子愧其意。然不能自還。未報也。會漢兵出。未踰嶺。閩越王弟餘善殺王郢以降。兵罷。帝乃令嚴助諭淮南王曰。皇帝問淮南王。使中大夫上書言事。聞之。朕奉先帝休德。夙興夜寐。明不能燭。重以不德。是以比年凶災害衆。以眇眇之身。託王侯之上。內有饑

寒之民南夷相攘使邊騷然不安。朕甚懼焉。今王深惟重慮。明太平以弼朕失。稱三代至盛際。天接地。人迹所及。咸盡賓服。藐然甚慚。嘉王之意。靡有所終。使中大夫助諭朕意。告王越事。助諭意言。閩越暴強。陛下惟萬民安危久遠之計。遣使諭告。令各繼世撫民。禁毋相并。天子誅而不伐。焉有勞百姓苦士卒者乎。有司疑其惑於逆順。不奉明詔。則會稽豫章必有長患。白遣兩將軍屯境上。震威武。揚聲鄉屯。曾未會。天誘其衷。閩王隕命。輒遣使罷屯。毋後農時。南越王願身從使者入謝。病不能勝。遣太子嬰齊入侍。閩國空虛。上符節請所立。不敢自

立待天子之明命。此一舉也不挫一兵之鋒。不用一卒之死。而威震暴王。義存危國。此陛下深計遠慮之所出也。事效見前。故使臣助來諭王意。於是王謝曰。雖湯伐桀。文王伐崇。誠不過此。臣安妄以愚意狂言。陛下不忍加誅。使使者臨詔。臣安以所不聞。臣不勝厚幸。已。帝欲築朔方。丞相公孫弘諫。以爲罷敞中國無益。請罷之。帝使買臣發策。以爲朔方成。足斷匈奴右臂。爲便者十。以難弘。弘知不可奪。皇恐謝。十曾不得一也。山東鄙人誠不知其便。若是願罷西南夷。專事朔方。帝許之。爲罷西南夷。而買臣又爲帝言東粵王故居泉山。險難攻。今聞

乃徙居大澤中。可發兵浮海而禽也。帝卽以買臣爲會稽太守。往治樓船。備糧食水戰具。須詔書下立發。其後天下盜起。相弘言十賊曠弩。百吏不敢前。請禁齊氓毋得挾弓弩。便帝下其議。壽王詰之曰。臣聞古者作五兵。非以相害。以禁暴討邪也。安居則以制猛獸而備非常。有事則以設守衛而施行陣。及至周室衰微。上無明主。諸侯力政。疆侵弱。衆暴寡。海內抗敝。巧詐並生。是以知者陷愚。勇者威怯。苟以得勝爲務。不顧義理。故機變械飾。所以相賊害之具。不可勝數。於是秦兼天下。廢王道。立私議。滅詩書。而曾法令。去仁恩。而任刑戮。墮名城。殺

豪傑銷甲兵折鋒刃其後民以擾鉏耰挺相撻擊犯法
滋衆盜賊不勝至於赭衣塞路群盜滿山卒以亂亡故
聖王務教化而省禁防知其不足恃也今陛下昭明德
建太平舉俊材興學官三公有司或繇窮巷起白屋裂
地而封宰內日化方外鄉風然而盜賊猶有者郡國二
千石之罪非挾弓弩之過也禮曰男子生而桑弧蓬矢
以舉之示有事也孔子曰吾何執執射乎大射之禮自
天子降及庶人三代之道也詩云大侯旣抗弓矢斯張
射夫旣同發獻爾功言貴中也愚聞聖王合射以明教
矣未聞弓矢之爲禁也且所爲禁者爲盜賊以之攻奪

攻奪之罪。死然而不止者。大姦之於重誅。固不避也。臣
恐邪人挾之而吏不能止。良民以自備而抵法禁。是擅
賊威而奪民救也。竊以爲亡益於禁姦而廢先王之典。
使學者不得習行其禮。大不便。弘議遂紉。博士徐偃行
風俗。矯制使膠東魯國鑄鹽鐵。御史大夫湯疾之。劾偃
無上害法罪。死。偃對言春秋之義。大夫出疆。有可以安
社稷存萬民。顓之可也。湯不能難。帝使軍詰之。曰古者
諸侯國異俗。分百里不通。時有聘會之事。安危之勢。呼
吸異變。故有不受辭造命。顓已之宜。春秋王者無外。今
天下爲一。萬里同風。偃巡封域之中。稱出疆何也。且鹽

鐵郡有餘藏。正命二國盡廢。國家不足爲利害。而以安社稷存萬民爲辭。何也。又膠東南近琅琊。北接北海。魯國西枕泰山東海。受其鹽鐵。偃度四郡口數田地。率其用器食鹽。不足以并給二郡耶。將執宜有餘而吏不能也。且偃矯制而鼓鑄者。欲及春耕種。贍民器也。今魯國之鼓當先具。然至秋乃能舉火。此言與實反者。非與偃前已三奏。無詔而直矯作。威福以從民望。干名采譽。此明聖所必誅也。枉尺直尋。孟子種其不可。今所犯罪重。所就者小。偃自予必死而爲之耶。將幸誅不加。欲以采名也。偃窮誅服罪。當是時。天子以工文自憙。文明斷斤。

斤不測也。公卿便文救過。力誦宣王德。唯恐後助壽王。軍相如輩。俱獨嚮上意所欲。爲之辭。從吏之不能強諫也。亦以是得幸。助出爲會稽太守。制詔會稽太守。君厭承明之廬。勞侍從之事。懷故土。出爲郡吏。會稽東接於海。南近諸越。北枕大江。間者濶焉。久不聞問。具以春秋對。毋以蘇秦縱橫。助皇恐上書謝。願奉三歲計。入見。復侍中壽王出爲東郡尉。軍旅數發。年不登。多盜。賜書言予在朕前時。智畧輻輳。以爲天下少雙。海內寡二。及連十餘城之守。任四千石之重。職事竝廢。盜賊縱橫。甚不稱在前時。何也。壽王亦皇恐謝罪。因白狀。仍召入侍中。

初帝得相如所撰子虛賦善之。曰：嗟夫！朕獨不得與此人同時哉。蜀人楊得意爲狗監侍。因曰：臣邑人司馬相如自言爲此賦。帝驚喜。召相如至。問賦信卿所作乎。相如曰：信然。此乃諸侯之事。未足觀。請爲天子遊獵之賦。上之。帝令尚書給筆札。成大善之。又爲大人賦。言帝主僊意。天子大說。飄飄欲凌雲氣游天地之間。後病免。居茂陵。帝念之。謂所忠曰：相如病甚。可亟往從。悉受其書。少緩。後之矣。忠至。相如已死。妻對言長卿時時著書。輒爲人取去。獨未死時。爲一卷書。曰：有使來求書。奏之。其遺札書言封禪事也。帝好文至於此。然所好獨詞人靡。

曼浮誇之文。而相如最工爲之。亦最幸。一時風靡。顧諸
人行多穢。頗爲世所媒。其後助壽王皆坐法誅死。買臣
以告張湯陰事兄殺。軍請使粵。爲粵相呂嘉所殺。惟相
如有消渴病。其仕宦常稱疾閑居。未嘗肯與公卿國家
之事。以得終。相如所爲詞極溫麗。又方盛漢之隆。氣旁
魄稱之。後世尚焉。然已靡。業已爲六朝端。見微者懼焉。
嚴助忌族子。暴殺生孽子也。助最先進。最近幸。臯好嫚
戲。帝以俳優畜之。比東方朔郭舍人。不得比助等。賦受
詔立就。不得比相如。朱買臣。吳人家貧好讀書。不治產。
常艾薪樵。賣以給食。擔東薪行。且誦書。其妻亦負戴相
隨。數止買臣毋誣歌道中。買臣愈益歌。妻羞之。求去。買
臣笑曰。我年五十當富貴。今四十餘矣。女勞苦久待我。
富貴報汝功。妻患曰。如公等餓溝中死耳。何能富貴乎。
買臣不能留。卽聽去。其後買臣獨行歌道中。後數歲隨

上計吏爲卒將重車至長安會邑子嚴助貴幸說買臣薦之召見說春秋稱楚詞帝甚說拜中大夫侍中於是買臣勸伐閩越拜會稽太守乘傳行至會稽故妻夫治道買臣駐車呼後車載其夫妻置太守舍後園給食之妻慙自經死軍少辨博能屬文年十八選爲博士弟子至府受遣太守聞其有異才召見與交結軍揖太守而去步入關關吏與軍繻令還以爲符軍曰大丈夫西游終不復傳還後至長安上書言事武帝異其文拜謁者給事中使行郡國建節東出關關吏識之曰此前素繻生也南越與漢和親軍請使南越說其王入朝比內諸侯且曰願受長纓羈南越王致之闕下帝壯其意許之卒見殺具戎狄志相如蜀成都人也少好讀書擊劍以貴郎事景帝爲武騎常侍其好也以梁孝王好辭賦去遊梁會梁孝王薨相如歸貧無以自業素與臨邛令善乃行如臨邛臨邛令爲謬恭禮事之而臨邛富人卓王孫聞令有貴客爲治具召之而相如有浮行竊卓王孫女夜逃去王孫耻之爲杜門齟舌不出其後旣召見著子虛賦以子虛虛言也爲楚稱烏有先生者烏有此事也爲齊難亡是公者亡是人也欲明天子諸侯之苑囿故虛藉此三人爲辭卒歸之節儉以風爲子虛抑

齊之辭曰。楚使子虛使於齊。齊王悉發車騎與使者出田。田罷。子虛過雉。烏有先生。於是公存焉。坐定。烏有先生問曰。今日田樂乎。子虛曰。樂。獲多乎。曰。少。然則何樂。曰。僕樂王之欲夸僕。以車騎之衆。而僕對以雲夢之事也。曰。可得聞乎。子虛曰。可。王駕車千乘。選徒萬騎。田于海濱。列卒滿澤。罟網彌山。掩菟鱗鹿。射麋格麟。驚於鹽浦。割鮮染輪。射中獲多。矜而自功。顧謂僕曰。楚亦有平原廣澤。遊獵之地。饒樂若此者乎。楚王之獵。孰與寡人。僕下車對曰。臣。楚國之鄙人也。幸得宿衛。十有餘年。時從出遊。遊於後園。覽於有無。然猶未能偏覩也。又烏足以言其外澤乎。齊王曰。雖然。畧以子之所聞見言之。僕對曰。唯唯。臣聞楚有七澤。嘗見其一。未覩其餘也。臣之所見。蓋特其小小者爾。名曰雲夢。於是盛陳雲夢高山大川。及山川之所藏。其鳥有先生。紉楚之辭曰。是何言之過也。足下不遠千里。來况齊國。王悉境内之士。備車騎之衆。與使者出田。乃欲戮力致獲。以娛左右也。何名為夸哉。問楚地之有無者。願聞大國之風烈。先生之餘論也。今足下不稱楚王之德厚。而盛推雲夢為驕奢。言淫樂而顯侈靡。竊為足下不取也。必若所言。固非楚國之美也。有而言之。是章君之惡也。無而言之。是害足下

之信也。章君惡傷私義，二者無一可，而先生行之，必且輕於齊而累於楚矣。於是述齊鉅海琅瑯，成山之罍，之勝，於是公聽然而笑之曰：「楚則失矣，而齊亦未爲得也。」夫使諸侯納貢者，非爲財幣，所以述職也；封疆畫界者，非爲守禦，所以禁淫也。今齊列爲東藩，而外私肅慎，捐國逾限，越海而田，其於義固未可也。且二君之論，不務明君臣之義，正諸侯之禮，徒事爭於游戲之樂，苑囿之大，欲以奢侈相勝，荒淫相越，此不可以揚名發譽，而適足以貶君自損也。且夫齊楚之事，又烏足道乎？君未覩夫巨麗也，於是陳天子上林、左蒼梧、右西極、丹水、北紫淵、南之勝，天子周覽，汎觀下及，息游之事已。乃言天子茫然而思，似若有亡，曰：「嗟乎！此大奢侈，朕以覽聽餘間，無事棄日，順天道以殺伐，時休息於此，恐後世靡麗，遂往而不返，非所以爲繼嗣創業垂統也。」於是乃解酒罷獵，而命有司曰：「地可墾辟，悉爲農郊，以贈氓隸，墮牆填塹，使山澤之民得至焉，實陂池而勿禁，虛宮館而勿狃，發倉廩以救貧民，補不足，恤鰥寡，存孤獨，出德號，省刑罰，改制度，易服色，革正朔，與天下爲始。」於是歷吉日，以齊戒，襲朝服，乘法駕，建華旗，鳴玉鸞，游于六藝之園，馳騫仁義之塗，覽觀春秋之林，射狸狌，兼騶虞，弋玄鶴，舞

于戚戴雲罕掩羣推悲伐擅樂樂胥脩容乎禮罔翺翔
乎書圖述易道放怪獸登明堂坐清廟恣羣臣奏得失
四海之內靡不受獲於斯之時天下大說鄉風而聽隨
流而化岌然興道而遷義刑錯而不用德隆於三皇功
羨於五帝若此故獵乃可喜也若夫終日馳騁勞神苦
形罷車馬之用抗士卒之精費府庫之財而無德厚之
恩務在獨樂不顧衆庶忘國家之政貧雉兔之獲則仁
者不繇也從此觀之齊楚之事豈不哀哉地方不過千
里而園居九百是草木不得墾辟而民無所食也夫以
諸侯之細而樂萬乘之所侈僕恐百姓被其尤也於是
二子愀然改容超若自失逡巡避席曰鄙人固陋不知
忌諱乃今日見教謹受命矣賦奏天子以爲郎於是公
言上林廣大山谷永泉萬物及子虛陳雲夢所有甚衆
侈靡多過其實且非義理所止故刪取其要歸正道而
論之相如爲郎數歲會唐蒙通夜郎爕中發巴蜀吏卒
十人郡又多爲發轉漕萬餘人用軍興法誅其渠率巴
蜀民大驚恐帝遣相如責唐蒙等因告諭巴蜀民還報
時邛笮之君長聞南夷與漢通得賞賜多欲願爲內臣
帝問相如相如曰邛笮冉駹近蜀道易通異時豈通爲
郡縣矣今復通爲置縣愈於南夷帝乃拜相如爲中郎

將馳四乘之傳建節往使因巴蜀幣物以賂西南夷至
蜀太守以下郊迎縣令負弩矢先驅蜀人以爲寵於是
卓王孫臨卭諸公皆因門下獻牛酒以交驩卓王孫喟
然嘆自以得使女尚司馬長卿晚乃厚分與女財與男
等相如畧定西南夷通靈山橋孫水以通卬作邊關益
斥還報天子大說時蜀長老多言通西南夷之不爲用
大臣亦以爲然相如乃著書藉蜀父老爲辭而已詰難
之宣其使指辭曰漢興七十有八載德茂存乎六世威
武紛云湛恩汪濊羣生霑濡洋溢乎方外於是命使西
征隨流而攘風之所被罔不披靡因朝冉從驍定存存
邛畧斯榆舉苞蒲結軌還轅東鄉將報至于蜀都耆老
大夫搢紳先生之徒二十有七人儼然造焉辭畢進曰
蓋聞天子之於夷狄也其義羈縻勿絕而已今罷三郡
之士通夜郎之塗三年於茲而功不竟士卒勞倦萬民
不贍今又接之以西夷百姓力屈恐不能卒業此亦使
者之累也竊爲左右患之且夫邛作西襲之與中國金
也歷年茲多不可記已仁者不以德來強者不以力并
意者殆不可乎今割齊民以附夷狄弊所恃以事無用
鄙人固陋不識所謂使者曰烏謂此乎必若所云則是
蜀不變服而巴不化俗也僕尚惡聞然斯事體大固非

觀者之所覲也。余之行急其詳不可得聞。已請爲大夫。粗陳其畧。蓋世必有非常之人。然後有非常之事。有非常之事。然後有非常之功。非常者。固常人之所異也。故曰。非常之元。黎民懼焉。及臻厥成。天下晏如也。昔者洪水沸出。汜濫衍溢。民人升降。移徙。峭嶇而不安。夏后氏戚之。乃堙洪原。決江疏河。灑沈滄災。東歸之於海。而天下永寧。當斯之勤。豈惟民哉。心煩於慮。而身親其勞。躬餓。胼胝無胈。膚不生毛。故休烈顯乎無窮。聲稱浹乎于茲。且夫賢君之踐位也。豈特委瑣握籙。拘文牽俗。循誦習傳。當世取說云爾哉。必將崇論宏議。創業垂統。爲萬世規。故馳騫乎兼容。弁包而勤思乎參天。貳地。且詩不云乎。曾天之下。莫非王土。率土之濱。莫非王臣。以是六合之內。八方之外。浸淫衍溢。懷生之物。有不浸潤於澤者。賢君耻之。今封疆之內。冠帶之倫。咸獲嘉祉。靡有闕遺矣。而夷狄殊俗之國。遼絕異黨之域。舟車不通。人迹罕至。政教未加。流風猶微。內之則犯義侵禮。於邊境。外之則邪行橫作。放殺其上。君臣易位。尊卑失序。父兄不辜。幼孤爲奴虜。係紱號泣。內鄉而怨。曰。蓋聞中國有至仁焉。德澤恩膏。物靡不得其所。今獨曷爲遺已。舉踵思慕。若枯旱之望雨。蠶夫爲之垂涕。况乎上聖。又烏能已。

故止出師以討強胡、南馳使以誚勁越、四面風德、二方
之召、鱗集仰流、願得受號者、以億計、故乃關津若、微將
桐、鏤靈山、梁孫原、創道德之塗、垂仁義之統、將博恩廣
施、遠撫長駕、使疏逃不閉、胥爽闇昧、得耀乎光明、以脩
甲兵於此、而息討伐於彼、遐邇一體、中外禔福、不亦康
乎、大拯民於沈溺、奉至尊之休德、反衰世之陵夷、繼周
氏之絕業、天子之急務也、百姓雖勞、又烏可已哉、且夫
王者固未有不始於憂勤、而終於佚樂者也、然則受命
之符、合在於此、方將增泰山之封、加梁父之事、鳴和鸞
揚樂頌、上咸五、下登三、觀者未覩、指聽者未聞、音猶焦
明、已翔乎寥廓、而羅者猶視乎藪澤、悲夫、於是諸大夫
茫然咨其所懷、來失歛、所以進、喟然並稱曰、允哉漢德、
此鄙人之所願聞也、百姓雖勞、請以身先之、敝罔靡徙、
遷延而辭避、其後人有上書言相如使時受金者、以失
官、歲餘復召、從獵長楊、天子好自擊能豕、馳逐埜獸、相
如諫曰、臣聞物有同類而殊能者、故力稱烏獲、捷言慶
忌、勇期賁育、臣竊以爲人、誠有之、獸亦宜然、今陛下好
陵阻險、射猛獸、率然遇逸材之獸、駭不存之地、犯屬車
之清塵、興不及還轅、人不暇施巧、雖有烏獲逢蒙之技、
不得用、枯木朽株、盡爲難矣、是胡越起於轂下、而羗夷

核軫也。豈不殆哉。雖萬全無患。然本非天子之所宜近也。且夫清道而後行。中路而馳。猶時有銜橐之變。况乎涉豐草。騁丘虛。前有利獸之樂。內無存變之意。其爲害也不難矣。夫輕萬乘之重。不以爲安樂。出萬有一危之塗。以爲娛。臣竊爲陛下不敢也。蓋明者遠見於未萌。而知者避危於無形。禍固多藏於隱微。而發於人之所忽也。鄙諺曰。家索千金。坐不垂堂。此言雖小。可以諭大。帝舍之。還過宜春宮。相如奏賦。哀二世操行不得。信讒不寤。而宗廟滅絕也。賦以風。帝旣美子虛之文。而好僊。相如因曰。上林之異。未足美也。尚有靡者。奏賦言仙事。以爲山澤之臞。得僊苦甚。雖濟萬世。不足以喜也。本屈原遠遊言。世有大人。在乎中州。宅彌萬里。曾不足以少留。輕舉而遠遊。絕少陽。登大陰。反大壺。從陵陽。徧覽八紘。而觀四海。無友而獨存。故天子大說。相如口吃而善著書。又善病。拜文。

是時淮南王安辨達。善屬文。文帝時。詔

撰騷賦。旦受詔。旦食時。立就。文帝其重之。武帝好詞。尤


尊寵褒借。於是安招致賓客。蘇飛。李尚。雷被。伍被。儒生。

大山小山之徒。著淮南鴻烈內外篇。其事辭倣呂不韋
春秋。雜取莊列鄧析慎子。若山海經成書。而原本老莊
旨。雜乎雜。而體氣磅礴如一家。言近賢。以爲必安所手
裁信也。宋人以爲是書全取文子而分析其言。豈其然
乎。文子僞書。裂鴻烈成文爾。其外篇言神仙黃白之事。
幾長生。言長生者。今誦推之。乃卒以反誅。楊子雲謂淮
南說之用。不如太史公之用諒矣。

函史上編卷之二十四終

其言也家人以爲是書全取文子而公補其言豈其然
言辭千端而雖原其辭必一案言或贊以爲文安兩手
其辭雖原其辭必一案言或贊以爲文安兩手
入山小山之并音新南新然內伏蘇其事猶嫌已不單





DS
735
.A2
T4
v.18
國史上編卷之二十五

明肝郡鄧元錫纂

西漢文學傳二

太史公遷司馬氏。字子長。其先周太史之後也。父談。事武帝爲太史。太史談學天官於唐都。受易於楊何。習道論於黃子。仕於建元。元封之間。愍學者不達其意而師諄。乃論六家之要。指曰。易太傳曰。天下一致而百慮同。歸而殊塗。夫陰陽。儒墨名法道德。此務爲治者也。直所從言之異路。有省不省耳。嘗竊觀陰陽之術。大詳而衆忌諱。使人拘而多畏。然其序四時之大順。不可失也。儒

者博而寡要。勞而少功。是以其事難盡從。然其序君臣
父子之禮。列夫婦長幼之別。不可易也。墨者儉而難遵。
是以其事難徧循。然其疆本節用。不可廢也。法家嚴而
少恩。然其正君臣上下之分。不可改矣。名家使人儉而
善失真。然其正名實。不可不察也。道家使人精神專一。
動合無形。瞻足萬物。其爲術也。因陰陽之大順。采儒墨
之善。撮名法之要。與時遷移。應物變化。立俗施事。無所
不宜。指約而易操。事少而功多。儒者則不然。以爲人主
天下之儀表也。主倡而臣和。主先而臣隨。如此則主勞
而臣逸。至於大道之要。去健羨。釋此而任術。夫神太用

則竭。形太勞則敝。形神騷動。欲與天地長久。非所聞也。

夫陰陽四時八位。

卦位

十二度二十四節。各有教令。順之

者昌。逆之者不_レ死則_レ亡。未_レ必然也。故曰。使人徇而多畏。夫春生夏長秋收冬藏。此天道之大經也。弗順則無以爲天下紀綱。故曰。四時之大順不可失也。夫儒者六藝經傳以千萬數。累世不能通其學。當年不能究其禮。故曰。博而寡要。勞而少功。若夫列君臣父子之禮。序夫婦長幼之別。雖百家弗能易也。墨者亦尚堯舜道。言其德行。曰。堂高三尺。土階三等。茅茨不剪。采椽不刮。食土簋。啜土刑。櫛梁之食。藜藿之羹。夏日葛衣。冬日鹿裘。其送

死。桐棺三寸。舉音不盡其哀。必以此爲萬民之率。爲天下法。若此。則尊卑無別也。夫世異時移。事業不必同。故曰。儉而難遵。要曰。疆本節用。則人給家足之道也。此墨子之所長。百家弗能廢也。法家不別親疎。不殊貴賤。一斷於法。則親親尊尊之恩絕矣。可以行一時之計。而不可長用也。故曰。嚴而少恩。若尊主卑臣。明分職。不得相踰越。雖百家弗能改也。名家苛察繳繞。使人不得反其意。專決於名而失人情。故曰。使人儉而善失真。若夫控名責實。參伍不失。此不可不察也。道家無爲。又曰。無不爲。其實易行。其辭難知。其術以虛無爲本。以因循爲用。

無成勢。無常形。故能究萬物之情。不爲物先。不爲物後。故能爲萬物主。有法無法。因時爲榮。有度無度。因物與合。故曰。聖人不朽。時變是守。虛者道之常也。因者君之綱也。群臣並至。使各自明也。其實中其聲者。謂之端。實不中其聲者。謂之窾。窾言不聽。姦乃不生。賢不肖自分。黑白乃形。在所欲用爾。何事不成。乃合大道。混混冥冥。光耀天下。復反無名。凡人所生者。神也。所託者。形也。神太用則竭。形太勞則敝。形神離則死。死者不可復生。離者不可復反。故聖人重之。繇是觀之。神者生之本也。形者生之具也。不先定其形神。而曰我有以治天下。何繇。

哉。太史談既掌天官，不治民。有子曰遷，生於龍門，耕牧河山之陽。年十歲，則誦古文。二十而好儒學。南遊江淮，上會稽，探禹穴，窺九疑，浮沅湘，北涉汶泗，講業齊魯之都。觀夫子遺風，鄉射鄒嶧，厄困鄒薛彭城，過梁楚以歸。蓋其學也已。乃仕爲郎中，奉使西征巴蜀，以南。南畧邛笮昆明，還報命。是歲，天子方建漢家之封，而史談留滯周南，不得從，病且卒。而子遷適反，見父於河雒之間。太史公執遷手而泣曰：「予先周室之太史也。自上世嘗顯功名於虞夏，興天官事。後世中衰，絕於予乎？女復爲太史，則續吾祖矣。且告之以史記之事。」曰：「自周衰，王道缺。」

禮樂衰。孔子修舊起廢。論詩書作春秋。學者至今則之。
自獲麟以來。四百有餘歲。而諸侯相兼。史記放絕。今漢
興。海內一統。明主賢君。忠臣死義之士。予爲太史而不
論載。廢天下之文。予甚懼焉。予死。女必爲太史。爲太史。
則毋忘吾所欲論著矣。遷俯首流涕曰。小子不敏。請悉
論先人所次舊聞。不敢闕。談卒三歲。而遷爲太史令。紬
石室金匱之書。五年。而當十一月甲子朔旦冬至。天歷
始改建於明堂。諸神受紀。太史公曰。先人有言。周公沒
五百歲。而有孔子。孔子至於今五百歲。有能紹而明之。
正易傳。繼春秋。本詩書禮樂之際。意在斯乎。意在斯乎。

小子何敢讓焉。上大夫壺遂曰：昔孔子何爲而作春秋哉？太史公曰：余聞董生曰：周道衰廢，孔子爲魯司寇，諸侯害之，大夫壅之，孔子知言之不用，道之不行也，是非二百四十二年之事，以爲天下儀表，貶天子，退諸侯，討大夫，以達王事而已矣。子曰：我欲載之空言，不如見之於行事，深切著明也。夫春秋上明三王之道，下辯人事之紀，別嫌疑，明是非，定猶豫，善善惡惡，賢賢賤不肖，存亡國，繼絕世，禘弊起廢，王道之大者也。易著天地陰陽四時五行，故長於變禮；經紀人倫，故長於行書；記先王之事，故長於政。詩紀山川，谿谷禽獸草木牝牡雌雄，故

長於風樂。樂所以立。故長於和。春秋辯是非。故長於治人。是故。禮以節人。樂以發和。書以道事。詩以達意。易以道化。春秋以道義。撥亂世反之正。莫近於春秋。春秋文成數萬。其指數千。萬物之聚散。皆在春秋。春秋之中。弑君三十六。亡國五十二。諸侯奔走不得保其社稷者。不可勝數。察其所以。皆失其本已。故易曰。失之毫釐。差以千里。故曰。臣弑君。子弑父。非一旦一夕之故也。其漸久矣。故有國者。不可以不知春秋。前有讒而弗見。後有賊而不知。爲人臣者。不可以不知春秋。守經事而不知其宜。遭變事而不知其權。爲人君父而不通於春秋之義。

者。必蒙首惡之名。爲人臣子而不通於春秋之義者。必陷篡弑之誅。死罪之名。其實皆以爲善。爲之不知其義。被之空言而不敢辭。夫不通禮義之旨。至於君不君。臣不臣。父不父。子不子。夫君不君則犯。臣不臣則誅。父不父則無道。子不子則不孝。此四行者。天下之大過也。以天下之大過。予之。則受而弗敢辭。故春秋者。禮義之大宗也。夫禮。禁未然之前。法。施已然之後。法之所爲用者。易見。而禮之所爲禁者。難知。壺遂曰。孔子之時。上無明君。下不得任用。故作春秋。垂空文以斷禮義。寓一王之法。今夫子上遇明天子。下得守職。萬事旣具。咸各序其

宜。夫子所論。欲以何明。太史公曰。唯唯。否否。不然。余聞之先人曰。伏羲至純厚。作易八卦。堯舜之盛。尚書載之。禮樂作焉。湯武之隆。詩人歌之。春秋采善貶惡。推三代之德。褒周室。非獨刺譏而已也。漢興以來。至明天子。獲符瑞。封禪。改正朔。易服色。受命於穆清。澤流罔極。海外殊俗。重譯款塞。請來獻見者。不可勝道。臣下百官。力誦聖德。猶不能宣盡其意。且士賢能而不用。有國者之耻也。主上明聖而德不布聞。有司之過也。且余嘗掌其官。廢明聖盛德。不載。滅功臣世家賢大夫之業。不述。墮先人所言。罪莫大焉。余所謂述故事。整齊其世傳。非所謂

作也。而君比之春秋。謬矣。於是論次其文。

漢人質學。各有所從入。卽

父子異同。不諱。觀談遷向歆可見。史談受道論黃子。故大家要指宗道。而史遷宗春秋。論者以先黃老。後六經。皆遷。非其質矣。

七年。而遭李陵之禍。李陵者。隴西人。將軍廣子。

也以騎都尉從貳師將軍廣利。將步卒五千人。出塞擊

匈奴。當單于。戰疾力。多斬虜。力不敵。因敗。爲單于所得。

天子怒其不死。欲甘心以明威。會遷見召。問陵事。遷於

陵無素。然獨內竒其爲人。因爲言陵自竒士。事親孝。與

士信。臨財廉。分別有讓。常思奮不顧身。徇國家之急。古

名將不過也。身雖陷敗。觀其意。似欲得當以報漢。且其

所摧敗。亦足暴於天下。天子以爲遷意欲沮貳師。爲李

陵遊說怒逮於理。下蠶室腐刑不死。乃喟然嘆曰。是予之臯也。夫是予之臯也。夫身虧不用矣。退而深惟曰。大詩書隱約者。欲以遂其志之思也。古富貴而名磨滅者。不可勝紀。惟侗儻非常之人稱焉。蓋文王拘而演周易。仲尼厄而作春秋。屈原放逐。乃賦離騷。左丘失明。厥有國語。孫子臠腳。兵法修列。不韋遷蜀。世傳呂覽。韓非囚秦。說難孤憤。詩三百篇。大抵多賢聖發憤之所作也。此其人。皆意有所鬱結。不得通其道。故述往事思來者。遷既被刑之後。爲中書令。尊寵任職。故人益州刺史任安。與書責以順於接物。推賢進士爲務。遷喟然歎曰。刑餘之人。無所比數。所從來達矣。昔衛靈公與雍渠同載。孔子適陳。商鞅因景監見。趙良寒心。同子參乘。袁絲變色。今

朝廷雖乏人，奈何令刀鋸之餘，薦天下豪俊哉？嚮僕常
廁下大夫之列，陪外廷末議，不以此時引綱維，盡思慮，
今已虧形爲掃除之隸，在闕冗之中，乃欲仰首伸眉，論
列是非，不亦辱朝廷，羞當世之士邪？於是網羅天下，放
失舊文，本王迹所興，原始察終，見盛觀衰，畧推三代，錄
秦漢，上記軒轅，下至茲今，作十二本紀，並時異世，年差
不明，作十表，禮樂損益，律歷改易，兵權山川，鬼神天人之
際，承敝通變，作八書，二十八宿環北辰，三十輻共一轂，
運行無窮，輔弼股肱之臣，配曆，忠信行道，以奉主上，作
三十世家，扶義俶儻，不令已失時，立功名於天下，作七十
列傳，凡百三十篇，協六經異傳，齊百家雜語，藏之名山，副
在京師，以俟後聖君子，而十篇缺有

目無書其本紀本尚書古文譜謀禮五帝問作五帝紀。
本禹貢作夏紀本商周頌次契稷之事自成湯以來訖
于周采之詩書作殷周本紀本孔子行夏時乘殷輅爲
百王大法具著之贊中禹爲姒姓契爲子姓周自后稷
爲姬姓其後分封各用國爲氏二代茲茲不絕周爲盛
最夥至不可殫計也秦之先伯益嘗有助唐虞之際受
土爲嬴姓夏殷之間微散至周衰邑於西垂穆公以來
稍蠶食諸侯竟成始皇始皇自以爲功過五帝地廣三
王而羞與之侔具次賈生所推言於贊中歎之曰而秦
竟滅矣蓋仁暴之效如此秦失其政豪傑並起項羽非

有尺寸乘勢起壠畝之中。二年遂將五諸侯滅秦。分裂天下而封王侯。政繇已出。號稱霸王。位雖不終。近古以來。未嘗有也。作項羽紀。高祖剋秦。冠冕漢代。王事之統體繫焉。其紀贊曰。夏之政忠。忠之敝。小人以野。故殷人承之以敬。敬之敝。小人以鬼。故周人承之以文。文之敝。小人以僇。枚僇莫若以忠。三王之道。若循環。終而復始。周秦之間。可謂文敝矣。秦政不改。反酷刑法。豈不謬乎。故漢承敝。易變得天統矣。高祖崩。孝惠早薨。呂后專國。崇疆外家。祿產並王。漢幾殆。作孝惠皇帝呂后本紀。明帝統而標天下。始平。明天人所屬心。其贊曰。孝惠皇帝。

高后之時。黎民得離戰國之苦。君臣俱欲休息乎無爲。故惠帝垂拱。高后女主稱制。政不出房戶。天下晏然。刑罰罕用。罪人是稀。民務稼穡。衣食滋殖。其文景紀贊曰。孔子言必世然後仁。善人之治國百年。亦可以勝殘去殺。誠哉是言。漢興至孝文。施大德。天下懷安。廩廩鄉正。服封禪矣。終謙讓未成。于今豈非仁哉。至孝景不復憂異姓。而晁錯刻削諸侯。遂使七國俱起。令從而西鄉。以諸侯大盛而錯爲之。不以漸也。及主父偃言之。諸侯以弱卒以安。安危之機。豈不以謀哉。紀十二目。今上本紀而無其文。其十表。三代有世表。十二諸侯有年表。秦楚

之際有月表。其序三代世表曰。昔五帝三代之記尚矣。自殷以前。諸侯不可得而譜。周以來。乃頗可著。孔子因史文。次春秋紀元年。正時月日。蓋其詳哉。至序尚書。則畧無年月。或頗有。然多闕不可錄。故疑則傳疑。蓋其慎也。余讀諫記。黃帝以來。皆有年數。稽其歷譜。諫終始五德之傳。古文咸不同。乖異。夫子之弗論。次其年月。豈虛哉。其表世表年若月。慎若許。準於此。其表十二諸侯。具春秋大端。曰。周道缺。厲王以惡聞其過。公卿懼誅而禍作。王流于彘。而共和行政焉。是後力政。疆乘弱。興師不請天子。挾王室之義。以討伐爲會盟主。政繇五伯。諸侯

恣行淫侈不軌篡臣賊子滋起矣齊晉秦楚其在成周
微甚或封百里或五十里晉阻三河齊負東海楚介江

淮秦因雍州之固

乘勢

四國迭興更爲霸王文武所褒大

封皆威而服焉

春秋大勢

孔子西觀周室論史記舊聞興於

魯而次春秋上記隱下至哀之獲麟約其辭文去其煩

重以制義法王道備人事淡

春秋大義

七十子之徒口受其

傳指爲有所刺譏褒諱挹損之文辭不可以書見也魯

君子左丘明懼弟子人人異端各安其意失其真故因

孔子史記具論其成語爲左氏春秋

左傳大旨

自是儒者馳

說者歷人譜牒各往往摭撫春秋之文以著書不可紀

也。欲一觀諸要難。於是譜十二諸侯。自其和訖孔子表見春秋國語所譏盛衰大指于篇。爲成學治古文者要刪焉。其六國表叙曰。太史公讀秦記。至大戎敗幽王。周東徙洛邑。秦襄公始封爲諸侯。作西時。用事上帝。僭端見矣。禮曰。天子祭天地。諸侯祭其域內名山大川。今秦雜戎翟之俗。先暴戾。後仁義。位在藩臣。而臚於郊祀。君子懼焉。及文公踰隴。攘夷狄。營岐雍之間。而穆公修政。東竟至河。則與齊桓晉文中國侯伯侔矣。是後陪臣執政。大夫世祿。六卿擅晉權。征伐會盟。威重於諸侯。及田常弑簡公而相齊國。諸侯晏然弗討。海內爭於戰攻矣。

三國終之。卒分晉田。和亦滅齊而有之。六國之盛自此始。務在疆兵。并敵謀詐。用而從衡。短長之說起。矯稱蠶出。誓盟不信。雖置質剖符。猶不能約束也。秦始小國僻遠。諸夏賓之。比於戎翟。至獻公之後。常雄諸侯。論秦之德義。不如魯衛之暴戾者。量秦之兵。不如三晉之彊也。然卒并天下。非必險固便形勢利也。蓋若天所助焉。或曰。東方物所始生。西方物之成熟。夫始大事者。必於東南。收功實者。常於西北。故禹興於西羌。湯起于亳。周之王也。以豐鎬伐殷。秦之帝用雍州。漢之興自蜀漢。秦旣得意。燒天下詩書。諸侯史記尤甚。爲其有所譏刺也。詩

書所以復見者多藏人家。而史記獨藏周室。以故滅惜哉。惜哉。獨有秦記。又不載日月。其文畧不具。然戰國權變。亦有頗可采者。何必上古。秦恥天下多暴。然世異變。成功大。傳曰。法後王。何也。以其近已。而俗變相類。議卑而易行也。學者牽於所聞見。秦在帝位日淺。不察其終始。因舉而笑之。不敢道。此與以耳食何異。悲夫。於是因秦記踵春秋之後。起周元王表。六國時事訖二世。凡二百七十年。著諸所聞興壞之端。後有君子。以覽觀焉。其敘秦楚月表曰。太史公讀秦楚之際。曰。初作難。發於陳涉。虐矣。滅秦。自項氏發亂。誅暴。平定海內。卒錢帝祚。成

於漢家五年之間號令三擅。自生民以來未始有受命
若斯之亟也。昔虞夏之興。積善累功數十年。德洽百姓。
攝行政事考之于天。然後在位。湯武之王。乃黜桀。后稷
修仁行義十餘世。不期而會孟津。八百諸侯。猶以爲未
可。其後乃放桀。德秦起襄公。章於文繆。獻孝之後。稍以
蠶食六國。百有餘載。至始皇。乃能并冠帶之倫。力以德
若彼。用力如此。蓋一統若斯之難也。封建故安
靜常久秦既稱
帝。患兵革不休。以有諸侯也。於是無尺土之封。墮壤名
城。銷鋒鏑。鉏豪傑。維萬世之安然。王跡之興起於閭巷。
合從討伐。軼於三代。鄉秦之禁。適足以資賢者。爲驅除。

難耳。故憤發其所爲天下雄。安在無上不王。

郡縣故易動難安。

此乃傳之所謂大聖乎。

人。

豈非天哉。豈非天哉。

天。

非大

聖孰能當此受命而帝者乎。

天人合。

漢興鑒周尾大。秦孤

立之禍。立侯王以制六合。而興廢已亟。世升降之大會

也。具表其終始。諸侯王年表敘曰。殷以前尚矣。周封五

等公。侯伯子男。然封伯禽康叔於魯衛。地各四百里。親

親之義。褒有德也。太公於齊。無五侯地。尊勤勞也。武王

成康所封數百。而同姓五十五。地。上不過百里。下三十

里。以輔衛王室。管蔡康叔曹鄭。或過或損。厲幽之後。王

室缺。侯伯疆國興焉。天子微。弗能正。非德不純。形執弱

也。周失漢興序二等高祖末年非劉氏而王者若無功

之弱

上所不置而侯者。天下莫誅之。高祖子弟同姓爲王者九國。唯獨長沙異姓。而功臣侯者百有餘人。自鴈門大原以東至遼陽。爲燕代國。常山以南太行左轉度河濟。阿甄以東薄海爲齊趙國。自陳以西南至九疑東帶江淮。穀泗薄會稽爲梁楚吳淮南長沙國。皆外接於胡越。而內地北距山以東盡諸侯地。大者或五六郡。連城數十。置百官宮觀。僭於天子。漢獨有三河東郡潁川南陽。自江陵以西至蜀北自雲中至隴西與內史凡十五郡。而公主列侯頗食邑。其中何者。天下初定。骨肉同姓少。

故廣疆庶孽以鎮撫四海用承衛天子也漢定百年之
間親屬益疎諸侯或驕奢怵邪臣計謀爲淫亂六者叛
逆小者不軌于法以危其命殞身亾國天子觀於上古
然後加惠使諸侯得推恩分子弟國邑故齊分爲七趙
分爲六梁分爲五淮南分三及天子支庶子爲王王支
庶子爲侯百有餘焉吳楚時前後諸侯或以適削地是
以燕代無北邊郡吳淮南長沙無南邊郡齊趙梁楚支
郡名山陂海咸納於漢諸侯稍微大國不過十餘城小
侯不過數十里上足以奉貢職下足以僕養祭祀以蕃
輔京師而漢郡八九十形錯諸侯間犬牙相臨乘其阨

塞地利疆本幹弱枝葉之勢也尊卑明而萬事各得其
所矣。臣遷謹記高祖以來至太初諸侯譜其下益損之
時。今後世得覽形勢雖疆要之以仁義為本。二語結萬
鈞既知天
下形勢異拘儒瞽生終歸本仁其異姓侯年表敘曰古
義引君當道於權謀家殊指矣。者人臣功有五品以德立宗廟定社稷曰勲以言曰勞
用力曰功明其等曰伐積日曰閔封爵之誓曰使河如
帶泰山如厲國以永寧爰及苗裔始末嘗不欲固其根
本而枝葉稍陵夷衰微也。余讀高祖侯功臣察其首封
所以失之者曰異哉所聞。與古書曰協和萬國遷于夏商。
或數千歲蓋周封八百幽厲之後見於春秋尚書有唐

虞之侯伯。歷三代千有餘載。自全以蕃衛天子。豈非篤

於仁義。奉上法哉。起後漢興功臣受封者百有餘人。天下

初定。故大城名都散亡。戶口可得而數者十二三。是以

大侯不過萬家。小者五六百戶。後數世。民咸歸鄉里。戶

益息。蕭曹絳灌之屬。或至四萬。小侯自倍。富厚如之子

孫。驕溢忘其先。淫嬖至太初。百年之間。見侯五餘。皆坐

法。墮命亡國。耗矣罔法。亦少密焉。風君然皆身無兢兢

於當世之禁云。臣居今之世。志古之道。所以自鏡也。豈

必盡同帝王者。各殊禮而異務。要以成功爲統紀。豈可

親乎觀。所以得尊寵。及所以廢辱。亦當世得失之林也。

何必舊聞。於是謹其終始表見其文。頗有所不盡。本末者闕之。後有君子欲推而列之。得以覽焉。惠景間侯者表敘曰。太史公讀列封至便侯。曰有以也夫。長沙王者著令甲。稱其忠焉。昔高祖定天下。功臣非同姓。疆土而王者八國。至孝惠時。唯獨長沙全。傳五世以無嗣絕。竟無過爲藩守職信矣。故其澤流枝庶。無功而侯者數人。及孝惠訖。孝景間五十載。追修高祖時遺功。及從代來。吳楚之勞。諸侯子弟若肺腑。外國歸義。封者九十有餘。咸表始終。當世仁義成功之著者也。建元侯者表敘曰。匈奴絕和親。攻當路塞。閩越擅伐。東甌請降。二夷交侵。

當盛漢之隆。以此知功臣受封。侔於祖考矣。何者。自詩
書稱三代。戎狄是膺。荆舒是懲。齊桓越燕。伐山戎。武靈
王以區區趙服單于。秦繆用百里霸西戎。吳楚之君。以
諸侯役百越。况乃中國一統。明天子在上。兼文武。席卷
四海。內輯億萬之衆。豈以晏然不爲邊境征伐哉。自是
後。遂出師北討強胡。南誅勁越。將卒以次封矣。沉其建

元來王子侯者表。制詔御史。諸侯王。或欲推私恩。分子
弟邑者。令各條上。朕且臨定其號名。太史公曰。盛哉天
子之德。一人有慶。天下賴之。簡蓋天下大勢備於表。而

漢興。將相名臣分大事。記相位。將位。御史大夫位表焉。

其八書禮樂律曆。天官封禪河渠。平準也。蓋是時天子
北攘戎狄。南開百粵。內修法度。且戰且學仙。而海內抗
敝。法嚴令峻。天下困於興利之臣。又明威不測。不可以
莊正強諫說也。於是標今上本紀。沒其文。而見意於八
書。以爲救弊承變。莫先於禮。酌滿損飽。莫大於樂。作禮
書樂書。以爲非兵不疆。非德不昌。兵一也。黃帝湯武以
興。桀紂二世以亾。則窮兵四夷之不可煩也。以律於兵
通不著。其著之律風焉。作律書。以爲律。居陰治陽。歷居
陽治陰。律歷更相治。間不容翺忽。翺四廷
匹沼反五家之文。佛
異維太初之元論。作歷書。星氣之書。多譏祥不經。推文。

考應倫於行事。驗之軌度。可無懼哉。作天官書。受命而王。神祇萬靈。胸不禋祀。末爲怪迂。何神之得交。作封禪書。惟禹浚川。九州攸寧。爰及宣房。天子負薪。作河渠書。維幣之行。以通農商。其極則巧玩并兼。爭殖於機利。邦本傷焉。憂事變所極。作平準書。其禮書畧。太史公曰。泮泮炙德乎。宰制萬物。役使群衆。豈人力也哉。天性余至大行禮官。觀三代損益。乃知緣人情而制禮。依人性而作儀。其所繇來尚矣。人道經緯萬端。規矩無所不貫。人體安駕乘。爲之金輿錯衡。以繁其飾。日好五色。爲之黼黻文章。以表其能。耳樂鐘磬。爲之調諧八音。以蕩其心。口

其五味爲之庶羞酸醎以致其美情好珍善爲之琢磨

圭璧以通其意

因人情然易流

故大路越席皮弁布裳朱紱洞

越大羹玄酒所以防其淫侈救其彫敝

禮意

是以君臣朝

廷尊卑貴賤之序下及黎庶車輿衣服宮室飲食嫁娶

喪祭之分事有宜適物有節文周衰禮廢大小相踰管

仲之家兼備三歸循法守正者見侮於世奢濫僭差者

謂之顯榮自子夏門人之高才也猶云出見紛華盛麗

而說入聞夫子之道而樂二者心戰未能自決而況中

庸以下漸漬於失教被服於成俗乎孔子曰必也正名

所居不合仲尼沒後受業之徒沈湮而不舉或適齊楚

或入河海。豈不痛哉。至秦有天下。悉內六國禮儀。采其
善。雖不合聖制。其尊君抑臣。朝廷濟濟。依古以來。至于
高祖。光有四海。叔孫通頗有所增益。減損。自天子稱
下。至佐僚及宮室宮名。大抵皆襲秦故。孝文謙讓。至武
帝。乃以太初之元。改正朔。易服色。封泰山。定宗廟。百官
之儀。成一代之制。而是非臣子所得而議也。則引禮家
論古制禮之本意者著之。其言曰。至矣哉。立隆以爲極。
而天下莫之能損益也。禮始於稅。成於文。終於稅。至備
情文俱盡。其次情文代勝。其既復情以歸太一本末相
順。終始相應。至文有以辯。至察有以說。天下從之者。治

不從者亂。從之者安。不從者危。小人不能則也。禮之貌誠深矣。堅白同異之察入焉而弱。其貌誠大矣。擅作典制褊陋之說入焉而望。其貌誠高矣。暴慢恣睢輕俗爲高之屬入焉而墜。故繩誠陳則不可欺以曲直。衡誠縣則不可欺以輕重。規矩誠錯則不可欺以方圓。君子審禮則不可欺以詐僞。故繩者直之至也。衡者平之至也。規矩者方圓之至也。禮者人道之極也。然而不法禮不足禮。謂之無方之民。法禮足禮。謂之有方之士。禮之中能思索。謂之能慮。能慮勿易。謂之能固。能固加好之焉。聖矣。天者高之極也。地者下之極也。日月者明之

極也。無窮者廣大之極也。聖人者道之極也。禮以財物
爲用。以貴賤爲文。以多少爲異。以隆殺爲要。文貌繁情
欲省。禮之隆也。文貌省情欲繁。禮之殺也。文貌情欲相
爲。內外表裏並行而雜。禮之中流也。君子上致其隆。下
盡其殺。而中處其中。步驟馳騁。廣騫不外。是以君子之
性守宮庭也。人域是域。士君子也。外是民也。於是中焉
房曰。曲直得其次序。聖人也。故厚者禮之積也。大
者禮之廣也。高者禮之隆也。明者禮之盡也。引漢復其古禮
樂書畧曰。余每讀虞書。至於君臣相勅。維是幾安。而股
肱不良。萬事墮壞。未嘗不流涕也。成王作頌。推已懲艾。

悲彼家難可不謂戰戰恐懼善守善終哉君子不爲約
則修德滿則棄禮佚能思初安能惟始沐浴膏澤而歌
詠勤苦非大德誰能如斯深痛傳曰治定功成禮樂乃興
海內人道益深其德益至所樂者益異滿而不損則溢
盈而不持則傾凡作樂者所以節樂君子以謙退爲禮
以損減爲樂樂其如此也以爲州異國殊情習不同故
博采風俗協比聲律以補短移化助流政教天子躬於
明堂臨觀而萬民咸蕩滌邪穢斟酌飽滿以飾厥性故
云雅頌之音理而民正。嚶噉之聲興而士奮。鄭衛之曲
動而心淫。及其調和諧合。鳥獸盡感。而况懷五常。含好

惡自然之勢也。治道虧缺。而鄭音興起。自仲尼不能與
齊。優遂容於魯。雖退正樂以誘世。終莫之化。凌遲以至
六國。流沔沈佚。遂往不返。卒於喪身滅宗。并國於秦。秦
二世尤以爲娛。亦因以亾。於是陳漢興。高祖過沛。詩三
侯之章。今上協律作十七章。已又作天馬之歌。亦云一
代之樂。而亦非臣下之所得議也。中尉黯嘗諫。大臣見
目爲謗聖制。當族矣。則取古禮家記古作樂之本意。備
舉其文論之曰。夫上古明王舉樂者。非以娛心自樂。快
意恣欲。將欲爲治也。正教者。皆始於音。音正而行正。故
音樂者。所以動盪血脉。流通精神。而和正心也。故宮動

脾。而和正聖。商動肺。而和正義。角動肝。而和正仁。徵動心。而和正禮。羽動腎。而和正智。故樂所以內和正心。而外異貴賤也。上以事宗廟。下以變化黎庶也。故聞宮音。使人溫舒而廣大。聞商音。使人方正而好義。聞角音。使人惻隱而愛人。聞徵音。使人樂善而好施。聞羽音。使人整齊而好禮。夫禮繇外入。樂自內出。故君子不可須臾離禮。須臾離禮。則暴慢之行窮外。不可須臾離樂。須臾離樂。則姦邪之行窮內。故樂音者。君子之所養義也。夫古者天子諸侯。鐘磬未嘗離於庭。卿大夫琴瑟之音。未嘗離於前。所以養行義而防淫佚也。淫佚生於無禮。故

聖王使人耳聞雅頌之音目視威儀之禮足行恭敬之

容口言仁義之道故君子終日言而邪辟無繇入也

引漢

變今

其律書略曰王者制事立法物度軌則壹稟於六

律六律爲萬事根本焉其於兵械尤所重故云望敵知

吉凶聞聲効勝負百王不易之道也武王伐紂吹律聽

聲推孟春以至季冬殺氣相并而音尚宮同聲相從物

之自然何足怪哉兵者聖人所以討彊暴平亂世夷險

阻救危殆自含血戴角之獸見犯則較而况於懷好惡

喜怒之氣喜則愛心生怒則毒螫加情性之理也昔黃

帝有涿鹿之戰以定火災顓頊有共工之陳以平水害

成湯有南巢之伐。以殄夏亂。逆興遞廢。勝者用事。所受
於天也。自是之後。名士迭興。晉用舅犯。齊用王子。吳用
孫武。申明軍約。賞罰必信。卒霸諸侯。兼列邦士。雖不及
三代之誥誓。然身寵君尊。當世顯揚。可不謂榮焉。豈與
世儒闇於大較。不權輕重。猥云德化。不當用兵。大至窘
辱失守。小乃侵犯。削弱遂執不移等哉。故教管不可廢
於家。刑罰不可損於國。征誅不可偃於天下。用之有巧
拙。行之有逆順耳。賓夏桀殷紂。手搏豺狼。足追四馬。勇
非微也。百戰克勝。諸侯懾服。權非輕也。秦二世宿軍無
用之地。連兵於邊陲。力非弱也。結怨匈奴。絀旤於越。勢

非寡也。及其威盡勢極。閭巷之人爲敵國。咎生窮武而不知足。其得之心不息也。王高祖有天下。厭苦軍事。亦

有蕭張之謀。偃武一休息。羈縻不備。至孝文謙讓。却諸

將毋議軍。

具文紀

天下殷富。煙火萬里。可謂和樂者乎。孔

子所稱有德君子邪。諷勸兵至深。其曆書畧曰。神農以前尚矣。蓋黃帝考定星曆。建立五行。起消息。正閏餘。於是。有天地神祇物類之官。是謂五官。各司其序。不相亂也。民是以能有信。神是以能有明德。神民異業。敬而不瀆。故神降之嘉生。民以物享。災禍不生。所求不匱。少皞氏之衰也。九黎亂德。民神雜擾。不可放物。旣蓄存至莫。

盡其氣。顓頊受之。乃命南正重司天以屬神。命火正黎
司地以屬民。使復舊常。無相侵瀆。其後三苗服。九黎之
德。故二官咸廢所職。而閏餘乖次。孟陬殄滅。攝提無紀。
曆數失序。堯復遂重黎之後。不忘舊者。使復興之。而立
羲和之官。明時正度。則陰陽調。風雨節。茂氣至。民無夭
疫。年耆禪舜。申戒文祖云。天之曆數在爾躬。舜亦以命
禹。繇是觀之。王者所重也。時天子詔御史云。蓋聞昔者
黃帝合而不死。察度驗定。清濁起五部。建氣物分數。然
蓋尚矣。書缺樂弛。朕甚閔焉。唯未能循明也。紬續日分。
今日順夏至。氣復正。十一月甲子朔旦冬至。陰陽離合。

之道行焉。其更以七年爲太初元年。然後日辰之度與夏正同。於曆正神人之位。諷天子興神祠。好仙意至微矣。其天官書具下編於天象爛然。其言曰。自初生民以

來。世主曷嘗不曆日月星辰。及至五家。三代紹而明之。內冠帶外夷狄。分中國爲十有二州。仰則觀象於天。俯則法類於地。天則有日月。地則有陰陽。天有五星。地有五行。天有列宿。地有州域。三光者。陰陽之精氣。本在地。而聖人統理之。太史公推古天變。未有可考于今者。蓋畧以春秋二百四十二年之間。日蝕三十六。彗星三見。星隕如雨。天子微諸侯力政。五伯代興。更爲主命。自是

衆暴寡。大并小。秦楚吳越。夷狄爲彊。伯田氏篡齊。三家分晉。並爲戰國。爭於攻取。秦始皇之時。彗星四見。久者八十日。長或竟天。其後秦遂以兵滅六王。并中國。外攘四夷。死人如亂麻。因以張楚並起。三十年之間。兵相駘。猶不可勝數。自蚩尤以來。未嘗若斯也。漢之興。五星聚于東井。平城之圍。月翬參畢七重。諸呂作亂。日蝕晝晦。吳楚七國叛逆。彗星數丈。天狗過梁野。及兵起。遂伏尸流血其下。元光元狩。蚩尤之旗再見。長則半天。其後京師師四出。誅夷狄者數十年。而伐胡尤甚。越之亾。熒惑守斗。朝鮮之叛。星茀于河。戒兵徃大宛。星茀招搖。此其

聲聲大者。若至委曲小變。不可勝道。繇是觀之。未有不
先形見而應隨之者也。曆五星法。唯獨熒惑有反逆行。
逆行所守。及他星逆行。日月薄蝕。皆以爲占。余觀史記
考行事。百年之中。五星無出而不反逆行。反逆行。嘗盛
大而變色。大上修德。其次修政。其次修教。又次修禳。正
下無之。爲天數者。必通三五。終始古今。深觀時變。察其
精粗。天官備矣。其封禪書。則遷以太史從巡。祭天地諸
神。名山川。封禪焉。入壽宮。侍祠神語。究觀方士祠官之
意。怪迂非可得見聞神君語。世俗所知也。無絕殊者。樂
大輦。獨敢爲大言。處之不疑。鼎書言不經。祠列火滿壇。

塋旁烹炊具火暉有光則見以爲祠上有神光至泰山祠云夜常有光晝有白雲起封中入海求蓬萊無所見見大人跡於是退而論次有虞類上帝禋六宗望山川徧羣神周冬日至祀南郊夏日至祭地祇諸經常祇肅之事若後世淫德好神神瀆之變伊陟祖己格王戒德之言本秦西時酈時陳寶雍時所從起具見其表裏爲封禪書具異教考其河渠書則從天子負薪塞宣房悲瓠子之詩哀泛濫勞人曰甚哉水之爲利害也於是論次當世用事河隄引河穿渠披山通道者詳見其得失爲河渠書具漕河志其平準書略曰漢興接秦之弊丈夫從軍旅

老弱轉糧餼。作荼劇而財匱。自天子不能具鈞駟而將
相或乘牛車。齊民無藏蓋。於是約法省禁而不軌逐利
之民。蓄積餘荼以稽市物。物踊騰糶米至百萬錢。馬一
匹則百金。極衰高祖乃令賈人不得衣絲乘車。至租稅以
困辱之。孝惠高后時。爲天下初定。復弛商賈之律。然市
井之子孫。亦不得仕宦爲吏。暗指僅弘羊量吏祿。度官用以
賦於民。而山川園池市井租稅之入。自天子以至于封
君湯沐邑。皆各爲私奉養焉。不領於天下之經費。漕轉
山東粟以給中都官。歲不過數十萬石。盛端以至于今上
卽位。漢興七十餘年之間。國家無事。非遇水旱之災。民

則人給家足。都鄙廩庾皆滿。而府庫餘貨財。京師之錢
累巨萬。貫朽而不可較。太倉之粟陳陳相因。充溢露積
於外。至腐敗不可食。衆庶街巷有馬。阡陌之間成群。而
乘字牝者。償而不得聚會。守閭閻者。食梁肉爲吏者。長
子孫居官者。以爲姓號。故人人自愛而重犯法。先行義
而後糾耻辱焉。極盛當此之時。網疏而民富。役財驕溢。或

至兼并豪黨之徒。以武斷於鄉曲。宗室有土。公卿大夫
以下。爭于奢侈。室廬輿服。僭于上。無限度。衰端物盛而衰。

固其變也。於是具書。天子招東甌。事兩越。開道西南夷。
東置滄海朝鮮。而歲出師北擊胡。兵連而不解。行齎居。

送中外騷擾以相奉。百姓抗弊。財賂衰耗。入物者補官。
出貨者贖罪。選舉陵遲。廉耻相冒。於是武力進用。法嚴
令具。而慘急刻深。吏爲九卿。用罔民利。而齊人煮鹽。咸
陽南陽大冶孔僅。雒陽賈人子桑弘羊。並用事侍中。言
利析秋毫。楊可告緡。錢徧天下。天下囂然。縣官作鑄鹽
鐵。設均輸平準。籠天下貨物。而天子以爲民不加賦。而
百用饒侈也。詳在武紀讀者扼腕。怨氣滿腹。而贊卒澤之中
和。其贊曰。農工商交易之路通。而龜貝金錢刀布之幣
興焉。所從來久遠。自高辛氏之前尚矣。靡得而記云。故
書道唐虞之際。詩述殷周之世。安寧則長庠序。先本繼

本以禮義防于利。事變多故而亦反是。是以物盛則衰。時極而轉。一質一文。終始之變也。禹貢九州。各因其土地所宜。人民所多少。而納職焉。湯武承弊易變。使民不倦。各競競所以爲治。而稍陵遲衰微。齊桓公用管仲之謀。通輕重之權。徼山海之榮。以朝諸侯。用區區之齊。顯成霸名。魏用李克。盡地力爲彊君。自是之後。天下爭於戰國。貴詐力而賤仁義。先富有而後推讓。故庶人之富者。或累巨萬。而貧者。或不厭糟糠。有國彊者。或并群小。以臣諸侯。而弱國。或絕祀而滅世。以至於秦卒并海內。於是外攘夷狄。內興功業。海內之士。力耕不足糧饌。女

子紡績不足衣服。古者嘗竭天下之資財以奉其上。猶自以爲不足也。無異故云。事勢之流相激使然。曷足怪焉。蓋八書成而武紀之治亂安危畢備。諸防淫佚救彫敝。旨遠而辭文。事顯而志隱。事辭若不相屬。而匡救之忠溢然。讀者見其文。不得其所以文。索其意。不知已有罪焉已也。豈不深哉。

宋人不知文。至以爲褚少孫所補。謬已。

其世家言三

十原本世所自始。論世也。首吳本。孔子言泰伯至德。三以天下讓。民無得而稱。於姬姓爲宗盟長。於中國之虞兄弟也。延陵季子以國讓。慕義無窮。見微而知清濁。又何其閱覽博物君子也。故先之。則有人焉。故也。次齊周。

王迹之成。尙父亮之齊。自泰山屬之琅琊。被于海膏壤。三千里。泱泱乎大國之風也。以太公之聖。建國本。桓公之盛。修善政。爲諸侯會盟稱伯。又周之所以存。又次魯。周公相周。中固天命。綏文德。而天下大和。後乃不振。孔子曰。甚矣魯道之衰也。洙泗之間。斷斷如也。斷魚斤反觀慶父叔牙閔公之際。何其亂也。隱桓之事。襄仲殺適立庶。三家北面爲臣。親攻昭公以奔。其揖讓之禮。則從矣。而行事何其戾也。傷不復周公也。其贊燕曰。召公奭可謂仁矣。其棠且思之。况其人乎。燕北迫蠻貉。內措齊晉。崎嶇疆國之間。最爲弱小。幾滅者數矣。然社稷血食者八

九百歲於姬姓獨後亾豈非召公之烈邪管蔡世家贊
曰管蔡作亂無足載者然周武王崩成王少天下旣疑
賴同母之弟成叔冉季之屬十人爲輔拂是以諸侯卒
宗周故附之世家言重封建陳杞世家贊曰舜之德至矣

禪位於夏而後世血食者歷三代及楚滅陳而田常得
政於齊卒爲建國苗裔茲茲有土者不乏焉杞於周微
甚不足數也後杞滅而越王勾踐興重舜禹衛世家贊曰

衛宣公之太子以婦見誅第壽爭死以相讓與晉太子
申生不敢明驪姬之過同俱惡傷父之志然卒死何其

悲也

春秋詩禮錄之矣

宋世家贊曰孔子稱微子去之箕子爲

之奴比干諫而死。殷有三仁焉。春秋譏宋之亂。自宣公廢太子而立弟。國以不寧者十世。襄公敗於泓。而君子或以爲多。傷中國闕禮義。褒之也。宋襄之有禮讓也。於晉。歎君道御臣下之不易。於楚。傷操行之不得勢。於人。不可不慎。於鄭。著權利合者。權利盡而交疎。皆教意而趙魏韓本佐晉。申霸陳敬仲之齊。卒以有國。金戰國稱雄。各具其世家言。太史公諸所論述。宗孔子其生卒係周本紀。其事不可於卿士大夫乎。將也。進素王於有上之君。作孔子世家。又其德難名言。三慕慨致意焉。贊曰。詩有之。高山仰止。景行行止。雖不能至。然心鄉往之。余

讀孔氏書。想見其爲人。適魯。觀仲尼廟堂車服禮器。語
生以時習禮其家。余低回久之。不能去。云。天下君王至
于賢人衆矣。當時則榮。沒則已焉。孔子布衣。傳十餘世。
學者宗之。自天子王侯。中國言六藝者。折中於夫子。可
謂至聖矣。秦失其政。陳涉發難。天下蠢起。雖其已死。而
所置侯王將相。竟亡秦也。高祖爲置守冢。血食至于今。
作陳涉世家。其外戚世家曰。自古受命帝王。及繼體守
文之君。非獨內德茂也。蓋亦有外戚之助焉。夏之興也。
以塗山。而桀之放也。以妹喜。殷之興也。以有娥。而紂之
殺也。嬖妲己。周之興也。以姜原。及大任。而幽王之禽也。

淫於褒姒。故易基乾坤詩。始闢睢書。美鰲降春秋。譏不
親迎。夫婦之際。人道之大倫也。禮之用。唯婚姻爲兢兢。
夫樂調而四時和。陰陽之變。萬物之統也。可不慎與。
人能弘道。無如命何。甚哉妃匹之愛。君不能得之於臣。父
不能得之於子。况卑下乎。旣驩合矣。或不能成。子姓能
成子姓矣。或不能要其終。豈非命也哉。孔子罕稱命。蓋
難言之也。非通幽明之變。惡能識乎性命哉。漢興天下
未集。楚荆以封。劉澤之王。始激呂氏。卒尊孝文。作楚荆
燕世家。書上蕭曹二相國。留侯絳侯。陳丞相。平以佐命。
功世得封列世家。於論贊咸概其本實。贊蕭相國曰。蕭

相國何於秦時爲刀筆吏。碌碌未有奇節。及漢興。依日月之末光。何謹守管籥。因民之疾。奉法順流。與之更始。而淮陰黥布等。皆以誅滅。唯何之勲爛焉。位冠群臣。聲施後世。與閔天散宜生等爭烈矣。贊曹相國曰。曹相國參攻城野戰之功。所以能多若此者。以與淮陰侯俱。及信已滅。而列侯成功。唯獨參擅其名。參爲相。清靜極言合道。百姓離秦之酷。後參與休息。乎無爲。故天下俱稱其美矣。留侯世家。稱所與上從容言天下事甚衆。非天下所以存亡。故不著。著從入秦。畫破嶢下軍。諫始入秦。安其樂。畫脫漢王鴻門。從擊楚。畫捐關以東。諫立六國。

後立齊王信。後卒。定太子。皆天下存亡故也。其贊引
帝曰。夫運籌策帷幄之中。決勝千里外。吾不如子房。高
祖離困厄者數矣。留侯常有功力焉。豈可謂非天乎。贊
陳丞相曰。陳丞相平少時。本好黃帝老子之術。方其割
肉俎上之時。其意固已遠矣。傾側擾攘。魏楚之間。卒歸
高帝。常出奇計。救紛糾之難。振國家之患。及呂后時事
多故矣。然平竟自脫。定宗廟。以榮名終。稱賢相。豈不善
始善終哉。非知謀孰能當此者乎。贊絳侯曰。絳侯周勃
始爲布衣時。鄙樸人也。才能不過凡庸。及從高祖定
天下。在將相位。諸呂欲作亂。勃匡國家難復之。乎正。雖

伊尹周公何以加哉。揚亞夫之用兵持威重執堅刃穰

苴曷有加焉。足已而不學守節不遜終以窮困悲夫附

梁孝王五宗三王世家。上書其列傳則以爲王公大人

褚補

處高乘勢世共見之。世史舊聞。頌詳焉具矣。而遺逸隱

約中志士仁人立義較然以無所託而名湮詎少哉而

闡幽未微則固史之道也。邈然深思焉。迺然高望遠志

焉。蒐羅於放闕不敢廢於夷繇務光之倫皇皇焉。故傳

首伯夷其傳曰。夫學者載籍極博。猶考信於六藝。詩書

雖缺。然虞夏之文可知也。堯將遜位讓於虞舜。舜禹之

間。岳牧咸薦。乃試之於位。典職數十年。功用既興。然後

授政示天下重器。王者大統。傳天下若斯之難也。而說者曰。堯讓天下於許繇。許繇不受。耻之逃隱。及夏之時。有卞隨務光者。此何以稱焉。疑太史公曰。余登箕山。其上蓋有許繇冢云。殆信孔子序列古之仁聖賢人。如吳太伯伯夷之倫。詳矣。余以所聞繇光義至高。其文辭不少。槩見何哉。又疑孔子曰。伯夷叔齊不念舊惡。怨是用希。求仁得仁。又何怨乎。余悲伯夷之意。睹軼詩可異焉。其傳曰。伯夷叔齊。孤竹君之二子也。父欲立叔齊。及父卒。叔齊讓伯夷。伯夷曰。父命也。遂逃去。叔齊亦不肯立而逃之。國人立其中子。於是伯夷叔齊聞西伯昌善養老。往

歸焉。及西伯卒。武王載木主。號爲文王。東伐紂。伯夷叔
齊叩馬諫曰。父死不葬。爰及下戈。可謂孝乎。以臣弑君。
可謂仁乎。左右欲兵之。太公曰。此義人也。扶而去之。武
王已平殷亂。天下宗周。而伯夷叔齊耻之。義不食周粟。
隱於首陽山。采薇而食之。及餓。且死。作歌。其辭曰。登彼
西山兮。采其薇矣。以暴易暴兮。不知其非矣。神農虞夏
忽然沒兮。我安適歸矣。于嗟徂兮。命之衰矣。信遂餓死
於首陽山。繇此觀之。怨耶非耶。結不或曰。天道無親。常與
善人。若伯夷叔齊。可謂善人者。非耶。積仁繫行如此而
餓死。且七十子之徒。仲尼獨薦顏淵爲好學。然回也屢

空糟糠不厭。而卒蚤夭。天之報施善人。其何如哉。盜妬
日殺不辜。肝人之肉。暴戾恣睢。聚黨數千人。橫行天下。
竟以壽終。是遵何德哉。此其尤太彰明較著者也。若至
近世。操行不軌。專犯忌諱。而終身逸樂。富厚累世不絕。
或擇地而蹈之。時然後出言。行不繇徑。非公正不發憤。
而遇甌災者。不可勝數也。有命余甚惑焉。宜儻所謂天道。
是耶。非耶。又不結子曰。道不同。不相爲謀。亦各從其志也。
故曰。富貴如可求。雖執鞭之士。吾亦爲之。如不可求。從
吾所好。歲寒然後知松栢之后凋。舉世混濁。清士乃見。
有義有命豈以其重若彼。其輕若此哉。二語結富貴不必
又何怨必重志義不必

輕

君子疾沒世而名不稱焉。賈子曰。貪夫徇財。烈士徇

名。夸者死權。衆庶馮生。同明相照。同類相求。雲從龍。風

從虎。聖人作而萬物覩。

名不
可已

伯夷叔齊雖賢。得夫子而

名益彰。顏淵雖篤學。附驥尾而行益顯。巖穴之士。趨舍

有時。若此類名堙滅而不稱。悲夫閭巷之人。欲砥行立

名者。非附青雲之士。惡能施於後世哉。故傳之首伯夷

也。非傳伯夷。傳繇隨務光。顏淵之倫。托始乎伯夷也。易

終未濟。語紀作者逸民。傳首伯夷。其義一也。可謂至深

遠矣。他諸傳多微眇有深意。其大端歸無失於春秋忠

恕。孔子仁殷三臣。管仲之意未嘗以一方格焉。其管晏

傳贊曰管仲世所謂賢臣然孔子小之豈以爲周道衰

微桓公既賢而不勉之至王乃稱霸哉王霸之辭語曰將順

其美匡救其惡故上下能相親也豈管仲之謂乎如其二

方晏子伏莊公尸哭之成禮然後去豈所謂見義不爲

無勇者耶至其諫說犯君之顏此所謂進思盡忠退思

補過者哉假令晏子而在余雖爲之執鞭所忻慕焉服善

誠其老莊申韓贊曰老子所貴道虛無體因應變化於

無爲用故著書辭稱微妙難識深莊子散道德放論肆

亦要歸之自然精申子罕罕施之於名實韓子引繩墨

切事情明是非其極慘礪少恩礪胡革反皆原於道德之意

推見而老子深遠矣。

曲折盡意猶如龍之歎。

其屈賈後先世七遠

而同傳其贊曰余讀離騷天問招魂哀郢悲其志適長

沙觀屈原所自沈淵未嘗不垂涕想見其爲人。

慨慕

及見

賈生弔之文又恠屈原以彼其材游諸侯何國不容而

自令若是讀服鳥賦同死生輕去就則爽然自失矣。

應物

現形方戰國時秦用商鞅楚魏用吳起齊用孫子田忌並

爭於戰攻而燕騶衍齊稷下淳于髡慎到田駢環淵騶

奭之倫並驚於諸侯見尊禮而孟軻述唐虞三代之德。

序詩書仲尼之意持方柄納圓鑿終不阿世苟合也苟

卿嫉濁世之政亂亾相屬不遂大道而營於巫祝信機

辭辭儒小拘。莊周等又滑稽亂俗。不可訓。推儒墨道德
之行事。序列之不廢。教道存焉。故傳述諸子。而目標孟
荀。明道之所存。歎之曰。吾讀孟子書。至梁惠王問何以
利吾國。未嘗不廢書而歎也。曰。嗟乎。利誠亂之始也。夫
子罕言利。常防其原也。故曰。放於利而行。多怨。自天子
至於庶人。好利之弊。何以異哉。武王以仁義伐紂。而伯
夷不食周粟。衛靈公問陳。而孔子不答。梁惠王謀欲攻
趙。孟軻稱太王去邠。此豈有言阿世俗。苟合而已哉。其
贊商君曰。商君其天資刻薄人也。跡其欲干孝公以帝
王術。挾持浮說。非其質矣。且所繇因嬖臣。知微及得用。刑

公子虔欺魏將邛。不師趙良之言。亦足發明商君之少
恩矣。余嘗讀商君開塞耕戰書。與其人行事相類。卒受
惡名於秦。有以也夫。正贊儀秦曰。秦兄弟三人。皆游說
諸侯。以顯名。其術長於權變。而秦祓反間以死天下。共
笑之。諱學其術。而異時事有類之者。皆附之蘇秦。夫秦
起閭閻。連六國從親。此其智有過人者。張儀之行事。甚
於蘇秦。而世惡蘇秦者。以其先死。而儀振暴其短。以扶
其說。成其徇道。吾故列其行事。次其時序。毋令獨蒙惡
聲焉。要之。此兩人真傾危之士哉。贊平原曰。平原君。翻
濁世佳公子也。揚然未睹大體。抑鄙語曰。利令智昏。

平原君貪馮亭邪說使趙陷長平兵四十餘萬衆邯鄲
幾亡贊信陵曰吾過大梁求問其所謂夷門夷門者城
東門也天下諸公子亦有喜士者矣然信陵君之接巖
穴隱者不耻下交有以也名冠諸侯不虛耳贊藺相如
曰知死必勇非死者難也處死者難必知勇兼方藺相如引
壁睨柱及叱秦王左右勢不過誅而士或怯懦而不敢
發相如一奮其氣威信敵國退而讓頗名重泰山其於
智勇可謂兼之矣其贊田單曰兵以正合以奇勝善之
者出奇無窮奇正還相生如環無端夫始如處女敵人
開戶終如脫兔敵不及距其田單之謂耶其白起王翦

贊曰。鄙語云。尺有所短。寸有所長。白起料敵合變。出奇

無窮。聲震天下。而不能救患於應侯。王翦為秦將。夷六

國。當是時。翦為宿將。始皇師之。然不能輔秦建德。固其

根本。偷合取容。以至切身。及孫王離為項羽所虜。不亦

宜乎。彼各有所短也。衛中隱禍魯仲連。鄒陽。異世同傳。其實

曰。魯仲連。其指意雖不合大義。射聊城書。令其將背燕不忠。令歸燕。不智。然

余多其在布衣之位。蕩然肆志。不諂於諸侯。談說當世。

折卿相之權。高節鄒陽辭雖不遜。然比物連類。有足悲者。

亦可謂抗直不撓矣。稱贊魏冉曰。穰侯昭王親舅也。而

秦所以東益地。弱諸侯。嘗稱帝於天下。天下皆西嚮事

秦者穰侯之力也。及貴溢富極。一夫開說。身折勢奪。而以憂死。況於羈旅之臣乎。其贊李斯曰。李斯以間閭歷諸侯。入事秦。因瑕釁以輔始皇。見微卒成帝業。斯爲三公。可謂尊用矣。斯知六藝之歸。不務於明政。以補主上之缺。持爵祿之重。阿順苟合。嚴威酷刑。聽高邪說。廢嫡立庶。諸侯已叛。斯乃欲諫諍。不亦末乎。人皆以斯極忠而被五刑。處察其本。乃與俗議之異。不然。斯之功且與周召列矣。深贊蒙恬。蒙毅曰。吾適北邊。自直道歸。行觀蒙恬所爲。秦築長城。亭障。塹山堙谷。通直道。固輕百姓力矣。秦初滅諸侯。天下之心未定。痍傷者未瘳。而恬爲名。

將不以此時彊諫。振百姓之急。養老存孤。務修衆庶之
和。而阿意興功。此其兄弟遇誅。不亦宜乎。何乃罪地。朕
哉。贊張耳。陳餘曰。耳餘世所稱賢者。其賓客廝役。莫非
天下俊傑。所居國無不取卿相者。然張耳陳餘始居約
時。相然信以死。豈顧問哉。言非淺交。及據國爭權。卒相滅亡。

何鄉者。相慕用之誠。後相背之戾也。豈非以利哉。名譽

雖高。賓客雖盛。所繇殆與泰伯延陵季子異矣。

利傷義。漢

興淮陰侯佐命功。強半於天下。封王侯。宜列世家。以亾

滅無世。具列傳。其贊曰。吾如淮陰。淮陰人爲余言。韓信

雖爲布衣時。其志與衆異。其母死。貧無以葬。然乃行營

高敞地。令其旁可置萬家。余視其母冢良然。假令淮陰學道謙讓。不伐已功。不矜其能。則庶幾哉。於漢家勲。可。以比周召太公之徒。後世血食矣。不務出此。而天下已集。乃謀畔逆。夷滅宗族。不亦宜乎。悼惜贊布信綰稀曰。韓信。盧綰。非素積德累善之世。徼一時權變。以詐力成功。遭漢初定。故得裂地南面。而稱孤。內見疑強大。外倚蠻貊爲援。是以日疏自危。事窮智困。卒赴匈奴。豈不哀哉。項氏所坑殺人。以千萬數。布常爲首虐。功冠諸侯。用此得王。亦不免於身。爲世大慘。稀少時。數稱慕魏公子。及將軍守邊。招致賓客。下士。名聲過實。疵瑕頗起。懼駭及。

身雖陷無道於戲悲夫夫計之生熟成敗於人也深矣。

贊張丞相等曰。張蒼文學律曆爲漢名相。而絀賈生公

孫臣等言正朔服色事而不遵明用秦之顓頊曆何哉。

二字旨博可味。周昌木強人也。任敖以舊德用。申屠嘉可謂剛

毅守節矣。然無術學。殆與蕭曹陳平異矣。其稱陸賈叔

孫通劉敬曰。語曰。千金之裘。非一狐之腋也。臺榭之衰。

非一木之枝也。三代之際。非一士之智也。信哉。高祖起

微細。定海內。謀計用兵。可謂盡之矣。然劉敬脫輓轅一

說。建萬世之安。智豈可專耶。叔孫通希世度務。制禮進

退。與時變化。卒爲漢儒宗。大直若訕。道固委蛇。蓋謂是

平。漢初公卿名臣。張釋之。馮唐。萬石君。張叔之倫。各有贊。其名臣志中。而太史公嘗與壺遂同定律曆。於韓長孺傳見之。以爲內廉行修。深中篤厚。斯鞠躬君子云。當是時。丞相公孫弘。故文儒。外寬而內深。刺骨於主父偃。同傳。贊之曰。公孫弘行義雖修。然亦過時。漢興八十餘年矣。上方鄉文學。招俊乂。以廣儒墨。弘爲舉首。主父偃當路。諸公皆譽之。及名敗身誅。士爭言其惡。悲夫。傷二子。同官而遇異也。其傳循吏曰。法令所以導民也。刑罰所以禁奸也。文武不備。良民懼。然身修者。官未曾亂也。奉職循理。亦可以爲治。何必威嚴哉。傳酷吏曰。孔子曰。

導之以政。齊之以刑。民免而無耻。導之以德。齊之以禮。有耻且格。老氏稱上德不德。是以有德。下德不失德。是以無德。法令滋章。盜賊多有。太史公曰。信哉是言也。法令者治之具。而非制治清濁之源也。昔天下之網嘗密矣。然姦僞萌起。其極也。上下相遁。至於不極。當是之時。吏治若救火揚湯。非武健嚴酷。惡能勝其任而媮快乎。言道德者溺其職矣。故曰。聽訟吾猶人也。必也使無訟乎。下士聞道。大笑之。非虛言也。漢興。破觚而爲圓。斲雕而爲朴。網漏於吞舟之魚。而吏治烝烝。不至於姦。黎民乂安。繇是觀之。在彼不在此。其匈奴贊曰。孔子著春秋。

隱桓之間則章至定哀之際則微爲其切當世之文。而
閔褒忌諱之辭也。世俗言匈奴者。患其微一時之權而
務調納其說。以便偏指。不參彼已。將率席中國廣大氣
奮人主。因以決策。是以建功不深。堯雖賢。興事業不成。
得禹而九州寧。且欲興聖統。唯在擇任將相哉。唯在擇
任將相哉。其傳游俠曰。韓子曰。儒以文亂法。俠以武犯
禁。二者皆譏。而學士多稱於世云。至如以術取宰相卿
大夫。輔翼其世主。功名著於春秋。固無可言者。及若季
次原憲。閔老人也。讀書懷獨行。君子之德。義不苟合。當
世蓬戶禍衣。蔬食不厭。死而已。四百餘年。弟子志之不

倦。今游俠其行雖不軌於正義。然其言必信。其行必果。
已諾必誠。不愛其軀。赴士之阨困。既已存亡死生矣。而
不矜其能。羞伐其德。蓋亦有足多者焉。且緩急人之所
時有也。其傳滑稽已細。卒歸之大道。其贊曰。孔子曰。六
藝於治一也。禮以節人。樂以發和。書以道事。詩以達意。
易以神化。春秋以義。太史公曰。天道恢恢。豈不大哉。談
言微中。亦可以解紛。博蓋是時興利之臣。析利末於秋
毫。附主意病國。平準書具之。末傳貨殖於平準書相表
裏。語具貨殖傳中。遷存時以史記多所譏刺未行也遷
既卒外孫平通侯楊惲遂宣布焉自
劉向楊雄愛其書皆稱遷有良史之才善序事辯而不
華質而不俚不虛不隱惡晉中散徐廣考諸本具同

作音義。宋中郎參軍裴駰。采經傳百家釋其義。作集解。唐弘文館學士司馬貞。爲釋文演註。及述贊。曰。索隱。率府長史張守節。作訂釋。旁通之。宋著作郎呂祖謙。稱其微而顯。絕而續。正而變。文見於此。而起義於彼。非拘儒曲生。能驟而窺云。明編修楊用修。標異聞。曰。史記題詳。凌叔際集。先今評史記。首附之。曰。百家評林。

論曰。予讀太史公書。深渾高厚。未嘗不太息其自神化中來也。彼其書引類連萃。錯經記累牘。而咸其一氣橐籥之也。又其意可以志逆而不可以言求。後作者有是夫。歲七閏月而二氣乃復律隔八相生。史記造端於此。而見義於彼。一也。乃其叙世隆汙勝復。人慘舒悲喜之變。形神具出。皆神化所至。有目者覩之矣。或頗疵其多愛而記繁。有之。豈亦猶豐蔀勿翦也與哉。則史道然也。

化而知裁乎。經矣。其自言曰。春秋推見至隱。易本隱以之顯。大雅言王公大人。而德及黎庶。小雅譏小己之得失。其原及上。言雖外殊。其合德一也。嗚呼。史兼之矣。

桓寬

字次公

汝南人。治公羊春秋。事宣帝爲郎。至廬江守

丞。博通善屬文。始元中。賢良文學廷論罷鹽鐵。頗有其

議。文寬增廣科條。博輯其論。難爲書。欲以寃治亂之統。

成一家之言。其畧曰。惟始元六年。詔丞相御史與所舉

賢良文學語。問民間所疾苦。文學對曰。竊聞治人之道。

防淫佚之原。廣道德之端。抑末利而開仁義。毋示以利。

然後教化可興。而風俗可移也。今郡國有鹽鐵酒榷均

輸與民爭利。散敦厚之樸。成貪鄙之化。是以百姓就本者寡。趨末者衆。夫文繁則質衰。末盛則本虧。末修則民淫。本修則民慤。民慤則財用足。民侈則饑寒生。願罷鹽鐵酒榷均輸。以進本退末。廣利農桑。便也。御史大夫曰。桑弘羊。曩者匈奴背叛不臣。數爲寇暴於邊鄙。備之則勞。中國之士。不備則侵盜不止。先帝哀邊人之久患苦也。故修障塞。飭烽燧。屯戍以備之。邊用度不足。故興鹽鐵。設酒榷。置均輸。蓄貨長財。以佐助邊費。今欲罷之。內空府庫之藏。外乏執備之用。使備塞乘城之士。饑寒於邊。將何以贍之。文學曰。孔子曰。有國家者。不患寡而患不

均不患貧而患不安。故天子不言多少。諸侯不言利害。大夫不言得喪。畜仁義以風之。廣德行以懷之。是以近者親附。而遠者悅服。修之於廟堂。而折衝還師。無敵於天下。惡用費哉。今廢道德而任兵革。興師而伐之。屯戍而備之。暴兵露師。以支久長。轉輸糧食。無已。使邊境之士。饑寒於外。百姓勞苦於內。立鹽鐵。張利官。以給之。非長策也。故以爲罷之便。大夫曰。古之立國家者。開本末之途。通有無之用。管子曰。國有沃野之饒。而民不足於食者。器械不備也。有山海之貨。而民不足於財者。工商不備也。養生送終之計。待商而通。待工而成。故聖人作

爲舟楫之用。以通川谷。服牛駕馬。以達陵陸。致達窮深。所以交庶物而便百姓。是以先帝建鐵官。以贍農用。開均輸。以足民財。鹽鐵均輸。萬民所戴。仰而取給者。罷之不便也。文學曰。國有沃野之饒。而民不足於食者。工商盛而本業荒也。有山海之貨。而民不足於財者。不務民用。而淫巧衆也。故川源不能實漏卮。山海不能贍溪壑。是以盤庚萃居。舜藏黃金。高帝禁商賈。不得仕宦。所以遏貪鄙之俗。而醇至誠之風也。排困市井。防塞利門。而民猶爲非。況上之爲利乎。傳曰。諸侯好利。則大夫鄙。大夫鄙。則士貪。士貪。則庶人盜。是開利孔。爲民罪梯也。大

夫曰。往者郡國諸侯。各以物貢輸。往來煩雜。物多苦惡。或不償其費。故郡置輸官。以相給運。而便遠方之貢。故曰均輸。開委府于京。以籠貨物。賤卽買。貴卽賣。是以縣官不失實。商賈無所侔利。故曰平準。平準則不失職。均輸則齊勞逸。故平準均輸。所以平萬物而便百姓。非開利孔。爲民罪梯也。文學曰。古者之賦稅於民也。因其所工。不求所拙。農人納其獲。工女効其功。今釋其所有。責其所無。百姓賤賣貨物。以便上求。間者郡國。或令民作布絮。吏恣留難。與之爲市。吏之所入。非齊陶之繒。蜀漢之布也。亦民間之所爲耳。農民重苦。女工再稅。未見輸

之均也。縣官假發。闔門擅市。則萬物並收。萬物並收。則物價騰躍。物價騰躍。則商賈侔利。自市則吏容姦豪。而富商積貨儲物。以待其急。輕價則姦吏收賤。以取貴。未見準之平也。大夫曰。王者塞天財。禁關市。執準守時。以輕重御民。豐年歲登。則儲積以備乏。絕凶年惡歲。則行幣物。流有餘而調不足也。昔禹水湯旱。百姓匱乏。或相假以接衣食。禹以歷山之金。湯以巖山之銅。鑄幣以贈其民。而天下稱仁。往者財用不足。戰士或不得祿。而山東被災。齊趙大飢。賴均輸之給。倉廩之積。戰士以奉。飢民以賑。故均輸之物。府庫之財。非徒賈萬物。而專奉兵。

師之用。亦以賑困乏。而備水旱之災也。文學曰。古者十
一而稅。澤梁無禁。黎民咸被南畝。而不失其務。故三年
耕而餘一年之蓄。九年耕有三年之蓄。此禹湯所以備
水旱而安百姓也。草萊不闢。田疇不治。雖擅山海之財。
通百貨之利。猶不能贍。是以古者尚力務本。播種樹藝。
躬耕趨時。而衣食足。雖累凶年。而人不病。故衣食者民
之本。稼穡者民之務也。二者修則國富而民安。詩云。百
室盈止。婦子寧止也。大夫曰。賢聖治家。非一塗。富國非
一道。使治家養生。必於農。則舜不甄陶。而伊尹不爲庖
也。故善爲國者。天下之下我高。天下之輕我重。以末易

本以虛蕩實。故山澤之金均輸之藏。所以御輕重而後諸侯也。汝漢之金纖微之貢。所以誘外國而釣羌胡之寶也。夫中國一端之縵。得匈奴累金之物。損敵國之用。是以羸驢橐駝。犄尾入塞。驛驂騾馬。盡爲我畜。鼪鼯狐貉。采旃文罽。充於內府。而璧玉珊瑚璫璫。咸爲國寶。是以外國之物內流。而利不外泄也。異物內流。則國用饒利。不外泄。而民用給矣。文學曰。古者商通物而不豫。工致牢而不僞。故君子耕稼田漁。其實一也。今羸驢之用。不中牛馬之功。鼪鼯旃罽。不益錦綈之實。美玉珊瑚。出於昆山。珠璣犀象。出於桂林。此距漢萬有餘里。計耕桑

之功。資財之費。是一物而售。百倍其價。一揖而中萬鍾之粟也。上好珍怪。則淫服下流。貴遠方之財。則貨財外充。是以王者不珍無用。以節其民。不愛異物。以富其國。故理民之道。在於節用尚本。分土井田而已。大夫曰。五行東方木。而丹章有金銅之山。南方火。而交趾有大海之川。西方金。而蜀隴有名材之林。北方水。而幽都有積沙之地。此天地所以均有無。通萬物也。今吳越之竹。隋唐之材。不可勝用。而曹衛梁宋。采棺轉尸。江湖之魚。萊黃之鮓。不可勝食。而鄒魯周韓。藜藿蔬食。故天地之利。無不贍。山海之貨。無不富。然而百姓匱乏。財用不足者。

則多寡不調。而天下之財不散也。家。人有寶器。由匣而藏之。况人主之山海乎。異時鹽鐵未罷。布衣有胸臆。人君有吳王。專山澤之饒。薄賦其民。賑。賸窮小。以成私威。私威積。而逆節之心作。夫不蚤絕其源。而憂其末。若決呂梁。所傷必多。太公曰。一家害百家。大夫害諸侯。諸侯害天下。王法禁之。今放民於權利。罷鹽鐵。以資暴彊。遂其貪心。衆邪羣聚。私門成黨。則彊禦日以不制。而并兼之徒。姦形成矣。文學曰。古者采椽不斲。茅茨不翦。衣布禍。飯土飭。鑄金爲鋸。埏埴爲器。工不造奇巧。世不寶不可衣食之物。各安其居。樂其俗。甘其食。便其器。是以遠。

方之物不交。而崑山之玉不至。今世俗壞而競於淫靡。女極纖微。工極技巧。雕素樸而尚珍怪。鑛山川而求金銀。沒深淵以求珠璣。求蠻貉之物以眩中國。徒邛笮之貨。交萬里之財。曠日費功。無益於用。是以禍夫匹婦。罷勞力。屈而衣食不足也。故王者禁溢利。節漏費。溢利禁則民反本。漏費節則民用給。故民人藏於家。諸侯藏於國。天子藏於海內。故民人以垣墻爲藏。閉。天子以四海爲匣。匱。不畜聚而下藏於民。遠浮利。務民之義。禮義立則民化。上若是。雖湯武生存於世。無所容其慮。工商之事。歐冶之任。何姦之能成。一桓專魯。六卿分晉。不以盛。

鐵也。故權利深者。不在山海。在朝廷。一家害百家。在蕭牆。不在胸臆也。大夫曰。故扇水都尉彭祖寧言鹽鐵令。品甚明。卒徒衣食縣官。作鑄鐵器。給用甚衆。無妨於民。而吏或不良。禁令不行。故民煩苦之。古者山海之利。廣澤之畜。天下之藏也。宜屬少府。陛下不私。以屬大司農。助佐百姓。浮食豪民。顧欲擅山海致富榮。而役利細民。一家聚衆。或至千餘人。大抵盡放流人民也。去鄉里。棄墳墓。依倚大家。聚深山窮澤之中。成姦僞之禁。故沮事者衆。今收鹽鐵。以佐百姓之急。足軍旅之費。務畜積。以備乏絕。有益於國。無害於人。百姓何苦。而文學何憂乎。

文學曰。扇水都尉所言。當時之利權。一切之術。非明主所以君國子民。久行而傳世也。詩云。哀哉爲猷。匪先民是程。匪大猷是經。維邇言是信。維邇言是聽。此詩人刺不通於王道。而害爲權利者也。陛下繼大功之後。用麋粥之時。勤養勞勸之民。宣聖德。昭明光。令郡國賢良文學之士。乘傳詣公車。議五帝三王之道。六藝之風。指意粲然。今公卿辯議。未有所定。此所謂守小節而遺大體。抱小利而忘大計也。蓋文帝之時。無鹽鐵之利。而民富。今有之。而百姓困乏。未見利之所利。而見其害也。且利不從天來。不從地出。一取之民。夫李梅實多者。來年爲

之衆。新穀熟者。舊穀爲之虧。自天地不能以兩盈。况於人乎。故利於彼者。必耗於此。猶陰陽之不並曜。晝夜之有長短也。商鞅峭法長利。秦人不聊生。相與哭。孝公吳起長兵攻取。楚人騷動。相與泣。悼王其後。楚日以危。秦日以蹙。故利蓄而怨積。地廣而禍構。今商鞅之策。任於內。吳起之兵。用於外。行者勤於路。居者匱於室。老母號泣。怨女歎息。雖欲無憂。不可得已。大夫曰。昔齊以其腸胃予人。家強而不制。枝大而折。幹以專。巨海之富。而擅魚鹽之利也。是以齊國內倍而外附。公室卑而田宗強。轉穀游海者。蓋三千乘。失之於本。而末不可救也。今山海之原。非獨雲夢孟諸也。鼓金煮鹽。恐生大姦。乘利驕溢。敦樸滋僞。繇此觀之。令意所禁者微。有司之慮亦遠矣。文學曰。有司之慮遠。而權家之利近。令意所禁微。而僭奢之道著。自利權

之設三業之起貴人之家雲行於塗轂擊於道攘公法
申私利跨山澤擅官市非特巨海魚鹽也執國家之柄
以行海內非特田常之勢陪臣之權也威重於六卿富
累於陶衛輿服僭於王公宮室溢於制度并兼列宅隔
絕閭巷閣道錯連足以游觀鑿池曲道足以騁驚臨淵
釣魚放犬走兔中山素女撫流徵於堂上鳴鼓巴俞作
於堂下婦女被羅紈婢妾曳絺紵子孫連列騎田獵出
入畢弋捷健是以耕者釋耒而不勤百姓冰釋而自怠
何者已爲之而彼恥之僭侈相効上升而不息此百姓
所以滋僞而罕歸本也大夫曰官尊者祿厚本美者枝
茂故文王德而子孫封周公相而伯禽富水廣者魚大
父尊者子貴傳曰河海潤千里盛德及四海况其妻子
乎故夫尊於朝妻貴於室富曰苟美古之道也孟子曰
王子與人同而如彼者居使然也居編戶之列而望卿
相之子孫是以破夫而欲及樓季也文學曰禹稷自布
衣思天下有不得其所者若已推而納之溝中故起而
佐堯平治水土教民稼穡其自在天下如此其重也豈
云食祿養妻子而已乎夫食萬人之力者蒙其憂而任
其勞一人失職一官不治皆公卿之累也故君子之仕
以行義非樂其勢也受祿以任賢非利其利也故文武

德成而後封子孫。天下不以爲黨。周公功成而後封伯禽。天下不以爲貪。今則不然。親戚相推。朋黨相舉。父尊於位。子奢濫於內。夫貴於朝。妻謁行於外。無周公之德。而有其富。無管仲之功。而有其侈。是徧戶破夫而望疾也。^步大夫曰。吾聞爲人臣者。盡忠以順職。爲人子者。致孝而承業。君有非。則臣覆蓋之。父有非。則子匿逃之。故君薨。臣不變君之政。父沒。子不改父之道也。今欲罷鹽鐵。均輸。得無害先帝之功。而妨聖主之德乎。有司倚於忠孝之路。是以道殊於文學之謀也。夫諸侯以國爲家。其憂在內。天子以八極爲境。其慮在外。故宇小者用菲。功巨者用大。是以縣官開園池。總山海。致利以助貢賦。修溝渠。立諸農。廣田牧。盛苑囿。太僕水衡。少府大農。歲課

諸人田牧之利。鑿池之假。及北邊置任田官。以贍諸用。而猶未足。今欲罷之。絕其原。杜其流。上下俱殫。困乏之應也。雖省事節用。如之何其可。文學曰。明者因時而變。知者隨世而制。魯定公序昭穆。順祖禰。昭公廢卿士。以省事節用。不可謂變祖父之所爲。二世充大阿房。以崇緒。趙高增累秦法。以廣威。未可謂忠臣孝子也。古者制地。足以養民。民足以承其上。千乘之國。百里之地。公侯伯子男。各充其求。贍其欲。秦兼萬國之地。有四海之富。而意不贍。非宇小而用菲。欲多而下不堪其求也。今無用之官。不急之作。無功而衣食縣官。狗馬之養。蟲獸之

食豈特腐肉秣馬之費哉。不減除其本而欲贍其末。設
機利造田畜。與百姓爭薦草。與商賈爭市利。多張苑囿。
公田池澤。公家有鄣假之名。而利歸權家。三輔迫近山
河。地狹人衆。四方金臻粟米薪菜。不能相贍。而公田輔
假桑榆菜菓不殖。地力不盡。愚以爲非先帝所開苑囿
池籞。可賦之民。縣官租稅而已。如是匹夫之力。盡於南
畝。匹婦之力。盡於麻枲。田野闢。麻枲治。則上下俱衍。何
困乏之有矣。大夫黜然。視丞相御史。御史進曰。周之建
國也。蓋千八百諸侯。其後強吞弱。大兼小。
并爲六國。連衡結難。數百年。內拒敵國。外攘四夷。軍旅
外奉。倉庫內實也。今以天下之富。海內之財。百郡之貢。
非特齊楚之畜。趙魏之資也。宜無乏絕之時。軍四出而
用不繼。非天之財少也。用鍼石調。均有無。補不足者。非

也。上大夫君與治粟都尉炙刺稽滯開利百脉是以萬
貨流通而縣官富實四征暴亂車甲之費克獲之賞以
億萬計皆贍此扁鵲之力鹽鐵之福也。文學曰邊郡山
居谷處陰陽不和寒凍裂地衝風飄鹵沙石凝積地利
無所宜中國天地之中陰陽之際也日月经其南斗極
出其北含衆和之氣產育萬物今去而侵邊多斥不毛
寒苦之地是猶棄江臯河濱而田於嶺坂沮澤也轉倉
廩之委飛府庫之財以給邊民中國困於繇賦邊民苦
於戍禦無桑麻之利仰中國絲絮而後衣之皮裘蒙毛
魯不足蓋形夏不弛衣複冬不離營窟父子夫婦內藏
於專室土園之中中外空虛扁鵲何力而鹽鐵何福乎
御史曰古者諸侯爭強戰國並起甲兵不休民曠於田
疇什二而籍不遑其職今賴陛下神靈甲兵不動而民
不齊出於南畝背恩棄義而遠流亡避公上之事君雖
不足誰與之足乎古者十五入大學與小役二十冠而
成人與戎事五十以上血脉溢剛曰艾壯詩曰方叔元
老克壯其猶故商師若烏周師若茶今陛下哀憐百姓
克力役之政二十三始賦五十六而免所以補耆壯而
忘老艾也下者治其田里老者修其塘園儉力趨時無
寒之患不治其本而訟縣官亦悖矣文學曰樹木數

徙則疲、蟲獸徙居則壞、故代馬依北風、飛鳥翔故巢、莫不哀其生、繇此觀之、夫民豈利避公上之事、而樂流亡哉、軍旅數起、用度不足、以訾徵賦、細民不堪、流亡遠去、常與給於見民後亡者爲先亡者服事、又數剝於惡吏、相放傲而轉徙、大抵逋負皆在大家、吏正畏憚、不敢督責、獨田家數被其勞、故也、古五十以上曰艾、老於家不從力役、所以扶不足而息高年也、今五十以上與子孫並服輓輸、給繇役、古有大喪、君命三年不呼其門、通其孝道、遂其哀戚之心、今棄衰經、僵尸而從戎事、陛下富於春秋、委任大臣、公卿輔政、政教未均、故庶人議也、御史默然不答、大夫曰、道縣於天、物布於地、智者以術愚者以困、懷枉而言正、自託於無欲、而實不從此非士之情也、昔李斯與包丘子俱事荀卿、旣而李斯入秦、取三公、據萬乘之權、以制海內、功侔伊望、名巨泰山、而包丘子不免於甕牖、蒿廬、如潦歲之蠹、口非不衆也、卒溝壑而已、今內無以養、外無以稱、長貧賤而好言仁義、亦不足貴也、文學曰、方李斯之相秦也、始皇任之、人臣無二、而荀卿爲之不食、覩其罹不測之禍也、包丘子飯麻蓬黎、修道白屋之下、樂其志、安於廣廈芻豢、無赫赫之勢、亦無戚戚之憂、今在位者見利不虞害、貪得不顧耻、

以利易身。以財易宗。無仁義之德。而有富貴。若蹈坎穽。食於懸門。此李斯之所以伏五刑也。南方有鳥。名曰鵯。鵯非竹實不食。非醴泉不飲。飛過泰山。泰山之鵯。俛啄腐鼠。仰見鵯鵯而嚇之。今公卿以其富貴笑儒者之行。得無若泰山之鵯嚇鵯乎。御史曰。文學言治尚於唐虞。言義高於秋天。有華言矣。未見其實也。歌者不期於利。聲而貴在中節。論者不期於麗辭。而務在實事。善聲而不知轉。未可爲能歌也。善言而不知變。未可謂能說也。明主憂勞萬人。思念北邊。故舉賢良文學高策。將欲觀殊議異策。庶幾云。諸生得無乃能出奇計乎。今堅據古文。以應當世。猶膠柱而調瑟。亦固而難令矣。文學曰。諸生對策。殊路同歸。指在於崇禮義。退財利。從往古之道。臣當世之失。宜可行者。執事闇於明理。而惑於利末。沮事而墮議。此孔子所以不用於世。而孟軻見賤於諸侯也。夫以伊尹之智。太公之賢。而不能開說於桀紂。非說者非。聽者過也。昔趙高無過人之志。而居萬人之位。是以傾覆人國。而禍殃其宗。盡其惡失之。何能膠柱而調乎。大夫視文學悒悒而不言。丞相御史曰。夫辯國家之政事。論執政之得失。何不徐。

徐以理道相諭。何至切切如此乎。大夫難罷鹽鐵者。非有私也。憂國家之用。邊境之費也。諸生閭閻爭鹽鐵。亦非爲已。欲反之於古而輔成仁義也。然太迫矣。賢良文學皆離席而對曰。鄙人固陋。希涉大庭。狂言多稱以逆執事。夫藥酒苦於口而利於病。忠言逆於耳而利於行。故諤諤者福也。譏譏者賤也。林中多病風。富貴多諛言。萬里之朝。日聞唯唯而不聞諤諤。諸生之諤諤。乃公卿之良藥。鍼石也。大夫色少寬。賢良曰。今以近世觀之。世殊而事異。文景之世。建元之始。民朴而歸本。吏廉而自重。殷殷屯屯。人行而家富。今政非改而教非易也。何世之彌薄而俗之滋衰也。竊聞閭里長老之言。往者常民衣服溫暖而不靡。器質牢朴而致用。馬足以易步。車足以自載。酒足以合歡而不

湛樂足以理心而不淫。入無宴樂之聞。出無佚游之觀。用約而財饒。本修而民富。大臣正而無欲。執政寬而不苛。故黎民寧其性。百吏保其官。其後邪臣各以伎藝。亂至治。外障山海。內興諸利。楊可告緡。江充禁服。張大夫草令。杜周治獄。夏蘭之屬妄殺。殘吏萌起。百姓莫保其首領。豪富莫必其族姓。聖主覺焉。乃誅殘賊。以塞天下之責。君民肆然復安。然其禍亂累世不復。瘡痍至今未息也。故百官有強奪之心。強宰有殘賊之政。大臣擅權而斷擊。豪猾多黨而侵陵。是以民年急歲促。寡廉少耻。刑非誅惡。而奸猶不止也。賢良曰。宮室

輿馬衣服器械。喪祭食飲。聲色玩好。人情之所不能免也。故聖人爲制度以防之。間者士大夫務於權利。怠於禮義。故百姓放傲。頗踰制度。古者穀物菜果。不時不食。鳥獸魚鼈。不中殺。不食。故繳罔不入於澤。雜毛不取。今富者馳逐驅蹙。罔罾掩捕。耽湎沉猶。餽百川鮮雉。桃李。

胎。齧黃口。春。鷺秋雛。冬。葵溫韭。古者采掇茅茨。陶桴復
穴。足禦寒暑。蔽風雨而已。及其後世。采掇不斲。茅茨不
翦。無斲削之事。磨礪之功。大夫達棧楹。士穎首。庶人斧
成木構而已。今富者井幹增梁。雕文檻修。堊厦壁飾。古
者衣服不中制。器械不中用。不粥於市。今民間雕琢不
中之物。刻畫無用之器。玩好玄黃。雜青五色。唐錦追人
奇蟲胡妲。古者諸侯不秣馬。天子有命。以車就牧。庶人
之乘者。馬足代勞而已。故行則服輓。止則就犁。今富者
連車列騎。駢貳輜輶。中者微輿短轂。煩尾掌蹄。夫一馬
伏櫪。當中家六口之食。亾丁男一人之事。古者庶人耄

老而後衣絲。其餘麻枲而已。故命曰布衣。及其後絲裏枲表。直領無禕。袍合不緣。夫羅紈文繡者。人君后妃之服也。繭紵纁練者。婚姻之嘉飾也。是以文繒薄織。不踴於市。今富者縹繡羅紈。中者素綈錦水。常民而祓后妃之服。褻人而居婚姻之飾。古者椎車無柔。棧輿無植。及其後。木輪不衣。長轂數幅。蒲薦苙蓋。無染絲之飾。大夫士則單複不具。盤韋柔韋。常民染輿。大輪蜀輪而已。今庶人富者。銀黃葉搔結。綬鞞杠中者。錯鑣塗采。珥勒飛鈴。古者汙尊坏飲。無爵觴樽俎。及其後。庶人器用竹桺。陶瓠而已。唯瑚璉觴豆而後彫。又彫漆。今富者銀口黃

耳金罍玉鍾中者舒王紵器金錯蜀杯箕子之譏始在
天子今在匹夫古者燔黍食稗而捭豚以相饗其後鄉
人飲酒老者重豆少者立食一醬一肉旅飲而已及其
後賓婚相召則豆羹白飯藜膾熟肉今民間酒食旅殽
重疊燔炙滿案臠鼈膾腥麇卵鶉鷄古者庶人春夏耕
耘秋冬收藏昏晨力作夜以繼日詩云晝爾于茅宵爾
索綯亟其乘屋其始播百穀非服膾不休息今賓昏酒
食接連相因棄事相隨慮無乏日古者庶人糲食藜藿
非鄉飲酒祀臘無酒肉故諸侯無故不殺牛羊大夫士
無故不殺犬豕今閭巷縣陌仟佰屠沽無故烹殺相聚

野外負粟而往。挈肉而歸。夫一豕之肉。得中年之收。十五斗粟。當丁男半月之食。古者庶人魚菽之祭。春秋修其宗廟。士一廟。大夫三。以時有事于五祀。蓋無出門之祭。今富者祈名嶽。望山川。椎牛擊鼓。戲娼舞像。中者南居當路。水上營臺。屠羊殺狗。鼓瑟吹笙。貧者鷄豕五芳。衛保散臘。傾蓋社場。古者德行求福。故祭祀而寬。仁義求吉。故卜筮而希。今世俗寬於行而求於鬼。怠於禮而篤於祭。聽訑言而幾倖得。出實物而享虛福。古者君子夙夜孳孳。思其德。小人晨昏孜孜。思其力。故君子不素餐。小人不空食。世俗飾僞行詐。爲民巫祝。以取鰲謝。堅

頷健舌。或以成業致富。故憚事之人。釋本相學。是以街巷有巫。閭里有祝。古者土鼓簣枹。擊木拊石。以盡其歡。及後。卿大夫有管磬。士有琴瑟。往者民間酒會。各以黨俗。彈箏鼓缶而已。無要眇之音。變羽之轉。今富者鍾鼓五樂。歌兒數曹。中者鳴篳調瑟。鄭儻趙謳。古者瓦棺。容尸木板。塋周足以收形骸。藏髮齒而已。其後桐棺不衣。采椁不斲。今富者繡牆題湊。中者梓棺。槨椁。貧者畫荒衣袍。繒囊緹索。古者明器。有形無實。示民不用也。其後有醢醢之藏。桐馬偶人物。不必備。今厚資多藏。器用如生人。桐人紈紵。古者不封不樹。反虞祭於寢。無壇宇之

居廟堂之位。其後則封之。庶人之墳半仞。其高可隱。今富者積土成山。列樹成林。臺榭連閣。集觀增樓。中者祠堂屏閣。垣闕罍鼎。古者鄰有喪。杵不相。巷不歌。孔子食於有罍者之側。未嘗飽也。今俗因人之喪。以求酒肉。幸與小坐。責辦歌舞。俳優連笑伎戲。夫生事盡愛。送死盡哀。故聖人爲之制節。非虛加之。今生不能致其愛敬。死以奢侈相高。雖無哀戚之心。而厚葬重幣者。稱以爲孝。故黎民慕效。至於廢屋賣菜。古嫁娶之服。朱之以記。虞夏之後。表布內絲。骨筭象珥。封君夫人。加錦尚褻而已。今富者皮衣朱絡。繁路環珮。中者長褙交褊。壁端簪珥。

古者夫婦之好。一男一女而成室家之道。及後士一妾。大夫二。諸侯有姪娣九女而已。今諸侯百數。卿大夫十數。中者侍御富者盈室。是以女或曠怨失時。男或放死無匹。古者凶年不備。豐年補敗。仍舊貫而不改作。今工異變而吏殊心。壞敗成功。以飾厥意。積功以市譽。不恤民之急。田野不辟。而飾亭落。邑居丘墟。而高垣郭。古者不以人民徇禽獸。不奪民財以養狗馬。是以財衍而力有餘。今猛禽奇蟲。不可以耕耘。而令當耕耘者養食之。百姓或祖禍不完。而犬馬衣文繡。黎民或糟糠不接。而禽獸食肉。古者人君敬事愛下。使民以時。天子以天下

爲家。臣妾各以其時。供公奉職。古今之通義也。今縣官
畜奴婢。坐稟衣食。私作產業。爲姦利。百姓或無斗筲之
儲。官奴累百金。黎民昏晨不釋事。奴婢垂拱遨遊也。古
者親近而疏遠。貴所同而賤非類。不賞無功。不養無用。
今蠻貊無功。縣官廣屋大第。坐稟衣食。百姓旦暮不贍。
蠻夷或厭酒肉。黎民泮汙力作。蠻夷交脛肆踞。夫宮室
奢侈。林木之蠹也。器械雕琢。財用之蠹也。衣服靡麗。布
帛之蠹也。狗馬食人食。五穀之蠹也。口腹從恣。魚肉之
蠹也。用費不節。府庫之蠹也。漏積不禁。田野之蠹也。喪
祭無度。傷生之蠹也。目修於五色。且營於五音。體極輕

薄口極甘脆功積於無用財盡於不急故國病聚不足
卽政怠人病聚不足則身危

王吉貢禹論本此

丞相曰治聚不

足柰何賢良曰民奢示之以儉民儉示之以禮方今卿
大夫子孫誠能節車輿適衣服躬親節儉卒以敦朴罷
園池損田宅內無事乎市列外無事乎山澤農夫有所
施其功工女有所粥其祭如是氣脉和平無聚不足之
病矣大夫曰孤子語孝孺者語杖貧者語仁賤者語治
不在己者多稱從旁議者易是其當局則亂故公孫布
祓倪寬練袍衣若僕妾食若庸夫淮南逆於內蠻夷暴
於外盜賊不爲禁奢侈不爲節若疫歲之巫徒能鼓口

耳何聚不足之能治乎。賢良曰。高皇帝之時。蕭曹爲公。滕灌之屬爲卿。濟濟然賢矣。文帝之際。建元之始。大臣尚有爭引守正之義。自此之後。多承意欲。少敢直言面議。罔公而徇私。故武安丞相訟園田。爭曲直於人主之前。夫九層之臺。一傾公輸。不能正本朝一邪。伊望不能復。故公孫丞相倪大夫側身行道。分祿以養賢。卑已以下士。功業顯立。日力不足。無行人子產之繼。而葛繹彭侯之儔。墮壞其緒。毀其客館。議堂以爲馬廐。婦舍無養士之禮。而尚奢矜之色。廉耻陵遲。而爭於利矣。此固難醫之疾。不可爲工者也。大夫勃然作色。默然而不應。

丞相

曰吾聞君子正顏色則遠暴慢出辭氣則遠鄙倍故言
可復行可則此有司夙昔所願覩也若夫挾游論騁博
辯盛氣相憑而不相假使有司不能取賢良之議而賢
良文學被不遜之名竊爲諸生不取也今有司不仁蒙
祿素食無以更責雪耻矣縣官所招賢良文學及親民
俾仕亦未見其能用箴石而警百姓之疾也賢良曰賈
生有言懇言則辭淺而不入深言則逆耳而失措故曰
諫言容易而況行之乎今欲下箴石通關鬲則恐有盛
胡之累懷箴橐艾則被不工之名狼跋其胡載疐其尾
君子之路行止之道固狹耳且古之進士也鄉擇而里
選論其才能然後官之勝官任職然後爵而祿之故士
修之鄉曲升諸朝廷行之幽隱明之顯著是以賢者進
用不肖者簡黜今吏道壅而不選富者以財賈官勇者
以力射功戲車躍鼎咸出補吏累功積日或至卿相重
青繩擢銀龜擅殺生之柄專萬民之命弱者猶使羊將
狼也強者是與狂夫利劍也其亂必矣是以往者郡國
黎民相乘而不能理或至鋸頸殺不辜而不能正執綱
紀非其道故亂愈博也古者封賢祿能不過百里百里
之中而爲都疆垂不過五十里猶以爲一人之身明不
能照聰不能達故立卿大夫士以佐之而政事乃備今

守相無古諸侯之賢而蒞千里之政擅生殺之法不可
不熟擇也故人主有私人以財不私人以官懸賞以待
功序爵以俟賢舉善若不足黜惡若仇讐固爲其非功
而殘百姓也古之制爵祿也卿大夫足以潤賢厚士士
足以優身及黨庶人爲士者足以代其耕今小吏祿薄
郡國繇役遠至三輔粟米貴不足相贍常居則匱衣食
有故則賣畜鬻業非待是也長吏侵漁府下求之縣鄉
求之鄉鄉安取之哉今大川江河飲巨海巨海受之而
欲谿壑之讓流潦不可得也欲影正者端其表欲下廉
者先之身故貪鄙在率不在下教訓在政不在民大夫
巨賢不肖有質而貪鄙有性君子內潔已而不能純教
於彼故周公不能正管蔡之邪子產不能正鄧皙之僞
夫內不從父兄之教外不畏刑法之罪周公子產不能
化必一一責之有司有司豈能縛其手足而使之無爲
非哉賢良曰駟馬不馴御者之過也百姓不治有司之
罪也春秋譏刺不及庶人責其率也故古者大夫將臨
刑也聲色不御刑已當矣猶逡巡而嗟嘆之耻其不能
以化而傷其不全也政教闇而不著百姓顛而不扶猶
赤子臨井而聽其入也則何以爲民父母矣故仁君急
於教而緩於刑刑一而正百教一而厲萬大夫曰八者

不畜無用之民。農夫不畜無用之苗。無用之苗。苗之害也。無用之民。民之賊也。鉏一害而衆苗成。刑一惡而萬民說。刑何可已哉。賢良曰。古者篤教以尊民。明辟以正刑。刑之於治。猶策之於御也。良工不能無策而御。能有策而勿用。聖人不能無刑而教。能有刑而不施。今網紀廢而不能張。禮義壞而不能防。民陷於罔。從而獵之。以刑是猶開其闌牢而發以毒矢也。不盡不止。曾子曰。上失其道。民散久矣。如得其情。則哀矜而勿喜。夫不傷民。人不治。而伐已之能得姦。猶弋者覩鳥獸罟罾羅而喜也。大夫曰。議者貴辭約而指

明。不至繁文稠辭也。陶朱爲生。本末異經。一家數事。而治生之道乃備。今縣官鑄農器。使民務本。不營於末。則無饑寒之累。鹽鐵何害而罷之。賢良曰。農天下之大業也。鐵器民之大用也。器用便利。則用力少而得作多。農夫樂事勸功。器用不具。則田疇荒蕪。穀不殖。用力多而功

鮮器便與不便其功相什而倍也。故民得占租鼓鑄煮
鹽之時。鹽與五穀同賈。器和利而中用。父子戮力。各務
爲善器。農事急。輓運衍之阡陌之間。民相與市。得以財
貨五穀。新弊相易。或時貫貸。民不棄作。荼而得田器。各
得所欲。今總其原。一其賈。器多堅礪。善惡無擇。又多爲
大器。不給民用。民用鈍弊。割草不痛。吏數不在。則器愈
難得。家人不能多儲。多儲則廢生。棄膏腴之日。遠市田
器。則後時。鹽賈益貴。百姓不便。貧民或木耕手耨。土耰
淡食。鐵官賈器不售。或頗賦與民。卒徒作不中程。時命
助之。發徵無限。更繇以劇。故百姓疾苦之。古者千室之

邑百乘之家。陶冶工商。四民之求足。以相更。故農民不
離畦畝。而足乎田器。工人不斬伐。而足乎陶冶。不耕田
而足乎粟米。百姓各得其便。而上無事焉。是以王者務
本不作末。去炫燿。除雕琢。湛民以禮。示民以樸。則百姓
務本而不營於末矣。丞相曰。先王之道。軌久而難復。賢
良文學之言。深遠而難行。於是遂罷議。蓋桓公所論次
略如此。其敘曰。是時賢良茂陵唐生。文學魯萬生之倫。
六十餘人。咸聚闕門。舒六藝之風。論太平之原。智者贊
其慮。仁者明其施。勇者見其斷。辯者陳其詞。閤閤焉。侃
侃焉。雖不能詳備。斯可畧觀矣。然壅於雲霧。終廢不行。

悲夫。公卿知任武。可以闢地。而不知德廣。可以附遠。知權利。可以廣用。而不知稼穡。可以富國也。近者親附。遠者說德。則何爲而不成。何求而不得。不出於斯路。而務畜利長威。豈不謬哉。中山劉子雍言。王道矯當世。復諸正務。在乎反本。直而不激。切而不悖。斌斌然。斯可謂弘博君子矣。九江祝生奮繇路之勇。推史魚之節。舒發憤。憑刺譏。公卿介然直而不撓。可謂不畏強禦也哉。系大夫據當世。合時變。推道術。尚權利。辟略小辯。雖非正法。然巨儒宿學。不能自解。博物通達之士也。攝公卿之柄。不引準繩。以道化下。放於利末。不師古始。處非其位。行

非其道。果隕其姓。以及厥宗。車丞相履伊呂之列。當
處中。括囊不言。容身而去。彼哉彼哉。若夫丞相御史大
夫兩府之士。不能正議。以輔宰相。成同類。長同行。阿意
苟合。以說其上。斗筭之徒。何足筭也。

論曰。余讀世所傳賢良文學罷鹽鐵議。美其意。頗怪其
文。剗削多失倫。說者曰。造次立談之辭。非著論比也。及
得桓次公書。讀之。凡十卷六十篇。然後知世所傳鹽鐵
議。非完書也。以剪截而不章。乃畧其要。刪著之。使後覽
者。亦足明王治古學之所操矣。夫諸賢良文學。謇謇諫
議。猶之循孟荀之法。桓公拾緒議。悉力論撰。而推褒昔

賢不蓋其美也。君子哉。

昔者孔子作春秋，其意深矣。其所以爲之者，蓋欲使天下之人，知善惡之歸，而自求其善也。故其筆削之間，雖一字之微，而義理自見。此其所以爲聖人也。然則孔子之筆削，豈徒然而已哉？抑亦有所爲而筆之，有所爲而削之也。其所以爲之者，蓋欲使天下之人，知善惡之歸，而自求其善也。故其筆削之間，雖一字之微，而義理自見。此其所以爲聖人也。然則孔子之筆削，豈徒然而已哉？抑亦有所爲而筆之，有所爲而削之也。



DS
735
A2
T4
V.19

通史上編卷之二十六

明肝郡鄧元錫纂

西漢文學傳 三

神雀五鳳中天子脩武帝故事論講六藝敦意於經學而徵能爲楚辭九江被公召見爲賦頌益召高材生劉向張子僑華龍王褒等待詔金馬門時天下殷富數有嘉應頗作歌詩欲興協律之事益州刺史王褒欲宣上德聞郡人王褒有俊材使作中和樂選僮子秀者依鹿鳴之詩以歌時汜鄉侯何武在選中父之武等學長安歌大學中轉而上聞帝召見賜帛勞之曰此盛德事吾何足當之問誰誰與作者對曰蜀文學王褒也乃徵褒既至帝大說命爲聖主得賢臣論褒著論曰春秋法五始之要在乎審已正統而已夫賢者國家之器用也所任賢則趨舍省而功施普器用利則用力少而就效衆故工人之用鈍器

也勞筋苦骨終日矻矻及至巧冶鑄千將之樸清水淬其鋒越砥鍊其鍔水斷蛟龍陸剗犀革忽若等沬塵塗如此則使離婁督繩公輸削墨雖崇臺五層延袤百丈而不溷者工用相得也庸人之御駑馬亦傷吻弊策而不進於行胸喘膚汗人極馬倦及至駕齧膝駮乘旦王良執靶韓哀附輿縱騁馳驚忽如影靡過都越國蹶如歷塊追奔電逐遺風周流八極萬里一息何其遼哉人馬相得也故服絺綌之涼者不苦盛暑之鬱燠襲狐貉之煖者不憂至寒之懷愴何則有其具者易其備賢人君子亦聖王之所以易海內也是以嘔喻受之開寬裕之路以延天下之英俊夫竭智附賢者必建仁策索人求士者必樹伯迹昔周公躬吐握之勞故有圖空之隆齊桓設庭燎之禮故有匡合之功繇此觀之君人者勤於求賢而逸於得人臣亦然昔賢者之未遭遇也圖事撥策則君不用其謀陳見摶誠則上不然其信進仕不得施效斥逐又非其愆是故伊尹勤於鼎俎太公困於鼓刀百里自鬻甯戚飯牛羅此患也及其遇明君遭聖主也運籌合上意諫諍則見聽進退得關其忠任職得行其術去卑辱興潔而升本朝離疏釋蹻而享膏梁剖符錫壤而光祖考傳之子孫故世必有聖智之君而

後有賢明之臣虎嘯而谷風冽龍興而致雲氣蟋蟀俟
秋吟蟋蟀出以陰易口飛龍在天利見大人詩曰思皇
多士生此王國故世平主聖俊乂將自至若堯舜禹湯
文武之君獲稷契皋陶伊尹呂望之臣明明在朝穆穆
布列聚精會神相得益章雖伯牙操遞鍾逢門鸞鳥號
猶未足以喻其意也故聖主必待賢臣而弘功業俊士
亦俟明主以顯其德上下俱欲懽然交欣千載一會論
說無疑翼乎如鴻毛遇順風沛乎若巨魚縱大壑其得
意如此則胡禁不止曷令不行化溢四表橫被無窮遐
夷貢獻萬禱必臻是以聖主不徧窺望而視已明不殫
傾耳而聽已聰恩從祥風翺德與和氣游太平之責塞
優游之望得遵游自然之勢恬淡無爲之場休徵自至
壽考無疆雍容垂拱永永萬年何必偃仰謂信若彭祖
响噓呼吸如喬松耿然絕俗離世爲哉詩曰濟濟多士
文王以寧蓋信乎其以寧也時帝頗好僊故褒對及之
帝數從褒等出游所至輒令爲歌頌親第其高下以差
次賜帛後方士言益州有金馬碧雞之寶祭祀可致也詔褒往待祠道病卒或以爲賦淫靡

非急帝曰辭賦大者與古詩同義小者亦辯麗可喜譬

如女工有綺縠冰紈賢於倡優博奕遠矣。後太子體不安。苦善忘。詔褒等入侍。奏奇文娛之。太子疾平。乃歸官。施及元成。匡衡孔光張禹之倫。咸以儒宗登相位。文學法理之臣。傳經依古。以畢精其能。號令章奏。有古風烈。溫文粲如也。而劉更生谷永楊雄之倫。最文。更生著淇。範論發明太傳天人之應。著七畧。剖判藝文。總百家之緒。著三統歷譜。考步日月五星之度。有意其推本之也。其言山陵之戒。指明梓柱。以推廢興。忠精懇惻。今讀之。有餘悲。具帝紀諸侯王傳中。永舉方正直言。對日食。地震具帝紀。以涼州刺史論黑龍。見東萊。以北地太守論。

災異具災祥志請毋竟梁王獄具封建志論神怪具異
教考請褒贈關內侯鄭寬中理較尉陳湯具經學戎狄
志中

楊雄

字子雲

蜀郡成都人少好學博覽無不窺不爲章句

訓詁通而已爲人清靜少嗜慾口吃不能劇談默而好
深湛之思不汲汲於富貴不戚戚於貧賤不修廉隅以
徼名當世家貧無儋石之儲晏如也有大度非聖哲之
書不觀非其意雖富貴不願也少嘗好辭賦讀司馬相
如所爲賦壯之每作賦擬相如與放依而馳驟以屈原
作離騷爲詞人首而自沈江垓以爲君子得其時則行

不得其時則龍蛇遇不遇時也。豈必湛身哉。乃據離騷
文反其意。自岷山投江流。以弔原。名曰反騷。又旁離騷
之作重之曰廣騷。又旁惜誦而下。至懷沙。亦重之曰畔
牢愁。成帝時客有薦雄文似相如者。帝方郊祠甘泉泰
畤。汾陰后土。求繼嗣。召雄待詔承明之庭。甘泉本因秦
離宮而立。旣奢泰。而武帝復增通天。高光。迎風。諸宮。其
外近則淇崖。旁皇儲胥。挐陟遠。則石關。封巒。鳩鵲露寒。
棠梨。師得諸觀。屈奇瑰偉。非古制淫侈。且其爲之已久。
非成帝所造。欲諫則非時。欲默則不能還。乃奏甘泉賦。
推而隆之於帝室。紫宮以風。若曰此非人力之所爲。儻

鬼神可也。又是時趙昭儀方大幸。帝每幸甘泉。常從在屬車豹尾中。故雄盛言車騎之衆。參差之駕。非所以感動天地。逆釐三神。又言屏玉女。郤處妃。以微戒齋宿。交神之義。賦奏天子異焉。其三月。祭后土。乃從羣臣橫大河。湊汾陰。顧龍門。覽鹽池。登歷觀。陟西岳。以望殷周之墟。眇然思唐虞之風。雄以爲臨川。羨魚不如退而結網。還上河東賦。以勸。勸帝敦神武道。穆於緝熙。以軼五而躡三。其十二月。從帝羽獵。以爲昔在帝王宮館臺榭沼池苑囿林麓澤藪。裁足以奉郊廟。御賓客。充庖而已。不奪百姓膏腴。穀土桑柘之地。故女有餘布。男有餘粟。國

家殷富。上下交足。而甘露零其庭。醴泉流其唐。鳳凰巢其樹。黃龍游其沼。麒麟臻其囿。神爵棲其林。故文王囿百里。民以爲尚小。齊宣王囿四十里。民以爲大。裕民之與奪。民異也。武帝廣開上林。南至宜春。鼎湖。御宿。昆吾。旁南山而西。至長楊。五柞。北繞黃山。潁渭而東。周袤數百里。穿昆明池。象滇河。營建章。鳳闕。神明馭娑。馭先合反漸臺。泰液。象海水。周流方丈。瀛洲。蓬萊。游觀侈靡。窮妙極麗。雖頗割其三垂。以贍濟民。然至羽獵田車戎馬器械。儲峙禁禦。所營尚泰奢詡。非堯舜成湯文王三驅之意也。又恐後世復修前好。不折中以泉臺。服虔曰。魯莊公作泉臺。非禮也。

文公毀之公羊
曰勿居可也

故因賦較獵風上創道德之囿弘仁惠
之虞開苑公儲土事不飾木功不彫承民乎農桑明年
天子欲大誇胡人以多禽獸秋命右扶風發民入南山
西自褒斜東至弘農南毆漢中張羅網罟捕熊羆豪
豬虎豹玃獾狐菟麋鹿之屬載輸長楊射熊館令胡人
手搏其中親臨觀焉是時農人不得收斂雄作長楊賦
上之藉翰林爲主人子墨爲客卿風上奉太宗之烈遵
文武之度使農不輟耰工不下機婚姻以時男女莫違
矜劬勞休力作見百年存孤弱而與之同苦樂也久之
太息以爲賦者風也必推類而言麗靡之辭閎侈鉅衍

競於使人不能加也。既廼歸之於正。是風一而勸百。吾
懼覽者或以滋過也。昔武帝好神仙。相如上大人賦。欲
以風帝。讀之縹縹有陵雲之志。繇是言之。賦勸而不止
也。明矣。又頗似俳優。淳于髡優孟之徒。非法度所存。遂
輟不復爲。或曰。霧縠之組麗曰。女工之蠹也。問詩不有
賦乎。曰。詩人之賦麗以則。詞人之賦麗以淫。於是見諸
子。各以其知舛馳而抵牾於聖人爲恠迂。析辨詭辭以
撓世。破大道而惑衆。使學者溺於所聞。莫自知其非也。
以爲君子之道簡易用。要易守。炳易見。法易言。時有問
者。常用法應之。誤以爲十三卷曰。法言。

叙曰。曰天降生
民。倥傯顓蒙。恣

予情性聰明不開訓諸理誤學行第一降周迄孔成于王道然後誕章乖離諸子圖微誤吾子第二事有本真陳施於億動不克咸本諸身誤脩身第三茫茫天道在昔聖考過則失中不及則未至不可姦罔誤問道第四神心忽恍經緯萬方事繁諸道德仁誼禮誤問神第五明哲煌煌旁燭八疆遂于不虞以保天命誤問明第六假言周于天地贊于神明幽弘橫廣絕于邇言誤寡見第七聖人聰明淵懿繼天測靈冠于羣倫經諸范誤五百第八立政鼓衆動化天下莫上於中和中和之發在於哲民情誤先知第九仲尼以來國君將相卿士名臣參差不齊槩諸聖誤重黎第十仲尼之後訖于漢道德行顏閔股肱蕭曹爰及各將尊卑之條稱述品藻誤淵騫第十一君子純終領聞蠢廼簡押旁開聖則誤君子第十二孝莫大於寧親寧親莫大於寧神寧神莫大於四表之驩心誤孝至第十三其畧曰學者所以脩性也貌言視聽思性所有也學則正否則邪務學不如務求師師者人之模範也一閔之市不勝異意焉一卷之書不勝異說

焉。一閱之。而必立之平。一卷之書。必立之師。習乎習以
習。非之勝是也。况習是之勝非乎。於戲。學者審其是而
已矣。或曰。人各是其所是。而非其所非。將誰使正之。曰。
萬物紛錯。懸諸天。衆言淆亂。折諸聖。曰。惡。覩聖而折諸
曰。在則人。亾則書。曰。天下亾聖久矣。呱呱之子。各識其
親。誆誆之學。各習其師。烏知是而習之。曰。精而精之。是
在其中矣。問人曰。取四重。去四輕。則可謂之人矣。敢
問四重。曰。重言。重行。重貌。重好。言重則有法。行重則有
則。貌重則有威。好重則有觀。問四輕。曰。言輕則招憂。行
輕則招辜。貌輕則招辱。好輕則招淫。問視身。曰。其中

也弘深其外也肅括可以視身矣。問活身曰明哲或曰何謂也。曰君子所貴亦越用明保慎其身如庸行翳路衝衝而活君子不貴也。問道曰道也者通也無不通也。道若塗若川車航混混不舍晝夜道以導之德以得之仁以人之義以宜之禮以體之天也合則渾離則散一人而兼統四體其全乎。或曰禮孰愈德曰禮體也人而無禮奚以爲德。問神曰心請聞之曰潛天而天潛地而地天地神明而不測者也。心將測之况於人乎况於事倫乎。敢問潛心于聖曰昔仲尼潛心文王矣達之顏淵潛心於仲尼矣未達一間耳神在所潛而已矣。

天神天明。照之四方。天精天粹。萬物作類。人心其神乎。
操則存。舍則亾。能常操而存者。其惟聖人乎。聖人存神。
索至。成天下之大順。致天下之大利。和同天人之際。使
之無問者也。問明曰。微。或曰。微何如明也。曰。微而見
之。明乎。問大聰。大明曰。眩眩乎。惟天爲聰。惟天爲明。夫
能高其目而下其耳者。天也。問進。曰。水。或曰。爲其不
含晝夜歟。曰。有是哉。滿而後漸者。水乎。問鴻漸。曰。非其
往不往。非其居不居。漸猶水也。問木漸。曰。止於下而漸
於上。木哉。亦猶水而已矣。問命。曰。命者。天之命也。非
人爲也。人爲不爲。命。問人爲。曰。可以存亾。可以死生。非

命也。命不可避也。或曰顏氏之子冉氏之孫曰以其無
避也。若立巖墻之下。動而徵病。行而招死。命乎。命乎。吉
人凶其吉。凶人吉其凶。或曰君子自守。奚其交。曰天地
交。萬物生。人道交。功勲成。君子之言。幽必有驗乎明。
遠必有驗乎近。大必有驗乎小。微必有驗乎著。無驗而
言之。謂妄。君子妄乎不妄。君子所慎。言。禮書。諱言敗
俗。諱好敗。則姑息敗德。君子謹於言。慎於好。亟於時。
多聞則守之以約。多見則守之以卓。寡聞則無約也。寡
見則無卓也。侍君子晦斯光。窒斯通。亾斯有辱。斯榮。
敗斯成人。必自愛也。然後人愛諸。必自敬也。然後人敬。

諸自愛仁之至也。自敬禮之至也。未有不愛敬而人愛敬之者也。君子忠人。况已乎。小人欺人。况人乎。

事父母。自知不足者。其舜乎。不可得而久者。事親之謂也。故孝子愛日。孝子有祭乎。有齊乎。夫能存亾形。屬荒絕者。惟齊乎。是以祭不賓。問德有始而無終。與有終而無始也。孰寧曰。寧先病而後瘳乎。寧先瘳而後病乎。或問大曰。小問遠曰。邇未達曰。天下爲大治之在道。不亦小乎。四海爲遠治之在心。不亦邇乎。問群言之長。羣行之宗曰。羣言之長。德言也。群行之宗。德行也。大人之學爲道也。小人之學爲利也。或曰。耕不獲獵。

不饗耕獵乎。曰耕道而得道。獵德而得德。是獲饗也。

或曰。先生生無以養。死無以葬。如之何。曰。以其所以養
養之。養之至也。以其所以葬葬之。葬之至也。或曰。龍
必飛天乎。曰。時飛則飛。時潛則潛。食不妄形。其可得而
制也。與。聖人不制。何爲乎爰里。曰。龍以不制爲龍。聖人
以不干爲聖人。問。聖人有詘乎。曰。有。曰。焉詘。曰。仲尼
於南子。所不欲見也。於陽虎。所不欲敬也。見所不見。敬
所不敬。非詘而何。或曰。衛靈公問陳。則何以不詘。曰。詘
身將以信道也。如詘道而信身。雖天下不可爲也。問。
孔子知道之不用也。載而惡乎之。曰。之後世君子。曰。賈

如是不亦鈍乎。曰。關百聖而不慙。蔽天地而不耻。能言
之類。莫能加也。貴無敵。富無倫。利孰大焉。問鳥有鳳。
獸有麟。鳥獸皆可。鳳麟乎。曰。群鳥之於鳳。群獸之於麟。
其形性異也。羣人之於聖異乎。顏不孔。雖得天下。不
足以爲樂。亦有苦乎。曰。顏苦孔之卓也。或人瞿然曰。茲
苦也。乃其所以樂與。晞驥之馬。亦驥之乘也。晞顏之
人。亦顏之徒也。聖人之言。似水火。或問焉。曰。水測之。
而益深。窮之而益遠。火用之而彌明。宿之而彌壯。問
儒。曰。通天地人曰儒。問天地易簡。而聖人法之。何五
經之支離。曰。支離所以爲簡易也。已簡已易。焉支焉離。

問五經有辨乎。曰：惟五經爲辨。說天者莫辨乎易，說事者莫辨乎書，說體者莫辨乎禮，說志者莫辨乎詩，說理者莫辨乎春秋。捨斯辨小矣。古者之學，耕且養，三年通一經，今之學也，非獨爲之華藻也。又從而繡其鞶帙，或問孟子知言之要，知德之奧，曰：非苟知之，亦允蹈之。或曰：子小諸子，孟子非諸子乎？曰：小諸子者，以其知異於孔子者也。孟子異乎不異，問荀卿曰：吾於荀卿同門而異戶也。震風陵雨，然後知夏屋之爲幘幪也；虐政暴世，然後知聖人之爲郛郭也。古者楊墨塞路，孟子辭而闢之，廓如也。後之塞路者有矣，竊自比於孟子。

問政曰思斂。問思斂曰昔在周公征于東方。四國是皇。
召伯述職。蔽芾甘棠。思夫齊桓公欲徑陳。陳不果納。執
袁濤塗。斂矣。問何思何斂。曰老人老。孤人孤。病者養。死
者葬。男子畝。婦人桑。之謂思。若汙人老。屈人孤。病者獨
處者。連田畝荒。杼柚空。之謂斂。問民所勤。曰民有三
勤。政善而吏惡。一勤也。吏善而政惡。二勤也。政吏駢惡。
三勤也。禽獸食人之食。土木衣人之帛。穀人不足於晝。
絲人不足於夜。之謂惡政。或曰。以往聖人之法。治將
來。譬猶膠柱。而調瑟也。有諸。曰有之。曰聖君少而庸君
多。如獨守仲尼之道。是漆也。曰聖人之法。未嘗不關盛

衰焉。昔者堯有天下。舉大綱。命禹。夏殷周屬其子。不膠者卓矣。唐虞象刑。惟明。夏后肉辟三千。不膠者卓矣。堯親九族。協和萬國。湯武桓桓。征伐四克。不膠者卓矣。禮樂征伐。自天子出。春秋之時。齊晉實予。不膠者卓矣。或曰。人君不可不學律令。曰。君子爲國。張其綱紀。謹其教化。導之以仁。則下不相賊。蒞之以廉。則下不相盜。臨之以正。則下不相詐。脩之以禮義。則下不多爭。所當學也。如有犯法。則司獄在。或曰。齊得夷吾而霸。仲尼曰。小器請問大器。曰。大器猶規矩準繩乎。先自治而後治人之謂大器。或曰。政先殺後教。曰。嗚呼。歲先秋後春。

乎玄駒之步。雉之晨雊也。化其可已也哉。民可使覲德。不可使覲刑。覲德則純。覲刑則亂。或曰。載使子草律。曰。吾不如弘恭。草奏曰。吾不如陳湯。必也律不犯。奏不剡。甄陶天下者。其在和平。剛則髡。柔則坯。髡音裂。坯鋪回反。

聖人之道。譬猶日之中。與不及則未。過則昃。龍之潛亢。不獲其中矣。是以過中則惕。不及中則躍。井田之田。田也。肉刑之刑。刑也。田也。與衆田之刑也。與衆棄之法。無限則庶人田。侯田。處侯宅。食侯食。服侯服。人亦多不足矣。爲國不施其法。而望其效。譬諸算乎。終無益於富也。付一天下之中。正也多。則桀。少則貉。問蒼蠅。

紅紫曰明視。問鄭衛之似曰。聰聽。或曰。朱曠不世知之。
何曰。亦精之而已矣。問交五聲十二律。或雅或鄭。何也。
曰。中正則雅。多哇則鄭。請問本。曰。黃鐘以生之中正以。
平之。確乎鄭衛不能入也。問公孫龍詭辭數萬以爲。
法。法與曰。斷木爲棊。梲革爲鞠。亦皆有法焉。不合乎先。
王之法者。君子不法也。捨舟航而濟瀆。捨五經而濟道。
棄常珍而嗜異饌。惡覩其識道也。或曰。太上無法而。
治。法非所以爲治也。曰。法始伏羲。成乎堯。匪伏匪堯。禮。
義峭峭。聖人不取也。或曰。太古塗民耳目。惟見也難。
蔽。聞也難塞。曰。天肇降生民。使其目見耳聞。是以視之。

禮聽之樂。如視不禮。聽不樂。雖有民焉。得而塗諸。問
仙者有諸。曰。吾聞伏羲神農。歿黃帝堯舜。殂落。文王畢。
孔子魯城之北。子獨愛其苑乎。非人之所及也。或曰。世
無仙則焉。語諸。曰。惟置置。能使無爲有。又問曰。無以爲
也。問也者。忠孝之間也。忠臣孝子。遑仙乎。不遑。或曰。人
羨久生。將以學也。可謂好學乎。曰。未之好也。學不羨。
問堯讓於許由。由耻而逃也。有諸。曰。好大者爲之也。顧
由無求於世而已矣。乞若禪。舜之重。不輕於由矣。好大
累克巢父洗耳。不亦宜乎。問太古德懷。不禮懷。嬰兒

慕駒犢從焉。以禮曰。嬰兒乎。嬰兒母懷。不父懷。母懷愛。

也。父懷敬也。獨母而不父。未若父母之慤也。問徂詐與。亾孰愈。曰。亾愈。或曰。子將六師。則誰使。曰。御得其道。則天下徂詐咸作。使御失其道。則天下徂詐咸作。敵問威震諸侯。須於征。徂詐之力也。如其亾。曰。威震諸侯。須於徂詐。未若威震諸侯而不須徂詐也。或曰。無徂詐。何以征。曰。不有司馬法乎。何必徂詐也。楊子曰。不仁哉。申韓也。牛羊而用人。或曰。刑名非道邪。何自然。曰。何必刑名。圍碁擊劍。反目眩形。皆自然也。繇其大者爲正道。繇其小者爲姦道。問韓非作說難。而死於說難。何也。曰。說難。蓋其所以死也。君子以禮動。以義止。合則進。否

則退。確乎不憂其不合也。說人而憂其不合。則無不至矣。曰說不合。非憂邪。曰說不繇道。憂也。道而不合。非憂也。或問魯用儒而削。何也。曰魯不用儒也。昔在姬公用於周。而四海皇皇。奠枕于京。孔子用於魯。齊人章章。歸其侵疆。魯不用真儒。故也用真儒。無敵於天下。安得削。或曰奔壘之車。沉流之航。焉用智。口用智於未奔沈。大寒而後索衣裘。不亦晚乎。或曰弘羊權利而國用足。盍權諸曰。譬諸父子。父而權子。縱利如子何。或曰。因秦之法。清而行之。可以致平乎。曰。譬諸琴瑟。鄭衛調。俾夔因之。不可以致簫韶矣。問處秦之世。抱周之

書益乎。曰舉世寒。貂狐不亦燠乎。

問六國竝久矣。一

病一瘳。迄始皇三載而滅。時乎地乎。人事乎。曰具。孝公以下。疆兵力農。以蠶食六國事也。東溝大河南阻高山。西采雍梁北鹵涇。堰便則伸。否則蟠地也。始皇方斧。將相方刃。六國方木。將相方肉。時也。問秦政二十六載。而天下擅秦。秦十五載而楚。楚五載而漢。天耶。人耶。曰具。六國蚩蚩。爲羸弱姬。卒之屏營。羸擅其政。故天下擅秦。秦失其猷。罷侯置守。守失其維。天下狐睽。項氏暴強。改宰侯王。故天下擅楚。擅楚之月。有漢剗紫山南發跡。三秦追項山東。故天下擅漢。天也。兼才尚權。右計左數。

動謹於時人也。天不人不因人。人不天不成。問陳勝吳

廣曰。亂或問楚敗垓下方。死曰天也。諒乎。曰漢屈羣策。

羣策屈群力。楚憊群策。而自屈其力。屈人者克。自屈者

負。天曷故焉。問秦繆瀾上。楚分江西。興廢何速也。曰

天胙光德。而隕明忒。昔在有熊。高陽高辛。唐虞三代。咸

有顯德。故天胙之。爲神明主。是生民之願也。厥饗國久

長。若秦楚強。閼震撲。蹈籍三正。播其虐於黎苗。子弟且

欲喪之。况於民乎。况於鬼神乎。廢未速也。或問義帝

初矯。劉龔南陽。項救河北。二方分崩。一離一合。設秦得

人如何。曰人無爲秦也。喪其靈久矣。問茅焦歷井幹

之苑。使始皇奉虛左之乘。蔡生欲安項咸陽。不能移。又烹之。其未辯與。曰。生捨其沐猴而謂人沐猴。烹不亦宜乎。焦遂許而順守之。雖辨。劇虎牙矣。問酈食其說陳留。下敖倉。說齊罷歷下軍。何辨也。韓信襲齊。以身脂鼎。何訥也。曰。夫辯也者。自辯也。如辯人幾矣。問蒯通抵韓信。不能下。又狂之。曰。方遭信閉。如其抵。曰。巖可抵乎。曰。賢者司禮。小人司巖。况拊鍵乎。昔者魯有大臣二人。史失其名。請問焉。曰。叔孫通欲制君臣之儀。徵先生於齊魯。所不能致者。二人而已。問文皇帝曰。德曰何謂也。曰。罪不孥。宮不女。館不新。陵不墳。問馮唐面文帝。

得頗牧不能用也。諒乎。曰。彼將有激也。帝親屈萬乘。以信亞夫之軍。至頗牧。曷不用哉。問交。曰。仁。問餘耳。曰。

光初。問竇灌。曰。凶終。問信。曰。不食其言。請人。曰。晉荀息。趙程嬰。公孫杵臼。問義。曰。宜之謂義。問臣自得。曰。石。

太僕之對。金將軍之謹。張衛將軍之慎。邴大夫之不伐。問臣自矢。曰。李貳師之執二田。祈連之濫帥。韓馮翊之。翊蕭。趙京兆之犯魏。問呂不韋其智乎。以人易貨。曰。

孰謂不韋智乎。以國易宗。問孔子讀而儀秦行。何如。曰。甚矣。鳳鳴而驚翰。日子貢何如。曰。亂而不解。子貢耻。諸說而不富貴。儀秦耻。諸。問蕭曹。曰。蕭也。規曹也。問。

問滕灌樊鄴曰。俠介叔孫通。繫人也。見事問袁盎曰。忠

敏疾

不足而談有餘。問鼂錯曰。愚問酷吏曰。虎哉虎哉。角而

翼者也。問要離。非義者歟。不以家辭國曰。蛛螫之靡也。

或問近世社稷臣曰。若張子房之智。陳平之無牾。絳

侯之果。霍將軍之勇。終之以禮樂。則可謂社稷臣矣。問

公孫弘。董仲舒。孰愈。曰。仲舒欲爲而不可得。弘容而已

矣。問近世名卿曰。若張廷尉之平。雋京兆之見。尹扶風

之潔。王子貢之介。斯名卿矣。問將曰。若條侯之守長平。

冠軍之征伐。博陸之持重。可謂名將矣。請問古曰。鼓之

以道德。征之以仁義。輿尸血刃。所不爲也。世稱東方

生之盛也。言不純師。行不純表。其流風遺書。茂如也。問
生名過實。何也。曰。應諸不窮。正諫穢德。應諸似優。不窮
似哲。正諫似直。穢德似隱。非夷齊而是下惠。戒其子以
尚容。曾陽爲拙。柱下爲工。飽食安坐。以仕易農。依隱玩
世。無字原時不逢其滑稽之雄乎。作詭乍出乍入。淮南

也。文麗用寡。長卿也。多愛不忍。子長也。仲尼多愛。愛衆
也。子長多愛。愛奇也。或曰。聖人歟。何言之多端。曰。禹

之行水。一東一北。行之無礙也。君子之行。獨無礙乎。如
之何。直往也。水避礙。則通於海。君子避礙。則通于理。

問。泰和曰。其在唐虞成周乎。翻書及詩。溫溫乎其和可。

知也。成康之時。頌聲作乎下。閟雖作乎上。習治也。齊桓之時。縕而春秋美邵陵。何也。曰習治則傷。始亂也。習亂則好。始治也。苾苾聖德。遠人咸慕。上也。武義璜璜。兵征四方。次也。宗夷猾夏。蠹廸王人。屈國喪師。下矣。麟之儀儀。鳳之師師。其至矣乎。螭虎桓桓。鷹隼戢戢。未至也。朱厓之絕。捐之之力也。否則鱗介易我衣裳。雄蓋以法言擬論語。又以爲經莫大於易。作太玄。史篇莫善於倉頡。作訓纂。歲莫善於虞箴。作州箴。其太玄以爲馴乎玄。渾行無窮。正象天。陽陰比參。以一陽乘一統。玄生神象。二神象。二生規。規生三摹。三摹生九據。玄一摹而得天。

曰天玄一方。再摹而得地。曰地玄二方。三摹而得人。曰人玄三方。天三摠而乃成。始中終是也。故天玄三州。地三摠而乃形。下中上是也。故地玄三州。人三摠而乃著。思福禍是也。故人玄三州。一玄都。覆三方。方統九州。州載底部。部分群家。故一玄三方。九州二十七部。八十一家。二百四十三表。七百三十九贊。自然之道也。天以不見爲玄。地以不形爲玄。人以心腹爲玄。天與西北鬱化精也。地與黃泉隱魂榮也。人與思慮含至精也。天穹隆而周乎下。地旁薄而向乎上。人昏昏而處乎中。天渾而渾。故其運不已。地隤而靜。故其生不遲。人循乎天地。故

其施行不窮。是故地坎而天巖。月遯而日湛。五行迭王。四時不俱壯。日以昱乎晝。月以昱乎夜。昴則登乎冬。火則發乎夏。南北定位。東西通氣。萬物離錯乎其中焉。玄一德而作五生。一刑而作五尅。五生不相沴。五尅不相逾。不相沴則能相繼。不相逾乃能相治。相繼則父子之道也。相治則君臣之寶也。故玄也者。天道也。地道也。人道也。故玄一道以三生。三生者。參分陽氣以爲三重。極爲九營。是爲同本而離生。同本離生。天地之經也。旁通上下。萬物并也。九營周流。始終貞也。自然之道也。一一所以原始而測深也。三三所以盡終而極崇也。二二所

以參事而要中也。故觀易者見其卦而名之。觀玄者數其畫而定之。玄管四重四重者方州部家也。管各分九節。九節者初一次二次三次四次五次六次七次八上九也。其用自天元推一晝一夜陰陽數度律歷之紀。九大運與天終始與太初歷相應。亦有顓頊之歷焉。而玄管管中造端於冬至冬至歷元也。冬至之節日在牽牛斗建子律中黃鍾之宮爲天玄一方一州一部一家。其繇曰中陽氣潛萌於黃宮信無不在其中。初一日昆侖旁薄幽測曰昆侖旁薄幽思諸貞也。終從而終焉。曰養人玄三方三州三部三家其繇曰養彌于野陽藹萬

物赤之於下。其初一日養心于淵。美厥靈根。測曰養心于淵。神不外也。是玄之始終。天人之奧。元化之所以成。始而成終也。天玄從中至事。二十有七。首地玄從更至。昆亦如之。人玄從臧至養亦如之。合之爲八十一。首九。九大究。而歲事咸貞。天玄。首從中起。次日周。言陽氣周而反始也。曰。曰。言陽氣微動。動而。賁賁。物生之難也。曰。閑。言陽氣閑於陰也。是冬至之氣也。曰。少。言陽氣澹然。施於微物。皆濂然自纖也。曰。戾。言陽氣孚微物乖離而觸其類也。曰。上。言陽氣育物于下。咸射地而登于上也。是小寒之氣也。曰。于。陽氣扶物而鑽乎堅也。曰。符。言陽氣強內而弱外。物扶符而進于大也。曰。美。陽氣贊幽。推衍未正行也。是大寒氣也。曰。差。言陽氣蠢闢於東。帝縣羣雍。物差其容。是立春始氣也。曰。童。陽氣如窺物。童童然。咸未有知也。曰。增。陽氣蓄息。物益增而殖也。曰。銳。陽氣岑銳。物生專一而不貳也。是立春之終也。曰。達。言陽氣條達。曰。交。言陰陽交而物登也。

曰。言陽氣能剛能柔。能作能休也。是雨水氣也。曰。僣陽氣。僣可進而進。物得所願也。曰。從。言陽躍于淵。于漚。于田。于嶽。物企其足也。曰。進。陽引而進。物漆漆開明也。曰。釋。陽氣和煦。釋物。物稅其枯。而甲解。是驚蟄氣也。曰。格。陽內壯。能格羣陰。而攘却之也。曰。夷。言陽氣蕩滌陰。無疚。羸物夷易也。曰。樂。陽始出。與舒。蠱和淖。而物咸喜也。是春分氣也。曰。爭。陽氣汎施。不偏頗。物各遵其儀而爭也。曰。務。陽氣勉務。物咸若也。曰。事。陽氣大冒。物信而各致其力也。地玄會更。更之會。曰。陽氣既飛。變勢易形。物改其形。是清明氣也。曰。斷。陽氣強內。剛外。動而立。斷也。曰。毅。陽氣方長。毅然。物信其志也。曰。裝。陽氣雖大。用事微。陰據下。裝而欲去之也。穀雨之終也。曰。衆。陽氣信高。宣明。物孺大衆多也。曰。密。陽氣親天。萬物九。蘭咸密。無間也。曰。親。陽方仁。愛全真。敦篤。物咸親睦也。立夏氣也。曰。歛。陽氣大滿於外。微陰小歛於內也。曰。強。陽氣純剛。萬物強梁也。曰。晬。陽氣初晬。清明。物重光也。相見之義也。曰。盛。陽氣隆盛。亢塞。物盡滿意也。小滿氣也。曰。居。陽方博。膚爲物城郭。物咸得度也。曰。法。陽高。縣法。物仰其墨。而被則也。曰。應。陽氣極於上。陰信萌於下。上下相應也。是芒種氣也。夏至氣。曰。迎。陰氣成形於下。物咸迎。

而遇之曰遇陰來陽往易姤之義也曰竈言陰雖沃而
灑之陽猶執而蘇之夏至之終也曰太陰虛其內陽逢
其外陽與盤蓋曰廓陰癰而翕之陽猶恢而廓之曰文
陰歛陽散物文質燦然班班也曰禮陰陽上下正體物
與有禮也小暑氣也曰逃言陰章強陽潛退也曰啓陰
來陽往物盪盪也曰常陰以知臣陽以知辟其道不易
也是大暑氣也曰度言陰躁陽舍各得其度也曰永言
陰以武取陽以文與道可長久也曰昆陰將離之陽尚
昆之昆道尚同也是立秋氣也人玄晝減曰減言陰息
而陽消也曰墜陰不化陽不施萬物各墜陰也曰宇陰
守戶陽守門物莫相干也曰翕陰來逆變陽往順化物
退降而集也處暑之終也曰聚言陰氣收聚陽不禁禦
物崇聚也曰積陰收大閉山川藪澤物畢歸也曰飾陰
白陽黑分行其職出入有飾也白露氣也曰疑陰陽相
疑物咸彫離若是若非也曰視言陰成魄物形貌咸可
視也曰沈言陰陽相懷志在玄宮曰內陽去外而內萬
物之既也秋分氣也曰去言陰陽相去也曰晦言陰登
陽降物晷明也曰晷陰征南陽征北物失明晷晷然也
寒露之終也曰窮陰氣塞宇陽亡其所物窮遽也曰割
言陰氣割物也曰止陰止物於上陽止物於下上下俱

止也。霜降終焉。日堅。陰形胗冒。陽喪緒而物競堅也。曰成陰。氣方盛。陽藏於靈物。濟成形。曰闕。言陰陽交跌相闕。成一其福。立萬物也。曰失陰。大作賊。陽不能得物。陷下。測也。立冬。已日。劇陰窮大位。陽無倚。離劇也。曰馴。陰氣大順。渾沌無端。莫見其根。曰將。陰濟物于上。陽信將復。始之于下也。小雪。氣也。曰難。陰氣方難。水凝地坼。陽萌于淵。曰難也。曰勤。陰凍。迨於外。微陽邸。宜。替力於內也。大雪。終而養復。始於下焉。故一判一合。天地備矣。天廻日行。剛柔接矣。還復其所。終始定矣。一生一死。性命營矣。故仰以觀乎象。俯以視乎情。察性知命。原始見終。三儀同科矣。故日一南而萬物死。日一北而萬物生。斗一北而萬物虛。斗一南而萬物盈。日之南也。右行而左還。斗之南也。左行而右還。或左或右。或死或生。神靈合謀。天地乃分。天神而地靈。故曰。馴乎玄。渾

行無窮。正象天。此之謂也。中之初一日。昆侖旁薄幽何也。玄文曰。人潛天地而包群類也。渾諸中。未形諸外。獨居而樂。獨思而憂。樂不可堪。憂不可勝。故幽也。測曰。思諸貞。此之謂也。次二日。神戰于玄何也。測曰。善惡并也。語人心危也。次三日。龍出其中。文曰。龍德始著也。陰不極則陽不生。亂不極則德不形。君子修德以俟。時不先時而起。不後時而縮。動止微彰。不失其則。其唯君子乎。次四日。庠虛無。因大受性命否。測曰。不能大受也。次五日。日正于天。利以其辰作主。測曰。貴當位也。嚴天而主日也。次六日。月闕其搏。不如開明於西。測曰。明始退也。

次七日。僣僣大魁。願永包貞。何也。玄文曰。仁疾乎不仁。
義疾乎不義。君子寬裕足以長衆。和氣足以安物。則天
地之無不容也。次八日。黃不黃。失秋常何也。玄文曰。失
中德也。諸一爲始。三爲終。五爲中。八難得位。失中經也。
故君子在玄則正在福。則冲在禍。則反。小人在玄則邪。
在福則驕。在禍則窮。故君子在位則昌。失位則良。小人
得位則橫。失位則喪。上九日。顛靈。氣形反。玄文曰。絕而
極乎上也。靈已顛矣。氣形爲得而不反乎。其周之次二
日。植中樞。周無隅。次五日。土中其庭。設于金輿。戒厥渝。
次六日。信周其誠。上通于天。言信歸于周也。其少之初

一曰冥自少。眇于謙。測曰冥自少。不見謙也。次五曰地自坤。下于川。測曰地自坤。人所聖也。上九曰密雨。渙沐。潤于枯瀆。三日射谷。測曰密雨射谷。謙之靜也。戾之初一曰虛。旣邪。心有傾剔。戾之根也。次四曰夫妻反道。維家之保。言道之動也。次八曰殺生相矢。中和其道。言道之止也。謙德之柄也。上之初一日上其純心。挫闕慚慚。言挫銳也。次二曰上無根。思登于天。谷在于淵。言坐馳也。次三口出于幽谷。登于茂木。思其珍穀。測曰思向方也。宿道則珍矣。差之初一日微失。自攻端。測曰微失自攻。人未知也。次二曰寢其所好。將致其所惡。測曰漸以

差也。次四曰。過小善不克。測曰。過小善不能致大也。次五曰。過門折入。得其中行。測曰。過門折入近復還也。次七曰。累卵崇崇。懼貞安。測曰。自危作安也。上九曰。過其枯城。或蘖青青。測曰。改過更生也。而更過之道備矣。增之初一日。聞貞增默。外人不得默識矣。次二曰。不增其方。而增其光冥。測曰。徒飾也。次三曰。木以止漸增。測曰。木止漸增不可益也。而進善之路廓矣。銳之二曰。銳一無不達。測曰。執道必也。次三曰。狂銳盪。測曰。不能處一也。次四曰。銳于時。無不利。測曰。得其適也。次五曰。銳其東。忘其西。見其背。不見其心。測曰。辱在一方也。次七曰。

銳于利忝惡至測曰利不可銳也而遷善之果著矣達之初一日中冥獨達迴迴不屈測曰內曉無方也次二日迷腹達目測曰道不明也次三日蒼木維沅厥美達于瓜苞測曰內恕以量也初四日小達大迷扁扁不故測曰少達大迷獨曉隅方也次五日達于中衢大小無迷道止于中也次六日大達無珍測曰道四通也次七日達于硤割前亾後賴測曰達于硤割終以不廢也次八日迷目達腹測曰外惑其內也上九達于咎貞終譽測曰善以遁退也諸玄辭八十一首象周天之體七百二十九贊象日行一歲周天之度首顓言陰陽消息而

深致意於進退勝負之際。贊所斷吉凶。一依於道德人
事以爲言。其言天地以人。言人事以天。仰而視之在乎
上。俯而窺之在乎下。企而望之在乎前。棄而忘之在乎
後。欲違之不能。嘿而得其所者。玄也。陽知陽而不知陰。
陰知陰而不知陽。知陰知陽。知止知行。知晦知明。其惟
玄乎。縣之者。權也。平之者。衡也。濁者使清。險者使平。離
乎情者。必著乎僞。離乎僞者。必著乎情。情僞相盪。而君
子小人之道著矣。夫天地設。故貴賤序。四時行。故父子
繼。律曆陳。故君臣理。常變錯。故百事辨。虛實盪。故萬物
經。陽不極。則陰不生。陰不極。則陽不牙。極寒生熱。極熱

生寒。信道致詘。詘道致信。其動也。日造其所無而好其
所新。其靜也。日滅其所有而損其所成。故推之以刻。參
之以晷。而反覆其序。軫旋其道。有以見不見之形。抽不
抽之緒。而萬類相連也。其上也縣天。其下也淪淵。其纖
也入歲。其廣也包畛。於是乎筌之以三策。開之以休咎。
紘之以象類。播之以人事。文之以五行。擬之以道德。仁
義禮智無主。無名要合五經。爲其泰漫漶而不可知也。
故有旨有贊。以擬彖象。有衝有錯。有測有攓。有瑩有數。
有文。掎圖告十篇。擬十翼。皆以解剝玄體。擬易而成文。
曰言。其玄之贊也。或以氣。或以類。或以事之亂卒。謹問。

其性而審其家觀其所遭逢神而天之觸地而田之故
首者天性也。衝者對其正也。錯綏也。測所以知其情也。
攤張之瑩明之。數其品式。文其藻飾。掇擬也。圖象也。告
示其所繇往也。玄文多。不盡著。著其凡如此。客有難玄

者所不效何爲。晝費精神於此而煩學。者於彼乎。雄解
之曰。夫閔言崇議幽微之塗。固難與覽者同也。昔人有
觀象於天。視度於地。察法於人者。天麗且彌。地普而深。
日月之徑。不千里。則不能燭。六合耀八紘。泰山之高。不
熒熒。則不能淳。滋雲而散。歛蒸。是以宓犧氏之作易也。
綿絡天地。經以八卦。文王附六爻。孔子錯其象。而彖其
辭。然後能發天地之藏。定萬物之基。典謨之文。雅詠之
聲。不深純溫潤。則何以揚鴻烈。而章緝熙乎。蓋胥靡爲
案。寂寞爲尺。大味必淡。大音必希。是以聲之眇者。不可
同於衆人之耳。形之美者。不可混於世俗之目。師曠之
調鍾。族知音者之在後也。孔子作春秋。幾君子之知我
也。或艷朱丹金紫。而以雉守玄。尚白。潮之雄解之曰。炎

炎者。故位極者宗危。自守者身全。是故知玄知默守道之極。爰清爰靜。游神之庭。惟寂惟冥。守德之宅。且夫爲可爲於可爲之時者。從爲不可爲於不可爲之時者。以吾誠不能與競。競者益。故默。初雄年四十餘。自蜀來京。默獨守。吾太玄。蓋自信如此。師以奏賦爲郎。給事黃門。與王莽劉歆並。哀帝之初。又與董賢同官。其後莽賢皆位三公。權傾人主。所薦拔立顯。而雄二世不徙官。及莽篡位。談說之士。用符命稱功德。獲封爵者衆。雄復不侯。以耆老久次。轉爲大夫。怡於勢利。乃如是。實好古而樂道。用心於內。不求於外。時人皆忽之。唯劉歆及范滂敬焉。而桓譚以爲絕倫。莽旣以劉歆甄豐獻符命。得篡國。而莽中忤。欲逾絕其原。以神前事。豐子尋歆子棻。復獻之。遂誅豐父子。投棻四裔。辭所連卽

收不請。無脫免者。茶辭連雄。時雄較書。天祿閣祓收。恐不能自免。從閣上自投下。幾死。莽聞之曰。雄素不與事。今何故在此。問之。乃茶嘗從雄學。作奇字。雄不知情。乃免。京師爲之語曰。惟寂寞。自投閣。爰清靜。作符命。蓋斬也。雄家貧。性嗜酒。人希過其門。時有好事者。載酒殺從問學。而鉅鹿侯芭常從雄居。受其太玄法言。或謂桓譚曰。子常稱楊雄書。豈能傳於後世乎。譚曰。必傳。顧君與譚不及見耳。凡人賤近而貴遠。今親見楊子雲。祿位容貌。不踰中人。故輕其書。昔老聃著虛無之言。兩篇薄仁義。非禮學。然後世好之者。尚以爲過於五經。自漢文景二帝。及司馬遷。皆有是言。今楊子之書。其義至深。而論不詭於聖人。若使遭遇時君。更越賢知。爲所稱善。必度

越諸子矣。自雄沒法言大行而玄終不顯。後百年太史令張衡平子讀玄。大厭服。作書與崔瑗曰。玄四百歲其興乎。端力精思以揆其義。使人難論陰陽之事。足下累世論道極微。子孫必命世不絕。宜幅寫一通藏之。以待能者。宋程子讀太玄中旨。歎之曰。楊子雲之學。已嘗至此地位。蓋許之也。司馬君實愛其書。以爲監於孟荀而折衷於聖人。故所潛特深。采諸家所註法言。爲作集註。其處王莽之際。曾子固至以爲於箕子之明夷合。以在我者。彼所不能易也。其推尊如此。朱文公作通鑑綱目。以其仕依違莽朝。不能死。不能去。書以莽大夫歿。峻世

坊云

論曰。予讀楊子法言。憲聖宗經。以仁義廓乎邪路。有意乎其迹之也。至太玄覃思於天人之奧。中窅中慮。通律曆之原。雖所從入。繇文辭而改路康莊。不謂大醇哉。斯已卓矣。問莊老不尤深乎。曰深乎深。老得易之體。莊盡易之變。然而流矣。蓋潔淨精微也。而賊。荀楊猶之儒也。問荀孰愈。楊曰。苟得禮樂之粗。楊得詩易之華。均未親有之也。董子文中子具體矣。夫元氣五百年而合。合而離。中必有間氣者作焉。荀楊韓得間氣之秀者夫。

函史上編卷二十六終

國史上編卷之二十七

明盱郡鄧元錫纂

東漢文學列傳 四

先漢距先古未遠。文深醇簡質。未靡濫尚矣。而史文苑無列焉。豈非先實後文。夫人而能爲文也。與哉。壹何盛也。後漢史實始列當世作者。有賦頌書讚。及雜文行世者。杜篤。傅毅。黃香。崔琦。下至酈炎。禰衡之倫。標文苑傳。而文益下衰。競新豔而彌薄。固其理也。今考其稍近質。於道與法有當者列焉。

○班彪。字叔皮。

扶風安陵人。沈重好古。王莽更始之際。避

地隴西。依隗囂以居。而志在帝室。囂畜異志。作王命論。

推漢德風切焉。

囂以問問彪曰。往者周亡。戰國並爭。數世然後定。意者縱橫之事。且復起於今。

乎。將乘運迭興。在於一人也。彪曰。周之廢興。與漢殊異。昔周爵五等。諸侯從政。本根既微。枝葉彊大。故其末流有從橫之事。勢使然也。漢承秦制。改立郡縣。主有專已之威。臣無百年之柄。至於成帝。假借外家。哀平短祚。國嗣三絕。故王氏擅朝。能竊位號。危自上起。傷不及下。是以卽真之後。天下莫不引領而歎。十餘年間。中外騷擾。遠近俱發。假號雲合。咸稱劉氏。不謀同辭。方今豪傑帶州域者。皆無六國世業之資。而百姓謳吟。思仰漢德。漢必復興。已可知矣。竊以爲縱橫裂合之事。不得起也。囂曰。生言周漢之勢可也。至於愚人。習識劉氏姓號之故。而謂漢復興疎矣。昔秦失其鹿。劉季逐而犄之。當時之民。寧知有漢乎。彪乃著王命論。譬曉之曰。昔在帝堯之禪。曰咨爾舜。天之歷數在爾躬。舜亦以命禹。暨于稷契。成佐唐虞。光濟四海。奕世戴德。至于湯武。而有天下。雖遭遇異時。禪代不同。至于應天順人。其揆一也。劉氏承堯之祚。氏族之世。著于春秋。唐據火德。而漢紹之。始起

沛澤則神乎夜號以彰赤帝之符繇是言之帝王之祚必有明聖顯懿之德豐功厚利積累之業然後精誠通于神明流澤加於生民故鬼神福饗天下歸往未見運世無本功德不紀而得崛起在此位者也世俗見高祖興於布衣不達其故以爲適遭暴亂得奮其劍游說之士至比天下於逐鹿幸捷而得之不知神器有命不可以智力求也悲夫夫饑饉流隸餓寒道路思有禰禍之襲儋石之蓄所願不過一金而終於轉死溝壑何則貧窮固有命也况夫天子之貴四海之富神明之祚可得而妄處哉故雖遭離厄會竊其權柄勇如信布強如梁籍成如王莽然卒潤錢伏鑕烹醢分烈又况么麼不及數子而欲闡干天位者乎是故鴛蹇之乘不騁千里之塗燕雀之疇不奮六翮之用案稅之材不荷棟梁之任斗筭之子不秉帝王之重易曰鼎折足覆公餗言不勝其任也當秦之末豪傑共推陳嬰而王之嬰母止之曰自吾爲汝家婦而世貧賤卒富貴不祥不如以兵屬人事成少受其利不成禍有所歸嬰從其言陳氏以寧王陵之母亦見項氏必亾劉氏之將興也當是時陵爲漢將而毋獲於楚有漢使來陵母見之謂曰願告吾子漢王長者必得天下必謹事之無有二心遂對漢使伏劍

而歿以固勉陵其後天下果定於漢陵爲漢相封侯夫以匹婦之明猶能推事理之致探禍福之幾全宗祀於無窮垂策書於春秋而况大丈夫之事乎是故窮達有命吉凶繇人嬰母知廢陵母知興審此二者帝王之分矣苟昧權利越次妄據外不量力內不知命則必喪保家之主失天年之壽遇折足之凶伏斧鉞之誅英雄誠知覺悟超然遠覽收陵嬰之明分絕信布之覬觎距逐鹿之瞽說審神器之有授毋貪不可冀爲二母之所笑則福祚流而巳避地河西爲竇融畫策歸漢從入朝天祿有終矣

舉司隸茂才辟公府察廉爲望都令得吏民心輒去之而專心史籍之事以爲太史公著史記序帝王曰本紀有國曰世家卿士特起曰列傳而採摭經傳分散百家之事甚多疎畧又進項羽陳涉而黜淮南衡山細意委曲條例不經自太初之後好事者頗或綴集然鄙俗不

足采。於是博考遺事。傍貫異聞。爲書數十篇。斟酌前史。

而定正其得失。未就卒。子固傷父業未就。乃潛精研思。

成其事。

固字孟堅。生九歲能屬文。長博貫載籍。學不爲章句。舉大義而已。性寬和。容衆。不以行能高人。

諸儒

慕之。有上書言固私撰國史者。收繫京兆獄。盡取其家

書。先是扶風人蘇朗坐僞造圖讖事。獄死。固弟超恐固

若考覈。粹不能自明。馳詣闕上書。得召見。具言固所爲。

著述意。而郡上所著書。顯宗取讀。大奇之。召除蘭臺令。

史使復終其事。固以爲漢紹堯運。以建帝業。至於六世。

史臣。乃能追述功德。私作本紀。編於百王之末。非所以

明漢德也。故採撰前記。綴集所聞。爲漢書起高祖。訖孝

平王莽之誅。十有二世。二百三十年。爲紀表志傳。凡百

篇。固自永平中受詔。精力二十餘年。至建初中乃成。傍

貫五經。上下洽通。叙傳曰。皇矣漢祖。纂堯之緒。實天生

德。聰明神武。秦人不綱。綱漏于楚。爰

茲發迹。斷蛇奮旅。神母告符。朱旗乃舉。粵蹈秦郊。嬰來

稽首。革命創制。三章是紀。應天順民。五星同晷。項氏畔

渙。黜我巴漢。西土宅心。戰士憤怨。乘釁而運。席卷三秦。

割據山河。保此懷民。股肱蕭曹。社稷是經。瓜牙信布。腹

心良平。龔行天罰。赫赫明明。述高紀第一。孝惠短世。高

后稱制。罔顧天顯。呂宗以敗。述惠紀第二。高后紀第三。

太宗穆穆。允恭玄默。化民以躬。帥下以德。農不供貢。臯

不收祭。宮不新館。陵不崇墓。我德如風。民應如草。國富

刑清。登我漢道。述文紀第四。孝景泄政。諸侯方命。克伐

七國。主室以定。匪怠匪荒。務在農桑。著于甲令。民用寧

康。述景紀第五。世宗曄曄。思弘祖業。疇咨熙載。髦俊並

作。厥作伊何。百蠻是懷。恢我疆宇。外博四荒。武功旣抗。

亦廸斯文。憲章六學。統壹聖真。封禪郊祀。登祭百神。協

律改正。饗茲永年。述武紀第六。孝昭幼冲。冢宰惟忠。燕

蓋請張實獻實聰。臯人斯得，邦家和同。述昭紀第七中。
宗明明，夤用刑名。時舉敷納，聽斷惟精。柔遠能邇，燁耀
威靈。龍荒朔幕，莫不來庭。丕顯祖烈，尚於有成。述宣紀
第八。孝元翼翼，高明柔克。賓禮故老，優繇亮直。外割禁
囿，內損御服。離宮不衛，山陵不邑。闔尹之咎，穢我明德。
述元紀第九。孝成煌煌，臨朝有光。威儀之盛，如圭如璋。
壺闈怒趙，朝政在王。炎炎燎火，亦允不陽。述成紀第十。
孝哀彬彬，克檻威神。彫落淇支，底劇禺臣。婉孌董公，惟
亮天工。犬過之困，實撓實凶。述哀紀第十一。孝平不造，
新都作宰。不伊不周，器我四海。述平紀第十二。漢初受
命，諸侯並政。制自項氏，十有八姓。述異姓諸侯王表。天
祚元勲，啓立輔臣。支庶藩屏，侯王金尊。述諸侯王表。侯
王之祉，祚及宗子。公族蕃滋，支葉碩茂。述王子侯表。受
命之初，贊功剖符。奕世弘業，爵土乃昭。述高惠高后考
文功臣侯表。景征吳楚，武興師旅。後昆承平，亦有紹土。
述景武昭宣元成哀功臣侯表。無德不報，爰存二代。宰
相外戚，昭遵見戒。述外戚恩澤侯表。漢廼于秦，有革有
因。脩舉僚職，並列其人。述百官公卿表。篇章博舉，通于
上下。畧差名號，九品之叙。述古今人表。元元本本，數始
于一。產氣黃鍾，造計抄忽。八音七始，五聲六律。度量權

衡歷筭迫出官失學微六家分乘壹彼壹此度研其幾
述律歷志上天下澤春蠶奮作先王觀象爰制禮樂厥
後崩壞鄭衛荒淫風流民化滔滔紛紛畧存大綱以統
舊文述禮樂志雷電皆至天威震耀五刑之作是則是
效威實輔德刑亦助教季世不諄背本爭末孫吳徂詐
申商酷烈漢章九法太宗改作輕重之差世有定籍述
刑法志厥初生民食貨爲先割制廬井定爾土田什一
供貢下富上尊商以足用懋遷有無貨自龜貝至此五
銖揚摧古今監世盈虛述食貨志昔在上聖昭事百神
類帝禋宗望秩山川明德惟馨永世豐年季末淫祀營
信巫史大夫臚岱侯伯借時放誕之徒緣象著明日月周
顧後正其終始述郊祀志炫炫上天縣象著明日月周
輝星辰垂精百官立瀆宮室混成降應王政景以燭形
三季之後厥事放紛舉其占應覽故考新述天文志河
圖命庖錙書賜禹八卦成列九疇迫叙三代寔寶光演
文武春秋之占咎徵是舉告往知來王事之表述五行
志坤作地勢高下九則自昔黃唐經畧萬國變定東西
疆理南北三代損益降及秦漢革刻五等制立郡縣畧
表山川彰其剖判述地理志夏乘四載百川是導唯河
爲難災及後代商竭周移秦決南涯自茲距漢北以八

支文陲棗野武作瓠歌成有平年後遂滂沱爰及溝洫
利我國家述溝洫志伏義畫卦書契後作虞夏商周孔
纂其業纂書刪詩綴禮正樂彖系大易因史立法六學
既登遭世罔弘羣言紛亂諸子相騰秦人是滅漢脩其
缺劉向司籍九流以別爰著目錄畧序洪烈述藝文志
上煨下暴惟盜是伐勝廣標起梁籍扇烈赫赫炎炎遂
焚咸陽宰割諸夏命立侯王誅嬰放懷詐虐以亾述陳
勝項籍傳張陳之交游如父子攜手逐秦折翼俱起據
國爭權還爲豺虎耳謀甘公作漢藩軸述張耳陳餘傳
三枿之起本根旣朽枯楊生華曷惟其舊橫雖雄材伏
于海島沐浴尸鄉北面奉會旅人慕殉義過黃鳥述魏
豹田儋韓信傳信惟餓隸布實黥徒越亦狗盜芮尹江
湖雲起龍驤化爲侯王剖有齊楚跨制淮梁綰自同開
鎮我北疆德薄位尊非昨惟殃吳克忠信胤嗣乃長述
韓彭英盧吳傳賈屋從旅爲鎮淮楚澤王琅琊權激諸
呂渾之受吳疆土踰距雖戒東南終用齊斧述荆燕吳
傳太上四子伯兮早夭仲氏王代叔宅于楚戊寅淫孽
平陸乃紹其在于京奔世宗正劬勞王室用侯陽成子
政博學三世成名述楚元王傳季氏之訕辱身毀節信
于上將議臣震栗藥公哭梁田叔殉趙見危授命誼動

明主布歷燕齊叔亦相魯民思其政或金或社述季布
樂布田叔傳高祖八子二帝六王三趙不辜淮厲自片
燕靈絕嗣齊悼特昌掩有東土自岱徂海支庶分王前
後九子六國誅斃適齊亡祀城陽濟北後承我國起赴
景王匡漢社稷述高五王傳猗與元勳包漢舉秦鎮守
關中足食成軍營都立宮定制修文平陽玄默繼而弗
革民用作歌化我淳德漢之宗臣是謂相國述蕭何曹
參傳留侯襲秦作漢腹心圖折武關解脫鴻門推齊錯
印歐致越信招賓四老惟寧嗣君陳公擾攘歸漢乃安
斃范公項走狄擒韓六奇既設我罔艱難安國廷爭致
仕杜門絳侯矯矯誅呂尊文亞夫守節吳楚有勲述張
陳王周傳舞陽鼓刀滕公廐騶穎陰商販曲周庸夫攀
龍附鳳並乘天衢述樊鄴滕灌傳斬周傳北平志古司
秦柱下定漢章程律度之緒建平質直犯上于色廣阿
之厓食厥舊德故安執節貴通請錯蹇蹇帝臣匪躬之
故述張周趙任申屠傳食其監門長揖漢王畫策陳留
進收敖倉塞隘杜津王基以張賈作行人百越來賓從
容風議博我以文敬繇役夫遷京定都內強關中外和
凶奴叔孫奉常與時抑揚稅介免胄禮義是創或抵或
謀觀國之光述酈陸朱婁叔孫傳淮南惜狂二子受殃

安辯而邪、賜頌以荒、敢行稱亂、窘世薦亾、述淮南衡山、
濟北傳、蒯通壹說、三雄是敗、覆鄆驕韓、田橫嶼、沛、被之、
拘係、乃免患害、充躬罔極、交亂弘大、述蒯伍、江息夫、傳、
萬石溫溫、幼寤聖君、宜爾子孫、天天申申、慶祉于齊、不、
言動民、衛直周張、淑慎其身、述萬石衛直、周張傳、孝文、
三王、代孝二梁、懷折亾嗣、孝乃尊光、內爲母弟、外扞吳、
楚、怙寵矜功、惜欲失所、思心旣霽、牛禍告妖、帝庸親親、
厥國五分、德不堪寵、四支不傳、述文三王傳、賈生矯矯、
弱冠登朝、遭文獻聖、屢抗其疏、暴秦之戒、三代是據、建、
設藩屏、以強守圉、吳楚合從、賴誼之慮、述賈誼傳、子絲、
慷慨激辭、納說、監轡正席、顯陳成敗、錯之瑣材、智小謀、
大、禍如發機、先寇受害、述袁鼂傳、釋之典刑、國憲以平、
馮公矯魏、增主之明、長孺剛直、義形於色、下折淮南、上、
正元服、莊之推賢、於茲爲德、述張馮汲鄭傳、榮如辱如、
有機有樞、自下摩上、惟德之隅、賴依忠正、君子采諸、述、
賈鄒枚路傳、魏其翩翩、好節慕聲、灌夫矜勇、武安驕盈、
凶德相擬、禍敗用成、安國壯趾、王恢兵貧、彼若天命、此、
近人咎、述竇田灌韓傳、景十三王、承文之慶、魯恭館室、
江都諺、輕趙敬、險諛中山、浮觴長沙、寂漠廣川、人聲膠、
東不亮、常山驕盈、四國絕嗣、河間賢明、禮樂是脩、爲漢

宗英述景十三王傳李廣恂恂實獲士心控弦貫石威
動北鄰躬戰七十遂歿于軍敢然衛青見討去病陵不
引決忝世滅姓蘇武信節不詘王命述李廣蘇建傳長
平桓桓上將之元薄伐獫狁恢我朔邊戎車七征衝車
閑閑合圍單于北登闕顏票騎冠軍森勇紛紜長驅六
舉電擊雷震飲馬瀚海封狼居山西規大河列郡祁連
述衛青霍去病傳抑抑仲舒再相諸侯身脩國治致仕
縣車下帷覃思論道屬書讜言訪對爲世純儒述董仲
舒傳文豔用寡子虛烏有寓言淫麗託風終始多識博
物有可觀采蔚爲辭宗賦頌之旨述司馬相如傳平津
斤斤晚躋金門旣登爵位祿賜順賢布衾蔬食用儉飭
身卜式耕牧以求其志忠寤明君乃爵乃試倪生壘壘
束髮脩學偕列名臣從政輔治述公孫弘卜式兒寬傳
張湯遂達用事任職媚茲一人日旰忘食旣成寵祿亦
罹咎慝安世溫良塞淵其德子孫遵業全祚保國述張
湯傳杜周治文唯上淺深用取世資幸而免身延年寬
和列于名臣欽用材謀有異厥倫述杜周傳博望杖節
收功大夏貳師秉鉞身釁朝社致歿爲福每生作禍述
張騫李廣利傳嗚呼史遷薰胥以刑幽而發憤乃思乃
精錯綜羣言古今是經勒成一家大畧孔明述司馬遷

傳孝武六子齊昭公嗣燕刺謀逆廣陵祝詛昌邑短命
昏賀失據戾圉不幸宣承天序述武五子傳六世眈眈
其欲澈澈文武方作是庸四克助偃淮南數子之德不
忠其身善謀於國述嚴朱吾丘主父徐嚴終王賈傳東
方瞻辭詠諧倡優譏苑扞偃正諫舉郵懷肉汙殿弛張
沈浮述東方制傳葛繹內醴屈氈王子千秋時發宜春
舊仕敞義依霍庶幾云已弘惟政事萬年容已咸睡厥
諷孰爲不予述公孺劉田楊王蔡陳鄭傳王孫竈葬建
乃斬將雲廷計禹福逾刺鳳是謂狂狷敞近其衷述楊
胡朱梅傳博陸堂堂受遺武皇擁毓孝昭末命導揚遭
家不造立帝廢王權定社稷配忠阿衡懷祿耽寵漸化
不詳陰妻之逆至子而亡枕侯狄登虔恭忠信奕世載
德勲于子孫述霍光金日磾傳兵家之策惟在不戰營
平皤皤立功立論以否濟可上諭其信武賢父子虎臣
之後述趙充國辛慶忌傳義陽樓蘭長羅昆彌安遠日
逐義成郅支陳湯誕節救在三拯會宗勤事疆外之桀
述傳常鄭甘陳段傳不疑膚敏應變當理辭霍不婚遂
遁致仕疏克有終散金娛老定國之祚于其仁考廣德
當宜近於知耻述雋疏于薛平彭傳四皓遜秦古之逸
民不營不拔嚴平鄭真吉困于賀濯而不濯禹旣黃髮

以德來仕舍惟正身勝苑善道郭欽蔣翊近遜之好述
王貢兩龔鮑傳扶陽濟濟聞詩聞禮玄成退讓仍世作
相漢之宗廟叔孫是謨革自孝元諸儒變度國之誕章
溥載其路述韋賢傳高平師帥惟辟作威圖黜凶害天
子是毗博陽不伐舍弘光大天誘其衷慶流苗裔述魏
相丙吉傳占往知來幽贊神明苟非其人道不虛行學
微術昧或見彷彿疑殆匪闕違衆忤世淺爲尤悔深作
患害述睦兩夏侯京翼李傳廣漢尹京克聰克明延壽
作翊既和且平矜能計上俱陷極刑翁歸承風帝揚厥
聲敞亦平平文雅自贊尊實赴赴邦家之彥章死非臯
士民所歎述趙尹韓兩王傳寬饒正色國之司直豐稭
好剛輔亦慕直皆陷狂狷不典不式崇執言責隆持官
守寶曲定陵並有立志述蓋諸葛鄭卿母將孫何傳長
倩與輿覲霍不舉遇宣廼拔傳元作輔不圖不慮見躡
石許述蕭望之傳子明光光發迹西疆列於禦侮厥子
亦良述馮奉世傳宣之四子淮陽聰敏舅氏遽蔭幾陷
大理楚孝惡疾東平失軌中山凶短母歸戎里元之二
王孫後大宗昭而不穆大命更登述宣元六王傳樂安
褒褒古之文學民具爾瞻困于二司安昌貨殖朱雲作
冀博山惇慎受斧之戒述王張孔馬傳樂昌篤實不撓

不訓，邁閔既多，是用廢黜。武陽殷勤，導輔副君，既忠且謀，饗茲舊勲。高武守正，因用齊身，述王商史丹傳喜傳。高陽文法，揚鄉武畧，政事之材，道德惟薄，位過厥任，終其祿，傳之翰音，鼓妖先作，述薛朱傳。高陵脩儒，任刑養威，用合時宜，器周世資，義得其勇，如虎如貔，進不跬步，宗爲鯨鯢，述翟方進傳。統微政，缺災青屢發，永陳厥咎，戒在三七，鄴指丁傳，畧窺占術，述谷杜傳。哀平之卹，丁傳莽賢，武嘉戚之乃器，歌身，高樂廢黜，咸列貞臣，述何王師丹傳。淵哉若人，實好斯文，初擬相如，獻賦黃門，輟而覃思，草法纂玄，斟酌六經，放易象論，潛于篇籍，以章厥身，述楊雄傳。獷獷亾秦，滅我聖人，漢存其業，六學析分，是綜是理，是綱是紀，師徒彌散，著其終始，述儒林傳。誰毀誰譽，譽其有試，泯泯羣黎，化成良吏，淑人君子，時同功異，沒世遺愛，民有餘思，述循吏傳。上替下陵，姦軌不勝，猛政橫作，刑罰用興，曾是強禦，拊克爲雄，報虐以威，殃亦凶終，述酷吏傳。四民食力，罔有兼業，大不淫侈，細不匱乏，蓋均無貧，遵王之灋，靡法靡度，民肆其詐，偪上并下，荒殖其貨，侯服玉食，敗俗傷化，述貨殖傳。開國承家，有灋有制，家不藏甲，國不專殺，矧乃齊民，作威作惠，如合不匡，禮法曷謂，述游俠傳。彼何人斯，竊此富

貴熒損高明作戒後世述佞幸傳於惟帝典戎夷猾夏
周宣攘之亦列風雅宗幽既昏淫于褒女戎敗我驪遂
亾鄠鄆大漢初定匈奴強盛圍我平城寇侵邊境至于
孝武爰赫斯怒王師雷起霆擊朔野宣承其末乃施洪
德震我威靈五世來服王莽竊命是傾是覆備其變理
爲我典式述匈奴傳西南外夷種別域殊南越尉佗自
王番禺攸攸外寓閩越東甌爰洎朝鮮燕之外區漢興
柔遠與爾剖符皆恃其阻乍臣乍驕孝武行師誅滅海
隅述西夷兩越朝鮮傳西戎卽序夏后是表周穆觀兵
荒服不旅漢武勞神圖遠甚勤王師驪驪致誅大宛嫪
嫪公主乃女烏孫使命乃通條支之頻昭宣承業都護
是立總督城郭三十有六脩奉朝貢各以其職述西域
傳詭矣禍福刑于外戚高后旨命呂宗傾覆薄姬墜魏
宗文產德竇后違意考盤于代王氏不微世武作嗣子
夫既興弱而不終鉤弋憂傷孝昭以登上官幼尊類禍
厥宗史娣王悼身遇不祥及宣饗國二族後光恭哀產
元天而不遂邛成乘序履尊三世飛燕之妖禍成厥妹
丁傳僭恣自求凶害中山無辜乃畧馮衡惠張景薄武
陳宜霍成許哀傳平王之作事趾馱餒非天所度怨咎
若茲如何不修述外戚傳元后娠母月精見表遭成之

逸政自諸舅陽平作威誅加卿宰成都煌煌假我明光
曲陽猷猷亦朱其堂新都亢極作亂以凶述元后傳咨
爾賊臣篡漢滔天行驕夏癸虐烈商辛僞稽黃虞繆稱
典文衆怨神怒惡復誅臻百王之極究其姦昏述王莽
傳其自叙曰凡漢書叙帝皇列官司建侯王準天地統
陰陽闡元極步三光分州域物土疆窮人理該萬方緯
六經綴道綱總百氏贊篇章函雅故通古今正文字惟
學林固所著甚富而兩都賦尤工以文華不錄後以竇
氏賓客
死獄中

論曰晉范曄稱固之叙史也不激詭不抑抗瞻而不穢
評而有體使讀之者亶亶而不厭信哉其能成名也然
固誹遷著論是非頗謬於聖人乃其書排歿義否正直
不叙殺身成仁之美何也傷遷不能以智自免而竇氏
之難躬親晚焉固自爲一代史表見終始可矣至乃以

編漢百王之末。爲子長病。則仲尼以世次序書。周毀虞夏殷也。非與。要其書。本經質典。辭義穠郁。雖高古少避左史。而後作者莫之或逮矣。

王充

字仲

上虞人。少事班彪從學。貧無書。游雒陽。閱肆

所市書。一過輒誦憶。遂博通百家。仕郡爲功曹。數諫爭不合去。以爲俗儒守文失真。乃閉戶潛思。絕慶弔之禮。戶牖牆壁。並置刀筆。著論衡八十五篇。以薦徵詣公車。病不行。年七十。造養性書。願神自守。卒於家。後中郎蔡邕得論衡。秘玩爲談助。會稽太守王朗讀之。才頓進。人訝之。曰。不見異人當得異書。詰之。果論衡之益也。論衡

范史弗錄。世頗有然。獨博異聞見多。室不通。語俚塞不章。豈近代贗作與不然。何中郎沈深好古學。而是之好也。夏恭。梁蒙人。習韓詩孟氏易。講授常數千人。王莽末。盜攻沒郡縣。恭以恩信爲衆附。因旅守以全。世祖聞召拜郎中。遷太山都尉。和輯百姓得其心。恭善爲文。著賦頌詩。勵學文二十餘篇。卒。諸儒私謚曰宣明君子。牙傳家學。舉孝廉。早卒。傳毅。字武仲扶風茂陵人。少好學。作廼志詩以自勗。以當世求士不篤。作七激風焉。以蘭陵令史與班固賈逵典較書。以孝明皇帝功德最盛。而廟樂未立。作顯宗頌。繇是文雅顯於朝廷。車騎將軍馬

防請爲軍司馬待以師友之禮馬氏敗坐免官已與崔

駟就竇憲辟與班固典文章早卒免於難廼志詩曰咎爾庶士迨時

斯最日月逾邁豈云旋復哀我經營旅力靡及在茲弱

弁世載德迄我顯考保膺淑懿續脩其道漢之中葉俊

人式序秩彼殷宗光此勲緒伊余小子穢陋靡逮濯我

世烈自茲以墜誰能革濁清我濯漑誰能昭闇啓我童

昧先人有訓我誡我告訓我嘉務誨我博學爰率朋友

尋此舊則契濶夙夜庶不懈忒秩秩大猷紀綱庶式匪

勤匪昭匪壹匪則農夫不急越有黍稷誰能云作考之

居息二事敗業多疾我力如彼遵衢則罔所極二志靡

成聿勞我心如彼兼聽則涸於音於戲君天無恒自逸

徂年如流鮮茲暇日行邁屢稅崔駟涿郡安平人祖

胡能有迄密勿朝夕聿同始卒

篆王莽時爲郡文學莽大保甄豐舉爲步兵較尉篆歎

曰吾聞伐國不問仁人此言奚爲至於我哉遂投劾歸

時莽多嫌忌中。豪傑以危法。而莽兄發。以佞巧顯。引莽爲建新大尹。幾自全。篆歎曰。生無妄之世。值澆羿之君。上有老母。下有兄弟。顧安所得潔已哉。乃單車到官。稱疾不視事。不行縣門。下掾交諫。乃強起。班春所至。縣獄犴填滿。篆垂涕曰。嗟乎。刑罰不中。陷生民於穽。此何罪而至是乎。遂理出二千餘人。掾吏叩頭諫曰。朝廷初政。州牧峻深。明府宥過申枉。誠仁者之心。然獨爲君子得。無有後悔乎。篆曰。邾父公不以民命易其身。君子謂之知命。如殺一大尹。贖二千人。蓋所願也。竟平反。稱疾去。建武初。廷臣交薦篆。自以宗門受莽僞寵。慚愧。漢朝辭。

不仕閉門潛思。著易林六十四篇。篆生毅。毅生駟。駟生
十三年。通詩易春秋。博學有偉才。善屬文。游太學。與班
固傳毅齊名。元和中。肅宗廵方岳。上四廵頌。帝嗟嘆之。
謂侍中竇憲曰。卿寧知崔駟乎。對曰。班固數爲臣言之。
未得見也。帝曰。卿愛班固而忽崔駟。此葉公之好龍也。
憲見駟。笑謂之曰。亭伯。吾受詔交公。公何得薄我哉。禮
爲上客。會帝崩。竇太后臨朝。憲以重戚筦機密。駟獻書
誠之。書曰。駟聞交淺而言深者愚也。在賤而望貴者惑也。未信而納忠者謗也。三者皆所不宜。而駟蹈之。
者。區區憤盈不能自己也。竊見足下。體淳淑之姿。躬高明之量。意美志勵。有上賢之風。幸充下館。列後陳。是以
竭其拳拳。傳曰。生而富者驕。生而貴者傲。生富貴而能不驕傲者。未之有也。今寵祿初隆。百僚觀行。當堯舜之

盛世處光華之顯時。豈可不虞。幾風夜。弘申伯之笑。致周邵之事乎。語曰。不患無位。患所以立。昔馮野王以外戚居位。稱爲賢臣。近陰衛尉克已。復禮終受多福。郊氏之宗。非不尊也。陽侯之族。非不盛也。重侯累將。建天樞。執斗柄。而獲譏於時。垂愆於後者。何也。在滿而不挹。位有餘而仁不足也。漢興迄于哀平。外家二十。保族全身。四人而已。書曰。鑒于有殷。不可愼哉。竇氏之興。肇自孝文。二君以淳淑守道成名。迨于中興。安豐以佐命著德。內忠誠自固。外法度自守。卒享祚傳國。垂祉於今。謙德之光。周易所美。溫滿之咎。道家所戒。故君子福大而愈懼。爵隆而益恭。邇察近覽。俯仰有則。銘諸几杖。刻諸盤杆。矜矜榮榮。無怠無荒。則百福是荷。慶流無窮矣。及憲爲車騎將軍。又予書多所指切。憲疏之。出爲長岑。長不之官。歸卒于家。中子瑗。早孤好學。盡傳其父業。年十八。從侍中賈逵。質大義。逵善遇之。家貧。兄弟同居數十。年。鄉邑化服。游太學。明天官歷數。京房易傳。六日七分。

之學諸儒宗之。爲郡吏。繫東郡獄。獄掾善爲禮。從問禮。其專心好學如是。後辟車騎將軍閭顯府。爲顯畫勸引立濟陰王顯誅坐斥。司隸較尉陳禪實聞之。欲爲白發其事。瑗謝曰。此譬猶兒妾屏語。於事何益哉。而以爲名乎。願勿復出口。久之。大將軍梁商復辟瑗。瑗自以爲游貴戚被廢。遂回辭。歲中舉茂才。爲汲令。視事七年。百姓歌之。漢安初。大司農胡廣。少府竇章。共薦瑗宿德大儒。從政有迹。不宜久在下位。遷濟北相。循行使。以臧罪奏徵詣廷尉。瑗上書自訟。得理出。會病卒。瑗愛士好賓客。而家無擔石。嘗著座右銘以見志。銘曰。無道人之短。無己之長。施人慎勿。

念受施慎勿忘世譽不足慕惟仁爲紀綱隱心而後動
謗議庸何傷無使名過實守愚聖所藏在涅貴不緇暖
暖內含光柔弱生之徒老氏誠剛疆行行鄙夫志悠悠
故難量慎言節飲食知足勝不祥行之苟有恒久久自
芳而暖宗人琦舉孝廉爲郎梁冀聞其賢請與交冀行
多不軌琦數引古今成敗以戒不能受作外戚箴風焉
辭曰赫赫外戚華寵煌煌昔在帝舜德隆英皇周興三
母有莘崇湯宣王晏起姜后脫簪齊桓好樂衛姬不音
皆輔主以禮扶君以仁達才進善以義濟身爰暨末葉
漸已頽虧貫魚不叙九御差池專權擅愛顯已蔽人陵
長問黃圯剝至親並后匹嫡淫女斃陳匪賢是上番爲
司徒荷爵負乘采食名都詩人是刺德用不臚暴辛惑
婦拒諫自孤蠅蛇其心縱毒不辜諸父是殺孕子是剗
天怒地忿人謀鬼圖甲子昧爽身曾分離初爲天子後
爲人騎非但耽色母后尤然不相率以禮而競獎以禮
先笑後號卒以辱殘家國泯絕宗廟燒燔妹嬉畧夏褒
姒斃周妲已亾殷趙靈沙丘戚姬人豕呂宗以敗陳后
作巫卒死以外霍欲鴆子身乃罷廢故曰無謂我貴天

將爾摧。無恃常好。色有歇。微無怙。常幸愛。有陵遲。無曰我能。天人爾違。患生不德。福有禍機。日不常中。月盈有虧。履道者固。仗勢者危。失冀意。復作白鵠賦以刺冀。呼微臣司戚。敢告在斯。琦問曰。百官外內。各有司存。天下云云。豈獨吾咎。君何激刺之過乎。琦辭不撓。除爲臨濟長。解印綬去。冀令刺客陰求殺之。客見琦耕陌上。懷書一卷。息偃輒諷詠。客哀之。以告令脫走。冀後竟捕殺之。瑗子寔。沈深好典籍。父卒。隱居墓側。舉至孝。爲郎。守五原。五原土宜麻。臬而俗不知績。民冬月無衣。積草而卧其中。寔至官。斥儲儻。爲作紡績織紉練縕之具。教之織。民免寒苦。虜入雲中朔方。殺吏民。一歲九奔命。寔整士馬。嚴烽堠。虜不敢犯。

母劉氏有母儀淑德博覽書傳寔在五原常訓寔以臨
民之政寔之善績母有助焉徵拜議郎以母卒去官服
闋召拜尚書數月自免歸卒無以爲歛光祿勲楊賜太
僕袁逢少府段熲爲經紀其喪鴻臚袁隗樹碑頌德焉
寔著政論風切當世畧以爲德教者興平之梁肉也刑
罰者治亂之藥石也以德教除殘是以梁肉理疾也以
刑罰理平是以藥石供養也意主於肅刑且以爲孝宣
嚴刑峻法破姦軌之路海內肅清見效優於孝文諸言
辨詞憤如此然已激矣而山陽仲長統見之以爲人主
宜寫一通置坐側云統字公理性倜儻敢直言不矜小節

州郡辟舉咸不赴。尚書令荀彧奇之。舉爲尚書郎。亦論

切古今時俗行事。著論曰。昌言。

其理亂篇曰。豪傑之當天命者。未始有天下之

分者也。無天下之分。故爭者競起。于斯之時。莫不僞假天威。矯據方國。擁甲兵。與我角才智。程勇力。與我競雌雄。已而角智者窮。角力者負。形不堪復伉。勢不足復較。乃始羈首係頸。就我之銜。繼耳。夫或嘗爲我之尊長矣。或嘗與我爲等儕矣。或嘗臣虜囚執我矣。彼其習詈腹誚。幸我之不成。以奮其志。詎肯用此鬱鬱。爲終處之分邪。及繼體時。民心定矣。曾天之下。賴我而生育。繇我而富貴。安居樂業。長養子孫。天下晏然。歸心於我矣。豪傑之心。旣絕。士民之志。已定。貴有常家。尊在一。人。當此之時。雖下才居之。猶能使恩同天地。威侔鬼神。暴風疾霆。不足以方其怒。陽春時雨。不足以喻其澤。周孔無所奮其聖。黃育無所用其勇。嗣主見天下莫敢與之違也。自謂若天地之不可亾。乃奮其私嗜。騁其邪欲。君臣宣澤。上下同惡。日極角觝之觀。耳窮鄭衛之聲。入耽於婦人。出馳於田獵。廢荒廢政。玩棄人物。信任親愛者。佞諂容說之人也。寵貴隆豐者。后姬妃妾之家也。使餓狼守庖。

厨饑虎牧牢豚遂至熬天下之脂膏斷生人之骨髓怨
毒無聊禍亂並起中國擾攘四夷侵叛亡崩瓦解一朝
而去皆爲我乳哺之子孫者盡飲血之寇讎也至於運
徙勢去猶不覺悟豈非富貴生不祥沉溺致愚疾邪存
亡以之迭代治亂從此周復天道必然之大數也其法
誠篇曰周禮六典冢宰貳王而理天下春秋之時諸侯
明德者皆一卿爲政戰國亦然秦兼天下置丞相而貳
之以御史大夫自高帝逮于孝成因而不改漢之隆盛
於是焉在光武皇帝愠數世之失權忿疆臣之竊命矯
枉過直政不任下雖置三公事歸臺閣自此以來三公
之職備員而已然政有不理猶加譴責夫權移外戚之
家寵祿近習之堅親其黨類用其私人內充京師外布
列郡顛倒賢愚貿易選舉撓擾百姓忿怒四夷招致乖
叛亂離斯瘼怨氣並作陰陽失和三光虧缺怪異數至
蟲螟水旱無歲無之此皆戚宦之臣所致然也反以策
讓三公至於不免悲夫又中世之選三公也務於恭懿
謹慎循常習故是婦人之簡押鄉曲之常人耳惡足以
稱斯位耶勢旣如彼選又如此而欲望三公勲立於國
家績加於生民不亦遠乎昔文帝之於鄧通可謂至愛
而猶展申屠嘉之志近世外戚宦豎請託不行意氣不

滿立能陷人於不測之禍惡得而糾正之哉曩任之重而責之輕今任之輕而責之重昔賈誼感絳侯之困辱因陳大臣廉耻之分開自裁之端自此以來遂以成俗繼世之主生而見之習爲故常曾莫之悟嗚呼可悲也矣夫左手據天下之圖右手刎其喉愚者猶知難之况明哲君子哉光武奪三公之重至今彌甚不假后黨以權乃數世而不行則親疎之勢異也莫斯之鑒亦可痛矣漢興以來同編戶齊民而以財力相君長不可勝數矣而清絮之士自苦於茨棘之間無所益損於風俗也豪人之室連棟數百膏田滿野奴婢千羣徒附萬計船車賈販周於四方廢居積貯滿於都邑奇賂寶貨巨室不能容馬牛羊豕山谷不能受妖童美妾填乎綺室倡謳伎樂列乎深堂賓客待見而不敢去車騎交錯而不敢進三牲之肉臭而不可食清醇之酎敗而不可飲睨眄則人從其目之所視喜怒則人隨其心之所慮皆公侯之廣樂君長之厚實也苟運智詐者則得之苟得之者人不以爲罪焉源發而橫流路開而四通求上之舍榮樂而居窮苦棄放逸而赴束縛誰肯爲之者耶夫亂世長而化世短亂世則小人貴寵君子困賤當困賤之時踞高天踏厚地猶恐有震厭之禍也逮至清世則

復矯枉入於過正。老者耄矣，不能及寬饒之俗。少者方壯，將復困衰亂之時。是使姦人擅無窮之福利，而害士持不赦之罪辜也。人各有心，皆將以修潔為諱，設智巧以避之。况肯有安而樂之者耶？斯亦世主一切之愆也。

王符。

字節信。

安定臨湟人。少好學，有節操。安定俗鄙廢尊。

而符無外家，世務游當塗成宦。符耿介不同俗，隱居著

書三十篇，刺譏當世得失，不欲顯其名號，曰《潜夫論》。

其貴

忠論曰：夫帝王之所尊敬者天也，皇天之所愛育者人也。人臣受君之重位，牧天之所愛焉，可以不安而利之，養而濟之哉？是以君子任職則思利人，達上則思進賢，故居上而下不怨，在前而後不恨也。王者法天建官，故明主不敢以私授，忠臣不敢以虛受。竊人之財，猶謂之盜，况偷天官以私已乎？以罪犯人，必加誅罰，况犯上天得無咎乎？夫上世之臣，以道事君，澤及草木，仁被率土，是以福祚流衍，本支百世。季世之臣，以諂媚主，不思順天專使，殺伐自起，蒙恬、秦以為功，天以為賊，息夫、董賢主以為忠，天以為盜，故德不稱其位，禍必隨之，能不稱其

祿殃必太竊位之人天奪其鑒雖有明察之資仁義之志一旦富貴則背親捐舊器其本心疎骨肉而親便僻薄知友而厚大馬骨肉怨望於家細人謗讟於道前人既敗後爭襲之誠可傷也犬嬰兒有常病責人有常禍父母有常失人君有常過嬰兒常病傷於飽也貴臣常禍傷於寵也哺乳多則生癩貴富盛而致驕愛子而賊之驕臣而賊之其類一也犬鳥以山爲卑而增巢其上魚以泉爲淺而窠穴其中卒所以得之者餌也貴戚願其宅吉制爲令各欲其門堅造作鐵櫃卒其所以敗者非苦禁忌少而門樞朽也常苦崇財貨而行驕僭耳上不順天下不育人而欲任其私智竊弄君威反戾天地欺誣神明居累卵之危而圖太山之安爲朝露之行而思傳世之功豈不惑哉其實貢篇曰十步之間必有茂草十室之邑必有忠信是故亂殷有三仁小衛多君子今以大漢之廣士民之繁朝廷之清明上下之修正而官無善吏位無良臣此豈時無忠信正直之士哉蹂取之乖其實也犬志逾者少與逐俗者多疇臚黨用私背實趨蠶貢土者不復依其質幹準其才行但虛造聲譽妄生羽毛畧計所舉歲且二百覽察其狀則德侔顏冉詳覈厥能則鮮踰中人犬明君之詔也若聲忠臣之和

也如響長短疾徐小大清濁必相應也且攻王以石洗金以鹽濯錦以魚浣布以灰夫物固有以賤理貴以醜化好者矣智者棄短取士以致其功今使貢士必覈以實其有小疵勿強緣飾出處語默各因其方則蕭曹周韓之倫異鄧梁竇之屬可企踵而待矣其愛日篇曰國之所以爲國者以有民也民之所以爲民者以有穀也穀之所以豐穰者以民功而功之所以能遂者以日力也化國之日舒以長故其民閑暇而力有餘亂國之日短以促故其民困務而力不足舒長者非義和安行乃君明臣靜而力因有餘也促短者非分度損減乃上闕下亂而力以不足也聖人深知力者民之本國之基也故務省徭役而使之愛日今令長以神自畜百姓廢農桑而趨府庭相續於道路非朝餽不得通非意氣不得見或連日累月更相瞻祝或轉請隣里饋糧應對歲功旣虧天下豈無受其饑者乎昔孔子有言聽訟吾猶人也中才以上足議曲直鄉亭部吏亦有任斷決者而類多枉曲蓋有故焉理直則持正而不撓事曲則諂意以行跡不撓故無私於吏行跡故有私於法若事有反覆吏應坐之吏以應坐之故不得不枉之縣縣承吏言旣與之同事有反覆縣亦應坐縣以應坐之故不得不排

之於郡事有反覆郡亦坐之郡以其坐之故不得不排
之於州以一民之輕與豪吏對訟必無幸矣况與一縣
一郡爲訟豈獲理乎既不肯理故乃遠詣公府公府復
不能察而延以日月貧弱者無以贖旬強富者僅盈千
日正士懷怨結而不見信猾吏崇姦軌而不被坐此小
民所以易侵苦而天下所以多困窮也且以人功見事
言之自三府州郡至于鄉縣典司之吏詞訟之民官事
相連更相簡對者日可十萬人一人有事二人經營是
日常三十萬人廢其業也以中農率之是歲三百萬人
受其饑也然則盜賊何從而銷太平何繇而作乎詩云
莫肯念亂誰無父母百姓不足君誰與足可無思哉可
無思哉其浮侈篇曰王者以四海爲家兆人爲子一夫
不耕或受其饑一婦不織或受其寒今舉俗舍本農趨
商賈遊手爲巧充盈都邑今察雒陽資未業者什於農
夫虛僞游手什於未業則是一夫耕而百人食一婦桑
而百人衣也以一奉百孰能供之本末不足相供則民
安得不饑寒饑寒並至則民安得無姦軌姦軌繁多則
吏安得無嚴酷嚴酷數加則下安能無愁怨愁怨者多
咎徵並臻下民無聊天降之災而國危矣夫貧生於富
弱生於強亂生於治危生於安是故明主之養民憂之

勞之教之誨之、慎微防萌、以斷其邪曲、繇此觀之、人固不可使恣也、今人奢衣服、侈飲食、車輿宅第過於王制、或以謀姦、合任爲業、或以游博、持掩爲事、丁夫不扶犁鋤、懷丸挾彈、攜手遨遊、或作泥車瓦狗諸戲、弄具以巧詐小兒、婦人不脩中饋、休其蠶織、而起學巫祝、鼓舞事神、以熒惑百姓、此妖妄之甚者也、或刻畫繪繒、以書祝辭、或縻折金縉、令廣分寸、或裁切綺縠、縫紵成幡、皆殫費百縑、用功千倍、破牢爲僞、以易就難、坐食嘉穀、消損白日、夫山林不能給野火、江海不能實漏卮、皆所宜禁也、其述赦論曰、今賊良民之甚者、莫大於數赦贖、赦贖數則惡人昌而善人傷、何以明之、謹勅之人、身不蹈非、爲吏正直、不避強禦、而姦猾之黨、橫加誣害、而不忌者、知赦之不久、故也、善人君子被侵怨、而能至闕庭自明者、萬無數人、數人之中、得省問者、百不一二、旣對尚書、而空遣去者、復什六七矣、其輕薄姦軌、旣陷罪法、怨毒之家、冀其辜戮、以解畜憤、而暨蒙赦、令惡人高會而誇咤、老盜服臧而過門、孝子見讎而不得討、遭盜者覩物而不敢取、痛莫甚焉、夫養根莠者傷禾稼、惠姦軌者賊良民、故書稱天討有罪、五刑五用、詩刺彼宜有罪、汝覆脫之、非好傷人肌膚、斷人壽命也、貴威姦懲惡、除人害

也。古者唯始受命之君，承大亂之極，寇賊姦宄，難爲法禁，故不得不有一赦與之更始。今願育萬物，以成文化，而養姦活罪，放縱天賊，豈有及乎？論者曰：父不赦，則姦軌熾而吏不制，宜數肆眚以解散之。此未昭理亂之本原，不察禍福之所生也。符雖布衣游乎，而學行爲衆所其質直切時務類此。尊信度遼將軍皇甫規解官歸安定，鄉人有以貨得鴈門太守者，去職還家，投刺謁規，規卧不爲禮。有頃，白符在門，規驚起，攬衣不及帶，屣履出迎，挽符手而入，與同坐，極歡。時人爲之語曰：徒見二千石，不如一縫掖。言遁義之爲貴也。符竟不仕，終於家。

○高彪，字義方，吳郡無錫人，有雅才高節，而質訥於言。嘗欲從馬融訪大義，融素貴倨，不時見，乃遣融書刺之曰：承服風聞有年矣，冀一見龍光，以叙腹心。不圖遭疾，幽閉莫啓。昔周公旦，父文兄武，九命作伯，以尹華夏，猶揮沐。餐重接白屋，故周道以隆，天下歸德。公

今養病傲士固其宜也。融省書內慙追還之。彪去不復顧。舉孝廉爲郎。較書東觀。數奏辭賦。以風靈帝。甚重之。京兆尹第五永以御史督軍幽州。百官祖於長樂觀。賦詩送之。彪作箴誡焉。箴曰。文武將墜。乃俾俊臣。整我皇綱。董此不虔。古之君子。卽戎忘身。明齋果毅。尚其桓桓。呂尚七十。氣冠三軍。無日已能。務于咨詢。淮陰之勇。廣野是尋。周公大聖。石碣純臣。以威克愛。以義滅親。勿謂時險。不正其身。勿謂無人。莫諒已真。忘富遺貴。福祿乃存。先公高節。越可求邇。佩藏斯戒。以厲終身。時議郎蔡邕等。甚美其文。遷丙黃令。帝勅同官。祖上東門。詔東觀。畫彪像。示勸焉。

朱穆

字公叔

五歲稱孝。及壯耽學。銳意

講誦。或時思至。不自知亡衣冠。父常以爲顓愚。而穆專篤。猶若也。年二十。爲郡督郵。迎新太守。守謂穆曰。君年少。因族資。爲有令德耶。穆對曰。郡中瞻望明府。謂如仲尼。非顏回不敢以逾也。更問風俗人物。太守甚奇之。

舉孝廉梁冀舉侍御史。多所匡導。冀志報書言如此。則僕無一可耶。然服其德。不加害也。時逸人趙康叔隱武當山。好清靜。以經傳教授。穆時年五十矣。奉書稱弟子。受學。康歿。喪之如師。其尊德重道如是。常感時澆薄。作崇厚論。論曰。大道之行。以天下爲一。故行違於道。則愧禮也。故率性而行。謂之道。得其天性。謂之德。中世之所敦。已爲上世之所薄。况又薄於此乎。夫天不崇大。則覆幬不廣。地不深厚。則載物不博。人不敦龐。則道數不遠。故覆人之過者。敦之道也。救人之失者。厚之行也。俗化不敦。尚相誹謗。謂之臧否。記短則兼折其長。貶惡則并伐其善。悠悠者皆是。其可稱乎。務進者。趨前而不顧後。榮貴者。矜已而不待人。智不接愚。富不賑貧。貞士孤而慙。賢者厄而不存。此禽息史魚所以專美名於前。而莫繼於後者也。故時敦俗美。則小人守正。利不能誘也。時否俗薄。雖君子爲邪。義不能止也。虛華盛而忠信微。

刻溝稠而純篤。稀。益谷風有棄予之歎。伐木有烏鳴之悲矣。彼與草木俱朽。此與金石相傾。豈有同年而語哉。方穆爲豐令。及侍御史豐人劉伯宗嚴事之。及劉爲二千石。穆爲郎。欲令因計吏以見穆。志賦北山。鳴刺之。著絕交論譏焉。遷冀州刺史。部令長聞濟河解印綬去者四十餘人。宦者趙忠喪父歸葬。僭爲璠璣玉匣。穆下郡案驗而收其家。帝大怒。徵詣廷尉。輸左較。太學生劉陶等數千人上書論救。願代穆較作。帝乃赦出。居數歲。諸公交薦。拜尚書。穆旣深疾宦官。在臺閣與旦夕其事。爲帝言漢舊典。置侍中中常侍各一人。傳發書奏。皆同姓族。自和熹太后。以女主稱制。不接公卿。乃以閹人爲常

侍。通命兩宮。自此以來。權傾人主。窮困天下。宜皆罷遣。博選耆宿。與參政事。帝怒不應。穆伏不肯起。左右傳出。良久。乃趨去。自是中官事事詆毀之。憤懣卒。穆祿仕數十年。蔬食布衣。家無餘財。蔡邕與門人共述其行。謚文忠先生。所著論奏書記詩。凡二十餘篇。蔡邕。陳畱人。

也。

字伯喈

六世祖勲。爲郿令。王莽篡漢。棄官將家屬入山。

父稜。清白有行誼。人士推服。卒。私謚曰貞定公。邕性至孝。母帶病。邕日夜侍者三年。非寒暑變節。未嘗解襟帶。不寢寐者十旬。母卒。廬墓側。有白兔馴擾。木生連理之異。與從父弟同居。三世不分財。鄉黨高之。少博學能文。

辭通天文術數。妙解音律。桓帝時中常待徐璜左悺等。
聞邕善鼓琴。白天子。勅陳畱守敦遣。不得已就道。至偃
師。稱病歸。閑居翫古。不交當世。作釋誨以見志。其辭曰。
有務世公子。誨於華顛。胡老曰。蓋聞聖人之大寶曰位。
故有位斯貴。有財斯富。行義達道。士之司也。昔伊摯有
負鼎之銜。仲尼設執鞭之言。甯子有清商之歌。百里有
豢牛之事。是聖哲之通趣。古人之明志也。夫子生清穆
之世。稟醇和之靈。覃思典籍。韜櫝六經。安貧樂賤。與世
無營。沈精重淵。抗志高冥。包括無外。綜析無形。其已久
矣。曾不能拔萃出群。楊芳飛文。登天庭。序彝倫。掃六合。

之穢慝。清宇宙之埃塵。連光茫於白日。屬炎氣於景雲。時逝歲暮。默而無聞。小子惑焉。是以有云。方今聖上寬明。輔弼賢知。崇英逸偉。不墜於地。德弘者建宰相而裂土。才美者荷榮祿而蒙賜。盍亦回塗要至。俛仰取容。輯當世之利。定不拔之功。榮家宗於此時。遺不臧之令蹤。夫獨未之思邪。何爲守彼而不通此。胡老傲然而笑曰。若公子所謂覩曖昧之利。而忘昭皙之害。專必成之功。而忽蹉跌之敗者已。公子謾爾歛袂而興曰。胡爲其然也。胡老曰。居。吾釋汝。昔自太極肇判。君臣始基。有羲皇之洪寧。唐虞之至時。三代之隆。亦曰緝熙。五伯扶微。勤

而撫之于斯已降。天網縱人絃弛。王塗壞。太極隳。君臣
土崩。上下瓦解。於是智者騁詐。辯者馳說。武夫奮畧。戰
士講銳。電駭風馳。霧散雲披。變詐乖詭。以合時宜。或畫
一策而綰萬金。或談崇朝而錫瑞珪。連衡者六印磊落。
合從者駢組沅離。隆貴煥熠。積富無涯。據巧蹈機。以忘
其危。夫華離蒂而委條。去榦而枯。女冶容而淫。士背道
而辜。人毀其滿。神疾其邪。利端始萌。害漸亦芽。速速方
穀。天天是加。欲豐其屋。乃蔀其家。是故天地否閉。聖哲
潛形。石門守晨。沮溺耦耕。顏歎抱璞。蘧瑗保生。齊人歸
樂。孔子斯征。雍渠驂乘。逝而遺輕。夫豈傲主而背國乎。

道不可以傾也。且我聞之。日南至則黃鐘應。融風動而
魚上冰。銓賓統則微陰萌。兼葭蒼蒼而白露凝。寒暑相推。
陰陽代興。運極則化。理亂相承。今大漢紹陶唐之洪烈。
盪四海之殘災。隆懸天之高。拆紆地之基。皇道惟融。帝
猷顯丕。泯泯庶類。含甘吮滋。簡六合之群品。躋之乎雍
熙。群僚恭已於職司。聖主垂拱乎兩楹。君臣穆穆。守之
以平。濟濟多士。端委摺璚。鴻漸盈階。振鷺充庭。譬猶鐘
山之玉。泗濱之石。累珪璧不爲之盈。採浮磬不爲之索。
世臣門子。贊御之族。天隆其祐。主豐其祿。抱膺從容。爵
位自致。攝頂理髯。餘官委貴。其取進也。順傾轉圓。不足

以喻其便。逡巡放屣。不足以况其易。家有逸群之才。人有優贍之智。童子不問疑於老成。矐矐不稽謀於先生。心恬澹於守高。意無爲於持盈。粲乎煌煌。莫非華榮。明哲泊焉。不失所寧。狂淫振蕩。乃亂其情。貪夫殉財。夸者死權。閭謙盈之効。迷損益之數。卑俯乎外戚之門。乞助乎近賢之譽。榮顯未副。從而顛踣。下獲熏胥之辜。高受戚家之誅。前車已覆。襲軌而驚。曾不鑒禍。以知畏懼。予惟悼哉。害其若是。天高地厚。跼而踖之。怨豈在明。患在不思。且用之則行。聖訓也。舍之則藏。至順也。夫九河盈溢。非一山所防。帶甲百萬。非一勇所抗。今子責匹夫以

清宇宙。庸可以水旱而累堯湯乎。懼煙炎之燬燔。何光
芒之敢揚哉。且夫地將震而握星直。并無景則日陰食。
元首寬則望舒朏。侯王肅則月側匿。是以君子推微達
著。尋端見緒。履霜知冰。踐露知暑。時行則行。時止則止。
消息盈冲。取諸天紀。利用遭泰。可與處否。樂天知命。持
神任已。羣車方奔乎險路。安能與之齊軌。思危難而自
豫。故在賤而不耻。方將騁馳乎典籍之崇塗。休息乎仁
義之淵藪。盤旋乎周孔之庭宇。揖儒墨而與爲友。舒之
足以光四表。收之則莫能知其所有。若乃丁千載之運。
應神靈之符。闔閭闔。乘天衢。擁華蓋。奉皇樞。納玄策。於

主德宣太平於中區。計合謀從已之圖也。勲績不立。予
之幸也。龜鳳山翳霧露不除。踴躍草萊。祇見其愚。不我
知者。將謂之迂。修榮思真。棄此焉如。靜以俟命。不數不
渝。百歲之久。歸乎其居。幸其獲稱。天所誘也。罕漫而已。
非已咎也。昔伯翳綜聲於鳥語。葛盧辨音於鳴牛。董父
受氏於豢龍。奚仲供德於衡軸。偃氏興政於巧工。造父
登御於驂騮。非子享土於善圉。狼臆取右於禽囚。弓父
畢精於筋肉。攸非明勇於赴流。壽王創基於格五。東方
要幸於談優。上官効力於執蓋。弘羊據滄於運籌。僕不
能參跡於若人。故抱璞而優游。於是公子抑首降階。忸

怩而避。胡老乃揚衡含笑。援琴而歌。歌曰。練余心兮淩
太清。滌穢濁兮存正靈。和液暢兮神氣寧。情志泊兮心
亭亭。嗜欲息兮無繇生。踔宇宙而遺俗兮。眇翩翩而獨
征。久之。從太尉橋玄辟。玄敬待之。拜議郎。多所匡拂。邕
以經籍去聖久遠。文字多謬舛。俗儒穿鑿。疑誤後學。奏
求正。靈帝許之。邕乃自書六經於碑。詔鐫刻立太學
門外。曰石經。後儒從取正焉。護烏桓較尉夏育。皇甫晏。
以鮮卑數爲邊患。請徵幽州諸郡兵。出塞擊之。一冬二
春。詭必禽賊。邕上駁議曰。自鮮卑據匈奴故地。稱兵十
萬。才力勁健。意智益生。加以關塞不嚴。禁網多漏。精金

良鐵皆爲戎有。漢人逋逃爲之謀主。兵利馬疾過於匈奴。今育晏虛計二載。自許有成。若禍結兵連。何得中止。當更徵發爲禍無已也。夫邊垂之患。手足之疼搔也。中國之困。胸背之癰疽也。今郡縣盜賊尚不能禁。况此醜虜可殲滅乎。天設河山以別外內。苟免蹙國之患。斯可矣。豈與蟲豸之虜較往來之數哉。今欲以齊民易醜虜。以皇威辱外夷。就如其言。亦已危矣。况得失不可量耶。帝不從。而育晏果喪師。初朝議以州郡人情比周。制幽冀兩州人士不得相監臨。已復有三互法。而選用常閔牧守闕至。不得輒補。邕疏言幽冀天下雄壤。士馬之所

自出。比年空耗。百姓虛懸。而三互爲閔。經時闕牧。淹失
事會。臣愚以爲三互薄禁也。國家申以威靈。明其憲令。
在位之人。孰不竦懼。而當自設苛文。生畱閔耶。在漢之
隆。韓安國起自徒中。朱買臣起於幽賤。並以才宜。還守
本郡。又張敞亡命。擢授劇州。今三府明知二州要重。宜
越禁取能。以救時敝。而不顧爭臣之義。苟避輕微之科。
選用稽滯。非所以憂國理人也。願蠲除其法。毋拘日月
以急時患。時頗有震霆疾風。地震隕雹。蝗蟲之害。邕上
書陳戒曰。臣聞天降災異。緣象而至。冬沍之後。辟歷數
發。始刑誅繁多之所生也。風者天之號令。所以布教者。

也。洪範傳曰：政悖德隱，厥異風發屋折木。夫昭事上帝，則自懷多福。宗廟致敬，則鬼神饗格。國之大事，實先祀典。臣自入宰府，及備朱衣迎氣五郊，車駕稀出，四時致敬，屢委有司，雖有解除，猶爲疏廢。故皇天不悅，顯此諸異。地爲坤道，易稱安貞。陰氣憤盈，則當靜反動於法。爲下叛上，夫權不在上，則雨雹傷物。政有苛暴，則狼虎食人。貪利傷民，則蝗蟲損稼。六月二十八日，太白與月相迫，兵事惡之。鮮卑犯塞，所從來久遠。於今出師，未見其利。上違天文，下逆人事，誠當博覽衆議，從其安者。夫國之將興，至言數聞。內知已政，外見民情，故先帝聖明，猶

廣求得失。今頻年災異。未聞博採特舉之旨。當述脩舊章。使抱忠之臣。展其狂直。古之取士。或以德舉。或以言揚。孝武之世。郡國有孝廉賢良方正文學數科而已。孝宣會諸儒於石渠。章帝集學士於白虎。通經釋義。其事優大。文武之道。所宜從也。若夫書畫辭賦。薄才末技。匡國治政。未其有能。陛下游意篇章。耶代博奕。非以爲教化。取士之本也。而鴻都門待詔諸生。作者鼎沸。連偶俗語。有類俳優。或竊成文。虛冒名氏。皆見拜擢。榮寵已泰。誠不可復使治民。宣陵孝子。虛僞小人。本非骨肉。隱思惻慕。何緣而生。乃群聚山陵。假稱行孝。姦軌之人。通容

其中亦蒙寵榮。道路洶洶。太子官屬。宜妙選令德。而獨取丘墓凶醜之人。不祥莫大焉。宜遣歸田里。以明詐僞。書奏。帝乃親迎氣壯郊。行辟雍禮。詔宣陵孝子爲太子舍人者。悉改丞尉焉。時帝甚親鄒邕。其年七月。以災異特召與公卿俱對金商門。下尺一言。朕焦心憂災。每詔群公卿士。各括囊迷國。莫肯盡忠。以邕博學深奧。退食自公。故特密問。宜披演指陳。以經術分別。皂囊封上。邕本經術條對。所以語具災異志中。未復言陛下聖德允明。深悼變異。德音懇款。褒借踰分。非臣螻蟻所能堪副。臣豈可顧避後患。不自輸竭。使陛下不聞至戒哉。臣伏

思諸異。皆亾國之怪也。天於大漢。殷勤無已。以赤帝之精輔。未衰。故屢見變。以當責讓。因以感覺。則危可爲安。凶可爲吉。如大運已去。豈復有譴告哉。陛下卽位以來。孔母趙嬖。貴重赫赫。生則貴富。侔於國帑。死則丘墓踰越園陵。兩子受封。兄弟典郡。門史霍王。依阻爲姦。投蜺變鷄。豈不謂是。太尉張顥。爲玉所進。暗昧已成。非外臣所能審處。如誠有之。近者不治。無以致遠。傾邪在公。所當先懲。它多所指斥。且言廷尉郭禧。光祿大夫橋玄。太尉劉寵。宜爲謀主。數見訪問。章士。天子旋覽數四。反覆咨歎。起更衣。而天闔節於後。竊視之。大怒。徧以語諸權。

貴皆側目。思報中常侍程璜。使人飛章告邕。及叔父衛尉質。數請託行私。下詔獄。劾大不敬。論死。邕上書自陳。曰。今年七月。蒙恩召詣金商門。詔書褒借。貴臣諭旨。誘臣使言。臣愚慙出命。忘死。譏切公卿。內及寵近。區區欲救災變。爲陛下圖康寧之福而已。豫知被言者。當必怨臣。而臣不敢自愛也。陛下不密忠言。臣陷吏議。盡忠之吏。豈復得自容哉。詔書每有災異。輒令百官上封事。云爲消復。而言者不蒙延納之福。旋蹈破亾之旤。臣季父質。連見拔擢。位在上列。臣彼恩渥。數見訪逮。今欲陷臣父子。破臣門戶。以快風恨。非有糾發姦伏。補益國家者。

也。臣孤特一身。年四十有六。前無立男。得以盡節王室。託名忠臣。死有餘榮。然知陛下自此不復聞至言矣。臣對問時。質爲下邳相。不聞臣謀。今橫見逮及。使質以衰老口晉。隨臣摧沒。誠冤誠痛。陛下仁篤之心。何寧忍此。臣死期且至。冒昧自陳。願身當辜戮。免質并坐。臣死之日。猶生之年也。惟陛下加餐爲百姓自愛。書奏不省。以中常侍呂強力救。乃減死。與家屬髡鉗徙朔方。會赦還。乃亡命江海。遠迹吳會。依大山羊氏以居。積十二年。宦官臧還里。董卓聞邕名高。藉爲重。辟之。稱疾不就。卓大怒。詈曰。我能族人。邕遂偃蹇者族矣。又勅州郡敦迫。邕

不得已起署祭酒。三日之間。周歷三臺。遷侍中。卓遇待
隆甚。國大議以咨邕。有匡益而卓暴戾少從也。邕憂之。
私謂從父弟谷曰。董公剛而遂非。終難輔也。吾欲逃山
東以待變。何如。谷曰。君狀異常人。每行觀者盈路。何以
得去。邕默然而止。及卓誅。邕在司徒王允坐。殊不意太
急。悵然動於色。允勃然叱曰。董卓國大賊。幾亾漢室。君
爲王臣。宜同忿疾。而懷其私遇。相傷痛。豈共爲逆哉。收
付廷尉。邕陳謝。乞黥首刖足。繼成漢史。士大夫多矜救
之。太尉馬日磾馳謂允曰。伯喈曠世逸才。多識漢事。當
續成後史。爲一代典。且忠孝素著。而所坐無名。誅之無

乃失人望乎。允曰。昔武帝不殺司馬遷。使作謗書。流於後世。方今國祚中衰。神器不固。豈可令佞臣執筆。在幼主左右乎。留之何益。徒使吾黨蒙其訕議。日磾退。告人曰。善人國之紀也。制作國之典也。臧紀廢典。王公其無後乎。邕遂死獄中。鄭玄聞而歎曰。漢無史矣。縉紳諸儒莫不流涕。陳留北郡感其文行。家畫像祀焉。邕好甄奘士類。讓善忘已。嘗薦邑人邊讓於何進。曰。讓天授逸才。聰明賢智。使生唐虞。則元凱之次。卽值仲尼。亦顏冉之亞。豈凡偶近器哉。傳曰。函牛之鼎。以烹鷄。多汁則淡而不可食。少汁則熬而不可熟。言大器於小用。固非宜也。

其讓申屠蟠曰。蟠稟氣高妙。性敏心通。喪親盡禮。幾於
隕滅。安貧樂潛。守道味真。不爲燥濕輕重方之於邕。以
齒則長。以德則賢。而蟠竟隱居終焉。侍御史朱穆著絕
交論。邕作正交論。
廣其志。曰。聞之前訓。君子以朋友講習。而正人無有淫
朋。是以古之交者。其義敦以正。其誓信以固。逮周德衰。
頌聲旣寢。伐木有鳥鳴之刺。谷風有棄予之怨。或闕於
始終。或彊其比周。所繇來遠矣。搢紳患其然。疾淺薄賤
携貳。惡朋黨而絕交。夫朋友之道。有義則合。無義則離。
善則久。要不忘。惡則不可而止。故君子不爲可棄之行。
不患人之遺已也。信有可歸之德。不病人之遠已也。不
幸或然。則躬自厚而薄責於人。怨其遠矣。求諸已而不
求諸人。咎其稀矣。遠怨稀。咎之機。咸在乎躬而已矣。子
夏子張。各有聞乎夫子。商也寬。故告之拒人。師也褊。故
訓之容衆。至於正教。則汎愛衆而親仁。非善不喜。非仁
不親。交游以方。會友以文。今將患其流而塞其源。病其
末而刈其本。無乃令農皆棄黍而稷乎。夫黍亦神農之
嘉穀。與稷並爲案盛也。使交而可廢。黍其愆矣。括而言

之刺薄者博而洽。斷交者貞而孤。孤有羔羊之節。與不獲已而矯時也。走將從夫孤焉。

論曰。司寇致刑。設八議。議賢能。所以關重慎敬正也。伯喈著忠孝大節。蘊籍弘深。當十世宥之。執政者乃追怨子長。謗書放此。爲戮。豈不過甚哉。其及宜矣。

○荀悅字仲豫。司徒爽從孫也。年十二。能說春秋。家貧無書。每從人借觀。一覽能誦記。有沈深之趣。靈帝時。闕用權託疾隱居。時人莫識也。從弟或特稱敬焉。獻帝時。官黃門侍郎。累遷秘書監。侍中。帝頗好文學。而政移曹氏。恭已而已。悅職在獻替。謀無所用。而不能自已。作申監五篇。通見政體。旣成。奏之以寓忠畧。曰。夫道之本仁義而已矣。五典以經之。群籍以緯之。詠之歌之。弦之舞之。前監旣明。後復申之。故古之聖王。於仁義也。申重之而已矣。致治之術。先屏四患。乃崇五政。一曰。僞。二曰。私。三曰。放。四曰。奢。僞亂俗。私壞法。放越軌。奢敗制。俗亂則道荒。雖天地不得保其性矣。法壞則世傾。雖人主不得守其度矣。軌越則禮亡。雖聖人不得全其道矣。制敗

則欲肆雖四表不得充其求矣是謂四患興農桑以養其生審好惡以正其俗宣文教以章其化立武備以秉其威明賞罰以統其法是謂五政人不畏死不可懼以罪人不樂生不可勸以善雖使契布五教皋陶作士政不行焉故在上者先豐人財以定其志帝教籍田后桑蠶宮國無遊人野無荒業財不靡用力不妄加以周人事是謂養生君子之所以動天地應神明正萬物而成王化者在乎好惡真定而已善惡要乎功罪毀譽効於準驗聽言責事舉名察實無惑詐僞以蕩衆心故事無不覈物無不功善無不顯惡無不章百姓上下覩利害之存乎已也故肅恭其心慎脩其行內不回惑外無異望是謂正俗君子以情用小人以刑用榮辱者賞罰之精華也故禮教榮辱以加君子化其情也桎梏鞭撻以加小人化其刑也君子不犯辱况刑乎小人不忌刑况辱乎故教化之廢推中人而墜於小人之域教化之行引中人而納於君子之塗是謂章化小人之情緩則驕驕則恣恣則怨怨必叛危則謀亂安則思欲非威疆無以懲之故在上者則有武備以戒不虞安居則寄之內政有事則用之軍旅以過寇虐是謂秉威賞罰政之柄也明賞必罰審信慎令賞以勸善罰以懲惡人主不妄

賞非愛其財也。賞妄行則善不勸矣。不妄罰非矜其人也。罰妄行則惡不懲矣。賞不勸謂之止善。罰不懲謂之縱惡。在上者能不止下爲善。不縱下爲惡。則國法立矣。是謂統法。四患旣蠲。五政又立。行之以誠。守之以固。簡而不怠。疎而不失。無爲爲之。使自施之。無事事之。使自文之。不肅而成。不嚴而化。垂拱揖讓而海內平矣。是謂爲政之方。又言尚主之制。非古。陶唐釐降之典。帝乙歸妹之訓。宗周王姬歸齊之禮。以陰乘陽。違天以婦陵夫。違人。違天不祥。違人不義。又言古者天子諸侯有事必告于廟。左史記言。右史書事。事爲春秋。言爲尚書。君舉必記。善惡成敗。無不存焉。下及士庶。苟有茂異。咸在載籍。或欲顯而不得。或欲隱而名彰。得失一朝。榮辱千載。善人勸焉。淫人懼焉。今宜備置史官。掌其典文。紀其行事。每於歲盡。舉之尚書。以助賞罰。以弘灋教。帝覽而善之。以班固漢書。文繁不省。令悅依左氏傳。編年體。爲紀三十篇。詔尚書給筆札。辭約事詳。論辨多美。有五志焉。曰達道義。章法式。通古今。著功勲。表賢能。又著崇德正論數十篇。○應劭字仲遠。汝南南頓人。父奉有儒學。爲武陵太守。與學舉側陋。遷從事中郎。桓帝嬖田貴人。欲立爲后。上書諫忤旨。黨禍作。著感騷二十篇。以自傷。劭

少篤學博覽多通拜太山太守破黃巾衆三十萬郡以
安治刪定律令及漢儀奏之曰國之大事莫尚於載籍
載籍也者以決嫌疑明是非制刑賞之宜俾獲厥中爲後
監者也故膠東相董仲舒老而家苦朝廷每有政議遣
廷尉湯數問以得失於是作春秋決獄二百三十二事
動以經對詳矣逆卓蕩覆王室典憲焚燎靡有孑遺今
大駕出險其命惟新愚不自揆貧云少補輒撰具律本
章句尚書舊事廷尉板令決事比司徒都目五曹詔書
及春秋斷獄凡二百五十篇蠲去複重爲之節文又集
駁議三十篇以類相從凡八十二事皆刪叔潤色博探
古今豈繄自謂必合道衷心焉憤邑聊以時手傳曰雖
有姬姜不棄憔悴雖有絲麻不棄菅蒯雖未足綱紀國
體宣洽時雍庶幾觀察增闡聖德耳時遷都許下舊章
淪沒劭慨然歎綴集所聞著漢官禮儀故事又論當世
行事著中漢輯撰風俗通辯物類名號釋時俗嫌疑其
序曰昔仲尼歿而微言闕七十子繼而大義乖重遭戰
國約從連衡好惡殊心真僞紛爭故春秋分爲五詩分
爲四易有數家之傳並以諸子百家之言紛然有亂莫
知所從漢興儒者競復比誼會意爲之章句皆析文便
辭彌以馳達綴文之士雜襲龍鱗訓註說難轉相陵高

積如丘山可謂繁富者矣至於俗間行誼衆所共傳積
非習貫莫能原察今王室大壞九州幅裂亂靡有定生
民無幾私懼後進益以迷昧聊以不才舉爾所知方以
類聚凡一十卷謂之風俗通義言通於流俗之謬而該
之義理也風者天氣有寒煖地形有險易水泉有美惡
草木有剛柔也俗者含血之類像之而生故言語歌謳
異聲鼓舞動作殊形或直或雅或善或淫聖人作而均
齊之咸歸於正聖人廢則還其本俗尚書天子巡狩至
于岱宗觀諸侯見百年命太師陳詩以觀民風俗孝經
曰移風易俗莫善於樂繇此言之爲政之要辨風正俗
最其上也周官葺以歲八月遣輶軒之使求異代方言
還奏籍之藏於祕室及嬴氏之公遺脫漏棄無見之者
蜀人嚴君平有千餘言林閭翁孺才有梗繁之法楊雄
好之天下孝廉衛卒交會周章質問以次注續二十七
年爾乃治正凡九千字其所發明猶未若爾雅之闡麗
也張竦以爲懸諸日月不刊之書予竇頑闇無能述演
豈敢比隆於斯人哉顧惟述作之功聊光啓之耳昔齊
王問客畫孰最難孰最易曰犬馬最難鬼魅最易犬馬
旦暮在人之前不類不可類之故難鬼魅無形無形不
見不見故易今俗語雖云浮淺然賢愚所共咨論有似

大馬其爲難矣。并綜其宜於
今者。俾諸明哲。幸詳覽焉。

徐幹

字偉長

北海人。建安中。篤行體道。不耽世榮。而曹氏

父子兄弟。並知之。五官中郎將丕。稱其懷文抱質。恬淡
寡慾。有箕山之節。魏公操旌命。辭不赴。徵爲上艾長。稱
疾不行。推仲尼孟軻之言。著中論十篇。其治學篇曰。民
之初載。其朦未祛。譬之玄宵在室。所求不獲。白日照焉。
則群物畢辯。學者心之白日也。獨思則滯。而不通。獨爲
則困。而不就。故倦立而思遠。不如疾行之必至也。矯首
而徇飛。不如循畦之必獲也。獨學而願智。不如務學之
必達也。夫人心明有爲明。悟有爲悟。如火得風而炎熾。

如水赴下而流速。故太昊觀天地而畫卦。燧人察時令而鑽火。帝軒聞鳳鳴而調律。倉頡視鳥跡而作書。斯大聖學乎神明。發乎物類者也。賢者不能學於遠。乃學於近。故以聖人爲師。昔顏淵之學聖人也。問一以知十。子貢聞一以知二。斯皆觸類而長之。篤思而聞之者也。非唯賢者。聖人亦相因而學焉。孔子因於文武。文武因於成湯。成湯因於夏后。夏后因於堯舜。故六籍者。群聖相因之書也。其人雖亡。其道猶存。今之學者。勤心以取之。不懈以成之。如上天之動。如日月之行。斃而後已。亦足以致昭明而成博達矣。然鄙儒之博學也。務於名物。詳

於器械矜於詁訓。摘其章句而不能統其大義。以獲先王之心。此無異女史誦詩。內豎傳令也。故勞思慮而不知道費日月。而無成功。其法象篇曰。法象立。所以爲君子。法象者在乎正容貌。愼威儀也。是故先王之制禮也。爲冕服采章以旌之。以珮玉鳴璫以聲之。欲其尊也。欲其莊也。焉可憊慢也。夫容貌者。人之符表也。符表正。故性情治。性情治。故仁義存。仁義存。故盛德著。盛德著。故可以爲法象。斯謂君子矣。詩云。敬爾威儀。惟民之則。若夫情其威儀。恍其瞻視。忽其辭令。而望民之則我者。未之有也。莫之則。則慢之者至矣。小人人慢也。而致怨也。

人患已之卑。而不知其所以然。哀哉。人性之所簡也。存乎幽微。人情之所忽也。存乎孤獨。夫幽微者。顯之原也。孤獨者。見之端也。胡可簡也。胡可忽也。是故君子敬孤獨。而慎幽微。惟在隱蔽。鬼神不得見其隙也。詩曰。肅肅。鬼且施於中林。處獨之謂也。又有顛沛而不可亂者。則成王李路其人也。昔者成王將崩。體被冕服。然後發。顧命之辭。李路遭亂。結纓而後死。夫以彌留之困。白刃之難。猶不怠敬。况於遊宴乎。詩曰。就其深矣。方之舟之。就其淺矣。泳之游之。言必濟也。君子口無戲謔之言。言必有防。身無戲謔之行。行必有簡。故雖妻妾不可得而瀆。

也。雖朋友不可得而狎也。是以不愠怒而德行。行於閭門。不諫諭而風聲化乎鄉黨。傳稱大人正己而物正者。此之謂也。以匹夫之居。猶然。况得意而行於天下者乎。唐虞之帝。允恭克讓。而光被四表。成湯不敢怠遑。而奄有九域。文王祇畏而造彼區夏。易曰。觀盥而不薦。有孚顒若。言下觀而化也。旣敗之繇也。則媒慢以爲階。可無慎乎。昔宋敏碎曾於棊局。陳靈被旤於戲言。閻邴造途於相訴。子公生弑於掌籥。是故君子居身也謙。在敵也讓。臨下也莊。奉上也敬。四者備而殃咎不作。福祿從之。詩云。靖恭爾位。正直是與。神之聽之。式穀以汝。君子之

交人也。歡而不媾，和而不同，好而不佞，詐學而不虛行。
易親而難媚，多恕而寡非，故無絕交，無畔朋。書曰：慎始
而敬終，終以不困。夫禮也者，人之急也，可終身蹈而不
可須臾離也。須臾離，則惛慢之行臻焉。須臾忘，則惛慢
之心生焉。禮也者，敬之經也；敬也者，禮之情也。無敬無
以行禮，無禮無以節敬，故能盡敬以從禮者，謂之成人。
過則生亂，亂則災及其身。昔晉惠公以慢瑞而無嗣，文
公以肅命而與國郤，驍以傲享徵亾，冀缺以敬妻受服。
子圉以大明昭亂，蘧罷以旣醉保祿，良霄以鶉奔喪家。
子展以草蟲昌族，君子感凶德之如彼，見吉德之如此。

故立必磬折。坐必抱鼓。周旋中規。折旋中矩。視不離乎
結繪之間。言不越乎表著之位。聲氣可範。精神可愛。俯
仰可宗。揖讓可貴。迹作有方。動靜有常。帥禮不荒。以是
爲萬夫之望也。其改過篇曰。人之過。在於哀死。而不在
於愛生。在於悔往。而不在於懷來。喜語乎已然。好爭乎
遂事。愔於今日。而懈於後旬。如斯。以及於老。故野人之
事。不勝其悔。君子之悔。不勝其事。孔子謂子張曰。師。吾
欲聞彼。將以改此也。聞彼而不改此。雖聞何益。故書舉
穆公之誓。美善變也。其脩本篇曰。明出乎幽。著生乎微。
宋井之霜。以基昴正之寒。黃蘆之萌。以兆火中之暑。事

亦如之。故君子之嚮道。止則坐隅。行則參乘。上懸乎冠。纓下倚乎帶佩。晝與之游。夜與之休。其脩德也。始乎筭。卅終乎飴。若。割乎夷原。成乎喬嶽。小人朝爲而夕求。其成坐施而立望。其反行一日之善而求終身之譽。譽不至則曰善無益也。遂行其舊術。順其常好。是以身辱名賤。而不免爲人役也。孔子曰。小人何以壽爲。一日不能善矣。久惡惡之甚也。其虛道篇曰。君子之所貴。遷善懼其不及。改惡恐其有餘。夫惡猶疾也。攻之則悛。不攻則日甚。故君子相求。非特興善也。將以攻惡也。先民有言曰。人之所難者二。樂攻其惡者難。以惡告人者難。夫惟

君子能已之所難能而致人之所難致。既能其所能。猶恐人舉其惡之輕。而舍其惡之重。故反之。復之。鑽之。核之。然後彼之所懷者竭。始盡知己之惡矣。目也者。能遠察而不能近見。心亦如之。君子知心之似目也。是以務鑒於人以觀得失。故視不過垣牆之裏。而見邦國之表。聽不出閭闔之內。而聞千里之外。則因人故也。人之耳目盡爲我用。則我之聰明無敵於天下矣。是謂人一之我。萬之人塞之。我通之。下愚反此。以爲己。既仁矣。智矣。神矣。明矣。何求於人。是以幸罪昭著。腥德發聞。百姓傷心。鬼神怨痛。曾不自聞。愈休如也。或有告之者。則刑焉。

戮焉辱焉。既焉否則曰。與我異德也。未達我道也是已。
之非。遂初之繆。至於身危國亾。可痛矣。夫詩曰。誨汝諄。
諄。聽我藐藐。匪用爲教。覆用爲虐。此之謂也。其貴驗篇。
曰。事莫貴乎有驗。言莫棄乎無徵。水之寒也。火之熱也。
金石之堅剛也。此數物者。未嘗有言而人莫不知其然。
也。信著乎其體也。使吾之所行信。若彼數物而誰其疑。
我哉。人不信吾所行。而怨人之不信也。猶教人執鬼縛。
魑而怨人之不得也。惑亦甚矣。孔子曰。欲人之信已也。
則微言而篤行之。篤行之日久。則事著明。事著明則有。
目者莫不見也。有耳者莫不聞也。其可誣哉。故根深而。

枝葉茂行久而名譽遠。易曰恒亨無咎利貞言久於其道也。伊尹放太甲。展季覆寒女。商魯之民不稱淫篡焉。何則。積之於素也。故染不積則人不觀其色。行不積則人不信其事。子思曰。同言而信。信在言前。同令而化。化在令外。夫謗之生也。皆象類而作。倚事而興。加乎其似者也。誰謂華岱之不高。江漢之不長。與君子脩德亦高而長之。將何患矣。故怨人之謂壅。怨已之謂通通也。知所悔壅也。遂所誤。遂所誤也。親戚離之。知所悔也。疏遠附之。疏遠附也。常安樂。親戚離也。常危懼。古之人曰。相彼玄鳥。止于陵阪。仁道在近。求之無遠。人情莫不惡謗。

而卒不免乎謗。非愛致謗而不思已之也。已之之術反也。謗之爲物也。逃之而愈至。距之而愈來。訟之而愈多。明乎此。則君子不足爲也。闇乎此。則小人不足得也。帝舜屢省。禹拜昌言。明乎此者也。厲王蒙戮。吳起被刺。闇乎此者也。曾子曰。或言予之善。予惟恐其聞。或言予之不善。惟恐過而見予之鄙色焉。故君子服過也。非徒飾其辭而已。誠發乎中心。形于容貌。其愛之也深。其更之也速。如追鬼。惟恐不逮。故有進榮無退功。詩曰。相彼春令。載飛載鳴。我日斯邁。而月斯征。遷善不憚之謂也。君子不友乎不如已者。非羞彼而大我也。不如已者。須已。

而植者也。須已而植，扶人不暇，將誰相我哉？吾之僨無日矣。孔子曰：居而得賢友，福也。夫賢者言足聽，貌足象，行足法，加乎善，獎人之美而好，攝人之過，其不隱也如影，其不諱也如響。故我之憚之若嚴君在堂而神明處室矣。雖欲爲不善，其敢乎？故求益者之居遊也，必近所畏而遠所易。詩曰：無棄爾輔，負于爾輻。屢顧爾僕，不輸爾載。親賢求助之謂也。其貴言篇曰：君子必貴其言。貴其言則尊其身，尊其身則重其道，重其道所以立其教。言費則身賤，身賤則道輕，道輕則教廢。故君子非其人則弗與之言，其與之言必以其方。農夫則以稼穡，百工

則以技巧。商賈則以貴賤。府史則以官守。大夫士則以
法制。儒生則以學業。易曰。良其輔。言有序。不失事中之
謂也。若夫父慈子孝。姑愛婦順。兄友弟恭。夫敬妻聽。朋
友必信。師長必教。雖庸人亦循循然與之言。此可也。故
君子之與人言也。辭足以達其知。慮之所至。事足以合
其性情之所安。弗過其任。明偏而示之以幽。弗能照也。
聽寡而告之以微。弗能察也。其與人語。大本之源。而談
義之極。必先度其心志。本其器量。視其銳氣。察其情
表。唱焉以觀其和。導焉以觀其隨。隨和之微。發乎音聲。
形乎視聽。著乎顏色。於是乎闡張以致之。因來以進之。

審諭以明之。雜稱以廣之。立準以正之。疏煩以理之。疾而勿迫。徐而勿失。雜而勿詰。放而勿逸。欲其自得之也。其有辯也。約而至。不煩而豫。疾徐應節。不犯禮教。樂盡人之詞。善致人之志。使論者各得其趣。而與之俱解。故大禹善治水。而君子善導人。導人必因其性。治水必因其勢。是以功無敗。而言無棄也。孔子曰。惟君子然後能貴其言。貴其色。小人能乎哉。其藝紀篇曰。藝之興也。繇民心之有智乎。造藝者。其有理乎。民生而心知物。知物而欲作。欲作而事繁。事繁之能理也。故聖人因智以造藝。因藝以立事故。恭恪廉讓。藝之情也。中和平直。

藝之實也。齊敏不匱。藝之華也。威儀孔時。藝之飾也。通
乎群。藝之精者。可與論道。識乎群。藝之華者。可與講事。
事者。有司之職也。道者。君子之榮也。先王之賤藝者。蓋
賤有司也。君子兼之。則貴也。故禮以考敬。樂以敦愛。射
以平志。御以和心。書以綴事。數以理煩。敬考則民不慢。
愛敦則羣生悅。志平則怨尤亡。心和則離德睦。事綴則
法戒明。煩理則物不悖。六者雖殊。其致一也。其道則君
子專之。其事則有司共之。此藝之大體也。其考僞篇曰。
孔子有言。不患人之不已知。患不知也。雖語我曰。吾爲
善。吾終不信之矣。何者。以其泉不自中。漏而注之者。從

外來也。處道之心不明而執義之意不固也。離本趣末。貌合情遠。誘於僞成之名而懼乎虛至之謗。使人憧憧乎得。亾。惓惓而不定。器其故性而不自知其迷。此大亂之道也。問者曰。仲尼惡歿世而名不稱者何。曰。名者所以名實也。實立而名從之。非名立而實從之也。仲尼所貴者。名實之名也。貴名所以貴實也。君子能正其心。心正則內定。內定則物不能亂。物不能亂則獨樂其道。獨樂其道則不聞爲聞。不顯爲顯。聞然而曰彰。夫如是。豈將反側於亂世而化於庸人之末稱哉。其務本篇曰。人君之患。莫大乎諱於小事而畧於大道。察乎近物而闇

於遠圖。夫小事味甘。而大道醇淡。近物易驗。而遠數難效也。故人皆惑於所甘。而不能至乎其淡。眩於所易。而不能反於所難。人君所務。其在大道遠數乎。大道遠數者。爲仁足以覆幬群生。惠足以撫養百姓。明足以臨照四方。智足以統理萬物。權足以應變無端。義足以阜生財用。威足以遏姦非。武足以定甌亂。詳於聽受。而審於官人。達興廢之原。通安危之分。聖人之異乎人者。如此而已矣。今使人君視如離婁。聰如師曠。御如王良。射如夷羿。書如史籀。計如隸首。走追駟馬。力折門鍵。有此六者。可謂善於有司之職矣。何益於治乎。無此六者。可謂

乏於有司之職矣。何增於亂乎？故人君多技能，好小智，而不通於大倫者，適足以距諫爭之說，而鉗忠直之口也。祇足以追亾國之迹，而背安家之軌也。問古之君子，然諸子之書稱爵祿非貴，資財非富，何也？曰：彼遭世之亂而有是言，非古也。古之制爵祿也，爵以祐有德，祿以養有功。功大者祿厚，德遠者爵尊。觀其爵則別其人之德也，見其祿則知其人之功也。不待問之明王在上，序爵班祿，而不以逮焉耻也。先王將建諸侯而賜爵祿，必於清廟之中，陳金石之樂，宴賜之禮，宗人攬相，內史作策，繇此觀之。爵祿者先王之所重，何謂其非貴也？文武道廢，諸侯僭恣，大夫世位，爵人不以德，祿人不以功，竊國而貴者有之，竊地而富者有之，茲邪得願，仁賢失志，於是乎以富貴相詬病矣。然則富貴美惡存乎其世也？夫登高而建旌，則所視者廣，順風而振鐸，則所聞者遠，非旌色之益明，鐸聲之加遠也。所托者然也。况居富貴之地而行其政令者乎？故聖人以無勢位爲窮，百工以無器用爲困，困則其資亾，窮則其道廢，何謂其非貴也？


抑求之有道得之有命舜禹孔子可謂求之有道矣舜禹得之而孔子不得可謂有命矣非惟聖人賢者亦然稷契伯益伊尹傳說得之者也顏淵閔子騫冉耕仲弓不得者也故良農疆場脩而患風雨之不節君子道德建而時世之不遇也豈一世哉豈一世哉○賞罰者不在於必重而在於必行必行則雖不重而民警不行則雖重而民怠當賞不賞則爲善者失其本望而疑其所行當罰不罰則爲惡者輕其國法而怙其所守是以聖人不敢以就戕之恩而廢刑罰不敢以怨讐之忿而廢慶賞夫將以有敕也司馬法曰賞罰不踰時踰時且猶不可况廢之乎賞罰不可以疎亦不可以數數則所及者多疎則漏者多賞罰不可以重亦不可以輕賞輕則民不勸罰輕則民無懼賞重則民微僕罰重則民亾聊故先王明庶以聽之思中以平之而不失其節故書曰罔非在中察辭於差夫賞罰之於萬民猶轡策之於駟馬也轡策不調非徒遲速之分也至於覆車而摧轅賞罰不明非徒治亂之分也至於滅國而卷身詩云執轡如組兩驂如舞言善御之可以爲國也○治平在庶功興庶功興在事役均事役均在民數周民數周爲國之本也故先王周知萬民衆寡之數而分九職焉九職旣

分則勸勞者可見怠惰者可程然而事役不均未之有也事役既均故民盡其心而力於從事然而庶功不興未之有也庶功既興故國家殷富大小不匱百姓休和下無怨疾然而政治不平未之有也故曰水有源治有本道民者審乎本而已矣周禮孟冬獻民數於王王拜受之登於天府內史司會冢宰貳之其重之也如是今爲政者弗之恤譬繇無田而欲樹藝也雖有農安所措其力乎是以先王制六鄉六遂之灋使比鄰族黨相保相愛慶賞刑罰相延相及故出入存亡臧順否逆可得而知也如是則姦無所竄罪人斯得迨及亂政戶口漏於國阨大家脫於聯伍避役者有之棄捐者有之浮食者有之於是姦心競生僞端並作小則盜竊大則攻劫嚴刑峻灋不能救也故民數者庶事之所自出也莫不取正焉以分田里以令貢賦以造器用以制祿食以起田役以作軍旅國以之建典家以之立度五禮用脩五刑用措其惟審民數乎

論曰幹中論論篤如此梁世輯文選以其書澹質靡艷也不錄宋曾子固始讀其書察其意而賢之已考知其

爲人。逡巡濁世。有去就顯晦之大節。爲較序其文。三致意焉。斯不謂朱絃疏越。非衆聽所笑耶。抑顯晦固有時也。嗚呼。東漢之文衰。而中論微。而傳聞而顯。所積者誠也。也可以志於學矣。





DS
735
.A2
T4
V.20
函史上編卷之二十八

明盱郡鄧元錫纂

蜀漢帝紀

蜀漢昭烈皇帝諱備。

字玄德。

涿郡涿人也。系出孝景帝子

中山靖王勝。少孤貧。與母販履織席爲業。寡言笑。喜怒

不形於色。會世亂。從較尉鄒靖討黃巾有功。除安喜尉。

從都尉毋丘敬戰下邳。最。除下密丞。遷高唐令。失軍。嘗

與公孫瓚同師事盧尚書植。受詩。因依瓚。時瓚以討黃

巾功。官奮威將軍。封薊侯矣。表爲平原相。會徐州牧陶

謙爲曹操所攻。急救之。操退。謙表爲豫州刺史。

時先主與蒲解

人關羽張飛友厚善二人咸附親食同席寢同牀恩厚比兄弟而稠衆中二人者終日侍不去也恒山趙雲爲郡將吏兵詣公孫瓚瓚曰貴州人皆趨袁氏君胡爲乎來雲曰天下洶洶未知孰是民有倒懸之厄鄙州議論從仁政所在不爲私明公也先主時在瓚所奇之與雲結納雲委心焉爲主平原騎蓋是時已能得士如此已得領徐州

徐州牧陶謙寢疾召別駕糜竺謂之曰今天下兵爭非玄德不能完此州矣我死必

以州屬謙卒竺率州人迎主先主讓不敢當曰袁公路近在壽春盍歸之下邳陳登曰公路驕豪非治亂主也鄙州雖小戶口百萬步騎餘十萬人上可以匡主濟民下可以割地守境使君何辭焉若使君不見聽登亦未敢聽使君也比海相孔融起曰公路豈憂國忘家者且冢中枯骨介意何爲今日之事百姓與能天與不取悔不可及於是

先主領徐州

失軍歸曹操操表爲豫州牧從操攻呂布

獲誅之表爲左將軍會車騎將軍董承受獻帝密詔謀

誅操邀先主同功

操意疑多忌一日從容謂主曰今天下英雄惟使君與孤耳本初之徒不

足數也。主大驚，方食失匕箸，適雷震，因曰：「聖人迅雷風烈，必變。」良有以也。操因以爲怯，以得安，未發會操，遣邀袁術，因遂據徐州。明年，操殺車騎將軍承，擊徐州破之。亾之袁紹。時關羽守下邳，操攻拔下邳，得羽及秉燭坐達旦。操義之，拜偏將軍，禮遇厚，甚然察其心神，不欲留遣。張遼自以情問之，羽太息曰：「吾極知曹公遇我厚，然吾於劉將軍誓同生死，不可背也。吾終不自留，要當立效。」報公乃去耳。遼還報操，愈益義之。後袁紹遣其將顏良攻東郡，操遣遼及羽爲前鋒擊之。羽望見良麾蓋，策馬刺之，萬衆之中，斬其首而還。紹軍辟易，莫敢有當者。操軍大驚，歎以爲關將軍神明也。遂解白馬之圍，操表封壽亭侯。於是羽悉封操先所賜金帛還之，留書告辭，奔先主於袁軍左右，欲追之。操曰：「彼各爲其主，勿追也。」軍汝南，操擊破之，奔劉表。表郊迎，以上賓禮禮之，益其兵，使屯新野。已，操征烏桓，先主策操軍柳城，許下必內虛，勸表以銳師襲許。迎天子，表不能用。旣而悔之，主曰：「天下方尋干戈，幾會之來，何有終極？」願毋以前失爲悔，獨慎應其後耳。一日

於表坐起如廁忽慨然流涕表見怪問之先主曰平居身不離鞍髀肉皆消今不復騎髀肉復生日月如流老將至矣而功業不建是以悲耳蓋是時先主欲偕表以靖難表選慝不任故快快如此表卒操伐

荊州表子琮以荊州降先主保夏口遣諸葛亮詣吳求

濟師以吳師來大破操於赤壁因遂有荊州

劉表有二子曰琦琮

娶後妻蔡氏爲琮娶妻之姪蔡愛琮而惡琦琦不自安與諸葛亮謀之亮不對乃與亮升樓去其梯曰今日上不至天下不至地言出于口入吾耳可以言未亮曰君不見申生在內而危重耳居外而安乎琦意悟會黃祖死琦求代其任得出守江夏而安表卒琮嗣操自將伐荊州蒯越等勸琮以荊州奉章詣操降時先主屯樊莫知也比聞大驚則操已在宛矣或勸主攻琮荊州可得也先主慨然曰劉荊州臨亡託我以孤背信以自濟吾不忍爲也且異日何面目見荊州地下乎議移保江陵別遣關羽乘船數百艘會江陵過襄陽呼琮琮懼不能起先主過祀表墓爲哀涕而去當是時琮左右及荊人皆不樂爲操多自拔以從至當陽衆遂十餘萬輜重數

千兩、日行僅十餘里、或謂之曰、宜速行、保江陵、江陵固足恃也、今擁大衆行、而能戰者寡、猝曹兵至、當何以拒之、主曰、濟大事者、必以人爲本、今人歸吾、吾何忍棄去、操聞、釋輜重、輕軍襲襄陽、聞先主已過、將精騎五千急追之、一日夜行三百餘里、及於當陽之長坂、於是先主棄妻子、跳身走、與關羽船會、得濟沔、會劉琦將衆萬餘人以迎、乃畱屯夏口、蓋是時、先主幾殆、時徐庶爲先主腹心、曹操獲其母以招庶、庶辭先主、指其心泣曰、木所與將軍圖王霸之業者、以此方寸地也、今失老母、方寸亂矣、請從此辭、乃詣操、蓋親在故也、可與權矣、赤壁事具蜀相謨及吳志中、先主旣得荊州、表劉琦爲州刺史、自營油口居之、改名公安、孫權表先主領荊州牧、時龐統守耒陽令、以不治免、魯肅遺先主書曰、龐士元非百里才也、使處治中、別駕之任、始當展其驥足耳、諸葛亮以爲信、乃授治中、**建安十九年、定益州、爲益州牧。**劉璋者、益州牧焉子也焉。

宛據有益州、方操下荊州時、璋遣別駕張松前詣操、求自通、時操得荊州、意揚甚、忽松不禮焉、松恚之、還過先主、先主禮遇之、過望、松遂相結納、及是、曹操遣將向漢中、欲規蜀、璋聞之、恐、松因說璋曰、曹公兵於天下無敵、

必且破張魯、魯破必且因資便取蜀矣。度今可抗曹公者，獨劉豫州。豫州使君宗室，而曹公之深讐也。善用兵，蓋迎之，以圖魯安蜀乎？璋曰：「善。」遣法正迎先主，以拒操。主簿黃權諫曰：「不可。」左將軍雄武有驍名，今來以部曲遇之，則志不厭，以賓禮賓之，則國貳。令客有泰山之安，則主有累卵之危矣。璋不聽，而法正來謁，陰爲主畫取益州。龐統亦勸之，先主太息曰：「今指與吾爲水火者，曹操也。操以急，吾以寬；操以暴，吾以仁；操以譎，吾以忠。每與操反，事乃可成耳。今以小利而負信義，柰何？」統曰：「逆取順守，古人所貴。何謂非義？若事定後，封以大國，何負於信？釋今不取，將終爲敵人利耳。」於是先主留諸葛亮關羽守荊州，而自將步數萬人西入蜀。巴郡太守嚴顏拊心歎曰：「嗟夫！所謂獨坐窮山，放虎自衛者也。」軍至涪，璋以輕騎來會于涪。張松令法正白先主，卽於會襲璋，可不勞而定。龐統復勸之，先主曰：「吾初入蜀，恩信未有加，是何可輕也？」於是與相見甚驩，留飲百餘日。璋益先主兵，使北擊張魯，兼督白水軍。軍大振，於是先主屯葭萌關，樹恩德以收衆心。久之，曹操攻孫權，權求救，先主乃貽璋書，求益兵資還荊州。璋以其擊漢中未效，殊望給資半，蓋是時業有疑先主心矣。已而得張松通先

主狀乃大怒收斬松、敕所屬州郡邑與先主絕、勿通。先主因以激使其衆，進據涪，而召諸葛亮于荊州來濟師。亮留關羽守荊州，自將張飛、趙雲克巴東，至江州，分遣趙雲從外水，定江陽犍爲，遣飛、狗巴西德陽，飛破巴，獲郡守嚴顏，呵之曰：「何不降也？」顏曰：「卿等無狀，侵奪我州，境我州，但有所頭將軍，無降將軍，飛怒叱，牽出斬之。顏顏色不變，曰：「斫頭卽斫頭，何怒爲？」飛壯而釋之，引爲上客。遂定巴，與先主會成都。時瑋所遣將署吏爭降附，先主度瑋困，遣卽簡雍入，勸之降。時城中尚精兵三萬，穀帛支一年，吏士欲死戰。瑋憮然太息曰：「吾父子在州二十餘年，無恩德加於百姓，今百姓戰攻三年，肌血膏野草，則以瑋故也。瑋何心安忍乎？」遂與雍俱出降。先主禮待之，徙南郡，盡歸其財物，佩振威將軍印綬如故。主自領益州牧，以諸葛亮爲軍師，將軍董和爲中郎將，並署左將軍府事，和守蜀郡，清儉公直，爲民夷所愛信。蜀中推循吏，故用之。初，先主自新野南奔，楚士從之如雲，而劉巴獨北詣曹操。及先主有三郡，巴欲亡詣許，不得，復詣蜀，巴爲劉瑋畫絕先主之策，不用，杜門稱疾。先主令軍中害巴者族，及得之大喜，以爲西曹掾。益州將黃權、城守不降，表爲將軍，蜀郡太守許靖踰城降，廢不用。法

正曰、主方創大業、而靖浮譽、播四方、若不見禮、天下之人不可尸說、將謂主賤賢士也、士將不復至矣、宜引用緊遠近之心、先主曰善、遂用靖、時主委政諸葛、因材授任、恩威並振、而蜀以大和、先是孫權遣周瑜率水軍假道伐蜀、主不聽、謂瑜曰、汝欲取蜀、吾當被髮入山、不失信於天下、瑜不得過而還、及是權患曰、猾虜乃挾詐如此、於是遣人來求荊州、主不許、權怒遣呂蒙襲長沙、零陵、桂陽、下之、先主自引兵下公安、遣關羽爭益陽、會曹操克漢中、張魯奔南山、蜀人大恐、於是復連和、分荊州長沙、江夏、桂陽、東屬吳、南郡、零陵、武陵、西屬蜀、○先主既定蜀、欲以成都田宅賜諸將、趙雲曰、霍去病有言、匈奴未滅、何以家為、今國賊盤據朝廷、豈直匈奴哉、而顧當求安乎、用田何為、當須天下大定、各反桑梓、歸田本土耳、且益州新罹兵革、當令田宅安其心、何可私所愛也、先主曰善、

二十四年定漢中、為漢中王

時曹操已克漢中、還許矣、法正

說先主曰、操一舉而降張魯、定漢中、不因此時圖巴蜀、而留將屯守、身還北、此非其力不逮也、必中有內憂、今策夏侯淵、張郃、不勝國之將帥、往討當可克、克之、益廣農積穀、觀變伺時、高可以平寇、獎王室、中可蠶食雍涼、

拓境土、下可守要害、持久、此天所以假主、不可失也。先主曰：善。率諸將出下辯，規漢中。久之不克，命益發益州兵。亮以問譙，爲揚洪。洪曰：漢中蜀咽喉，無漢中則無蜀。濟師何疑？踰年，主自陽平南渡沔水，營於定軍山。淵引兵爭之。法正曰：可擊矣。遣部將黃忠乘高鼓譟擊之，遂斬淵。張郃完兵還，督軍杜襲收散卒，推郃爲軍主。衆乃定。操聞之，自將出斜谷，遮要以爭漢中。先主曰：曹公雖來，尤能爲也。我必有漢中矣。乃歛衆阻南山而軍。曹運米北山下，忠將兵欲取之。過期不還，將軍趙雲將數十騎出視之，值操揚兵大出，雲遂前搏戰，且戰且却。魏兵散而復合，追至營。雲入營大開門，偃旗息鼓。魏兵疑有伏，引去。雲大鼓譟，以勁弩隨射之。魏兵大駭，相蹂踐，宛漢水中者甚衆。明日，先主行視雲戰處，太息曰：子龍一身都是膽也。操不能難而退，主遂得漢中。是役也，黃忠功冠軍。先主爲漢中王，論功，拜關羽爲前將軍，忠後將軍，遣司馬費詩卽授羽印綬。羽聞忠位與己並，大怒曰：大丈夫終不與老兵同列，不肯拜。詩說之曰：夫立王業者，所用非一途。昔蕭曹與高祖少小親善，而陳韓亡命後附，當定封時，韓最居上，未聞蕭曹以爲怨也。今王以一時之功，崇忠意之輕重，寧當與君侯齊乎？且王與君

侯猶一體同憂戚禍福寧當計官號祿爵爲也羽感悟立下拜是歲前將軍羽北擊樊

虜魏將破其軍冬孫權襲江陵陷之羽還軍死焉時羽以前

將軍假節鉞督荊州軍率大衆攻曹仁於樊操遣將軍于禁往助仁會大霖雨溪水溢羽乘水以高筏逼之禁所督七軍皆沒於是梁郝陸渾諸豪傑遙受羽印號爲聲援威震華夏曹操懼議徙許都以避其鋒司馬懿將濟請遣使詣孫權權使圖之權聽許用呂蒙計襲江陵破之盡虜羽士衆妻子羽聞引軍還遂散權逆擊羽斬之于臨沮謚壯繆侯明年魏篡漢夏四月王卽位成都以子興侍中中監軍

諸葛亮爲丞相許靖爲司徒立宗廟祫高皇帝而下立

皇后吳氏將軍懿之妹故子禪爲皇太子子永魯王理

梁王秋伐吳吳請平不許章武二年夏六月師敗于猇

歸帝還次永安帝耻關羽之沒銳意伐吳將軍趙雲諫曰國賊曹操非孫權也操身雖斃而子

不盜篡此天下所共憤若聲大義乘衆心出河渭上流以討凶逆關中義士必且裹糒策馬以迎王師今魏而先吳非計也兵勢一交不得卒解不益得自固矣吳遣使來輸平且賀卽位諸葛瑾致牋曰關羽之親何如先帝荊州大小孰與海內鈞所忿疾孰當先後惟審此數而已時帝患甚竟伐吳留丞相亮輔太子守成都詔車騎將軍飛督閬軍中與大師會時蜀將惟羽飛皆稱萬人敵然羽善待卒伍而輕士大夫飛敬禮君子而不恤下日鞭撻健兒左右給侍先主常戒之及是其帳下卒殺飛持其首順流奔吳飛營都督表其事先主聞飛都督有表也大驚曰噫飛死矣慟哭者久之於是蜀寡衛而因以不振軍稊歸將軍吳班陳式將水軍屯夷陵夾江東西岸而軍二月進夷道猇亭夏六月黃氣見自秭歸十餘里中廣數十丈師敗績將軍馮習張南等死焉語具吳事中帝還永安初諸葛亮與法正好尚不同而以公義相取亮每奇正智術及是正已卒亮嘆曰孝直若在必能制主上東行就成行必無此危矣初先主軍稊歸將黃權請曰吳人悍水軍沿流下進易退難臣請先驅以掌寇卽有跌可自完帝不從以權督江北軍防魏而自將軍伐吳及敗績權道絕不得還以衆降魏

有司請收權妻子。帝曰：孤負權，權不負孤也。待其家如初。魏主不謂權曰：君捨逆效順，欲追蹤陳韓耶？對曰：臣受主隆遇，降吳不可，歸蜀無路，免死而已。何占人可慕也？不以爲鎮南將軍，已有傳漢誅權妻子者。魏主弔之。權曰：臣與劉葛推誠相信，必明臣本志，殆不其然？已問之，果妄也。權子崇留蜀，後以尚書郎從。諸葛瞻出禦蜀，力勸瞻速行，揚險毋令敵得入平地。瞻不從，戰綿竹，死難。章武三年春，帝在永安宮。

有疾病，召丞相亮于成都。既至，帝乃言曰：所爲與君戮力大事者，爲祀漢討賊也。今病困，念不能復興。君才十倍曹丕，必能安國，終定大事。如嗣子可輔，輔之。如其不才，君可自取。亮涕泣曰：臣敢不竭股肱之力，效忠貞之節，繼之以死。又詔太子曰：朕初疾，但下痢耳。顧轉雜他病，殆不自濟。人年五十不稱夭，吾今六十有餘，何所復

恨但以卿兄弟爲念耳。丞相來歎卿智量甚大。增脩過望。審如是。吾復何憂。勉之。勉之。勿以善小而不爲。勿以惡小而爲之。惟賢惟德。可以服人。汝父德薄。不足效也。汝與丞相共事。事之如父。記曰。行一物而三善得。可不勉與。夏四月。帝崩于永安。五月。太子禪卽位。葬惠陵。

論曰。史壽言先主弘毅寬厚。知人待士。有高皇帝之風。及舉國秉託孤於相臣。而心神無二。君臣至公。古今之盛軌也。獨機畧不逮魏武。而基宇亦狹。斯近之矣。獨其本。晉史帝魏於蜀事。比列國多擲不書。至宋朱侍講熹作通鑑綱目。舉以蜀紹漢。予之以帝制。夫亦猶春秋之

義云。

蜀漢相謨

丞相忠武侯亮

字孔明

琅琊陽都人先漢司隸校尉諸葛

豐後也父珪泰山郡丞以世亂避地荊州因家南陽隆
中。有大志。嘗自比於管仲樂毅。人莫之許也。惟博陵崔
州平。潁川徐庶。謂爲信然。每讀書。獨觀大意。晨夜時抱
膝長嘯。爲梁父吟。以自適。時人莫測也。惟同邑龐德公
器之。目爲卧龍。以從子龐統有知計。目爲鳳雛。襄陽司
馬徽。善人倫。爲水鑑。三人者。相與游甚樂也。而父事龐
公。時先主在新野。思得士共功。謁之。徽曰。儒生俗士。

豈識時務。識時務者在俊傑。今此有伏龍鳳雛。其人也。
問爲誰。不應。歸以語徐庶。庶曰。諸葛孔明。龐士元也。主
豈願見之乎。先主曰。幸甚。願因君致之。庶曰。此人可就
見。未可屈致也。主卽欲見之。必枉駕顧之。於是先主親
詣亮。三往乃得見。因屏人深語曰。漢室傾頽。姦臣竊命。
孤不度德量力。欲信大義於天下。而智術淺短。動見猖
獗。然志猶未已。先生豈幸教之乎。亮謝讓對曰。是謀非
愚所及也。今資執難也。夫董卓之亂。豪傑竝起。曹公視
袁紹。名微衆寡矣。而乘勢獨克。則其筭勝也。今已擁百
萬之衆。挾天子而令諸侯。豈易與爭哉。孫權據有江東。

已歷三世。國險民附。賢能爲之用。此可以爲援。而不可
圖也。今獨有荆益。荊州北據漢沔。利盡南海。東連吳會。
西通巴蜀。此用武之國。而其主不能守。益州險塞。沃野
千里。天府之國。高祖因之以成帝業。而劉璋闇弱。張魯
在北。智能之士。思得明君。此天所以資將軍也。將軍帝
室之胄。信義著於四海。若跨有荆益。保其巖阻。乘執便
以和諸戎。撫夷越。外結孫權。內脩政理。以觀變。一旦有
變。有命上將將荊州之軍。向宛雒。而將軍身率益州之衆。出
於秦川。百姓孰不箪食壺漿迎將軍乎。如此則霸業可
成。漢室可興也。蓋身草廬而慮天下。形便旣審。熟如此。

於是先主大稱善而引亮與謨議。日親關羽張飛頗不悅。問之。先主曰。孤之有孔明。猶魚之有水也。願諸君勿復言。時新野兵殫少。亮以荊州人戶輻輳。未被兵獨著籍者寡。令游戶咸自實。占籍。因錄以益衆。而兵形成。及操下荊州。先主敗當陽。保夏口。亮乃言曰。事急矣。請奉命求救於孫將軍。會討虜將軍權。以操南。按兵。柴桑以觀變。使魯肅來弔唁。且覘軍。亮遂與肅詣柴桑。見之。亮察權氣豪。可激而從也。因說之曰。海內大亂。將軍起兵江東。劉豫州收衆漢南。與曹操竝。今操芟夷四海畧定矣。又南破荊州。英雄無用武之地。故豫州跳身至此。願

將軍度力而處之。若能以吳越之衆與中國抗衡。卽當早與之絕。若不能。則按兵束甲。北面而事之。外託合從之名。內懷猶豫之計。事至而不斷。禍矣。權曰。卽如君言。劉豫州何不遂事之乎。亮慷慨拊膺曰。田橫齊之壯士耳。猶守義不辱。况豫州王室之胄。英才蓋世。衆士仰附。事之不濟。天也。安能復爲之下乎。權勃然曰。吾不能舉全吳之地。十萬之衆。受制於人。吾計決矣。非劉豫州莫可以當操者。然適新敗。安能抗此難乎。亮曰。豫州軍雖創於長坂。今戰士還者及關羽水軍精甲餘萬人。劉琦合江夏戰士亦不下萬人。曹操之衆。遠來疲憊。聞追豫

州輕騎一日夜行三百餘里。此所謂彊弩之末勢不能穿魯縞者也。故兵法忌之曰：必蹶上將軍。且北方之人，不習水戰，又不能水土，必且病多，適爲累。荊州之衆，附操者，獨偏兵執耳，非心服也。有急則相挺耳。將軍誠令猛將統兵數萬，與豫州協規同力，破操必矣。操軍破，則荊吳之執強而鼎足之形成矣。權大悅，遣周瑜、魯肅等帥師拒操，破之赤壁下。語具吳事中。當是時，徵亮以吳師濟師，主幾殆已。佐先主定益州，領益州太守，悉意勞來而持法時峻嚴。法正諫曰：「昔高祖入關，約法三章耳。而秦民知德，今君憑藉智力以有此土，德惠未有加也。」

而先之以刑。豈尚德緩刑之義乎。亮曰。君知其一。未知其二。昔秦以政苛民困。失天下心。而天下土崩。高祖因之。可用弘濟。今自焉以來。積恩成弱。上下相承。羈縻而已。故人皆恣睢苟且。無憚上之心。夫寵之以位。位極則殘。順之以恩。恩極則慢。吾威之以法令。法行則知恩。限之以爵使。爵加則知榮。使恩威並濟。上下有節。不亦可乎。亮以西土初定。在得才實。取人不限其方。董和黃權李嚴璋故所授任也。吳懿等璋婚姻。彭萊璋所擯棄也。劉巴宿昔之所怨恨也。皆處以顯任。盡其器能。而益州大定。及昭烈崩。亮以丞相領荊州牧輔政。時益州新造。

未定吳新乘勝國執岌岌魏大臣復用文告震喝之使
以蜀爲內臣亮內秉機衡外結吳好昭大義以定衆志
令無恇懼撫百姓約官職脩紀政治盡忠益國者雖讎
必賞犯法怠慢者雖親必罰服罪輸情者雖重必釋游
辭巧飾者雖輕必戮循名責實虛僞不齒賢愚僉忘其
身而蜀人大和時牂牁越巂等郡叛撫而不討務農植
穀閉關息民而後用之魏司徒華歆陳羣等遺亮書陳
天命人事今稱藩亮不報作正
議示衆曰昔在項羽起不繇德雖處華夏秉帝者之勢
終就湯鑊世祖創迹以羸卒數千摧莽強旅四十餘萬
於昆陽之下夫據道討淫不在衆寡前孟德以詭勝之
力舉數十萬之師救張郃于陽平勢窮中悔僅能自脫
旋師未至感憤而死子桓淫佚繼以篡奪昔軒轅整卒
數萬方制海內今二州數十萬之衆輔正道討罪疇能

于之。亮欲與吳爲從，深念不見客，尚書鄧芝直入見，以爲言。亮曰：「吾念之久矣，恨未得其人，可通使者。」今得之耳。芝問爲誰，亮曰：「卽使君也。」於是遣芝使吳。時吳王憚魏，不時見芝。芝自表請見，曰：「芝今來，亦欲爲吳，非爲蜀也。」吳王見之，曰：「孤誠願與蜀和親，恐蜀主幼，國小，爲魏所乘，不自全耳。」芝對曰：「吳蜀二國，四州之地，於天下誠隘，然大王命世之英，諸葛亮亦一時之傑也。蜀有重險之固，吳有三江之阻，合二長以爲唇齒，進可并兼天下，退可鼎足而居，何謂小乎？今大王委質於魏，魏必上望王之入朝，下求太子內侍，若不從命，則奉辭伐叛，蜀亦順流，如此則江南之地，非復大王有也。」三年春，平南吳王默然良久，曰：「君言是也。」遂絕魏從親。

中丞相亮自將討南中，繇越雋人誅其渠雍闓、永昌渠帥孟獲，收餘衆以拒師。亮聞獲頗爲夷漢所服，募生致之。旣使行，觀營陳，問曰：「此軍何如？」對曰：「向者不知虛實，故敗。今得觀營陣，祇如此，定易勝耳。」亮笑，縱使更戰。上縱七擒，而亮猶遣獲，獲止不夫。日，公天威也。南人不復反矣。收其渠官之，或勸亮直張官吏自爲守。亮曰：「夷新傷破，父兄炮亾，張官吏而無

兵必且禍一也。張官吏則當宿兵。宿兵則無所食。餽餉方始二也。夷累負廢殺王吏之罪。自嫌釁重。若復畱吏終不相信三也。今吾但追俗爲制。使紀綱粗定。夷漢粗安足矣。豈必以中國之治治之乎。於是終亮世。南人不復反。亮以永康郡吏呂凱。府丞王伉。執忠絕域。俱表爲太守。封亭侯。五年。丞相亮率諸軍駐漢中。伐魏。臨發。上疏曰。先帝創荼未半。而中道崩殂。今天下三分。益州疲弊。此誠危急存亡之秋也。然侍衛之臣。不懈於內。忠志之士。忘身於外者。蓋追先帝之遇。而欲報之於陛下也。誠宜開章聖聽。以光先帝遺德。恢弘志士之氣。不宜妄

自菲薄引喻失義以塞忠諫之路也。宮中府中俱爲一體。陟罰臧否不宜異同。若有作姦犯科及爲忠善者宜付有司論其刑賞以昭陛下平明之治。不宜偏私使內外異法也。侍中侍郎郭攸之費禕董允等此皆良實志慮忠純是以先帝簡拔以遺陛下。愚以爲宮中之事無大小悉以咨之然後施行必能裨補闕漏有所廣益。將軍向寵性行淑均曉暢軍事試用於昔日先帝稱之日能是以衆議舉寵以爲督。愚以爲營中之事悉以咨之必能使行陣和穆優劣得所也。夫親賢臣遠小人此先漢所以興隆也。親小人遠賢臣此後漢所以傾頽也。

先帝在時每與臣論此事未嘗不嘆息痛恨於桓靈也。侍中尚書長史叅軍此悉貞亮死節之臣也願陛下親之信之則漢室之隆可計日而待矣臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中咨臣以當世之事繇是感激遂許先帝以驅馳後值傾覆受任於敗軍之際奉命於危難之間爾來二十有一年矣先帝知臣謹慎故臨崩寄以大事也受命以來夙夜憂勤恐託付不效傷先帝之明故五月渡瀘深入不毛今南方已定甲兵已足當獎率三軍北定中原庶竭駑鈍攘除姦凶興復

漢室還於舊都。此臣所以報先帝而忠陛下之職分也。至於斟酌損益。進忠盡言。則攸之禪允之任也。願陛下託臣以討賊興復之效。不效則治臣之罪。以告先帝之靈。責攸之禪允等之咎。以彰其慢。陛下亦宜自謀。咨諏善道。察納雅言。深追先帝遺詔。臣不勝受恩感激。今當遠離。臨表泣涕。不知所云。遂出師。揚言繇斜谷道取郿。使將軍趙雲鄧芝據箕谷爲疑兵。而身率大軍出祁山。戎陳整齊。號令明肅。始魏以昭烈崩數歲。寂然無聞。易蜀小無備豫。猝聞亮出。朝野震恐。於是天水南安安定皆去魏應漢。前軍帥譔敗績于街亭。乃還師。表自劾貶。

秩右將軍於是戮有罪考微勞甄壯烈引咎責躬布所

失於天下民忘其敗焉

謾襄陽人志氣過人善談兵亮深器之昭烈臨終謂亮曰馬謖

言過其實不可大用君其察之亮猶不謂然引爲參軍及帥討南中謖追送亮曰共計者歷年矣今行可更惠良規乎謖曰南中恃其險遠不服久矣今日破之明旦復反公方傾國以討強敵必且爲反顧憂夫用兵之道攻心爲上攻城爲下心戰爲上兵戰爲下願公服其心而已亮深納其言而南中平及是出軍祁山亮不用舊將魏延吳懿等爲先鋒以謖前督軍謖違亮節度舉措煩擾以兵法乘高者勝不據城營山上侍敵魏將張郃絕其汲道士無水困乏奮擊大破之亮進無所據拔西縣千餘家引還收謖下獄將殺之蔣琬爭之曰昔楚殺得臣而後文公之喜可知也天下未定而戮智計之士不亦惜乎亮流涕曰孫武所以能制勝于天下者以用法明而行法公也兵交方始若復廢法將何用討賊邪謖旣死亮自臨祭爲泣數行下撫其遺孤恩若平生焉是役也裨將王平連諫謖不用及敗衆散惟平所領千餘人鳴鼓自守張郃疑其有伏不敢逼平徐收合諸營

散卒以還拜參軍箕谷軍敗趙雲目斷後故兵將不相失至資鎧亦完亮大喜使以餘絹賜將士爲分雲曰軍行無利何爲有賜請須十月爲冬給亮大善之魏天水參軍姜維詣亮降亮美其膽智使典軍初魏以夏侯惇子楙都督關中司馬魏延自請曰楙主壻也怯而無謀今假延精兵五千負糧五千直從褒中出循秦嶺而東當子午而北不過十日可到長安楙聞延奄至必棄城走橫門邸閣與散民之穀足周食也比東方合聚尚二十許日而公從斜谷來亦足以達如此則一舉而咸陽以西可定也亮以爲此危計不如安從坦道可以平取隴右故不用延計延大恨之亮旣還客有以叛西城士民賀者亮愀然久之曰晉天之下皆漢土漢民國家威力未舉使赤子困於豺狼之吻是吾罪也以此相賀能無愧乎或勸之調民以益軍亮曰大軍在祁山箕谷皆多於賊而不能破賊反爲賊所破此其病不在兵少也在一人耳今欲減兵省將明罰思過較變通之道於將來庶其益乎若不能然兵多何益是歲吳敗魏石亭魏諸君但勤攻吾闕足矣無爲多兵益兵而東關中內虛欲乘之復出師群臣多以爲疑亮

言於帝曰。先帝慮漢賊不兩立。王綦不偏安。故託臣以討賊。以先帝之明。量臣之才。固當知以臣伐賊。才弱敵強。然不伐賊。王綦亦亾。惟坐而待亾。孰與伐之。是故託臣而弗疑也。臣受命之日。寢不安席。食不甘味。思惟北征。宜先入南。故五月渡瀘。深入不毛。臣非不自惜也。顧王綦不可偏安於蜀都。故冒危難。以奉先帝之遺意也。今賊適疲於西。又驚於東。兵法乘勞。此進趨之時。而議者謂爲非計。夫高帝明並日月。謀臣淵深。然涉險被創。危然後安。今陛下未及高帝。謀臣不如良平。而欲以長計取勝。坐定天下。此臣所未解一也。劉繇王朗各據州。

郡論安言計動引聖人羣疑滿腹衆難塞胷。今歲不戰。明年不征。使孫策坐大。遂并江東。此臣所未解二也。曹操智計殊絕於人。其用兵也。髣髴孫吳。然困於南陽。險於烏巢。危於祁連。偏於黎陽。幾敗北山。殆死潼關。然後僞定一時耳。况臣才弱而欲以不危定之。此臣所未解三也。曹操五攻昌霸不下。四越巢湖不成。任用李服而李服圖之。委任夏侯而夏侯敗亡。先帝每稱操爲能。猶有此失。况臣駑下。何能必勝。此臣所未解四也。自臣到漢中。中聞昔年耳。然喪趙雲。陽群馬。玉閭芝。丁立白壽。劉郃。鄧銅等。及曲長屯將七十餘人。突將無前。賓叟青。

危散騎武騎千餘人此皆數十年之內所糾合四方之
精銳非一州之所有。若復數年則損三分之二何以圖
敵此臣所未解五也。今民窮兵疲而事不可息事不可
息則住與行勞費正等而不及早圖之欲以一州之地
與賊支久此臣所未解六也。夫難平者事也。昔先帝敗
軍於楚當此之時曹操拊手謂天下已定乃後先帝東
連吳越西取巴蜀舉兵北征夏侯授首此操之失計而
漢事將成也。吳更違盟關羽毀敗秭歸蹉跌曹丕稱帝。
凡事如是難可逆見。臣鞠躬盡力死而後已至於成敗
利鈍非臣之明所能逆覩也。出散關圍陳倉不克還。
初魏

曹真復取三郡。以亮懲祁山，必出陳倉，使將軍郝昭城守。亮力攻不克，說之不下，而魏張郃將軍至。亮以糧盡，引還，斬其追將王雙。七年春，丞相亮拔武都、陰平，詔復位，遣衛尉

陳震如吳賀卽位。

議者言吳限江自保，交之無益，而名體弗順，宜顯絕其盟，使亮日不然，權

之有非望久矣。國家所以畧其情，釁者求為犄角也。如加顯絕，仇我必深。彼賢才尚多，將相輯睦，未可歲月定也。將挫而構釁，使北賊得自寬，夫權之限江自保，猶魏之不能越漢，取吳非力有餘而棄不取也。若大軍比討，彼高望裂地為後規，下思斥境以示武，勢必亟動。豈肯晏然而已哉？就其不動而睦於我，我無東顧，魏河南之衆不得盡西，此其利已深。權僭罪未宜明也。昔孝文卑辭匈奴，先帝優與吳盟，皆達權通變，弘思遠益耳。於是乃遣九年春，丞相亮伐魏，圍祁山，夏敗魏師，鹵城，斬將

震。

亮命中都護李嚴署丞相府事，自將出祁山，招鮮卑軻比能等以助師。魏主叡命司馬懿屯長安，督諸將禦之。懿留精兵四千守上邽，而悉衆西救祁山。亮分兵留祁山，自逆懿上邽。魏將郭淮等來徼戰，亮破之，大刈其麥。

爲食與懿遇於上邽之東。懿度亮慮精不可敗，念獨欲老之，歛軍依險，兵不得交。亮引還，懿躡至鹵城。亮旋師與戰，懿登山掘營，不肯戰。諸將數請戰，曰：「公畏蜀如虎，奈天下笑何？」懿病之，乃使張郃攻王平於南圍，而自案中道。何亮亮使魏延等逆戰，大敗之。懿還保，時蜀兵更下者十二，而魏軍適許戰。僚佐言：「賊衆盛，宜留更卒以濟師。」亮曰：「行師以大信爲本，今更者束裝待發，居者鵠望計日而留之，將信之謂何？」遣之行，而踐更者各憤踊願留一戰以效死。魏以大敗已糧盡，退軍。張郃追之，亮乘高布伏，弓弩亂發，郃中飛矢死。亮歸，勸農講武，作木牛流馬，運米集斜谷，息民休卒三年而後用之。十二年夏，丞相亮伐魏，軍渭南。

魏將懿不戰。老我師亮分兵屯田爲久駐規耕者雜渭

濱居民之百姓安堵軍無私焉會疾病薨於軍。亮病困作

退軍節度卒年五十四長史楊儀秘不發喪整衆出百姓奔告司馬懿懿追之則反旗鳴鼓若向敵者懿恐亮致敵乃遂走儀結陣去入谷乃發喪百姓爲之諺曰死諸葛走生仲達懿聞之笑曰吾能料生不能料死故也

懿按行亮營壘歎

曰天下奇才也

初亮自表言臣成都有桑八百株薄

田十五頃子孫衣食自有餘饒臣身在外別無調度不

別治生以長尺寸臣死之日不使廩有餘粟庫有餘財

以負陛下及卒果如其言詔立廟沔陽

遺命葬漢中定軍山因山爲墳

冢足容棺

謚曰忠武侯亮爲相開誠布公體國如家日

孜孜以人才爲務嘗言吾心如秤不能爲人作輕重又

言治世以大德不以小惠因才拔任惟所當无方犍爲

太守李嚴辟楊洪功曹嚴未去犍爲而洪已爲蜀郡洪

舉門下書佐何祇有才策洪尚在蜀郡而祇已守廣漢

張翼爲庖降督用法嚴夷叛徵卽罪人謂翼速行翼運

糧積穀。統攝不懈。須代至。乃發亮善之。擢前軍都督。其
善任使如此。嘗發教僚屬曰。本所爲置參署者。誠欲集
衆思。廣忠益也。若遠小嫌。難相違覆。卽曠闕多矣。夫違
覆而得中。猶棄敝蹻而獲珠玉。當何疑哉。然人心苦不
能自盡。惟徐元直處茲不惑。董幼宰參署七年。事有不
合。至于十反。諸君誠慕元直之十一。效幼宰之勤渠。亮
可以少過矣。掾姚伉嘗並薦文武之士。亮稱之曰。人各
甄其所尚。姚掾並存剛柔。成文武之用。可謂博雅矣。參
軍張裔。以亮委意。較尉岑述。內不平。至交怨。亮與書曰。
君昔在栢下。栢下城壞。吾食不知味。後流徙南海。吾寢

不安席。今付大任。自以爲古之石交。石交之道。舉讎以相益。割骨肉以相明。終不相卻也。况吾但委意元儉。而君曾不能居忍耶。喬大愧服。益州杜微以廉儉立節。亮辟爲主簿。微以輦蹟固辭。亮舉致之。卽坐上與書曰。服聞德。行饑渴。歷時猥以空虛。統領貴州。慘慘慮憂。主上天姿。仁敏愛德。下士天下思慕。漢室僕欲與君。因天順民。輔明主。隆中興之業。君能無意乎。微以老病辭。數書敦慰。不聽。拜諫大夫。而遣亮。性練密。勤小物。常躬較簿書。主簿楊顓諫曰。爲治有體。上下不可相侵。譬之作家然。使奴執耕。婢典爨。鷄司晨。犬吠盜。引牛服馬。卽私業無曠。而所求皆足也。忽一旦欲以身盡親其役。形疲神困。終無一成。豈智之不如奴婢雞狗哉。失爲家主之法也。是故古人稱坐而論道。

謂之三公作而行之。謂之士大夫。丙吉不問橫道死人。
陳平不知錢穀。云有主者。彼誠達位分之體也。明公爲
治。而躬較簿書。流汗終日。無乃勞乎。亮謝之。及顯卒。亮
垂泣三日。初。李嚴與亮並受遺輔政。亮出師。嚴常知後
事。罪廢徙梓潼。亮軍祁山時。嚴發餉不繼。乃遣參車論
帝。指令還此軍。退乃更陽驚爲後主言。
軍饒饒足。師何故還。欲因以解責丞相。乃出嚴前後手書以相覆。辭窮獲罪。亮與嚴子豐書。

曰。吾與卿父子戮力帝室。神明所間。謂至心感動。終始
可保。何圖中乖乎。昔楚卿屢紕旋乃克復。思道則福應。
自然之效也。願寬慰都護。勤追前闕。否可復通。逝可復
還。長水較尉廖立。亦以怨誹徙汶山。及亮薨。立垂泣曰。

吾終爲左社矣。李嚴聞亦痛憤病死。嚴立信然亮知必

且收用得自補策。後人不能也。

習鑿齒曰昔管仲奪伯氏駢邑三百沒齒無怨

言聖人以爲難亮使廖立垂泣李嚴致死豈徒無怨言已哉故水至平而邪者取法鑑至明而醜者亡怨無私故也亮在政內立法度外理戎旅工械技巧物究其極橋

梁道路靡不脩飭科教詳明賞罰必信吏不容奸人懷

奮厲路不拾遺風化肅然沒數十年梁益之民咨述慕

頌如甘棠之思召公鄭人之歌子產焉其言教章奏經

事綜物多可觀公誠之心形于文墨而有補於當世初

亮病困後主遣僕射李福問疾且咨國大計福至數日

不忍言辭去已復還亮迎謂之曰吾知卿還意卿所問

公琰其宜也。福謝前實失請。今公幸喻敢問其次。亮曰。文偉可。又問。亮不答。公琰者。尚書郎蔣琬。文偉後軍師費禰也。比亮薨。琬以尚書事輔政。時新喪元輔。遠近危悚。琬拔處群僚之右。既無戚容。亦無喜色。神守舉止如平日。衆以厭服。東曹掾楊威性簡畧。琬與言時不應。或構之曰。公與戲語而不應。不亦慢乎。琬曰。面從後言。古人所誡。掾欲贊吾是耶。則違其本心。欲反吾言。則顯吾過。是以默然。何謂慢也。督農掾楊敏刺琬作事憤憤。犬不及前人。或告琬請推治。琬曰。吾實不如前人。無可推者。主者請何憤憤之。伏琬曰。苟其不如。則事不當理。事不當理。則憤憤矣。蓋其度如此。後賈禕得政。以朝晡聽事。以其間接納賓客。當國功名畧與琬比。已董允爲侍郎。統宿衛兵。獻納盡匡救。後主嬖臣臣黃皓允正色斥之。後十

餘年琬瑋兄相繼卒而皓用姜維循亮之迹數出師擊魏無尺寸功國以殫弊後主庸已又信鬼神而惑於是魏遣鄧艾鍾會分道入寇圍成都後主用譙周策將出降皇子比地王謹怒曰若理窮勢屈旣敗當及當父子君臣背城一決同死社稷見先帝地下奈何降乎主不納謹走哭照烈之廟先殺妻子遂自殺丞相亮子瞻年八歲慧亮嫌其早成不爲皇器爲書戒之曰君子之行靜以修身儉以養德非澹泊無以明志非寧靜無以致遠夫學須靜也才須學也非學無以廣才非靜無以成學惰慢則不能研精險躁則不能理性年與時馳意與

武去遂成枯落悲嘆窮廬將復何及也。後尚主爲駙馬都尉。瑯尚書。及是拒鄧艾於綿竹。艾遺書誘瞻降。斬其使。與長子尚赴敵死。

論曰。蜀在三國最僻小。後立又亡最先。末矣。武侯仗義履仁。舍命不渝。乃能尊主庇民。爛然聳開濟功於管蕭之上。俾後世尊昭烈爲正統。而諒侯伯仲伊呂也可謂百世師矣。或頗以其用兵巧遲。疵其將畧。以行法果毅。爲用申韓言有之。抑言之末也。

○陳登字元龍。下邳人。忠亮高朗。舉孝廉。除東陽長。養耆育孤。視百姓如傷。時世亂民饑。州牧陶謙表爲典農校尉。登廵土田。度宜播種。盡鑿溉之利。會袁術反。結呂布爲援。與合婚。登父珪爲沛相。恐徐楊合從爲國難。於

是往說布專意內向會相操遣使卽拜布左將軍布喜
遣登表謝水徐州登見操白布勇無謀又輕去就宜圖
之操大喜不許布徐州而增珪秩中二千石拜廣陵守
還致命布大怒拔戟斫几曰卿父子勸吾協同曹公絕
婚公路今吾所求無獲而卿父子顯重獨爲卿所賣耳
登不爲動徐曰登見曹公言待將軍譬如養鷹小饑卽爲用
肉不飽將噬人公曰不如卿言政如養鷹小饑卽爲用
令飽則颺去豈得而用之哉布意乃解登治廣陵宣布
威信未期甚得江淮間心以平布功加伏波將軍卒後
許汜與蜀先主於劉表所論當世人物及登汜曰元龍
湖海士耳豪氣未除無所用也主問故汜曰往遭亂過
下邳見元龍不爲客主禮已自上大牀卧使客卧其下
主曰今天下大亂天子失御君有國士名不以此時竭
節憂公救當世之急而求田問舍汲汲如不及如僕欲
卧元龍百尺樓卧君於地何但上下牀之間已也表大
笑主因言元龍文武膽智當求之於古造次難爲比也
其見重如此○張裔蜀成都人丞相亮長史也少與健
爲楊恭友善恭早死遺孤未數歲裔迎至與分屋而居
事恭母如母恭子長大爲娶婦買田宅立之撫恤故舊
振贍衰宗行義甚備嘗詣丞相軍諮事送迎者車數百

乘還書所親曰人自敬丞相長史男子張君嗣附之疲
倦欲死云
上卓行

三國志

是國自亦相繼

諸國之人

國史上編卷之二十八終

劉煥成云 土阜計
乘聖書祖膝口人自嫌不
一 具與畏子乘吉臨臨又

國史上編卷之二十九

明肝肥鄧元錫纂

三國魏志

魏建國自丞相操操字孟德沛國譙人也。莫審所自出。父

嵩爲漢中常侍曹騰養子。故冒姓少機警。有權數。而任

放不治。汝南許劭好臧否人物。月更其品題汝南謂之月旦評操詣之。

劭鄙其爲人。不答也。却之曰。子治世之能臣。亂世之姦

雄。操大喜去。蓋其志也。獨橋太尉玄何議郎顗以爲命

世才。舉孝廉爲濟南相。國有十餘縣。長吏多附貴戚。多臧污。奏免其八。稱疾歸。靈帝時。天下患苦中常侍。

帝幸河間舊宅。勅冀州勒兵。刺史王芬。南陽許攸等。結豪傑謀誅諸常侍。因廢立。以告操。操曰。夫廢立之事。天

下之至不祥也。古人有權成敗計輕重不得已而行之者。伊霍是也。然皆懷忠誠執國政同衆人之欲故事從立也。今諸君見曩者之易未覩當今之難而造作非常不亦危乎。已芬攸果不克而咸靈帝崩何進欲召外兵誅宦官操策其必敗語具帝紀中。

初起討董卓冠軍諸守相各闢壤自

擅無念亂者操下東郡領兗州。

卓廢立表操驍騎較尉與計事操變服亡去關

東諸守相兵起操散家財合兵從行奮武將軍時諸守相憚卓強莫利先進操奮然起曰今舉義兵誅暴逆大衆已合而遲留不進後事庸可冀乎令董卓倚王室之重據二周之險東向以臨天下雖以無道行之猶足爲患今燒焚宮室却遷天子海內震動不知所歸此天亡之也柰何失之遂引兵西至滎陽敗馬被創仆從弟洪舉所乘馬與之日天下可無洪不可無君還酸棗諸守相擁衆十餘萬日飲酒高會操說袁紹令引河內之衆臨孟津岱邈瑁守成臯據敖倉塞轅轅太谷全制其險而術率南陽之軍入武關示天下形制之勢諸守相不能而欲領尊幽州牧劉虞爲帝一衆心操曰君等舉兵而遠近響應者義動故也今主上微弱制於奸臣非

有昌邑亡國之釁而一旦改圖天下其孰能安之諸君
北面我自西向已而兖州刺史劉岱與東廋守橋瑁相
惡岱遂殺瑁而袁紹遂劫韓馥據冀州於是操從鮑信
計引兵擊黑山賊於濮陽下東廋據大河之南以待變
會劉岱敗死岱將佐迎操已操擊徐州初操父前太尉
領兖州擊破黃巾兵大振曹嵩避難琅琊
操迎之輜重百餘兩徐州牧陶謙別將守陰平利其資
襲嵩殺之操大恚恨擊謙攻拔十餘城所過坑殺男女
數十萬雞犬亦盡邑無行人陳畱守張邈舉兖州迎呂布以拒操操

還保甄敗呂布定陶攻拔之布走徐州操圍雍丘邈敗

死詔操爲兖州牧

張邈少好游俠袁紹及操皆善之及紹爲盟主驕邈正議責紹紹怒使操

殺之操不聽前九江守邊讓有才名操殺之邈內不自
安陳宮剛直見操猜詐亦自疑會操使荀彧程昱守甄
城復往攻徐州宮與邈弟超謀以兖州迎呂布以拒操
人未之覺也彧覺之即勒兵設備急召夏侯惇於濮陽
豫州將郭貢率衆來求見惇疑之彧曰貢與邈非素結
也今來速計必未定及未定說之縱不爲用可使中立

若疑之、彼將怒而成計、事敗矣、遂單騎出見之、貢見或無懼意、謂甄未易攻、遂引去、時兖州郡縣皆應布、唯甄城東阿范三縣獨完、操還保甄、袁紹使人說操、可自歸操、將許之、程昱曰、意者將軍臨事而懼乎、何慮之不詳也、紹有并天下之心、而智不能濟、將軍往、度能爲之下乎、今兖州雖殘、尚有三城、能戰之士、不下數萬、柰何棄之、操乃止、明年、敗布軍、定陶、斬其將鉅野、軍稍振、會陶謙死、操欲先取徐州、還定布、荀彧曰、不可、昔高祖保關中、光武據河內、皆深固根本、以制天下、故雖有困敗、而終濟大業、將軍本以兖州首事、平山東、難得百姓之心、且河濟天下要地、雖殘破、猶足自立、是亦將軍之關中、河內也、若舍布而東、多留兵、則不足定、少留兵、則布乘我虛、是無兖州也、且往年徐州之役、威罰實行、其子弟痛父兄之耻、必無降心、將堅壁清野、以待將軍、攻之不拔、掠之無獲、必不戰而自困、設徐州不得、兖州復失、將軍當安所歸乎、夫事固有棄此取彼者、以大易小可也、以安易危可也、權一時之勢、不患本之固、固可也、今三者莫利、願將軍熟慮之、操乃止、與布戰、大破之、攻拔定陶、布東奔、劉備、張邈超走、兖州遂定、

建安元年、天子東還洛、操用荀彧

畫詣洛朝天子迎都許進位大將軍封武平侯事具獻帝紀中

三年夏圖穰秋擊呂布彭城屠之攻下邳獲布初呂布奔徐州

劉備善遇之已布爲袁術使襲下邳獲備妻子領徐州已怨術復迎備屯下沛術恐布爲患求媾婚而布復攻備備奔操操善遇之或以備英雄宜早圖毋爲後憂操以問郭嘉嘉曰有之然公起義兵爲百姓除暴推誠信以招俊傑猶懼其未也備有英雄名以窮歸義而害之則智士自疑明公誰與定天下乎夫除一人之患而沮四海之望此安危之機也操曰善益其兵使東屯沛收散兵以圖布操欲自擊布以劉表張繡爲後憂荀攸曰表繡新破芳不敢動布驍悍又倚袁術從親若從橫淮汨間豪傑爭應此其禍不小今乘其初叛衆心未一可破也郭嘉荀彧亦以爲言遂東伐師久頓欲還攸嘉曰布勇而無謀今屢北銳氣衰矣主氣衰則軍無奮意陳宣有智而遲急攻之可拔也引沂泗灌城月餘布益困於是布將魏續等執布及陳宮高順降布見執謂操曰明公之所患者惟布今布服矣若令布將騎明公將步天下不足定也操命緩布縛劉備曰不可明公不見丁

建陽董太師乎以布治事下原殺之事卓已復殺卓也
始操與陳宮厚善操謂宮曰李卿老母妻子何宮曰宮
聞以孝治天下者不害人之親施仁政天下者不絕人
之祀老母妻子存否在明公不在宮也請就刑遂出不
顧操爲之泣涕并布順
皆縊死而養宮母終身
四年夏袁術死事具秋操進軍
黎陽擊袁紹已還許分兵守官渡袁紹者卓廢正時持

守相推主盟者也家世台司賓客衆附操既秉大政下
詔紹地廣兵強不聞勤王之師而擅攻討無人臣禮紹
上書陳愬乃以爲太尉紹耻班在操下辭不受操請以
大將軍讓紹而自爲司空行車騎將軍事及操東憂呂
布南拒張繡蹶於宛而紹破公孫瓚奄有青冀幽并四
州地而驕與操書悖慢操內以爲憂衆謂宛軍失利而
然荀彧曰公明達豈追旣往殆有他慮乎遂入見操示
以紹書慨然曰吾欲討不義而力不敵則何如彧對曰
古之成敗不在疆弱顧才略何如耳劉項之不敵公所
知也以彧愚計之公有四勝紹有四敗紹貌寬而中忌
任人而疑其心公明達多大畧此度勝也紹遲重少決
決每後機公當幾立斷此謀勝也紹御軍寬法令不立

士卒雖衆難用也。公法令明勅，賞罰必行，士爭致死。此武勝也。紹憑籍世資，從容飾智，以收名譽。士之寡能好聞者，多歸之。公以至仁待人，推誠心，不爲虛美，行已勤儉，於有功無所吝惜，故天下忠正效實之士咸願爲用。此德勝也。夫以四勝輔天子扶義征伐，誰敢不從？紹雖強易弱也。操悅曰：「卿言過然。」僕聞言殊爽然自寬。然紹今覬覦關中，北引羌胡，南誘蜀漢，我獨以兗豫抗之，爲將柰何？或曰：「關中將帥以十數，莫能相一，惟韓遂、馬騰最強，山東方爭，彼各擁衆，非紹可得制也。」願專屬鍾繇以西事，撫以威德，遣使連和，彼必內屬，使我得專意東方。操大悅。表繇持節都督關中諸軍，騰遂果遣子入侍。至是，紹簡精兵十萬欲攻許，諸將聞皆懼。曹操曰：「紹志大而智小，色厲而膽薄，忌刻而少威，不足憂也。且兵多而分，晝不明，將驕而政令不一，土地雖廣，糧食雖豐，適足爲吾奉耳。」何懼？遂進軍黎陽，使臧霸入青州，于禁屯河上，分兵守官渡以備紹。冬，張繡降。關中之亂，董卓將張濟引兵入荊州，攻穰城，中流矢死。族子繡領其衆屯宛。操擊繡降之，操納濟妻，繡恨恚，襲擊操殺繡。操長子昂，操中流矢走而免，已操復攻繡，劉表遣兵救繡，屯安衆，守險以遏師。操至安衆，軍前後受敵。操夜

鑿險僞遁表繡悉軍來追賈詡止之不聽操從奇兵夾擊大破之繡還詡登城謂曰趣更追更戰必勝果得勝還問詡曰繡以精兵追退兵而公曰必敗以敗卒擊勝卒而曰必克何也詡曰將軍雖善用兵非曹公敵也曹公軍新退必自斷後故知必敗曹無失策力未盡而引退必國有故也已破將軍必輕軍速發留諸將斷後諸將非將軍敵故勝之繡乃服及是袁曹相攻紹遣人招張繡并與賈詡書結好繡欲許之詡於繡坐謂紹使曰歸謝袁本初兄弟不能相容而能容天下士乎請從此辭繡驚謂詡曰若此當何歸詡曰歸曹繡曰袁彊曹弱又先與曹爲讎奈何從之詡曰此乃所以宜歸也夫曹公奉天子以令天下其宜從一也紹強盛我以少衆歸之不我德也曹公弱得我必喜宜從二也夫有霸王之志者固將釋私怨以明德豈憶往故哉宜從三也願將軍勿疑繡從之操見繡執手歡宴拜揚武將軍表詡執金吾

董承擊左將軍備徐州破之備奔冀

操在官渡聞備據徐州將擊之諸將

曰與公爭天下者袁紹紹方來而棄之東無乃不可乎操曰劉備人傑也今新造未集可急擊不擊後難復圖

紹見事遲，不動也。遂引而東。田豐說紹急襲許，紹果以子疾爲解。操拔下邳，備走紹。操還軍官渡，紹乃議攻許。田豐曰：「操破備還屯，則許下實，非復虛。」兵雖少，未可輕也。不如外結英雄，內脩農戰，簡精銳迭出，救右擊左，救左擊右，以疲之。今決成敗於一戰，敗無後矣。」紹不聽。豐強諫，械繫之。

袁紹軍黎陽，操擊之。

白馬斬將，又破之。官渡崩，紹軍

紹遣顏良攻白馬，操救之。荀攸曰：「衆寡不敵，宜

從延津示將渡，師向其後。」紹必西應，而勢分。然後輕兵襲白馬，良可禽也。」操從之。紹果分兵西，乃兼行趣白馬，擊斬良。遂解白馬之圍。紹軍延津南，操營南阪，使人登壘以望師。曰：「可五六百騎。」有頃復曰：「騎稍多。」步衆甚矣。操止，勿復白。令下馬解鞍坐。時白馬輜重皆從，諸將請保壘。操笑不應。紹將文醜將騎前薄操，諸將曰：「可上馬。」操曰：「未也。」有頃，軍分趨輜重。操曰：「可矣。」卽上馬縱擊，破斬醜。醜良紹名將，再戰爲馘。紹軍氣奪。操還軍官渡。紹軍陽武，營東西數十里，遮之。操糧盡，與荀彧書，議還師。彧報曰：「紹布衣之雄耳，能聚人而不能用人，公以十分一之衆，畫地守之，搃其喉而不得進，半年矣。情見勢竭，必將有變。今穀雖乏，未若楚漢在滎陽成臯間也。」時劉項

莫肯先退者。以先退則魏屈耳。此用奇之時。不可失也。操乃堅壁持之。許攸說紹輕軍星行襲許。可拔也。許拔則奉天子以討操。操成禽矣。卽未潰。亦使操首尾犇命。紹不能用。會攸家犯法。繫之急。攸怒。犇操軍。操聞攸來。徒跣出迎之。攸入坐上坐。謂操曰。袁軍盛。今糧有幾。足支否。操謾應之曰。可一歲。攸笑曰。見長者。何示強也。曰。半歲。攸曰。未然。乃吐實問計。攸曰。今衆寡不敵。饑飽復懸。尚可無變計乎。彼輜重糧餼。皆在烏巢屯。輕兵襲之。不過三日。飽可使饑。衆可使散也。操大喜。留荀攸曹洪守壘。自將精銳。用袁軍旗幟。從間道。人抱束薪至屯燔之。紹軍大潰。盡得其輜重圖書。得許下及軍中人通紹書。不視焚之。曰。當紹之彊。孤猶不自保。況餘人乎。衆乃大。六年夏。操破紹倉亭。操以紹新破。欲以其間定劉表。荀彧曰。紹新敗。衆攜宜乘其困遂定之。若遠師江漢而紹收餘燼。乘虛出人後。事去矣。於是擊倉亭軍。破之。擊劉備汝南。備奔荊州。七年春。操軍官渡。夏。紹慙憤卒。操旋師。令舉義以來將士無後者立後。授土田。立廟祀之。治甌陽渠。遣使祀橋太。

尉玄八年令隄縣滿五百戶置較官選鄉俊秀教養之。九年袁譚尚相攻譚請輸平操許平擊尚拔鄴尚出走。還遂擊譚平原譚走南皮十年擊斬譚。初紹有三子譚熙尚紹嬖後妻劉愛尚欲以爲後乃以譚繼兄後刺青州慙刺幽州沮授諫曰世稱萬人逐兔一人獲之貪者悉止分定故也。譚當嗣而使居外禍始此矣紹曰吾欲令詣子名據一州觀其能紹死逢紀審配等矯遺命奉尚嗣操方攻黎陽郭嘉曰紹愛二子莫適立今各守一州權力相侔互有黨與急之則相保緩之則爭心生不如南向荆襄以待變變成而後擊之操曰善乃還師而尚果舉兵攻平原譚遣使詣操軍求救劉表與譚書諫之曰君子違難不適讐國交絕不出惡聲柰何忘先人之讐棄手足之親爲萬世笑遺同盟之耻哉若冀州不弟君當降志辱身以濟事爲務事定之後使天下平其曲直不亦善乎父與尚書曰青州天性峭急君當卒先公之恨徐思所安不然是韓廬東郭自困於前而遺田父之獲也譚尚皆不從時操軍向荆襄荀攸曰天下方有事劉表坐保

江漢無四方之志可知。袁氏據四州，帶甲數十萬，使二
千和睦天下之難未息也。今兄弟構惡，及其亂乘之事，
大定矣。操曰：善。許譚平，遂渡河，軍黎陽。尚乃釋平原圖，
還鄴。操陽引退，而尚復攻譚。操疾走鄴，尚還戰，敗走幽
州。操入鄴，還師，出不意攻譚。譚走南皮，獲斬之。幽州逐
尚以州降。熙尚奔烏桓，河北悉平。操自領冀州牧，辟崔
琰爲別駕。操曰：昨按戶籍，可得三十萬衆，故爲大州也。
琰對曰：今九州輻裂，二袁親尋干戈，冀方烝庶暴骨原
野，未聞王師存問疾苦，救其塗炭，而唯較甲兵，豈鄙州
士女所望於公哉？操改容謝之。許攸恃功，嬖操殺攸，
復鹽官關中，收直市犁牛，給民耕。寬陽安戶，調赦袁氏
同惡者，禁民毋得復私讐，及厚葬者。禁民附黨比周，變
亂白黑爲譽毀者。趣定功行封。時四方民初還，茂陵令
衛覬與荀彧書曰：關中
故膏腴，頃遭亂，民流入荊州者十餘萬。今歸無以自業，
諸將競招懷以益軍，罷縣弱，不能與之爭。夫鹽國之寶
也，宜置使領如異時收其直，益市犁牛，民歸者給之，勤
耕積粟，以豐殖關中，遠民聞之，必日夜競還，而留司隸

填撫則戶口日充諸將自削其強本弱敵之術也或卽
白操置鹽官徙司隸較尉治三農鎮撫之而關中繇是
復疆時陽安錄戶調急卽陵三趙儼遺或書曰陽安鄰
城並叛易用傾蕩而執忠守節在險不貳爲國家固守
宜存撫以慰薦其心今顧急綿絹何以勸善或卽白操
寬調髡中途安或折節下士坐不累席而明於知人所
取士不以一揆當是時操所與謀謀帷幄之士皆或所
薦達或後子攸深密有智防每有謨議所親莫得聞操
嘗稱荀文若之進善不進不休荀公達之
去惡不去不止又稱二荀論人久而益信十二年操征

烏桓斬熙尚

操將擊烏桓諸將以爲尚亡虜不足憂今
深入恐劉備說劉表襲許殆不可悔也郭

嘉曰公威震天下胡恃其遠不說備因無備而卒然擊
之可破賊也袁氏世有恩民夷而尚兄弟猶存舍而南
征令因烏桓之資招輯死士快必復之怨將爲青冀憂
表坐談客耳才不足以御備重任之恐不能制輕任之
備不爲用卽遠征未有虞也操從之師次易州嘉曰兵
貴神速今千里襲人輜重多難以趨利必輕兵兼道掩
其不意捷矣於是操辟田疇爲鄉導掩擊大破之熙尚
奔遼東或謂宜遂征遼操曰方使康斬尚熙送首不煩

兵也。已康果送尚熙首。或問之。操曰。彼素畏袁氏。急之則并力。緩之必自相屠。故也。十三年春。還

鄴。作玄武池。肄舟師。夏。操自爲丞相。秋。操擊荊州。降之。

劉備屯夏口。師敗于赤壁。語具備有荊州。令軍征行。遇疫氣。死。不歸。

者。勿絕廩。十五年。令舉賢才。十六年。平關中盜。馬騰。韓遂者。故關中羣盜。

也。操前定河北。招騰爲衛尉。降之。至是。遣鍾繇擊張魯。騰子超及遂疑圖已。十部皆反。據潼關。操引兵嚮潼關。

而潛遣徐晃。朱靈渡蒲津。據河西爲營。操乃勒大軍先渡。獨與虎士百餘人。留南岸護渡。超將步騎萬餘攻之。

矢雨至。坐胡牀不動。令放牛馬餌賊。賊亂。取牛馬。乃得渡。循河爲甬道。而南。超等退拒渭口。操多設疑兵。而潛

遣兵入渭。爲浮橋。夜分兵營渭南。超等攻營。伏兵擊破之。超遂請平。不許。數挑戰。又不許。請割地。送任子。用賈

詡畫。陽許實離之。始韓遂與操嘗有故。來請見。操大喜。見之。與交。馬語移時。獨刺刺語京師舊故。相歡笑。爲樂。

既罷。超問遂公何言。遂曰。無所。言。超等心疑之。他日。操與遂書。多點竄。如改定者。超愈益疑。操知其心。貳可擊。

也乃克日會戰大破之遂超犇涼州操追至安定而還始關中十部聞大師至約同力抗難每一部來操輒有喜色或問之操曰關中地曠遠令賊各依險阻而征之不一二年未可定也今集而旅拒衆雖多莫適主也易離難合一舉可滅是以喜耳事平留夏侯淵屯長安以張旣爲京兆尹招壞流散與復縣邑而旋師○方操之西也河間盜起幽冀震動世子丕遣將軍賈信擊破之餘賊請降議者曰公故法圍而後降者不赦矣程昱曰此公當擾攘之時操一切之權爲制非所論於平時也宜貸之以廣恩卽誅之先啓聞可也議者以軍事有專無請難之昱曰專命者謂呼吸成敗之頃不可緩者耳今賊旣受禽慮何所生故老臣不願將軍行之也不曰善具以白果不誅旣知爲昱謀也甚喜曰君非徒明於軍計又善處人父子之間故事破敵所首虜類以一爲十時長史國淵上首功皆以實操問故淵曰夫征討張斬獲之數者所以大武功聳民聽也河間在封域之內而民叛離雖克捷何以示遠操大悅

十八年操封魏公加九錫錫大輅戎輅各一玄

壯二駟一錫衮冕赤舄二錫軒縣之樂六佾之舞三錫朱戶以居四錫納陛以登五錫虎賁三百人六錫鈇鉞

七、錫彤弓彤矢、茲弓茲矢八、錫秬鬯圭瓚九也。○操欲徙淮陽民以避吳、蔣濟曰、不可、操曰、吾拒本初官渡時、徙白馬民而民悅、何也、濟曰、方拒紹時、兵弱賊強、民無周志、不徙必失之、徙之是也、今國威既振、百姓無他心、而懷土憚遷、徙必不安、操不從、江淮民聞徙、皆驚走亡之、吳、操謂濟曰、悔不用卿言、本欲使民避賊、更驅之從賊矣。
十九年、令求通才。丞相掾崔琰、毛玠典選舉、敦清介、朝士爭矯激、苦節爲名、高風俗一

變、和洽言於操曰、天下才德各殊、不可以一節取也、儉素過中、以處身則可、必以格物、所失多矣、今吏著新衣、乘好車、謂之不清、形容不飾、衣裘敝壞、謂之廉潔、遂令士大夫故汙塗、其衣、藏輿服、挈壺殮、以入府寺、夫立教觀俗、貴處中庸、爲可繼也、今崇一切難堪之行、以簡殊塗、勉而爲之、必疲瘁難堪、而隱僞得容、矣、操善之、爲下令、**二十年、操擊張魯、取漢中。**時蜀先主初定益州、還公安、司馬懿曰、於操曰、劉備

以詐力虜劉璋、蜀人未附、而遠爭江陵、此機不可失也、今克漢中、益州震動、進兵臨之、勢必瓦解、聖人不能爲時、能不失時而已、操內不能辯述世祖、而曰、人苦不自足、旣得隴、復望蜀耶、而曰、曄曰、劉備人傑也、有度而遲得

蜀曰：「漢今破，漢中蜀人震恐，此其執易傾，因而壓之可克也。」若小緩之，諸葛亮明於治國而爲相，關羽張飛勇冠三軍而爲將，蜀民旣定，據險守要，不可犯矣。操不從，居七日，謀者言：「蜀一日數十驚，雖斬之不能安。」操謂曄曰：「今可擊。」曄曰：「今已小定，未可擊也。」乃以夏侯淵、張郃等守漢中而還。二十一年，操進爵。

魏王二十二年，以五官中郎將丕爲魏太子。

初，操娶丁夫人，無子。

妾劉氏生子昂，卞氏生四子：丕、彰、植、熊。於是出丁夫人，立卞氏爲王后。操愛植，欲立爲太子，而丁儀、楊脩陰爲之，丕自危，使人問賈詡以自全之策。詡曰：「願將軍恢崇德度，躬素士之業，朝夕孜孜，不違子道而已。」他日，操屏人問詡，詡不對。久之，操問卿不對者何？詡曰：「屬有所思。」曰：「何思？」詡曰：「思袁本初、劉景升父子耳。」操大笑。於是立丕爲太子。二十四年，夏侯淵守漢中敗死，蜀主取漢中于禁。

守樊，軍沒。蜀將關羽取襄陽，使聘吳，吳襲江陵，克之。羽

戰死。

羽取襄陽，自許以南，往往遙應之。操議徙許都以避其銳。司馬懿、蔣濟曰：「于禁等爲水所沒，非戰之

罪於國家大計。豈有損哉。劉備孫權外親內疎。關羽得志。權必不願也。可僭遣使勸權襲其後。許割江南以封權。則樊圍自解矣。操從之。權求自效。果殺羽。表權爲票騎將軍。荊州牧。

權上書稱

臣於操。陳說天命。操以示羣下。陳群等皆言。漢祚已終。天人交應。宜正大位。以答群望。操曰。若天命在吾。吾其爲周文王矣。二十五年春。操卒。子丕嗣。

字子桓

仍相國。是歲遂

篡漢。廢帝爲山陽公。具禪讓之文。追尊魏王操爲武皇

帝。

操知人善察。難眩以情僞。識拔其才武。隨能作使。不拘微賤。當敵臨陳。意思安閑。如不欲戰。及決機乘勝。

負氣勢。如鷙必擊也。用法峻急。有犯必戮。或對之流涕。終無所貸。雅性節儉。不好華麗。而功勞當賞。不吝千金。故能芟刈群雄。幾乎海內。然任權譎。而中多忌惡。有才知者。多不保終云。丕旣立。

改元黃初。

脩諸

弟故怨。遣就國。置防輔官。監察之。求珍物於吳。如洛陽

營宮室。遷國。明年。殺夫人甄氏。

初爲袁熙妻。丕納之。

然頗能廣詢。

求規尚文學。明制度。而國粗安。立七年。殂。是爲文帝。

文帝

時吳蜀各自帝。問賈詡曰。吾欲伐不從命。以一封疆。則何先。對曰。劉備有雄才。諸葛亮善治國。孫權識虛實。陸遜見兵勢。據險守要。襟江帶湖。皆難猝下也。用兵之道。量敵論將。先勝而後戰。故舉無遺策。今群臣無備。權對卽以天威臨之。未見萬全也。已屢伐吳。果無功。子叡立。

字元仲

是爲明帝。沈毅明

敏。少言能斷。任心而行。每行師決事。謀臣將相咸服之。

簡功能。屏浮僞。置聽訟觀以平獄。政自己出。雖營繕土

木已費。而犯顏極諫者。亦未嘗摧戮焉。叡旣立。而郭太

后以暴殂。

初甄后生叡。以譴死。郭后養之。叡事后甚謹。后亦愛之。丕與叡獵。見母子鹿射之。命叡射。

其子。叡泣曰。陛下已殺其母。臣何忍復殺其子乎。丕釋弓矢側然。竟得立。後聞甄后之死。繇郭后及叡。被髮覆面。以糠塞其口。大痛恨。數問后死狀於太后。太后曰。先帝自殺。何責問我。且汝爲人子。可追讐死父爲前母。托

殺後母耶。魏主怒。太后暴卒。

始嬖毛貴嬪。廢虞妃立之。既毛后以失

寵廢死。立郭后。無何。詔司馬懿。曹爽受遺詔輔政。殂。養

子齊王芳立。

莫知所自出。或曰。任城王楷子也。年八歲矣。

尊郭皇后曰太后。

曹爽專國。後九年。太傅懿殺爽。專魏政。又三年。殺楚王

彪。盡置魏王公於鄴。懿卒。子師爲大將軍秉政。魏主芳

與中書令李豐。后父光祿大夫張緝。太常夏侯玄等。謀

誅師。師殺豐。玄。緝。夷其族。廢皇后張氏。已以太后令。廢

芳。以齊王歸藩。議立彭城王據。太后曰。彭城王季叔也。

今來我當安之。不如高貴鄉公。高貴鄉公。文皇帝長孫。

明帝弟子也。禮小宗有後大宗之義。乃迎高貴鄉公髦。

於元城。年十四矣。髦至。女生館。群臣奏請舍前殿。髦以
先帝舊處。獨避止西廂。以法駕迎。不御。入洛。群臣迎拜。
髦下輿答拜。儼者曰。儀不答拜。髦曰。吾人臣也。敢不答
拜。至止車於門。儼者曰。儀乘輿入。髦曰。吾被徵。未得所
命。遂步至太極東堂。見太后。受璽綬。既卽位。隆儒養老。
好學博問。百僚欣欣焉。立二年。揚州都督母丘儉。刺史
文欽起討師。師擊敗之。欽奔吳。儉走死。師還許昌。卒。詔
以東南新定。留師弟昭鎮許昌。昭馳還都。以大將軍錄
尚書。又明年。揚州都督諸葛誕起討昭。不克死。魏主以
威權日去。不勝忿。夜使冗從僕射李昭等發甲凌雲臺。

召侍中王沈尚書王經散騎常侍王業謂曰司馬昭之心路人所知也吾不能坐受廢辱今日之事與卿等共之沈業不敢對經曰昔魯昭公不忍季氏敗走失國爲天下笑今政出其門爲日久矣朝廷四方不復知逆順之理爲之致死而宿衛單寡陛下何所資而爲之無乃欲除疾而更深之耶殆不可測也髦出懷中黃素詔投地曰吾行決矣正使死何恨况未必死耶於是入白太后戒嚴以俟旦沈業奔告昭呼經俱去經不可昭大驚召護軍賈克爲之備及明魏主拔劍登輦帥宿衛攻相府稱有所討敢動者族與克遇於南闕下衆見魏主不

敢鬪太子舍人來濟問克曰事急矣當云何克曰司馬公畜養汝等正謂今日今日之事無所問濟卽抽戈前刺主殞車中昭聞之大驚自投地太傅孚奔至枕之股而哭甚哀曰殺陛下者臣罪也昭入召群臣會議尚書僕射陳泰不時至趣之入乃入悲慟昭對之泣曰玄伯卿何以處我泰曰獨斬賈克可以少謝天下昭良久曰更思其次泰曰泰言惟有進於此者不知其次昭默不復言乃以太后令罪狀髦廢爲庶人殺尚書經收經家付廷尉經泣謝其母母咲曰人誰不死正恐不得其所耳以此并命何恨之有經旣戮故吏向雄哭之哀慟一市王沈以功封太傅孚等請以王禮葬髦許之而昭乃種誅成安平侯

濟以說衆立魏王奐。昭進爵晉王。昭卒。子炎嗣。廢其主。
爲陳留王。具禪代文如魏初。漢獻帝時。董貴人父承以。
衣帶中密詔討操。操殺承。求貴人殺之。帝以貴人任娠。
爲請。不能得。皇后父伏完以后與書言操殘逼狀。令討。
操。事覺。操使御史大夫郗慮持節入收后。尚書華歆副。
之。后閉戶藏壁中。歆壞戶發壁。牽后出。時帝在外殿引。
慮坐。后被髮徒跣行泣過。訣曰。不復能相活耶。帝曰。我。
亦不知命在何時。謂慮曰。郗公。天下寧有是耶。遂下后。
暴室崩。并弑其二子。兄弟及宗族死者百餘人。後六年。
而不篡漢。後四十一年。而有高貴鄉公之禍。又六

年而
魏亡。

論曰。余讀史。次伏皇后壁室。若南闕之事。曰。天道也。夫倚伏之變。叵測。而貞勝也。如此。夫。夫。魏祖負絕俗超世之能。積慮措謀者數十年。又瀕殆者數矣。乃僞定。而旋以覆滅也。於利害何較焉。使魏祖克正其心術。終爲世良臣。其智謀豈可勝道哉。

魏臣志

徐邈。薊人。爲涼州刺史。時河右少雨。苦饑。邈脩酒泉武威鹽池。收虜穀。又廣開水田。佃之家。給人足。倉庾充溢。乃立學明教。禁厚葬。斷淫祀。進善。癉惡。風化大行。與羗戎從事。卽小大罪。先告其部帥。乃斬。以徇。羗服其威信。正始中。進位司空。邈曰。三公論道之官。無其人。則缺。豈可以老病尸之哉。固辭不受。卒。或問於盧欽曰。徐公當武帝時。人以爲通。自爲涼州。還。人以爲介。何也。欽曰。往者毛季珪。先崔季珪。用事。貴。清素。士皆變易車服。以求名。而徐公不改其常。故人以爲通。比天下奢靡相效。而徐

公雅尚自若，故人以為介。公前日之通，即今日之介也。第世人無常，而徐公有常耳。袁煥陳郡人，蜀先主牧豫州，舉茂才，後煥為呂布所留，使作書罵之，不可，刼以兵。煥色不變，笑應曰：「煥聞惟德可以服人，不聞以罵。彼君子耶？不耻將軍之言，小人耶？將復之，則辱在此，不在彼也。」且煥他日之事劉將軍，猶今日之事將軍也。令一旦去此，復罵將軍，可乎？布慙而止。布誅歸魏，說操以武平亂而濟之，以德拜南郡都尉，時募民開屯田，民多亡匿。煥曰：「民情易以順行，難以逆動，宜順其意，欲者取之，不欲勿疆也。」操納其言，遷梁相，勅諸縣存鰥寡，禮高年，表季子貞婦，崇教訓，恕思而後行，以病去官。百姓思之，召為諫大夫，賞賜皆散之親族，家無所儲。子侃清粹，雅素有父風。上良臣。

楊阜，天水冀人也，為涼州叅軍。曹操追馬超至安定，阜言於操曰：「超有信布之勇，得羌胡心，不設備隴上諸郡，非國家有也。」操不聽。超果擊隴上諸郡破之，惟冀城固守。自正月至于八月，援不至，刺史常康與太守欲降阜。阜號泣諫曰：「阜等率父兄子弟，以義相勵，有死無二。為使君守此城，今奈何棄垂成之功，陷不義乎？康等不聽，開門迎超。超怒其久不下，殺之。時阜外兄姜叙屯歷城，阜

以器妻求假行過叙歔歔悲甚叙曰何爲乃爾阜曰守城不能完君亡不能死何面目視息於天下乎超背父叛君虐殺州將豈獨阜之憂一州士大夫皆蒙其耻也若擁兵專制而無討賊之心趙盾以此書弑君矣超強而無義多釁易圖也叙母慨然曰咄伯奕常使君受難亦汝之負豈獨義山哉人誰不死死於忠義得死所矣但當速發我不以餘年累汝也叙乃與趙昂尹奉等合謀而使入至冀結梁寬趙衢爲內應時超已取昂子月爲質昂謂妻異曰吾謀如是奈月何異厲聲應曰雪君父大耻器元不足爲重况一子哉於是阜叙昂奉共討超衢說超令自出戰而與寬閉門盡殺超妻子超襲歷城得叙母并趙月殺之隴右平賜阜爵關內侯拜金城太守徙武都阜威信著西羌百里中襁負而從者甚衆守郡傲壟遂安之而已政獨舉大綱而下不忍欺明帝時徵拜城門較尉常燕見帝著縹綾襲服見阜前請曰臣愚不知此於禮何法服也敢請帝爲赧然自是非法服不以見遷將作大匠數上書諫繕脩宮室諫弋獵諫親藩法禁峻密宜廣恩遷少府諫伐蜀苦雨宜退師又上疏欲罷省宮人不見幸者召御府吏問後宮人數吏守舊令對曰禁密法不得宣露阜怒杖吏百數之曰國

家不與九卿爲密，顧與小吏爲密。耶帝聞，愈益敬憚之。每廷議，常侃然以人下爲已任，以數諫不聽，乞避位，不許。卒，家無餘財。高柔，字文惠，陳畱圉人也。爲丞相理曹掾、法軍行士亡者，考竟其妻子，而亡者不息操欲更重其刑。柔曰：「士卒亡軍，誠可疾，然中時有悔者，謂宜貸其妻子，一可使敵疑不信，二可誘其還心。」如前科，固已絕其意望，而猥復重之，恐自今一人亡逃，連坐者皆恐相隨而走，不可得復殺也。後爲治書執法，魏主丕忿誹謗妖言者，令輒殺而賞其告者。柔固爭不聽，而誣告者騰起，乃詔禁之。吏民奸罪皆請覆驗虛實，乃論刑以平允。遷廷尉，詳理明法，而時及軍國大議，無隱情。魏主以宿嫌欲誅執法曹，劾柔執不可，丕怒甚，召柔詣臺遣使者殺劬，乃聽還。明帝時，諫興作，諫廣采女，嬪諫殺禁地，鹿罪死。公孫淵兄子晃爲侍子，先淵未反，數白發，及淵誅，魏主戲不忍市斬，欲就獄酖之。柔諫曰：「叛逆之類，誠宜誅，使無遺育，獨竊聞晃數先自歸。」陳淵禍萌，夫仲尼亮司馬牛之憂，祁奚明叔向之過。臣以爲晃信有言，宜貸其死，苟其無言，當卽市誅。今進不赦其命，退不彰其罪，閉諸囹圄，令自引分，非所以示觀聽也。主不聽，遣使齎金屑飲晃，獄中及其妻子，而賜棺衣歛之。柔爲廷尉。

盡心庶獄司徒吏解弘遭父喪軍興勅從事病不能與詔收考柔見弘毀其入爲力請魏主召見之果毀也太息曰孝哉弘遂復之上貞臣

杜畿杜陵人并州刺史高幹反河東太守王邑方被徵河東人衛固范先外請邑內據境與幹通丞相操以河東天下要地恐失之問荀彧何渠得蕭何寇恂其人靖之乎彧曰京兆杜畿勇足以當難智足以應變可用也乃以畿爲太守遣夏侯惇將大軍入之畿曰河東中三萬非盡欲爲亂也迫以兵必自懼而聽於固計之不勝則爲難未已卽勝之一郡之民殘矣且固等未顯絕王命獨外以請故君爲名必不敢害新君吾單車出不意而往必以僞受吾吾得居郡一月計縻之足矣遂間道從鄆津渡入先固見畿單車至以爲易制而殺之增惡名乃奉之畿陽言衛固河東之望吾仰成而已然君臣有定義成敗同之大事當共平議以固爲郡督行丞事先領功曹將較吏兵皆屬之固等大安已欲大發兵畿曰大發兵衆情必擾不如徐以貲募兵從之畿又申將掾史番休之令緩急召乃集固等恐逆衆心又從之而衆離不復合會白騎攻東垣高幹入獲澤上黨諸縣畿覘衆心已附乃身將數十騎赴張壁城守吏民多助之

者比數日得四千餘人固與幹晟共攻畿不克死於是
畿務崇寬惠與民無爲民有相告訐爲陳義理遣歸諱
思意未盡更來詰自言父老皆相責怒曰有君如此奈
何不從其教自是詞訟衰息下屬縣舉孝子貞婦順孫
復其徭課民畜牝牛孳馬下逮鷄豚犬豕皆有章程百
姓勤農桑家戶殷實畿乃曰民富矣不可以不教於是
冬月脩戎事講武開學宮親執經教授郅人化之操西
征韓遂馬超夾渭水而軍軍食一仰河東及賊平餘蓄
尚三千餘斛操下令曰河東太守杜畿孔子所謂禹吾
無間然矣增秩中二千石遣五千人運饟漢中自相
勉終無一逃亡者在河東十六年治常爲天下最沒贈
太僕謚戴侯初畿與尚書李恢東安太守郭智善智子
冲有內實而無外觀州里弗稱也恢子豐有盛名冲堂
與豐俱見畿退嘆曰孝懿無子非徒無子殆將無家君
謀爲不死也時人以爲誤及豐誅死而冲爲郡守繼父
榮如畿言上循吏

辛毗潁川人爲魏侍中魏主丕欲徙冀州民實河南而
歲饑羣臣莫敢諫毗入諫魏主作色待之曰徙民爲國
卿以爲非耶毗曰臣愚誠以爲非魏主曰吾不與卿議
毗曰主臣陛下置臣爲諫議之官夫安得不與臣議乎

臣所言乃社稷慮也、不怒入內、毗前引裾、請畢其說、魏主奮衣入、毗久立不去、良久、魏主出曰、佐治卿持我何急耶、毗曰、今徙民既失其心、民又無爲食、將爲寇盜、此大亂所萌始也、臣不敢不力諫、事乃寢、魏主嘗出射雉、顧羣臣曰、樂哉、毗曰、於陛下甚樂、於羣下甚苦、主爲默然、後稀出焉、高堂隆、泰山平陽人、漢高堂生之後也、事明帝爲太史令、陵霄闕始構、有鵲巢其上、魏主叡曰、此何祥也、對曰、詩曰、維鵲有巢、惟鳩居之、今始構闕而鵲來巢、天意告曰、宮室未成、身不得居、將有他姓居之、天道無親、惟與善人、冗休罷力役、崇德政、則轉禍爲福、崇華毀災、隆引易傳上不儉、下不節、孽火燒君室、諫焉、爲光祿勳、上書言今之小人、陳秦漢奢靡以蕩聖心、取亡國不度之器、以傷德政、非所以興禮樂之和、保承明之休也、今吳蜀與中國爭衡、令有人言權禪、並修德政、輕省租稅、動咨耆舊、事遵軌度、陛下聞之、有不憚其賢明爲國憂乎、若有復者曰、彼爲不道、崇侈無度、重賦厚歛、民不堪命、陛下聞之、有不喜其疲敝爲國利乎、知此而易心以度事、義之數不遠矣、亡國之主、自謂不亡、然後至於亡、賢聖之君、自謂亡、然後不亡、今天下凋敝、若有寇警、臣懼版築之士、不能投命虜廷也、又將吏俸祿、

稍見折減、而不應輸者、令皆出半、夫官非多於舊祿、施少於昔、而度支更用、每不足也、反而推之、費必有所在矣、主覽之、大感疾篤、猶口占上疏、尤拳懇語、具災祥志中、上爭臣

陳羣、潁川人、太丘長寔孫也、性無適莫、仗道義、不以非道假人、事魏主叡爲司空、時主好營繕、農桑失業、羣數以爲言、主曰、王業宮室宜並建、滅賊後寧當復事興役耶、此蕭何之累、君何不聞焉、對曰、昔漢祖已滅項羽、宮室焚燒、是以蕭何建武庫、太倉爲要急、而高祖猶非其壯麗、今二虜未平、誠未宜與漢同、且人之所欲、莫不有辭、况巍巍王者、必欲作之、固非臣下之言所能屈、若卓然回意、則亦非世主所可及也、羣前後上封事、輒削其草、雖子弟莫知也、或頗譏其居位拱默、正始中、詔撰朝臣奏議、出羣諫草、朝士乃嘆息焉、袁子曰、仁者愛人、施之君、謂之忠、施之親、謂之孝、今爲人臣、直詆君之非、而播其惡、直則直矣、未爲忠臣也、陳司空不然、終日言未嘗及人主之失、書數十上、而外人不知、君子謂司空於是乎長者矣、是時侍中劉曄者、爲魏主所親重、魏將伐蜀、朝臣皆諫、曄入贊議曰、可伐、出與朝臣言曰、不可、中領軍楊暨入諫、魏主曰、卿書生焉知兵、暨謝曰、臣愚誠

無所知劉曄先帝謀臣亦云然故知之魏主曰曄與吾言可矣暨曰請召質之召曄至問之終不言已獨見曰伐國大謀也臣得與聞常恐夢寐漏泄爲罪况敢向人言乎夫兵陰道未發不厭密也魏主謝之曄出責暨曰釣者中大魚則縱而隨之湏可制乃制人主之威豈特大魚而已乎君誠直獨計之不熟耳暨亦謝之或問之魏主曰曄不忠獨善伺上意陛下試反其意而問必且與所反者合每問皆合則曄之情得矣魏主從驗之果然遂疏曄曄以憂死傅子曰巧詐不如拙誠信哉蒲龍山陽昌邑人建安中以許令鞫太尉彪獄如法竟出之者也爲將知兵蜀關羽以水灌樊城崩衆懼請及關羽遣別將已在郊自許以南皆洶洶羽所以不敢進者恐吾軍之掎其後也今遁去河以南非國家有矣曹仁曰善乃沈白馬於江與士卒盟固守以全以安東將軍屯合肥聞吳欲集兵來攻請濟師吳師退衆喜寵曰此僞退欲罷吾兵而驟還乘虛也表留屯防吳兵尋果至不克攻乃退吳遣中郎將孫布詐降魏請兵迎寵不與報書曰知欲避禍就順甚善今遣兵少不足相衛多則事暴聞宜先密計以成本志徐節度其宜會寵人朝揚

州刺史王凌遣一督將以步騎逆之。布設伏掩擊，死傷過半。先是凌患寵，表其年過耽酒，不可居方任。魏主欲徵之，給事中郭諒曰：「寵有勳方岳二十年，吳人憚之，若不如凌表將爲吳所間，可令還朝。」問東方事察之，既至，體氣康彊，志慮深遠，乃慰勞遣還鎮。吳攻廬江，或以爲宜速救。寵曰：「廬江雖小，將勁兵精足，經時爲守，賊舍船二百里而趨陸，後無繼也。不來尚欲誘致，伺趣之退，耶？」久之，軍出。吳果夜遁。時吳歲窺邊，寵曰：「合肥城南臨江湖，北達壽春，賊來攻圍，必據水爲勢。官兵救之，當先破賊。」然後圍解。賊往甚易，救之甚難。今其西三十里有奇險可依，隳舊城徙置之，以守此，爲引賊平地而擊其情歸也。蔣濟以爲示弱，且望風而墮城，爲未攻自拔。魏主獻疑之，寵表爭曰：「孫子言兵詭道，故能而示之不能，形實不必相應也。今賊未至而徙城，却內引賊，遠水擇利而動，所謂形而誘之也。乃徙城，吳不能難，遷大尉家無餘財。詔曰：『君典兵於外，專心憂公，有祭征虜之風。』其賜田十頃，卒諡景侯。」○張遼者，鴈門馬邑人，初從呂布，度布不可輔，降曹爲中郎將，定魯諸縣。屯長社，葺軍中夜驚大亂起，一軍盡譙。遼曰：「是不軍盡反，必造變者。」欲驚動人耳，令軍中不反者安坐。毋動，而將親卒數十人，中

軍而立俄頃皆定得首謀者殺之魏王操南征張魯使
遼與樂進李典將七千人屯合肥爲敎與護軍署函邊
曰賊至乃發已而吳果率衆十萬攻之發函視敎曰若
孫權至者張李將軍出戰樂將軍守壁毋動諸將以衆
寡不敵疑之遼曰公外出遠比敎至無及敎指欲及未
合擊之逆折其盛執安衆心也衆懼莫敢對遼怒將獨
出赴吳軍典素與遼卻慨然從於是募敢死士前陷陣
衝壘入至權麾下權大驚走高家自固遼叱權下戰權
不敢動已見遼衆少圍之數重遼左右衝擊竟突圍拔
衆出吳人披靡乃還守衆心大安權圍守十數日城不
拔引去遼率諸軍追擊大破之幾獲權後魏主行合肥
視遼戰處歎賞者久之上名將

范粲陳畱外黃人漢萊蕪長丹之孫也高亮貞正有丹
風魏王芳之廢也粲爲中郎將素服拜送哀動左右遂
稱疾不言寢夙所乘者車足不履地三十年家大事子
孫密諮之合者色不變不合則寢卧不安及晉代魏詔
以二千石祿養其病加賜帛百匹子喬與二弟以父疾
篤辭不受年八十四竟不言終於所寢之車喬生二歲
王父病撫喬首曰恨不見汝成人輟所用硯與之五歲
祖母以告喬捧硯泣請學體性純和理思周密言無媒

辭動無間行父中郎既不言與二弟並棄絕人事置侍
餐司隸較尉劉毅言於朝曰使范武威疾苟不篤則爲
夷齊復見於今如其果篤爲國耆舊所當憐憫其子又
侍父疾明德茂著乞加收用毋俾遺賢入薦公府喬不
就而通物善誘臘夕有盜斫其樹者喬陽不聞或執以
告喬曰卿節日取柴欲與父母相歡娛耳何罪外黃令
高頴歎之曰范伯孫恂恂率道名諱未嘗經於官曹古
稱賢士今見之矣司馬孚太尉懿從弟也與懿俱事
魏懿執政孚常自退損已處廢興之際每涕泣不自勝
魏主奐出就金墉孚拜辭流涕歔歔曰臣死之日固大
魏之純臣也晉封安平王恩禮隆重元會詔孚乘輿上
殿晉主於阼階迎拜既坐親奉觴上壽如家人禮而孚
常有憂色臨終遺令曰有魏貞士司馬孚字叔達不伊
不周不夷不惠立身行道終始如一當衣以時服歛以
素棺卒年九十三謚曰獻詔賜東園溫
明祿器家遵遺旨一不用上忠節

三國吳志

孫討虜將軍

堅字文臺

吳郡富春人也忠勇有權畧始以

參軍事。從車騎將軍張溫討黃巾。溫將董卓師失利。召讓之。不時至。及見又倨驕。堅前附溫耳語曰。卓可斬。宜斬之。以肅軍。溫選慙不能決。堅曰。明公親率王師。威震天下。何賴於卓。卓輕上無禮。罪一。沮軍疑衆。罪二。受任無功。應召稽遲。罪三。古之名將。仗鉞臨戎。未有不誅斷而能成功者也。今明公不以時行誅。政刑蔑矣。溫不忍。發後竟爲卓所斃。爲長沙太守平盜。封烏桓侯。及董卓廢立。堅舉兵長沙。會討卓。破荊州南陽。至魯陽。與袁術合。術表堅破虜將軍。領豫州。時關東諸守相。憚卓彊。觀望莫敢進。惟堅奮引兵進陽屯。與卓遇。破之。或謂袁術

曰堅若得洛將不可復制此爲除狼而得虎也術疑之
軍餉不時繼堅夜馳術軍見術流涕曰所爲奮不顧身
者上爲國家討賊下慰兆民心中以快將軍家門之讐
也而將軍以浸潤之言還相疑何心可剖哉術感動謝
無有立調兵食卓遣使說堅與和親堅曰卓逆天無道
不夷汝三族懸示四海則死不瞑目豈與汝從親哉遂
進兵大谷距洛九十里而軍卓自出戰却屯澠池諸將
不至堅進至維掃宗廟脩諸陵平塞卓所發掘者公卿
丘墓而還當是時令諸將協心卓可破虜也

堅屯魯陽與官屬飲

城東卓步騎數萬忽奄至堅勅部曲無動行酒談笑後
騎漸集乃徐罷坐整衣還曰向堅所以不起者恐兵相

踪籍諸君不能入故耳卓已而袁術中與袁紹隙術結見堅整暇不敢擊而退

公孫瓚紹連劉表以相圖於是術遣堅擊劉表圍襄陽

中流矢卒堅所舉季廉桓階詣表請其器表義之歸喪術繇是不能勝表子策收餘衆

起江東初堅娶錢塘吳夫人生四男策權翼匡堅外征留家壽春策字伯符年十餘歲已結交知名

人周瑜與策生同歲亦蚤達造焉推結分好勸策徙居

舒策從之前乃推道南大宅與策升堂拜母有無通共

及堅死策還葬曲阿乃渡江居江都結豪傑有復讐之志會袁術表策舅吳景守丹陽從兄黃都尉策往見術

涕泣曰亡父昔從長沙入討董卓與明使君會於南陽同盟結好不幸遇難策感惟舊恩欲仰憑結惟使君之

所使之術大喜然未肯遽還其父兵謂之日丹陽精兵地可往募也策遂奉其母詣丹陽募兵得數百人爲

盜所襲幾殆復詣術術以堅餘兵千餘人還之表懷義較尉堅舊將朱治見術德刑不立勸策歸取江東會吳

景與楊州刺史劉繇戰橫江未決策見術說日家有舊恩在東願助舅討橫江橫江拔按本土召募可得勝兵

數萬佐明使君定天下、術以劉繇據曲阿、王朗在會稽、謂策未能定、予兵千餘人、騎數十匹、犄之、至歷陽、衆遂振、周瑜從父尚守丹陽、以兵迎、策大喜曰、吾得卿諧矣、攻橫江、當利皆拔之、渡江轉鬪、所向立破、百姓聞孫郎至、皆失魂魄、長吏委城遁、及策至、號令明肅、不虜掠雞犬、茅茹無所犯、民大悅、競持牛酒勞軍、策美容顏、能語笑、闊達善聽受、見者皆樂爲致死、攻劉繇、牛渚盡得其輜重、破梅陵、轉攻湖熟、江乘皆下之、竊走丹陽、策入曲阿、勞軍、發恩布令、存告諸縣、旬月間、威震江東、術表策行殄寇將軍事、呂範言於策曰、今士衆日盛、而威令不行、非久計也、範願領門下督佐將軍、奇分之、策曰、子衡旣士大夫、加有大衆、寧復當屈知部分事乎、範曰、不然、本所爲捨故土而託將軍者、欲濟世務也、譬猶同舟涉海、事一隙卽俱受其敗、此亦範自爲計、非爲將軍也、策笑不答、範出、卽着袴褶、執鞭詣閣下啓事、自稱領都督、自是軍中肅睦、威禁大行、策以廣陵張紘爲正義、較尉、彭城張昭爲長史、所至令一人居守、一從征、與謀畫、待昭以師友之禮、每得北方士大夫書、歸美昭、輒歡笑曰、昔管子相齊、一則仲父、二則仲父、而桓公成、當是時、霸、今予布賢、我能用之、其功名獨不在我乎、

袁術聞天子師敗曹陽。寢寢議稱尊禪代事矣。術聞堅得傳國

璽拘策母吳夫人奪之。策與書絕之曰。昔成湯討桀。以有夏之多

罪。武王伐紂。爲殷之有重罰。此二主也。雖有聖德。使主無失道。何渠可逼而取乎。今主上徒以幼小。脇於強臣。未有惡於天下。於湯武之時異矣。夫以董卓貪淫驕凌。志無紀極。至於廢主自與。亦猶未也。而天下同心疾之。况效尤而甚焉者乎。使君五世相承。爲漢石輔。宜效忠節。以匡本朝。一旦改圖。則率土何望。時人多惑圖緯之言。妄牽非類之文。苟以悅聽。成敗之計。古今所慎。願垂三思。始術自以有淮南之衆。而策必從已。謂天下莫能

難。及得書。憮然氣奪。而策遂遣較尉張紘。詣行在獻方物。操表爲討逆將軍。封吳侯。與結納爲婚姻。時天子以曹操迎自

洛東

都許。已取會稽廬江豫章。

時吳盜聚衆憑阻者各數萬。諸將欲擊之。策曰。羣盜非有

大志。不如先會稽。會稽功曹虞翻說太守王朗令下策。朗不從。策數戰不克。叔父靜曰。朗城守難可卒拔。查瀆南去此數十里。間道趨之。出不意據其內。此成擒矣。策從之。夜多然火爲疑兵。分軍投查瀆。襲高遷屯。朗大驚。遣將逆戰。破斬之。朗乃降。策自領會稽。命翻仍治曹。待以交友之禮。初劉繇在曲阿。同郡太史慈自東萊來省會。策軍至。或勸繇以爲將。繇不用。遣慈從一騎出覘軍。與策遇神亭東。相搏者久之。曲阿破。慈遁蕪湖山中。已據涇。大爲山越所附。策擊慈。甬東獲之。解縛提其手曰。頗憶神亭時耶。若爾時卿得我云何。慈曰。未可量也。策大笑曰。今日之事。當與卿共之。卿天下烈義智士也。但所託非人耳。因署門下督。會劉繇卒。豫章衆無主。而豫章守華歆負重名。欲覘之。謂慈曰。往劉牧見責。以吾爲公路攻廬江。吾先君兵數千人。盡在公路所。吾志在集

事安得不降意從之乎。後公路不遵臣節、諫之不從、輔之不可。丈夫義交、苟有大故、何得不絕。此吾始求公路晚絕之本。未如此恨不及劉牧。生時一論辯耳。今其子在豫章、卿往視之、宣孤意、其部曲樂來者與俱來、不樂勿強、并觀華子魚所爲牧御方畧、何如。當湏兵幾何。慈曰：兵多非宜，十數人足矣。左右皆逆慈不還。策曰：子義雖氣勇，有膽烈，然心秉道義，重然諾，一許知己，死亡不相負。諸君勿憂也。慈果如期而反，謂策曰：華子魚良德也。然無他方，規自守而已。董芝自擅廬陵、番陽民別立宗部，海昏上繚不受發召，子魚但熟視而已，不能難也。策撫掌大笑，遂有兼并之志。會袁術敗走死，從弟胤奉術樞及妻子奔廬江。術部曲皆從廬江太守劉勳，不能贍，求米於上繚。諸宗帥不與，恚之。策僞卑辭事勳，與書曰：上繚甚富實，宗帥數欺鄙郡，欲擊之，無繇請伐之。策出兵爲外援。劉曄曰：上繚小而固，攻難守易，不可以旬日舉也。兵疲於外，而國內虛，策乘虛襲我，我不守矣。是進屈於敵，退無所歸也。勳不聽。伐上繚，策與周瑜襲皖城，克之，得術勳妻子及部曲三萬人。勳跳身走許昌。於是盛兵徇豫章，屯椒丘，遣功曹虞翻先見華歆曰：竊聞明府與鄙郡故王府君齊名中州，爲海內宗嚮，竊伏東

州懷高義者久矣。歆謝曰：「孤不如王會稽也。」翻復曰：「不審豫章資糧器仗，士民勇果，孰與鄱郡？」歆曰：「大不如也。」翻曰：「明府言不如王會稽，譙光之談耳。精兵不如會稽，信然。信然，孫討逆智畧超世，用兵如神，前定劉楊州。明府親見南定鄱郡，亦明府所聞。今貴郡資糧不足，則奈何？今大軍次椒丘，明日日中迎檄不至者，請辭矣。」歆曰：「吾父念歆北歸，孫會稽至，即舉郡付之，行矣。明旦遣吏齎檄迎，而葛巾野服出迓之。策望見趨拜曰：『府君名德遠近，所歸策蒙雅請，脩子弟之禮。』禮為上賓，津送之北還。分豫章為廬陵郡，以孫賁為豫章太守，孫輔為廬陵太守，留周瑜鎮巴丘。策之克皖城也，遇袁術妻子甚厚，入豫章，厚撫劉繇家吏士，感服。會稽功曹魏騰嘗迂意策，將殺之，衆交諫不能得。策母吳夫人聞之，出立井左，罵策曰：『汝新造江東，大業未集，當優禮賢士，捨過錄功。魏功曹在公盡規，汝今日殺之，明日人皆叛汝。』吾不忍見禍之及也，當先投井中耳。」策大驚，跪請罪，釋騰。無何卒。弟權字仲謀領其衆。時袁曹相拒官渡，策欲乘虛襲許昌，迎天子，未發，獵丹陽，會先所殺丹陽太守許貢客三人，欲為貢復讐，伏弩射策中之，創甚，召張昭等謂曰：「中原方亂，以吳越之衆，三江之

固足以觀成敗。公等善相吾弟。呼權佩以印綬曰。舉江東之衆。決幾於兩陳之間。與天下爭衡。卿不如我。舉賢任能。各盡其心。以保江東。我不如卿。遂卒。時年僅二十有六。權悲號甚。未視事。張昭曰。季廉此寧哭泣時耶。乃易攢服。扶上馬。勞軍還。率僚屬下拜。表朝廷移屬城。勅中外將校奉令遵職。而周瑜自巴丘將兵來赴喪。以中護軍與張昭掌府事。初。曹操甚尊憚策。辟策正議較尉。張紘爲侍御史。至是聞策死。欲因喪伐之。紘諫曰。乘人之器。古稱非仁。若其不克。成怨棄好。不如因而厚之。操曰。善。因表權爲討虜將軍。領會稽太守。以紘爲會稽都尉。令輔權內附。紘至。吳夫人以權年少。委與張昭共輔之。紘思惟補察。知無不爲。時權雖撫有江表。而山越深險。地未盡從。流寓之士皆以安危去就爲意。未有君臣之固。惟昭瑜紘委心服事焉。權平定反側。

江表粗定。而益用魯肅呂蒙駱統等爲賓客。與共功。

肅臨

淮人生失父。獨與祖母居。散家財結士。與周瑜交親。權未之知也。久見客。欲將北還。瑜言於權曰。肅才堪佐時。當廣求其比。以成功業。况可失之乎。權召見與語。悅之。引與同榻問計。肅曰。昔高祖雅心。欲尊事義帝而不獲。

者以項羽爲之害也。今曹操豈但項羽哉？將軍雖欲爲桓文，何可得也？以臣主度之，漢室不可復興，曹操不可卒除。計獨有保江東，觀天下之釁耳。今北方多務，當乘此進圖荊襄，竟長江所極而有之，此高祖之業也。張昭毀肅年少，麤疎未可用，權益親重之。司馬呂蒙治軍卒練，習權悅，增其兵功，曹騭統勸權尊賢接士，勤求損益，饗賜日人，加慰薦，諭使盡言，權統用之。及吳夫人病，引昭等入受顧命而卒。巴郡人甘寧將僮客八百人歸劉表，知表終無成，乃去依黃祖。祖衆人畜之，亡犇吳，謂權曰：「南荊國西門也。」劉表慮既不遠，子又劣弱，當早以爲圖。圖之計，宜先祖祖祖祖耄資儲困乏，左右貪縱，更士心怨，民怠耕農。**軍無**法伍，可一戰而破也。祖破鼓行而西，定荊襄，可漸規巴蜀矣。張昭以吳下業業爲憂，難之。寧曰：「國家以蕭相國之任付君，君居守而憂吳，奚以希古人乎？」昭默然。權起舉酒屬寧曰：「興霸，今歲行討，如此酒矣。」決以付卿，但當勉定方畧，遂西擊祖，破斬之。已操下荊州，窺吳，權結左將軍傅，遣將瑜敗操赤壁下。操還許。劉表卒，魯肅說權請往弔，說劉備撫表衆爲國用，毋爲操所先。時操將大軍十萬，兼道行，定荆

州矣。表子琮迎降。肅乃謁備於當陽之長阪。備遣諸葛亮從詣江東。前謁權。時操作書遺權曰：「近者奉辭伐罪，劉琮束手，今方治大軍八十萬，與將軍會獵於吳。」權以示羣下，咸失色。張昭等曰：「曹公，熊虎也，挾天子以令四方，拒之不順。且將軍大勢可以拒操者，長江耳。今操得荊州，長江之險，業與我共之矣。今水軍蒙衝鬪艦，以千數，蔽江下。又衆寡不敵，不如迎之。」魯肅獨默然不言。權起入更衣，肅從至宇下，欲有言。權執其手問曰：「君何言？」肅曰：「向察衆人之議，專欲誤將軍。不足與圖大事。夫謂操可迎者，獨肅等輩耳。肅今迎操，操當以肅還付鄉黨。品其名行，猶不失橡從事。乘犢車，從吏卒，交游士林，累官資州郡，可得也。」將軍釋全吳之地而迎操，形危勢迫，念欲安所歸乎？願早定大計。」權太息曰：「諸人持議甚失孤望。」卿開廓大計，正與孤合。」顧計將安出。時周瑜自鄱陽治水軍還，肅勸權亟召之。瑜至，謂權曰：「曹操託名漢相，實漢賊也。將軍以神武之才，仗父兄之烈，據有江東地方，數千里，兵精足用，英雄樂附，當爲國家除殘賊，况操自送死，而可迎之耶？請爲將軍籌之。」今北土未平，馬超韓遂爲操後患，而操舍鞍馬，杖舟楫，與吳越爭衡。又今盛寒，馬無藁草，驅中國士衆，遠涉江湖，不能水土。

必生疾病、此皆用兵之患也、而操冒行之、將軍禽操、正在今日、瑜請得精兵數萬人、進駐夏口、保為將軍破之、權奮髯曰、老賊欲廢漢自立、又矣、徒忌二袁、呂布、劉表與孤耳、今數雄已滅、惟孤尚存、孤與老賊勢不兩立、君言當擊、此天以將軍授孤也、因拔刀斫前奏案曰、諸將吏有敢復言當迎操者、與此案同、乃罷議、是夜瑜恐權中變、復入見曰、諸人徒見操書言水步兵八十萬而恐懼、甚無謂也、彼所將中國人、不過十五六萬、且久疲老矣、所得表衆、亦極止七八萬耳、又新附無固志、夫以疲病之卒、御狐疑之衆、雖甚多、豈足畏哉、瑜得精兵五萬人、自足制之、願將軍勿慮也、權喜撫其背曰、公瑾卿言至此、甚合孤心、子布元表各顧妻子、獨自為謀、惟卿與子敬為孤畫耳、五萬人難猝合、遣選卒三萬人、卿將以行、孤當續發為後援、遂以周瑜程晉為左右督、魯肅為贊軍、較尉與劉備軍會、時操軍已疾疫、戰初失利、引次江北、瑜等營南岸拒之、又未決、瑜部將黃蓋曰、今寇衆我寡、難與持久、操軍方連船艦、首尾相接、此可燒而破也、乃取蒙衝鬪艦十艘、載燥荻、枯柴、灌油其中、幕之上、建旗旄、備走舸、其尾遺操書云、欲降、操喜、以吳可旦夕定也、時東南風急、蓋以十艦著前、中江舉帆、餘船次

進操軍吏士皆出營立觀觀蓋降去北軍二里許同時
舉火火烈風猛船如箭薄操船頃之烟燄漲天北船立
盡延及岸營落人馬焚溺死者無筭瑜等率輕銳從後
崩之北軍大敗操幾殆幸脫乃畱曹仁守江陵樂進守
襄陽自引還於是周瑜遣甘寧徇夷陵江陵諸城邑悉
下江南定而鼎足之形成矣操以權諸將獨周瑜有大
畧忌之以蔣幹嘗與瑜有故遣幹幅衣草巾託私行詣
瑜說下之瑜出迎握手笑謂之曰子翼良苦遠涉江湖
爲曹氏作說客耶因延幹與周觀營中行視倉庫軍資
器仗訖還宴終久怱慨謂幹曰丈夫處世遇知己之主
外託君臣之義內結骨肉之恩言行計從禍福共之假
使蘇張更生能移其意乎幹終不得言而退還白操以
瑜雅量高致非權表劉備爲荊州牧命周瑜分南岸地
以給備時表故吏士多歸備備以瑜所給地少欲盡督
荊州詣權請之瑜爲牋與權曰備有梟稚之姿
而有關羽張飛熊虎爲之將非久爲人用者宜徙置吳
中盛爲築宮室多美女玩好以娛之而分羽飛令各置
一方使如瑜者挾與之攻戰大事可定也今猥割地以
資榮之聚三人於疆場恐蛟龍得雲雨終非池中之物

也。權以操在北方，當以好結備。又恐備難猝制，拒瑜策而許備。荆州且以妹女之。後備還聞瑜言，太息曰：「天下智謀之士，所見畧同。」曩孔明諫孤母入吳，蓋慮此也。

十五年，瑜卒，即拜魯肅奮威校尉，漢昌守，領陸口屯。時劉

璋為益州牧，與張魯構兵。瑜詣權請曰：「今操新折衄，憂在腹心，勢未能復興兵。劉備外託和好，不吾抗也。願與奮威俱進，取蜀得蜀，并張魯，留奮威守之，而瑜還據襄陽，與將軍感操，備不能為變矣。權然之。瑜道巴丘，為先主所遏，抑不得進，病困上牋曰：「脩短者命，誠不足惜，但恨微志未展，不復奉教命耳。今曹操在北，疆場未靖，劉備寄寓有類，養虎此朝，土圻食之秋，至尊垂慮之日也。魯肅忠畧足任，臨事不苟，請以代瑜。倘所言可采，死且不朽。」卒於巴丘。權聞大慟，曰：「公瑾有王佐之才，今忽短命，孤何賴哉！」自迎其喪於蕪湖，婚嫁其子。十六年，徙治女，命肅代領其兵。肅鎮陸口，威惠大行。

秣陵

改名建業

作濡湏塢

呂蒙從權拒曹操於濡湏，勸權作塢，諸將皆曰：「上岸擊賊，洗足入船。」

何以塢為？蒙曰：「兵有利鈍，戰無百勝，脫有蹉跌，敵步騎感人不暇及水，其得入船乎？」塢所以備也。權從之。濡湏

有塢而操益不能與之爭。十九年從劉備分荊州。先主既西取益州權求荊州不許怒

置長沙零陵桂陽三郡守關羽怒逐之。權進駐陸口使魯肅屯益陽以拒羽。肅邀羽見責數之。羽曰：「烏林之役左將軍身在行間寢甲枕戈以戮力破敵非直吳力也豈得徒勞無一塊土而足下雍容來收地耶？」肅曰：「不然始肅與豫州觀於長坂豫州之衆曾不當一較計窮慮極圖遠竄交廣主上矜愍不愛土地甲兵之力以濟其患豈可負哉？」而飾情愆德已藉手於西州矣。又欲終據荊土此凡夫所不忍行。况綱領人物之主乎？肅聞貪而棄義必且階禍。吾子當明道處分以輔主而圖力爭非所聞也。羽無以答會曹操伐漢中於是分荊州長沙江夏桂陽以東屬吳南郡零陵武陵以西屬蜀以湘水爲界而罷軍。二十四年呂蒙襲荊

州克之殺蜀將關羽。

呂蒙者河南富陂人也少有智計寡術學權詔之曰卿當塗掌事不

可以無學蒙辭以多務權曰孤豈欲卿治經爲博士則但當涉獵見往事耳卿言多務孰若孤孤常讀書自以爲大有所益蒙始就學魯肅之陸口過蒙屯酒酣蒙問肅曰君今受重任將何以備不虞肅造次無以應蒙曰

今東西爲一、然關羽熊虎也、能噬人、計安可不豫哉、肅聞大驚、越席就蒙語、蒙爲畫五策、肅大喜曰、卿今者才略、非復吳下阿蒙、蒙曰、士別三日、卽當刮目相待、大兄何見之晚乎、肅遂拜蒙母、結友而去、時肅每勸權以曹操尚存、宜撫羽與同仇、不可失也、及肅卒、蒙代將、密言於權曰、羽居國上流、有兼併之心、其執難久、今令征虜守南郡、潘璋住白帝、蔣欽將游兵、循江應敵、蒙爲國家拒襄陽、如此何憂於操、何賴於羽、且羽君臣矜其詐力、所在反覆、不可以腹心待也、權曰、今欲先取徐州、然後取羽、何如、對曰、方操撫集幽冀、未暇東顧、徐土往自可克、然固六通四闢地也、今日取之、操欲旬未爭、雖數萬人守之、未得帖然卧也、不如取羽、全據長江、形勢益主、權善之、會羽擊于禁、襄陽破獲之、圍曹仁樊城、蒙上牋言羽討樊不克、而多畱守兵者、恐蒙之圖其後故也、蒙常被大馬病、乞還建業、名治疾以安其心、且必撤備、趣襄樊之急、將南郡可襲而下也、於是權露檄、稱蒙病篤、召之還至蕪湖、屯將陸遜迎謂曰、關羽接境、公奈何、達下、後不當可憂乎、蒙曰、諾、我病篤、不任將也、遜曰、羽矜其驍氣、陵轢人、又始有大功、方務北進、未嫌於我、今聞公病、必益無備、誠出其不意、往可禽也、願深計之、蒙陽

以浮言應曰羽素猛悍未易圖也至建業權問誰可代卿者蒙對曰陸遜意思深長才堪負重而未有遠名非羽所忌無復是過權拜遜偏將軍代蒙督遜至陸口卽爲書遺羽曰前承觀釁而動用律行師小舉大克一何巍巍遐邇欣嘆以爲將軍之勲足以長世雖古晉文城濮之師淮陰拔趙之畧蔑以尚也敵國敗績利在同盟聞慶拊節想遂席卷共獎王綱近以不敏受任來西延慕光塵思稟良規聞徐晃等步騎駐樊關望麾葆操猾虜也分不思難恐潛增衆以逞其心雖云師老猶有驍悍且戰捷之後常苦輕敵古人杖術軍勝彌矜願將軍廣爲方畧以全獨克僕書生疏遲忝所不堪喜鄰威德樂自傾盡雖未合策猶可懷也儻明注仰有以察之羽初頗忌憚蒙聞病還喜甚得遜書譙下自託意大安果盡撤兵以赴樊遜具啓形便權遂令蒙及孫皎分督左右軍襲羽蒙曰若以征虜能願用之以蒙能宜用蒙昔周瑜程普爲左右督攻江陵事決於瑜晉時久將遂不睦幾敗此且前之戒也權悟乃以蒙爲大都督蒙至潯陽盡伏其精兵艣艫中使白衣搖櫓作商賈服晝夜行羽所置江邊屯候盡收縛之麋芳傅士仁素嫌羽輕已羽出城中火軍噐焚羽還檄責芳蒙軍至卽降蒙旣入

江陵釋于禁之囚得關羽及將士家屬撫慰之禁戢士伍蒙麾下人取民家一笠覆官鎧又蒙同郡蒙以爲犯令不可以鄉里故而廢法垂涕斬之於是軍中震慄道不拾遺旦暮使親近存恤耆老問所不足給醫藥衣餉羽遣使與蒙相聞蒙厚遇其使使周遊城中戶致問令家人手書以示信使還人知家門無恙見待過平日以遂無鬪志羽還走獲斬之而荊州平於是操表權驃騎將軍領荊州牧封南昌侯無何蒙卒二十五

年不篡漢稱帝蜀先主亦舉大號於成都已率師東下

權輸平不聽乃遣使降魏命陸遜假鉞督諸將拒蜀黃

武元年春遜大破蜀師于秭歸漢主耻關羽之沒恨吳親帥師從巫峽建平連

營至夷陵樹柵七百餘里又誘諸夷以助軍圍夷道獮亭諸將欲擊之陸遜曰彼乘高守險又朝氣難可卒攻一不利卽勢折盡矣今且按師不戰以觀其變彼執不得展當自罷於木石之間矣時孫桓守夷道被圍急求救遜壁不救諸將曰安東公族見圍已困何不救遜曰安東得士心城堅糧足無可憂者遲之自解耳於是諸

將皆以遜爲怯、自正月至于夏六月不決、先主遣吳班將數千人、於平地立營、欲致師、復不動、師久益頓、於是遜下令攻漢軍、諸將曰、攻備當在初、今要害已固、形勢聯絡、擊之必無利矣、遜曰、不然、彼更多事、軍始集、思慮精專、未可干也、今久屯、不得我便、兵疲意沮、計不復生、犄角、此軍正在今日、攻一營不利、諸將曰、徒殺兵耳、遜敕人各持一束茅火攻、遂拔之、率諸軍連破四十餘營、蜀師潰、不相救、先主升馬鞍山、陳兵以自衛、遜趣兵四面迫之、軍士崩下、夜先主跳身遁、僅得入白帝城、以免舟楫、軍資略盡、諸將競表可乘勢禽備、權馳問遜、遜以魏合士衆、託名助國、實懷奸、欲乘虛、謹決計輒還、若無何、魏軍果出、於是權加遜輔國將軍、荊州牧、先是遜以晚後、拔處諸將上、諸將往往驚不遵命、遜按劍曰、彼天下知名、曹操所憚、卽審計畢、力圖之、然且未也、僕本書生、猥當大任、國家所以屈諸君、使相承望者、以僕能忍辱負重、有尺寸可用故也、諸君並荷國恩、任事、豈得以身試軍令哉、諸將乃稍戢、至是權聞諸將不稟節度、怪遜不時白、遜曰、諸將或討逆舊人、或公族骨肉、皆國家所當與共、定大功、臣竊慕相如、寇恂相下之義、欲濟國事耳、權大稱善、

魏責吳任子不遣

來伐擊魏。斬將使聘蜀。

先是權遣使稱臣於魏。魏主丕冊封爲吳王。諸將臧憤以爲不

當受魏封。權曰。沛公不嘗受項王封乎。時宜當爾。庸何傷。出都亭受命。既遣中大夫趙咨往報謝。魏主丕曰。吳王何等主也。咨曰。聰明仁智。雄畧之主也。魏主問狀。對曰。納魯肅於凡品。聰也。拔呂蒙於行陣。明也。獲于禁而不害。仁也。取荊州而兵不血刃。智也。據有三州。虎視四方。雄也。屈身於陛下。略也。丕曰。王頗知學乎。對曰。吳王任賢使能。志存經畧。雖有餘閑。不廢博覽。然不效書生尋章摘句爲也。丕曰。吳可征否。對曰。大國有征伐之兵。小國有備禦之固。何渠可征。曰。吳難。魏乎。對曰。帶甲百萬。江漢爲池。何難之有。曰。吳如大夫者幾人。對曰。聰明特達者八九十人。如臣等比。車載斗量。不可數已。魏求珠貝犀玳孔雀翡翠諸珍異於吳。羣臣以魏所求非禮。宜勿與。權曰。彼所求者。於我瓦石也。何惜。且彼在諒闇。而所求若此。寧可與言禮哉。具與之。及吳旣破蜀。魏責任子不至。命曹休出洞口。曹仁出濡須。曹真圍南郡。權上書求自改。若必不見置。當奉還土地民人。寄命交州。終餘年不報。曰。朕與君大義已定。若登朝到。父還兵耳。於是權敗元黃武。而分遣將軍呂範。以水軍拒休。諸葛

瑾等救南郡拒真朱桓督兵五千人拒仁時曹仁以步騎數萬向濡湏矣衆頗懼不敵桓曰勝負在將不在衆寡也兵法稱客倍而主人半者謂俱在平原又士卒勇怯等耳今仁非智勇將而土怯千里步涉人馬罷困桓與諸君據高城臨江背山逸待勞主制客雖曹丕自來尚不足憂况仁耶乃偃旗鼓示之弱仁遣子泰攻城而別遣常雕王雙等襲桓部曲妻子於中洲桓燒泰營敗之而別將斬雕虜雙初呂蒙病薦朱然鎮江陵及是真起土山鑿地道圍之中外斷絕又兵病堪戰者少然厲兵嚴鼓無恐意攻破魏兩屯人始有固志時江水淺陘夏侯尚乘船將步騎屯渚中作浮橋往來董昭曰屯渚中至深也浮橋而濟至危也一道而行至陘也三者兵所忌而行之恐渚中精銳轉而爲魚也且江水一旦暴增當何以禦之魏主丕詔尚等立引軍出渚後數日江水果大發會大疫召諸軍還

二年蜀使來報聘三年魏主丕來伐出

廣陵阻江不得前還師

丕御龍舟循蔡頰浮淮至廣陵吳將軍徐盛列舟艦于江而植

木衣蓑爲疑城假樓自江頭至于江乘數百里一夕而就時江盛漲丕臨望嘆曰雖有武騎千羣無所用之未

可圖也。問羣臣曰：權當自來。劉曄曰：彼謂陛下欲以萬乘之重牽已，而超越江湖者，在別將必勒兵待事，未遽至也。已而吳王果不至，乃旋師。又明年，復以舟師循渦入淮，臨江觀兵，見江流洶湧，嘆曰：嗟夫，固天之所以限南北也。遂歸。於是三國鼎立，勢成，君臣民主各相保有，即疆場小釐，無慮皆細故矣。四年，相顧雍。吳置相，衆議歸張昭。吳王曰：孤豈於子布有愛乎？顧其入剛，丞相事煩，嘖言滋多，怨咎將興，非所以益之也。乃相雍，雍爲人寡言，舉動時當，初領尚書，令封侯還而家人不及，及在政，用文武吏隨其能，心無適莫，時訪逮民隱，及政職所宜，密以聞，用則歸之上，不用終不宣泄，權以此重之。於公朝有所陳論，辭色甚順，而君國得失所執正者，非面見不言。吳主令中書郎有所咨訪，事可行，即喜爲郎置食，不合意，不言而已。沿江諸將各陳便宜，計有掩襲，雍曰：兵法戒小利，此輩欲徼功爲身謀，非爲國也，不宜聽。權從之。五年春，令州郡息民，廣農。陸遜以所在少穀，表請諸將屯田。吳王報曰：甚善。孤父子親受田，吳中入牛四耦，雖未及古，欲與卒伍均勤勞耳。遜復陳便宜，勸王施德，緩刑，寬賦，息調。於是王令有司盡寫科條，使郎中賁就遜

及諸葛瑾意不
安令損益著令是歲分交州置廣州黃龍元年稱帝尊

武烈皇帝母武烈皇后兄策長沙桓王立子登爲太子
進張昭輔吳將軍昭每見辭色壯厲吳王嘗於武昌臨
釣臺飲酒醉使人以水沃羣臣面曰今日必醉臺中
乃止昭正色出主引入笑曰共作樂耳公何怒乎昭曰
昔紂糟丘酒池長夜之飲時亦以爲樂不以爲惡也權
默然罷酒嘗以直言逆旨不進見復請之昭避席謝權
跪止之坐定仰曰昔太后桓王不以老臣屬陛下而以
陛下屬老臣是以思盡臣節以塞厚恩而意慮短淺逆
盛肯然臣愚志在忠益畢命而已若變心易慮以偷榮
取容所不能也主辭謝焉虞翻性疎直嘗以酒失得過
大主怒欲手劍擊之劉基諫曰陛下以三爵之後手殺
善士雖翻有罪天下其孰知之主曰曹孟德尚殺孔文
舉孤於翻何有基曰陛下躬行德義欲與堯舜比隆何
自喻於孟德翻得免明日敕左右自今酒後言殺皆不
得殺遣將浮海求夷洲亶洲二洲在海中長老言秦皇帝
海中洲不還者也今數萬家矣得之可益衆遣將兵求
之陸遜曰陛下以四海未一兵興歷年見衆損滅而遠

規夷州萬里襲人風波難測民易水土疾疫必生將欲益更損規利反害也宜養民寬賦和衆勸功畜力而時動耳主不聽得島通遼東公孫淵遣使來稱臣吳主遣使九錫備禮封淵爲燕王張

昭曰淵背魏懼討來求援非本志也若淵改圖自明於魏而二使不返將取笑天下矣主不聽淵果斬吳使傳首於魏魏封爲樂浪公主大怒欲自將浮海擊遼東陸遜諫曰陛下破操烏林敗備西陵禽羽荊州此皆當世雄傑而旣皆摧其鋒矣方將蕩平華夏總一大猷而不忍小忿輕萬乘之重違垂堂之戒此臣之所惑也僕射薛綜尚書陸瑁是後魏數更大喪蜀丞相亮亦卒吳主疏交諫乃止

老稍怠耄於政中書郎呂壹以譖巧用踈間勳舊已乃

悔壹典較中書深文巧詆排陷無辜毀短大臣大主以爲忠壹數白丞相顧雍過失大主怒詰雍欲斥免或

謂壹曰顧公免潘太常得無代之乎壹曰近之曰潘嘗切齒於君今日代顧公卽明日擊君耳壹懼乃解散雍

事大臣陸遜潘濬憂壹亂國每言輒流涕濬自詣建業欲見主極諫聞太子數爲言不聽乃置酒集百僚欲因

會殺之、以爲國除患。壹稱疾不赴而免、久之、壹事敗、下
丞相廷尉雜治。雍至、廷尉見壹、問曰：「君意得無欲有言
乎？」壹叩頭無言。尚書郎憤恚詈之。雍曰：「官有正法、無以
爲也。」壹旣誅、於是大主遣人告謝諸大將、問欲言。諸將
皆不敢有陳列。手詔諭之曰：「子瑜子山義封定公、皆不
肯有所陳、而伯言承明涕泣危怖、有不自安之心。聞之
悵然、深自刻責。夫惟聖人能無過行、明能自見耳。人之
舉措、何能悉中？曩以不明、傷拒衆意、忽不自覺、與諸君
從事、自少至長、髮有二色。義雖君臣、恩猶骨肉、榮辱喜
戚、相與共之。忠不匿情、智無遺計、事統是非、諸君豈得
晏然而已哉？齊桓有善、管子未嘗不揚、有過未嘗不諫、
諫而不得、終諫不止。今孤自省、無桓公之德、而諸君仍
執嫌難、所繇无亦於管子異乎？子瑜謂諸葛瑾、義山子
封、謂步騭、朱然、定公字、謂呂岱也。瑾與漢丞相亮同產、
比各委質、公退無私言。然內行脩潔、終日欽欽、在軍無
事、必朝夕嚴鼓勒部隊、而臨急膽定、過絕於人。岱八十
餘、與陸遜共領荊州、同心協規、有善相讓、皆爲吳名臣。」

太子登卒立子和爲太子。

子霸魯王已內嬖潘夫人生少子亮。愛欲立之。惡太子

及霸交傾廢太子庶人徙胡郭賜霸死殺諸阿附者卒

立亮

霸和母弟也吳主愛之禮秩與和並羣臣多以爲言始命異宮而和與霸隙舉國分二黨全琮尚公

主太子母王夫人與公主有却琮遣子寄事魯王陸遜曰子弟有才何憂不用而出私門以要榮利祗取禍耳寄果阿附交構遜又與書曰卿不師日殫而宿留阿寄終必爲門戶禍矣又數爲上言太子正統當使有磐石之固太主不悅太常顧譚亦言之而太子傳吾燦請出魯王鎮夏口吳主怒誅燦徙譚交州又惑魯王言譚實遜甥而燦數以消息語遜數遣使臨責遜憤恚卒及吳主寢疾太子禱桓王廟太子妃家居近廟邀太子過之公主因言太子不至廟就如家計謀而王夫人見上寢疾有喜色太主發怒夫人以憂死欲遂廢太子未決也將軍朱據諫曰昔晉獻用驪姬而恭世子不彊漢武信江充而戾太子寃死臣竊懼太子不堪其憂後雖立思子之宮無及也於是尚書僕射屈晃泥首自縛連日詣闕請而無難督陳正五營督陳象各上書切諫吳王發怒雄正聚殺據廢太子殺霸而以諸葛恪爲太子太傅全琮揚竺諸阿附者並坐誅

托國而殂

享國三十一年諡大皇帝

子亮立明年吳殺其太傅諸葛

恪

恪剛果慮不顧難以諸王處濱江兵馬之地為國不堪貳徙齊王奮於豫章琅瑯王休於丹陽以與魏不

並立大山師伐魏中外咸怨孫峻因民之多怨構於主

亮陽置宴伏兵格殺之夷三族初恪少有盛名太帝深

器之而恪父瑾以為感曰非保家之主也陸遜謂恪曰

前我者吾奉之同升下我者扶接之然且懼難今君氣

陵其上意獲其下其何以居之恪不悅及太帝召恪輔

太子將行呂岱戒之曰世方多難子每事必十思恪曰

季文子三思而後行子曰再思可矣今君令恪十思峻

明恪之劣也岱無以應人咸謂失言而恪竟以敗峻

為丞相殺前太子和廢齊王奮峻死繼侍中輔政殺大

司馬滕胤將軍據

呂將軍惇王已廢其主亮為會稽王

亮親政能辨難又辨蜜中鼠矢故繼忌而廢之琅瑯王

休立誅相繼

休性仁厚有賢名以繼為丞相因臘會陳

陸兵誅之改葬太傅恪及胤據等還坐恪

百史土編

卷之二十九

三十二

等遠徙者、或為恪請立碑、詔曰、盛夏出軍、士卒傷損、無
尺寸之功、不可謂能、受寄託之重、身死豎予之手、不可
謂智、事遂寢、以濮陽興為相、張布為左將軍、佞巧相表
裏、休喜讀書、引祭酒常昭、博士盛冲以自近、布以昭冲
切直、恐入侍言已過、數足之、臣下、孤欲與昭等講習舊
聞耳、庸何傷、君特恐其道臣下、姦慝、故不欲令入見耳、
布皇恐謝、言懼妨政事、主曰、王務學業、其流各異、不
相妨也、然恐傷布意、卒廢業、不復近昭等、**在位六**
年、謚景**烏程侯皓立**、吳人以蜀初亡、懼、欲得長君左
皇帝、**烏程侯皓立**、典軍、萬彧嘗為烏程令、與皓善

稱皓才識明斷、以為長沙桓王之儔、屢言於相興及布、
興布說太后立之、后曰、我寡婦人、安知社稷之慮、苟吳
國無殞、宗廟有賴、可矣、遂廢太子覃而立皓、**為淫虐、貶朱太后為景皇后、弑**
之、及其二子、殺興布、遷都武昌、時童謠云、寧飲建業水、
不食武昌魚、寧還建業
死、不就武昌居、丞相陸凱舉以爭、且曰、武昌土地險瘠、
非王者之都、乃還都建業、時何定以內侍專威福、凱
責之曰、卿見前後事主不忠、亂國政、寧當有自全者耶、
宜刻厲、不且有不可測之禍、及疾病、力陳定不可用、薦姚

信樓玄、賀邵、張悌及族弟抗、訪時務、使各盡其忠。及卒，吳主銜之，徙其家建安，抗上疏曰：「德均則衆者勝，寡力併則安者制危。此六國所以併於秦，西楚所以屈於漢也。今敵之所據，廣於秦漢，而國家外無連衡之援，內無齊楚之強，庶政陵遲，黎民未乂，議者徒以長江峻山，限帶封守，此守國之末事，非智者所先也。臣每念此，中夜撫枕，臨餐忘食。夫事君之義，犯而勿欺，謹條時宜十七事，惟省覽，皓不納，已而克西陵，復交廣，志益張，而爲淫虐，滋甚，以忤殺丞相萬彧，以諫爭殺中書令賀邵，以守正殺侍中韋昭，主殿中樓玄，司市陳聲，以訛言殺齊王奮，并其五子，以旱饑求賑貸，殺郡守張詠、車浚。」皓宴羣臣，令沉醉，以黃門十人爲司過，舉劾之。犯者，剥面鑿眼，以爲樂。中書令賀邵諫曰：「臣聞興國之君，樂聞其過，荒亂之主，樂聞其譽。聞其過者，過日消而福聞；聞其譽者，譽日損而禍。陛下嚴刑法，以禁直辭，黜善士，以逆忠諫，杯酒造次，死生不保，是以正士摧方，庸臣苟媚，人執反理之評，士吐詭道之論，非所

以保洪緒也。傳曰：國之興也，視民如赤子；其亡也，刈人如草芥。今法令轉苛，調賦益重，國無一年之儲，家無彌月之蓄，而後宮坐食，萬有餘人，北敵注目，伺國盛衰，長江之限，不可久恃。苟失其道，一蓐可航也。皓大恨之，樓玄主殿中事，正身率衆，奉法而行。已而晉大舉分道來，爲皓所惡，遂與邵俱以謗訕被戮。

伐丞相張悌督諸軍死國。皓出降而吳亡。

悌督軍至牛渚，沈瑩謂之

曰：上流諸軍素無戒備，渡江而戰，令敗者事去矣。悌曰：吳之將亡，賢愚共知，及今渡江，猶可決戰。若其克捷，兵勢萬倍，若其器敗，死社稷何恨？苟坐待晉兵之至，恐士衆散盡，君臣俱降，無復一人死難者，不亦辱乎？遂渡江，與晉師戰，敗績。諸葛靚招與俱去，不可，強之。悌垂涕曰：仲思，今日我死所也。且我爲童子時，卽爲君家丞相所知，常恐不得其死，負名賢知，今身殉社稷可矣。遂戰死。無何，晉龍驤將軍王濬以舟師抵石頭，萬衆望旗而降。數中數百人共屠嬖臣岑昏而譟，皓回縛輿轎，詣軍門降。先是大司馬陸抗疾病，上疏曰：西陵建平，國之藩表，旣處下流，受敵二境，若敵汎舟順流，舳舻千里，星奔電邁，非可恃援。他部此社稷安危之機也。臣父遜昔在西

番掌以爲言。臣得涉遜迹。見今西陵千里受敵。而上下
兵財數萬。羸弊日久。難以待變。臣死之後。願以西方爲
屬。後濬果以舟師伐吳。如抗言。皓至晉。面縛詣東陽門。
晉主賜衣服車乘。引見。謂之曰。朕設此座待卿久矣。皓
曰。臣在南方。亦設此坐以待陛下。賈充謂皓曰。聞君在
南方。鑿人目。剥人面。此何等刑也。皓曰。人臣有弑其君。
及姦回不忠者。則加此刑耳。充默然。甚愧其才俊如此。
故怙俊才。而不以懋德。適速禍也。諸葛靚與晉主有舊。
匿姊琅瑯王如家。就見焉。靚逃之廁。逼見之。靚流涕曰。
臣不能漆身皮面。復兄聖顏。誠慙誠恨。詔以爲侍中。固
辭不拜。歸。終身不向晉國而坐。
吳四主享國五十九年

論曰。孫吳以武烈忠果。長沙英毅。建國統而早世不終。
太主雄剛。忍事長於任使。哲矣。末乃耄怠。惑於讒。宗臣
裔嗣。終死不能自明。悲夫。夫惟忠臣危不替忠。蹇蹇自
靖。諸陸有之矣。

函史上編卷之二十九終

